

**HISTORIA  
NIGRAE SILVAE  
ORDINIS SANCTI  
BENEDICTI  
COLONIAE**

---

Martin Gerbert







**<36604523510011**

**<36604523510011**

**Bayer. Staatsbibliothek**

Gerbert

# HISTORIA NIGRÆ SILVÆ

ORDINIS SANCTI BENEDICTI  
COLONIÆ


A Sec. XIII. ad præsens usque tempus.


---

*TOMUS I.*



\*\*\*\*\*  
TYPIS SAN - BLASIANIS 1788.






# HISTORIA NIGRÆ SILVÆ

## LIBER VIII.

*Nigra Silva seculo Christi XIII. Ordinis  
S. Benedicti VIII.*



### I.



seculi XIII. potiore parte ex collisione sacerdotii & imperii perinde turbatus fuit ecclesiæ status, ac proxime antecedentibus temporibus pontificum electionibus mora iniecta, & obstacula Conciliis, quorum non pauca œcumenica fuerunt celebrata, veluti Lateranense IV. sub Innocentio III. an. 1215. in quo, quod monachos attinet sub regula S. Benedicti militantes, causa celebris Ioachimi Abbat-  
tis ex ordine Cisterciensi acta est, damnatusque eiusdem libellus contra Petrum Lombardum.

SECULUM  
XIII.

Status Eccle-  
siæ Romanæ.

Concilium postea œcumenicum indixit an. 1240. Gregorius IX. sed prælati certatim ex regionibus Genuam advecti, dum anno sequenti Genuensium classe Romam properant, ab Entio Friderici notho intercepti, plures aqua submersi perierunt. Acceleravit ea res mortem Greg. IX. eodemque anno, quo teste Parisio, *post multas disceptiones & diversa Schismata* Coelestinus IV. fuit electus, mortuus est, antequam in pontificem consecraretur. Friderico Imperatore captivos detinente Cardinales, tandem post

MART. GERBERTI NIG. SILVA T. II.

A

diutur-

SECVLUM  
XIII.

diuturnam sedis vacationem electus Innocentius IV. pro celebrando Concilio Lugdunensi Generali primo in Gallias profectus congressum celebrem cum Sancto Ludovico Galliarum rege habuit in monasterio Cluniacensi anno sequenti 1246. ut Pagius annotavit in Breviario Rom. Pont. quidquid alii de altero eorundem Conventu Lugduni statuunt apud Raynaldum. Pagius ex Msc. bibl. Vallicellanae chronico Cluniacensi frequentiam huius congressus describit, cui etiam Imperator Cyprianus adfuerit cum copiosa regis familia, magnoque praelatorum numero, clericorum item ac religioforum, ac militum; nec tamen propterea monachos dimisisse dormitorium suum, aut refectorium, aut monasterium, aut capitulum, aut infirmariam, aut cellariam, aut coquinam, aut aliquam de officinis deputatis conventui. Innocentii IV. Successor Alexander IV. multis sese argumentis propitium imprimis ordinibus religiosis exhibuit. Quem quidem Paulus Langius Benedictinum asserit in Chron. Cizicensi, tacente tamen vel ipso Trithemio.

Urbanus IV. qui fuerat Archidiaconus Leodiensis, dum ibi instinctu divino B. Iulianæ Corneliensis ac Evæ ad S. Martini Ecclesiam inclusæ solemnitas SS. Corp. Christi celebrari cœperat, postea pontifex factus ad ritum universæ ecclesiæ hanc solemnitatem transtulit an. 1264. De quo in ordine operis Dei Msc. San-Blas. sec. XIV. hæc leguntur: *Feria V. proxima post octavam Pentecostes celebratur festum commemorationis Corporis & Sanguinis Domini iuxta institutionem Domini Urbani IV. P.P. urbis Romæ &c. Ad mensam legitur privilegium Domini Urbani P.P. de institutione huius festi.*

Repullulare tunc alicubi videbantur errores de Eucharistia. De Hæresi Berengarii sibi imputata purgat se apud Clementem IV. magister quidam Parisiensis, ac si contenderet, Corpus Christi non esse vere in altari, sed sicut signatum sub signo, ut legere est apud Bulæum sec. V. Univers. T.III. p. 373. Paris. & apud Raynaldum ad an. 1267. ubi ex cod. Msc. Vallicellano affert epistolam obiurgatoriam pontificis ad Archiepiscopum Bremensem, quod Thidericum Bavarum Canonicum Hamburgensem virus eiusmodi spargentem inerter ferat.

Idem Raynaldus ad eundem annum n. 82. notat, Clementem IV. in viros religiosos beneficium monasterio Cassinensi, cuius Abbatem Bernardum Aiglerium Cardinalem creavit, omnes prærogativas & privilegia a Paschali II. collatas corroborasse: quæ postea aucta a Pontificibus passim cum monasteriis etiam nostræ plagæ sunt communicata.

Post

Post mortem Clementis IV. anno 1268. vacavit sedes Romana usque ad annum 1271. quo a Cardinalibus conclavi, custode Rayerio Gatto, inclusis electus est Gregorius X. in Palæstina absens, sub quo unio facta est cum ecclesia Orientali in numerosissimo Concilio generali Lugdunensi II. misso ad firmandam unionem in Orientem abbate Cassinensi: modus item positus ordinibus regularibus idemidem novis exsurgentibus: confirmataque electio Rudolphi I. Habsburgici Romanorum regis, qui, ut videbimus, pacem ecclesiæ reddidit, qua Gregorii etiam successores gavisi sunt usque ad simultates truculentas Philippi Galliarum regis cum Bonifacio VIII.

Hic S. Cælestino V. novi Ordinis sub regula S. Benedicti institutori successit, auspicatusque sequens sec. an. 1300. Iubilæum deinceps, quoties recurrerit, celebrandum instituit, ut tamen in institutionis bulla prodatur, se primum institutorem non esse.

II. Nihil vero ardentius, nihil studiosius actum est sec. XIII. a Romanis Pontificibus, quam Cruciatæ in terram sanctam. Quod ad negotium præcipuum præconem & antesignanum in Germania habuit vicinia nostra Abbatem cuiusdam Cœnobii de Ordine Cisterciensi, quod in Episcopo Basileensi positum, ipsumque Parisus appellatur, ut loquitur Guntherus monachus eius monasterii, qui ex ore Martini Abbatis sui scripsit historiam Constantinopolitanam; ipse enim in hac expeditione adfuit, ad urbem illam restituendam Alexio iuniori Isaaci depositi filio, qui se ad Philippum Suevum contulit, cui soror Alexii nupta erat, ab eoque impense commendatus Cruce signatis, quos ex Germania deduxerat Martinus conductos suis sermonibus ex terris his nostris. *Habuit itaque, ut Guntherus narrat, sermonem ad Clerum populumque in civitate sua, quæ Græco vocabulo Basilea id est regalis dicta est, in-celebris Ecclesia Beata Virginis Mariæ, ubi magna utriusque sexus novis excitata rumoribus convenerat multitudo. Audierant quippe iam dudum alias circumquaque provincias ad hanc Christi militiam celebribus prædicationibus excitari, in partibus autem illis nullus adhuc eiusdem rei fecerat mentionem. Narrat deinde frequentem professionem, legationem item Martini Abbatis, ac Sueffionensis episcopi ad Innocentium ob excommunicationem, qua percussi erant signati ob captam in Dalmatia Iaziram seu Iaderam: aliam item legationem pro auxilio in Castra peregrinorum, ut vocat, quos in Græcia versari acceperant, quamque suscepit cum alio quodam viro, Conrado scilicet Advocato de Swarzenberg, denique post expugnatam urbem reditum in patriam cum Sanctorum Reliquiis Basileam primum, ubi actis in templo B. M. V. Deo gratias Episcopo eiusdem urbis Lutoldo & aliis quibusdam*

Cruciatæ in  
terram San-  
ctam.

Apud Cani-  
sum ed. Bas-  
mag. T. IV.

Ibid. p. 6.

p. 11.

pag. 20.



SECVLUM  
XIII.

personis & ecclesiis eiusdem loci donaria sua satis liberaliter erogavit. Mansit autem in loco paucis diebus donec ei fratres sui, qui iam redditum eius acceperant, reverenter, ut dignum erat, occurrerent, cum quibus ipse, assumtis quoque aliis de civitate quam pluribus, qui eum gratissime prosequerentur, ad Parisiense monasterium egregie quidem, sed cum multa devotionis humilitate se contulit, ubi etiam toto fratrum Conventu tam ei, quam sacris, quas afferebat, reliquiis ad portam humiliter recurrente, in Nativit. S. Ioannis Baptista ante horam tertiarum triumphales illas sacræ prædæ manubias, gaudentibus cunctis & Deum corde & voce laudantibus, in ipsam invexit ecclesiam, & in ipso altari maiori, qua potuit, reverentia collocavit. Recensitis sacris reliquiis additur, factum actumque esse hoc anno Domini 1205. Dominica Incarnationis. Regnante Philippo Rom. R. presidente Sacrosanctæ Romanæ Ecclesiæ Innocentio summo Pontifice: sub Episcopis Lutholdo Basiliensi, & Heinricho Argentinesi. Innocentius III. is est, qui pro subsidio potissimum terræ sanctæ Concilium Lateranense IV. generale postea indixit an. 1213. celebratum an. 1215. Eius successor vero Honorius nihil non eam in rem egit apud principes, datis, quas Raynaldus refert, litteris, apud Fridericum II. Imp. imprimis tum epistolis, cum etiam coram colloquiis, missisque in Germaniam nuntiis. Ad an. 1226. refert in chron. Hirsabg. Trithemius Honorium misisse Conradum Portuensem pro cruciata in Germaniam, qui per Sueviam descensurus ad Coloniam, præsens monasterium Hirsauense in propria persona visitavit, quem abbas Eberhardus honorifice suscipiens humanissime per biduum curare studuit, & postea usque Spiram comitatus est. De Conrado hoc Nigra-Silvano, ex comitibus de Urach oriundo, deinceps nobis recurret dicendi occasio.

Eousque autem negotium hoc expeditionis sacræ provexit Gregorius IX., ut Fridericum votum expeditionis sacræ recusantem exsequi, etiam excommunicaverit. Cætera silentio prætereo, quæ eidem, dum postea in Syriam navigavit an. 1228. acciderunt post inducias anno sequenti cum Soldano initas. In Msc. Chron. rerum Argentorat. de quo mox plura, an. 1251. memoratur crux prædicata contra Tartaros, & an. 1248. contra ipsum Fridericum Imperatorem, & eius fautores.

Status Impe-  
rii Germanici.

III. Fridericum II. equidem adhuc pupillum fovit Romana sedes contra Ottonem Guelphum iura ecclesiæ Romanæ invadentem, vix adepta Romæ corona imperii post Philippum Friderici patrum ab Ottone de Witelspach occisum. Fuit hæc factio Guelphica Gibellinæ Hohenstaufforum Sueviæ ducum opposita, uti superiori seculo Friderico I. ita hoc deci-



decimo tertio Friderico II. contra Romanam sedem exsurgenti; atque in Italia præprimis, ubi potens erat Estensis Guelphica gens, maximarum turbarum fuerat causa. Apud nos vero Gibellina ducum Sueviæ ab exordio statim prævaluit. *Unde factum est*, inquit Conradus de Fabaria c. 7. de calibus monasterii S. Galli in Alemannia, *ut maiori pro parte principes Sueviæ Philippum sibi regem, ac si tutorem fratruelis Friderici adhuc infra annos degentis eligerent, in Sicilia sub tutoribus constituti. Cumque principum quorundam mens in facto tali opponere se vellet conamini, cum nec filium Henrici (Fridericum) vidisse se dixerint, monitu Dietbelmi de Crenkingen Constantiensis Episcopi & Augiensis Abbat*is, Philippus animatus regnum sibi usurpare aggressus, quos prius habuit dubios Sueviæ Barones, principes & comites, fidelissimos invenit & stabiles. Inter quos pia memoriæ venerabilis Pater noster Henricus, dum decertasset usque ad finem, Uodalricum tam regiminis loci huius, quam factionis erga Ottonis alterius partis electum reliquit. Qui post syrtes scopulosque procellosos bellorum velis secundis, dato remige fortibus antennis, iunctis sibi principibus regi fidelissimis, ultra fines Albæ fluvii Ottonem propulerunt.

Goldast. *Al-*  
*man. rev.*  
*T. I. P. I.*  
*p. 79.*

Conradus Urspergensis rem articulatim persequitur a seculi duodecimi fine, quo Philippus regnum accepit, ac super Mosellam quidem æmulum fugavit, caterum sedem regni non obtinuit. Anno Domini 1200. Pibilippus Alsatiā vastavit, & quasdam munitiones expugnavit. Anno Domini 1201. Philippus Argentinam obsedit, & eam in potestatem accepit &c. quæ sunt in vicinia Nigræ Silvæ gesta.

Miserat Innocentius III. in Germaniam ad conciliandos Philippum & Ottonem legatos, dum interim occiditur Philippus an. 1208. incredibile est, sunt verba laudati Conradi de Fabaria c. 8. de Cal. monast. S. Galli, *quanta perturbatio, quam ingens luctus cunctis regni principibus enerit, omnia confusa, omnis ordo perturbatus principum, Comitum, & tronum, cum de se quisque diffideret.* Otto ut sibi ministeriales Philippi conciliaret, duxit filiam Philippi uxorem, peragratisque partibus eni, advenit in Sueviam teste Urspergensi, cæpit autem prædonibus facinorosis terrorem incutere & iudicia super eos exercere potius indigne super eos per superbiam, quam amans iustitiam. Narrat porro re ad annum 1210. prima Friderici electione in imperatorem in Germania anno 1211. quum ipse esset Romæ, vidisse se ibidem virum religiosum abbatem de Morimunt, qui a festo S. Michaelis, sicut ipse asserit, usque ad quadragesimam, quinque vicibus transierat a Roma ad papam iussu Domini papæ, quatenus pacem reformaret inter papam & ratorem Fridericum,

SECVLUM  
XIII.

Huic anno sequenti, consentiente pontifice, iterum in imperatorem electo, anno proximo 1213. imperium adituro ex Italia in Germaniam advenienti Constantiam usque occurrit Otto in vicino oppido Uberlingen consistens, sed a multis derelictus, non ausus est conferere prælium. Iuxta Chronicon monasterii S. Georgii ad an. 1212. *Otto Imperator deponitur a papa Innocentio, & expellitur a Brisach. Fridericus Rex Siciliae occulte veniens in Teutonium eligitur a principibus in regem, & coronatur Moguntia & pacem faciens multos fecit decapitari.* Otto tamen adhuc, ut Trithemius ad an. 1213. loquitur, fiduciam habens in solo duce de Zaringen Bertholdo, descendit cum paucis ad imperiale oppidum Brisach, eventum rei præstolaturus. Fridericus autem, teste Urspergensis, auxilio comitis de Quiburg seu Kiburg, & aliorum, quibus ipse prædia imperii & paterna large distribuit, & obligavit, usque Basileam pervenit: ubi tunc Henricus de Veringen Argentinensis episcopus cum quingentis militibus ei occurrit: quorum & aliorum auxilio fretus per partes Rheni descendit, & civitates, ac terras, exceptis quibusdam castris paucis, in potestatem accepit: a Constantia nempe Moguntiam usque, ubi aliquamdiu consedit, magnumque principum conventum in festivitate S. Andreæ Apostoli celebravit, in quo præter Sifridum Moguntinum, Trevirorum quoque Archiepiscopus, teste Trithemio, simul & Argentinensis, Basileensis, Constantiensis, Spirensis & Herbipolensis episcopi, rex Bohemiæ, Landgravius Thuringiæ, comesque Palatinus Rheni homagium Friderico præstiterunt.

Trithemius anno 1219. alii sequente Fridericum corona imperii Romæ redimitum dicunt: abhincque simultates cum Romana sede, ingentia utriusque reipublicæ damna ac turbæ natæ, accusationum monstra, varia pontificum studia, mitia pacis subinde, alias severa etiam censurarum in Fridericum, a quibus tamen ante mortem absolutus ab Archiepiscopo Panormitano, ubi poenitens & contritus, inquit Matthæus Paris. ad an. 1251. *pro peccatis suis confessionem fecit plenissimam cum lacrymarum ubertate se Deo commendans & Ordini Cisterciensi, unde habitum Cisterciensium ante mortem, ut nobis suorum fidelium patefecit certa relatio, humiliter ac devote suscepit.*

Successorem reliquit Conradum filium regem Romanorum iam an. 1237. salutatum, paullatim tamen ab optimatibus imperii in nostris etiam derelictum terris. Innocentius IV. gratulatur in epistola ad Augiensem abbatem in nostra vicinia, quod captata opportuna occasione a Conradi partibus desciverit, ut ad an. 1248. refert Raynaldus n. 16. Hortatus etiam fuerat pontifex post Concilium Lugdunense an. 1245. ubi Fridericus depositus fuit, electores imperii, ut Henricum Landgravium Hassiæ

impe-

imperatorem eligerent. Studiose imprimis cavebant tunc temporis pontifices, ne imperium cum regno Siciliae coniungeretur, ad Carolum Andegavensem delato post mortem Manfredi an. 1266. dumque Conradi IV. filius Conradinus in suam perniciem occurrit, ut paternum Siciliae regnum recuperaret, captus an. 1268. cum Friderico Badensi Austriae duce, & decollatus est Neapoli ultimus Hohenstauficae in Suevia stirpis.

SECVLUM  
XIII.

In Ladislai Sunthemii monasteriologia Franconiae apud Oeselum extat Conradi huius seu Conradini charta primae impignorationis oppidi & castri Werd ad Danubium in Suevia factae an. 1266. ubi inter testes primus legitur Fridericus dux Austriae, is ipse, qui postea Neapoli fuit capite plexus matre Austriaca Gertrude uxore Hermannii VI. marchionis Badensis rectoris ducatus Austriae, cuius mortem ad an. 1250. reponit Schœpflinus in hist. Zaringo-Badensi; alius ergo est Hartmannus seu Hermannus de Baden, qui mox secundo loco inter testes occurrit in memorata Conradini charta post Fridericum, cum quo interiit senior Badensis domus stirps Hermannidum, sexto nimirum eius nominis ab Hermanno I. Bertholdi I. ducis Zaringiae filio, qui antequam Cluniacum concederet, ibidem an. 1074. mortuus & sepultus, Hermannum II. genuit ex Iuditha ex comitibus de Calw fundatoribus monasterii Hirsau-tiensis, in Nigra Silva familia prædiviti: unde forte ditio quædam illic terrarum Baden-sibus iam tunc accessit, veluti postea Hermannii V. tempore uxorio iure ad Marchiones Badenses devolutum fuit oppidum Pforz-heim, nec multo antea an. 1218. ex hæreditate Zaringensium, Bertoldo ultimo illius stemmatis defuncto sine prole, Brisgoia, quæ sese proten-: in Nigram Silvam. Quidquid vero præterea Zaringiae duces in Ni-gra Silva possidebant, Egeno seu Egino de Urach accepit Agneti sorori Bertoldi V. matrimonio iunctus.

Scriptor rer.  
Boic. T. II.  
p. 610.

V. Ad alteram Bertoldi V. sororem Annam, Ulrico Comiti de Kiburg tam, post mortem fratris devenerunt Zaringica Helvetiae bona, ex re-  
atu regni Burgundici. Ex matrimonio Ulrici Kiburgi comitis cum  
a Zaringica nata est Heilwigis mater Rudolphi Habsburgici, qui comi-  
etiam Kyburgico fuit auctus cum tot aliis, quibus gentem suam  
burgo - Austriacam cumulavit terris, strenuissimus heros primum in  
govia nostra prope monasterium S. Blasii aggressus juvenis adhuc iu-  
n Hugonem de Tuffenstein, post hæc patrum Gottfridum de Lau-  
rg apud Rauracos, ditionum suarum ampliandarum ibi terrarum tanto  
fior, quod interiecta esset ditionibus, quas amplas in Alsatia tene-  
Basilea urbs imprimis ceu media, cui prætextu etiam partium Fri-  
deri-

Tranquillitas  
Rudolphi  
Habsburgici  
electione in  
imperatorem  
restituta.

SECVLUM  
XIII.

dericianarum, ut prodit breve Innocentii IV. P. an. 1254. variis insidiabatur artibus, uti latius omnia in fastis Rudolphinis umus profecquuti, indicatis bellorum causis cum abbate etiam S. Galli, quem postea in suas partes contra Henricum de Novo castro episc. Basileensem traxit.

Quod vero ibi p. XXXIV. sumus coniectati, illum Kyburgicam ditionem non facile adeo in suam redeigisse potestatem, iam plenius, confusius tamen nonnihil, ediscimus ex chronico cœvo sub nomine Magni Ellenhardi civis Argentinensis editum Pragæ an. 1777. quod eum ducem militiæ civitatis Argentinensis celebrat p. 16. *secutum vestigia patris in tantum etiam, quod ipse solus timebatur per totam Alsatiæ & Sueviam, faciente tamen sibi civitate Argentinensi: prævaluit enim contra Petrum de Sauoi, qui divitiis & militia pollebat, expugnando castra sua Baden scilicet & Morsberg, castrum Kyburg & oppidum Winterdur, & comitatum de Kyburg sibi subiugando, ac comitem prædictum ad propria fugando &c.* Tum commemoratis aliis bellis cum comitibus de Tockenbourg dominis etiam de Regensberg, de Griesberg, & de Clingen, quos sub iugo suo posuerit, mox (præteritis silentio bellis cum San-Gallensi abbate & episcopo Basileensi, quam urbem imprimis, ut diximus, investasse, affectasseque visus est ad coniungendas ditiones Nigro-Silvanas apud Rauracos, & Allaticas, a) quamve obsidens Imperator fuit renunciatus) diem coronationis perperam ad IX. Kal. Novembris refert, id est primo mense suæ electionis factæ ab Archiepiscopo Colonienſi, Engelberto scilicet; qui ipse in relatione facta ad Gregorium X. P. diem apostolorum, Simonis nimirum & Iudæ, designat. Extant chartæ Wernerii Moguntini & Henrici Trevirensis Archiep. quibus de expensis in electione & coronatione Rudolphi factis cavent, Rudolpho Imperatori ob sumtus bellorum, necdum confecto Basileensi, instantibusque aliis, de quibus mox post coronationem instauratis pergit chronista Argentinensis: *post hæc reversus ad terram Alsatiæ, & post modicum tempus collecto exercitu expugnavit, arridente sibi fortuna, fortissima castra, & oppida Mullenberg, Crezingen, & Durlach ac totam terram Sueviæ ex alia parte Rheni, quæ erat marchionis de Baden, & orta fuit pax magna per Germaniam a montibus Italiæ usque ad lacum Anglicani maris.*

Hæc ille antequam res Rudolphi contra Ottocarum regem Bohemiæ imperii æmulum prosequeretur, apud Romanam sedem ob bella contra in-

a) Coniecimus in Fast. Rud. p. PIII. Rudolphum ideo Cononi de Bergheim vendidisse arcem Limper, ubi natus fuit Rudolphus, quod esset ad extremam oram superioris Alsatiæ, in qua provincia idem Cuno postea fuit Rudolphi nomine Satrapa seu Advocatus (Landvogt), ut palam sit ex instrumentis a Lud. Car. de Berckheim huius familiæ mecum communicatis, quæ etiam Schœpflinus citat Tom. II. Alf. illustr. pag. 560. 699.



infideles suscepta gratiosum. Nihilominus Lugduni in consistorio Cardinalium sub ipsum Concilii generalis tempus, ad quod Othonem præpositum S. Guidonis Spiræ legatum miserat, rati habuit Gregorius X. P. electionem Rudolphi, missis iam prius ad Alphonsum Castellæ regem, ut Mariana refert, nunciis, atque etiam Lausannæ ipse colloquium habuit cum Rudolpho, dum frustra conciliare omni conatu eidem studuisset pontifex Ottocarum Regem Bohemiæ: quo devicto maximam sibi gentique suæ Habsburgicæ gloriam est adeptus, ut Fast. Rudolph. sumus prosequuti, atque etiam consequenter pacem & tranquillitatem suam utrique reipublicæ restituit iam a seculis concussam. In iisdem Fastis Rudolphinis narravimus, quæ res Rudolpho fuerit contra personatum Fridericum, qui nempe se finxit Fridericum II. Imp. quem an. 1250. disparuisse nonnulli chronistæ, atque inter hos etiam Petermann Etterlin in chron. Helvet. ad an. 1250. asseruerunt. In Msc. cod. ex quo editum est chron. Argentinenf. sub nomine Magni Ellenhardi, eo nempe curante conscriptum, nomen personati Friderici II. exprimitur, de quo retulimus ibidem, quod fuerit a Rudolpho *exustus Theodoricus Holzschuoe, qui finxit se Casarem. Et idem rex Rudolphus regnavit XVIII. annis & obiit in divisione Apostolorum.* Ad mortem usque Rudolphi coronationis Romanæ solemnitas fuit agitata: quam in rem edimus Honorii IV. P. an. 1286. ad principes ipsumque Rudolphum litteras, aliasque indigitat Raynaldus etiam Nicolai IV. an. 1289. sed Rudolphus antecessorum periculis cautus, non cunctari quidem videbatur; nec tamen, dum vixit, Germaniæ tantam securitatem reddere potuit, ut in tuto positis rebus imperii Germanici, Italicis ipse suscepto itinere pro dignitate prospicere posset: vel hoc ipso de patria eo amplius meritis, pacis publicæ stator.

Et si vero, quod promeruerat, obtinere haud potuerit, ut Alberto filio, quem ducem Austriæ cæterarumque Ottocaro extortarum provinciarum constituerat, statim post mortem imperium deferretur: id tamen hoc adhuc sec. XIII. cuius anno nonagesimo primo obierat Rudolphus, est consequutus, superato Adolpho: qui, ut laudatum perhibet Ellenhardi chron. ad 1295. *suscitavit Barones & nobiles Austriæ contra dominum Albertum ducem Austriæ, ut attraheret sibi ducatum Austriæ.* Mox ad an. 1296. ab eo constitutos in vicinia nostra perhibet Adolphum Thebaldum Comitem Pferretarum Alsatiæ, Hermannum de Geroltzeke trans Rhenum Advocatos, qui postmodum unacum domino Bercheim seniore in odium domini Conradii Argentinenfis episcopi & civitatis Argentinenfis totam terram Alsatiæ citra & trans Rhenum multis affecerunt damnis & iacturis: hoc videntes,

SECOLUM  
XIII.

pergit, dominus Conradus Argentinensis episcopus & cives Argentinenses; Domini de Lichtenburg, & de Obsenstein, Landgravi Alsatie, Comites de Friburgo, de Liningen, Geminipontis, videntes etiam fatuitatem domini regis, ac oppressi insolentiis suorum advocatorum, & præcipue causam dabat dapifer de Rinberg, Advocatus imperii in Spirgauræ, conspirarunt cum domino Moguntino Archiepiscopo adversus regem & suos: qui quidem dominus Archiepiscopus de consensu principum electorum imperii, dominorum videlicet Bobemorum regis, ducis Saxonie, & marchionis de Brandenburg, dominum Albertum ducem Austrie ad certum vocavit terminum, ut certa die in Moguntina civitate compareret, exigentibus delictis domini Adolphi regis ipsam electurus in regem Romanorum.

Narrat porro, ad præstitutum terminum adfuisse principes præter Trevirensis archiepiscopum & ducem Bavarie Palatinum, vocatumque etiam Adolphum; Albertum vero cum exercitu disposita Austrie provincia processisse usque ad fluvium Rhenum in civitatem Waldshut Alpegovie nostræ, Adolphum vero venisse Brisacum, quum adhuc Albertus apud Waldeshut fuisset, volentem ei præcludere viam, ne veniret Argentinam. Ex adverso Conradum Argentinensem episcopum cum decem millibus pugnatorum tam equitum quam peditum Alberto obviam adfuisse usque Friburgum, cui Adolphus exercitu in Alsatia collecto occurrerit usque Kenzingen, declinasse tamen pugnam, dum Albertus cum episcopo Argentinensi Friburgo ad dictum oppidum Kenzingen processisset, consistens ex adversa parte fluvii qui dicitur Elzahe: adveniente vero termino electionis iter Moguntiam instituisse. Ubi nempe an. 1298. in vigilia B. Ioannis Albertus electus est Romanorum rex, deposito Adolpho ac postea in prælio prope Wormatiam occumbente.

242. 62.

Notavit Schannatus in præfatione collect. II. Vindemiarum liter. ex chron. Dietheri de Helmeſtat, qui sui temporis eventus præcipuos annotavit, post victoriam Gerardum II. Archiepiscopum Moguntinum & suos fautores in Alzeia oppido non super scutum, ut teste Phil. Cluverio mos erat antiquis Germanis, sed super dolium levantes in regem sublimasse Albertum. Perhibet Ellenhardus noster, Adolphum in animo habuisse, si Albertum vicisset bello, quod ipsum primo & principaliter, deinde dominum Conradum (Argentinensem) & dominum Henricum Constantiensem episcopum voluit, ut igne cremaretur.

Dynasta Ni-  
græ Silvæ  
præcipui.

V. Sunt hi præcipui, ut subinde notavimus, Nigræ Silvæ hierarchæ; comitum vero de Friburgo, quos idem Ellenhardus eadem occasione cum Conrado ep. Argent. & aliis Alberto addictissimos commemorat,

nos

nos iam superiore libro maternam stirpem prodidimus comitum de Urach, ex quibus Friburgenses & Furstenbergenses sunt prognati, præcipui sec. XIII. Nigræ Silvæ dynastæ, rebus aucti ex hæreditate Zaringica an. 1218. relictis duobus Bertoldi V. generis Ulrico comite de Kiburg, & Egenone de Urach.

Passim in monumentis seculi XIII. occurrunt Egon, Egeno, Eginocomites de Urach pater & filius, senior & iunior, nequaquam confundendi cum Egenonibus comitibus de Urach, de quibus libris proxime antecedentibus in historia sec. XI. & XII. locuti sumus; ut tamen Eginos senior, de quo nunc agimus, nuptiis, forte dimidiam partem comitatus Uracensis in Wirtembergia obtinuerit, quam postea iterum annis 1254. & 1265. Ulrico comiti de Wirtemberg vendidit Henricus comes de Urach, Dominus in Fürstenberg, qui proximior est sator comitum de Furstenberg, Egenones autem avus & pater, quorum ille an. 1235. hic an. 1236. obiit, primi, de quibus constet, gentis Furstenbergicæ progenitores, qui simul iuncti iam occurrunt an. 1206. ut Oswaldus Gabelkover Archiater ducis Wirtembergici in opere Msc. de Familiis Germaniæ illustribus ab an. 1091. — 1603. annotavit. Unde facile coniicitur, quem idem reperit Egenonem a Friderico I. Imp. an. 1181. & ab Henrico VI. Imp. 1196. alibique nominatum Egenonem comitem de Urach, seniore illum fuisse iunioris patrem vulgo Barbatum dictum.

Hic, quem diximus obtinuisse dimidiam partem comitatus Uracensis in Wirtembergia nuptiis forte per uxorem primam Uracensem, in Necrologio tamen Amtenhufano iam an. 1186. cum Agnete Zaringica matrimonio iunctus dicitur; eius filius vero dominus in Freiburg an. 1215. uxorem habuit Adelheidem de Neüffen. Extant ad eum apud P. Herrgott Conradi II. ep. Constant. literæ an. 1229. cui sententiam suam inter monasterium S. Blasii & dominum de Gepfingen ob ecclesiam in Uttenwiler approbandam transmisit, uti palam fit ex litteris eiusdem Eginonis comitis de Urach & domini in Friburg, ut se nominat ad eundem episcop. anni 1225. quas edimus, chartam item incerti anni in qua inter testes occurrit Rudolphus de Urach Eginonis frater monachus in Bebenhufen. Aliam chartam laudatus Gabelkoverus notavit anni 1228. qua Egeno senior cum consensu filiorum Egenonis, Rudolphi, & Berchtoldi eidem monasterio Cimberbuch donavit.

Iam tunc mortuus erat anno proxime antecedenti 1227. Conradus episcopus Portuensis Cardinalis S. R. E. de quo infra, & Bertoldus abbas Tennenbacensis non confundendus cum Bertoldo, qui in diplomate lau-

SECVLUM  
XIII.

---

dato memoratur, fuitque frater Laicus ordinis Prædicatorum in Eßlingen, ad cuius monasterii foundationem an. 1220. portionem suam dedit mortuus an. 1240. Rudolphus vero itidem memoratus in instrumento Bebenhusano, ubi monachus fuit, Conrado fratri fundum donavit pro monasterio Stein infra Urach, quod ipse demum consummavit, præsens etiam tractatibus cum comite de Wirtemberg super Urach & Wittlingen annis 1228. 1245. 1254. Quæ an. 1254. transacta fuerunt inter Henricum de Furstenberg & Ulricum de Wirtemberg, iis consensum præbuit Bertoldus comes de Urach ultimus familæ comitum de Urach, cuius meminimus libris proximis, eiusque ditiones post mortem an. 1260. ad comites de Wirtemberg devenerunt. An. 1236. cum uxore Agatha curiam in Raitwang donavit monasterio Bebenhausen, in sigillo insidet equo galeatus, ante se habet scutum Uracense inscriptum *sigillum Bertoldi in Urach*.

Notat Gabelkover ad memoratum instrumentum Bebenhusanum anni 1228. chartæ illi insignia seu scutum comitum de Urach unum idemque omnium appendi, sed non exprimit quale illud sit, an Leo saliens, quale antiquum chronicum Spirense ad annum 1105. exhibet in insigniis Gebhardi comitis de Urach episcopi Spirensis, ut me docet Cl. Car. I. F. Dœpferus Archivarius Furstenbergicus, an aquila Furstenbergica, qualis in Mausolæo Egenonis iunioris Tennenbaci comparet, constanterque in omnibus monumentis Furstenbergicis eodem teste maxime idoneo archivista Furstenbergico. Is ipse inde, quod insignia comitum Uracensium, nempe Leo saltans, & Furstenbergensium, aquila alis expansis, omnino diversa sint, manifestum facit, materno tantum Sanguine hos ex illis descendere: etsi ea etiam in sententia sit, comites de Furstenberg titulum de Urach communem habuisse ex castro eius nominis in Wirtembergia cum familia comitum de Urach, ex qua postremus Bertholdus defunctus est an. 1260. quo ipso Richardus R.R. Ulrico comiti de Wirtemberg feuda ex morte Bertoldi relicta concessit. Agnoscit nihilominus laudatus Dœpferus, comites hos de Urach etiam in Nigra Silva habuisse possessiones, & quidem haud procul a turri, quæ etiamnum Alturach vocatur prope Lenzkyrch in dynastia huius nominis, propingua valli Uracensi, cui nomen dat rivulus cognominis; quæ vero longius dissita est nequaquam confundenda cum castro in Wirtembergia ad Alpes Sueviæ, Ura seu Urach appellato, de quo gentilitio comitum de Urach superioribus libris sumus locuti: quod colligitur ex transactione, quam edimus, inter Eberhardum de Lupfen & Egenonem III. de Friburg an. 1296. facta, in qua limites emtarum tertiæ partis possessionum a Bertoldo de Ura iidem designa-



signantur, qui postea in instrumento emptionis an. 1365. dynastiæ Lenzkirch ac turris *Ura* occurrunt. Possessiones vero comitum de Urach in Wirtembergia probat ex iam memorato instrumento an. 1236. quo idem Bertoldus monasterio Bebenhusano donat curiam, quam habuit in prædio suo, quod *Reidewant* seu Raitwang nominatur; item ex instrumento permutationis Ulricum comitem de Wirtemberg inter & Henricum de Furstenberg an. 1254. in quo viduæ Bertoldi vitalitium ex monte Tettingen prope Urach in Wirtembergia constituitur. Instrumentum hoc ex commentariis sæpe citati Oswaldi Gebelkoveri archiatri Wirtembergici mecum communicavit laudatus Dœpferus, quo Henricus de Furstenberg, accepto in cambium castro Wettlingen sito in Alpibus supra Urach, Ulrico comiti de Wirtemberg donat *castrum Urach dimidium, vassallos, parte dimidia tantummodo sibi reservata, & insuper ei donavit dimidiam partem omnium, quæ habet inter clivum, qui vulgari-ter vocatur Slattersteige, & castrum Urach, & comititiam, quam habet ex hereditate materna, dimidiam dedit.* Quæ omnia in Wirtembergia sunt, firmantque passim a nobis dicta de assumpto titulo comitis de Urach a castro Wirtembergico.

Paullatim res suas ampliarunt sec. XIII. comites de Wirtemberg caputque extulerunt. A fine sec. XII. in chartis notatur Ludovicus & Hartmannus, idem forte, ut Sattlerus in historia topograph. Wirtembergiæ coniicit, qui in dipl. Friderici II. an. 1216. Hermannus scribitur, citatque ex Duellii hist. ord. Teut. Hartmannum in charta an. 1214. item an. 1227. iamque etiam apud Lunig. occurrit an. 1209. in Italia cum Ottone IV. Ludovicus eius frater apud laudatum Sattlerum notatur an. 1208. ex cuius filiis Henricus medio sec. XIII. episcopus Aistensis fuit; Hartmannum vero seniore & iuniore idem Sattlerus hoc sec. XIII. distinguit, atque in scenam producit etiam Conradum secundum, cuius nepotes rerum potiti sunt ex sorore filia Hartmanni senioris, Ulricus *cum pollice* appellatus & Hartmannus iunior, qui in comitatu Chroningano resedit, teste Trithemio in chr. Hirs. ad an. 1280. Ulricus vero in Wirtembergia cognominem filium habuit Ulricum & Eberhardum, qui illustris salutatus bellicosus a Rudolpho R. R. iterato Studgardii obsessus in ordinem est redactus. Sattlerus Ulricum iuniorem & seniore non distinguit, dum iam memoratam a nobis commutationem dimidii comitatus Uracensis inter Henricum de Furstenberg & Ulricum de Wirtemberg factam commemorat; ita ut reliqua pars eiusdem comitatus an. 1265. eidem Ulrico emtione accesserit. Retinuit nihilominus Henricus

pag. 33.

Spicil. eccles.  
T. III. p. 848.

pag. 34.

pag. 147.

SECVLUM  
XIII.

titulum continetque eum adhuc sigillum appensum in diplomate Horbenfis oppidi, quod in auctario diplom. cod. epistol. Rudolphi I. R. R. edimus anni 1270. his verbis in alia quoque eiusdem anni charta expressis *Sigillum comitis Hainrici de Urach, domini in Furstenberg*, postquam iam dudum ex divisione ditionum Zaringicarum post mortem Bertoldi V. an. 1218. huic illustrissimæ familiæ accessisset Friburgum Brisgoiæ, Villingen cum multis dynastiis, & quidem in Nigra Silva, Haslach, Dornstetten, Oberkyrch, Hausen in valle Kinzingana. Divisionem hanc breviter Matthias Neoburgensis ab Urstifio sub nomine Alberti Argentinenfis editus explicat his verbis: *Mortuo autem tempore Friderici Berchtoldo duce Zaringiæ an. 1218. Calendis Maii uni sororis de Kiburg cessit illud dominium in Burgunden: alteri Egenoni cum Barba comiti de Urach cessit inferius dominium: quo mortuo, cum reliquisset duos filios, scilicet Chunradum seniore, cui cessit dominium in Brisgaugia, & Egenonem, cui cessit dominium in Suevia, a quo comites de Furstenberg processerunt. Chunradus vero comes Friburgensis moriens reliquit duos filios Egenonem seniore, cui cessit dominium Friburgense, & Henricum, cui cessit Neuwenburg, & Badenwiler. Congruit charta divisionis paternæ & maternæ inter Egenonem & Henricum fratres an. 1272. apud Schoepflinum subscribunt Grave Ruo von Habeschburg, Grave H. von Furstenberg, und C. der Senger von Lichtenberg, Grave C. von Friburg, Tumberre ze Kostenze, und die vier und zwanzig von Friburg.*

Cod. prebat.  
Hisor. Zarin-  
go-Bud. T.V.  
p. 253.

Henricus conditor comitum de Furstenberg, ea in arce sedem fixit, auctus a Rudolpho I. an. 1283. Landgraviatu Barenfi, quam cum cæteris Nigræ Silvæ possessionibus, præterquam quæ Conradus Henrici frater Friburgi persistens, a quo comites de Friburg descendunt, retinuit in divisione bonorum. Henricum Rudolphi I. R. R. vicarium Romandiolæ in Fastis Rudolphinis sistimus, epistolas Rudolphi eam in rem in Cod. epist. obiit an. 1284. Egenonis nomen perseveravit per secula in utraque Ura-  
censi illustri familia comitum de Friburg & Furstenberg. De his mox plura, ubi de Friburg & Villingen agemus.

p. 94. Sc.  
p. 110. Sc.

Memoratu digna est conventio, quam vulgamus anni 1296. inter comitem Egenonem de Friburg & Eberhardum de Lupfen circa terras Bertoldi de Ura ab Egenone emtas, quarum fines articulatim recensentur. Nobiles de Lupfen a castro Sueviæ supra Thalam dicti Hohenlupfen in pago Bara seculo XIII. inter præcipuos dynastas Nigræ Silvæ numerantur. Incunte secul. XIII. apud laudatum Sattlerum Bertoldus  
de

pag. 342.

de Lupfen momoratur cum filiis Ulrico canonico Augustano, Bertoldo, Eberhardo, Henrico & Hugone. Edimus præstantissimum Theotiscum an. 1251. instrumentum infeodationis factæ Heinrico de Lupfen super castro Stuhlingen in Alpegovia Nigræ Silvæ nostræ meridionali. Eodem an. 1251. Bertoldum & Eberhardum de Lupfen fundasse cœnobium monialium Gnadenzell apud Offenhufam P. Sulger testatur, passimque in chartis apud P. Herrgott post medium secul. XIII. leguntur ex hac familia illustres viri. Nobili viro Eberhardo de Lupfen an. 1259. cum permissione Bertoldi abb. S. Galli Henricus de Gruemben feuda San - Gallensia tradidit: quod iterum an. 1271. inter eosdem firmatum est. An. 1277. arbitris Hugone de Almenshofen & Colmano de Friburg inter Eberhardum de Lupfen, Henricum, Albertum, & Iacobum de Falkenstein sic componitur, ut bona in Seckau, Mulman, & Balzhufen Eberhardo de Lupfen cesserint pro 15 marcis argenti & remissione nexus feudalis. An. 1294. Henricus de Lupfen vendidit cognato suo Eberhardo de Lupfen partem suam oppidi, castri & comitatus Stuelingensis in Alpegovia nostra, partem item iuris feudalis super Lupfen, ac ius hereditarium in Almuth, Aichheim & Lottstetten &c. quæ sunt in pago partim Alpegoviæ, partim Cleggoviæ dynastiæ Tiengensis, quæ successu temporis ad comites de Sulz pertigit dynastas Nigræ Silvæ ad Nicrum Fluvium.

Mentio paullo post occurret Walteri inter episcopos Argentoratenses, qui fuit filius Walteri de Geroldseck, qui inter alia dominium in Sulz post mortem, quam oppetiit an. 1277. Henrico filio reliquit, comiti Valentiniæ in divisione tunc cum filiis Hermannii, qui in prælio apud Argentoratum pro fratre Waltero ep. Argentorat. an. 1262. occubuerat. Obtigit autem Henrico memorato simul cum ditione Sulz Hohen - Geroldseck in Ortenavia & advocatia monasteriorum Ettenheimmünster & Schuttern in Brisgoia &c. Moriens is an. 1298. inter filios reliquit Walterum conditorem lineæ Sulzensis familiæ comitum de Sulz iam collabentibus rebus. In historia Pragmatica huius familiæ an. 1766. ed. præter recensita alia etiam dominia in Nigra Silva recensentur, inter instrumenta vero ad an. 1275. filius & nepotes Walteri I. notantur.

In memorata charta an. 1272. divisionis paternæ hæreditatis inter Egonem & Henricum comites Friburgenses legitur *Her. Eb. von Lupfen, Grave H. von Sulz*, iam an. 1141. Alewicus comes de Sulzo testis adscribitur in Conradi III. charta transactionis inter ecclesiam Basileensem & monasterium S. Blasii apud P. Herrgott ad an. 1267. occurrit Hermannus Dei gratia comes de Sulze, E. de Sulz archidiaconus Argentinen-  
nensis

SECULUM  
XIII.

*Annal. Zwi-  
fult. P. I.  
p. 205.*

*Cod. probat.  
Geneal. Habs.*

pag. 9.

pag. 36.

*Cod. probat.  
Geneal. Habs.  
num. 220.*

SECVLUM  
XIII.

Besold. Do-  
cum. redic.  
P. I. p. 150.  
255. 459.

nenſis patruus ſuus. An. 1278. Hermannus comes de Sulze villam Hopf-  
ſow monaſterio Alperſpacenſi vendidit, quod haud procul abeſt ab op-  
pido Sulz ad Nicrum. Apud ſæpe citatum Sattlerum inter alia p. 409.  
notatur an. 1284. Henricus de Geroldſek a Rudolpho primo obtinuiſſe  
privilegium civitatis in Sulz.

Ibi terrarum comites de Hohenberg potiffimum dominabantur, ſeculo  
hoc XIII. imprimis illuſtres connubio Annæ de Hohenberg, & Haiger-  
loch cum Rudolpho Habsburg. R. R. de qua in Faſtis Rudolph. & libro  
ſingulari *de translatis Habsburgo - Auſtriacorum principum Cadaveribus  
in monaſterio S. Blaſii* an. 1770. ex Helvetia, Kœnigſfelda & Baſilea, ubi  
Anna præcipuum novæ San-Blaſianæ cryptæ Habsburgo - Auſtriacæ de-  
cus cum filio Carolo ſepulta fuit, numeroſæ illius proliſ, quæ brevi  
tempore imperii Germanici electorum toros, thronumque Cæſareum a  
fine ſeculi XIII. ad noſtra uſque tempora ornavit, mater. Gertrudis dicitur  
adhuc in diplomate, quod edimus, Germanico, Aquisgrani vigefimo quin-  
to Octobris, poſt tres dies in feſto apoſtolorum Simonis & Iudæ cum  
Rudolpho ibidem coronata, mutato ſcilicet, quod ſolemne fuit, nomine,  
ut citatis oſtendimus locis. Illud etiam indubium iam eſt ex chartis mona-  
ſterii ſeu Cellæ B. M. V. in Nigra Silva an. 1271. Gertrudem hanc ex pro-  
ſapia comitum de Hohenberg fuiſſe oriundam, nempe ſororem Alberti,  
Burchardi & Ulrici, qui in chartis illis nominantur, atque in priori, quam  
ex archivo Bad - Durlacenſi edidimus, ut teſtes ſubſcribunt poſt Conradum  
de Friburg, & Henricum de Furſtenberg, quos avunculos ſuos vocat Ru-  
dolphus. Burchardum patrem Annæ in Faſtis Rudolph. prodidimus alium  
a cognomine apud P. Herrgott & Beſoldum, qui an. 1201. obiſſe dicitur.  
Rudolphus, Hugo, Henricus comites de Hohenberg occurrunt in chartis  
an. 1291. & iterum 1330. An. 1253. Bertoldus comes de Hohenberg  
iſtus fulmine periſſe dicitur, frater Alberti, qui an. 1271. reædificavit  
oppidum Rotenburg, ut appellare voluit, quod an. 1112. terræ motu  
& aquarum inundatione perierat Landort, ſeu Landſcron prius dictum,  
ad Nicrum in comitatu Hohenbergenſi inferiori. Comitatus hic & fa-  
milias nomen habet a caſtro Hohenberg, cuius rudera hodieque conſpi-  
cua ſunt haud procul a Rottweil in comitatu ſuperiore Hohenbergico.

Theſ. Anted.  
T. I. p. 1168.

Cum præcipuis Nigræ Silvæ dynaſtis comit. de Habsburg & Baden in  
charta Rudolphi R. R. an. 1281. apud Martenium Burchardus de Ho-  
henberg & Henricus de Furſtenberg cum aliis pluribus ſubſcribunt. In  
inſtrumento pacis Rudolphum R. R. inter & Eberhardum comitem de  
Wirtemberg anni 1286. quod edimus, occurrit Burchardus de Hon-  
berch, ſeu Hohenberg, quem alium a cognomine patre Annæ uxoris

Rudol-



Rudolphi notavimus in auctuario diplomat. cod. epist. Rudolphi I. R. R. SECVLVM  
XIII.  
itemque in Fastis Rudolphinis occasione diplomatis oppidi Horbæ, quod  
fuit comitibus de Tubingen sec. XIII. oppignoratum. a)

a) pag. 225.

Notatur in chronico Fr. Christiani Tubingi apud Sattlerum b) an. 1284. b) *Cap. II. n.*  
Hugo Palatinus Tubingensis cum filiis suis Othone & Ludovico in Hor- *9. pag. 14.*  
wa, ad Nigram Silvam paucis ab oppido Calwe leucis, unde comites fun- *Historie von*  
datores monasterii Hirsaugienfes sunt appellati, & ipsi inter primores Nigræ *Wurtemberg.*  
Silvæ dynastas connumerandi. Ex his ineunte sec. XIII. Henricus Au- *P. IV. p. 391.*  
gientis abb. de S. Pirminio scripsisse apud Mabillonium notatur. c) In char- *c) In Act. Ord.*  
ta Egenonis comitis de Furstenberg an. 1290. quæ Francofordi edita est, *S. Bened. sec.*  
an. 1721. in vernacula *notitia nobilitatis*, plures nobiles Nigræ Silvæ fa- *III. P. II.*  
miliæ occurrunt inter novem, quos iuratos promissorum urbi Villingen *pag. 136.*  
factorum adducit: *dis sint der vorgeanter niene Namen, min Bruder*  
*Grave Friderich von Furstenberg, mine Obeime Friderich Brune von Horn-*  
*berg, Hainrich und Cunrat von Bluemnegge, Hug von Schultegge, und Jo-*  
*hannes sin Sun, Brune von Kiurnegge, und Iohannes sin Petter v. Kiurnegge.*

Distinctæ sunt familiæ de Hornberg, & Horneck in Nigra Silva.  
Nobiles de Hornberg, ex quibus apud Besoldum d) Arnoldus de Horn- *d) In Menum.*  
berg ad an. 1191. notatur, præter mox memoratum instrumentum in *rediv. ed. nov.*  
monumentis nostris sec. XIII. nusquam reperi, deinceps vero in vicina *T. I. p. 219.*  
Helvetia & Brisgoia. Henricus de Hornberg commendatori S. Ioannis  
in Luggeren ad Arolam fluvium haud procul a Confluentia in Rhenum  
prope Waldshut, dedit feminam ligiam an. 1322. An. 1359. Ioannes de  
Hornberg in monasterio Oberriedensi Ord. S. Guilielmi vitam monasti-  
cam duxit. An. 1370. Henricus de Horneck in transactione inter Hugo-  
nem de Furstenberg & Walterum von der Dicke ex una parte, & Henri-  
cum ac Georgium ex altera, circa munitiones castrorum Hohengerolds-  
eck & Schiltach vadem se præstitit pro Henrico de Geroldseck, eodem-  
que anno pro eodem de Geroldseck dicto de Tubingen Hammann de Horn-  
eck. An. 1376. Volmarus de Horneck dominus, an. 1398. Ioannes, & Bru-  
no de Horneck condomini in Horneck notantur. Quomodo sec. XV. ca-  
strum cum oppido & dynastia Hornberg ad comites de Wirtemberg deve-  
nerint, libro superiore notavimus. Fridericus & Matthias de Hornberg fra-  
tres quum dissiderent cum quibusdam nobilibus Turicensibus, eorum pro-  
pe Nigram Silvam bona Schafhusenses sunt depopulati, pace reddita an.  
1403. Henricus de Hornberg in Conc. Constantiensi an. 1416. loco Fri-  
derici de Zollern depositi suffectus est abbas Augiensis, nec tamen nisi  
mortuo Friderico abbatia potitus est, post mensem ipse defunctus. Fridericus

SECVLUM  
XIII.

de Wartenberg ad infulam Augiensem ex monasterio S. Blasii evocatus an. 1428. Fridericum etiam de Hornberg ad professionem admisit cum aliis; uti & Eberhardum de Kyrnegg. Ioannes vero de Kyrnegge testis comparet in charta, qua Bertoldo de Gressekon prædium in Wettelbrun Brisgoiæ vendiderunt Dietricus & Ludewicus de Berne an. 1289. Frequenter admodum nobilissima familia de Blumenegg in documentis San-Blasianis occurrit inde a fine sec. XIII. quo Chunradus de Bluomenegge miles ab abbate S. Blasii quorundam bonorum advocatus electus, ea pro viribus suis defensurum adpromisit in castro suo Thannegge an. 1294. & 1295. Idem forte Conradus mediatorem se exhibuit inter Diethelmum abbatem Augiensem & Henricum comitem de Furstenberg an. 1320. obfide dato Lutoldo de Krenckingen cum Nicolao de Kenzingen canonico Constantiensi, & Ioanne eius fratre. Occurrit eodem tempore Diethelmus de Krenckingen in charta, quam mihi significavit L. B. de Zurlauben servari in arce Nobilium de Heideck in superiore Argovia, vicina castro Liel, unde nobilis familia perinde nomen habet, simulque in charta Rudolphi senioris de Habsburg an. 1243. Henricus de Heidecko, & Walterus de Liela testes notantur. Henricus de Heidecko habetur quoque inter testes iam 1210. in charta Rudolphi comitis de Habsburg, apud Tschudium. a) T. I. p. 110. Deinceps autem Heideckii in Nigram Silvam commigrarunt, vicini dominis de Blumeck & Krenckingen.

Ex familia hac de Blumeneck, cum nobilissimis de Sulz, Lupfen &c. sanguine iuncta, Rudolphus uxorem habuit Sophiam filiam Lutoldi de Krenckingen an. 1364. Quæ familia iam sec. XII. in monumentis San-Blasianis frequens occurrit, ineunte seculo XIII. tam ampla & potens, ut in charta San-Blasiana an. 1202. Burchardus miles Lutoldi de Krenckingen ministerialis notetur. Transactioni quoque inter Rudolphum comitem de Habisburc & abbatissam Seconiensensem ob castra & oppidum Loufenberg astitit Cunradus de Chrenckingen an. 1207. Idipsum an. 1262. Henricus de Krenckingen ab Ottone episc. Const. in feudum accepit, quod an. 1413. Dietric de Krenckingen iterum domino suo directo vendidit, situm in finibus Alpegoviæ nostræ Kleggoviam versus, ubi castrum Wisenburg eiusdem familiæ ramo nomen dedit, ut habetur in charta apud P. Herrgott. b)

b) Gen. Habs.  
T. II. P. pag.  
210.

Eadem poro sunt insignia nobilium de Krenckingen & de Wisenburg monasterii Rhenaugiensis advocatorum. Unde Diethelmus in sigillo de Krenckingen scribitur, qui, uti & Fridericus frater, in charta an. 1295. de Wisenburg domini in Roggenbach appellantur; ita vero, ut divisa familia, ii qui castrum Krenckingen inhabitant, se de Krenckingen appellarent,

rint, qui vero castrum Roggenbach, sese dominos de Wisenburg scripserint. Diethelmus an. 1332. se dominum de Krenckingen dictum de Wisenburg adpellat. De Diethelmo episcopo Constantiensi ex eadem familia inferius mentio occurrit. Seculo XIV. castrum Roggenbach nobiles Schafhusenses de Rothe, quibus eadem insignia fuerunt ac nobilibus scultetis de Schafhusa & Roth de Randenburg seu Nellenburg, tenuerunt, dicti etiam ob bona in Alpegovia nostra oppidoque eius nominis *de Grafenhusen*; occurritque passim in chartis sec. XIII. *vir nobilis* Egbertus, dictus Rotmiles, an. 1279. in testem vocatus a Conrado de Krenckingen. Floruit secul. XIII. Scafhusii etiam antiquior familia nobilis Im Thurn, secul. XIV. variis aucta possessionibus in Landgraviatu Stulingano & ultra in Alpegovia meridionali. Ex quibus an. 1370. Rudigerus & Eberhardus Im Thurn cum aliis nobilibus Scaffhusensibus castrum Ewattingen oppugnarunt, confregeruntque. Wilhelmum Im Thurn ab an. 1408. in archivi San-Blasiani chartis reperimus usque ad annum 1412. quo feuda ibidem recognovit feria IV. post festum S. Agnetis: quo eodem anno Eberhardum militem Im Thurn abbas S. Blasii evocavit ad defendenda monasterii iura. An. 1418. Margaretha Im Thurn priorissam, an. 1464. vero Clara Im Thurn magistram Parthenonis nostri Beroviensis egit. Claræ successit in magistræ officio Anna Im Thurn an. 1474. Passim etiam in chartis sec. XIII. occurrit nobilis Scaffhusensis familia de Slaite, Keller de Schlaitheim in confinio Nigræ Silvæ Suevianæ versus, ubi illustris cumprimis fuit eodem seculo gens de Zimmern.

In prodromo monumentorum Guelphic. P. Gerardi Hefs cum Mechilde ducissa Bavarix, Agnete ducissa Saxonix, Guta regina Siciliæ, Cleinta, seu Clementia regina Ungariæ, Catharina & Halewige Rudolphi regis filiabus, earumque fratre Rudolpho, memoratur. Elizabeth filia comitis de Zimbarn ab auctore synchrono in comitatu Rudolphi R.R., dum anno primo regiminis ad monasterium Weingartense divertisset. Attamen in veteri Msc. monasterii S. Georgii, quod ad nobilem familiam de Zimmern pertinet, sequentia legi annotata: *Anno Domini 1539. hat Kaiser Carolus der Fünfte mein Geschlecht der Freyen Herren vom Zimbarn zuo dem Graffenstand erböchet.* In eodem Msc. porro notatur Cuno liber dominus a Zimbarn testis testamenti pro monasterio S. Georgii *per Dominum de Hornberg: Werne-  
rus item & Eberhardus de Zimbern, mater eorum Adelbaidis comitissa de Zaringen, testis unius testamenti fratrum monasterii S. Georii in Nigra Sil-  
va, per unum de Grüningen prope Villingam, qui dicebatur liber homo an-  
no 1224.* Notantur ibidem, sine anno, obiisse Conradus de Zimbern sepultus in monasterio S. Georgii: iterum Conradus de Zimbern sepultus

p. 88.

SECVLVM  
XIII.

in Messlekyrch, Magnoaldus & Wernerus de Zimbern fratres, Gotfridus de Zimbern liber dominus sepultus in monasterio Alperspach unacum Elisabetha ducissa de Teck, quorum libro superiore meminimus. Passim vero  
a) *Annal. Suev. P. III.* Crusius a) post Munsterum & Stumpfium meminit nobilium huius familie, quos etiam iam sec. XIII. comites ac regulos vocat, ubi tamen duos con-  
b) *P. III. lib. I. cap. 3. & lib. III. c. 8.* fundit Werneros, b) Wernerum patrem nuptum Annæ de Falckenstein relicto filio Wernhero posthumo, cuius uxor prima fuit Anna dapifera de Rohrdorf nupta an. 1319. mortua an. 1350. improlis; & Brigitta de Gundelzingen, ex qua suscepit filium Ioannem dictum der Lapp.

c) *Ann. Suev. P. II. lib. IX. c. 17.* Crusius c) memorat Wernerum Ioannis de Zimmern filium, qui an. 1222. vixerit, Adelheidi de Abensperg matrimonio iunctum. Is & Albertus filius nuptus Agneti de Hachberg relicta dynastia ad Conradum filium abbatem Augiæ divitis (qui in charta an. 1206. monachus & scholasticus Augiæ divitis testis legitur) concesserunt, ibidem sepulti. Conradus iste in charta an. 1206. testis legitur ceu monachus & scholasticus Augiæ divitis, illique abbatiæ iuxta Galliam Christianam ab anno 1237. usque 1255.

d) *T. IV. pag. 989. L. c. p. 800.* præfuit. d) Fuerunt etiam duo canonici ecclesiæ cathédral. Argentoratensis ex hac familia, Fridericus nimirum sub Henrico de Hasenburg episc. ab an. 1180. usque 1190. frater Weneri, (is ipse forte, qui in charta Henrici II. episc. Argent. an. 1211. inter testes legitur Fridericus cantor, apud P.

e) *Gen. Habzburg. T. II. P. I. p. 214.* Herrgott e) & Rudolphus filius, parochus etiam in Waldmessingen defunctus an. 1252. eius soror Adelhaidis uxor fuit Eberhardi de Lupfen.

Porro Wernerus memorati Alberti filius, mortuus an. 1289. uxorem habuit Annam de Falckenstein, filiam Bertoldi de Falckenstein, & Elisabethæ de Furstenberg nuptam 1288. Diversas familias comitum & nobilium de Valckenstein, diversaque per Nigram Silvam castra Valckenstein seu Falckenstein iam prioribus libris memoravimus, a quibus hoc & sequenti seculo plerumque se nominare solent nobiles milites de

f) *Chr. Helv. T. I. p. 108.* fort, & abbatem S. Ioannis in Thuræ-valle, apud Ægid. Tschudium f) ad annum 1209. inter ministeriales ceu testes subscribunt *Egilolfus & Henricus fratres carnales de Valckenstein*. His Pater Herrgott etiam ac-

g) *Gen. Habzburg. T. II. P. II. Ibid. P. I. p. 343. Ibid. p. 377.* censet Waltherum, g) qui in charta 422. an. 1258. inter nobiles testes notatur; itemque in alia 456. an. 1262. Philippus de Valckenstein cum Conrado comite de Uriburg. Ex his quoque Henricus sigillum suum addidit chartæ an. 1280. unacum Egenone & Henrico comitibus de Friburg: ubi præterea Hermannum de Falckenstein dictum de Kapelle invenimus. An. 1272. Walserus de Nuwen Valckenstein nobilis Commenda-

tori



tori domus hospitalis Friburgensis ius patronatus ecclesiæ Capellensis venundedit. Mox memoratus Henricus in suo sigillo falconem arcui insidentem præfert, insigne Falckensteiniis de Buckenrütli in Brisgoia commune. Idem vetus sigillum familiæ de Valckenstein in Nigra Silva exhibet Stumpfius in chron. Helvetico, a) ubi simul novum addit plane a prioribus diversum, perinde ac Urstifius chron. Basil. b) scutum coloribus distinctum, notatque castra vetus & novum eius nominis in Helvetica Burgundia cis-Iurana. Notatur quoque ex hac familia Bertholdus abbas S. Galli ab an. 1244. usque ad an. 1272. Rhenauigiæ item.

SECULUM  
XIII.

VI. Passim iam meminimus divisionis factæ terrarum Zaringicarum post mortem Bertoldi V. ducis an. 1218. Friburgi Brisgoiæ sepulti, ubi hodieque superest eius statua in navi insignis Basilicæ a Conrado fratre Bertoldi III., qui eam urbem adolescente sec. XII. condiderat, extructæ, una cum turre præstantissimi operis cancellati ex lapidibus quadris. Urbs hæc sita est ad colimitia Nigræ Silvæ, cuius ibi montes utrinque sese veluti cornua quædam protendunt. Limitem Nigræ Silvæ hodieque in ipsa urbe ad portam Suevicam tilia designat. Comites de Urach, quibus in portione hereditatis ob Agnetem sororem Bertoldi ea regio obtigit, primum se dominos, deinceps etiam comites de Friburg appellarunt. Schœpflinus b) ad an. 1234. affert excerpta ex Henrici regis Rom. sententia contra Hermannum marchionem de Baden pro ecclesia Basileensi & Eginone comite Friburg. de Argentifodinis & custodia Silvarum per Brisgoiam. Flumina in Nigra Silva orta aut decurrentia, eiusdem Henrici eiusdemque anni diplomate huic ipsi Egenoni in feudum conferuntur. Sunt autem cum valle *Renchental*, *Wissen*, *Brigen*, *Kinzechen* usque *Gengenbach*, & nominatim *Milenbach*, *Elzsch*, *Treysonia*, *Brega* a *Danubio* usque *Ymmendingen*.

Friburg. Brisgoiæ, ac comites inde dicti.

b) Cod. probat. hist. Zaringo-Badens. T. V. pag. 189.

Idem Egeno an. 1236. quo & obiit, arcem supra Friburgum in parte inferiore montis, qui Nigram Silvam claudit, ea ex parte construxit, litium inter comites & cives seminarium. Filius eius Conradus an. 1237. edidit instrumentum, quod in citato cod. probat. c) legitur, de Capella in suburbio castri Friburgi extructa. Eodem anno facta est divisio ditionum inter Henricum & Conradum fratres, Egenonis iunioris ex Adelhaide de Niffen filios, dimissoque titulo de Urach Conradus fater comitum de Friburg extitit. Eidem an. 1248. Innocentius IV. P. confirmat spem castrorum & oppidorum Neuenburg, Offenburg, & Ortenberg. d) In excerptis histor. Msc. monasterii S. Georgii idem Conradus debellasse memoratur an. 1250. dominum de Geroldsegg, eumque in Lare cepisse: alibi vero eundem anno sequenti eodem loco occidisse perhibetur. In chron.

c) Ib. p. 202.

d) Ib. p. 214.

SECVLUM  
XIII.

S. Georgii filius cum patre captivatus refertur; tum vero ad an. 1262. facta cædes magna inter Argentinenses & dominum de Geroldsecke, *in qua dñs Hermannus filius domini de Gerol. . . & d. Henricus de Tiersperc, & alii quam plures nobiles, & multo plures ab Argentinensibus sunt captivati* &c. Conradi filius cognominis in charta an. 1255. plebanus a) *L. c. T. I. eccles. parochialis in Friburg notatur apud eundem Schœpflinum.* a) *Histor. Bad.* Henricus comes de Friburg an. 1270. castrum Burghalden in chron. Konigshoven extruxisse legitur, id est, restaurasse arcem illam mox memoratam, identidem nempe a civibus infestatam dirutamque. Fuerunt porro præter Henricum de Furstenberg Conrado comiti de Friburg fratres Gebhardus canonicus Argentoratensis & sacellanus papæ, Gotfridus canonicus Constantiensis, & Bertoldus; uxor vero Sophia Friderici comitis de Zollre filia, obiit an. 1272. in Basilica Friburg. sepulta. Ex filiis Conradi Eginno comitatum Friburgensem, Henricus in Brisgoia Neoburgum & Badenwilam obtinuit: quæ tamen etiam postea Eginoni vendidit, de paterna tamen hereditate securis redditis filiabus, ex quibus Margaretha dote Badenwilam ad comites de Strasberg detulit.

Rudolphus R. R. an. 1275. obsedisse Friburgum urbem legitur in Annal. Colmariensibus. Apud Hier. Pezium b) breviter notatur in chron. theotisco Horneckii, quod in chron. Ellenhardi ad annum 1280. adnotatum legitur, Rudolphum obsedisse civitatem Friburg in Brisgovia exigente delicto comitis de Friburg, eumque & civitatem prædictam suo imperio subiugavisse. In appendice seu auctuario diplomatum cod. epistol. Rudolphi I. c) *pag. 213.* R. R. c) edidimus eiusdem Rudolphi I. dipl. 1281. quo certis conditionibus & comes & cives in eius gratiam redeunt, quas inter erat restauratio castrî Zaringensis in Nig. Silva a civibus destructi. Idem Rudolphus d) an. 1289. quo Conradus Egenonis filius urbem obsidione cinxit, pacem inter comitem & cives de Friburg conciliavit adversus invicem bellantes, adhibito consilio Argentinensis & Basileensis episcoporum, Henrici item marchionis Badensis, cuius apud eundem Schœpflin. e) extat charta an. 1284. qua monasterio in Adelhausen decimas in Uchtingen tradit. Monasterii huius fundatio tribuitur Adelheidi Zaringæ, ut videtur, sic dictæ ex stemmate matris Agnetis sororis Bertoldi V. quæ fuit mater Egenonis II. comitis de Friburg, cui Adelheidis nupta fuit stemmate paterno de Neufen.

Bucelino f) est hoc monasterium ord. S. Bened. In eo, teste Schœpflino, in hist. Bad. g) Kunigunda & Elisabetha Henrici II. marchionis de Hachberg filia professæ erant, ut ex charta Henrici, qua idcirco an. 1284. monasterio decimas in Uchtingen tradit, constat. Chunegunda soror Rudolphi R. R. fuisse

fuisse creditur, velum autem accepisse dicitur a Waltero priore Argentoraten-  
 si sub Anna de Selten monasterii Antiltita, ferturque ipsa an. 1245. in con-  
 cilio Lugdunensi egisse præsens, ut monasterium, quod eousque sine  
 certa regula fuit, ordini S. Dominici addiceretur, defuncta an. 1250. No-  
 men Chunigundæ non exprimit auctor chronici Dominicanorum Colma-  
 riensium, qui ineunte sec. XIV. scripsit, editus ab Urstizio inter scriptores  
 Germaniæ illustres a): ubi parte altera inter prolem Alberti de Habispurch, a) *P. II. p. 37.*  
 qui fuit pater Rudolphi I. R. R. recenset *filiam unam nuptui traditam co-*  
*miti de Cussaberch, alteram in claustrum Dominarum de Adelnhusen prope*  
*Friburgum ordinis fratrum Prædicatorum collocatam, in quo vitam suam*  
*laudabiliter consummavit.* Henricus & Ulricus comites de Chussaperch  
 an. 1228. primi inter testes chartæ Rudolphi avi Rudolphi R. R. quam  
 in cod. probat. edimus, subscribunt, dicti a castro eius nominis in Kleg-  
 govía Nigræ Silvæ nostræ contermina. *Habuit autem, sunt verba Al-*  
*berti Argentinensis, ut apud laudatum Urstisium editus nominatur, b) comes b) L. c. P. II.*  
*de Kussenberg sororem ipsius Rudolphi de Habspurg: quo defuncto sine libe-*  
*ris, eadem soror Ottoni de Ochsenstein data est in uxorem: ex qua domini*  
*de Ochsenstein & Strasberg postmodum prodire.* Oppido falluntur, qui  
 hanc Rudolphi R. R. sororem cum altera confundunt, quam modo audi-  
 vimus ex chronista Colmariensi in monasterio Adelnhusen prope Fribur-  
 gum vitam suam laudabiliter consummasse. Monasterium hoc postea una-  
 cum castro Zaringen dirutum accepit a Rudolpho pecunias in damni re-  
 parationem. *Exercitus regis Rudolphi, ut in dictis Annal. Dominicanorum*  
*Colmariensium notatur ad an. 1281. c) destruxit claustrum Dominarum de*  
*Adilbusen, propterea dedit eis rex trecentas viginti marcas.* c) *Apud Urstis.*  
*P. II. p. 18.*

Ex dictis vero constat, fallere inscriptionem, quæ monasterium hoc iam  
 an. 1234. fundatum ordini Prædicatorum adscribit: qui tamen circa ea  
 tempora monasterium virorum Friburgi accepit Arnaldo Trevirensi primo  
 Priore. Docet nos Gabelkoverus in suo commentario Msc. an. 1238. Con-  
 radum cum consensu Gebhardi & Bertoldi fratrum matrisque Adelhaidis  
 fratribus Prædicatoribus locum concessisse ad ædificandum monasterium:  
 quod de confirmatione accipiendum repetita an. 1240. & 1241. apud Ur-  
 stisium in chron. Basil. d) censetur inter Generales eius ordinis quarto lo- a) *L. II. c. 17.*  
 co Ioannes Friburgensis in capitulo generali an. 1242. Parisiis electus, Ar-  
 gentorati obiisse an. 1253. In annal. Dominicanorum Colmariensium apud  
 Urstisium ad an. 1270. legitur: e) *Translati sunt ad fratres Friburgenses de*  
*Basileensibus.* An. 1235. Henricus episc. Constant. consensum dedit super  
 receptione fratrum Prædicatorum in urbe Friburgensi, annoque sequenti

SECVLUM  
XIII.

- Rudolphus plebanus de Friburg, quo eodem anno eandem vocationem senatus Friburg. testatam facit, factam ab Egenone comite de Friburg, ut palam sit ex instrumento Conradi filii an. 1238. quæ omnia leguntur in
- a) *P. I. Vol. 2. p. 280. &c.* Austria S. a) Ostenditur hodieque in hoc monasterio Cathedra, ex qua Albertus M. Friburgi docuerit. An. 1246. Capellani S. Martini conventualibus S. Francisci datam docet charta hodieque in archivo urbis superstes: apud quam ecclesiam pro ipsis iam an. 1226. monasterium constructum memorat Franciscus Petri in Suevia sacra b) ubi plura de isto conventualium, ab anno 1515. autem strictioris observantiæ Franciscanorum cœnobio affert; nec non P. Vigilus Greiderer in Germania Franciscana. Cæterum urbs hæc Friburgensis sec. XIII. bellis fere continuis fuit turbata a comitibus de Friburg, ut notavimus, an. 1293. iterum pace restituta inter cives & Egenonem Conradumque eius filium, cuius instrumentum in chron. Friburg. quod Schilterus c) chronico Kœnigshofii adiecit, legitur in diplomate an. 1293. apud Befoldum, d) quo Adolphus R. R. monasterium Adelbergense confirmat, testes notantur inter alios Egeno & Henricus de Uriburg, *comites nobiles viri*. Quæ de fundatione Franciscanorum Friburgi referamus, non habemus alia, quam quæ iam exhibuit e) pag. 333. Franc. Petr. in Suevia ecclesiastica. e)
- f) *Vol. V. Fasc. II. pag. 282. p. 222.* In nova bibliotheca ecclesiastica Friburgensi f) falsi enimvero arguitur *Austria Sacra* nuperrime Viennæ edita, quod in illa narretur, a Conrado canonico Argentinensi & ab Egone fratre eius comitibus de Friburgo Augustinianis eremitis an. 1278. donatam fuisse aream, in qua monasterium excitarent Friburgi; comites vero hos Friburgenses tantummodo facultatem dedisse asseritur Augustinianis vel permanendi in ea area, quam dudum incoluerant, vel seligendi locum alium magis remotum ab ecclesia Parochiali, emendum vel pecuniis suis, vel comparandum hominum piorum eleemosynis; at maluisse in pristina statione remanere. Ut pleraque Augustinensium monasteria fundatorem unum aut certum non habuere, ita & Friburgense, quod cæteris in his plagis antiquitate præstat, & excitatum eius a colonis esse videtur collatis eam in rem fratrum paternis bonis, collectisque eleemosynis.

Neque etiam me omnium eorum vadem præstitero, quæ in eadem Austria Sacra g) de prima origine monasterii Clarissarum in hac urbe narrantur de quatuor innominatis equitibus eius fundatoribus, qui fama S. Claræ e disciplina S. Francisci ubique inclarescente inducti sint ad conferenda insignia sua bona, ipsaque domicilia pro monasterio ordinis S. Claræ instituendo. Quibus tunc opportune acciderit, quod Carmelitæ in suburbio, cui



cui a Prædicatoribus nomen inditum est, monasterium defererent, equitesque hi domibus suis iunctum unaque ecclesiam pro constituendo monasterio usurparint, in eoque magnum numerum monialium constituerint an. 1272. quo S. Bonaventura generalis fuit totius ordinis S. Francisci minister: cui ipsi instituto hi equites sese addixerint, eorumque exemplum sequutæ quatuor coniuges cum undecim filiabus, omnes simul una die S. Martino festa habitum S. Claræ sumserint: itemque Clara filia Egenonis III. comitis de Friburg eiusque uxor Catharina de Lichtenberg in ecclesia huius monasterii sepulti. Adduntur Catharina & Anna de Habsburg, Elisabetha de Kiburg, Anna & Susanna de Falckenstein, Adelheidis de Schwarzenberg, quæ velum in hoc monasterio acceperunt.

VII. Ad instar urbis Friburgensis Villinga bihoris a fonte Danubii distans, a Zaringensibus ducibus condita haud abs re dicitur: quæ, posteaquam Zaringorum posterii ex Agnete Bertoldi V. sorore in duas familias dividerentur, apud Henricum mansit Furstenbergicæ prosapiæ conditorem. Hic, ut iam diximus, arbitro fratre Conrado & Hartmanno seniore comite de Kiburg, an. 1254. Auracum in Wirtembergia, cum turri Urach in Nigra Silva nostra haud confundendum, comitibus Wirtembergiæ vendidit., & anno 1257. domum ordinis Ioannitici Villingæ fundavit *zu Hilf des heiligen Erdtrichs, und in Ehre sant Iohansen des Toffers des Spitbals des Huses sant Iohans, das wir von nuxen gestift haben in unser Statt Villingen*, ut habet instrumentum foundationis in additionibus seu *Beylagen zum Bericht vom Adel in Teutschland*, ed. 1721. a) ubi paullo post legitur Egenonis charta an. 1282. donationis areæ in qua hospitale pauperum S. Spiritus in Villingen plantatum & situm est, cum iisdem privilegiis, *quæ hospitali S. Spiritus in Friburch Constant. Diœces. per ingenuos viros dominos eiusdem loci concessa dignoscuntur*. Idque se facere testatur in *remedium singulare & salubre animæ reverendissimi patris & domini nostri felicis recordationis Henrici quondam comitis de Furstenberch, & ad preces efficaces præcordialissimæ dominæ & matris nostræ Agnetis comitissæ, nec non ad salutem animæ nostræ*. Ibidem b) legitur Alberti ducis Austriæ confirmatio an. 1337. omnium eorum, quæ Egeno & Conradus fratres hospitali S. Spiritus contulerunt.

Henricus vero pater & fater gentis Furstenbergicæ anno 1268. fundaverat conventum ord. S. Francisci, cuius primus Guardianus fuit Henricus a Friburgo, unde anno præcedente Henricus comes eiusdem instituti fratres postulaverat, datis ad Albertum generalem Fratrum minorum mi-

SECVLVM  
XIII.

a) *T. V. pag.*  
246.

b) *L. c. pag.*  
251.

c) *pag. 114.*

d) *pag. 200.*

e) *pag. 269.*

f) *Ann. Suev.*  
*Lib. III. P.*  
*III. p. 158.*

nistrum litteris, quas refert Schœpflinus in historia Zaringo - Badensi, a) & mox eiusdem Henrici & Agnetis uxoris chartam libertatis novo Fratrum minorum in Villingen monasterio concessæ. Idem Agnetis nomen occurrit in altera apud eundem charta an. 1270. b), qua curiam suam sitam apud capellam S. Nicolai, monialibus de domo patrum (der Vätter Versammlung) Villingæ Henricus cum consensu Gotfridi fratris canonici Constantiensis donavit. Sed quum facultates ad cœnobium ædificandum haud suppetere, Petrus Capotius Cardinalis legatus apostolicus piis fidelibus ad ædificium conferentibus 40. dierum indulgentias concessit, quo ita prosperabantur moniales, ut an. 1260. ab Henrico abbate in Tennenbach bona, quæ erant in Asenheim, quatuordecim marcis argenti emere possent. Accessit an. 1270. villa cum agris & pratis prope capellam S. Nicolai, indulgentia Henrici comitis de Urach, domini in Furstenberg, mox memorati mariti Agnetis, in codice epistolari Rudolphi I. c) substituendæ in locum Adelheidis de Nüffen, quæ perperam credita fuerat uxor Henrici, ex divinatione nempe litteræ initialis A., qui nomina exprimendi mos in mediæ ævi monumentis facile in errorem abducit.

Urbem Villingam an. 1271. excepto hoc Franciscanorum monasterio & domo ordinis Ioannitici, igne conflagrasse, docent nos excerpta historica vicini monasterii S. Georgii, postquam anno 1270. conventus sororum de capella S. Nicolai certæ regulæ, seu S. Augustini instituto, sese addixisset, ut patet ex charta Eberhardi Constantiensis episcopi, quæ iisdem excerptis historicis est inserta, perinde ac Henrici comitis confirmatio, in qua iterum nomen Agnetis uxoris legitur. Dudum vero antea cognominis comitissa de Ura & Friburg iam memorata soror Bertoldi V. proprietatem curtis in Villingen ad extruendum ibi parthenium Sanctimonialibus donaverat, ut apud laudatum Schœpflinum d) legitur, uti & excerpta ex Rudolphi I. R. R. confirmatione immunitatis pro civitatibus Villingen, Furstenberg, Haslach, Dornstetten aliisque oppidis eiusdem Henrici; integrum autem istud diploma legitur in notitia nobilitatis Germanicæ mox citata. e) Eiusdem Henrici filii, teste Crusio f) in eadem urbe Villingen milites fuere facti in præsentia Rudolphi R. regis, serius tamen, quam excerpta historica San-Georgiana asserunt Rudolphum Villingæ fuisse, anno nimirum 1280.

Idem Rudolphus an. 1283. peramplum pagum Bara vacantem imperio ex libera & spontanea resignatione Hermanni comitis de Sulze, sæpe laudato Henrico de Furstenberg contulit. Huius tres filii Conradus plebanus in Villingen, Egon & Gebhardus chartam donationis vernaculam

an.

an. 1259. dederunt, quæ edita habetur in sæpius iam memorata notitia nobilitatis Germanicæ. a) Alius ex his filiis Fridericus ex dote coniugis Welhildis dynastiam Wolfacensem familiæ intulit, Egoni fratri postea concessam; unaque Conradus & Gebhardus canonici Constantienses & plebani in Villingen super Villingam solemnem transactionem inierunt, cui, ut apud Schoepflinum b) notatur, testis adfuit Henricus II. marchio de Hachberg an. 1284. quo is redditus curtis suæ in Wettelbrun donavit monasterio Tennenbacensi ordinis Cisterciensis.

SECVLVM  
XIII.

a) pag. 354.

b) *Hist. Zaringo-Badens.*  
T. I. p. 347.

Eiusdem quoque instituti fuit monasterium Novæ domus iuxta Villingam, quod Gregorius IX. P. an. 1238. in protectionem sedis apostolicæ cum omnibus suis bonis accepit, ut ex apographo monasterii S. Georgii in excerptis historicis solertissimi abbatis Georgii Geisser didici. Id vero monasterium iam ineunte seculo XIV. haud amplius extitisse, notitia quædam Erkingeri & Conradi de Falkenstein an. 1320. docet. Monasterium S. Claræ in Villingen an. 1278. sub tertia regula S. Francisci a civibus quibusdam institutum an. 1450. in Neuhausen fuit translatum, iterumque a civibus in urbem receptum, postea demum adprobante Sixto IV. P. strictiorem S. Claræ observantiam suscepit.

Sæpe laudatus Henricus I. de Furstenberg Villingæ in maiori ecclesia sepultus an. 1284. Friderico & Egoni III. filiis terras regendas reliquit, quas illi postea interpellati a Villingensibus, proprium sibi dominum exposcentibus, diviserunt, obtigitque Egoni inter alia Villinga & Haslach: unde nova linea nomen accepit, an. 1386. in Ioanne apud Sempach occumbente extincta, cuius abavus Egon III. Villingæ circa an. 1323. defunctus ac sepultus fuit, perinde ac iam memorati duo eiusdem fratres plebani in Villingen. His duæ sorores erant, dynastis Nigra-Silvanis nuptæ, Margaretha scilicet uxor Alberti comitis de Hohenberg, an. 1288. mortua, & Elisabetha primo matrimonio Bertoldo de Falckenstein, altero autem Gotfrido comiti de Tubingen iuncta, an. 1290. defuncta.

VIII. Pars quædam tractus urbium silvestrium ad Rhenum a Basilea Nigram Silvam versus, postquam duces Zaringi esse desierunt, imperio pri-  
mum Germanico vacavit sec. XIII., ut apud Herrgottum videre est. a) In altera parte chronici Colmariensis, apud Urstisium b) multa affert auctor de molestiis, quas Rudolphus R. R. rex Henrico de Novo castro Basileensi episcopo, etsi cognato suo, creaverat iam inde a morte Friderici II. imp. postquam scilicet Rudolphus Brisacum occupaverat, quod suum esse contendebat episcopus. Hic aliunde quoque Rudolpho postea fuit insensus ob-

Urbes silve-  
stres.

a) *Gen. Habsburg.* T. I.  
c. II. &c.

b) *Script. Ger. illustr.* P. II.  
p. 38.

SECVLUM  
XIII.

a) *Ibid.* p. 10.

bellum ipso illatum dominis in Tokinburc filiis sororis suæ, unde & Rudolphi castrum Hertimberc, & Rhinfelden, *quod inexpugnabile videbatur, violenter obtinuit, & traxit in propriam potestatem.* In prima eorundem Annalium parte a) ad an. 1272. notatur Rudolphus congregato exercitu venisse prope Basileam, villam ibidem succendisse & prædam Secconium detulisse, cui tamen infecuti Basileenses nocere minime potuerint, recuperato haud dubie per Rudolphum castro Rhinfelden. Erat tunc Rudolphus cognominis lineæ Laufenburgicæ Rudolphi I. R. regis patruelis præpositus ecclesiæ cathedralis Basileensis, & collegiæ Rhenofeldensis an. 1228. ab Henrico episc. Basileensi erectæ, & an. 1230. ab Henrico VII. R. rege, ac an. 1238. a Gregorio IX. P. confirmatæ, ut in additionibus diplomaticis ad Austriam sacram ex collectione Ios. de Wendenthal legere est. Habetur ibi inter alia etiam instrumentum venditionis factæ monasterio Olspergeni a memorato Rudolpho de Habsburg præposito ecclesiarum Basileensis, & Rhinfeld. an. 1272. qui anno sequente, quo patruelis suus Rudolphus electus est in regem Romanorum, factus est episcopus Constantiensis, atque an. 1276. Rhenofeldæ sacro baptismatis fonte abluvit Carolum Rudolphi R. R. filium, cuius officula unacum matris Annæ cadavere ex cathedrali ecclesiâ Basileensi ad monasterium S. Blasii an. 1770. sunt translata.

Est haud procul a Rhenofelda puellare Cisterciensis ordinis monasterium Olsperg, ubi iisdem auctoribus ad an. 1276. soror extitit, quæ sine potu undecim annis vixisse dicitur. Floret etiamnum istud monasterium in ea Rauriciæ parte, quæ Nigræ Silvæ nostræ respicit plagam, ubi olim Eremitus Helvetiorum per utrumque Rheni litus se extendebat. Quæ de eo Munsterus ipse locum haud procul a suo domicilio suo remotum adiens, in Cosmographia sua affert, ostendunt, illud primitus ordinis S. Benedicti instituti fuisse, Cluniacensibus, ut videtur, addictum, Agnete prima abbatissa ad an. 1084. Monumenta vero huius monasterii, quæ copiosa supersunt, seculum XIII. non superant: ex his est Gregorii IX. P. bulla anni 1234. & comitis Rudolphi de Habsburg charta an. 1240. apud P. Herrgott b) data in castro Limper seu Limburg, ubi natum esse Rudolphum R. regem in Fastis Rudolphinis ostendimus; Albertum quoque Rudolphi patrem aliquamdiu ibi habitasse, iam Stumpsius notavit. c)

b) *Genealog. Habsb. T. II. P. I. p. 259.*  
c) *Chr. Helv. lib. VII. c. 13.*

Distincta tunc erat temporis Laufenburgica gentis Habsburg. stirps; reliquæ urbes silvestres Rudolpho parebant postea Romanorum regi, cum castellis Rhinfeldensi & Secconiensi, de quo memoratus chronographus

d) *P. II. p. 38.* Colmariensis d) : *Castellum*, inquit, *quod Seconis dicitur, quod tunc erat de*



de dominio comitis Rudolphi, ignis casu superveniens, exceptis duabus vel tribus domibus devastavit. Eorum enim peccatis exigentibus hoc eis creditur accidisse. Sanctus enim Fridolinus locum illum usque ad illud tempus custodierat, quod nullus dominorum eos enormiter poterat infestare. Cives vero loci illius non confidentes in domino suo S. Fridolino pontem lapideum, quem ipse construxerat, destruxerunt, prædas pauperum innocentum induxerunt, & comessationibus & luxuriis insisterant. . . . Loco hoc destructo per ignem, venit venerabilis dominus Henricus Basileensis episcopus, & domos lapideas, ac muros civitatis in locis multis deiecit, & omnia, quæ ibidem reperit, deportavit. Quæ quidem ad annum 1272. referunt scriptores, quo, ut paullo ante vidimus, Rudolphus Basileam succendit, prædamque Secconium perduxit. Stumpfius in chronico a) præter quatuor ædes & ecclesiam S. Petri omnia igne consumpta perhibet. *Æg. Tschudius* b) etiam claustrum seu monasterium S. Fridolini combustum, huius vero Sancti reliquias ex cineribus subtractas atque ab abbatisa fuisse recuperatas scribit. Rem ita se habere anno 1779. didici, dum partem reliquiarum S. Fridolini Vienna Austriæ, quo sec. XIV. ut ibi dicitur, fuerunt delatæ, pro nova mea ecclesia San-Blasiana obtinui: ustulatæ enim plus minusve sunt, & liquore quodam tinctæ tam reliquæ, quam lapilli & cœmenti frustula, idcirco simul cum sacris lipsanis collectæ. Tincturam illam ex una aut etiam pluribus lampadibus coram sacris Reliquiis suspendi solitis esse relictam eo confidentius asserimus, quod, ut mox videbimus, comes de Habsburg in camera, in qua post incendium commissas sibi hasce reliquias reposuit, noctis tenebras lumine decoravit. Quæ omnia *Ægidii Tschudii* narrationem confirmant, qui patria Glaronensis, pago olim eidem Sekingeni ecclesiæ obnoxio, certioribus rem documentis edoceri potuit.

Nos rem prout in suppari chron. Colmariensi refertur, b) lectori ob oculos ponimus: Venerabilis domina abbatisa, de genere comitum Phirretarum, post exustionem castelli, in claustrum & castellum rediit, reliquias sancti Fridolini reperit & accepit. Post hæc consilium iniit cum canonissis suis, quid facere deberet de reliquiis S. Fridolini. Tunc canonissæ dixerunt: si transtulerimus reliquias S. Fridolini ad locum solemnem, scilicet Basileam, tunc per violentiam episcopus & canonici retinebunt; si autem Fratribus minoribus vel Prædicatoribus, vel aliis religiosis dederimus ad servandum, ab illis episcopus auferet violenter. His consideratis dixerunt: demus reliquias S. Fridolini alicui vicinorum dominorum, qui claustro nostro aliquo fidelitatis vinculo adstrictus teneatur. Commiserunt igitur comiti de Habsburg, qui eas in honestam cameram collocavit, insuper in

SECTUM  
XIII.

- ea noctis tenebras lumine decoravit. Quæ quum per breve tempus ibidem fuissent, indignationem suam cœperunt per pulsationem suam familiæ demonstrare. Audiens hæc abbatissa in Loufsnberc, ad canonissarum collegium transferebat. Sed quum & ibi per tempus aliquod fuissent, indignationem suam per pulsationem suam canonissis suis intimabant. Tunc canonissæ cum suis reliquiis ad claustrum proprium redierunt. Palam hinc fit, canonissas iam tunc perfugium Laufenburgæ habuisse apud comitem de Habsburg feudatarium suum. Teste Ottone de S. Blasio a) Fridericus Imp. Albertum comitem de Habsburg in gratiam Rudolphi comitis de Pfulendorf, cuius filiam in matrimonio habebat Albertus, advocatum Secconiensem constituit, post extinctos nempe an. 1172. comites de Lenzburg.*
- b) *Genealog. Habsb. T. II. P. I. p. 209.* Extat apud P. Herrgott charta b) an. 1207. qua R. abbas de Mura, Henricus Montis angelorum, C. abbas de Luzila, Eberhardus abbas de Salem arbitri super controversia, quæ inter abbatissam Secconiensem, & Rudolphum comitem de Habisburg pro castris & villa Loufsnberc vertebatur, decernunt ac his verbis cavent: *ut comes prædictus villam Secconiensem & claustrum possessiones universas, clerum videlicet & ministeriales, totamque familiam prænominatæ ecclesiæ in eo iure, & ea libertate, qua tempore Arnolphi comitis de Baden fruebatur, semper illasam conservet.* Inter testes huius chartæ post abbatem Cæsariensem (qui etiam chartæ an. 1203. c) subscribit in instrumento cessionis iuris patronatus ad monasterium S. Blasii *abbas de Chaisheim*), post Rudolphum item præpositum Durigensem seu Turicensem, Burchardum item præpositum Werdensensem, & Rudolphum canonicum, Ulricum decanum, subscripti leguntur Chunradus plebanus Secconienensis, Henricus canonicus cum numerofo clero presbyterorum, diaconorum, subdiaconorum eiusdem ecclesiæ. In charta vero apud eundem P. Herrgott d) ex capitulo canonissarum N. domina de Keisersperg, N. domina de Runsch, N. domina de Habspurch, totumque capitulum Secconienfe ratihabent an. 1276. *quidquid actum est per reverendam dominam nostram abbatissam de decima in Sernistal.* Nomen abbatissæ non exprimitur, uti nec in annalibus Dominicanorum Colmariensium e), dum ad an. 1287. refertur, abbatissam Secconiensem, quæ & procuratrix claustrum Vallis Masonis erat, in dominam quoque claustrum montis Romarici fuisse sublimatam. Apud Bruschiū in chronologia monasteriorum Germaniæ post Bertham sororem, & Richardem coniugem Caroli Craffi ex seculo IX. duæ tantum notantur Secconienfes abbatissæ, *Domina de Vonteney, forte Fontana aqua, & altera de Pheningen*, quibus subiicit Annam a Wessenberg, quæ obiit an. 1306. An vero illa, quam

quam seculo præcedente a) ex Tschudio littera initiali G. indicavimus, a duabus illis anonymis diversa sit, aliis inquirendum relinquimus. Seculo hoc XIII. præter anonymam illam an. 1207. iam memoratam, apud Tschodium b) ad annum 1220. ex charta suæ familiæ notatur Elisabetha abbatissa, postea ad an. 1256. c) integram profert chartam Annæ abbatissæ Secconienfis datam *in monasterio Secconienfi anno incarnationis domini 1256. Kal. Septembr. in die S. Verenæ Virginis, feria VI. indict. XIV.* cuius iterum ad annum 1261. meminit. d) Eiusdem Annæ Secconienfis abbatissæ aliam chartam producit idem Tschudius e) datam *Secconis. . . Anno domini 1273. in vigilia Thomæ Apostoli, indictione secunda.* Hanc tamen a priore distinctam esse oportet, si Willebirgis Secconienfis abbatissa, quæ legitur in sigillo chartæ 444. apud P. Herrgott f) circa annum 1260. ut idem coniicit, vixisset, ad quem annum etiam chartam reponit. Nil tamen impedit, quominus charta hæc ad priores annos referatur, & adhuc ante annum 1256. quo iam Anna præerat, quæ Willebirgi forte succedens facile ad annum 1273. perdurare potuit.

SECVLUM  
XIII.

a) N. LXII.

b) Chr. Helv.

T. I. p. 118.

c) P. 152.

d) Th. p. 160.

e) L. c. pag.

180.

f) Genealog.

Habsb. T. II.

P. I. p. 366.

Eodem Rheni tractu adverso flumine post Seckingam occurrit Laufenburgum, tertia silvestrium urbium, ubi Alpegovia nostra terminatur. Ibidem hodieque conspicua sunt mœnia ac murorum rudera amplissimæ arcis, quæ sedes fuerat lineæ seu rami stirpis Habsburgicæ, cui ab hoc oppido Laufenburg nomen aliquoties iam memoratum seculo hoc XIII. fuit inditum. Rem aliquot chartis ob oculos ponimus in codice probationum, quas mecum Illust. Baro de Zurlauben ex ditissima sua penu, solita a me persæpe alias iam laudata liberalitate, communicavit. Earum prima Rudolphus comes de Habesburch & Landgravius in Allatia cum filiis suis Alberto & Rudolpho comitibus Guidoni abbati Capellæ & conventui eiusdem loci curiam suam in Barro seu Bar Cantonis Tugienfis in Helvetia vendidit an. 1228. primo in Basilea, secundo Secconis, & tertio in Bruggo. Rudolphus hic filius Adalberti seu Alberti an. 1232. defunctus senior appellatur ad distinctionem filii cognominis, qui fuit sator lineæ Laufenburgico-Habsburgicæ ex matrimonio patris sui cum Agnesa filia Gotfridi de Stauffen, iunior alias vel Taciturnus adpellatus. Hic ipse tamen Rudolphus iunior, cognominis Rudolphi Rom. regis patruus, in charta anni 1243. seniore se nominat, passimque etiam sic audit, ad distinctionem scilicet Rudolphi, postea Romanorum regis, nepotis sui ex fratre Alberto natu maiore; quocum etiam ea conditione paternam hereditatem divisit, ut Landgraviatus Allatiæ superioris indivisus maneret, eo quoque titulo in plerisque monumentis usus. Ab hoc tamen posterius eius abstinuerunt,

SECVLUM  
XIII.

a) *Script. Ger.*  
*T. II. p. 19.*

b) p. 11.

c) *Script. Ger.*  
*P. II. p. 37.*

Alpegovia.

runt, quos inter Gotfridus filius propagator fuit lineæ Laufenburgico-Habsburgicæ. Wernerum & Ottonem fratres an. 1253. mortuos, ad æternitatem an. 1271. secutus est Gotfridus eorum frater; biennio post autem Rudolphus fratrum quartus episc. Constantiensis ex præposito Basileensi fuit electus, an. 1293. defunctus diu post Eberhardum fratrem natu minimum, qui cognomento Virtuofus sator fuit comitum Kyburgensium stirpis posterioris, ac demum anno 1284. fatis cessit teste chronico Colmariensi apud Urstisium. a) Comitatus vero Kyburgensis ad gentem Habsburgicam devenerat per Heilwigem filiam Ulrici comitis de Kyburg, quæ uxor erat Alberti cognomento Sapientis, quem patrem habuit Rudolphus postea Rom. rex, an. 1240. defunctum.

Eiusdem filiis, ac Rudolpho præprimis postea regi, ædificatio oppidi Waldshut in acceptis refertur, quæ quarta inter silvestres urbs est. In chronico Konigsfeldensi, quod edidimus in appendice libri singularis *de translatis Habsburgo - Austriacorum principum eorumque coniugum cadaveribus ex ecclesia cathedrali Basileensi & monasterio Konigsfeldensi in Helvetia*, b) conditi oppidi Waldshutensis, quod etymo suo custodiam silvarum designat, hæc statuitur epocha: *Anno Domini 1249. Rudolphus comes in Habsburg & Kyburg, Alsatia Lantgravius, & Alberchtus frater eius canonicus Argentinensis... datam Waldshut ædificaverunt & libertaverunt.* De Alberto hoc, Argentinensi & Basileensi canonico, filio Alberti Sapientis ac Rudolphi Rom. regis fratre chronicon Dominicanorum Colmariensi, apud Urstisium. c) *Unum filium, inquit, clericum fecit (Albertus), eique beneficia plurima contulit; sed invenis de hoc seculo migravit. Duobus (Rudolpho scilicet & Hartmanno) dignitatem dominiumque commisit, & ipse cum familia sua ad transmarinas partes meavit. Frater comitis Rudolphi Longobardiam intravit, ibique capitur, & vitam suam in captivitate miserabiliter finivit.*

Rudolphus rerum potitus est e regione castri Habsburg Helvetiæ cis-Rhenum, eo nempe locorum, ubi ab Helvetia versus meridiem Alpegovia nostra determinatur. Hæc sec. isto XIII. illustris fuit ex copia nobilium familiarum ac militum de Stülingen & Lupfen: quibus accesserunt nobiles de Krenckingen, eorum familia in duos ramos divisa, quarum una resedit in arce Weissenburg, postea a Rudolpho destructa, ac monasterio Rheinaugiensi infestus fuit, cuius sibi advocatiam iam inde ab exordio secul. XII. arrogaverat. Alter huius familiæ ramus, retenta veteri arce Krenckingen, in Alpegoviæ oppido Thiengen confedit, erga S. Blasii monasterium nunc beneficus, nunc infestus, uti etiam nobilis familia de Guten-



Gutenberg & Tufenstein, cuius iam superius facta est mentio. Occurrunt item in sec. XIII. monumentis Alpegoviæ nostræ nobiles seu milites de Howenstein seu Hauenstein, unde etiam ampla dynastia nomen habet; alii item de Bürdorf, de Blumpenbach, de Einwiler, de Niderwile, de Oberwile, de Rufenwile, de Ruzhol, de Steinbach, de Striperch, de Tombruggo, de Toggern, de Waldkilchum, de Wilhaim, de Willadingen, diversa a cognomine Cleggoviensi villa. Ut plurimum nomina sua a nominatis familiis retinuerunt vici pullulantes ex eorum prædiis, seu mansis, hubis, curtibus, scopozis allodiorum hominumque propriorum, ad monasterium nostrum haud pridem pertinentium; ac eidem iure caducitatis obnoxiorum.

SECVLUM  
XIII.

IX. Ad sacratiora iam Nigræ Silvæ adyta progredimur, statum eius hierarchicum per transfennam quasi scrutaturi. Huius caput Moguntina sedes, atque etiam S. R. I. Germanici Coryphæus Moguntinus archiepiscopus & elector perturbatis sec. XIII. rebus suo haud defuit officio. Concilium siquidem Germanicum an. 1225. contra simoniacos & concubinariorum clericos verosimilius Moguntia fuit celebratum sub præsidio Conradi episcopi Cardinalis Portuensis & S. Rufinæ, sedis apostolicæ legati.

Metropolis  
Moguntina.

Hic, ut alibi notavimus, ex stirpe oriundus erat comitum de Urach, ex qua familia alius quoque notatur Conon, Cuno, seu Conradus S. R. E. cardinalis & summi pontificis in Oriente legatus, magnis meritis clarus: a quo in nationali synodo Bellovacensi Henricus V. Imp. ob vindicatam sibi contra fas investituram a fidelium communione exclusus est, ut de eo Sulgerus in annalibus Zwifalt. a) ad an. 1114. testatur. Hic illum Eginonis a) *P. I. p. 53.* Uracensis filium fuisse asserit, ex maioribus, ut videtur, Eginonis cum barba, seu Barbati, qui etiam senior dicitur, pater nempe Conradi, de quo nunc agimus, cardinalis & episcopi Portuensis, cuius fratri Rudolpho, monacho Bebenhusano & comiti de Ura, Innocentius IV. P. facultatem dedit, coeptum a Conrado monasterium *ad Lapidem, sum Stein* consummandi, uti Ughellus in *Italia sacra* b) perhibet.

b) *T. I. tit.  
episcop. Port.  
§. 39. p. 127.*

Conradus hic in sua iuventute cum fratre Bertholdo, nomine Bertholdi V. ducis Zaringiæ, obles fuerat in causa Philippi regis, postea vero ex monacho, Priore & abbate Villariensi abbas Clarevallensis effectus, iam tunc an. 1216. ab Honorio P. legatus ad Galliæ & Angliæ reges missus est. Anno 1219. ex abbate Cisterciensi factus episcopus Portuensis, an. 1221. in Galliam iterum ablegatus contra Albigenes, varias per Germaniam celebravit synodos, præter illam, quam notavimus, anno 1225. habitam Moguntia, in qua etiam causa trucidati S. Engelberti archiepiscopi Coloniensis tractata fuit, ipseque sanctus declaratus c).

c) *Concil. Ger.  
T. III. p. 524.*

MART. GERBERTI NIG. SILVA T. II.

E

Aliam-



SECVLVM  
XIII.

a) *T. V. p. 484.*

b) *Ibid.*

c) *Append.*

*Concil. Germ.*

*T. X. p. 729.*

*Etc.*

Aliam item Moguntia synodum an. 1233. celebravit Sifridus iunior seu III. in *Gallia Christ.* a) dictus, archiepiscopus contra deterrimam in Germania grassantem hæresim Luciferianorum seu Stadingorum, de qua b) extant eiusdem archiepiscopi epistolæ ad Gregorium IX. P. huiusque pontificis ad Henricum regem de hæreticis in Germania grassantibus. Huc etiam spectat Francofordiensis eiusdem anni conventus c).

d) *p. 32.*

Ut silentio prætereamus alias synodos Moguntinas an. 1239. & 1243. occasione dedicationis ecclesiarum Metropolitanæ & maioris monasterii Moguntia habitas, idem Sifridus an. 1246. Frizlariae aliud concilium habuit d); quo simul anno ipse cum aliis episcopis Friderico II. iam in concilio Lugdunensi an. 1245. per Innocentium IV. excommunicato, apud Herbipolim Henricum Landgravium Thuringiaë elegit, huicque an. 1247. sagitta Ulmaë interfecto Willhelmu Hollandiaë comitem substituit.

e) *Concil. Ger.*

*T. III. p. 599.*

f) *p. XLIII.*

*Etc.*

Ad nos vero potissimum pertinet concilium provinciale sub Wernhero archiepiscopo Moguntino an. 1261. celebratum, ubi inter 54. canones, complura de monachis ac monialibus sunt statuta e). Quantum vero Wernherus hic an. 1273. ad electionem Rudolphi Habsburgici in Romanorum regem contulerit, in Fastis Rudolphinis f) declaravimus.

g) *T. X. pag.*

738.

h) *pag. 740.*

Post eius obitum an. 1284. cum duobus ferme annis ob eligentium discordiam sedes Moguntina vacaverat, anno 1286. electus est Henricus ex monacho Franciscano factus Basileensis episcopus, uti in Fastis Rudolphinis & codice epistolari Rudolphi I. Rom. regis hinc inde memoravimus. De eius tamen electione certiora iam habemus argumenta ex Honorii IV. P. litteris, quas in cod. probat. dabimus, ad ipsum Henricum datis an. 1285. quibus ei etsi reluctanti ecclesiam Moguntinam committit, idque particulari quoque epistola Moguntino capitulo, ipsique Rudolpho regi denuntiat, cui adhuc comiti aliquando a confessionibus fuerat Henricus, & de eodem iam Romanorum rege a legationibus imprimis ob Thusciaë emancipationem optime meritis. In appendice conciliorum Germaniæ g) notatur synodus nationalis Erfordiaë anno 1287. celebrata præside Henrico Moguntino, ubi qui h) dicitur *Rudolphus Constantinus*, haud alius est, quam Rudolphus Constantiensis noster episcopus eius nominis secundus ex comitibus de Habsburg. Ibidem memoratur synodus Aschaffenburgensis, provincialis Moguntina an. 1292. sub Gerhardo II. Henrici successore celebrata. Hic de Eppenstein dictus, archidiaconus Trevirensis & canonicus Moguntinus iam post mortem Wernerii ab una canonicorum parte archiepiscopus fuerat electus, dum pars altera Petrum

Rich

Rich de Reichenstein, canonicum Basileensem, & maioris ecclesiæ Moguntinæ præpositum adoptavit, quorum neuter tamen ab Honorio P. fuit confirmatus, sed Henricus archiepiscopus ab eo constitutus. Hoc autem mortuo, Gerardus iterum a canonicorum parte archiepiscopus designatus & a Nicolao IV. P. Romæ inauguratus est. Erat vero Sifridi III. nepos, & patruelis Werneris, qui post Christianum & Gerardum I. Sifrido in sede Moguntina successit.

SECVLVM  
XIII.

X. Amplissimus provinciæ Moguntinæ episcopatus Constantiensis in-  
eunte sec. XIII. antistitem habuit Diethelmum de Weissenburg, seu no-  
vo Krenckingen, ex abbate Augiensi electum episcopum an. 1188. iuxta  
alios an. 1191. vel sequente. Is retenta simul abbatia an. 1198. legatione  
apud Philippum Rom. regem perfunctus, ab eo iurato promisso nomine  
pontificio accepit, quæ habentur in conciliis Germaniæ a), ubi ad calcem a) *T. III. p.*  
hæc leguntur: *Hæc & omnia in præsentia domini episcopi Constantiensis, 467. &c.*  
& domini Martini Prioris Camaldulensis, & domini Eberhardi abbatis  
de Salem, & domini abbatis Petri de Burgo S. sepulcri, & fratris Odonis  
de Salem præsentium latoris, Henrici dapiferi de Walpur, Henrici Ma-  
reschalli de Pappenheim, Helferici notarii me facturum & observaturum  
bona fide & sine omni fraude iuravi. Conrado de Fabaria teste apud  
Goldastum b) Philippus monitu Diethelmi animatus imperium usurpare b) *Script. rer.*  
coepit. Adfuit etiam Diethelmus conventui Mulhusano in causa eiusdem *Alcm. T. I.*  
Philippi, cui Bertholdus Zaringensis oblatum sibi imperium cessit certis *p. 79.*  
conditionibus, datisque obsidibus, teste Ottone de S. Blasio in appendice  
ad chron. Ottonis Frisingensis c) & Conrado Urspergensis, qui ad 1202. c) *Urs. Scri-*  
perhibet, se presbyteratum a venerabili episcopo Constantiæ Diethelmo *ptor. rer. Ger.*  
accepisse, ad ordinem Præmonstratensem venisse an. 1207. electum abba- *T. I. p. 223.*  
tem an. 1215. & in Ursperg translatus. Anno 1202. Diethelmus Con-  
radum & Luitoldum fratres ad litem cum monasterio S. Blasii componen-  
dam induxit, qui ecclesiam in Bettmaringen cum sibi subdita ecclesia in  
Mauchen in choro Constantiensi cum omni iure resignarunt Manegoldo  
abbati S. Blasii.

Diethelmo in episcopatu Constantiensi successit circa an. 1206. Wer-  
nerus de Stauffen Brisgovix, & huic anno 1210. Genradus II. comes de  
Andechs, sub quo concordia facta est inter capitula Spirense & Constan-  
tienze propter primos fructus ecclesiæ in Eßlingen. Eidem Egeno comes  
de Urach an. 1225. sententiam suam inter S. Blasium & dominum de Ge-  
phingen ob ecclesiam Utenwiler adprobendam transmisit, quod is anno  
1229. præstitit, quo concilium Constantiæ fuit habitum. Idem anno

SÆCULUM  
XIII.

1231. feuda ab Hermanno abbate & conventu S. Blasii comitibus de Kiburg data confirmavit, uti & anno sequente concambium inter Hermannum marchionem de Baden & S. Blasium: quo eodem anno 1232. obiit Conradus.

Henrico de Thannegg (quem alii nominant de Than seu de Thannen Waldburg apud Crusium, quum dapiferi de Waldburg præmittere axioma de Than consueverint) Innocentius IV. P. an. 1246. etiam abbatiam Rhenaugiensem concessit, quam ille tranquille tenuit usque ad mortem 1248. successorem autem eius Eberhardum Bertholdus de Falckenstein abbas S. Galli in usurpanda eadem abbazia prævertit. Uterque dein an. 1257. ab imperii principibus legati in Hispaniam ad Alphonsum Castiliæ regem missi sunt, cui imperii diadema offerrent. Uterque etiam subscribit diplomati Conradini an. 1266. apud Oefelium a). Bellandum fuit Eberhardo cum Henrico de Lupfen, cuius uxor fuerat soror postremi comitis de Kusseberg, quod castrum Henricus antecessor in episcopatu, uti etiam castrum Thanneck ædificavit. Quid circa hæc aliaque an. 1251. inter Eberhardum episcopum & Henricum de Lupfen tractatum sit, docet charta Theotisca a nobis paullo ante memorata, & in appendice relata. Ex comparatis a Waltero de Klingen bonis in Helvetiæ comitatu Badensi 1209. is anno sequente quædam venditione cessit Arnoldo abbati S. Blasii, accepta vicissim advocatia super octo curias prope Klingnovium, & an. 1271. super alias possessiones in Alpegovia, quæ recensentur in charta a nobis edita in auctario diplomatum b): quo ipso anno confirmavit concambium inter S. Blasium & dynastas de Klingen. Eberhardi episcopi chartam incorporationis parochiæ in Dornhaim, in gratiam monasterii Alpirspacensis an. 1272. datam subscribit Hainricus notarius nomine C. Præpositi, Walckon decani, B. thesaurarii, Burckardi scholastici, Hainrici Præpositi S. Stephani & aliorum de Constantiensi capitulo.

a) T. I. Scrip-  
tor. rer. Boi-  
sar. p. 610.

b) Cod. epist.  
Rudol. p. 227.

Eberhardo in episcopatu Constantiensi an. 1274. successus est Rudolphus de Habsburg, frater Eberhardi & Gotfridi de Laufenburg, Rudolphi I. regis patruelis. Sub eo accidit, quod Ellenhardus in chronico Argentinensi post res Ottocari devicti in terris Austriacis refert: *Post hæc illustris dominus Rudolphus versus Sueviam ad terram nativitatis suæ anbelans venit Constantiam, & ibi pacem generalem per nobiles terræ, & cives eiusdem civitatis iuramento ab ipsis coram ipso rege interposito, & pœna debita vallavit: quod & fecit in Turego, Schafbusa & Basilea, & aliis civitatibus & oppidis imperii.* Rudolphus Constantiensis episcopus an. 1290. litteras communivit, quibus Henricus de Krenckingen S. Blasio pos-

possessiones in Bettmaringen venumdedit. Idem mortuo anno 1291. Rudolpho Rom. rege *episcopus Constantiensis opposuit se filio regis Rudolphi pro rebus, quas abstulerat filio comitis de Laufenberg violenter, ut habent annales Colmarienses; & postea: obiit venerabilis dominus Rudolphus de Habispurg, episcopus Constantiensis, frater comitis Gotfridi de Laufenberg, & in prandio vitam noscitur fuisse.*

Successit ei an. 1293. Fridericus I. comes de Zollerer, cui ab altera canonicorum parte oppositus est Henricus de Klingenberg, qui tandem cedente Friderico episcopatum obtinuit a). Perperam tamen id ad annum iam 1287. refert Guil. Eysengrein in catalogo testium veritatis eum egregie dilaudans: „Henricus (inquit) nobilis de Klingenberg ex Augiensi Benedictinæ professionis abbate Constantiensis episcopus, protonotarius imperatorius, & legum doctor, vir cum confessionis gloria, tum vita & conversatione plurimum insignis, philosophus clarus, poeta gravis & ingeniosus, historicus celeberrimus, multarumque litterarum & rerum peritissimus, qui S. Laurentii basilicam in urbe sua construxit. De angelis quæstiones absoluit. Historiam præterea Habsburgensium comitum scripsit. Obiit anno Salvatoris Christi 1306. in cathedrali Constantiensi basilica sepultus.“

a) *Gall. Christ.*  
*T. V. p. 917.*

XI. Apud cæteros scriptores omnes, quos cōsulpi, vocatur Conradus de Scharfeneck, qui Ottonis episcopi Spirensis coadiutor ac post mortem successor fuit, a Conrado Urspergeni auctore cœvo Henricus appellatus, cancellarius Philippi Rom. regis, qui Spiræ habito concilio curiam principum condixit apud Northulin, ut idem Conradus b) narrat. Relato autem paullo post Philippi regis parricidio, subdit: quum corpus regis primum humatum fuerit apud Babinberg, & postmodum quum Fridericus II. imp. regnum accepisset, patrui sui corpus noluisse in Babinberg esse sepultum, sed fecisse illud extumulatum in Spiram deferri, & de consilio Henrici (I. Conradi) de Scharfeneck episc. Spirensis & cancellarii imperialis aulae, ibidem sepeliri cum progenitoribus suis, & ob commemorationem tanti regis canonicis ecclesiæ Spirensis in augmentum præbendarum suarum contulisse ecclesiam in Ezelingen cum pertinentiis suis. Rem circa hanc ecclesiam inter utrumque capitulum Constantiense & Spirense paulo ante notavimus de episcopis Constantiensibus agentes. Eundem episcopum Spirensen idem Urspergenis c) ad an. 1209. rursus Henricum vocat: Henricus, inquit, episcopus Spirensis fuerat protonotarius in curia Philippi, & in potestate habebat in castro Trivels coronam & crucem & insignia regalia, quæ nec etiam restituere voluit, nisi fieret can-

Spirensis.

b) *pag. 323.*

c) *pag. 326.*



SECVLUM  
XIII.

*cellarius imperialis aulae, quod & factum est, perduravitque in eo officio usque ad finem vitae suae, quum tamen postea habuisset duos episcopatus Metensem & Spirensen. Errare vero abbatem Urspergensen charta archivi Spirensis an. 1219. demonstrat, quā Eberhardus abbas Hirsaugiensis vineas vendit capitulo Spirensi sub venerabili episcopo Conrado Spirensi & Metensi. In supplemento conciliorum Germaniae a) notatur synodus diocesana an. 1211. habita a Conrado episcopo, in qua de iure patronatus & decimis in Medinheim donatis, dein permutatis, inter abbatem de Herrnmenroth & Theodoricum de Kirweiler pronuntiat.*

a) T. III. p. 794.

Successerunt ei post Beringerum duo cognomines Conradi, quorum unus in chronico episcoporum Spirensium apud Eccardum b) appellatur de Thuren, alter apud eundem c) nobilis a Dan ex gente dapiferorum de Waldburg, ut in Gallia Christiana d) notatur. Apud citatum Eccardum dicitur an. 1235. eodem episcopo Cuno abbas Weissenburgensis cum consensu sui conventus ius patronatus, quod habuit in Billemkem, tradidisse ecclesiae Spirensi: eodemque anno abbas Clingenensis monasterii donasse ecclesiae Spirensi ius patronatus in Offenbach pleno iure possidendum. Anno 1236. abbas & conventus Hirsaugiensis necessitate constricti triginta modios tritici civilis mensurae vendiderunt, ut habet charta, quam ex archivo Spirensi edimus.

b) Corp. hist. med. ævi. T. II. p. 2268.

c) p. 2275.

d) T. V. pag. 729.

Henricus comes de Leiningen dicto Conrado IV. de Waldburg successit, quem Philippi Simonis descriptio vernacula episcoporum Spirensium quintum vocat. Fuit is iuxta Galliam Christianam e) & Eccardum f) imperialis aulae pariter cancellarius, qui simul notat, sub ipso exordio simultatem inter episcopum & clerum ac cives Spirenses extitisse, ac fundatum quoque an. 1266. Spiræ fratrum Prædicatorum monasterium. Sæpe citatus chronographus Argentinenfis ad an. 1284. hæc narrat. „Rudolphus rex collecto exercitu perrexit contra episcopum Spirensen, & obsedit castrum & oppidum Luterberg, quod ad Romanum imperium asseruit pertinere, & fuit in obsidione per sex septimanas: demum expugnavit illud & extraxit de manu episcopi Spirensis. Nec hoc solo contentus ipsum episcopum, Henricum videlicet de Bonlandia, in exilium misit, in quo exilio extra regnum Romanorum stetit annis... usque ad obitum Rudolphi regis. Causa sui exilii dicebatur esse ea, quod dominum Rudolphum regem, quum regressum fecit de concrematione nefandissimi hominis, interficere voluit manu armata, quum ipse dominus Rudolphus sua sederet in biga; sed monitus ad enucleandam veritatem & malitiam convincendam se absentavit, & inventum fuit ad litte-

e) T. V. pag. 729.

f) L. c.

te-



„teram sic velle fecisse. “ Nemo non vidit, hæc ad illud tempus esse re-  
 ferenda, quo an. 1285. personatum Fridericum cremari iussit Rudolphus,  
 uti supra ex Fastis Rudolphinis a) narravimus. Palam vero hinc fit, in  
 isto Ellenhardi chronico confundi Henricum de Leiningen cum Friderico  
 barone de Bolanden, Henrici ex sorore nepote ac successore, quem  
 Gallia Christiana b) iam an. 1273. in diplomate Rudolphi notavit, a quo  
 anno 1276. Volandus abbas Hirsaugiensis, iterumque an. 1292. eius suc-  
 cessor Godefridus fuit confirmatus. Ex quo ipso etiam probatur, quod  
 citatum habet Argentinense chronicon, Fridericum usque ad obitum Ru-  
 dolphi regis in exilio perstitisse, seu ad annum 1291. cuius tamen vo-  
 luntarii exilii longe leviolem causam assignant Philip. Simonis in chro-  
 nico episcoporum Spirensium c) & Christoph. Lehmannus itidem in chro-  
 nico Spirensi d) ubi etiam leguntur litteræ Henrici archiepiscopi Mogun-  
 tini de an. 1286. ad cives Spirenses; huic enim ceu metropolitæ dioce-  
 sis Spirensis administratio absente Friderico fuit demandata, ut notat Gal-  
 lia Christiana. e)

SÆCULUM  
XIII.

a) p. CXLIV.

b) T. V. pag.

730.

c) pag. 106.

d) pag. 886.

e) T. V. pag.  
490.

XII. Conradi Argentinensis episcopi libro superiore meminimus in fun-  
 datione monasterii omnium Sanctorum ordinis Præmonstratensis in Silva  
 Nigra, idque ex litteris successoris sui Henrici II. an. 1220. cuius mor-  
 tem ad annum 1223. refert Albertus Argentinensis auctor, ut videtur,  
 fragmenti historici apud Urstisium f). Bertoldus eius successor de Tecke  
 adpellatus bella gessit cum cognatis sibi comitibus de Pfirt auxilio usus  
 Alberti de Habesburg, dum Pfirtensibus adest comes Egeno de Friburg.

Argentora-  
tensis.f) Script. Ger.  
P. II. p. 90.

In Msc. codice Argent. Ellenhardi hæc lego: anno MCCXVIII. g)  
*Argentinenses obtinuerunt triumphum contra quatuor civitates sub episco-  
 po Bertholdo & primicerio comite de Habethburch.* Ad annum 1230. re-  
 conciliatis rege Henrico & episcopo Argentinensi, paceque reddita, si-  
 luisset & quievisset terram a bellorum tumultu perhibet laudatus Albertus  
 Argentinensis, itemque ad an. 1236. imperatorem Fridericum & episco-  
 pum Argentinensem circa initium Quadragesimæ pacifice convenisse de  
 feudo, super quo prius longo tempore inter eos contentio vertebatur.

g) Forte mel.  
MCCXVIII

Eius tamen successor Henricus de Stalecke haud amplius stetit ex par-  
 tibus Friderici imp. sed illo in concilio Lugdunensi an. 1245. excom-  
 municato & abdicato ipse unacum archiepiscopis Moguntino, Colonien-  
 si & Trevirensi, episcopis quoque Metensi, Spirensi & aliis Henricum  
 Thuringiæ Landgravium regem elegit, uti etiam in citato Ellenhardi chro-  
 nico refertur: ubi pluribus quam in fragmento historico explicatur bel-  
 lum,

SECVLUM  
XIII.

lum, quod Henricus ea occasione gessit tam in Alsatia, quam cis-Rhenum quoque in Nigram Silvam penetrando: *Fautores vero, inquit, eiusdem episcopi expugnaverunt ex altera parte Rheni nobile castrum Malberch & castrum Husen & multa oppida. Post hæc expugnavit idem episcopus castrum Ortenberg, & subiugavit sibi oppidum Offenburg & Kinzinchental & Gengenbach. Idem postea Rudolphum in Cæsarem electum dilaudans in militia a iuventute enutritum. Erat enim, pergit, dux militiæ & vector vexilli civitatis Argentinensis usque ad tempora vitæ suæ, multa commoda & victorias conflictuum civitas Argentinensis tempore domini Henrici de Veringen & domini Bertholdi de Tecke episcoporum Argentinensium est consecuta per eundem.*

a) Cap. III.  
n. II.

Haud meminit belli, quod idem Rudolphus pro civibus Argentinensibus gessit contra episcopum Walterum de Geroldseck an. 1261. & sequentibus, de quo egimus in Fastis Rudolphinis a). In Msc. codice cœvo Argent. identidem citato nominatur hic episcopus Argent. Walterus de Geroldseck a cognomine castro trans Rhenum prope Tabernas (Saverne) non confundendo cum castro Hohengeroldseck e regione Alsatiae in aditu Nigræ Silvæ constituto. Fuit is an. 1260. in episcopum electus, & confirmatus per archiepiscopum Moguntinum, consecratusque in sacerdotem & episcopum in festo Purificationis B. Mariæ V. in ecclesia maiore Argent. primam missam celebravit, ad quam multi nobiles & magnates advenerunt, ut in illo Msc. notatur: *abbas videlicet S. Galli Bertholdus nomine venit cum mille equitaturis; abbas vero Bertholdus de Morbaco filius amiti dicti episcopi cum quingentis equitaturis, & multi alii, & infiniti nobiles, comites, barones & magnates.*

Idem abbates postea cum multis armatis in eius exercitu memorantur, perinde ac archiepiscopus Trevirensis avunculus suus cum 1700. militibus, comes item Rudolphus de Habesburg, postea in regem promotus. Hic tamen deinceps primus nominatur eorum, qui post primam velitationem apud Argentoratum conspirarunt cum civibus contra episcopum, dein *Gotfridus comes de Habesburg Rudolphi patruus, Hartmannus comes de Kiburg, cui dictus dominus Rudolphus postea successit in comitatu Kiburg. Item comes Conradus de Friburg, & dominus Henricus de Fluenburg Præpositus ecclesiæ Basileensis, promotus postea in episcopum Basileensem, qui postea multas & maximas guerras habuit cum dicto domino Rudolpho de Habesburg.* Pluribus deinceps eo in Msc. describitur bellum istud ac prælium, ex quo inferior discessit episcopus, occumbente ibi etiam Hermano de Geroldseck episcopi fratre, milite valde strenuo, qui per Richardum

dum de Anglia Rom. regem advocatus seu gubernator erat constitutus a Basilea ex utraque parte Rheni usque Selze & Weissenburg. Idem Richardus de Anglia Rom. rex Hagenoviam veniens pacem conciliare contendit inter urbem & episcopum, huius morte an. 1263. demum constabilitam.

In Walteri locum ad civium preces in episcopatu fuffectus est concorditer Henricus de Geroldseck *an den Wasichen*, ut in Msc. illo vocatur, cantor ecclesiæ Argentinensis, qui contra voluntatem episcopi in civitate remanserat, ex qua nempe iussu episcopi initio statim turbarum exierant *canonici, milites, ministeriales ecclesiæ, Kagones, Begerones, Burggravii & alii quam plures*, ut loco citato recensentur. Permittente hoc episcopo Albertus M. teste Wimphelingo apud Fr. Guillimannum, an. 1268. sacros ordines Argentorati conferens, quingentos simul ordinavit, ex quibus centum erant sacerdotes, sacrosanctum item chrisma in cœna Domini consecravit, capellasque & altaria dedicavit.

Ordo Fratrum Prædicatorum, cuius alumnus erat Albertus M. iam sub Henrico II. episcopo Argentinæ primum est receptus, Henrico III. episcopo primum in fundamento lapidem ponente; locum vero ad construendum monasterium dederunt Eridericus de Havallo seu Hanau Præpositus, & Udalricus de Thalmafigen ac Ioannes de Alba Argentinenses canonici, ut legere est in chronico Senoniensi a) apud Dacherium b). Henrici antecessor Bertholdus I. iam antea circa an. 1230. Fratres minores in urbem suscepit, ubi sub Conrado III. episcopo ad finem seculi XIII. primum suum capitulum generale celebrarunt (ut scribit Fr. Guillimannus) cui interfuerunt Provinciales tres & triginta, ordinis monachi septingenti. Adfuere item Rudolphus dux Austriæ Rudolphi Cæsaris filius, & episcopi quatuor, Conradus Argentinensis, Probus Tullensis, qui antea fuerat Alemanniæ Provincialis, Henricus de Isena episcopus Basileensis & postea archiepiscopus Moguntinus eiusdem ordinis, & Albertus episcopus de Insula.

Conradi III. antecessores, quos memoravimus, Walterus I. & Henr. IV. qui teste Guillimanno *Augustinianos in urbem recepit, & liberalitate sua fovit & auxit*, orti fuerant ex eiusdem familiæ de Geroldseck diversa tamen stirpe cis- & trans-Rhenana. Fuit familia Geroldseckia rebus pollens in Ortenavia & Allatia provinciis Rheno divisis: illinc erat Walterus, hinc vero Henricus, in sæpe citato codice Msc. vocatus etiam de Geroldsecke prope Borre, quartus hoc nomine inter episcopos Argentoratenses, Walteri an. 1263. successor, civiumque fautor: *Et sic facta*

SECVLUM  
XIII.

*est concordia inter dictos cives & canonicos usque in hodiernum diem. Tum sequitur nota chronici dicti codicis: Hæc scripta sunt & completa de guerra prædicta anno Domini 1291. feria quinta in paschis.*

Erat tunc episcopus Argentinensis Conradus de Liechtenberg seu Claromonte, post mortem Henrici an. 1273. electus, de quo memoratum Msc. ad calcem: anno Domini 1299. feria V. ante festum ad vincula Petri prædictus dominus C. de Liechtenberg Argent. episcopus speciosus valde & potens, quum esset in potissimo suo statu, per miserabilem & inopinatum casum in obsidione Friburgensi prob dolor lethaliter extitit vulneratus, & ex ipso vulnere in festo ad vincula Petri prædicto, quod erat sabato sequenti, viam fuit universæ carnis ingressus. Cuius corpus die dominico sequenti in capella S. Ioannis Baptistæ in ecclesia Argent. cum magno, sicut decuit, honore ecclesiasticæ fuit traditum sepultura: cuius etiam magnifici principis potentia fama suis temporibus præ omnibus prælatis ecclesiæ per totum claruit mundum. Sed laudem hanc mortis genere haud tulit ex merito, suppetias quidem ferens Egenoni comiti Friburgensi confanguineo suo: unde plus æque laudatur in chronico Argent. eiusdem codicis, ubi de bello Alberti Rom. regis cum Adolpho agens auctor sugillat Gerardum archiepiscopum Moguntinum, quod non bene se tenuerit tam circa promotionis electionem, quam etiam in conspectu: dominus vero Conradus Argentinensis episcopus non sic fecit, sed exposuit corpus & res quam præpotens cum tota sua diœcesi & civitate Argentinensi suffragabat. Conradus hic nimium, quam episcopum deceret, bellicosus, teste Guillimanno plerisque Rudolphi I. Rom. regis expeditionibus bellicis adfuit, bello præcipue Burgundico, Friburgensi, Montis Bellicardensi, & Sabaudico. Eius etiam iussu marchionem Badensem Rudolphi imperium detrectantem invasit, Durlacum obsedit, atque expugnatum incendit. Denum ut bellicas cæteras eius expeditiones silentio involvam, ad finem seculi XIII. in auxilium veniens sororio suo Eginoni comiti ad devastandum Friburgenses, in illa obsidione occubuit, ut iam ex Alberto Argentinensi apud Guillimannum memoravimus. Ut vero hic idem porro refert, Albertus Austriacus, quum reprobato Adolpho ad capeffendum imperium a principibus vocatus magnis itineribus multisque cum copiis Friburgum venisset, accepto ibi huius Conradi præsidio Argentinam, & inde Moguntiam fuit delatus.

Idem Albertus iam rex, ut perhibet Ellenhardus, cum principibus apud Franckensurt colloquium habuit, misitque pro domino suo Conrado de Liechtenberg episcopo Argentinensi, suo prædilecto, qui eius mandatis voluit



luit obaudire, & ad eum venit Franckenfurt, & benigne ab eo fuerat receptus. Regina vero existente in Ulmen misit litteras domino Alberto regi Romanorum predicto, rogando, quod dominum Conradum episcopum Argentinensem secum apud Ulmen duceret, ad videndum & speculandum personam domini eiusdem, qui se & sua pro domino suo predicto & eius adiutoribus totis viribus exposuit, sicut est manifestum: qui episcopus cum ipso rege venit Ulmen ad reginam, erantque omnes guerra sopita, & vixerat tota terra in pace. Idem dein Albertus rex præsens fuit Argentorati, dum Fridericus in locum demortui Conradi electus est episcopus ex Præposito Argentinenfi, crastino exaltationis S. Crucis an. 1299. cui illico etiam regalia contulit feuda, eumque Gerardus archiepiscopus Moguntinus confirmavit, præsente quoque Henrico Constantienfi.

Præcedentem vero de Conrado narrationem ita concludit: *Hæc procuravit scribi Magnus Ellenbardus civis Argentinenfis, ipsi honor & gloria cum salute.* Unde palam quidem fit, Magnum Ellenhardum hæc tantum conscribi curasse; hoc tamen solum dubium relinquitur, an ipse, vel iterum amanuensis manus codici conscribendo admoverit usque ad mortem Wilhæmi regis a Frisonibus an. 1256. occisi, ubi hæc notantur: *ab isto loco usque ad finem compilatum est per Gottfridum notarium Curie Argentinenfis dictum ab Ensingen, ad preces Magni Ellenhardi procuratoris fabricæ Argentinenfis & gubernatoris præbendariorum pauperum S. Spiritus Argentinæ.* Ad an. 1290. hæc leguntur: *a tempore Richardis usque ad hunc locum compilatum est ex mandato Ellenhardi procuratoris fabricæ ecclesiæ Argentinenfis &c.* Eiusdem etiam fit mentio in conflictu civium cum episcopo Waltero, quod omnia conscripta sint de ore eorum, qui interfuerunt & viderunt, & specialiter ex relatu Ellenhardi Magni ante monasterium procuratoris fabricæ, qui nondum erat procurator fabricæ, sed post diem conflictus per spatium XXII. annorum effectus est procurator fabricæ Argent. civis honestus & probus, qui die conflictus erat constitutus custos, quod vulgariter dicitur Wartmann.

Magnifica hæc ecclesia an. 1015. a Wernero de Habsburg Argentinenfi episcopo cœpta anno demum 1275. absoluta est, & post biennium turris superbissima, ab Erlino a Steinbach inchoata, post annos 162. perfecta fuit, an. 1439. Fr. Guillimannus vero in Conrado III. a) aliquos notasse refert, turrin hanc per annos octo & viginti in eam, quam omnes admirantur, altitudinem ac pulcritudinem excrevisse. Ædificium hoc variis simultatibus cum episcopis collisum cernentes canonici sibi illud vindicarunt, donec anno 1290. id solemni pacto magistratui detulerunt,

a) De episcop.  
Argent. pag.  
317.



SECULUM  
XIII.

teste Schreppino a). Idem architectus sacellum B. V. Mariæ ibidem ædificavit an. 1316. quo ipsius uxor Hufa obiit, ut docet lapis superpositus epitaphio mariti, quod sic habet: *anno Domini 1318. 16. Kal. Februarii obiit magister Erwinus, gubernator fabricæ ecclesiæ Argentoratensis. Et infra: anno Domini 1339. 15. Kal. Aprilis obiit magister Iohannes filius Erwini magistri, operis sui æmulus.* De organis insignis illius basilicæ in sæpe citato Msc. codice hæc ad an. 1292. adnotantur: *Idem eodem anno comparavimus organas, quæ constabant quingentæ libræ Argentinensis moneta. Eodem tempore fuerunt Lucas miles & Ellenhardus maior prope monasterium, & magister Guncelinus de Franckenfort paravit prædictas organas.* In Echardi scriptor. FF. Prædicat. celebratur Ulricus Engelbrecht discipulus Alberti M. auctor variorum scriptorum theolog. qui nihilominus organa, de quibus sermo, fecit an. 1260. an. 1298. incendio consumta.

Monasterium  
S. Trudperti.

XIII. Antiquissimi in Nigra Silva monasterii S. Trudperti florentem sub B. Hugone abbate statum priore iam libro b) prodidimus, quem ille seculo XIII. conservavit, non obstantibus gravissimis vexationibus & insidiis advocatorum, ob quas etiam in vita S. Trudperti apud Bollandianos c) civilitatem Brisacensium implorasse dicitur, *ut, sicut eorum iuramenta se habent, modo concivium ipsum etiam monasterium tuerentur. Super quo dolentes advocati, arbitranterque, factum hoc in sui contemptum, manifestis inimicitiis insectantes abbatem, abesse ipsum a monasterio aliquamdiu compulerunt, ut mortis periculum devitaret: quas tamen insidias ipse S. Trudperti tutela evaserit, uti deinceps ibidem narratur.* Apud P. Herrgott d) habetur charta an. 1211. qua auctoritate Henrici II. episcopi Argentinensis, & Alberti comitis de Habsburg monasterium S. Trudperti contra iniurias advocatorum de Stophin, seu Stauphen Brisgoiæ (ex qua familia supra ineunte seculo XIII. Wernerum episcopum Constantiensem notavimus) defenditur, eidemque monasterio bona convallium in vicinia S. Trudperti, a dictis advocatis hæcenus iniuste usurpata, denuo addicuntur. Chartæ huic ultimo loco inter alios abbates Henricus de S. Trudperto subscriptus legitur, qui ibidem B. Hugoni in regimine successit. Hoc ipso tempore idem monasterium a memorato episcopo formam iudiciariam (vulgo Dinkrodel) accepit, in qua omnia monasterii iura, eiusque consuetudines recensentur.

d) Genealog.  
Habsb. T. II.  
P. I. p. 213.

Eodem anno Rudolphus de Habsburg avus Rudolphi I. regis & comes provincialis Alsatia, cum consensu filii sui Alberti, omnes homines proprios in valle eidem cœnobio adiacente cum iure mortuarii seu Val (*Fallbarkeit* ius caduci) monasterio donavit, confirmata hac donatione ab Alberti

berti huius fratre Rudolpho patruo Rudolphi regis; quæ charta apud eumdem P. Herrgott habetur a). Memorati Alberti charta an. 1215. b) Henrico abbati & successoribus eius inscripta iterum monasterium coram Argentinenſi episcopo tutum præſtat contra oppreſſores, quos inter duo imprimis Ottones de Stouphen ſibi ſuccedentes fuerunt, quorum rabies in mox laudata S. Trudperti vita c) deſcribitur. Ad hunc annum Innocentius III. P. eidem abbati, nec non Præpoſitis Turegienſi & de Riede commiſit controverſiam monaſterii S. Blaſii cum Conrado nobili de Dirbenheim ob prædium in Nendingen remota adpellatione dirimendam; obiit Henricus abbas anno ſequenti 1216.

SECVLVM  
XIII.

a) L. c. pag. 215.

b) L. c. pag. 221.

c) Tom. III.  
April. Bell.  
p. 436.

In charta an. 1220. Eginonis iunioris comitis de Urach & domini Friburgi apud Schoepſinum in Hiſtoria Zaringo-Badenſi d) inter teſtes occurrit Gotfridus maſchalcus & frater ipſius Wernherus de Stauphen, ex quibus prior idem eſt, qui in memorata Alberti charta de an. 1215. inter oppreſſores littera initiali G. notatur. Wernerus item legitur apud eundem Schoepſinum e) in charta Agnetis comitiſſæ de Ura & de Friburg idem, qui auctori vitæ S. Trudperti apud Bollandum f) coævus, & adhuc, dum ſcriberet, in vivis memoratur: *Plures adhuc ſunt, inquit, viventes in carne, qui optime meminerint, quod quidam advocatorum, nomine Wernerus, in publico quodam victus captivus conſictu, quum ſe pacta quadam ſumma pecuniæ redemiſſet, debita redditurus, B. Trudperti magna ſatis exactione depecuniavit homines & colonos. Narrat dein quid eidem acciderit, argenteam crucem in pignus extorquenti, in qua vera crucis illa particula clauditur, quam unus clavorum dulcium penetravit. Plura prius dixerat de iniuriis a duobus Ottonibus de Stouphen illatis, quorum alter in caſtro Stauphen cœpit ædificare, quod non potuit conſummare verante reatu, dum operariis inſtat, torto fune percuſſus: iamiam vero moriturus, cum fratre ſuo germano Minores quoque Fratres advocavit, quibus conſeſſus, atque ab illis admonitus, in eorum Priorisq; B. Trudperti plurimumque præſentia prædicto germano ſuo teſtamentaria ordinatione commiſit, ut de bonis ſibi relictis eccleſiæ memorata integraliter ſatisfaceret g); quod ille negligens alias itidem pœnas dederit.*

g) Ib. p. 436.

Hæc ſub abbatibus Henrico an. 1216. deſuncto, ac Wernero acciderunt, cuius nominis duo hoc ſeculo XIII. fuere abbates in S. Trudperti monaſterio, quos nec auctor ille, nec alia huius monaſterii monumenta ſatis diſtinguunt; ut adeo aliunde lux eis ſit affundenda. Conradus Henrici in abbacia ſucceſſor an. 1235. a Friderico II. imp. protectionem cæſaream impetraſſe, ac monaſterium uſque ad an. 1242. rexiſſe dicitur,

**SECULUM  
XIII.**

a) *Genealog.  
Habsb. T. II.  
P. II. p. 419.*

b) *L. c. p. 419.*

c) *L. c. pag.  
514*

abhinc Abfalon ad annum ufque 1255. Anno autem fequente 1256. primo fcilicet Werneri I. Alexander IV. P. confentiente Eberhardo Conftantiensi epifcopo parochiam Crozingam huic monafterio incorporavit. Wernerus hic abbas occurrit in chartis compromiffionis parthenii in Sizenkilch ad congregationem S. Blafii fpectantis an. 1261. Legitur apud P. Herrgott a) Bertholdi epifcopi Bafileenfis fyngrapha, qua diplomati Luitfridiano, de quo diximus fuo loco, fidem facit: fuit autem Bertholdus epifcopus ab an. 1249. ufque 1262. Nos pleniorẽ attestationem Henrici abbatis de Porta cœli in Tennenbach Ord. Cifterc. Walteri abbatis S. Petri in Nigra Silva ord. S. Bened. & Werneri abbatis Cellæ S. Mariæ ord. S. Auguftini edimus, in qua Wernerus abbas S. Trudperti nominatur ad an. 1276. Scriptor autem vitæ S. Trudperti, ut vidimus, narrat res Werneri de Stoufen, cuius chartam an. 1269. pro monafterio S. Trudperti datam affert P. Herrgott b), qua cum confenfu Conradi comitis de Friburg ac *universitatis civitatis in Friburg* dat castrum Scharfenstein, cui geminum in vicinia eft Regelsburg, ex quibus pro more ætatis exactiões fuas ac infidias faciebant nobiles de Staufen.

Nominatur in hoc inftrumento Wernerus abbas, qui fuit hoc nomine primus. Dum vero memoratus vitæ S. Trudperti fcriptor eiusdem cœnobii monachus fec. XIII. quædam miracula circa an. 1279. commemorat, de Wernero utique primo loquitur tamquam iam ab aliquibus annis mortuo. Perperam igitur Werneri I. obitus ad an. 1288. refertur: quin imo fecundus cenfendus eft, qui in monumentis San-Blafianis ad an. 1283. præfens notatur in monafterio S. Blafii, dum Henricus abbas S. Blafii Bertholdo de Ochfenhufen S. Blafii monacho & plebano in Schönau concedit, ut per fe vel focium omni hebdomada femel miffam legere poffit in ligneo vallis Tottnavienfis facello in ara mobili. Inita quoque eft eodem anno confœderatio, cuius inftrumentum etiamnum fupereft in archivio S. Trudperti, *inter nos Wernberum divina permiffione abbatem totumque conventum monasterii S. Trudperti, divinoque nutu Heinricum abbatem totumque conventum monasterii S. Blafii, gratia divini cultus ampliandi, pietatisque intuitu &c.* Apud laudatum P. Herrgott c) ad eundem annum legitur charta, qua Heffo & Rudolphus de Vefinberg controverfias de filva Ramfpach inter abbatem S. Trudperti & cives de Sulzeberg ortas amice componunt. Wernerus II. an. 1302. abbatiam unacum mortali vita depofuiffe fodales San-Trudpertini tenent. Eius nomen haud exprimitur in charta San-Blafiana an. 1297. qua Bonifacius VIII. P. abbati S. Trudperti committit, ut bona a monafterio Sizenkilch iniufte alienata revocare procuret.

XIV. In supra memorato diplomate Henrici episcopi Argentinensis pro monasterio S. Trudperti an. 1211. inter testes abbates notantur Bur-  
 chardus de Alperspach, Dierricus de Gengenbach, Gottfridus de Ettin-  
 heim, de quibus consequenter agemus. Timeo ne hic alteratio nominum  
 fuerit facta. Dietericum enim abbatem Gengenbacensem in chronico il-  
 lius monasterii apud Lunigium a) demum anno 1248. præfuisse intelli-  
 mus: ante quem mors Gottfridi I. ad an. 1237. collocatur, qui an. 1221. <sup>a) Spicil. ec-  
 clef. T. III. p. 290.</sup> parochialem ecclesiam S. Martini ante muros Gengenbacenses sitam ali-  
 quamdiu alienatam recuperavit, eiusque incorporationem ab Henrico e-  
 piscopo Argentinensi obtinuit mense Maio, quam Sigefridus archiepisco-  
 pus Moguntinus eodem adhuc mense, Honorius vero papa mense No-  
 vembri confirmavit.

Walterus iuxta chronicon apud Lunigium an. 1242. præfuit, circa quæ  
 tempora acciderunt illæ Henrici episcopi Argent. invasiones, de quibus  
 supra locuti sumus. Extat in Alsatia diplomatica Schoepflini b) charta Inno-  
 centii IV. P. an. 1248. qua Henrico prospicit de sumtibus, quos in expu-  
 gnandis Gengenbach oppido, cuius mœnibus cingitur monasterium, Mal-  
 berg item & Ortenberg castris impenderat, quæ nimirum Fridericus imp.  
 tunc diris devotus, ab ecclesia Bambergensi in feudum tenebat. <sup>b) T. I. pag. 399.</sup>

Annus 1248. congruit Dieterico I. post quem Hugo præfuisse dicitur  
 an. 1269. Gottfridus an. 1276. Bertholdus post eum an. 1278. a Rudolpho  
 Habsburgico immunitatem appellationis accepit. Perperam autem mors  
 Bertholdi ad an. 1297. reponitur. In charta quippe Reichenbacensi anno  
 1295. legitur commissarius papalis Gottfridus abbas Gengenbacensis sigil-  
 lum adposuisse cum cognomine Hirsangienſi. Citius ergo Gottfridus II.  
 est collocandus Bertholdi primi successor & antecessor alterius Bertholdi,  
 qui sine anno innectitur, ut tamen facile ad spatium unius alteriusve an-  
 ni in illo chronico tres abbates revocentur, quod esset extraordinarium.

XV. Inter gesta Gottfridi, quem primum sec. XIII. notavimus, abba-  
 tem Gengenbacensem, in memorato chronico apud Lunigium referun-  
 tur, quæ contra archipresbyterum Zunsweisenſem eiusque fratrem Priorem  
 in Schuteren egit, quum gravissimas sustineret persecutiones: *Hic, in-  
 quit, cum toto suo conventu provisionaliter ad imperatricem profectus, au-  
 xilium contra vim monasterio ab iisdem illatam supplex imploraturus. Im-  
 peratrix tot religiosos diversa ætatis coram se prostratos cernens obstupuit,  
 & eorum miserata aliquot equites cum quibusdam nobilibus, inter quos e-  
 rant nobiles Zöderer de Diesperus, constituit, ubi monasterium pluribus  
 mobilibus invenerunt spoliatum. Quid porro in re actum sit, non additur.*  
 Mo-



SECVLUM  
XIII.

a) *Collect. I.*  
p. 20.

b) *L. c.*

c) *L. II. P.*  
*III. c. 15.*

Ettenheim-  
münster.

d) *N. LIV.*

Monasterium Schuteranum incendio periisse Paulus Volzcius in suis scriptis adnotasse dicitur In anonymi chronico huius monasterii apud Schanatum in Vindemiis litterariis a) sub Friderico, qui notatur in fimbriis vestimenti statuæ circa sepulcrum Domini, fuitque abbas anno 1240. Rem vero restitutam fuisse ab Hermanno de Burner ex familia in monasterium admodum benefica, chronica Schuterana referunt, ecclesiam vero cum plerisque altaribus ab Alberto M. episcopo Ratisbonensi esse consecratam Guillimannus ex Wimphilingo perhibet. Hermanni huius statua versus altare Martyrum in fimbriis vestimenti hæc habet: *Hermannus abbas fecit istud novum opus*, ubi nimirum rex Otto fundator sepultus dicitur. Narratur vero b), quod Hermannus an. 1283. idibus Augusti consecrari fecerit novum opus & sex altaria, itemque 19. Decembris in claustro ante valvas templi sepulturam prælatorum, seu cœmeterium venerabilium abbatum huius monasterii. Referuntur postea benefactores, translatio sanguinis D. N. I. C. sub eodem abbate Hermanno, cui hæc aliaque sacra lipsana donavit Udalricus de Geroldseck episcopus Argentinensis, ex quibus hodie superest insignis S. Crucis Salvatoris nostri particula. Præfuisse dicitur Hermannus annis triginta tribus, ac anno Domini 1295. XV. Kal. Iunii obiisse, Rudolphus autem II. Kalendis Iunii eiusdem anni illi suffectus, sub quo Conradus episcopus Argentinensis ecclesiam in Ottenheim matricem declaravit, & Almansweyler filialem anno sequente.

Crusius in Annalibus Suevicis c) postquam fluvium Schutern, unde monasterium nomen habet, eiusque ex Nigra Silva originem accurate descripsisset, simulque illius decursum usque ad villam Hirdsfeldam, ubi is in Rhenum exoneratur, hæc subiungit: *Habet Schuterana vallis ad Occidentem in iugo montis exacte rotundi (vulgo Schinzberg) pervetustam & munitissimam arcem Geroldseccam, dictam a Geroldo duce quondam Suevorum: quibus & privilegium primorum ordinum in prælio tenendorum virtute meruisse dicitur &c...* Huius arcis domini facti sunt an. 1262. patroni Schuterano vel Offonis monasterio post dominos Thiersbergios, quum Henricus a Thiersberg in prælio illo, quo Walterus ab Argentinensibus victus est, occubisset. Hæc Crusius se ex Offonianæ cellæ descriptione apud Paulum Volzium hausisse addit.

XVI. Expertum quoque est Ettenheimense monasterium Geroldseckios suos advocatos, verum admodum infestos, familiam scilicet seculo XIII. in Alsatia & Ortenbergia rebus satis pollentem. Cæterum Ettonianum hoc monasterium post Fridericum, quem libro superiore d) memoravimus successorem Wernerii, utrumque e monasterio S. Blasii evocatum, abbatem ha-

ha-



habuisse videtur Burchardum ex litteris anni 1181. ad Lucium III. P. ibidem citatis. In alia tamen charta eiusdem anni in archivio S. Trudperti adservata testis legitur: *Henricus de Ettenheim abbas*, qui item in alia charta an. 1186. apud P. Herrgott a) notatur. Quod si vera sint, quæ Bruschi in chronologia monasteriorum Germaniæ præcipuorum affert, anno 1211. Burchardum huic monasterio præfuisse abbatem, idque ex fenestræ cuiusdam inscriptione: *Burcardus abbas me fecit*; duo omnino eiusdem nominis statuendi forent abbates Ettenheimenses. Utut vero sit, eodem adhuc anno 1211. in charta apud P. Herrgott b) inter alios abbates testes occurrit *Gottfridus de Ettenheim*: de quo tamen nec ipse P. Bern. Muggius Ettonianus cœnobita in Mss. adnotationibus Alsaticis & Brisgoicis aliquid se reperire potuisse fatetur.

a) *Genealog. Habsb. T. II. P. I. p. 199.*

b) *L. c. p. 214.*

Ad preces Henrici II. abbatis an. 1225. Honorius III. P. omnia privilegia, bona, & iura monasterii confirmavit, & nova quoque adiecit: quo documento palam fit, monasterium illud de donatione Ettonis nihil fere amplius possedisse. Henricum hunc Gallia Christiana c) reticet, sed memorato Godefrido nonum abbatem subiungit Nicolaum I. Fulkesium, decimum Hessonem I. Alsatam de Bergkino, alias Berckheim, cuius familiæ supra meminimus, res Adolphi Rom. regis tractantes ex chronico Magni Ellenhardi ad an. 1296. In Fastis autem Rudolphinis d) ostendimus, seculo XIII. Cunonem de Bergheim a Rudolpho comite de Habsburg postea Romanorum rege emisse castrum Limper: ubi idem Rudolphus an. 1240. signavit diploma, quod apud P. Herrgott legitur e). Castrum hoc per amplam successu temporis Limburg vocatum fuit, illud haud dubie, ubi Rudolphus I. Rom. rex passim apud scriptores natus dicitur, ut loco citato ostendimus.

c) *T. V. pag. 865.*

d) *pag. VII.*

e) *Gen. Habsburg. T. II. P. I. p. 259.*

Hermannus ex equestri ordinis & dignitatis familia de Burnern oriundus abbas Ettonianus, anno 1295. in monasterio Schuterano mortuus, idem cum Hermanno de Burnern abbate Schuterano fuisse censendus est. In veteri documento an. 1281. notatur frater Albertus ordinis Minorum, episcopus de Insula, S. Mariæ altare consecrasse, quod Wernerus Prior monasterii construxit: id quod vel divisionem bonorum inter abbatem & conventum, aut interregnum innuit. Cæterum sub Hermanno de Burnern abbate an. 1292. ecclesia parochialis in Stozheim a Conrado episcopo Argentinensi, accedente apostolica ac metropolitana confirmatione, fuit incorporata.

XVII. Monasterium S. Blasii vigorem suum ac splendorem, quem S. Blasii monasterium.

SECVLUM  
XIII.

næ tum ecclesiasticæ cum monasticæ, quam studiis etiam litterarum, & præfulum suorum præstantia conservare quidem adlaboravit, illum tamen plane adsequi, iamque partum perfecte tueri haud potuit.

Paucis post mortem Mangoldi abbatis diebus an. 1204. Hermannus I. canonica electione suffectus, monasterium suum supellectili librorum plurimum auxit, & quidquid ad divini cultus augmentum ornatumque conducere poterat, quam studiosissime impendit, adiutus egregie ab Hermannno, qui ab anno 1175. usque 1215. integris quadraginta annis officio Magni Prioris (sic dicti ad distinctionem Prioris claustralis & Prioris veteris monasterii) fuerat perfunctus. Memoratur cum Arnolde Priore, qui dicto Priori successerat, in charta Conradi episcopi Constantiensis pro immunitate monasterii S. Blasii an. 1215. apud P. Herrgott a), quæ anno 1240. ab Henrico II. episcopo Constantiensi fuit confirmata b). Mortuo Bertholdo V. ultimo duce Zaringiæ & advocato monasterii an. 1218. libertati pristinae restitutum, ac immediate S. Romano Imperio associatum fuit cœnobium, unde & abbates deinceps inde ab Hermannno II. sellæ insidentes exhibentur in suis sigillis, cum inscriptione *Dei gratia*. Mortuus est Hermannus I. an. 1222. sepultusque ante altare Corporis Christi, in tertio loculo, ubi in eius epitaphio hæc quondam verba legebantur: *cuius pietas ut ipso vivente admirationi fuit, ita posteris exemplo esse debet.*

Hermannno abbati successit Otto, quem liber Originum monasterii S. Blasii auctorem prodit appendix ad chronicon Ottonis Frisingensis ab anno 1146. usque ad an. 1210. quem Urtilius in collectione Germaniæ historicorum illustrium c) Basileæ an. 1585. edidit sub nomine *Ottonis de S. Blasio*, quo etiam ab aliis scriptoribus passim notatur. Idem vero & alia quædam monachus adhuc elucubravimus, quæ inter ibidem d) ex Io. Heroldi civis Basileensis epistola ad Casparum I. abbatem S. Blasii, libri originum auctorem ita recensetur: *Ottonis a S. Blasio chronica prima. Libri series omnes sacre historie genealogias ad Timotheum Titumque Pauli discipulos usque figuris pulcre distinguit. Opus sane & elegans & non contemnendum. Exordium eius sic sonat: „Considerans historie sacre prolixitatem, nec non & difficultatem &c.“* Descripsi olim hoc chronicon ex Msc. chartaceo bibliothecæ Cæsareæ Vindobonensis, domique contuli cum membranaceo, forte autographo, codice, qui incendio monasterii nostri an. 1768. periit, ut tamen salvum sit dictum apographum, suo tempore, si videbitur, edendum. Otto hic abbas an. 1222. electus, quum mox sequente anno X. Kal. Augusti obierit, nonnisi unam chartam nobis

bis reliquit, eam historicorum more ita exorsus: *Anno ab incarnatione Domini 1223. Ego Otto S. Blasii XII. ( duodecimus ) abbas &c.*

SECVLUM  
XIII.

Porro in charta anni 1222. mense Aprili sub Hermanno I. adhuc data memorantur damna ecclesiæ S. Blasii per incendium illata; quorum suspitione iuramento se liberavit Conradus de Macensienh, qui legata fratris sui Henrici cœnobio restituere compulsus fuit coram delegatis apostolicæ sedis iudicibus Bertholdo abbate Weingarteni, H. Rotensi, & B. Walseensi Præposito apud Alidorf.

Sub Ottonis successore Hermanno II. Henricus VII. Rom. rex anno 1228. monasterium S. Blasii sub specialem protectionem recepit, firmata eidem imperii libertate. Privilegium hoc edidimus in appendice partis posterioris Taphographiæ Austriacæ a). Anno sequente 1229. Conradus II. episcopus Constantiensis sententiam ab Egenone iuniore comite de Urach & domino de Friburg, Egenonis Barbatii filio, in controversia inter monasterium S. Blasii & Henricum militem de Gepfingen super iure patronatus ecclesiæ Utinwilare latam confirmat, apud P Hergott b). Apud Schœpflinum in historia Zaringo - Badensi c) habetur instrumentum transactionis an. 1232. inter Hermannum II. abbatem & conventum S. Blasii, nec non Hermannum iuniorem marchionem Badensem super montem Susenberg, interventu eiusdem Conradi Constantiensis episcopi, qui eodem anno confirmavit iudicium apostolicorum depositionem contra Sigenandum presbyterum, ne per litteras apostolicas ecclesiam Schönaugiensem, ab Udalrico & Ottone episcopis & Honorio papa S. Blasii monachis traditam teneret, simulque demandavit, *ut duo fratres perpetuo Deo deservirent ibidem.* Hermannus abbas demum morbo elephantiaco correptus an. 1237. resignavit abbatiam, perinde ac eius successores Henricus I. an. 1240. & Arnoldus I. an. 1247. eadem de causa.

a) pag. 98.

b) Gen. Habsburg. T. II. P. I. p. 237.

c) T. V. pag. 182.

Petierat iam ab Henrico I. abbate, eoque abbatiam resignante iterum apud Arnoldum I. novis instabat precibus Ulricus nobilis de Klingen, in prædio suo iuxta fluvium Arolam, haud procul a Rheni in illo tractu confluentia castrum & civitatem constructurus, ut monasterium S. Blasii ei de suo fundo locum oppido Clingnau cederet, ubi etiam monasterio mox ius civitatis concessum est. Indultum id est, *quantum muri & vallis ambitus includit*, idque in domo capitulari apud S. Blasium coram Hartmanno Priore, Conrado custode, Henrico Præposito in Töttingen S. Blasii monachis, anno 1240. die S. Stephano protomartyri sacra. Opportune tunc ad festa natalitia Salvatoris nostri apud S. Blasium conveniant Henricus comes de Gussaperc, Luitoldus senior de Reginsperc,

Hugo de Winzilum, Henricus de Crenchingen, Walterus de Klingen, eiusque filii Ulricus & Walterus, Ulricus de Clingenberc, Conradus de Steine, Conradus de Lengenanc, Conradus de Sweiningen, Sigefridus de Blumpinbach, Henricus eius frater, Conradus & Gerungus dicti Strugel, Conradus de Riethein, Hermannus de Tongen, Conradus de Trulikon milites. Ex his aliqui aderant, ut huic concambio, quo Walterus de Klingen bona tradidit in Benzenowe; alii vero, ut Gerungi militis dicti Strugel donationi interessent, qua prædium in Lochringen per manus Henrici comitis de Cussaperc & Luitoldi de Regensperc monasterio S. Blasii contradidit.

Sub eodem abbate Hugo de Tuffenstein cum omnibus suis possessionibus & prædiis S. Blasio seipsum tradidit, *Et factus illic monachus cum omni humilitate servivit Deo usque ad bonum finem.* Diethelmus vero eius frater, postquam in prædio suo Brül, quod leuca fere a monasterio S. Blasii distat, novam cellam in honorem S. Cyrilli E. M. Georgii M. ac S. Mariæ Magdalenæ posuisset, ipsemet S. Benedicti regulæ in Steinenfi S. Georgii monasterio sese addixit.

Idem porro Hugo de Tuffenstein in charta an. 1243. testatur, se curiam in Tegernsfeld contulisse, ad hoc adductum, *quum eccles. S. Blasii occasione bellorum sive alias sæpius lassisset, Et plurimum damnificasset.* Sic anno 1219. damna S. Blasio illata reparavit Albertus de Wernshusen. Anno 1222. iudices delegati S. Blasio decernunt curiam eidem violenter ablatam. Anno 1225. ob damna illata monasterio S. Blasii prædium confert Rudolphus de Randegge. Testatur porro memoratum Henrici VII. diploma an. 1228. causam eiusdem esse *oppressionem Et inopiam claustri S. Blasii in Nigra Silva, bonestatem ecclesiæ, religionem personarum.*

Hæc ipsa vero novos eidem monasterio benefactores conciliarunt, dum præcipue post resignationem Arnoldi I. anno 1247. eius successor Arnoldus II. accedente copioso ex fodinis Tottnaviensibus, ad sarcienda damna ac bona recuperanda concessis, proventu, egestatem ut plurimum a monasterio depulerit. Exstat huius abbatis mnemosynon, auro charior theca argentea, seu dyptichon, pro ætate illa præstanti admodum opere anaglypho, qua liber evangeliorum, pervetusta manu exaratus, in processionibus deferri solet: gemmarum, quæ figuratæ in ea conspiciuntur, descriptionem infra damus a). Liberavit item hic abbas monasterium *ab importabili*

a) 1. Agathes oblongus, cui insculptus est Hercules nudus stans, dextra clavum tenens, sinistra bacillum cum globo; ante trauens arboris. 2. Cæniolus, in quo figura virilis barbata versus Terminum adstantem. 3. Apollo nudus capite laureato stans, dextra demissa, sinistra

*tabili provisionum sarcina*, ut in bulla Innocentii IV. an. 1249. adpellantur. Nobiles item cœnobio infestos repressit, & illata damna refarcire compulit: alios vero sibi certatim conciliavit ac devinxit, eos feudatarios sibi obnoxios constituens. Id quod seculo XIII. ab aliis quoque abbatibus nostris factum, qui passim feuda nobilibus, ex præcipuis haud raro familiis, contulerunt, quarum nomina saltem hic ordine alphabetico adponimus: de Affoltre, de Baden, de Baldegge, Blaubeuren monasterium, de Bonsteten, de Brandegg milites, de Burgedan, de Clingen, de Dirbeheim milites, de Eptingen, de Gerolzegg, de Gutenberg, de Hatstat, incolæ Basileenses, de Hiltalingen, de Hungerstein, de Huninchon, de Kiburg, de Kistelare, de Krenckingen, de Kozzen milites, de Lapide milites Burgundiæ, de Lorach, de Lupfen, de Mulimatten, de Nellenburg, de Regensberg, de Rich, de Rore, de Rotenberg, de Rotenlein, Scharre de Hufen, de Steinmar milites, de Stoufen, de Surenki, de Tufenstein, de Tegerfeld. Hæc sunt feudatariorum seculo XIII. nomina, quibus semper in lignum domini census imponebantur, ac laudemium etiam, imo passim mortuaria, quæ non corpori aut personæ nobili, sed ipsi feudo vel officio adhæserent, præstabant sub aliis quoque abbatibus, imprimis vero sub Arnaldo II. qui ab anno 1247. usque 1276. 28. Iulii utilissime præfuit.

Successori suo Henrico II. largas reliquit facultates, quas in decorem domus Dei, restaurata inter alia mox altero regiminis anno ecclesia S. Michaelis, præ omnibus impendit: augendis item proventibus, imprimis vero in profectum litterarum, teste Ioanne de Ochsenhusen, intentus plu-

ram tenet, insignis fabricæ, cui quatuor istæ litteræ additæ sunt A D R V. quas sic interpretor: *Appollini Deo Restius*, vel *Rescius*, aut alius, cuius nomen a littera R. incipit, *Vovet*; aut: *Appollini Domestico Roma Victrix*. 4. Lapis lazuli, cui insculptus magnus canis venaticus, cervum insequens. 5. Carniolus, in quo spica, pyrum & pomum, forte fertilitatis indicium.

In parte anteriore sequentes visuntur imagines. In medio summitatis SS. Salvator utramque manum elevans: in quatuor angulis sancti quatuor evangelistæ. In parte interiore visitur primo imago Salvatoris sedentis dextra elata, sinistra librum tenentis: assidet ipsi beatissima Virgo manibus complicatis, protensis, supervolitante Angelo, a quo coronatur. Versus dextram stat imago S. Blasii schedulam tenens cum inscriptione: *S. Blasius*. Ad sinistram stat S. Nicolaus episcopus dextra librum tenens, aut S. Benedictus cum Regulæ libro. Inferius in medio conspicitur B. Maria V. puerulum Iesum tenens: a dextris stat S. Reginbertus fundator cum inscriptione † *B. Reginbertus*: a sinistris conspicitur abbas cum pedo & hac inscriptione † *Abbas Arnoldus S. Blasii*. Versus dextram in exteriori parte conspicitur Angelus salutans B. Mariam V. ab altera parte itidem distantem.

In averfa facie adparet in medio agnus cum cruce & labaro, circumque adpositis quatuor Evangelistarum animalibus.



SECVLVM  
XIII.

a) *Gen. Habs-*  
*burg. T. II.*  
*P. II. p. 545.*  
b) *Ib. p. 553.*

plurimos Mss. codices bibliothecæ intulit, ipse doctrinæ præstantia quoque celebratus. Nobiles in solvendis cœnobio censibus segnes auctoritate Martini IV. Papæ an. 1281. compulsi. Ad eius petitionem Rudolphus I. ultimo vitæ suæ anno 1291. 20. Febr. venditionem possessionum ac iurium in Nigra Silva ab Hugone de Tuffenstein monasterio factam auctoritate sua roboravit, ut apud P. Herrgott a) legere est, uti etiam instrumentum, datum in castro Scharfenstein, quo Ottoni de Stoufen b) an. 1294. advocatia super possessionibus in villa Crozingen ad dies vitæ defertur. Nos vero edimus Adolphi Rom. regis chartam, qua homines ligii, qui in urbes secesserant, monasterio iura sua solvere compelluntur eodem anno 1294. quo & obiit Henricus abbas IV. nonas Nov. succedente eidem in abbacia Bertholdo antecessoris sui sacellano, qui prope cellam abbatis habitare solitus, frequens ac velut individuus in choro & alibi præfui suo comes die noctuque ad latus hærebat.

c) *pag. 116.*  
*145. 524.*

Erant porro apud nos, ut iam notavimus, Priores tres, Magnus videlicet, Claustralis, & Veteris monasterii, ubi habitabant fratres externi, conversi, laici hoc primum seculo adpellati. Amplissimum vero tunc temporis erat Camerarii officium, ut passim manifestat P. Herrgotti *vetus disciplina monastica* c), in ordine Cluniacensi, & constitutionibus Hirsaugiensibus ac Farfensibus. Necessaria is fratribus curabat, proventus recipiebat, cellerario, hospitalario, infirmario subministrabat. Omnes autem hi officiales in claustro cellas suas habebant, ubi præterea erat custos, armarius seu bibliothecarius, & scholaisticus. In cellis exterioribus pro exigentia abbas ordinavit officia, uti & plebanos ad curam animarum in parochiis destinatos, ac præpositos ex fratribus primum illiteratis assumptos. Domi vero secularia negotia procuratores ex ordine clericorum vel laicorum, notarii, scribæ &c. tractabant.

Congregatio  
San-Blasiana.

XVIII. Amplitudini congregationis San - Blasianæ seculo XIII. quod cellas suas per Sueviam, Brisgoiam & Helvetiam attinet, decessit nihil, imo accessit potius.

Ex abbatibus siquidem seculo adhuc XII. ad alia monasteria postulatis Wernerus abbas Maurimonasterii obiisse creditur an. 1212. qui annus Ettoni seu Ottoni eius successori primus fuit, nec alium intercessisse ullam uspiam monumenta aut Alsaticarum rerum scriptores produnt. Wernerum igitur ab anno 1166. per annos quadraginta sex aut quinque, ut ipsi statuunt Maurimonasterienses sodales, abbatem præfuisse necesse est.

In anno emortuali 1223. Rudolphi secundi abbatis monasterii Urfinensis, monachi San - Blasiani, ex Præposito Ochsenhusano an. 1181. Urfinum

finum postulati, conveniunt quidem auctores. Observat vero Bruschi-  
*in chronologia monasteriorum Germaniæ*, inveniri Geboldum abbatem  
 Ursinensem testem cuiusdam donationis in chronicis & diplomatibus Cæ-  
 sariensis monasterii an. 1220. Unde vel cum eo statuendum, Geboldum  
 hunc Rudolphi (cui cognominis fuit abbas monasterii Engelbergensis  
 circa finem huius seculi, ex monasterio S. Blasii postulatus) coadiuto-  
 rem fuisse, aut contra eundem dicendum, Rudolphum iam circa an.  
 1220. atque adeo citius quam aliquot tantum ante mortem septimanis,  
 abdicata abbatia rediisse Ochsenhusium. Inde etiam labente iam seculo  
 XIII. incertum vero quo anno, Albertus ex monacho San-Blasiano ab-  
 bas accitus est Wiblingam post incendium, quo hoc seculo monasterium  
 Wiblingense conflagravit, siquidem campanæ novæ pro ecclesia an. 1275.  
 fusæ sint, ut habet historia abbatum Wiblingensium *Templum hono-  
 ris* inscripta. Occurrit autem Albertus testis donationum, quæ S. Blasio  
 fecerant Waltherus de Stadegun miles an. 1283. & Adelhaidis de Gun-  
 delfingen an. 1287. Diem mortis Alberti non designat laudatum Tem-  
 plum honoris, bene tamen eiusdem successoris Richardi, scilicet annum  
 1310.

Habuit ipsum monasterium Ochsenhusanum XIII. seculo Priorem fan-  
 citate ac miraculis insignem B. Henricum de Zwifultach castro illustris  
 familiæ, ex qua fuit oriundus. Vita illius ab anonymo monacho conscri-  
 pta, edita est in antiquis lectionibus Henrici Canisii a) recensis a Basnagio, a) *Tom. III.  
 P. I. p. 331.* qui eum tamen perperam ad seculum undecimum revocat, inani argu-  
 mento a Zwifaltensis monasterii origine deducto. Bucelinus sibi haud con-  
 stat: in chronologia quippe Constantiensi eum iam an. 1198. cœnobii  
 sui incendium fuis ad Deum precibus extinxisse asserit, quod de eo in-  
 ter alia complura miracula narrat anonymus; unde statuendum foret,  
 quod B. Henricus ætate & officio Prioris in Ochsenhusen antecesserit Ar-  
 noldum, quem autographum archivi S. Blasii monumentum an. 1222.  
 17. Kal. Maii designat *A. Priorem, T. Prapositum, & O. Camerarium  
 in Ochsenhusen*. In bulla Gregorii IX. P. an. 1233. qua monasterium istud  
 in protectionem apostolicam recipit, nomen Prioris haud exprimitur.  
 Alibi vero Bucelinus b) Henricum circa an. 1238. floruisse statuit. Ab b) *Ger. Sacr.  
 P. II. p. 244.* eo autem anno in documentis San-Blasianis recurrit Henricus Prior in  
 Ochsenhusen usque ad an. 1243. Hugo de Tufenstein in compensationem  
 damnorum confert curiam in Tegervelt: *presentibus, quorum hæc sunt  
 nomina: Arnoldus abbas, Henricus Prior in Ochsenhusen &c.* Nullum  
 Prioris nomen exprimit protectoria Innocentii IV. P. bulla an. 1253.  
 contra clericos ad beneficia per apostolicas litteras promovendos. Hoc se-

SECVLUM  
XIII.

seculo in documentis domesticis occurrunt an. 1262. Rheinherus Prior Ochsenhufanus; Præpositi vero an. 1222. T... an. 1254. Henricus, an. 1276. Albertus factus abbas Wiblinganus, anno 1282. Bertholdus, an. 1294. Conradus.

Post medium demum seculi XIII. nova Congregationis San-Blasianæ cella in chartis domesticis memoratur, parthenon nimirum in Guttnau, a fundatrice Gutta moniali in Sizenkilch nomen adeptum. *Erat, ut in libro constructionum S. Blasii legitur, quadam sanctimonialis femina nomine Gutta. Hæc habuit consanguineum divitiis pollentem: cuius habitatio erat citra Rhenum infra clivum, ubi habuit domum aquaticam, scilicet in Augia, nec non & aream cum aliis domibus cultui necessariis. Habuit etiam incundam possessionem in agris, in pratis, in magna latitudine pascuarum, in silvis, & in aliis possessionibus. Quo vita decedente supradicta Gutta hereditario iure sibi successit. Qua hereditate accepta assumpsit secum unam de sodalibus, reliquit locum Sizenkilch, cæpit adificare cænobium in loco, quem hereditario iure possederat, imposuitque sibi nomen Guttenow compositum a nomine ipsius & loci.*

Circa tempus non conveniunt auctores domestici, aliis primam migrationem ad secul. XII. aliis ad sec. XIII. statuentibus. Nos certam epocham consecramur ex chartis domesticis, quarum primam producimus Alexandri IV. P. qua plurimas immunitates monasterio in Guttnau concedit; in una item an. 1260. arbiter Henricus Præpositus Bürglensis, altera an. 1261. electi compromissarii adiudicant monasterio in Sizenkilch bona, quæ Rudolphus de Wiler rapuerat monialibus in Sizenkilch transeuntibus ad monasterium in Guttnau. Redditis vero, uti Rudolphus promiserat, bonis, sanctimoniales ad claustrum Sizenkilchense redire coguntur, iis, quæ Guttnovii ante sacrum velum acceperant, ibidem relictis sub Himeltruda magistra, quibus Arnoldus II. S. Blasii abbas an. 1261. statuta dedit, quæ adhucdum supersunt.

Curavit porro Arnoldus eodem adhuc anno litteras conventionis & subiectionem cellæ seu monasterii Guttnaviensis ad congregationem S. Blasii ab Eberhardo Constantiensi episcopo corroborari. Exstant quoque ejusdem Arnoldi II. abbatis litteræ patentes an. 1272. pro eleemosynis fidelium ad ædificationem monasterii Sizenkilchenensis destructi colligendis: *Quum, inquit, monasterium Sizenkilchense in se suisque officinis sic destructum sit, quod sine proborum & fidelium consilio & auxilio nequeat reparari.* Anna-

a) *Urs. Scri-*  
*pior. Germ.*  
*P. II. p. 10.* les Colmarienses a) ad illum annum meminerunt eius fati, quod & monasterium Guttnovienſe ſuſtinuit. *Claſtrum Sicikilchen exercitus comitis Ru-*

*Rudolphi igne supposito destruxit. Claustrum Gutnove comes Henricus frater comitis Friburgensis pro ablatione reddituum suorum penitus devastavit.* SECVLVM  
XIII.

Ad litteras istas pro collectione eleemosynarum concedendas adegit Arnoldum abbatem, quod paucis ante annis duas congregationis San-Blasianæ cellas ignis absumserit, Burglense nimirum monachorum, & Berovienſe monacharum cœnobium. De hoc incendio in veteri missali, ab Angela docta eiusdem cœnobii moniali cum brevi chronico monasterii non multo post elegantissime scripto, hæc leguntur: *Anno 1267. VII. idus Martii intempeſta noctis hora ignis in coquina clauſtri Berowe exoriens in tantum invaluit, ut omnem ſtructuram ligneam clauſtri ſeu monaſterii in cineres redactam penitus abſorberet.* Memorabantur ſingillatim in eodem chronico, quod missali inſertum una periit incendio an. 1711. ſex altaria cum reliquiis, quæ an. 1276. Incelerius ſuffraganeus Conſtantiensis ibidem conſecravit, poſtquam Arnoldus II. ultimo vitæ ſuæ tempore rem iterum reſtituiſſet, ut teſtantur verſus quondam in laudato missali ſcripti, & ad introitum eccleſiæ inſculpti:

*Huius clauſtra loci flamma quondam dominante  
Conſumſere foci, plus hæc reparavit ut ante  
Arnoldus late florens abbas pietate.*

Arnoldus I. abbas S. Blaſii, ut paullo ante notavimus, Berovio erat oriundus. Memorantur autem hoc ſeculo XIII. Conradus Præpoſitus Berovienſis ſub Hermanno I. abbate an. 1229. itemque Geroldus de Immadingen Prior in Berau, ibidemque Mangoldus de Immadingen Præpoſitus anno 1230. ſub Arnolſto II. Wiemannus Præpoſitus an. 1261. Burchardus an. 1270. Mechtildis vero de Tuetelingen magiſtra ſeu Meiſterin ſub Henrico II. anno 1282. Rudolphus an. 1290. & Gotteſfridus Præpoſiti. Habuit autem Berovienſe hoc monaſterium an. 1297. benefactorem Albertum rectorem eccleſiæ Naltingenſis & capellanum S. Blaſii, qui bona omnia a Præpoſito Cellæ Graffenhuſenſis, & a Iacobo Klier cive Friburgenſi pro 47. marcis cœmta eidem attribuit: ut quamdiu Adelheida de Gundelfingen, Chunegundis & Agnes de Eſſelingen præbendaria in Berowe viverent, iisdem fruereſcentur, poſtea ad parthenonem devolverentur. Præbendariorum in monaſteriis Berovienſi, Sizenkilchenſi & S. Blaſii paſſim fit mentio hoc tempore: alii in S. Blaſio in habitu ſeculari apud fratres exteriores habitabant, alii in hoſpitali, qui ſucceſſu temporis *Oblati* vocari cœperunt.

Cellula Wiſlighoſen vocatur in charta, qua ei, utpote *in redditibus tenui & exili*, Henricus epiſcopus Conſtantiensis univit eccleſiam in  
MART. GERBERTI NIG. SILVA. T. II. H Be-



SECVLUM  
XIII.

Bebincoven an. 1243. ut posthac duo monachi ibi cohabitarent. Insigne theotiscum instrumentum an. 1251. haud semel a nobis adductum docet, Eberhardum episcopum advocatiam huius monasterioli ab Henrico de Lupfen quatuor marcis argenti redemisse. Anno 1287. Præposito & ecclesiæ in Wiffelinkon Reinhardus nobilis de Wazzerstelz propinquo castro, quod medio in Rheno situm est, donavit prædium in lucto.

Monasterium  
S. Georgii.

XIX. Monasterii S. Georgii abbates Manegoldum & Theodericum iam libro superiore seculoque XII. memoravimus, qui vero hoc denuum seculo XIII. sunt defuncti, Theodericus an. 1209. Manegoldus an. 1215. Passavi, ubi an. 1206. episcopus fuerat renunciatus, cuius res gestas late a) T. I. pag. 350. seqq. prosequitur Hansizius in *Germania sacra* a). Ipsum vero monasterium anno 1224. *permissione Dei universaliter exurit*, iuxta chronicon eiusdem cœnobii, in festo S. Ursulæ sub Henrico II. abbate, qui iuxta idem chronicon successit Burchardo I. anno 1220. quo Ulricus baro de Gundelfingen prædium suum cum capella in Tintenhofen & Herbrechtshofen vendidit eidem Burchardo, qui Theoderico an. 1208. vel 1209. mortuo successerat. Vidit tamen restitutum monasterium Henricus abbas, an. 1255. id. Iunii iterato consecratum ab Eberhardo Constant. episcopo. Mox altero post incendium an. 1225. Conradus, quem supra celebravimus, Eginonis comitis de Urach & Agnetis sororis Bertholdi V. & ultimi ducum Zaringiæ filius, tunc Portuensis episcopus & Cardinalis S. Rufinæ, ex monacho & abbate Cisterciensi apostolicæ sedis legatus, ex fructibus ecclesiarum monasterii subsidium concessit. Henricus autem abbas & conventus an. 1226. omnes & singulos, qui ad reædificandam ecclesiam & monasterium opem tulerint, omnium bonorum operum, quæ vel in ipso monasterio, vel in novem aliis unitis fierent, participes esse voluit. Adiumento etiam an. 1231. fuit donatione prædii in Eidringen Egino comes in Friburg & Urach, dominus in Sindelstein. Obtinuit idem Henricus abbas an. 1245. a Friderico II. imp. confirmationem privilegiorum, quæ monasterio S. Georgii Henricus V. dederat: utrumque diploma videre est in Schœpflii *Alsatia diplomatica* b).

b) T. I. num.  
541. & 514.

Quum vero monasterium debitis premeretur ob iacturas conflagrationis, constructionisque expensas, Innocentius IV. P. an. 1248. executionem litterarum apostolicarum Henrico episcopo Argentoratensi commisit, quibus facultas conceditur, monasterio S. Georgii proventus decem ecclesiarum, in quibus ius patronatus habuit, ad delenda debita applicandi. Dum interim perficitur structura, an. 1255. Petrus ad Velum aureum diaconus cardinalis & apostolicæ sedis legatus quadraginta dierum indulgentias



tias concedit visitantibus in die dedicationis ecclesiam monasterii S. Georgii. Anno autem 1258. ut habent monumenta S. Georgii, vel iuxta chronicon an. 1259. moritur Henricus abbas VIII. Kal. Aprilis, eique succedit Dietmarus, qui an. 1267. (quo concanbium feudorum *in deme Dürrenholz* inter abbatem Augiensem Albertum & monasterium S. Georgii, abbate non nominato, factum est) captus fuisse perhibetur a milite de Werbinwag, leproso postea effecto; lethale quoque vulnus a quodam monacho suo in die apostolorum Philippi & Iacobi accepisse dicitur an. 1269. ad quem annum Gallia Christiana a) eius mortem confirmat, quem vero chronicon S. Georgii undecim adhuc annis supervixisse testatur, anno demum 1280. mortuum. Huic successisse Bertholdum scribit abbas Georgius Geisser, haud dubie ex chronico S. Georgii, in quo initialis littera B. legebatur: Gallia autem Christiana Eberhardum, Walterum & Burchardum interponit inter Dietmarum, etiam Othmarum alicubi dictum, & Bertholdum, cui laudatus abbas tribuit fraternitatem an. 1283. cum Udalrico abbate & conventu Zwifaltenfi institutam, quam Gallia Christiana Waltero adscribit: nomen tamen haud exprimitur in instrumento huius confederationis apud P. Arsenium Sulger in Annal. Zwifaltens. b), neque etiam in confirmatione privilegiorum Rudolphi I. Rom. regis an. 1282. (a quo tunc Augustæ in comitiis præfens S. Romani imperii princeps est adpellatus) neque in bulla Martini P. aut diversis chartis nobilium militum de Valckenstein circa hos annos. In harum una tamen an. 1281. initiali littera B. Bertholdus nominatur, itemque in alia an. 1282. quæ incipit: *Nos Bertholdus &c.*, & qua cognominis sacerdos, dictus de Hufen, lumen perpetuum fundat ad S. Georgium. Occurrit item Bertholdi abbatis nomen in conventionem vernacula cum sculteto, consilibus & universitate urbis Villinganæ an. 1291. inita.

Familia Valckensteiniana, quæ, ut supra memoravimus, seculo XIII. ex coniugio affinitatem contraxit cum amplissima gente de Fürstenberg & Zimmern, in monasterio S. Georgii sepulturam suam habuit. Non unum porro huius nominis est castrum in Nigra Silva, unum quidem ad fauces, quibus *inferni* nomen est, *die Hölle*; unde in Silva nigra in amœnissimam Brisgoiæ regionem fit transitus, qui locus ideo lingua vulgari *Himmelreich* seu regnum coelorum nominatur. Conspicua hodieque sunt in illa valle huius arcis rudera super altam rupem *Falckenstaig* nuncupata: Alterum castrum Falckenstein in pago Bara situm est, quod ex Hepidanno supra c) memoravimus, iam anno 1030. celebre, & adeo munitum, ut Ernesti ducis Alemanniæ & Werneris comitis de Kiburg, testibus Wipone & Hepidanno, Conrado imperatori rebellantium oblidionem diu

a) T. V. pag.

1002.

b) T. I. pag.

233.

c) Seculo XI.

Lib. VI. n.

14.

SECVLUM  
XIII.

pertulerit. Fuerat circa medium seculi XIII. S. Galli abbas Bertholdus de Falckenstein, qui an. 1248. abbatiam quoque Rhenaugiensem obtinuit favente Innocentio IV. P. quæ res in bellum erupit, opponente sese Eberhardo Constantiensi episcopo, & postea Ioanne de Krenckingen, quem post mortem Innocentii IV. Rhenaugienses monachi haud inviti abbatem elegerunt. Dein autem mutuo se expulere Ioannes hic & Bertholdus de Falckenstein. Familia hæc in necrologiis San-Georgianis passim notatur: in quibus frequentes etiam occurrunt comites de Fürstenberg, quorum fater Henricus cum filiis suis testes designantur in memorato Rudolphi I. diplomate.

Anno 1291. Henricus de Kurneck monasterio S. Georgii possessiones suas circa castrum Kurneck vendidit *cum consensu Henrici & Burchardi*, ut ait in charta, *librorum meorum, stipulatione adhibita per manum reverendi domini mei Eginonis de Fürstenberg*. Et infra: *Nos vero comes Egeno & Bruno miles de Kyrneck prænотati &c.* In instrumento fundationis capellæ prope capitulum ad S. Georgium an. 1295. & permutatione servorum cum Bertholdo abbate Steinenfi an. 1296. & incunte seculo sequente cum Eberhardo episcopo Constantiensi eadem occurrit familia. Speciminis loco edimus instrumentum permutationis huiusmodi propriorum hominum, factæ anno 1297. a Bertholdo abbate S. Georgii cum capitulo cathedralis ecclesiæ Constantiensis, cui appensa sunt quinque sigilla, videlicet Henrici episcopi, Conradi de Friburg Præpositi & Capituli dictæ cathedralis ecclesiæ, Bertholdi abbatis, & conventus S. Georgii.

Cellæ mona-  
sterii S. Geor-  
gii.

XX. Ut paullo ante audivimus, Henricus S. Georgii abbas post incendium sui monasterii omnes, qui opem ad restorationem monasterii contulerint, participes reddidit bonorum operum, quæ fierent vel in ipso S. Georgii monasterio, vel in aliis novem eidem unitis, quot nimirum per amplam tunc San-Georgiana congregatio numerabat monachorum & monialium cellas. Hæ erant S. Sebastiani in Amptenhausen, quam Rudolphus comes de Habsburg pene desolatam sub abbate Dietmaro restituit, eiusque proprietatem de novo confirmando transcripsit. Altera fuit S. Ioannis Baptistæ in prædio Megensalmenswüller (Magenheimswiller), item S. Nicolai in Ripoldesowe, S. Udalrici in Urspringen, S. Mariæ V. in Fridenweiller, cella Luckesheim, cellæ S. Marci, S. Gangolfi, S. Eustasii in Wargavilla, de quibus iam seculo XI. num. 36. & sec. XII. n. 52. egimus, quæve magnam partem in Argentinenfi diocesi sunt sitæ. Quare etiam Henricus episcopus Argentinenfis executor litterarum apostolicarum ab Innocentio IV. P. est constitutus anno 1248. quibus, ut

MOX

mox supra meminimus, facultatem concessit depauperato ob incendium S. Georgii monasterio, ut decem ecclesiarum, quarum patronatus ius ipsi compete-SECVLVM  
XIII.bat, ad debita solvenda adhibere possit, ita tamen, ut dictæ ec-  
clesiæ debitis non fraudentur obsequiis. Ius etiam patronatus in Gellibach  
monasterio ab Argentoratensi episcopo adiudicatur, ubi tamen in instru-  
mento apographo vitiis aliunde scatente error intervenit, sive in anno  
1257. sive in nomine episcopi, qui in chartæ inscriptione dicitur *Cunra-*  
*du de Waluache archiepiscopus Argentinensis*. Fuit enim tunc tempo-  
ris episcopus Argentinensis Henricus de Staleck, ut in sequentis anni  
1258. charta pro eodem monasterio legitur, quo privilegia cœnobii S.  
Marci confirmat. Exstat quoque in Alfatia diplomatica Schœpflii a) T. II. p. 4.  
charta an. 1290. qua Bertholdus S. Georgii abbas agnoscit episcopum Ar-73.  
gentinensem ceu advocatum monasterii S. Marci. Hoc ab antiquissimis iam  
temporibus sub nomine *cellæ S. Sigismundi* prope Rubeacum vel Ruffac  
conditum fuit monasterium, cuius tamen rebus in deteriora collabentibus  
Leo IX. P. haud procul inde in Egishemio castro natus, quum partes illas  
lustrasset, illud restaurasse traditur, novamque eius ecclesiam sub titulo  
S. Marci consecrasset, qui locus *modo cella est monasterii S. Blasii in Her-*  
*cynia silva*, ut quidem scribit Mabillonius in annalibus b), in hoc ta-b) T. IV. p. 507.  
men a Galliæ christianæ auctoribus c) correctus, qui cellam istam recte S.  
Georgii monasterio adscribunt, ac Henrici Argentinensis episcopi char-c) T. V. p. 832.  
tam an. 1183. de eiusdem fundatione inter instrumenta d) exhibent.d) Lc. p. 482.

XXI. Monastica S. Georgii congregatio seculo XIII. meliore usa est Monasterium  
Hirsaugense.  
forte, quam eius mater, celeberrima olim Hirsaugia. Fatum suum illa  
quidem innocenter primum sustinuit, nec id temporis insuetum ex suo  
erga sedem Romanam studio, cui Marquardus abbas more antecessoris sui  
immota fide adhæsit contra Philippum regem, ab Innocentio III. P. fide-  
lium communione privatum. Quam occasionem arripens Adelbertus co-  
mes Calvensis Philippo addictissimus, teste Trithemio ad an. 1205. e) e) Chr. Hirs.  
T. I. p. 508.  
*plurimam partem fratrum probris & contumeliis affectam exulare a mo-*  
*nasterio tempore aliquanto compulit, & loco multa damna in substantia re-*  
*rum temporalium fecit*. Philippo tamen e medio sublato Hirsaugiæ quo-  
que pax reddita est. Præter hunc Adelbertum comitem de Calwe, qui  
iam in charta Henrici VI. an. 1194. occurrit, notatur in charta an.  
1207. Conradus & Gottfridus: dubium vero, an idem qui in charta an.  
1232. nepos Gottfridi comitis de Vehingen nominatur ultimus stirpis ex  
sententia Sattleri in hist. topogr. Wirtembergiæ f), ubi ex Bruschio an. f) pag. 301.  
1210. Henricum de Calwe abbatem Augiensem notat.

SECVLUM  
XIII.

a) L. c. p. 509.

Marquardo abbate eodem anno 1205. pie defuncto Luitfridus eius successor monasterio suo optime consuluit, qui, ut de eo Trithemius a) loquitur, *curans interna, quantum potuit, se a curis mundi superfluis prudenti ratione subduxit. Noverat enim, dixisse in evangelio Dominum: primum quærite regnum Dei, & omnia, quæ necessaria sunt ad præsentis vitæ sustentationem, adiicientur vobis. Hanc domini pollicitationem continue gerens in memoria, studiosius æterna temporalibus præposuit, & vanas mundi occupationes libenter declinavit. Quæ per alios expedire potuit, non sibi, sed aliis commisit.*

b) L. c. p. 526.

Laudat idem Trithemius b) Luitfridi an. 1215. successorem Eberhardum pastorem utilem, & in cura animarum sollicitum: & *quamvis, inquit, regularis observantiæ pristinus fervor a beatissimo patre Wilhelmo in hoc monasterio plantatus isto tempore nimium, prob pudor! in monachis tepefcebat, curabat tamen Eberhardus abbas subiectos sibi fratres ad puritatem monasticæ institutionis reducere: & compellebat eos, tria principalia religionis vota maxime custodire &c.* Edimus ex archivo cathedralis Spirensis Capituli chartam, qua Eberhardus an. 1218. eidem Capitulo vineas vendidit, uti iam eiusdem antecessor Henricus labente seculo XII. fecerat de prædio, *necessitate, ut loquitur, & utilitate ecclesiæ nostræ inspecta*: Ernestus autem Eberhardi successor, rebus in peius semper ruentibus, in simili casu venditionis an. 1236. factum id esse ait *pro strictissima ecclesiæ nostræ necessitate*. Id nimirum evenire ut plurimum solet, dum monachi neglecta observantiæ regularis cura, ac ommissa studii litterarum necessaria ac utili occupatione, ad seculi vanitates abripiuntur, luxumque & lautitias consecantur, ut bona illa dilapident, quæ maiorum parsimonia & frugalitate, omnium vero maxime cœlesti benedictione fuerunt collecta. Unde & in florentissimo alias Hirsaugiensi monasterio ex neglectu disciplinæ regularis pristinus illius in utroque statu profectus in deterius quotidie ferebatur, ut in Volpoldo Ernesti an. 1245. successore observat Trithemius: unde, addit c), *propter nimiam monachorum illius temporis ignaviam nihil, aut parum litteris invenitur commendatum, quod nobis ad perfectionem historiæ nostræ queat conducere; sed compellimur necessario Hirsaugianum opus gestis alienis per seriem complurium annorum, donec reformatio veniat, ornare.*

c) pag. 578.

Eadem gravius adhuc ingeminat initio voluminis secundi ad an. 1266. & 1276. successore Ioanne, qui an. 1276. abbas ex Priore electus, suos quidem libenter ad vitæ melioris tramitem reducere voluerit, id tamen perficere haud potuerit, quia nimirum consuetudine depravatos invenit.

Eum



Eum sollicitudine multa & labore continuo duodecim fere annis præfuisse memorat. In Volando eius successore a) ita verissime scribit: *postquam regularis observantia fervor in monachis cæpit deficere, numquam inopia rerum temporalium cessavit deformitatem vitæ claustralium comitari.* Volandus igitur abbatiam anno 1280. resignavit propterea, quod se paupertatem non posse relevare monasterii certissime recognovit. Id quidem pro viribus egit Volandi successor Crafft, quod statum rei familiaris spectat; collapsam vero regularis disciplinæ observantiam ad integritatem reducere haud potuit, quum ipse secundum Regulæ puritatem vivere non didicisset, quod item de Gottfrido eius successore notat idem Trithemius. Rem familiarem collapsam, quæ in Annalibus monasterii in Bebenhausen inter monumenta Guelfica apud P. Gerardum Hefs b) ad an. 1281. leguntur, declarant: Crafft abbas & totus conventus monasterii Hirsaugiæ vendiderunt monasterio nostro pro CCXX. libris hall. Curiam Seelhof apud Feurbach, cui etiam annexum est ius patronatus ecclesiæ in Feurbach. Item in dicta villa curiam Hailigenhof cum suis attinentiis, & duos mansus ibidem, & generaliter omnia bona eorum in dicta parochia, seu in oppidis dictis. Bodenang & in parochia Zuffenhusen in domibus sive curtibus, pratis, agris, cultis vel incultis, vineas, necnon decimas suas universas apud Westheim, Visenbusen, Zazenbusen, Stainheim, & Pflugveld cum omnibus eorum attinentiis. Et postea ad annum 1284. Eodem anno Volandus abbas & conventus Hirsaugiensis vendiderunt abbati & conventui Bebenbusano omnes suas possessiones, quas habebant apud Bunikheim tam in ipsa civitate, quam in terminis sive Marca, vel extra Marcam eiusdem civitatis, & in Batenheim. Quæ Vollandum iterum ad clavum, quem resignaverat, rediisse ostendunt.

SECVLVM  
XIII.

a) T. II. pag. 32.  
b) pag. 259.

XXII. Ut iam libro præcedente intelleximus, abbates Hirsaugienses, dignitate sese abdicantes, in Rothensem Præposituram secesserunt, reliquum vitæ bene ac tranquille transacturi. Hac tam quieta sorte fructus haud est Henricus, de quo paullo ante, cui quidem abbatiam suam in manus conventus spontanee resignanti an. 1196. ut testatur Trithemius c), e) fratres, ne vel inopia vel tadio vitæ laboraret, Præposituram in Rothe pro sustentatione sua, quoad viveret, assignarunt: in qua per sex menses in mærore spiritus, & amaritudine mentis, lacrymisque ferme continuis supervixit, memoriam agens omnium iniquitatum suarum (negligentiarum scilicet in pastoralis munere). Unde brevi mærore consumptus anno sequenti moritur, quarto videlicet nonarum Iunii, ad introitum ecclesiæ Rothensis iuxta Ruperti abbatis tumbam sepultus.

Præpositura  
Rothensis.

c), e) T. I. p. 487.

Ru-



SECVLUM  
XIII.

Rupertus siquidem etiam illuc se receperat, non tamen Volandus, qui, ut diximus, an. 1280. abbatiā dimisit, quod monasterii paupertatem relevare haud posset; *magna etenim, ut ad illum annum scribit Trithe-*  
 a) T. II. p. 38. *mius a), fratres rerum pressit inopia, & parva censuum annalium restabat substantia: alieni denique æris pressura non mediocriter eius animum affligebat, quia non habebat, unde vexationem hanc omnium pessimam redimeret.*

Ineunte iam seculo XIII. ut idem ad an. 1216. narrat, Præpositi Rothenenses sese a subiectione abbatis Hirsaugiensis subtrahere conati sunt, ut libere nimirum uti possent redditibus, sui que iuris atque ab obedientia abbatis soluti viverent ea licentia, cui a conspectu superiorum remoti iamiam assueverant. Fuerat hæc non minima paupertatis monasterii Hirsaugiensis causa, dum laute & liberaliter vivunt Præpositi, nihil aut parum pendentes monasterio, quin, si ædes forte instruendæ sint, aut aliis emergentibus necessitatibus, uno tempore amplius ex communi monasterii massa repetunt, quam multis annis ad illam contulerint. Quæ res ac securitas insuper rerum incurios reddit monachos multo magis quam seculares, quibus damna rerum suarum refarciendi eadem spes ac ratio haud est, nisi ipsi sibi prospiciant. Quo sane respectu male sibi consulissent Rothenenses Præpositi, dum sese ab obedientia abbatis sui liberos reddere fuerunt conati.

Priorat. Rel-  
chenbacensis.

XXIII. Successu temporis, ut videbimus, Prioratus quoque Reichenbacensis itidem sese a matre Hirsaugiensi separare contendebat. Fuerat hæc ex præcipuis Hirsaugiensis congregationis cellis, quas superioribus libris enumeravimus. In auctario diplomatum codici epistolari Rudolphi I. Rom. regis b) adiecto edidimus chartam Hugonis, Ottonis & Ludovici fratrum comitum Palatinorum Tubingenensium in gratiam civium Horbensium, cui septem appensa sunt sigilla, primum Eberhardi episcopi Constantiensis, deinde Rudolphi comitis Palatini de Tubingen, Ottonis comitis de Eberstein, Henrici comitis de Fürstenberg, Alberti & Burchardi comitum de Hohenberg, Hugonis & fratrum comitum de Tubingen: *actum in claustro Richenbach anno Domini 1270. 10. Kal. Iulii.*

Occurrit quoque hoc seculo XIII. in compendio historiæ huius monasterii, quod a P. Martino Mack Wiblingensi scriptum habetur c), charta donationis Hugonis de Wilare viri illustis anno 1209. inter alias, sine epocha, cum hac epigraphe: *acta sunt hæc sub domino Manegoldo Priore.* Sequitur: *notum sit omnibus tam presentibus quam futuris, quod nobilis comes Bertholdus de Sulza pro remedio animæ suæ contulit beato*

Gre-

e) Tom. II.  
P. II. collect.  
script. monast.

*Gregorio & Remigio pratum &c.* Alibi ad an. 1228. legitur Conradus Prior Reichenbacensis.

SECVLVM  
XIII.

Pro monasterio hoc Burchardus comes de Hohenberg ad Bambergensem episcopum litteras dedit an. 1249. quibus significat, Gilteboldum de Isenburg bona quædam apud villam Schermen illi monasterio donasse, ex quibus aliqua a se in feudum teneat Gilteboldus, alia ab ecclesia Bambergensi. An. 1250. Ulricum comitem de Wirtemberg in monasterio Reichenbacensi mortuum annales Wirtembergici perhibent. An. 1252. Wolmarus comes de Veringen & filii eius conferunt eidem cœnobio feudum in villa Schermen, & in ripa, quæ dicitur Nagilti, ad petitionem viri nobilis Hietiboldi de Isinburc, qui prius infeudatus fuerat. Testes aderant B. comes de Hohenberg, O. de Eberstein, S. abbas de Alpirspach, F. Scutilman. *Dat. in Haigirloch.* Eodem anno Wilhelmus comes de Tubingen cum consensu filiorum ius proprietatis vineæ sitæ in Gerngheim (quam pretio sibi comparaverunt Prior & conventus in Reichenbach a nobilibus Alberto & Volmaro fratribus de Waldech, qui iam prædictam vineam iure feudali possederant) ipsis libere & absolute in honorem sanctorum Gregorii & Remigii contulit.

Anno 1282. iterum recurrit Conradus Prior suo & conventus nomine in charta conventionis hoc initio: *Nos Conradus Prior totusque conventus monasterii in Reichenbach &c.* Sic eodem anno Conradus miles, & Henricus frater eius, filii Volckmari militis de Nunegge recipiunt a monasterio in Reichenbach in feudum perpetuum iurisdictionem oppidi Rethen, iuxta Nienegam apud monasterium Reichenbach positi. Sigillum etiam adposuit Henricus de Geroldsecke, *Dat. Kal. Januarii.* Item Non. Januarii compositio litis inter Conradum militem dictum Molendinatorem de Hufen & conventum de Reichenbach de quodam molendino apud Hufen. Sigillum adposuerunt Otto comes Palatinus de Tüwingen & cives Horbenenses. Elisabeth comitissa de Eberstein & de Tüwingen donat monasterio decem marcas argenti de molendino apud Horwe. Insigne hoc documentum, quod edimus, amplissimam eius cognationem & affinitatem prodit. *Dat. IV. Kal. Martii 1283.* Anno 1289. Ludovicus comes Palatinus de Tüwingen unacum matertera sua Elisabetha iam memorata ratihabet mentionem villæ Hilsperc a Conrado dicto Burger. *Datum apud Horwe proxima feria secunda post epiphaniam Domini.* Eodem anno Ludovicus comes Palatinus de Tübingen monasterio hortum in Horwe tradidit; idemque eodem anno per testamentum legat villas in Swarzenberge & Hefelnbach. *Actum apud Horwe quarta feria ante festum S. Margarethæ.*

MART. GERBERTI NIG. SILVA T. II.

I

Anno

SECVLUM  
XIII.

Anno 1291. ius patronatus hortorum ante portas superiores civitatis Horwe, quos Ludovicus memoratus donaverat monasterio Reichenbacensi, Prior & conventus magistro Conrado medico suisque pueris in feudum dat. Appendent sigilla abbatis Hirsaugienfis, Prioris in Reichenbach, conventus Hirsaugienfis (quum conventus in Reichenbach proprium non haberet) & civitatis Horwe. Inc. *Conradus divina permissione Prior monasterii in Reichenbach*. Anno 1293. Gottfridus abbas Hirsaugienfis promittit, quum una utriusque monasterii sit fraternitas, nihil impimenti in bonis Reichenbacensis monasterii se iniecturum. Eodem anno Burchardus comes de Hohenberg rati habet venditionem, qua Bertholdus miles de Heiterbach ministerialis eius, & filius eius Volckmarus, huiusque uxor Adelhaidis vendiderunt quædam bona in Grunenmetstete magistro Conrado Chirurgico in Horwe. *Actum feria 6. proxima ante natiuitatem B. Virginis*. Quum vero huic actui prædicta Adelhaidis præsens non fuerit, vocata est in Wiler, ibique resignavit hæc bona, quod actum est apud inclusum Wiler in die nativ. B. M. 1293. Arbitris Eberhardo abbate in Zwifalten, & domino Suriger der Lange von Gundelfingen conventio facta est inter Conradum Priorem & D. Ioannem de Tizzen circa curiam in Tizzingen. Signarunt etiam Gotfridus comes de Tuwingen, & memoratus abbas Hirsaugienfis: *gegeben an St. Prifzen (S. Priscæ 18. Jan.) Tag 1295*. Eadem res iterum acta est eodem anno, die Mercurii post S. Michaelis, *zwischen dem Prior und Convent zu Reichenbach und Herrn Balsan von Tizzingen einem Ritter, Reinhart und Wigant Brudern seinen Söhnen*. Commissarius apostolicus erat Gotfridus abbas Gengenbacensis, qui sigillo munivit, suumque etiam addidit Gotfridus abbas Hirsaugienfis. Anno 1296. Conradus miles dictus de Wellehusen advocatus Priori & conventui Reichenbacensi bona quædam vendidit. Sic matre inopia pressa, ditescit filia.

Monasterium  
Gottesau.

XXIV. Gottesaugæ monasterium Hirsaugiensem fuisse coloniam libro superiore demonstravimus, quod haud procul Durlaco situm est. Anno 1260. orta lis laudo fuit composita, *dissentientibus illustri principe Rudolpho marchione de Baden, Bertholdo abbate & conventu monasterii in Gotesowe ordinis S. Benedicti Spirensis diœcesis*, ut apud Schœpflinum legere est in historia Zaringo-Badenfi a): cuius Rudolphi I. marchionis alia anni 1272. charta ibidem legitur, aliaque biennio post eidem monasterio adscripta bona notantur. Rudolphus item secundus primi filius an. 1289. beneficium se erga idem monasterium exhibuit. Huius vero pater Rudolphus I. filius erat Hermannii V. ac frater iunior Hermannii VI. qui

a) T. II. p. 5.  
Et T. IV. pag.  
237. 255.  
189.

Au-

Austrius est dictus ob spem, quam habuit, genus suum in Austria post extinctam stirpem Babenbergicam propagandi: ipse vero Rudolphus propagator fuit stirpis Marchio-Badenfis, in ecclesias & monasteria, Albanum præprimis, ut mox videbimus, munificus ac liberalis, uti apud Schoepflinum notatur.

XXV. Alpirspacense cœnobium, quod profectum suum utrique SS. Alpirspacens. Blasii & Aurelii monasterio debet, seculo XIII. sat illustre extitit, cuius integram fere abbatum seriem monumenta extranea pleraque sistunt, dum abbates Alpirspacenses passim pro dexteritate sua ad maiora etiam procul fuere vocati negotia, iisque adhibiti. Sic apud P. Herrgott a) anno 1211. a) *Genealog. Habsb. T. II. P. I. p. 213.* Burchardus de Alpirspach, auctoritate Henrici episcopi Argentinensis & Alberti comitis de Habsburg, monasterium S. Trudperti contra iniurias & usurpationes advocatorum de Staufen in tuto posuit. Apud P. Arsenium Sulger in monasterii Zwifaltensis Annalibus b) legitur charta Dieterici abbatis Alpirspacensis an. 1231. qua arbiter cum Manegoldo Præposito in Denkendorf sententiam fert pro sacello in Mochenthal, contra, ac Conradus episcopus Constantiensis ante sedecim annos decreverat. b) *T. I. p. 189.*

Apud Besoldum in documentis redivivis monasteriorum Wirtembergiæ c) Ludovicus dux de Tecke, dum anno 1251. determinavit iurisdictionem abbatiæ Alpirspacensi in oppido Dornheim competentem, ad Bertholdum abbatem provocat, qui contra Volmarum militem de Brandecke ius suum propugnavit *tunc vivens, & curam abbatiæ tenens monasterii in Alpirspach.* Quæ verba illum iam tunc mortuum indicarent, nisi in hac ipsa charta inter huius facti testes videntes & audientes primus occurreret *Berchtoldus abbas dicti monasterii.* Quis vero ille sit, qui mox anno sequenti in supra d) citata charta Wolmari comitis de Veringen a) *N. XXIII.* anni 1252. pro Reichenbacensi monasterio inter testes legitur *S. abbas de Alpirspach*, nusquam deprehendere potui. Crusius, dum in Annalibus Sueviæ e) refert, Eberhardum Constantiensem episcopum an. 1256. e) *L. II. P. III. c. 11. p. 87.* adprobalisse permutationem quamdam inter abbatem & conventum Alpirspacensem, ac plebanum in Dornheim initam abbatis nomen reticet. Alibi eodem anno notatur Albertus abbas, qui in charta anni 1258. qua de iure proprietatis quorundam hominum monasterii Alpirspacensis & S. Georgii pronuntiatur, sic orditur: *B. maiestate divina abbas de Alpirsbach & conventus ibidem.* An. 1271. occurrit Volmarus.

Citatus Crusius f) nullum abbatis nomen exprimit, dum recenset Eberhardi episcopi Constantiensis litteras an. 1272. confirmantes unionem ec- f) *L. c. cap. 22.*



SECVLUM  
XIII.

clesiarum parochialium in Dornheim & Messingen, quas iam Bonifacius VIII. P. huic monasterio post rectorum decessum incorporandas decreverat. Rem hanc confirmarunt S. Moguntinæ sedis iudices II. Kal. Iunii an. 1273. Volmari autem abbatis nomen notatur in charta an. 1276. & in alia an. 1278. apud Besoldum, qua notum facit Hermannus comes de Sulze, se villam Hopffow vendidisse monasterio Alpirspacensi pro 120. marcis. Huc quoque pertinet anni sequentis instrumentum, quod ex chartulario Alpirspacensi habemus, ubi an. 1297. notatur Ioannes abbas.

a) *L.c. p. 187.* Crusius a) an. 1299. chartam profert, qua prædium monasterii Alpirspacensis, apud Reichenbach situm, cum omnibus appendiciis seu iuribus ad infirmariam sui monasterii, centumque annuatim pascendos mendicos confert, ita ordientem: *Albertus miseratione divina abbas & conventus in Alpirspach.*

Cella Kniebis

b) *Docum. re-  
div. T. I. p.  
152.*

XXVI. Ad monasterium hoc Alpirspacense pervenit sec. sequenti cella Kniebis, inter asperrimos Nigræ Silvæ septentrionalis montes sita, Kniebuz dicta apud Besoldum b) in instrumento confirmationis factæ a Friderico comite de Fürstenberg an. 1290. religiosi viris in Kniebuz in Nigra Silva commorantibus, innovando nimirum *omnem libertatem factam prædictis fratribus in area, in nemoribus, pascuis, piscaturis ab episcopo Babenbergensi, nec non episcopo Constantiensi, & a patre nostro pure & simpliciter propter Deum, & ob reverentiam gloriosæ virginis Mariæ patronæ ecclesiæ in Kniebuz.* Patrem initio chartæ nominaverat cognominem Fridericum comitem de Fürstinberck *felicis recordationis*, qui in feudum tenuerat ea bona a diocesano seu diocesi Babenbergensi, quæ etiam feuda resignavit ad manum Berchtoldi episcopi tunc temporis residentis ibidem, nihilominus suis supplicationibus ac precibus obtinuit apud præfatum episcopum, & ipse prædictam aream, nemus, pascuas, piscaturas cum aliis attinentiis contulit supradictis viris religiosi, eorumque successoribus iure hereditario sub annuo censu; ita quod iam supradicti fratres singulis annis exsolvant unam libram ceræ ad officium thesaurarii, sive qui præest cameram monasterii Babenbergensis. Supra iam memoravimus Fridericum, Henrici I. gentis Fürstenbergicæ conditoris filium, qui etiam habuit Fridericum filium cognominem: creditur tamen pater anno demum 1296. mortuus & Wolfaci sepultus, quam dynastiam familiæ Fürstenbergicæ attulit Udelhildis uxor Friderici, qui in mox memorato Friderici filii instrumento an. 1290. *felicis recordationis* dicitur; unde iam tum mortuus cenferi posset. Cæterum iunior hic Fridericus ille haud dubie Fridericus est comes de Fürstenberg, qui notante Datio *de pace imperii publica*

an-



anno 1299. foederi Suevico accessit. Ch. Frid. Sattler a) citat chartam venditionis an. 1277. factam domus in Dornstetten *de voluntate & consensu Ottonis & Hugonis comitum palatinorum de Tubingen.*

SECVLVM  
XIII.

a) Topograph.  
Geschichte des  
Herzogthums  
Wurtemberg.

p. 266.

Monasterium  
S. Petri.

b) T. V. pag.  
1056.

c) Annal. Sue-  
viae P. III.  
L. I. c. 14.

XXVII. Monasterium S. Petri in Nigra Silva seculo XIII. desiit esse mausolæum fundatorum suorum Zaringiæ ducum, ex quibus ultimum Bertholdum V. in basilica Friburgensi an. 1218. sepultum superius notavimus, abbate S. Petri Bertholdo I. qui an. 1191. Rudolpho de Reutenhalden succedens pedum tenuit usque ad ultimum diem anni 1220. Rudolphum istum in abbatum S. Petri catalogo omisit Gallia Christiana b). Bertholdi successor Henricus I. an. 1255. mortuus, dirum an. 1238. sustinuit fatum conflagrationis sui monasterii, quod ob incendiorum frequentiam *Vorago ignis* dicitur apud Crusium c). Tardius illud e suis ruinis surrexisse vel inde palam fit, quod id sub Waltero I. demum acciderit, qui in locum Arnoldi abbatis an. 1277. suffectus est, per quem, ut habent annales huius monasterii, multo pulcrior surrexit structura, *ornata sponsa Christi tamquam altera nova Ierusalem*: quæ ultima verba omisit Crusius, eodem Msc. usus.

Nicolaus IV. P. an. 1288. Waltero huic *abbati S. Petri de monte*, ut vocat, Breve apostolicum inscripsit, ad petitionem *Præpositi & conventus de Witnowe*, per præpositum soliti gubernari, congregationis nimirum San-Blasianæ. In eo illi demandat pontifex, quatenus ea, quæ de bonis monasterii huiusmodi alienata invenerit illicite, vel diltracta, ad ius & proprietatem eiusdem monasterii revocare procuret, contradictores per censuram ecclesiasticam, appellatione postposita, compescendo. Walterus an. 1291. die 3. Febr. mortuus abbatiam Eberhardo reliquit, hicque anno 1295. Gottfredo, ex nobili familia de Letschbach Friburgi oriundo, qui monasterium S. Petri usque ad an. 1322. rexit.

XXVIII. Cella S. Ulrici ad radices eorundem Nigræ Silvæ montium, monasterio S. Petri nunc unita, iam in instrumento an. 1183. ipsa quoque S. Petri monasterium, alias Willmarscella, dicta est sub Bertholdo Priore; post quem nullus amplius Prior huius cellæ notatur usque ad an. 1264. quo Henricus, & ad an. 1291. quo Ulricus in chartis occurrunt Priores, congregationis nimirum Cluniacensis, cui ineunte hoc seculo XIII. anno nempe 1204. Hugo V. abbas Cluniacensis alia statuta dedit & constitutiones, multum relaxans rigorem, quem seculo XII. venerabilis Petrus abbas induxerat.

Prioratus S.  
Ulrici.

XXIX. Monasterium virginum, quod suis locis diximus a B. Udalrico apud Bolesweiler sec. XI. constitutum, inde vero seculo XII. a Gerardo

Parthen. Bo-  
lesweiler S.  
Fidis.

SECVLUM  
XIII.

raldo de Scherzingen in allodium Seleden translatum, facta donatione pro monasterio & congregatione Cluniacensi, ita usque ad initia seculi XVI. perstitit sub Præposito Cluniacensi, qui ibi curam parthenii habuit. Nuncupatur hoc etiam in antiquis monumentis monasterium S. Fidis, *Sanct - Fides Closter*, cui nimirum S. virgini & martyri fuit sacrum, perinde ac aliud quoque virginum monasterium in Nigra Silva pagoque Alpegovix prope Graffenhausen; de quibus tamen monumenta seculi XIII. nulla nobis suppetunt.

Waldkir-  
chense.

XXX. Haud dispari ignorantia laboramus, quod parthenia in Waldkirch & Sulzberg ord. S. Benedicti in Nigra Silva attinet; tantum, quod in chartulario monasterii S. Georgii servetur permutatio hominum priorum utriusque monasterii S. Georgii & Waldkirchenfis an. 1293. nomine abbatissæ & conventus perscripta, quæ tunc præsens littera initiali S. designatur: *Venerabilibus viris... Dei providentia abbati totique conventui monasterii S. Georgii in Nigra Silva, S. divina permissione abbatissa totusque conventus S. Margarethæ in Waldkilch devotas in Ihesu Christo... reverentia vestra, quod quondam honoranda domina Bechca abbatissa nostri monasterii &c.* Mox vero dicuntur hæc accidisse sub Burchardo abbate S. Georgii, cuius nominis primum ab an. 1209. abbatem fuisse superius observavimus, aliumque seu secundum exhibet Gallia Christiana a) circa an. 1290. mortuum. Huc etiam pertinet mallum seu iudicium Landgraviale, quod an. 1298. Waldkirchæ habuit Henricus marchio Hachbergenfis, ut ex eiusdem litteris liquet, quæ autographæ servantur in archivo Thennenbacensi (cum sigillo etiam Wilhelmi de Schwarzenberg, & Eginonis iunioris comitis de Friburg) a Schoepflino in historia Zaringo-Badensi b) editæ.

a) T. V. pag.  
3002.

b) T. V. pag.

314.

Sulzbergenf.

c) L. c. T. I.

pag. 467.

a) Ibid. pag.

468.

XXXI. Ex illis, quæ idem Schoepflinus c) refert (dynastiam marchionum Badensium Usenbergicam describens, ad cuius superiorem partem pertinet oppidum Sulzberg), palam fit, monasterium hoc Sulzbergenfem multa pertulisse damna. Notat tamen an. 1245. Rudolphum nobilem de Usemberch, & Burchardum fratrem eius nuper defunctum, qui ditionis suæ ecclesias, quas ipsi vexaverant, Sulzbergenfem præcipue, ab omni damno liberas pronuntiarint, quod Friburgi litteris in festo S. Dominici consignatum instrumentum servatur in tabulario Badensi. Habuit etiam idem monasterium postea ex eadem familia benefactores & fautores, ut apud eundem legere est d), an. 1271. Hessonem dominum de Usenberg monasterio Sulzbergenfi universos ex iure mortuarii per vallem istam redditus donasse; & anno 1294. 4. Kal. Sept. Hessonem illustrem de Oesemberch

berch militem, advocatum vallis in Sulzberg hereditarium, conventuali ecclesiæ S. Cyriaci in Sulzberg ius asyli aliaque privilegia concessisse.

SECVLVM  
XIII.

XXXII. Fuerunt hæc ordinis S. Benedicti monasteria habitus nigri, cuius coloris scapulare tantum, togam vero albam gestant Cistercienses monachi ac monachæ, quarum ut alibi per Germaniam, ita etiam per Nigram Silvam plura numero exstant monasteria. Ex his duo seculo XII. fundata utriusque instituti & sexus libro superiore indicavimus monasteria ad confinia Nigræ Silvæ in Alpegovia septentrionali, fundatore Bertholdo domino de Eberstein. Ex his periit Alba dominorum Cisterciensis ordinis: Alba dominarum etiamnum superest monacharum nigrarum cœnobium. Seculo XIII. ambo confirmata sunt ab Ottone seniore domino in Eberstein an. 1270. suo & filiorum Ottonis, Wolframi, Henrici & aliorum heredum nomine. Testes adscribuntur H. de Baaden, H. Palatinus de Tuwigen, C. comes de Calwe &c. Iam an. 1255. Otto de Eberstein & Henricus senior de Rossewage molendinum super fluvium Albæ situm cœnobio dominarum in Alba pleno iure confirmavit: *Et est ipsarum libere & absolute; attinet siquidem proprietati in cella, quam de Remchingen eadem dominae in usus proprios compararunt &c.* Eiusdem anni est charta emtionis villæ Volckersbach pro eodem parthenio, quam vendiderunt Cuno Waltfrigulo, Bertholdus & Crafft fratres de Oewensheim. Anno 1287. testatum facit Henricus de Eberstein, se cœnobio dominarum de Alba villam Burckbach, & proprietatem ibidem, quam frater eius Otto felicitis memoriæ dicto cœnobio in remedium animæ suæ contulit, simpliciter propter Deum tradidisse. Demum an. 1294. Gerardus de Habesstatt medieta'em villæ Speshard &c. Joanni Præposito dominarum in Alba pro centum & quinquaginta libris Haller coram multis testibus vendidit: *in cuius rei, concludit, testimonium, sigillis nobilium dominorum meorum Henrici domini de Eberstein, domini Henrici comitis de Geminoponte, & meo præsentē litteræ sunt munitæ.*

Alba dominorum, & dominarum,

XXXIII. Porro in utroque monasterio Alba dominorum & dominarum sepultura aut memoria comitum de Eberstein fuit conservata, qui fundatores erant utriusque monasterii. Quicumque tamen ad sec. XIII. pertinent, Schannatus in vindemiis litterariis a), apud Albam dominorum adnotavit, sepulcrum imprimis domini Bertholdi comitis de Eberstein, & dominae Ute uxoris eius, fundatorum huius monasterii. Sequitur: anno Domini 1245. obiit dominus beatæ memoriæ Cunradus de Eberstein Spirensis episcopus VI. Kal. Iulii. Hunc in ecclesia cathedrali sepultum asserit Gallia Christiana b). Ottonis senioris, ex progenitore Bertholdo

Alba dominorum ordinis Cisterciensis.

a) Collect. I. p. 151.

b) T. V. pag. 729.

SECULUM  
XIII.

tholdo fundatore, modo facta est mentio, de quo sic lego apud Schannatum: *anno Domini 1279. obiit dominus Otto senior, illustris comes de Eberstein, qui multa bona fecit monasterio.*

Habuit hoc monasterium Badenses quoque marchiones suos benefactores, quos inter, ut Schoepflinus a) adnotavit, iam an. 1251. Rudolphus I. tertiæ seu Rudolphinæ periodi, confirmavit ea, quæ parentes sui fraterque Hermannus monachis in Alba concesserant. Anno 1256. Erlewinus Scultetus Pforzheimensis expedit litteras, quibus monachi in Alba coemerunt partem decimarum in Dietenhausen, iisque adpendit sigillum, quod gentilitia Badensium insignia exhibet, manifesto, ut Schoepflinus observat, indicio, Pforzheimium, portam Nigræ Silvæ ad septentrionem, iam tum sub marchionum fuisse ditione. Leguntur apud eundem b) litteræ donationis bonorum in Durlach, monasterio Albæ dominorum factæ an. 1259.

a) *Hist. Baden-  
sens. Tom. II.  
pag. 4.*

b) *T. V. pag.  
232.*

In charta anni 1258. cernitur littera initialis W. abbatis de Alba, cui Bertholdus de Remchingen, onere debitorum gravatus, vendidit ius advocatiæ in viculo Ninsaltz, quod feudi titulo habuit a domino Ottone de Eberstein. Anno 1265. Henricus Spirensis episcopus, in cuius diocesi situm est monasterium, civibus de Bruchfella libertatem concessit, vendendi quindecim iugera de pratis publicis, quæ vulgo *Almeinde* dicuntur, abbati & conventui de Alba Cisterciensis ordinis. Eiusdem episcopi, nec non Ottonis Præpositi ad S. Guidonem, quem supra celebravimus legatum Rudolphi I. Rom. regis ad concilium generale Lugdunense & Gregorium X. P. item dominorum de Eberstein & de Geminoponte (seu Zweybrücken) atque abbatis de Mullenbrunnen sigilla, unacum sigillo Luitfridi nobilis de Helmsheim adpensa sunt instrumento, quo hic ipse Luitfridus advocatiam inferioris villæ Terdingen vendidit abbati & conventui monasterii de Alba an. 1267. mense Martio. In commentario Msc. Oswaldi Gabelkoveri de familiis Germaniæ illustribus ad eundem annum 1267. notatur Conradus abbas Albæ dominorum, quocum nobilis & illustris dominus Henricus comes de Vürstenberg super capella in Knibis, & eiusdem capellæ redditibus & bonis quæ ipsi obvenerunt per monachum & confratrem suum, qui apud eandem capellam aliquamdiu subliterat, transigit.

Infestos quidem Alba dominorum experiebatur Simonem Geminipontis comitem, uti & Ottonem de Eberstein: ab eorum vero oppressione liberavit monasterium Rudolphus I. Rom. rex anno 1275. cuius hanc in rem diplôma legere est apud Besoldum c), & in Franc. Petri Suevia ecclesiastica d). Anno 1285. Otwinus civis Spirensis & Werntrudis uxor donant

c) *Docum. re-  
div. T. I. p.  
76.*

d) *pag. 22.*

mona-



monasterio de Alba omnia sua bona, quæ habuerunt Spiræ, Bruchsellæ, Heidelbergæ, in Hentschusen, Nuwenheim, Rorbach, Eppingen, & Langenbruken, reservato ad dies vitæ usufructu. Anno 1288. nobilis de Bruchfella cum coniuge sua Kunegunde vendunt monasterio de Alba villam Oberacker cum advocatia pro 450. libris. Anno 1289. Hermannus marchio de Baden amplissimum dedit diploma, quo iuxta tenorem diplomatis Rudolphi Rom. regis monasterium de Alba ab omni exactione immune agnoscit, liberamque facultatem concedit, utendi silvis, pratis, pascuis, datum mense Ianuario. Sic etiam an. 1291. mense Augusto Rudolphus senior & Fridericus marchiones Badenses, quum abbatiae monachorum in Alba advocati essent electi; de pristinis eidem caverunt iuribus, novisque decorarunt privilegiis. Exstat hæc alterum quoque foundationis a Rudolpho factæ instrumentum apud Schoepflinum a), qui simul observat, advocatiam hanc marchionibus istis propterea fuisse collatam, quoniam ex Ebersteiniis comitibus sanguinem per matrem, aviamque Cunigundam ducebant, ut explicat Lib. IV. b).

a) *Hist. Bad. T. V. p. 293. 299.*

b) *L.c. T. II. pag. 10.*

Occurrit apud Crusium c) documentum an. 1292. quo frater *Muthaus Herrenalbensis* testatum reliquit beneficium viri honorabilis & discreti Georgii clerici de Bruchfella, qui, ut inquit, *nostra compassas inedia, panem nostrum quotidianum, filigineum, grossum & inflativum, in frumentina materiei simulam commutavit, contractu desuper facto de consensu venerabilis domini Rudolphi abbatis de Novo castro, nostri visitatoris, in presentia reverendi domini Nicolai abbatis de Lutzelach sui visitatoris.* Eidem instrumento citati abbates, nec non & ille Albæ dominorum sigilla sua adposuerunt.

c) *Annal. Sueviae P. III. lib. III. c. 11.*

Memoratus mox Rudolphus senior, marchio de Baden cum uxore sua Adelheide de Ochsenstein donat monasterio in Alba villas Welsberg, & Wolmarsbec, hac conditione, ut ad altare S. Catharinæ lumen lampadis administraretur cum missa quotidiana; in die paschæ assignentur conventui decem libræ Hallensium annis singulis pro ovis comparandis; & post obitum fundatorum fiat anniversarium singulis annis cum albo pane & maiore mensura vini, & piscibus, cum missis & orationibus. Dat. mense Sept. an. 1293. Anno 1295. Adolphus Rom. rex innovat & confirmat privilegia a Rudolpho I. suo antecessore Albeni monasterio concessa, Dat. apud prædictum claustrum Albam idibus Aprilis. d)

d) *Franc. Petri Suev. eccles. P. 24.*

Anno 1296. Henricus comes Geminipontis vendidit monasterio de Alba villam Spilberc cum advocatia pro 100. libris Hallensium, accedente consensu fratris sui Ottonis comitis Geminipontis: Dat. mense Martio.



SECVLVM  
XIII.

a) *Hist. Bad.*  
T. V. p. 303.

Sequenti mense Aprili abbas & cellerarius monasterii de Alba concedunt cuidam Kraftoni, civi de Bruchfella, quamdam curiam lapideam, torcular & horreum, & curiam pecorum titulo annui census. Apud Schœpplinum a) duo eiusdem anni exstant instrumenta, unum feria quinta proxima ante festum beati Ioannis Baptistæ datum, quo Eberhardus comes Wirtembergicus & uxor eius Irmengardis omne suum ius in villis Langensteinbach aliisque monasterio Albæ dominorum tradunt: in altero Agnes marchionissa Badensis, uxor Hermanni VII. memoratam villam a filio suo Friderico Albæ dominorum consensu suo venditam fuisse testatur. Anno 1299. Gerardus miles de Ubestat, Swikerus item & Gerhardus filii vendiderunt monasterio de Alba pro 220. libris Hallensium tertiam partem decimæ utriusque frumenti in marchia Bruchfellenfi, cum consensu Wilhelmi comitis de Katzenelebogen, a quo partem hanc decimarum Rudolphus de Rossewag in feudum tenebat, quod Gerardus aliis redintegravit bonis cum consensu comitis, qui in uno huius chartæ exemplo se Wilhelmum, in altero vero Dieterum nominat. Vid. longelini notitia abbatiarum Cisterciens.

Monasterium  
Tennenba-  
cense.

b) pag. 320.

XXXIV. Originem monasterii Tennebacensis, eiusdem Cisterciensis ordinis, ac fundatorem Bertoldum IV. Zaringiæ ducem libro superiore indicavimus. Huius genero Egenoni comiti de Urach duos fuisse filios, Conradum & Bertoldum, narrat Conradus Urspergensis in chronico b): quos utpote suos ex sorore nepotes Bertoldus V. Philippo regi pro expensis obligaverat, quin eos postea exsolveret, quare hi *oppido compulsi*, ut idem subdit, *se ipsos quam plurimi absolverunt*, utpote dominus Conradus & Bertholdus filii Eginonis comitis de Urach, quorum Conradus, postmodum conferens se ad ordinem Cisterciensium, fuit abbas Cisterciensis, indeque per sedem apostolicam translatus fuit Romæ episcopus cardinalis, Portuensis scilicet & S. Ruffinæ. Alter verq, Bertholdus videlicet, fuit abbas in Luzirach: nam in periculo captivitatis constituti ambo Deo repromiserunt, quod si essent liberati, ad monachicam vitam se conferrent. Bertholdi iam abbatis nomen in Philippi Rom. regis charta an. 1207. legitur in additionibus Austriæ sacræ c). In epitome fratrum Lucellensium auct. Bernardino Buchinger abbate Lucellensi & Maulbrunnensi d), Bertholdus cum fratre Conrado votum monachatus exsolvisse circa annum 1205. dicitur Lucellæ, inde expetitus abbas Tennenbacensis, quindecim annos præfuisse, abbas deinde Lucellensis octavus. Conradi vita legi potest in fasciculo sanctorum ordinis Cisterciensis Lib. I. distinctio-  
ne 26.

c) pag. 296.

d) pag. 174.

Ut porro supra vidimus, Conradus antequam Cisterciensis abbas fieret, Vivariensem quoque & Clarevallensem abbatias obtinuit, quod silentio præterit chronographus Urspergensis; ut adeo nihil obtet, quo minus Tennebaci quoque abbas fuerit Bertholdus, qui haud dubie supplendus est apud Schœpflinum a) in litteris Friderici Sueviæ ducis, postea imperatoris hoc nomine secundi, de anno 1210. ibique loco *Corradi* legendum *Conradi*, ut idem instrumentum in citatis additionibus Austriae sacrae ex collectione Iosephi de Wendtenthal b) habet: prædia nempe quædam monasterio Tennebacensi sunt confirmata ad instantiam fratris Conradi monachi, quem modo nominavimus, qui fuit Germanus Bertholdi ex Egenone de Urach & Agnete de Zaringen. Omnino hoc manifestant, quæ leguntur apud Schœpflinum c) excerpta ex codice Tennebacensi de vita B. Hugonis ord. Cisterciensis, ubi narrat anonymus ille super, quod ea tempestate prædictum monasterium Tennenbach rexit D. Bertholdus abbas, *nobilis quidem genere, sed fide & religione nobilior*, filius sororis Bertholdi V. ex patre comite de Urach. Abbas hic, ut ibi porro refertur, avunculi sui vesaniam detestatus, quum ex Romano itinere, quod monasterii sui causa susceperat, redux eidem declarasset, sese finistros de eo in aula pontificis audivisse sermones, irritatus Bertholdus V. gravia abbati & monasterio intentavit mala.

Illustrem Bertholdi abbatis prosapiam attestatur Fridericus II. imp. in diplomate Hagenœ IV. Kal. Mart. an. 1214. Tennenbacensibus dato, annoque sequenti Hermannus idemque Fridericus eum consanguineum vocant. Plura de eo apud memoratum Schœpfl. d) in dictis excerptis ex vita B. Hugonis circa an. 1216. leguntur: ubi etiam e) exstant litteræ Rudolphi nobilis de Usenberg an. 1219. religiosi viri abbati B. & conventui de Tennenbach datæ; itemque f) sequentis anni charta Eginonis senioris comitis de Urach, qua molendinum & curtem abbatiæ Tennenbacensi factam confirmat: & mox etiam Egeno iunior, *Egeno comes de Ura, dominus castri de Friburg*, anno 1221. significat, quod ad petitionem dilecti amici abbatis de Tennenbach consenserit, ut abbatia homines quosdam proprios accipiat. Aliud est castrum illud de Friburg, cuius se dominum scribit, ab arce illa in inferiore parte montis Burghalden, ad continendam in obsequio urbem Friburgensem eodem anno 1236. exstructa, quo obiit, cum Adelhaide coniuge sua Tennenbaci sepultus.

Exstat Eginonis iunioris mausolæum in cœmeterio Tennenbacensi cum scuto Fürstenbergico, cui crux imminet. In notitia de illustris Zaringie ducibus & Friburgi comitibus, quæ in tabulario Tennenbacensi servatur, so-

SECVLUM  
XIII.

lius Egenonis fit mentio sepulti in *Tennenbach mon. seu pomerio nostro*.  
 Notat porro Schoepflin. a) quatuor, quos Adelheidis de Neiffen ex Eginone iuniore suscepit filios, Conradum, Bertholdum, Henricum & Godfredum, qui mortuo patre, an. 1237. cum matre sua Adelheide D. G. comitissa de Friburg ius census, quod in area curie monasterii Tennebacensis prope Friburgum, dimiserunt ex manibus. Actum in ecclesia Friburg. Idem quatuor comitis Eginonis de Urach filii cum matre sua recensentur in alia charta Tennebacensi, qua progenitorem suum in grangia monasterii huius, in suburbio castri Friburg sita, capellam exstruxisse, ac censum XII. solidorum eidem monasterio donasse perscribunt.

Bertholdo abbati sæpe memorato tribuitur frater cognominis, qui, ut b) pag. 319. Franc. Petri in Suevia ecclesiastica b) ex Crusii annalibus Sueviæ c), & c) P. III. lib. ex Friderici Steyl ephemeridibus Dominicano-sacris scribit, comitatu dimisso ad fratres Prædicatores Eßlingenses se contulit, ibique ut conversus obiit an. 1240. & in illorum claustro ante aram S. Catharinæ humanus est. Ex serie abbatum, quæ in Gallia Christiana d) sine chronologia textitur, nil statui potest. Supponitur tamen, plures post Bertholdum de Urach ad seculum hoc XIII. pertinere, siquidem is iam an. 1215. vel 1221. ad abbatiam Lucellensem transit, successorem nactus S. Rudolphum I. de Zäringen, uti iam ante Bertholdum Conradus I. itidem de Zäringen tertius abbas nominatur; de quibus tamen in Zaringicis nihil occurrit, haud dubie ministerialibus seu vernaculis de Zäringen.

Aberrat vero eadem Gallia Christiana, dum monasterium hoc per Landgravios de Stülingen & Bar fundatum fuisse dicit, a quibus comites de Fürstenberg & Friburg descendant. Iam sec. XI. & XII. in chartis Rhenaugiensibus occurrunt suo nomine comites de Stuolingen. Nec ratio patet, qua Bucelinus seculo XIII. tradit, quod a comitibus de Furstenberg per Eberhardum episc. Constantiensem in feudum acceperit castrum Schulingen an. 1251. Henricus I. de Lupfen. Huius filius Eberhardus I. an. 1256. vocatur præfectus provincialis in Sthulingen; emta vero postea a nepote Henrico II. de Lupfen altera castri, urbis, & comitatus Sthulingani parte cum arce Almuth & Aicheim, in conventionem cum Egone de Furstenberg an. 1296. vocatur Landgravius in Sthülingen. Landgraviatus Stülinganus hic demum post secula ad comites de Fürstenberg pervenit, comitatu Barenli anno 1283. a Rudolpho I. Rom. rege auctos. Perperam igitur in citata Gallia Christiana Landgravius Stulinganus vocatur Egon III. comes Furstenbergicus Tennenbaci sepultus cum uxore Adelheide comitissa de Nyssen seu Nüssen, uti

uti & filius eorum Conradus comes, qui floruit an. 1240. Ibi quidem post S. Rudolphum I. de Zäringen, Burchardum I. item de Zuffingen, & Henricum de Valckenstein inter abbates Tennenbacenses collocatur Henricus de Stulingen, qui certe adhuc ad seculum XIII. revocari debet. Nihil tamen hactenus in historia Landgraviorum de Stälingen mihi occurrit, quod Meinwardum huic illustri familiæ, ex castro eius nominis sito in Alpegovia Nigræ Silvæ meridionali sic adpellatæ, vindicet. Bertholdum porro sæpe memoratum Tennenbaci abbatem iam ad annum 1215. Lucellam translatum produnt Bernardini fasti Lucellen-  
ses a). In epitome fastorum Lucell. b) tandem senio contabescens & quie- a) pag. 161.  
tioris vitæ cupidus abbatia se sponte abdicasse an. 1230. memoratur: b) pag. 180.  
additur, eum reperiri adhuc an. 1235. in litteris nepotis Ulrici comitis Ferretensis, morte sancta vitam finisse, incertum quo anno. Eundem Salemitani quoque suum agnoscunt abbatem, sed brevi annorum spatio inter 1241. & 1242. quo obierit octava Augusti.

Chartæ San-Blasianæ an. 1241. nobis sistunt eius in monasterio Tennenbacensi successorem venerabilem in Christo Rudolphum abbatem de Tennibach Cisterciensis ordinis, nobiles item fratres B. & R. de Usenberch confessos, nullum sibi ius competere in ecclesiam Hugelheim. Apud Schoepflinum c) notantur Burchardus & Rudolphus fratres de Usenberg c) Hist. Bad. T. I. p. 466.  
villam Muosbach, quæ patri ipsorum Rudolpho oppignorata fuerat, an. 1231. redimendam dedisse. Idem *nobiles de Usenberg* in litteris Hartmanni comitis de Kiburg pro ecclesia Argentoratensi testes, cum abbatia Tennenbacensi convenerunt, ut a telonio pontis immunis esset, annua frumenti collatione ad eius conservationem stipulata. Sed & curtim suam Hügelnheim cum iure patronatus ibidem huic abbatiae vendiderunt: actum in castro Stouphen, ad superiorem dynastiam Usenbergicam. In inferiori sunt Kirnberg, Hufen, Kenzingen, Endingen, ubi anno 1254. Rudolphus de Usenberg, qua nempe in vicinia situm est monasterium, censum in Endingen abbatiae Tennenbacensi adscribit d). Idem Rudolphus & d) Ib. p. 222.  
cognominis abbas Tennenbacensis e) littera initiali notantur in laudo an. e) Ib. p. 225.  
1256. monasterium Tennenbacense inter & advocatos vici Weisweil, ubi curiam dictam Hardern W. nobilis de Geroldsegge contulerat monasterio Tennenbacensi. Quæ de re alia apud eundem Schoepflinum f) exstat f) L. c. p. 228.  
arbitralis sententia an. 1258. Conradi comitis de Friburg, Rudolphi de Habsburg, & dynastæ Usenbergici. Anno item sequente Conradus de Friburg confirmat eidem abbatiae donationem curtis & molendini prope Friburgum, idemque ministerialibus & hominibus suis permittit, ut eidem abbatiae bona sua libere conferant.



SECULUM  
XIII.

- Supra de urbe Villingen agentes Henricum abbatem in Tennenbach nominavimus, qui monialibus ord. S. Dominici illius urbis bona quædam in Asenheim vendidit. Anno 1261. vero Henricus marchio de Hachberg a) maiorum suorum donationes confirmat. Anno 1276. Rudolphus Rom. rex b) lites inter abbatem & conventum de Tennenbach ac fratres de Keppenbach dirimendas commisit eidem Henrico marchioni, qui eodem anno abbatiam Tennenbacensem capitulo maiori Constantiensi commendat. Nomen abbatis Tennenbacensis iterum notatum reperi ad annum 1285. c) quo Henricus marchio de Hachberg, Annæ etiam uxoris & filiorum Henrici, Rudolphi & Friderici, aliorumque omnium liberorum consensu reditus in Maltertlingen venumdedit: ubi testes subscribunt dominus *Ulricus abbas de Salem*, domini *Mainwardus abbas de Tennenbach*, frater *Fridericus Prior*, frater *H. maior cellarius*, frater *Mainwardus camerarius*, frater *C. mercator*, frater *Ortholfus conversi de Tennenbach*. Idem adhuc Meinwardus abbas d) legitur in charta Eginonis comitis de Friburg, qui primus inter testes nobiles superiori chartæ subscripserat: hic autem abbati & monachis Tennenbacensibus confirmat ius civitatis in Friburgo, ab omnibus civium oneribus immune. Duo vero in Gallia Christiana post Burchardum de Zuslingen & Henricum de Valckenstein sibi succedentes abbates notantur Meinwardus I. de Stüelingen, & Meinwardus II. de Minzingen.

Parthenium  
Güntersthal-  
leuse.

- XXXV. Excrevit opera laudati Bertholdi de Urach abbatis Tennenbacensis alia eiusdem ordinis Cisterciensis abbatia in valle Guntheri, nobilis seculo XIII. viri, qui castrum inhabitabat in rupe supra vallem illam, quam filiae suæ Adelhaidi concessit, ædemque instruxit circa annum 1221. ad ducendam ibi vitam religiosam, eo quidem profectu, ut anno 1224. Adelhaidi iam abbatissæ Conradus episcopus Constantiensis sacellum cum altari dedicasse memoretur, quem locum etiam, ut Crusius in c) *P. III. L. Annalibus Sueviæ* e) refert, a iurisdictione matricis ecclesiæ (Henrico plebano *Mersbusensis ecclesiæ*, ad quem locus attinebat, presente & consentiente) penitus exemit. Privilegia dein Gregorius IX. an. 1233. Anagninæ VI. id. Febr. & alii postea pontifices per bullas pontificias concesserunt. f) *L. c.* Inter benefactores huius parthenonis, teste Crusio f), fuere comites illustres de Friburg, & nobiles viri a Keppenbach, itemque nobiles de Blumenneck, & Klingenberg, alique, quorum ibi plurima & præclara sunt mausolæa.

Referuntur porro moniales superna luce permotæ in asperiores valles Oberriedtanæ secessum sese contulisse, Nicolao & Conrado nobilibus



bus de Thengen locum illum, quem a Conrado S. Galli abbate in feudum acceperant, sub annuo censu conferentibus. Quam rem imprimis egit Rudolphus de Thengen ecclesiæ Argentinensis Præpositus, Nicolai & Conradi frater. Verum aeris locique austeritatem ferendo impares, clauistro Oberriedtensi abbatis Cisterciensis iussu an. 1244. relicto, in priorem Güntheri vallem recesserunt, *quia, sunt verba P. Conradi Sturn in chronico Oberriedensi, aëris asperitas, silvarum densitas, petrarum nimia scopulositas, ac necessaria huius vitæ advehendi difficultas maxime muliebri fragilitati contraria, non sinebat eas ibi commorari.* Auctis dein rebus, ac ampliato monasterio maior ecclesia an. 1278. a Tholomæo suffraganeo Constantiensi consecrata fuit; Adelhaide fundatrice adhuc abbatissa, quæ monasterio annis quinquaginta quinque præfuit, an. 1281. pie in Domino defuncta, quum uno ante anno confecta senio abbatiam resignasset, forte B. Heinrudæ, quæ proxima in abbatissarum catalogo in Gallia Christiana a) collocatur, diciturque de Millheim oriunda.

a) T. V. pag. 1094.

XXXVI. Memoravimus modo commigrationem monialium ex valle Guntherina in asperiores secessus vallis Oberried, exque eo in priorem vallem reditum, testante P. Conrado Sturn, qui seculo XIV. eiusdem loci Oberriedt cœnobita, eo post monialium discessum deductam Wilhelmitarum coloniam describit. Seculum XIII. huius ordinis primum dici potest, cuius auctor a nonnullis perperam habitus est Guilielmus I. dux Aquitanix, qui Carolo M. cœtaneus fuerat, cuius beneplacito factus monachus, in monasterio Gelonensi ord. S. Benedicti est defunctus. Perinde etiam alii eiusdem nominis duces Aquitanix seculo XI. & XII. auctores huius ordinis falso credebantur, uti Henschenius demonstrat in commentario prævio *de S. Guilielmo Magno eremita in Stabulo Rodis in Hetruria.* b); ubi id imprimis agit, ut ultimum ducem Aquitanix, quem S. Bernardus a schismate Anacleti revocavit, in peregrinatione Compostellana ad S. Iacobum in Galicia an. 1137. defunctum ex Orderico aliisque scriptoribus adstruat.

Monasterium Oberriedense cum aliis ordinis Wilhelmitarum sub regula S. Benedicti.

b) Boiland. T. II. Febr. pag. 433. seqq.

Eo quidem etiam peregrinatus videtur S. Guilielmus eremita, sed inde redux post varias migrationes ultimum domicilium in Stabulo Rodis seu Malavalle fixit anno 1155. arctius reclusus, anno sequente Albertum primum discipulum nactus, in cuius manibus an. 1157. exspiravit S. Guilielmus, atque ab eo sepultus est, qui magistri sui vitam quoque scripsit. Albertus hic postea cum Reinaldo medico adunata paullatim congregatione ordinem Wilhelmitarum propagavit, qui hoc demum seculo XIII. dilatari cœpit, cuius historiam Henschenius ibidem c) exhibet. Huic an.

c) pag. 472. seqq.

1248.

SECVLUM  
XIII.

1248. Gregorius IX. regulam S. Benedicti præscripsit, & quamvis postea an. 1256. Alexander IV. plures eremitarum ordines sub instituto S. Augustini adunavit, comperto nihilominus, Wilhelmitis regulam S. Benedicti a Gregorio IX. fuisse præscriptam & ab Innocentio IV. confirmatam, eos ad regulam S. Benedicti iuxta institutum S. Guilielmi revocavit. Postea item Urbanus IV. an. 1263. prohibuit ordinem Wilhelmitarum professos, ne ad Augustinianos transirent sine speciali apostolicæ sedis permissione.

Varii hinc exorti sunt motus inter eremitas S. Guilielmi & S. Augustini, dum ab his Wilhelmitæ ad S. Benedicti regulam reversi plures domos ipsi, in Germania præcipue, ablatas repetebant a Clemente IV. a quo etiam lis decisa est. Porro inter istas Wilhelmitarum domos in bulla Clementis IV. P. an. 1266. primo loco memoratur domus *de Porta S. Mariæ de Ibiseborne Maguntinensis diæcesis*, dein mox domus *de Corona S. Mariæ de Fuiisene Constantiensis diæcesis*; quod ultimum haud aliud esse putamus, quam nostrum, de quo nunc agimus, monasterium dictum quasi *Fuesen*, utpote ad pedem altissimi Nigræ silvæ montis Veldberg situm, ac corona S. Mariæ in Oberried nuncupatum. In recensione

a) Bolland. l.  
c. 2. 480.

tamen provinciarum & monasteriorum huius ordinis sec. XV. a) in provincia Alamanniæ, quantum ad nos attinet, ita recensentur monasteria: *Domus vallis-comitis, dicta Stella Mariæ, iuxta villagium de Oberrieth ultra Vriborch. Domus de Vriborch... Domus de corona Mariæ* in eadem bulla dicta *de Fuiisene Constantiensis diæcesis*. Quo de quidquid sit, id certum omnino est, solum istud Oberriedense cœnobium nomen *Corona Mariæ* tulisse; nisi dicere velimus, hoc nomine primitus insignitum fuisse istud monasterium, quod postea a S. Wilhelmo nomen accepit, quodve pariter radicibus montis Veldberg adiacens, æque *Fuiisene* dici posset: quæ tria dein monasteria mox memorata in unum coaluerint sub titulo *Corona Mariæ in Oberried*.

Inde postquam moniales, ut diximus recesserunt, colonia illuc Wilhelmitarum deducta est ex monasterio *de Porta Mariæ iuxta Cruishonte citra Magonobiam*, uti in dicta recensione nominatur, in bulla vero Clementis IV. *Ibiseborne Maguntinensis diæcesis*. Ut autem rem narrat P. Conradus monachus Oberriedensis, comperto monialium discessu Prior de Porta S. Mariæ ordinis S. Guilielmi misit illuc Priorem cum duobus fratribus, ut si pia eorum conversatione commoti illius loci domini consentirent, ibidem habitationem figerent. Locus tunc, pergit, ad Ludovicum de Munzingen & Conradum Snewli milites de Friburgo devolutus

latus erat, qui animo revolventes, ecclesiam S. Mariæ dedicatam, a monialibus derelictam adesse, villas Oberried & Verlinsbach, sicut a Rudolpho de Thengen sanctimoniales acceperant, prædictis fratribus solemnī donatione denuo tradiderunt. Epocham huius donationis statuit idem Conradus, ad an. 1252. feria III. post Pentecosten, recte ad autographam foundationis huius chartam, quam edimus.

SECULUM  
XIII.

Inde vero palam fit, Wilhelmitas iam aliquot tunc annis eremum illam incoluisse, quæ hodieque a S. Wilhelmo nomen habet, dum eos Conradus pene quatuordecim annis Deo in horrido loco deservisse perhibet: ex monumentis vero certis constat, illos iam an. 1262. seu decimo post illam donationem, ob inclementiam aeris in suburbium Friburgense concessisse. *Post discessum vero fratrum, subdit, locus præfatus tribus annis sine divino officio vacabat: quem postea frater Ioannes de Urherc sacerdos & ibidem humilis Prior, cum fratre Burkardo laico, Fratres ordinis apud magistros ordinis per preces obtinuerunt, & eremum miserabiliter inventam, tamquam omni re & solatio deplumati, sanctam vitam appetendo ac laqueos huius seculi fugiendo, instinctu Numinis divini per ignem transeuntes & aquam, pompamque seculi refutando, intraverunt.* Fratris sui Volcardi de Urberg opibus aliorumque oblationibus adiutus Ioannes Prior religiosam vitam ad S. Wilhelmum stabilivit circa an. 1266. Quo ipso XI. Kal. Iunii Henricus episcopus Basileensis XL. dierum indulgentias impertivit iis, qui in festo dedicationis ecclesiam eremitarum S. Guilielmi extra muros oppidi Friburgensis visitaverint. Indulgentias illas an. 1285. pro aliis etiam festis ampliarunt Petrus Arborensis archiepiscopus, Andreas Asloensis, Tholomens, Sardanensis, Bernardus Perusinus, Ioannes Avellinus & Bernardus Humanas (sic) episcopi. Accessit an. 1288. nova dedicatio chori & altaris per Ioannem Lethoviensem episcopum suffraganum Constantiensem: dum iam anno 1286. ordinem Wilhelmitarum novis beneficiis ac privilegiis auxerat Honorius IV. P. ut apud Raynaldum legitur a). Ad finem seculi XIII. numeravit a) T. XIV, monasterium in Oberriedt benefactorem Albertum de Valckenstein, tu- P. 392- torem viduæ Iacobi de Valckenstein. Existat eam in rem charta an. 1298. appenso etiam sigillo Egenonis comitis de Friburg. Idem Albertus seu Aubrecht de Valckenstein sigillum suum cum Ioanne Snewlin, & Ioanne de Urberg præter abbates S. Petri & S. Mariæ (S. Mergen) adiecit instrumento an. 1296. quo iura monasterii Oberriedani in silva supra Oberriedt & Witelsbach recensentur.

Iam etiam tunc alia huius ordinis monasteria Nigræ silvæ vicina fuerunt instaurata, veluti Mengense, quod in citata domorum ordinis recen-

SECVLUM  
XIII.

- sione vocatur domus de Meneghem in Suevia. In observationibus Ph. Christ. de Normann ad rescriptum commiss. Ioannis XXI. P. an. 1277. ex Msc. Osw. Gabelskoveri notantur fratres Rudolphus comes de Tubingen & Ulricus de Asperg, qui anno 1259. cum consensu Hugonis & Rudolphi comitum de Tubingen patruelium suorum renuntiaverunt proprietati & possessionibus in Habstal in favorem monasterii Mengen; quod etiam *Porta cœli* nuncupatur, de quo Franc. Petri in Suevia ecclesiastica
- a) pag. 618. a). Apud P. Herrgott b) habetur charta Rudolphi episcopi Constantiensis de an. 1282. qua foundationem fratrum ordinis S. Wilhelmi in *Meingen* auctoritate sua roborat; quod, ut habet charta, situm est *in area apud oppidum Meingen, quam regalis munificentia liberalitas Ordini vestro contulit, ut ipsis ad salutis suæ profectum cohabitatis... Et indulgentiis, quas aliis vestris domibus per nostram diœcesim concessimus, gaudeatis.* Sub Alberto dein Priore Walterus de Inesteten anno 1287. nomine civium idem confirmavit monasterium. Fridericus vero dux Austriæ & Sueviæ, cognomento Pulcher, deinceps Rom. rex an. 1304. bona ecclesiæ S. Martini in Mengen, in quibus ius patronatus eiusdem ecclesiæ consistit, unacum eisdem ecclesiæ & iure patronatus, de consensu pleno fratrum suorum, Rudolphi & Lupoldi ducum, aliorumque, quorum interest, vel interesse poterit, in eosdem Priorem & conventum transtulit pleno iure, ut loquitur charta apud Herrgottum c). Idem quoque ius patronatus eodem anno Wernerus & Ulricus Ulrici nobilis de Ruolfingen filii adiecerunt.
- b) *Gen. Habsburg. T. II. P. II. p. 503.*
- c) *L. c. pag. 588.*

Dum vero in memorata Rudolphi episcopi Constantiensis charta de anno 1282. aream illam in Mengen *regalis munificentia* liberalitate ordini collatam esse testatur, id haud de alio quam Rudolpho I. Rom. rege intelligi debet, quamvis nullum eius hac de re diploma hucusque in lucem fuerit protractum. Quod vero idem episcopus de aliis Wilhelmitarum suæ diœcesis domibus in illa charta habet, non nisi de Oberriedensi & Sionenli monasteriis intelligi possunt; de quorum priore iam egimus.

- Sionense monasterium, haud procul a Confluentia Aræ & Rheni, prope oppidum Clingnovium in Helvetia in comitatu Badensi anno 1269. fundatum fuit a Waltero de Clingen, cuius dotationis charta legitur apud citatum Herrgottum d), cui Eberhardus Constantiensis episcopus, & Rudolphus comes de Habsburg testes præsentibus sigilla sua adposuerunt. Eorundem quoque sigilla appensa ibidem e) leguntur litteris conventionalibus Prioris de Sion cum Rudolpho de Rorboz presbytero anno 1270. Apud Klingnowe an. 1288. f) confirmat Rudolphus Constantiensis episcopus venditionem cuiusdam allodii ab ecclesia Zurzachensi factam
- d) pag. 418.
- e) pag. 420.
- f) *Ib. p. 538.*



etiam monasterio in Sion. Nullibi quidem in his chartis nomen Prioris expressum invenitur; aliunde vero constat a), primum Priorem fuisse Eberhardum ab an. 1269. qui cum Godefredo primi fuerint fratres huius cœnobii, uti etiam notantur in citata foundationis charta Walteri de Clingen an. 1269. b). In sequentis anni charta pro dotatione cuiusdam altaris in eodem monasterio legitur subscriptio *Henrici abbatis S. Blasii in Nigra silva, & honesti viri Prioris in Oberried nostri ordinis, Wilhelmitarum scilicet.* Hoc ipso anno 1289. Conradus & Ioannes Snewli milites fratribus S. Wilhelmi in Silva, vallis nimirum Oberriedanæ, donarunt villam Rutti, quæ hodie Hofgrund adpellatur.

SECULUM  
XIII.

a) Ioan. Jacob  
Lex. lex. Hel-  
vet. P. XVII.  
p. 189.

b) Herrg. L  
c. p. 418.

XXXVII. Posteriora sunt duo ista Sionenſe & Mengense regulæ Benedictinæ monasteria vicissitudine illa, quam hic Wilhelmitarum ordo, ut notavimus, pertulerat ex mutato S. Benedicti instituto in illud S. Augustini, quamvis ex hoc ad prius illud denuo redierint. Iacturam vero longe maiorem ordo noster expertus est ex amissione celeberrimi olim & principalis Laurishamensis monasterii in Wormatiensi diœcesi, quod Sifridus Moguntinus archiepiscopus sibi vindicans, monachis nigris primo quidem Cistercienses substituit auctoritate Gregorii IX. ac post duodecim circiter annos Præmonstratensibus monasterium illud cessit, adducta illuc ex Nigræ silvæ Omnium Sanctorum cœnobio colonia, quod Innocentius IV. P. anno 1248. confirmavit: a quo tempore monasterium hoc ab ordine nostro avulsum permansit, donec tandem medio seculo XVI. heterodoxis cederet, ut in Gallia Christiana c) legere est. Fatum hoc, cui Laurissenſe hoc monasterium post trinam ex Hirſaugienſi cœnobio acceptam reformationem, tandem seculo hoc XIII. occubuit, rem breviter complexus narrat Trithemius ad annum 1225. quo obitum Sifridi Moguntini refert d). Totam vero catastrophem enucleatius ad annum 1232. e) describit, ubi etiam affert Præmonstratensium litteras, quibus sese Moguntinæ ecclesiæ subiiciunt, omnique iuri, quod ipsis competere posset, renunciant: *Actum Moguntia anno Dominicæ Nativitatis 1248. indit. Rom. VI. in mense Ianuario.*

Præmonstra-  
tenſ. Omnium  
Sanct. mona-  
sterium in Ni-  
gra Silva.

c) T. V. pag.  
708.

d) Chr. Hirſ.  
T. I. p. 535.

e) p. 546. seqq.

Monasterii huius Omnium Sanctorum in Nigra silva diœcesisque Argentinensi originem libro superiore indicavimus, quod a Philippo Imp. an. 1200. & a Friderico II. an. 1218. imperatoria auctoritate confirmatum est, nec non facultatibus auctum. His in Annal. Præmonstratensibus f) additur diploma Henrici R. R. Friderici II. filii an. 1225. g) & deinceps. Innocentii III. & Honorii III. iam eandem in rem plura seculi huius XIII. instrumenta collegit Schannatus in Vindemiis litterariis h); quæ-

f) T. II. prob.  
g) pag. 229.

h) Coll. I. p.  
143. 150.

SECVLUM  
XIII.

a) T. V. pag.  
478.

b) P. III. L.  
II. c. 16. pag.  
109.

c) pag. 651.

dam etiam Schoepflinus nova addidit partim in historia Badensi a) partim in Alfatia diplomatica; & ante hos etiam Crusius in annalibus Sueviæ b), ex eoque Franc. Petri in Suevia ecclesiastica c). Wimpelingus autem in catalogo episcoporum Argentoratensium foundationem ad an. 1213. refert sub Henrico e comitibus de Veringen episcopo, Uta ducissa de Scho-  
wenburgo fundatrice: *cuius monasterii*, inquit, *fratres olim a Sifrido archiepiscopo Moguntino de honestate & activæ vitæ prudentia maximo-  
pere sunt commendati. Ideo in monasterium Laurissa prope Vangiones refor-  
mandum, eiectis S. Benedicti fratribus indisciplinabilibus, & vicinis omni-  
bus vehementer exosis, ex hoc Omnium Sanctorum cœnobio fratres Ro-  
mani pontificis iussu idem Sifridus introduxit, veram & sanctam religio-  
nem illic plantaturos.*

Cella S. Ma-  
riæ in Nigra  
Silva.

XXXVIII. Monasterii S. Mariæ Canoniorum Regularium in Silva nigra foundationem libro præcedente memoravimus. Huic an. 1182. Hermannus II. Constantiensis episcopus ius patronatus ecclesiæ parochialis in Hülffingen auctoritate ordinaria confirmavit; hoc vero seculo an. 1215. Innocentius III. P. illam ecclesiam cum pertinentiis in sedis apostolicæ protectionem suscepit, quod etiam anno 1236. fecit Gregorius IX. addita alia ecclesia in Wallershofen. Hic idem pontifex an. 1237. ecclesiam in Hülffingen cum suis pertinentiis ad indigentiam monasterii sublevandam abbati & conventui pleno iure concessit. Bullas hanc in rem datas exhibet Fr. Petri in Suevia ecclesiastica d), ubi etiam quosdam huius seculi abbates recenset, nempe Conradum I. an. 1258. Conradum II. an. 1293. & Petrum an. 1270. In dictis vero pontificum bullis nullius abbatis nomen expressum legitur, uti nec in mandato apostolico, quod Nicolaus III. P. anno 1279. eius abbati inscripsit, quoque districte præcipitur omnibus cum laicis tum ecclesiasticis cuiuscunque dignitatis, terras, domos, possessiones, aliaque bona immobilia sub annuo censu sive redditu a monasterio Peterhusano tenentibus, sub poena excommunicationis secluso appellationis remedio, ut monasterio præstanda præstent, eique ex asse satisfaciant; uti ex Msc. Petershusani monasterii historia refert

e) T. V. pag.  
1075.

Monastica S.  
Benedicti di-  
scipl. refor-  
mationes sec.  
XIII.

Gallia Christiana e).  
XXXIX. In superioribus iam sæpius Trithemium introduximus, de depravata regulari disciplina conquestum, dum de nova abbatum monasterii Hirsaugiensis seculo XIII. electione agit, quod quidem cœnobium ex S. Wilhelmi abbatis institutis optime ordinatum olim tot aliorum norma fuerat, nunc vero paullatim collapsum, rebus in peius semper ruentibus, & monastica quoad utrumque statum claudicante disciplina. Ineunte

quidem

quidem statim hoc seculo ad an. 1203. a) collectionem quinque librorum Decretalium sub Innocentio III. factam commemorans, *ab isto*, inquit, *tempore & deinceps capitulum triennale, seu generale, quod provinciale* a) Chr. Hirs. T. L. p. 507. *vocamus, abbatum ordinis nostri cœptum est celebrari, quemadmodum in* SECULUM XIII. *30. libro memorati opusculi Decretalium continetur sub titulo de statu monachorum C. quod incipit: in singulis.*

Innocentius III. primo statim pontificatus sui an. 1198. apud Raynaldum b) gravissimas ad abbatem Cassinensem & S. R. E. cardinalem dedit b) Annal. T. XIII. p. 12. litteras, intimum contestatus animi sui mœrorem, quod, unde exortum est S. Benedicti institutum ac regula per universum orbem propagata, ea ibi esset vivendi licentia, quam boni quique perhorrescerent. Ipsi autem abbati cardinali exprobrat, quod ad emolumenta monasterii temporalia profusus & abstractus, profectum spirituales negligat: quem adeo hortatur, ut a se exorsus congregationem omnem reformet. Idem summus pontifex an. 1212. monasterium Sublacense ceu ordinis S. Benedicti incunabula adiens, quum ibi quoque dissolutum monasticæ disciplinæ statum perspiceret, anno sequenti amplam constitutionem ad abbatem & conventum Sublacensem dedit, quæ legitur in libro III. Decretalium c). Quo ipso adhuc anno ad capitulum generale Cluniacense d) datis litteris hortatur abbates, ut omnem operam impendant ad reformandos monachorum suorum mores. Idem postea, ut iam ex Trithemio meminimus, in concilio Lateranensi generali an. 1216. in singulis regnis & provinciis de triennio in triennium præscripsit commune capitulum abbatum, atque Priorum abbates proprios non habentium, qui non consueverunt tale capitulum celebrare: articulatum porro ordinem horum capitulorum præscribit, quem legere est in citato decretalium libro III. e).

Anno 1232. Gregorius IX. amplissimas iterum ac querelarum plenas Spoleti 9. Iunii dedit litteras pro reformatione status monastici, præcepta quoque generali monasteriorum visitatione. Hanc tamen Matthæus Paris, ipse S. Albani in Anglia monachus, in ordine Benedictino confusionem potius causasse testatur, ob novas diversasque constitutiones, utpote factas ab abbatibus visitoribus variorum ordinum Augustiniani & Benedictini instituti. Huic vero potissimum monastico ordini, quantam idem pontifex curam ac sollicitudinem impenderit, ut antiqua in eo vivendi ratio revocaretur, & restitueretur disciplina regularis, eiusdem litteræ a Raynaldo ad annos 1236. & 1238. f) notatæ manifestant, datæ tum ad singularia monasteria, cum etiam ad integras congregationes, novosque proximis seculis eiusdem regulæ & instituti exortos ordines ac reformationes Grandimontensium, Carthusiensium, Humilitatorum.

SECVLUM  
XIII.

Ad nos nunc attinent Cluniacenses, quibus ad reformationem eadem fere Nicolaus IV. an. 1290. præscripsit, quæ anno 1232. Gregorius IX. bulla ad abbatem & conventum Cluniacensem, cupidus *deformatum ordinem reformare, restaurare collapsum*. Cisterciensium incrementa vidimus paullo ante in Nigra silva seculo XIII. quo ipso tamen ingens inter Patres ordinis oborta est controversia, in diversa abeuntes interpretando chartam charitatis: ad quam dirimendam Urbanus IV. arbitros nominavit, quo mortuo rem necdum confectam finivit eius successor Clemens IV. an. 1265. tam celebri apud Cistercienses constitutione *Clementina*, quam apud nos Benedictinos sequenti seculo XIV. fuit *Benedictina*, a Benedicto XII. ut videbimus, data. Per hunc deficiens eo tempore in plebisque provinciis generale capitulum celebrandi mos, iam inde ab Innocentio III. temporibus coeptus, redintegratus est, ut Trithemius ad an.

a) Chr. Hirs. 1259. a) adnotavit.

T. I. p. 601.

Recenset ibidem celebre ordinis nostri capitulum provinciale in monasterio S. Petri apud Erfordiam illo anno celebratum, in quo ex multitudine abbatum, qui tunc convenerant, undecim numero definitores sunt electi, cum quorum consilio multa pro reformatione ordinis utilia & necessaria sunt statuta. Horum exemplum litteris commendatum in archivis contineri idem auctor testatur. *In eodem capitulo*, pergit, *visitatores auctoritate apostolica singulorum monasteriorum per diœceses more ordinis deputarunt, quibus per litteras Præsidentium sigillis confirmatas modum visitandi & formam tradiderunt; contumaces & absentes a capitulo pœna dupli taxarunt. Solutionem vero dupli negligentibus ieiunium in pane & aqua singulis feriis sextis continuandum imposuerunt, donec satisfacerent in orationibus. Contemnentibus vero ieiunium, & nihilominus solutionem præmissam differentibus, pœnam suspensionis ab officio simul & divinis imposuerunt: mandantes nihilominus per ipsos visitatores etiam graviolem in contumaces ferri sententiam.*

Capitulum hoc Erfordienſe ſilvam quoque nigram commoviſſe, ex vita S. Trudperti apud Bollandum b) palam fit, in qua narratur, alienos quosdam abbates adveniſſe in monaſterium S. Trudperti, ad capitulum quoddam, quod cauſis urgentibus convocabatur, Erfurdiam proſecturos, quibus ſur quidam domeſticus noctu pecunias eſt furatus. Dum vero de rebus amiſſis inter hoſpites fieret murmuratio, ad venerabilem dominum Wernerum abbatem hoſpitem querela devenit, qui illis abeuntibus, ſuis de furis inquisitione curam commiſit pridie natalis S. Trudperti, quo fur fuit detectus; hoſpitibus autem ſupradictis res, quas amiſerant, reſtituntur.

b) T. III. A. vita S. Trudperti apud Bollandum  
gril. p. 439.

Affert



Affert Schannatus in historia Fuldensi a) litteras, quas ad Henricum abbatem Fuldensem an. 1292. in crastino Ioannis Baptistæ in *Zwivultun* dederunt abbates *monasteriorum in Hirsavia Spirensis diœcesis, in Kanberg, & in Monhart Herbipolensis diœcesis, in Wingarten & in Zwivultun & in Blaburru Constantiensis diœcesis ord. S. Benedicti*; quibus in abbate Fuldensi agnoscunt auctoritatem sufficientem, omnes ordinis S. Benedicti abbates tam exemptos, quam non exemptos, illarum partium seu provinciarum, quos notavit Henricus abbas in rescriptis privilegiorum ad abbates missis, convocandi, & concilium cum ipsis celebrandi *pro salute ipsorum, & ordinis constantia & honore.*

SECVLUM  
XIII.

a) pag. 211.

Iam præmiserat Schannatus b) epistolam eiusdem Henrici abbatis Ful-  
denfis; in cuius exordio provocat ad concilii generalis decretum, *ut in singulis regnis seu provinciis de triennio in triennium celebrentur capitula, quibus omnes abbates, & Priores monasteriorum abbates non habentium ord. S. Benedicti, in loco ad hoc magis apto conveniant, pro reformatione ipsius ordinis diligentius tractaturi &c.* Deplorat postea, ordinem ob defectum concordie & unitatis Rectorum suorum lapsum agitare ac ruinant, maxime per terminos Alemanniæ. „Hinc est (pergit) quod „propter hæc præmissa & multa alia his similia sanctæ ac piæ intentionis viri non pauci, Patres venerabiles, abbates quidam prædicti ordinis „nostri zelatores, compassivo super ipsius ordinis desolatione moti affectu, aliqui eorum viva voce, aliqui vero per nuntios vel litteras non „semel, imo pluries nos sollicitare curarunt, siquidem nos ex prerogativa, qua ecclesia nostra Fuldensis inter alia Germaniæ & Galliæ nostri „ordinis monasteria primatum habere dignoscitur, ad hunc laborem magis præ cæteris teneremur, multipliciter impulsarunt, quatenus omnes „invitationes abbatum & Priorum ad eandem ecclesiam nostram Fulden- „sem, quæ ad hoc apparet commodior, nostro nomine vobis per nuntios & litterarum nostrarum destinationem assumere curaremus.“ Sed cuncta hæc in herba conciderunt, perinde ac longe amplior, quæ non ita multo post ordini Benedictino imminere videbatur, transformatio.

b) Ibid. Col.  
prob. p. 218.

Circa ea nempe tempora nova in ordine nostro facta est plantatio Coelestinorum a Petro de Murono, postea sub nomine Coelestini V. summo pontifice. Ordo hic Petro in solitudinem secedente paullatim circa an. 1254. in communitatem excrevit, ab Urbano IV. an. 1264. ord. Benedictino, quem se a iuventute professum ipse pontifex in litteris ad suos testatur, aggregatus, eidemque an. 1274. in concilio Lugdunensi confirmatus a Gregorio X. qui ad Priorem S. Spiritus de Maiella tunc ordinis

SECVLUM  
XIII.

dinis totius superiorem scripsit, ut ordo monasticus, qui secundum Deum & B. Benedicti regulam in eodem monasterio institutus esse dignoscitur, perpetuis ibidem temporibus inviolabiliter observetur. Approbatio hæc, sub B. Benedicti regula in concilio Lugdunensi facta, memoratur in

a) Tom. IV. vita S. Cœlestini apud Bollandianos a).

Martii p. 491.

Et si vero ordo hic numquam Silvam nigram penetravit, alibi saltem per Germaniam propagatus, de eo tamen facienda hic fuit mentio, quod eius institutor Petrus de Morono factus pontifex apud se visus est constituisse ordinem Benedictinum, ut in litteris Aquilæ V. Kal. Oct. anno

b) Bolland. T. 1294. b) ad suos scribens innuit, iuxta suum institutum conformare.

IV. Martii p.

521.

Quod iam apud Cassinum præfens ipse pontifex auspicatus fuerat, quinquaginta ex suis ad opus illud perficiendum missis: id tamen, Petro paullo post pontificatum abdicante, cum cæteris sanctissimi viri pro reformatione quoque monastica moliminibus effectum caruit, aliis omnibus Cœlestini V. P. ab eius successore Bonifacio VIII. præter electionem cardinalium, antiquatis decretis. Hæc aliaque ad rem apud Bollandianos c)

c) L. c.

referuntur ex D. Richardi expositione Regulæ S. Benedicti, qui subdit: & ego fui unus de revocatis, qui fueram effectus abbas monasterii S. Iustinae de Padua.

Vestitus.

XL. Idem Richardus Cassinensis monachus præfens tunc aderat, quum illuc S. Petrus Cœlestinus papa adventasset, qui volens, inquit ibidem, dictum monasterium unire religioni suæ, induxit monachos pro maiori parte, ut reciperent suæ religionis habitum, qui habitus coloris erat camelini & vilissimi panni, & misit de monachis suis quasi quinquaginta. Primo nos fueramus nigri, & mutavit nomen Decani qui post ipsorum adventum vocatus est Prior. Prius vero, ante pontificatum adhuc, a concilio Lugdunensi an. 1274. redux, ubi instituti sui adprobationem impetraverat, tunc & deinceps multa loca ac monasteria, interque ea etiam nonnulla monachorum nigrorum, novo suo ordini manciparat,

d) pag. 491. ut ibidem d) refertur.

De hac monachorum nigrorum appellatione locuti iam sumus, dum de exordio Cisterciensium fuit sermo, qui tamen nigrum colorem in scapulari saltem conservaverunt, quem vero colorem alii novi seculis XI. & XII. ex avito Cassinensium instituto Benedictino exorti sub regula S. Benedicti ordines penitus immutarunt. Ab his omnibus monachorum nigrorum nomine discernebantur primigenii illi, ut ita dicam, sequentibus etiam seculis, uti ex seculo XIII. in Itinere nostro Alemannico e)

e) pag. 330.

exempla quædam protulimus ex statutis Conradi Archiepiscopi Colo-

Colonienſis an. 1260. cap. 5. a), & ex concilio Vindobon. an. 1267. b) SECULUM  
XIII.  
 Provocavimus ibi ſimul ad antiquas imagines monachorum cum cuculla  
 & toga nigra, tunica autem ſeu caſiſia alba, vel albicante ſaltem, pro-  
 ut nimirum nativus lanæ color erat, Innocentio III. an. 1213. in iam a) Conc. Ger.  
T. III. p. 594.  
 laudata decretali ad abbatem & conventum Sublacenſem epiſtola firmiter b) Ib. p. 632.  
 inhibente, *ne quis de cætero monachorum lineis caſiſiis uteretur*; quibus  
 nempe interularum loco monachi ſub cuculla utebantur. Hanc circa  
 ſeculum XIII. ſtriſtam admodum deprehendimus in icone codicis litur-  
 gici Rhenaugiſis, in quo ad pedes S. Fintani adgeniculatur Henricus  
 II. ab anno 1195. uſque 1224. ibidem abbas, cum pedo paſtorali, &  
 tonſura pro more illius ævi in ſummo vertice conſpicua, barba non ad  
 cutem uſque raſa, cuculla ſtriſtiore inferius anſata, manicis tamen lon-  
 gioribus.

XLI. Acriter imprimis laudatus pontifex Innocentius III. perſtringit Viſus.  
 vitium proprietatis, quando nimirum paſſim ſeparati erant conventus  
 atque abbatis proventus: unde cavet, ne lautioris prandii cauſa conven-  
 tus abſtrahatur extra reſectorium, in quo veſci carnibus prohibet,  
 tantum quod monachis in infirmitorio ſecundum Regulam licitus fuerit  
 carniſum eſus. Hunc tamen ſanis quoque indulſerunt ſtatuta Hugonis V.  
 abbatis Cluniacenſis an. 1204. excepto die Mercurii & Sabbathi, niſi  
 fuerint infirmi. Oddo Cardinalis legatus in Angliam, quo etiam diſci-  
 plina Cluniacenſis pervaserat, a Gregorio IX. an. 1237. in concilio  
 Londinenſi laudat abbatum Benediſtinorum pietatem, apud Raynaldum c) Annal. T.  
XIII. p. 454.  
 qui in publicis ordinis comitiis ad revocandam veterem obſervantiam  
 circa carniſum eſum deliberaverant. In laudata porro Innocentii III. P.  
 epiſtola plura alia adhuc circa victum monachorum caventur.

Erat tunc porro genus quoddam commune præbendarum ad menſam  
 regularem, ut paſſim quoque in necrologiis adnotatur: *datur præbenda*,  
 ad voluntatem nempe eorum, qui preces & anniverſaria hac conditione  
 fundaverant. His tamen facile multiplicabantur onera chori, aliunde  
 tunc prope importabilia ex variis pſalmis precibusque, quæ officio ca-  
 nonico accedebant, tempusque diurnum ac nocturnum conſumebant  
 quietis & otii, quod ad ſtudia litterarum alioſque labores impendi po-  
 tuiſſet. Cuius vero rei incommodum plurium ſeculorum multis exponit  
 P. Herrgott præſatione in veterem diſciplinam monaſticam d). d) pag. XLV.  
ſeqq.

XLII. Trithemius in libro de viris illuſtribus Germaniæ obſervavit, Studia litte-  
rarum.  
 ex eo tempore, quo ordines Mendicantium adoleſcente ſeculo XIII.  
 cœperunt effloreſcere ſub Friderico II. imp. ſtudia litterarum apud Be-

SECVLUM  
XIII.

nedictinos elanguisse. Scientiarum tamen magisterium diutius tenuerunt Cistercienses, a monachis nigris velut ab intestato acceptum: fuitque is ordo seculo XIII. illustris viris piis æque ac doctis, hierarchis etiam episcopis & abbatibus celebratissimis.

Nec tamen hic monachi quoque nigri etiam Nigræ silvæ sua sunt laude fraudandi. Laudavimus supra contentionem ac impensas abbatum S. Blasii in adornanda bibliotheca, ad sustinendum ibi avitum scholæ & scientiarum decus ac ornamentum, post Ottonem de S. Blasio, Ottonis Frisingensis continuatorem, qui abbatiam S. Blasii brevi tempore tenuit, anno 1222. defunctus.

a) *Chronic.*  
*Hirf. T. I.*  
*pag. 562.*

Idem Trithemius a) ad annum 1216. celebrat Eberhardum, tunc Hirsaugiæ abbatem electum, patria Suevum, in pueritia sua ad studia litterarum positum, qui *quantum ætate crevit ex tempore, tantum successive in scripturis profecit intellectu scientiæ & eruditione: Quumque ad legitimam pervenisset ætatem, vanas mundi curas pro Christi amore deferuit.* Factus inde monachus Hirsaugiensis ac denique abbas munus suum rite obiit, pastor utilis, & in cura animarum sollicitus disciplinæ restaurator, ut pater omnium veraciter diceretur & esset. Magni, subdit, nominis fuit, & non parvæ auctoritatis apud Fridericum II. regem, & alios principes Teutonici regni, qui sapientiam in eo & monasticæ religionis integritatem plurimum venerabantur. Laudibus his plerique eius successorum caruerunt, ut supra audivimus ex Trithemio, qui mox ad annum 1231. quo obiit Eberhardus, successit in eius locum Ernesto, ingemiscit, defecisse ab hoc tempore viros regularis observantiæ zelosos in ordine nostro cultores, defecisse doctos, defecisse sanctos. Idem ad an. 1245. de Volpoldo post mortem Ernesti in abbatem electo testatur, quod vivendi modum, quem reperit in monasterio, tenuerit, & monachos in torpore mentis nimium oberrantes ad puritatem regulæ minime revocarit, ipse parum eruditus: *quia sicut in monachis fervor sanctæ conversationis illo in tempore omnino tepuerat, ita illis nullum scripturarum studium sapiebat.* Non omni tamen litterarum laude privat Godefridum, qui seculum XIII. abbas Hirsaugiensis clausit, electus an. 1293. Magnæ, inquit, litteraturæ non extitit, non tamen penitus idiota vel indoctus fuit, mediocriter potuit scripturas intelligere, & in his, quæ suum concernebant officium, competenter se iuvare. Nam illo tempore ordo noster tam in eruditione scripturarum, quam in sanctimonia vitæ meritorum nimium defecerat, in quo monachus vel sanctus vel eruditus raro occurrebat. Quæ quidem calamitas ordinem nostrum pene totum operuit: a qua deformitate numquam postea totus surrexit.

Tule-



Tulerunt saltem duo primaria ordinis Benedictini sodalitia seculo XIII. duumviros, purpura ob eruditionis præstantiam ornatos, Ioannem Algerinum monachum Cluniacensem a Gregorio IX. P. & Bernardum cognomento Aiglerium abbatem Cassinensem, ab Urbano IV. Cardinales creatos. Ad nos etiam quadantenus & ad Cluniacensem congregationem, in Nigram silvam usque diffusam, attinet San-Albanensis in Anglia monasterii, illi congregationi addicti, gloria sub Simone sec. XIII. abbate, viro erudito, eruditionisque apud suos studiosissimo, cuius se magisterio subdiderunt germani fratres Matthæus & Garinus cum nepote cognomine, omnes viri litteratissimi. Qua etiam in schola San-Albanensi litteris eruditus fuit celebris Alexander Neckam, ut hæc aliaque enarrant Matthæus Paris eiusdem monasterii monachus ac historiographus id ævi insignis, perinde ac eius sodalis Rogerus de Vendoveza.

Perseveravit tamen hoc ævo ubique gentium in ordine nostro studium ac labor describendi atque ad posteritatem transmittendi Mss. codices longe utilissimus, magisque proficiuus ac salutaris, quam fuere tunc temporis studia scholastica & academica. Distribuebantur a Superioribus codices, ac certum etiam eorum descriptioni præfigebatur tempus, prout adnotatum legitur in quodam monasterii Wiblingensis codice his ad frontem libri verbis: *Feria VI. ante Iudica portavit Prior hunc librum ad rescribendum, & dedit mibi terminum ad annum. Incepi scribere feria II. post Iudica; ut hæc aliaque ad rem leguntur in Templo honoris monasterii Wiblingensis a). Moniales quoque hoc seculo perinde ac priore, labori huic dedisse operam, compertum habemus, uti superiore iam libro exemplum dedimus incomparabilis illius codicis, nupero monasterii S. Blasii incendio in cineres redacti. Simili fato nostra ætate periit elegantissimum missale sec. XIII. scriptum ab Angela moniali Beroviensi, congregationis San-Blasianæ, cum brevi etiam chronico eiusdem monasterii latine scripto, quam linguam olim ex præcepto recitandi breviarii calluisse moniales, alibi demonstravi. Laudantur apud Bernard. Pezium in dissertatione de vita Ven. Godefridi abbatis Admontensis, eiusque fratris Irimberti, moniales prope Admontium ex disciplina B. Theogeri abbatis S. Georgii *valde litterata, & scientia S. scriptura mirabiliter exercitata*, ut ait Irimbertus, qui antequam abbas esset, eius parthenonis curam habuit sec. XIII. quo etiam sanctitate & doctrina ordinem S. Benedicti in Germania nostra illustrarunt sorores sanctissimæ Gertrudis & Mechtildis.*

XLIII. Utinam scientia hæc Sanctorum firma & stabilis permansisset in monasteriis, facile sic caruissent trices scholasticæ theologiæ, a sua

Theologia  
scholastica.

SECVLUM  
XIII.

origine ultra modum luxuriantis; quam quidem superiore iam libro exagitatam vidimus a viris gravissimis, antesignano S. Bernardo contra Petrum Abaelardum, Petrum Pictaviensem & Gilbertum Porretanum, sociato etiam Petro Lombardo, uno spiritu Aristotelico inflatos, ut loquitur magister Gualterus Prior S. Victoris, qui quatuor hos Franciæ, ut vocat, labyrinthos incessit. Ineunte vero seculo XIII. acrius longe ac atrocius in Petrum Lombardum surrexit præprimis Ioachimus abbas Florentis Cisterciensis ordinis, ab Innocentio III. quidem in concilio Lateranensi an. 1215. repressus; ut tamen postea ex sententiis Lombardi indiculus conficeretur nonnullarum eius sententiarum, quæ minime docerentur, ita ad calcem designatæ: *articuli, in quibus magister sententiarum communiter non tenetur*, ut Ioan. Launoius observat cap. 3. de *varia Aristotelis in Academia Parisiensi fortuna* a).

a) *Opp. T. IV. P. I. p. 189.*

Gravissimas postea an. 1228. Gregorius IX. universis doctoribus & magistris theologiæ Parisiis docentibus dedit litteras ita exorsus: *Tacti dolore cordis intrinsecus amaritudine repleti sumus absinthii, quod, sicut nostris est auribus intimatum, quidam apud vos spiritu vanitatis ut uter dissentienti positos a patribus terminos profana transferre satagunt novitate, cælestis pagina intellectum SS. Patrum studiis certis expositionum terminis limitata, quos transgredi non solum est temerarium, sed profanum, ad doctrinam philosophicam naturalium inclinando, ad ostentationem scientiæ, non profectum aliquem auditorum: ut sic videantur non theodidacti seu theologi, sed potius theophanti.*

Integram epistolam hanc affert Bulæus in historia Universitatis Parisiensis b), ac postea c) exhibet Rogeri Baconis Oxoniensis caput de quarto theologorum peccato, ex opere maiore ad Clementem IV. contra pravam methodum docendi theologiam. Huc pertinent, quæ anno 1271. artium facultas iuxta constitutionem Cardinalis S. Cæcilie statuit de quæstionibus philosophicis ad fidem pertinentibus, ne ullus magister eas moveret d); quam in rem legi etiam potest Raynaldus ad annum 1277. e). Idem Bulæus in dissert. X. de moribus & institutis quinti seculi universitatis f) duos distinguit theologorum ordines, veterum scilicet & novorum, seu biblicorum & sententiariorum. *Veteres*, inquit, *antiquæ disciplinæ methodique tenaces Biblici dicti, eoquod postillis & glossulis sacros codices enarrarent, nudi simpliciterque fidei dogmata enucleare contenti. Novi, Sententiarum adpellati, eoquod materias theologicas subtiliori quadam methodo, convenientiorique ratione digestas per capita & articulos exponerent. Et quia longe pluris æstimabantur Sententiarum quam*

b) *T. III. pag. 129.*  
c) *pag. 383.*

d) *Ib. p. 398.*  
e) *Annal. T. 1277. n. 9.*  
f) *Bul. l. cit. pag. 657.*

quam Biblici theologi, propterea quod ingenii acumine pravalere putabantur; hinc philosophi quoque quæstiones theologicas suo modo tractare aggressi sunt; indeque in varias opiniones suspectas & in fide periculosas abierunt. Quorum proinde evagationem necesse fuit edictis & statutis coercere, ut in historia retulimus. At bonus rex Ludovicus tam theologorum quam philosophorum curiositatem suo potius exemplo, quam legibus & interdiktis refrenare cupiens, plurima sanctorum Patrum, sacrorumque biblicorum authentica exempla, originaliaque scripta conquisivit, atque in sacra capellæ bibliotheca collocavit, eorum ultro copiam faciens studere volentibus.

Affert dein, quæ Ganfridus de Bello Loco S. Ludovici confessarius notavit, quid demum in suo testamento circa hanc bibliothecam disposuerit: quod una pars esset Fratrum Minorum, & altera Fratrum Predicatorum; reliqua monachorum Regalis montis ordinis Cisterciensis, quos ipse fundavit omnino de suo. Intellexit nempe pius & sollicitus rex, nova hæc scientiarum seminaria egere librorum suppellectili, quæ vetustioribus cœnobiis iam suppetebat. Quo præterea librorum adparatu commodius uti poterant vetera instituta monastica, & cœnobitæ stabiles in loco, ubi in promptu semper erant bibliothecæ, earumque usus expeditus, secus ac apud novos Mendicantium ordines, qui hinc inde per loca & provincias iussi migrare, omnia sua veluti secum portabant, sæpe ob librorum defectum e cerebro suo subtiles quæstiones commenti, acute disferentes, & sine fine ac modo disputantes. *His temporibus, inquit Matthæus Paris, incipiebant magistri theologiæ, præcipue tamen Predicatorum & Minorum lectores, disputare & differere subtilius & celsius, quam decuit aut expedit. Qui non verentes tangere montes a gloria Dei opprimendi, nitebantur secreta Dei impervestigabilia temere perscrutari, & iudicia Dei, quæ sunt abyssus multa, nimis præsumtuose indagare. Unde defecerunt scrutantes scrutinia, & erraverunt in invio Dei inveniundo, cui plus placet firmæ fidei simplicitas sobria, quam nimis transcendens in theologia subtilitas.*

XLIV. Est hic iam laudatus monachus ad S. Albanum Cluniacensis congregationis in Anglia, ubi cætera monasteria monachos suos aut Oxonium aut Cantabrigiam ad collegia pro monachis singulariter ibi erecta mittere iuebantur, Albanensi & Dunelmensi cœnobiis exceptis, quæ sua sibi privatim collegia paraverant. Huiusmodi collegia in academia Parisiensi certatim fuerunt erecta. Ex quibus primum Bulæus a) notat collegium Bernardinorum, auctore M. Stephano de Lexingtona, qui in

a) *Hist. Universit. Paris. T. III. pag. 184. 119.*

SECULUM  
XIII.

Universitate Parisiensi educatus, Edmundi, qui postea fuit Cantuariensis Primas, auditor fuit, cuius concionibus & exhortationibus permotus Cisterciensis monachus factus, primum abbas fuit de Sauleria in Anglia, deinde Saviniacensis in Normannia an. 1230. indeque an. 1242. ad Clavallensem præfecturam evocatus, biennio post, impetrata ab Innocentio III. facultate, collegium in usum iuvenum Bernardinorum seu Cisterciensium ad commoditatem studiorum Parisiis instruxit, & alibi, ubi viget universitas scholarium, *ne*, ut loquitur Matthæus Paris, *Prædicatoribus & Minoribus contemptui habeantur Cistercienses, nigri ordinis monachorum vestigia subsequentes*; quibus verbis ad usum monasteriorum Benedictinorum Angliæ mox memoratum respicit.

Primum Parisiis post Cisterciensium collegium fuit illud Præmonstratensium, quod ad annum 1255. erectum notat Bulæus a), quum iam prius ad annum 1250. b) celeberrimi Sorbonici collegii foundationem commemorasset. Primum vero Benedictinorum in Academia Parisiensi collegium anno 1263. fuit erectum a Matthæo Vindocinensi S. Dionysii abbate pro suis tantum in suburbio S. Germani, in alias postea ædes translatum. Perseveraverunt vero lites abbatiæ S. Germani cum Academia Parisiensi; de quibus libro superiore fuimus locuti, hoc etiam seculo, ut palam fit ex epistola Gregorii IX. P. ad abbatem S. Germani de Pratis data an. 1231. apud Bulæum c); quæ tandem anno 1292. fuere sopitæ, ut apud eundem d) legere est. Idem ad annum 1269. collegium Cluniacense in academia Parisiensi ab Yvone de Vergy abbate Cluniacensi inceptum narrat e), quod deinde ab Yvone II. eius nepote item abbate perfectum est & absolutum, quod propius nos attinet ob Cluniacenses Nigrasilvanos.

Verum compertum postea est, religiosis moribus ac disciplinæ regulari nociva admodum & perniciose extitisse huiusmodi collegia studiorum academicorum pro monachis, quantumvis in unum collectis & a reliquorum consortio seiunctis; quanto igitur plus periculi ipsis immineret ex privatis ad academias & urbes evagationibus? Quod quidem quum summi pontifices tandem perspicerent, clericis haud convenire cum academicis frequentiam, quoad illos universim constitutio illa, de cathedra theologali in singulis ecclesiis cathedralibus erigenda, in concilio Lateranensi III. sub Alexandro III. iam priore seculo an. 1179. facta, novo rursus decreto firmata est ab Innocentio P. in alio concilio Lateranensi IV. anno 1215. Nihil quoque non egerunt pontifices, ut ius canonicum, additis iam decretalium libris, tum alibi, cum in academia præpripis Bononiensi constabilirent. At vero Fridericus II. imp. offensus ab

Hono-



Honorio III. P. quod sibi anno 1222. sacris interdixisset, ut refert Bulæus a), Bononiensibus item pontificis partes tuentibus, studium generale Bononiense Patavium transtulit, atque eodem teste b) anno 1225. ea de causa publico rescripto studiosos omnes ad recens institutam academiam Neapolitanam invitavit.

SECVLVM  
XIII.

a) L. c. pag. 107.

b) pag. 115.

Multum porro amplitudinis paullatim tunc Parisiensi quoque Academiæ decessit ex eius primum dispersione an. 1229. facta ob dissidium scholares academicos inter & cives Parisienses exortum, quod late describit idem Bulæus c). Musas vero Parisienses ita errantes pollicitationibus ac præmiis in Angliam evocavit Henricus III. Anglorum rex. Ex hac autem doctorum & academicorum dispersione enatæ sunt academiæ Aurelianensis, Andegavenfis, Pictaviensis, Remensis, & aliæ alibi d). Hac etiam occasione usi Dominicani magisterium in theologia ac cathedras doctorales ad publice profitendum seu docendum tunc primum ambierunt, magistro generali ordinis F. Iordano, *qui suis concionibus, integritate vitæ, probatissimis moribus, excellenti doctrina & sanctitatis exemplo plus quam mille fratres in ordinem pellexit, & e magistris Parisiensibus quam plurimos*, eodem Bulæo ad annum 1230. e) attestante.

c) L. c. p. 133.

d) pag. 134.

e) L. c. p. 138.

XLV. Hæc ideo tantum a me allata sunt, quod effectus hinc permanens in omnes ordines redundarit, ex singulari præsertim privilegio, quod Innocentius III. primo statim pontificatus sui anno 1227. Dominicanis concessit. Accesserunt an. 1232. ampliora adhuc a Gregorio IX. indulta, salvo quidem in multis prælatorum ecclesiasticorum iure, in aliis tamen posthabito; intervenientibus quoque in ipsa executione variis excessibus, accedenteque deinceps nova Innocentii IV. indultorum confirmatione. Contra hæc vero Parisiensis academia, antesignano Guilielmo de S. Amore, sese opposuit, cui ecclesiæ etiam proceres iuncti sunt, de nimia Mendicantium potestate conquesti, quoad extraordinariam missionem præcipue, qua contendebant, sibi iuxta sua privilegia licitum esse prædicare confessionesque excipere ubicumque locorum, idque sine ullo Prælatorum examine vel adprobatione.

Cura animarum, functionesque hierarchicæ, etiam Ordinum Mendicantium.

His itaque ausibus sese opposcentes Parisienses theologi, ut denuo rem narrat Bulæus f), Innocentio IV. inter alia ob oculos ponunt etiam hæc: *f) Hist. Parisiensi. Univ. T. III. pag. 268.* Si D. papa infinitis & incertis a se vel ab ecclesia non electis, & sibi non cognitis vel probatis prius (v. g. universis monachis Cluniacensis aut Cisterciensis Ordinis, aut quoscumque abbates eorum duxerint destinandos) concedat in generali licentiam prædicandi, confessiones audiendi, pœnitentias

SECVLUM  
XIII.

tias iniungendi, in quibus maxime consistit regimen animarum, non est verisimile, quod per talem licentiam in generali concessam intendat eos facere universales apostolos, vel etiam universales opitulatores ecclesiæ universæ, habentes scilicet generalem & liberam potestatem exercendi prædicta officia in omni ecclesia Christianorum, irrequisitis Prælatiis ecclesiasticis &c. Sic vero rem egerunt apud pontificem, ut anno 1254. iam morti proximus, Neapoli 13. Decemb. hierarchiæ ius suum dignitatemque restitueret. Nicolaus III. P. an. 1289. singulariter Congregationi nostræ Cluniacensi prospexit, cavitque inter alia, ne aliquis Prioratus vel Decanatus, cui annexa est cura animarum, vacet ultra sex menses, sed infra huiusmodi tempus abbas Cluniacensis, caterique abbates eis debent providere: nec Prioratus vel Decanatus cum cura personis secularibus clericis vel monachis alterius ordinis aliquatenus conferantur. Quoad ecclesias parochiales concilium Aschaffenburgi an. 1292. auctoritati dioecesanæ in provincia nostra Moguntina can. 61. rite prospexit.

In aliis quoque conciliis illa ætate res hæc fuit tractata, alicubi etiam cum anathematis comminatione contra monachos, qui sine episcopi licentia curæ animarum sese ingerere ausi fuerint. Secus a nostris monachis fuisse factum, iam superioribus libris indicavimus, dum ipsi summi pontifices & episcopi ultro deferebant abbatum petitioni, contra parochos seculares obnitentes, quando ob distantiam locorum aut alias causas vel novæ ecclesiæ erectæ, vel filiales in parochiales elevatæ, vel etiam parochiis regularibus filiales quoque regulares sunt adiunctæ.

Id quod domesticis monasterii S. Blasii exemplis hoc etiam sec. XIII. comprobatur. Sic enim an. 1232. Conradus episcopus Constantiensis iterato ecclesiam parochialem in Schönau S. Blasio confirmavit, roboravitque sententiam iudicum a S. Sede constitutorum iuxta indultum episcopi Constantiensis, ne ullus ibi præter monachum S. Blasii admittatur parochus: cui postea Tottnaviensis quoque accessit, erecto primum an. 1283. lingneo sacello cum altari mobili, in quo singulis septimanis plebanus Schönaugiensis vel eius socius sacris operaretur. Indulgente autem Rudolpho episcopo Constantiensi an. 1287. ut ecclesia iam ex lapidibus ibi exstructa cum cœmeterio consecraretur, eodem adhuc anno Ioannes Lethoviensis episcopus ordinis Fratrum domus Teuthonica, vices gerens venerabilis Rudolphi Dei gratia Constantiensis episcopi novam ecclesiam cum duobus altaribus dedicavit, anno sequente illuc ex monachis S. Blasii misso, qui aucto ibidem fidelium numero ex operis argentifodinæ parochus præesset.

Domi-

Dominicani autem & Franciscani velut ex instituto suo adprobatione-  
que apostolica Honorii III. an. 1219. functionum ecclesiasticarum licen-  
tiam sibi sumebant; ac Dominicani imprimis prædicandi officium ven-  
dicabant, ob id Prædicatores dicti, in quorum gratiam Honorius III. eo-  
dem anno speciatim archiepiscopis, episcopis, abbatibus aliisque eccle-  
siarum prælatis scripserat. Certatim etiam ad dignitates præcipuas assume-  
bantur, præripientes veluti a vitum hoc decus cæteris ordinibus, Bene-  
dictino cumprimis, ut superioribus libris vidimus, qui quum aliquando  
ipsum Romanum pontificatum quasi hereditarium habere viderentur, se-  
culo XIII. unus ex illo ordine Petrus Cœlestinus ad breve tempus tiam  
pontificiam, antequam a Bonifacio VIII. eius successore in triregnum sub-  
limaretur, sustinere potuit, paucis quoque purpura ornatis.

Modeste tamen cumprimis vicissitudinem hanc tulerunt Benedictini,  
utpote aliis etiam anteriorum & posteriorum temporum revolutionibus  
veluti edocti, confirmatique ad hoc iugi S. Regulæ lectione, quæ ab  
ipsis etiam præcipuis seculi magnatibus optima semper prudentiæ & mo-  
derationis norma est habita, quamque iam Gregorius M. *Regulam discre-*  
*tionis præcipuam* adpellavit. Neque etiam suis laudibus novos hos ordi-  
nes defraudarunt Benedictini. Testem ex multis unum adducere iuvat  
Paduanum S. Iustinæ monachum in chronico apud Urstisium a) ad an. a) *Script. Ger.*  
1215. ita effatum: *circa hæc tempora divini providentia protrusit ad or-* *P. I. p. 593.*  
*tum de misericordia sue thesauris duo magna luminaria, ordines videli-*  
*cet Prædicatorum & Fratrum Minorum, quos Deus in firmamento eccle-*  
*sia stabilivit, & per ipsorum doctrinam lucidam & apertam, & bone-*  
*stæ conversationis splendorem totum mundum errorum tenebris involutum*  
*mirabiliter illustravit.* Matthæus Paris nobis declarat, quantam sibi hi  
ordines existimationem apud principes quoque comparaverint eorum con-  
siliis & legationibus adhibiti, sic ad an. 1236. scribens: *Erant Minores*  
*& Prædicatores magnatum consiliatores & nuntii, etiam domini Papæ*  
*secretarii, nimis in hoc gratiam sibi secularium comparantes.* Et ad an.  
1239. *Facti sunt eo tempore Prædicatores & Minores regum consiliarii*  
*& nuntii speciales, ut sicut quondam mellibus induti in domibus regum*  
*erant, ita tunc, qui vilibus vestiebantur, in domibus, cameris & pala-*  
*tiis erant principum.*

Mirus autem ad novos hos ordines virorum ingenio, doctrina, vita  
& moribus præstantissimorum confluxus, quos inter M. Ioannes Ægi-  
dus, insignis primum Philippi Augusti medicus, deinde doctor & pro-  
fessor theologus, an. 1222. Dominicanis Parisiensibus tertiam synodum

MART. GERBERTI NIG. SILVA. T. II.

N — suam



SECULUM  
XIII.

suam generalem celebrantibus, quum concionem ad Clerum haberet, tam vehementibus inductionibus & argumentis persuasibilibus usus est, quibus homines ad spontaneam rerum abdicationem & indivulsum Christi servitium atque obsequium proliceret, ut ipse in media concione e suggestu descendens, veste exuta, Dominicani instituti habitum induerit, moxque ad absolvendam concionem rursus suggestum ascenderit, uti rem ex Tri-

a) T. III. p. 107. veto & Harpsfeldio narrat Bulæus a). Hic idem b) ex Matthæo Paris ad an. 1243. quo Innocentius IV. concessa a Gregorio IX. privilegia confirmavit, refert, eosdem hisce privilegiis munitos, sacerdotes quoscumque seculares œu idiotas sprevisse, & si in quamdam parochiam devenirent, alios laicos, ut sibi deinceps solis confiterentur, sollicitasse.

Accesserunt his turbæ Parisienses, quas partim iam attigimus, notat-

c) Bulæus L. que Nangius ad an. 1252. c) turbationem *Universitatis Parisiensium clericorum contra Religiosos Parisiis studentes exortam propter quemdam librum, quem M. Guilielmus de S. Amore canonicus Beluacensis composuerat intitulatum de Periculo mundi*. Nec tamen diu duravit, quod ibi addit, ipso Magistro ad curiam Romanam accedente, tota discordia per D. papam Innocentium pacificata est. Innocentio quippe ad an. 1254. mortuo, qui, ut diximus, enormia Mendicantium privilegia morti vicinus revocaverat, magis recruduerunt turbæ statim, postquam Alexander IV. Innocentii successor non modo privilegia illa rursus restituerat, sed & insuper Dominicanos academix Parisiensi reddiderat. Novis itaque ortis tumultibus ad sedem Romanam cum aliis ex academia Parisiensi ablegatus est idem Guilielmus de S. Amore, qui novum interea librum ex scriptis ac verbis Ioachimi abbatis composuit sub hoc titulo *Evangelium æternum*: quem tamen cum altero pontifex flammis dari iussit, ut ex Parisio & Ptolomæo Lucensi notavit Raynaldus ad annum 1256. d). Articulatus vero singula persequitur Bulæus per integrum ferme tomum tertium historix universitatis Parisiensis, adiecta insuper ad calcem e) singulari dissertatione IX. *de conflictu Academicorum & Mendicantium*.

f) L. c. pag. 255. Affert Bulæus f) inter alia etiam epistolam Universitatis archiepiscopis, episcopis, decanis, abbatibus, archidiaconis, & aliis ecclesiarum prælatis, nec non capitulis & scholaribus universis an. 1253. scriptam *super discordia mota contra Mendicantes*. Gravamina autem prælatorum ac præcipue parochorum Waddingus in annalibus Minorum iam ad an. 1231.

g) T. II. p. 277. ex Gregorii IX. P. litteris adducit g). De iisdem Matthæus Paris ad an. 1235. apud eundem Bulæum h) ita scribit: „Eodem tempore (inquit)

h) L. c. pag. 148. „quidam de fratribus Minorum, nec non & aliqui de ordine Prædicatorum,



torum, impudenter nimis suæ professionis & ordinis immemores, in territoria aliquorum nobilium cœnobiorum se clam ingesserunt, sub prætextu officii sui adimplendi, & velut post crastinam prædicationem recessuri. Sed vel infirmitatem vel quidpiam aliud simulantes manserunt; & fabricato ex ligno altari, superpositoque altariolo lapideo benedicto secum allato, Missas clandestinas demissa voce celebrarunt, confessiones multorum receperunt etiam parochialium in præiudicium presbyterorum. Dicebant namque, se talem a D. papa suscepisse potestatem, ut eis scilicet fideles, quæ suo erubescunt sacerdoti confiteri, vel dedignantur, quia consimili peccato constringuntur, vel timent quia temulento confiteantur, quibus iniungant Minores poenitentias & absolvant. Interim ad Romanam curiam misso procuratore festino & diligenti, contra Religiosos, in quorum degebant territorio, concessam impetrarunt cum aliquo adiuncto beneficio mansionem. Quod si forte adhuc eis satisfieri non videretur, in verba contumeliosa & comminatoria proruperunt, ordinem alium quam suum reprobantes, aliosque de numero fore damnandorum asserentes, nec parcere callo plantarum suarum, donec thesauros adversariorum suorum licet multos exhausissent. Unde in multis cedebant eis Religiosi, deferentes propter scandalum & propter potentum offendiculum &c.

XLVI. Singulariter sibi ordo Prædicatorum officium hæreticæ pravitatis Inquisitorum vindicavit, S. Dominico illius auctore ad id auctoritate Arnaldi abbatis Cisterciensis, apostolicæ sedis legati deputato, antequam ordinis sui fundamenta iaceret, adiunctis sibi primum duobus viris Tolosæ, meritorum præstantia insignibus Petro Deselan, & Thoma. Fulco vero illius urbis episcopus eidem partem decimarum suæ diocesis adscripsit, quem etiam secum an. 1215. Romam ad concilium Lateranense adduxit. Ibi ab Innocentio III. P. sui ordinis confirmationem petens ad fratres suos remissus est, ut simul Regulam aliquam adprobatam eligerent, uti in vita S. Dominici perhibet eius scriptor Theodoricus a). Dum vero interim vivis excedit Innocentius III. Honorius III. eius successor revertenti Romam S. Dominico id promptissime præstitit primo sui pontificatus anno 1216. sub Regula S. Augustini, quam iam inter Canonicos Oxomenfes professus fuerat S. Dominicus. Is non statim bonis se abdicavit, ut bulla pontificia his verbis manifestat: *Nos attendentes, fratres ordinis tui futuros pugiles fidei & vera mundi lumina confirmantes Ordinem tuum cum omnibus castris & possessionibus habitis & habendis, & ipsum ordinem, eiusque possessiones & iura sub nostra gubernatione & protectione suscipimus.*

Ordo Prædicatorum apud nos.

a) Bolland. T. I. Aug. pag. 573. & 575.

SECVLUM  
XIII.

a) Concil. T.  
XI. P. L. p.  
600.

Exstat apud Labbeum a) Innocentii IV. P. epistola ad Fratres ordinis Prædicatorum anno pontificatus primo data, qua illis exemplo imprimis Regulæ S. Benedicti in virtute obedientiæ sub pœna excommunicationis dillictius inhihet, *ne ante elapsam probationis annum, qui maxime in subsidium fragilitatis humanæ regulariter est institutus, quemquam ad professionem vestri ordinis, seu renuntiationem seculi faciendam recipere præsumatis* &c. Notavimus libro præcedente, ad finem tandem vergente seculo XII. sublatum esse a Clemente III. rigorem illum, quo infantes etiam ante usum rationis ordinem monasticum professi votorum observatione ac stabilitate adstringebantur. Ea libertate usus dein est S. Thomas Aquinas, præcipuum ordinis Prædicatorum suo primum splendore enitentis sidus, puer antea in monte Cassino sub cura Benedictino-

b) T. I. pag. 121. ram oblatum, ut Mabillonius in Musæo Italico b) notavit.

In sæpe citato Msc. Argentinensi anno Dom. 1224. vel potius priore, sub Henrico de Veringen episcopo anno 1223. defuncto Prædicatores primo Argentoratum in viciniam nostram venisse memòrantur. Ubi an. 1224. circa Quadragesimam inchoata fuit illorum Fratrum domus extra civitatis Argentinæ muros. Anno autem 1251. intraverunt Prædicatores ad locum, ubi nunc sunt, sub domino Henrico de Stalecken; & paullo post: anno Dom. 1254. VI. Kal. Iulii inchoata est prima fossio fundamenti ecclesiæ Fratrum Prædicatorum: anno Dom. 1255. in vigilia omnium Sanctorum Prædicatores inceperunt celebrare divina in ecclesia sua nova. Anno Dom. 1260. consecrata est ecclesia Prædicatorum a domino Iacobo Sbetensi episcopo in capitulo generali sub domino Wal-

c) N. XII. thero episc. Argent. de quo superius iam c) nonnulla diximus.

Propius ad Silvam nigram nostram spectat aliud eiusdem ordinis virginum cœnobium in Adelhausen prope Friburgum Brisgoiæ circa an. 1234. ab Adelheide Zaringensi, Egenonis II. comitis de Friburg uxore fundatum; cuius quidem historiam iam supra d) de urbe & comitibus Friburgensibus agentes dedimus. Ad horum etiam prosapiam pertinet Bertholdus frater cognominis abbatis Tennenbacensis, & Egenonis comitis de Urach ex Agnete de Zaringen filius, Nigræ silvæ dynasta, qui, ut supra e) diximus, comitatu dimisso ad Fratres Prædicatores Elslingenses se contulit, ibique an. 1240. defunctus est.

e) N.  
XXXIV.

Porro iam ex Urstisio mêmoravimus Ioannem Friburgensem, inter Generales ordinis Prædicatorum quartum, Parisiis an. 1242. fuisse electum. Hic is ipse est, qui in Fr. Petri Suevia ecclesiastica f) dicitur Ioannes

f) pag. 459.

nes

nes Teutonicus de Wildeshausen, nuper ex episcopo Bosniensi in supremum ministrum generalem totius ordinis Fratrum Prædicatorum constitutus. Is anno 1241. seu potius 1242. in locali visitatione monasteriorum dicti ordinis in Germania, ex itinere suo ad novum virginum contubernium Kirchbergense fortuito delatus, flagitantibus hisce virginibus habitum S. Dominici contulit. Ibi an. 1243. venerabilis ac illustris domina Williburgis Hohenbergica, una ex fundatricibus, prima loci Priorissa fuit constituta, dum Mechtildis comitissa de Zimberen, ex primogeniis candidatis Kirchbergensibus una, monasterii confirmationem Roma retulisset.

SECVLUM  
XIII.

XLVII. S. Francisco cordi admodum fuit missio & propagatio ordinis sui in Germania; verum ea ob ignorantiam idiomatis Teutonici in irritum cessit primo, ac etiam propter suspicionem hæreticorum, qui ex Italia tunc illuc declinabant, ut ex MSS. chronicis provinciarum Saxoniæ, Argentinæ & Germaniæ inferioris narrat Waddingus in annalibus Minorum a) lepido quidem simulque tragico casu. „Fratribus Teuto-  
niam adgredientibus quum quidam occurrissent, rogassentque an hospitari vellent, illos Germanice *ia*, quod latine sonat *ita*, respondentes perhumaniter exceperunt, & eis cibum & potum subministrarunt. Quare quum Teutonicum idioma ignorarent, præfatam responsionem, cuicumque interrogationi accommodare statuerunt, arbitantes, semper ex illa similes eleemosynas reportaturos, & huiusmodi beneficiis profequendos fore. Attamen contra evenit: nam aliis percontantibus, an hæretici essent, & ad avertendam a fide catholica Teutoniæ illuc accessissent? quum suum statutum responsum in medium proferrent, ab ipsis non solum comprehensi & in vincula coniecti sunt, sed etiam ludibria publica atque varia supplicia subierunt. Ex quo eventu Teutonia tale nomen apud Fratres sibi vindicavit, ut nullus nisi martyrio flagrans illuc conferre se vellet.“

Franciscano-  
rum in Ger-  
maniam mis-  
sio.

T. I. p. 250.

Igitur præstolandum existimavit S. Franciscus, donec aliquos ipsius nationis viros in Italia aut aliis regionibus suæ sodalitati adgregasset: quod quum haud ita multo post contigisset, substitutum mortuo F. Petro Cataneo Eliam vicarium generalem in comitiis generalibus Franciscanorum an. 1221. ad eius pedes sedens S. Franciscus vellicata tunica admonuit, ut iterum Waddingus perhibet. Elias vero, eius mente percepta, erectus publice sic profatur: *Fratres? ita ait Frater* (significans B. Franciscum, qui per antonomasiam frater a fratribus dicebatur) *est quadam regio Teutonia, in qua sunt homines christiani & devoti,*

SECVLUM  
XIII.

*qui, ut scitis, sæpe terram nostram cum longis baculis & largis ocreis sub rapidissimo sole sudoribus astuantes pertranseunt, ac limina Sanctorum visitant, laudes Deo & Sanctis eius decantando. Et quia ad eos aliquando missi Fratres male tractati redierunt, nullus ad ipsos ire compellitur frater, nisi qui gloria divina & animarum zelo inflammatus inspiratione cœlesti ire velit &c.*

Subdit porro, nonaginta circiter Fratres illico surrexisse, miro martyrii desiderio flagrantes atque in Germaniam ire paratos, designatum vero ministrum Germaniæ F. Cæsarium Spira oriundum. Hic adscito sibi cum aliis socio imprimis fido F. Iordano de Yones in Germaniam perrexit, ubi anno sequente, pluribus iam receptis fratribus tam clericis quam laicis, capitulum provinciale Wormatiæ cum fratribus de civitatibus vicinioribus instituit: postea autem desiderio fruendi consortio S. Francisci Assisium rediit, an. 1223. in comitiis absolutus a ministeriatus Germaniæ. Substitutus ei F. Albertus de Pifa huc adventans in capitulo Spiræ celebrato F. Marcum de Mediolano custodem Franconiæ, F. Angelum de Wormatia custodem Baviaræ & Sueviæ, F. Iacobum custodem Allatiæ, F. Ioannem de Plano Carpinis custodem Saxonie constituit:

a) T. II. pag. 75. *cui eidem, pergit Waddingus a) Ioanni clericorum Spirensium multitudi- ni concionari demandatum est. Sermone finito dominus episcopus Spirensis Fratres ordinis clero & populo suo serio recommendans, concessit ipsis prædicandi & confessiones audiendi in sua diœcesi auctoritatem, quorum prædicationibus & exemplis plurimi abnegato seculo, sacro se ordini manciparunt.*

Neque enim fratribus aliter faciendum indulgit S. Franciscus, quam ut ab episcopis vocati & admissi sua officia præstarent; unde etiam, quum sui aliquando conquesti oggererent, quod ab ecclesiarum rectoribus non admitterentur ad divini verbi ministerium, atque ideo indultum apostolicum impetrandum suaderent, quo insalutatis etiam episcopis possent prædicare, eosdem indignabundus repulit, hoc suis singulare esse debere privilegium dictitans, nullum habere privilegium, ut apud Waddingum ad an. 1219. b) legere est: obiicientibus vero duritiem plurium clericorum eos non admittentium, ipse de sua sententia nihil remittens reposuit: *in adiutorium clericorum missi sumus &c.* In ultimo quoque ad suos ante mortem sermone reverentiam erga sacerdotes imprimis incul-

c) Ibid. T. II. cavit c).

p. 143.

Ex diœcesibus ergo illis, quæ partem aliquam hierarchiæ sibi in Nigra silva vindicant, prima fuit Spirensis, in qua ordo S. Francisci admissus fuit; in Constantiensem quoque brevi post penetravit, quum iam

an.



an. 1224. quosdam fratrum de Tridento Lindaviam in Sueviam venisse scribat idem Waddingus a) qui simul asserit, Gregorium IX. bulla Perusii X. Kal. Martii data, pontificatus anno secundo 1228. monuisse episcopum Constantiensem, ut necdum consecratam Minorum ecclesiam Friburgi dedicaret; de qua quidem ecclesia nos superius b) sumus locuti, uti & de receptione ordinis Argentoratum c), ubi eodem an. 1228. exstructum Minoribus conventum ex Gonzaga perhibet Waddingus d), monens tamen, ex testimonio Guillimanni & Wimphelingi illum anno primum 1230. fuisse inceptum. Nihil vero hac de re legitur in sæpe citato Ms. Argentinensi (ex quo paullo ante plura ad monasterium Prædicatorum in ea urbe attinentia retulimus) licet in eodem dies obitus S. Francisci ad an. 1225. notetur.

In monasterio Minorum, quod superest Villingæ in Nigra silva, ista de eo legitur inscriptio: *anno 1268. dominica prima post octavam epiphania monasterium hoc ab illustri & generoso comite de Fürstenberg & coniuge eius Agnete fundatum est: primusque loci huius Guardianus fuit F. Henricus a Friburgo.* De hoc & Friburgensi monasterio superius iam iniecta est mentio.

Passim iam tunc in Germania erant utriusque sexus SS. Francisci & Claræ monasteria, quum a multis annis ingens esset Germanorum erga S. Franciscum veneratio, ob insignia eius post mortem miracula. Hanc pietatem ut nutriret Gregorius IX. P. anno 1227. apostolicas ad eos litteras dedit de sacris stigmatibus, quibus dum viveret, fuerat insignitus e). Qui idem gravissimis verbis perstringit Olomucensem episcopum, fidem veritati tanti miraculi denegantem, ut notat Raynaldus ad annum 1237. f).

Anonymus, quem in appendice Vol. II. Taphogr. Austr. edidimus, auctor chronici monasterii S. Claræ in Königsfeld, Pragæ primum ultra montes cœnobium huius instituti exstructum memorat, quod perperam tamen adstruit Ottocaro a Rudolpho I. Rom. regi devotio, ut ibidem est adnotatum. Idem nihilominus auctor postea monasterium Ulmenfe seu Seflingense eius ordinis septimum quidem, in Germania autem primum fuisse dicit, septem ante mortem S. Claræ annis exstructum. Miserat illa, ut ad annum 1237. scribit Waddingus g) ad preces regię virginis Agnetis, filiæ Ottocari I. sororis Ottocari II. seu Wenceslai III. monoculi, sorores aliquot in Bohemiam, & alias in Alemanniam, quæ per Tridentum, ubi monasterium pro eis erectum est, venerunt Ulmam, ubi aliquæ ex ipsis remanentes cœperunt ædificare pauperculum quoddam

SECVLVM  
XIII.

a) L.c. p. 104.

b) N. VI.

c) N. XII.

d) L.c. p. 109.

e) Baron. ad  
Martyr. Rom.  
XV. Kal. Oct.

f) Annal. T.  
XIII. p. 456.  
n. 60.

g) T. II. p.  
435.

SECVLUM  
XIII.

dam monasterium, cuius prima abbatissa vocata sit Hedwigis. Hoc brevi postea Seßlingam translatum vivente adhuc S. Clara, & dein in superiore Alemannia aliorum huius ordinis monasteriorum quasi mater fuit.

a) *Lit. I. N. IV.* Anonymus iste Hedwigin de Cuontzilon ex Francia primam fuisse asserit sororum, primamque postea abbatissam in Königsfelden, in plaga, ut initio a) exposuimus, veteris eremi Helvetiorum ultra Rhenum, cis vero hunc fluvium sese per Nigram silvam protendentis ea ex parte, qua bona fuerunt assignata monasterii Königsfeldensis ab Elisabetha uxore Alberti I. Rom. regis eo locorum exstructi, ubi is a parricida Ioanne suo nepote fuerat occisus.

b) *pag. 447.* Ipsam Nigram silvam nostram attingit parthenium Franciscanum sororum de pœnitentia Horbæ ad Nicrum. Dotationis instrumentum anno 1293. datum Luitgardi iam tum Priorissæ exhibet Fr. Petri in Suevia ecclesiastica b): *præsentibus & in testimonium evocatis F. Bertholdo Guardiano Fratrum Minorum in Tubingen, F. Bertholdo de Bosetor Terminario ibidem, D. Bertholdo plebano in Horbe, Waltero sculteto ibidem, Henrico dicto Willice, Wernbero de Altbeim, & aliis fide dignis.*

S. Francisco  
ædicula sanct.  
Mariæ in Por-  
tiuncula a Be-  
nedictinis  
tradita.

XLVIII. Vel ideo autem nos extra oleas haud evagatos arbitramur isthoc de ordine S. Francisci diverticulo, quod ipse S. Franciscus, ut ad annum 1210. refert Waddingus c) Roma adprobato primum ab Innocentio III. instituto redux, atque hinc inde cum suis divertens, quum frustra Assisiis ab episcopo & canonicis ecclesiam peteret, in qua, ut

e) *T. I. pag. 126.*

aiebat S. Pater, *omnes sacrum audiamus, canonicas solvamus horas, & si quis nostrum obierit, in pace requiescat*, demum ad montis Subassii monachos Benedictinos se convertit, quos liberaliores est expertus; abbas namque inito cum suis consilio ei concessit, quam ipse paucis antea annis reparavit S. Mariæ in Portiuncula ædiculam. In sacra hac æde an. 1212. a S. Francisco tonsa fuit, Christoque sacra virgo S. Clara decimo octavo ætatis anno, ac nocte illa dominicæ Palmarum, quæ in diem 19. Martii inciderat, fratribus ibi sacras excubias observantibus.

d) *T. I. pag. 126.* Nec decuit alibi, subdit Waddingus d), *florigeræ virginitatis ordinem ad Vesperam temporum excitari, quam in eius aula, quæ prima omnium atque dignissima sola extitit mater & virgo. Hic locus ille est, in quo nova militia pauperum duce Francisco felicia sumebat principia, ut liquido videretur utramque religionem mater misericordiæ in suo diversorio par- turire. Quum autem coram altari B. Mariæ sacra pœnitentiæ suscepisset*

in-

*insignia, & quasi ante torum huius virginis humilis ancilla Christo m-*  
*psisset, statim eam ad ecclesiam S. Pauli monacharum nigrarum S. Franci-*  
*scus deduxit, donec aliud provideret altissimus, in eodem loco mansuram.*

SECULUM  
XIII.

Voluit igitur monialibus Benedictinis sacrum hoc castitatis depositum interim committere S. Franciscus, qui postea, ut idem narrat ad annum 1222. Waddingus a) Roma recedens in regnum Parthenopæum, ad sa- a) T. II. pag. 36.  
 cri specus & S. Scholasticæ monasterium Sublacense divertens, dum du-  
 meta attrectat, & exosculatur, in quibus sese volutatus S. Benedictus inte-  
 gritatem suam conservavit, ea demum signo S. Crucis afficiens in rosa-  
 rium pulcherrimum divina virtute convertit. Quo factum est, ut deinceps  
 ille locus in maiori haberetur reverentia, & rosetum utriusque Patriar-  
 chæ (S. Benedicti scilicet & S. Francisci) religione sacratum, mire vir-  
 tutis rosas producat.

XLIX. Est porro, quod ordo Benedictinus gloriæ sibi ducat, voluisse S. Antonius  
 nimirum S. Franciscum, ut S. Antonius de Padua, mox postquam sa- de Padua a S.  
 cerdosio erat initiatus, sub abbate Vercellensi apud S. Andream, quod Francisc. Ioan-  
 Benedictinum tunc fuit asceterium, viro doctissimo mysticam audiret theo- nis Gerfenii  
 logiam, ut ad eundem annum 1222. memorat Waddingus b). Hunc abb. Vercel-  
 per unum alterumve annum sub abbate illo studuisse putat Waddingus, lensis disci-  
 & aliquando in Galliam euntem, aut in Italiam redeuntem, ac vicinam plinæ tradi-  
 Lombardiam lustrantem, ad eum aliquoties divertisse. Sub eo autem ab- tus.  
 bate ita brevi profecit vir sanctus, ut instantissime a fratribus rogaretur, b) L. c. p. 48.  
 quam ipse hauserat, doctrinam aliis communicaret: quod & præstitit,  
 impetrata a S. Francisco facultate per litteras, quas idem auctor descri-  
 bit. Idem porro ad annum 1231. c) narrat, S. Antonium ipsa die c) L. c. pag. 267.  
 suæ mortis, quæ erat decima tertia Iunii, quum celebratissimus ille Ver-  
 cellensis abbas sacre lectioni & divinis meditationibus intentus solus esset  
 in cubiculo, ad eum ingressum post mutuam salutationem dixisse abba-  
 ti: *Ecce domine abba, relicto asello apud Paduam festinus ad patriam*  
*proficiscor.* Laborabat tum abbas graviter ex gutture; sed vir Dei leni-  
 ter eum attingens totum illud incommodum repente depulit & dispa-  
 ruit. At ille putans, eum ad natale solum iter intendere, ignarus om-  
 nino illius obitus, surgit, & ex famulis monasterii perquirat, ubi sit  
 frater Antonius. Stupefacti illi respondent, se nescire: abbate autem asse-  
 rente se pro certo eum vidisse illumque ex suo cubiculo primum exisse,  
 missus est quidam ad fratres, ut ex illis cognosceretur, num quid de  
 adventu Antonii comperissent. Illis nihil eius se nosse dicentibus, abbas  
 veluti ad se rediens certissime cognovit, Antonium ad coelos migrasse,

SECVLUM  
XIII.

tempusque adnotans, postea didicit, eodem die & hora eum decessisse, quo in suo cubiculo adparuerat, prout ipse fratribus non sine lacrymis narravit.

Abbas hic S. Antonio, quamdiu in vivis degebat, in paucis carus fuit, utpote a quo theologia olim institutus fuerat, vicissim ex libris Dionysii de rebus mysticis multoties instructus; unde & ipse in conventu fratrum suorum hoc de viro Dei perhibuit testimonium: *Frater Antonius, ordinis illorum fratrum, de pura theologia sensu mystico hausit plenissime, divini radii gratia illustratus.* Io. Valart, qui elegantissimæ quatuor librorum de Imitatione Christi ad Mss. ac primarum editionum fidem castigatorem editioni dissertationem addidit de eiusdem operis auctore Ioanne Gersene abbate Vercellensi, ceu cui sanctus Franciscus beatum

a) L. c. cap. 32. Antonium instituendum commiserit a), ad eundem S. Antonium illa libri III. b) verba referenda existimat: *Quidam amando me intime didicit di-*

b) *Imit. Cap. vinn, & loquebatur mirabilia. Plus profecit in relinquendo omnia, quam in studendo difficilia subtilius.* Quam quidem coniecturam eo verosimilior

rem putat, quod verba hæc omnino convenient iis, quæ habet Waddingus ad annum 1222. c), ubi insigni hoc eiusdem abbatis de S. Antonio testimonium affert, scripto firmatum, ex eius commentario in Dionysium de cœlesti Hierarchia cap. 3. sub littera V. *Quum esset, ait de S. Antonio, minus imbutus litteris secularibus, animi puritate & mentis ardore succensus mysticam theologiam, captum mentis excedentem, & ferreter desideravit & abundanter hausit, ut possim dicere de eo, quod de Ioanne Baptista scribitur: ille erat lucerna lucens & ardens; amore enim ardebat interius, & exemplo lucebat exterius.* Adducit etiam in testimonium familiaris notitiæ, quam de S. Francisco habuit abbas ille, alium locum eiusdem libri III. cap. 50. editionis vulgatæ, suæ autem cap. 38. qui ita sonat: *quantum unusquisque est in oculis tuis, tantum est & non amplius, ait humilis Franciscus,* ut habet Msc. codex Lebovii, dum in vulgatis habetur: *humilis S. Franciscus;* id quod tamen etiam sustineri potest, siquidem primum post annum 1231. quo obiit S. Antonius, scriptum opus sit, ut ex verbis illis loci prioris colligitur: *loquebatur mirabilia.* Dudum autem tunc iam S. Franciscus omnium ore

d) sanctissimus prædicabatur d)

Ingens pau-  
peratis stu-  
dium seculo  
XIII.

L. Nulli profecto seculo accommodatius fuit incomparabile hoc opus de Imitatione Christi, quam huic XIII. quo tanta fuit contentio inter-

pre-

d) Auctorem librorum de Imitatione Christi Italum esse, non Belgam, ex forma casulæ, quæ deferribitur Lib. IV. c. 5. habens ante se & retro dominicæ crucis signum, nuperrime observavit Clemens XIV. P. ex ordine S. Francisci in epist. Gallicæ a Caracciolo edita.



pretandi Dionysium theologiæ mysticæ antesignanum. Dum hoc ævo, quo tantum fuit philosophiæ studium eiusque cum theologia christiana commixtio, theologia nimium metaphysice consideraretur ac tractaretur, mirum haud est, quod ubi a theoria ad praxim factus est progressus, & a spiritali ad corporale, atque ab internis ad externa, dum ad summa & perfectiora contenditur, ad extrema quæque facta sit prolapsio.

Qui optime fuerant animati, videntes dolentesque proclivitatem humanæ naturæ, quæ in abundantia rerum coërcere se haud pateretur, obturandum esse ipsum fontem seu scaturiginem existimaverunt. S. Dominicum primo quidem rerum omnium abdicationem haud intendisse, supra intelleximus; mox vero exemplo S. Francisci ad studium paupertatis inductus, rem tamen eo non perduxit, quo S. Franciscus, qui, ut vel quidquam remitteret, adduci haud potuit: quidquid etiam F. Elias ageret in primis statim ordinis comitiis an. 1219. ad quæ plusquam quinque millia Fratrum Minorum convenerunt Assisium, ubi tunc præsens & S. Dominicus aderat. Inductus etiam ad persuadendum Franciscum est celebratissimus Hugo cardinalis Ostiensis; obtendebatur ei non solum virorum doctissimorum gravissimorumque consilium, quum ipse simplex esset & illitteratus, verum etiam auctoritas regulæ SS. Augustini, Benedicti & Basilii: neque vero vel hac auctoritate induci potuit S. Franciscus, ut aliquid a cæpto rigore remitteret. *Non est ergo, respondebat inter alia, cur aliam mihi nominetis regulam, neque Augustini, neque Benedicti, neque aliorum vivendi normam, præter eam, quæ mihi a Domino pro sua benignitate & misericordia desuper est concessa.* Ad cardinalem autem Ostiensem conversus: *Isti, inquit, sapientes, quos vestra dominatio laudat, & mihi commendat, vellent sua humana prudentia & Deum & vosmet decipere; sed vere semetipsos decipiunt, destruere & conculcare volentes ea, quæ per me indignum fereum suum loquitur Christus pro ipsorum salute, & totius ordinis incremento.* Ad hæc abeunte S. Francisco cardinalis persuasit Fratribus, ut adquiescerent apostolico viro.

Post mortem S. Patris variis studiis acta est hæc causa, atque adhuc multo magis exagitata. Dum enim primum Gregorii IX. auctoritate aliquæ mitigationes essent factæ, erant, quos Zelatores seu Spirituales vocabant, quibus id minime faciendum esse videretur: contra quos Innocentius IV. an. 1245. pronuntiavit, ex quibus alii sponte, alii a Ministro generali compulsi exulabant, quos postea Ioannes de Parma, ipse ex secta Spiritualium factus Minister anno 1247. iterum revocavit. Res

SECVLUM  
XIII.

quidem deinde prudentia S. Bonaventuræ aliquamdiu sedata, post eius vero obitum in novas flammās prorupit, ut apud eundem Waddingum  
a) T. III. & passim legere est a).

seqq.

Eminuit inter istas ordinis de paupertate controversias F. Petrus Ioannes Olivi de Serignano, quem sui vivum persecuti sunt ut caput Beguardorum & Fratricellorum, sepultum vero exhumarunt, eiusque ossa simul cum operibus combusserunt an. 1279. quem tamen Angelus Clarenus eius familiaris post mortem miraculis claruisse scribit, illumque Waddingus ad hunc annum b) ab omni hæreseos suspicione liberat. Affert ex eo Bulæus in historia Universitatis Parisiensis c) eius fidei professionem, quam moriens edidit, in qua nihil se novi asseruisse dicebat, sed antesignanos habuisse quatuor magnos magistros Parisienses, qui ex præcepto Haymonis generalis Minoritarum regulam explicarunt.

b) T. V. pag. 299.

c) T. III. p. 535.

d) pag. 332.

Refert Conradus abbas Urspergensis in chron. d) ad an. 1212. vidisse se Romæ quosdam cum suo magistro, ut putat, Bernardo, *pauperes de Lugduno*, quos Innocentius III. propter quædam superstitiosa in ipsorum conversatione reiecerit, quosdam vero alios eorum loco exurgentes, qui „se adpellabant pauperes minores, confirmaverit. „Hi (subdit) prædicta „superstitiosa & probrosa respuebant, sed præcise nudis pedibus tam æstate quam hieme ambulabant, & neque pecuniam neque quidquam aliud „præter victum accipiebant, & si quando vestem necessariam quisquam „ipsis sponte conferebat; non enim quidquam petebant ab aliquo. Hi „tamen postea attendentes, quod nonnumquam nimix humilitatis nomen „gloriationem importet, & de nomine paupertatis, quum multi eam „frustra sustineant, apud Deum vanius inde gloriantur, maluerunt adpellari minores fratres, quam minores pauperes. Alii, videlicet Prædicatores, in locum Humiliatorum successisse creduntur. Humiliati quippe nulla habita auctoritate aut licentia Prælatorum, mittentes falcem „in messem alienam populis prædicabant, & vitam illorum plerumque „regere satagebant, & confessiones audire, & ministeriis sacerdotum de- „rogare. Quæ volens corrigere Papa ordinem Prædicatorum instituit & „confirmavit.“ Ordo tamen Humiliatorum seculo XIII. necdum penitus fuit sublatus, sed ad ordinem S. Benedicti est reductus post concilium Lateranense an. 1215. sub Innocentio III. in quo can. 13. e) sic est statutum: *Ne nimia religionum diversitas gravem in ecclesia Dei confusionem inducat, firmiter prohibemus, ne quis de cætero novam religionem inveniat, sed quicumque ad religionem converti voluerit, unam de adprobatis assumat.* In sæpe citato codice Argentinensi cœvo cura Magni

e) Conc. Labb. T. XI. p. 156.

est statutum: *Ne nimia religionum diversitas gravem in ecclesia Dei confusionem inducat, firmiter prohibemus, ne quis de cætero novam religionem inveniat, sed quicumque ad religionem converti voluerit, unam de adprobatis assumat.* In sæpe citato codice Argentinensi cœvo cura Magni

gni

gni Ellenhardi conscripto circa rem hanc ita notatum lego: *Anno 1275. fuerunt deleti ordines Saccitarum & quorundam aliorum in concilio Lugdunensi per dominum papam Gregorium X.* SECVLVM  
XIII.

LI. Memoravimus libro VI. a novis quibusdam sub regula S. Benedicti institutis scoparum seu flagellationis usum ad stuporem usque & exanimationem fere fuisse inductum, nihil non agente S. Petro Damiani, ut eius frequentationem monachis quoque nigris aviti instituti Cassinensis persuaderet. Dum porro seculo XIII. ubique gentium ac locorum omnia prædicationibus personarent, quibus permoti peccatores & corde contriti turmatim ad peccatorum confessionem agendamque poenitentiam concurrebant, etiam ad verberationes ventum est, quas sibi ipsis poenitentes homines infligebant, ut pluribus explicat monachus Paduanus chronici libro III. apud Urstisium a). Waddingus, dum ad an. 1225. b) insignes fructus extollit, quos collegit S. Antonius, adeo in prædicando præstans, ut pontificio oraculo arca testamenti nuncuparetur, ea de re sic habet: *cæperunt tum primum homines catervatim sese verberando, & pia cantica devote depromendo procedere: atque ea laudabilis consuetudo a tanto auctore profecta, deinceps suis est aucta incrementis. Novi, subdit, quantumvis S. Antonii auctor apud Surium Flagellatorum originem ad eundem Sanctum referat, Polidorum Vergilium antiquiorem facere, & ad Apostolorum tempora reducere. At ante S. Antonii tempus non adeo clara apud auctores memoria habetur huiusmodi congregationum aut hominum, se in societate Flagellantium. Ultra centum post annos Flagellantium secta perniciose exorta est incerto auctore, qui plures effutiebant, spargebantque hæreses.*

Vix medium seculum XIII. effluxerat, dum Flagellatores ubique gentium pervagati modum exceßerunt, in Germania tandem nostra coerciti, ut Henricus Stero apud Canisium c) totum processum explicat his verbis: „His etiam diebus surrexerunt quidam poenitentes, qui Flagellatores dicebantur, qui primo pauci numero a Perusio, civitate Tusciæ, processum habuisse dicuntur, quorum sectam non solum tota Italia, sed & regiones plurimæ sunt secutæ, ita quod eam imprimis sibi multi nobiles & mercatores, postea rustici & privati assumerunt. Erat enim modus ipsius poenitentiae ad patiendum durus, horribilis & miserabilis ad videndum. Nam ab umbilico sursum corpora denudantes, quamdam vestem, partem corporis inferiorem usque ad talos tegentem habebant, & ne quis eorum agnosceretur, cooperto capite & facie incedebant. Procedebant autem bini, terni, tamquam clerici vexillo

SECVLUM  
XIII.

„prævio vel cruce, flagellis semetipsos bis in die per 33. dies, & deinde  
„in memoriam temporis humanitatis D. N. I. Christi super terram adpa-  
„rentis tamdiu cruciantes, quousque ad quasdam cantilenas, quas de  
„passione ac morte Domini dictaverant; duobus vel tribus præcinentibus  
„circa ecclesiam vel in ecclesia compleverunt, nunc in terram corruentes,  
„nunc ad coelum nuda brachia erigentes, non obstante luto vel nive, fri-  
„gore vel calore. Miserabiles itaque gestus ipsorum & dira verbera multos  
„ad lacrymas, & ad suscipiendam eandem pœnitentiam provocabant. Sed  
„quia origo eiusdem pœnitentiæ nec a sede Romana, nec ab aliqua per-  
„sona auctorabili fulciebatur, a quibusdam episcopis & D. Henrico duce  
„Bavarix cœpit haberi contemptui, unde intepestere in brevi cœpit, sicut  
„res immoderate concepta.“

In Paralipomenis rerum memorabilium ad chronicon Conradi de Ur-  
sperg ex chronicis Argentoratensibus ad an. 1261. refertur, Flagellantes  
Argentoratum venisse, qui Romæ & in Italia confluerant, numero mil-  
le & ducentos, quibus Argentorati accesserint mille & quingenti, qui  
nudis corporibus se flagris cædebant: post hæc anno 1298. illuc venisse  
viginti octo in vestibus albis facie cooperta, qui eundo ad omnes ec-  
clesias se flagellabant: atque hic ritus hodie in hebdomada sancta & Pa-  
rasceve saltem in plurimis locis perseverat. In Msc. chronico Argento-  
ratenſi huius ævi, quod præ manibus est, ita notatur: *Anno D. 1261.  
orta est pœnitentia quadam Flagellatorum in Tuscia, & in Roma, &  
per Lombardiam venit in Teutonium; ita quod de partibus superioribus  
una simul processionaliter bini & bini venerunt in Argentinam, dorsis de-  
nudatis se flagellando plusquam mille ducenti, & ibidem cessavit.* In ci-  
tatis Paralipomenis a) multa singularia sequuntur de hac Flagellantium  
secta, quæ tamen ad sequens seculum XIV. pertinent. b).

Secta in Ger-  
mania statui  
ecclesiastico &  
religioso op-  
posita.

c) p. 220. ad  
vet.

LII. Albertus Stadenſis abbas in suo chronico c) sectam nobis quam-  
dam describit, Hallis in Suevia publice Papam, episcopos & prælatos in-  
feriores ac sacerdotes quoque criminantium, quod essent hæretici, simo-  
niaci: item quod Prædicatores & Fratres Minores perverterent ecclesiam  
falsis prædicationibus: & quod omnes Prædicatores & Fratres Minores,  
Cistercienses quoque & omnes alii pravam vitam ducerent. Alibi Stedingi  
erant ex pago huius nominis ad confinia Frisix & Saxonix, passimque  
sefe prodebat colluvies quædam hæreticorum illius ævi, Albigenſium,  
Catharorum, Waldensium, Petrobrusianorum: Stedingorum vero abo-  
minanda dogmata & facinora Gregorius IX. anno 1233. ab archiepisco-

po

b) Quam plura notatu digna ad rem in Jacobi Boilleau historia Flagellantium leguntur.



po Moguntino monitus, litteris ad Friderici imp. filium Henricum regem datis describit, prout legere est in conciliis Germaniæ a), ubi alia quoque ad eandem rem sequuntur.

SECVLVM  
XIII.

a) T. III. p.  
543. &c.

Pertinent huc prima factæ apud nos inquisitionis acta per Conradum Marpurgensem a Gregorio IX. per Germaniam inquisitorem constitutum. Hic Moguntiæ in conventu episcoporum, comitum & clericorum de quibusdam ob hæresin infamatis inquisitionem instituit, quos inter comes de Seine accusatus induciis purgationis ultiores obtinuit, quam reliqui, qui non comparuerunt; ubi etiam populum cruce signavit Conradus, ab illis dein iuxta Marpurg unacum Gerardo ordinis Minorum per insidias occisus.

Priorum illorum sectariorum in Hallis Suevorum patrociniū in se sumsit Conradus filius Friderici II. imp. contra Romanam sedem reliquamque hierarchiam ecclesiasticam, nec non religiosos ordines capiti suo adunatos. Sed male cessit illi consilium; catholicis enim prædicatoribus audacter obnitentibus, & fideles exhortantibus, *liberi & ministeriales a Conrado recesserunt, ita ut quasi exul & profugus de Suevia in Bavaria moraretur*; uti de eo scribit citatus Albertus Stadenfis.

LIII. Eiusdem insanix fuit secta Apostolicorum, furculus quidam hæresis cognominis seculo XII. Gerardus nempe Segarellus Parmensis vitam Apostolorum & mores mentitus, soli Christo se suosque subiectos esse asseribat, omni repudiata hierarchia, quum contenderet, totam auctoritatem spiritualem, quam Christus dedit ecclesiæ, in suam sectam esse translatam, omnesque Romanæ ecclesiæ prælatos esse prævaricatores, excepto F. Petro de Morono, qui fuit Cœlestinus V. papa. Ante hunc tamen eius antecessores Honorius IV. & Nicolaus IV. *ordinem Apostolicorum*, ut se propter observantiam perpetuæ paupertatis apostolicæ vocabant, damnarunt vi decreti concilii generalis Lugdunensis II. sub Gregorio X. an. 1274. quo decretum Innocentii III. in Lateranensi concilio an. 1215. can. 13. præsertim quoad novos identidem pullulantes Mendicantium ordines est restitutum, omnesque ordines mendicantes post dictum concilium Lateranense adinventi perpetuæ prohibitioni sunt subiecti.

Secta Aposto-  
licorum.

LIV. Mart. Crusius in Annalibus Suevicis b) ad an. 1261. ex Felice Fabri memorat, extitisse quosdam regularum monasticarum adversarios in nonnullis monasteriis, qui nominabantur Fratricelli, Beghardi & Beguinæ. Sed illorum temporum usu & nomenclatura generalior fuit Fratricellorum præsertim adpellatio. Ex his erant, qui se etiam *fratres*

Fratricello-  
rum, Beghar-  
dorum, Be-  
guinarum.

b) P. III. L.  
II. c. 14.

par-

SECVLVM  
XIII.

a) T. I. Mart.  
p. 666.

*parvos, fraterculos de paupere vita* ab excessu quodam paupertatis nuncupabant, quos S. Thomas in eius vita apud Bollandum a) destruxisse memoratur. Ioannes XXII. postea contra eosdem decretalem edidit, quæ legitur inter illius Extravagantes 22. contra nonnullos nimirum profanæ multitudinis viros, *qui vulgariter Fratricelli, seu fratres de paupere vita, Bizochi & Beguini nuncupantur &c.* ex quibus fuisse dicit, qui regulam Fratrum Minorum profiterentur, diversi adeoque ab illis, quos Crusius ex Fel. Fabri designat. *Hi persuadebant multis cœnobiis, ut sine regula viverent, melius sic Deo servire posse per libertatem spiritus. Sed magnopere hoc genus hominum oderant ceteri, quibus certæ disciplina præscriptio placebat.* Abutentes siquidem illi D. Pauli b) lege spiritus vitæ in Christo Iesu, fratres & sorores liberi spiritus dici volebant, per Italiam, Galliam & Germaniam serpentes, ut Moshemius in historia ecclesiastica ostendit, cum ex aliis monumentis, tum præcipue ex familiari huius sectæ libro *de novem rupibus spiritualibus*, seu totidem gradibus, quibus ad unionem cum Deo iuxta eorum mysticem perveniatur. De quo postea libro ex Mf. quod se in Alsatia reperisse testatur, hæc exscribit: *Homo quidam devotissimus, licet laicus, librum de novem rupibus conscripsit a Deo compulsus, ubi multa ad præsens pertinentia continentur de ecclesiæ renovatione, & prævia gravi persecutione.* Habuit porro præ manibus octoginta novem sententias Bechardorum, quos vulgo *Schwestrones*, ipsi vero se de secta liberi spiritus & voluntariæ paupertatis vocant, cum confutatione. Ex illis septuagesima nona sic sonans: *dicere, in Rhatia esse veritatem, hæresis Donati est, qui dixit Deum esse in Africa*, manifestat, eos in Rhætia consedisse, ubi *Schwestriones* a sociabus feminis dicebantur, viri autem Beghardi, & feminae Beguinæ, quod nomen commune est cuidam generi vitæ religiosæ, sectæ liberi spiritus accommodato: sine certæ nimirum regulæ & ordinis professione in privatis ædibus, sine legibus & norma.

Hæc quidem commemorata hæcenus exotica & fanatica instituta a proposito nostro sunt aliena; nec tamen hic prorsus fuerunt reticenda, quod primitus ex aversione quadam & insectatione aviti instituti monastici iuxta regulam S. Benedicti pullularint.



## LIBER IX.

*Nigra Silva seculo Christi XIV. Ordinis  
S. Benedicti IX.*

## I.

**A**d anni iubilæi a Bonifacio VIII. anno 1300. factum aspiciunt, tantus fuit Romæ ex orbe christiano hominum omnis conditionis confluxus ad singulos dies, ut aliquando numerarentur in die ducenta millia. Ecclesiæ Romanæ Hierarchia monastica.

Ingens etiam postea sub Clemente V. Bonifacii VIII. successore anno 1311. præter episcopos plusquam trecentos abbatum concursus fuit ad concilium Viennense generale in Gallia, quo diverterat Clemens ad eludendam importunam Philippi pulchri Bonifacium antecessorem damnandi, delendi e catalogo pontificum, eiusque corpus comburendi instantiam. Damnata est eo in concilio effrenis Beguardorum & Beguinarum, religiosorum vinculum obedientiæ abiicientium licentia, quæ quousque processerit postea videbimus: ubi varia vitæ monasticæ & religiosæ monstra & excessus indicabimus, in utramque partem relaxationis & rigoris.

Rigoris quidem prætextus acceptus potissimum est a Cœlestino V. P. quem intelleximus in ordinem etiam S. Benedicti austeritatem ultra modum studuisse inducere. Eius sanctæ memoriæ iniquior fuit Bonifacius successor; Clemens V. vero eum in album Sanctorum an. 1313. solemniter recepit ritu, perseveravitque Cœlestinorum ab eius nomine dictus ordo sub regula S. Benedicti, etiam in Gallias favente Philippo receptus.

Alia item instituta eiusdem regulæ Benedictinæ novum acceperunt lustrum, aliquamdiu obscurari visa luce ordinum novorum mendicantium. Ex quibus ordo S. Francisci factione Ludovici Bavari pseudo-pontificem Petrum Corbarium sub nomine Nicolai V. Ioanni XXII. opposuit, postea tamen pontificatu ultro se abdicantem; contra ordo Cisterciensis legitimum eiusdem Ioannis XXII. successorem Benedictum XII. dedit, Parisiis magistrum in S. Theologia, insignemque, ut postea videbimus, ordinum religiosorum reformatorem, canonicorum etiam & mendicantium: quique quæstionem, quam eius antecessor de tarda visione beatifica movit, decidit, ut apud Raynaldum legere est ad annum 1336.

Is an. 1338. inter alios Cardinalem creavit Petrum Rogerium monachum nigrum ord. S. Benedicti, qui fuit postea Clemens VI. P. M. an.

SECVLUM  
XIV.

a) Apud Ec-  
card. Corp. li-  
stor. med. ævi  
T. L. p. 1729.

1342. Parum etiam abfuit, quin post Clementis mortem an. 1352. Ioannes Birellius ordinis Carthusianorum sub regula S. Benedicti generalis eligeretur in papam, ut P. Fr. Pagius in Brev. Rom. Pont. notavit ex vita Innocentii VI., qui tunc fuit electus papa. Hic Andronicum de Rocha ex abbate Cluniacensi creatum cardinalem gravissimis reipublicæ christianæ & sedis apostolicæ negotiis adhibuit, ita distentum alibi, ut nunquam consistorio adesse potuerit pontificio, nec titulum adipisci, nihilominus an. 1363. post mortem Innocentii VI. ad electionem novi pontificis admissus, qui fuit Urbanus V. *Niger monachus*, ut loquitur auctor coævus Martinus Fuldensis a), & *doct̃or decretorum abbas in Marcilia* (Massilia cœnobio S. Victoris) *monasterio ordinis sui*. Qui quod timebant Cardinales in Io. Birellio Carthusiano, effectum ire opportune studuit. *Ipse enim*, pergit laudatus Martinus Fuldensis, *pompam & arrogantiam cardinalium repressit, & compescuit, quas habuerunt in equitatibus, ministris, & sumptibus, ipsos ad sui status exigentiam & debitum redigendo. Viros quoque litteratos multum dilexit, nec acceptor personarum divitum, vel nobilium. . . . Anno autem domini 1368. in festo S. Urbani vel circa ipse Urbanus papa cum cardinalibus transtulit se de Avinione in Romam, tenens primo sedem suam in Viterbio, quam translationem non sine magna displicentia multorum cardinalium fecit: ubi Carolus imperator ad eum venit, eique ac cardinalibus se nimium humiliando magnam reverentiam impendit. Addit, demum an. 1370. ad inductionem cardinalium non sine magna displicentia Romanorum rediisse Avenionem, eodem anno mortuum & in Massilia in monasterio sui ordinis, ubi abbas fuit, sepultum: ubi, ut fertur, teste iterum Anon. Fuldensi, statim incœpit magnis coruscare miraculis, quæ hodierna die ibi fieri dicuntur, quæ a notariis iuxta sepulcrum eius manentibus & ad hoc assignatis, annotantur, & in scriptis rediguntur. Ad eius tamen canonizationem deventum non fuisse Pagius notat, Clemente VII. in Avenione eius successore schismate impedito.*

Schisma ma-  
gnum.

II. Clemens hic VII. post mortem Gregorii XI. qui Clementis VI. ex fratre nepos ipse etiam cardinalis Petrus Rogerius dictus, sedem Petri Romam transtulit, ab iisdem cardinalibus, qui Urbanum VI. Romæ elegerant, eumque paullo post indignati, Anagninam secesserant, fuit electus papa an. 1378. ordini Benedictino admodum propitius, ex quo plures repetitis electionibus creavit cardinales: monasteriaque Benedictina sibi obnoxia habuit illis etiam in regionibus, quæ fuerant Urbano VI. addictæ, velut Germania. Eam ob causam, ut suo loco dicemus, Henricus

ricus



ricus IV. abbas S. Blasii ab Urbano VI. depositus, fidelis nihilominus Clementi VII. ad mortem usque perstitit, uti eius etiam successor Ioannes I. quum Conradus Goldastus abbas Steinensis in locum Henrici ab Urbano VI. suffectus haud quaquam admitteretur, ac tandem etiam Ioanni sponte abbatiam cederet. Dubiam fuisse horumce pontificum ac eorum utrimque successorum causam inter alios succincte Pagius in Brev. Rom. Pont. ostendit, probatque ipse schismatis processus, cum tandem utraque pars causa caderet; nec proficientibus modis quibuscumque conciliationis, aut etiam cessionis iuratae tandem ad subtractionem obedientiae procedendum fuerit, ex consultu imprimis universitatis Parisiensis, ut pluribus apud Bulæum legere est.

Spondanus & alii, ex coævi monachi Dionysiani historia Msc. Caroli VI. referunt, Bonifacium IX. successorem Urbani VI. misisse an. 1393. unionis restituendæ causa, ad Carolum VI. Galliarum regem Petrum Carthusiæ Astensis in Lombardia Priorem, & Bartholomæum de Ravenna Carthusiæ insulæ Gorgonæ Priorem. Voluerat eis Bonifacius iungere insignem iuris doctorem; reposuit autem Petrus, religionis negotia tractanda esse simplicius & minus apparatus. Duo igitur illi Priores Avenionem primum, deinde circa festum Nativitatis Domini Parisios advenierunt, regi id suadente universitate, benigne suscepti auditique. Universitas Parisiensis publicas Deo gratias agendas constituit in monasterio Cluniacensi S. Martini de Campis, Guidone abbate S. Dionysii sacrum de S. Spiritu faciente, eiusque cœnobii Priore pro concione dicente. Remissi sunt ad Bonifacium adiunctis duobus aliis Prioribus eiusdem ordinis Divionensi nimirum & Parisiensi, qui promptissimam renunciarent voluntatem regis ad unitatem capitis ecclesiæ restituendam, sed frustra.

Frustra etiam postea an. 1398. fuerunt Germanorum Gallorumque conventus, Wenceslai imp. & Caroli VI. regis Galliarum colloquium, frustra tot academiarum Angliæ, Germaniæ, Galliæ, ac virorum doctorum per christianum orbem labores & lucubrationes: quas inter Bulæus

a) affert Henrici senioris de Hassia seu de Langenstein canonici Worma-  
tensis tractatum insignem, quem inscripsit *epistolam pacis*, in qua pro-  
ducit duos oratores unum ab Urbani, alterum a Clementis partibus ra-  
tiones rationibus, argumentis argumenta opposcentes, tandemque Cle-  
mentinus ad auctoritatem prælatorum ecclesiæ devolvitur, ad quos spe-  
ctat determinare auctoritative & obligative in concilio generali. Absque  
cuius ritus conventu, credo, pergit, vix unquam posse ad plenum corda  
quietari omnium. Esto namque quod primo vel secundo electus sine am-

a) Tom. IV.  
hist. univers.  
Paris. p. 574.

SECVLUM  
XIV.

*priori & autenticiori declaratione iuris obtineat, tandem via facti ad pacificam deductus possessionem, nihilominus corda latenter torquere non desinet scrupulus plurimorum: quibus constat & constitit iuris ambiguitas & facti in hoc casu atque modo, quo processum fuit ab initio in hac re a principibus & aliis. Numquid de successore utriusque & successoribus successorum tale dubium erit, quale nunc de Urbano & Clemente, cum ab illis religenter, de quibus dubium est, si cardinales sint vel non, sive novellis vocatis cardinalibus contingat quempiam successorum a duabus partibus non esse electum? Quam, quæso, his omnibus respondit eventus!*

Status imper.  
Germanici.

III. Gravissimo discidio tenebatur respublica christiana iam exeunte sec. XIII. Bonifacium VIII. inter P. & Philippum pulcrum Galliarum regem. Quod continuatum magisque exasperatum ineunte sec. XIV. contulisse visum est tranquillitati imperii Germ. mitioremque reddidit papam Alberto I. R. R. ut iam ultro offerret coronam imperii, benigneque susciperet solemnes nuntios an. 1302. Romam missos, de quibus chronicon Colmariense ad finem partis secundæ; dum nimirum auctor ille scribere desiit eo ipso in loco, urbe scilicet Columbaria, seu Colmaria, ad quam tunc rediisse nuntios illos commemorat. *Nuntii, inquit, Alberti regis, quos superiore anno ad papam Romam miserat, nempe duo milites & tertius miles clericus in iure plurimum versatus, circa Purificationem redierunt, & ad reginæ præsentiam venerunt. Regina vero unum ex eis monachum militem (nobilem nempe) festinanter ad regem transmissit, rogans suppliciter, quatenus subito dignaretur ad eius præsentiam venire. Hoc rex subito adimplevit. Venerunt nuntii regis Romanorum infra octavam Ioannis Baptiste Columbariam, dicentes, quod papa in consistorio coram pluribus millibus hominum dixisset, quod rex Romanorum esset verus & in gratia sua: & quando veniret, sicut rex teneretur, vellet eum consecrare in cæsarem.*

a) Germ. hist.  
script. illustr.  
P. II. p. 63.

Mox sequitur, ibidem apud Urstisium a) *de rebus gestis imperatoris Henrici VII. libellus auctore Conrado Vecerio regio secretario, memorabilis imprimis ob detecta Guelphicæ factionis, quæ imperatori a coronatione Romana (quam a Sabinensi episc. cardinale accepit unctus ab Ostiensi, cum adhuc in Gallia pontifex moraretur) reduci fuerat exitialis, Gibellinæ opposita late etiam per Italiam diffusa Ecellinis olim auctoribus, ut nuperrime singulari opere Io. Baptista Verci ostendit.*

Dum post mortem Henrici VII. in partes scinderentur electores, aliis Ludovicum Bavarum, aliis Fridericum Austriacum cæsarem proclamantibus, Gibellini cum Friderico Arragonum rege a partibus Ludovici Bavarum,

vari, Guelphi vero cum Roberto Siciliae rege a Friderico Austriaco stabant, nimirum Ioanni XXII. P. addicti, quem Ludovicus Bavarus exagitabat, hæreseos etiam non unius accusatum, pontificatuque extorrem denuntiatum, constituto Nicolao V. antipapa, a quo & Romæ coronatus fuit an. 1328. cum vicissim pseudo-pontifici tiaram pontificiam dedisset Ludovicus ad Basilicam Lateranensem occurrenti. Scripsit tunc temporis Marinus sanctus Venetus plures sub expeditione Ludovici Bavari in Italiam epistolas<sup>a)</sup>, quarum una ad Bertrandum in Lombardia legatum,<sup>b)</sup> *Ep. XVII.* persuasum se esse contestatur, pontifices priores quidem bona intentione<sup>pag. 308.</sup> tantum rebus impendisse imperii; cæterum si vidissent, quæ evenissent inde, aliter fuisse acturos. Mortuo Ioanne XXII. an. 1334. statim Ludovicus Bavarus legatos ad Benedictum XII. eius successorem misit: *Sed heu! scribitlo. Vitoduranus, eorum expectatio inanis fuit, quia rex Franciæ & rex Boemiæ, qui imperatoris felicibus semper tunc successibus invidabant, percipientes papam unacum cardinalibus velle propiciari imperatori, & ad gratiam eum recipere velle, ipsum averterunt propositum suum nobilissimum irritantes, sicque legati imperatoris sine fructu reversi sunt, frustra habitis multis laboribus & expensis.* Narrat iterum iterumque submissos legatos ac durius etiam habitos. Auctori huic ex ordine Minorum, qui tunc incentore præcipue Wilh. Occamo partes Ludovici contra summam sedem agebant, in Ioannem XXII. cumprimis iniurio, fides undequaque non est adhibenda: dum constat sub Benedicto XII. vacasse contentiones illas, licet equidem pontifex rege Franciæ instigante non relaxarit censuram, qua passim omnia conturbabantur, dum partes ubique gentium interdicto supponerentur. Extat in archivio San-Blas. Gaucelini ep. Albanensis declaratio, an. 1339. pluribus chartis pro singulis ecclesiis concepta, quod monachi S. Blasii possint licite divina celebrare, quum nunquam adhæserint Ludovico Bavaro imp.

In eum anathema postea Clemens VI. iterum an. 1343. strinxit, egitque, ut Carolus Henrici VII. nepos in imperatorem eligeretur felici equidem successu profectuque restitutæ sacerdotium inter & imperium pacis & concordiae. Rescivit is, ut apud Raynaldum ad an. 1347. legere est, quæ a Ludovico Bavaro contra Romanæ ecclesiæ iura dignitatemque sunt acta. Romam an. 1355. Innocentio VI. P. profectus ad capeffendam coronam a Gibellinis ipsoque Petrarcha, qui ab eorum partibus erat, frustra est concitatus, Henrici VII. avi sui exemplo ob oculos posito, cui Gibellinorum consilia exitio fuerunt, exacerbatis Guelphis, quos Carolus beneficiis & prærogativis sibi conciliavit. An. 1365. Urbanum V.

SECULUM  
XIV.

etiam Avenione convenit, eidemque an. 1368. Romam regredienti stratoris munus exhibuit; uno eo de imperio perinde ac christiana republica male meritus, quod nihil non apud pontificem Gregorium XI. & electores egerit ad Wenceslaum filium in solium imperii sublimandum successorem & filium indignum, degeneremque, qui malo omine ipsas baptismi aquas infans conspurcavit.

Imperio quidem Germanico an. 1379. post mortem patris admotus, inutilis magis quam gravis, suis vero imprimis familiaribus molestissimus, a) *Apud Pist. T. III. Script. rer. Germ. p. 3558.* crudelissimusque fuit. De eo paucis Gobelinus a) in magno chronico Belgico, *Rex, inquit, Wenceslaus nihil dignum memoria gessit, sed Neronianæ crudelitatis sectator esse studuit. Multos etiam viros solemnes sine causa occidit: plures cruciatibus exquisitis punivit, nonnullos propria manu ludibrii causa peremit.* Inter solemnes, quos memorat viros, primus censendus est S. Io. Nepomucenus poenitentiarius, doctor & canonicus Pragensis, invictus ille sigilli sacramentalis, etiamnum in lingua sua incorrupta Pragæ servata assertor, quem Wenceslaus exquisitis etiam tormentis frustra tentatum ad revelanda in sacramentali reginæ confessione deposita secreta, in flumen Moldavam præcipitavit, designatus

b) *T. I. Script. rer. Boic. p. 36.* apud Oeselum b) in Udalrici Onfora canonici veteris capellæ Ratisbonæ chron. Bavaricæ his verbis: *Hic doctorem theologiæ submersit.*

Rerumque  
orientalium.

IV. Wenceslai frater Sigismundus gloriosus reique christianæ studiosus admodum sec. XV. imperator, exeunte hoc sec. XIV. rex Ungariæ infelicitèr admodum contra Turcas pugnavit ingenti ad Nicopolim an. 1398. fusus strage. Magnas vires Turcæ hoc seculo acceperunt in christiani orbis terrorem, ita ut multis antichristi tempora adesse sint visa, atque etiam nostris temporibus Grotius & nonnulli alii tempus hic figunt, quo Apoc. XX. animæ decollatorum propter testimonium Iesu mille anni regnasse cum Christo dicuntur, sumpta epocha præcise ab anno 313. quo Constantinus edicto pacem reddidit Ecclesiæ. Seculo hoc XIV. sufflaminata semper magis recuperandæ terræ sanctæ fuit spes, quæ a proximis seculis adhuc in animis fidelium ardebat, Romanis pontificibus imprimis faces submittentibus. Egisse rem visus est Clemens V. in concilio Viennensi; siquidem vero annalibus coævis Steronianis apud Freherum c) *T. I. Script. R. G. p. 593.* est fides, delusit spem, ipse difficultatibus insuperabilibus spe frustratus. Sic vero scribit Stero ad an. 1311. de Clemente: *Hic papa Vienna concilium generale convocaverat, cuius concilii V. sessio inchoata fuit XVII. Kal. Novemb. ubi de passagio ultramarino & de recuperatione terræ sanctæ tractabatur, per fratres hospitales S. Iohannis Ierosolymitani*



*crucem ultramarinam fere per totam christianitatem prædicari fecit: & plura millia christianorum cruce signati, cum ad curiam papæ venissent, papa absolvit eos a voto, & mandavit eos ad partes redire, & sic quasi delusi illorum labores, & sumtus maximi effectum nullum habuerunt, & sequente mense Martii XI. Kal. Aprilis in privato consistorio papa cassavit, & annullavit ordinem Templariorum, personis & bonis ipsorum ordinationi suæ & Ecclesiæ servatis.*

SECULUM  
XIV.

Notatur apud Labbeum ad an. 1310. a) ex Serario synodus Moguntina, ad quam provinciam peruenit Nigra silva, in qua Hugo comes Silvestris & Rheni cum viginti fratribus comparuerit, conquestus synodum sui ordinis delendi causa ex commissione Romani pontificis esse congregatam, quos violentiam metuens demollitos dimisit, postea etiam iussus a pontifice absolvit, de consilio & assensu coepiscoporum provinciae, qui convenerant, ut Naclerus ad an. 1311. habet.

a) T. I. Conc.  
P. II. p. 1537.

Tam personæ quam facultates Templariorum perinde ac Hospitalium S. Io. Hierosolymitani in sanctum illum finem a sua institutione fuerant destinatæ, sed turpiter deflecebant a proposito; nec aliunde affulgere satis firma spes & opportunitas, nec temere faciendum esse periculum visum est etiam Ioanni XXII. quam ardens etiam desiderium reges Galliarum & Angliæ proderent, ut apud Raynaldum ad an. 1319. n. 19. videre est. Obtulit etiam eidem pontifici Marinus sanctus Venetus libros ad eadem pertinentes consilia, professus quidem sua sponte se ea concepisse, nec a rege aut principe, aut republica, aut hominum quopiam impulsus. Circa Clementis V. adhuc tempora refert Io. Vitoduranus b) in chron. ingentem unius hominis prædicatione in nostris plagis commotionem, quam ipse viderit tunc scholis nuperrime addictus. *Ingens, inquit, multitudo fidelium mota cuiusdam prædicatione ad eripiendum sepulcrum Christi & terram sanctam de manibus paganorum surrexit, qui præparantes se ad iter perficiendum incedebant, bini & bini secundum ordinem armati, & valde disciplinati, petentes in singulis locis, quæ præteribant ab hominibus pro passagio, & pro tam salubri itinere voluntarie assumpto consummando, qui magnam quantitatem pecuniæ taliter colligebant. Nam in singulis oppidis, villis vel civitatibus, quas cum vexillis cruce Christi splendide depictis perambulabant, homines ad visitandos eos turmatim confluxerunt, & eis certatim manus adiutrices porrexerunt: qui cæptum opus non compleverunt, sed mari apud Marisilium, & aliis locis appropiantes, & ipsum procellosum forte videntes territi cum pecunia sic turpiter acquisita redierunt. Aliud longe enormius exemplum Bulæus in histor.*

b) Thes. bist.  
Helv. p. 19.

SECVLUM  
XIV.

a) T. IV. p.  
185.

histor. univers. Paris. affert a) ad an. 1320. quo turbatum sit regnum & præcipue Parisiensis civitas a pastorellis, qui quum viderent principes nimis tepidos & negligentes in expeditione Hierosolymitana suscipienda adversus infideles suasoribus duobus viris ecclesiasticis, uno monacho Benedictino e cœnobio eiecto, altero presbytero seculari e parochia sua pulso, sese ipsi conscripserunt, existimantes ita in oraculis divinis contineri, ut ipsi civitatem Hierosolymitanam ab infidelium oppressione liberarent. Sed cum incondita illa turba latrocinii & direptionibus omnia devastaret & depopularetur, a præfedis regiis compressa est & fugata. Intelligimus ex historia proximorum seculorum, monachos etiam expeditionibus eiusmodi sacris ad licentiam fuisse abusos.

Fanatici hi erant & inconsulti admodum sec. XIV. motus, quando iam non de recuperanda terra sancta res erat, sed de propulsandis Turcis undique terris christianorum imminentibus, ad quæ avertenda pericula imprimis laboraverunt pontifices ex ordine S. Benedicti assumti. Clemens VI. primo statim regiminis an. 1343. indixerat sacram in Turcas expeditionem. Agebatur imprimis de imperio orientali Græcæ ecclesiæ schismaticæ, quæ a Turcis vexata, ut opem Latinorum obtineret, unionem cum ecclesia occidentali efflagitabat. Iam an. 1339. Andronicus iunior legatum Barlaam ad Benedictum XII. eius rei causa miserat: idem etiam an. 1343. Andronici filius Io. Palæologus imbellis adhuc efflagitavit a Clemente VI. qui propositis indulgentiarum præmiis conciliatisque maris mediterranei dynastis classi præfecit Henricum patriarcham Constantinopolitanum apostolicæ sedis legatum: eoque ex improvviso, quum de expugnatione Smirnæ publicas Deo redderet gratias, cæso, Humbertum Delphinum Viennensem propriis manibus cruce signavit an. 1345. Ad eundem iterum an. 1349. advenerunt legati græci, & an. 1356. ad Innocentium VI. an. 1362. Urbanus V. ad Romanam sedem promotus Ioannem Francorum, Petrum Cypri & Daciæ reges gratulatum advenientes cruce signavit, & an. 1365. cum Carolo IV. Avenionem vocato id negotii tractavit, in partes tracto etiam Carolo Gallorum rege, ut palam sit ex litteris Urbani apud Raynaldum n. 2. anni item sequentis ad Ioannem Palæologum pro restituenda unionem. Quare quidem Patriarcha Cyprianus an. 1367. & an. 1369. ipse Ioannes Palæologus in Italiam conciliandorum sibi Latinorum animis auxiliisque causa concessit; sed adduci nunquam potuerunt Græci, ut se Romanæ submitterent ecclesiæ.

Atque hæc quidem in gratiam eorum Romanorum pontificum commemoravimus, quos quum tantam rei catholicæ operam navasse videamus

ad

ad unionem orientalis & occidentalis ecclesiæ restituendam, curam etiam intelligemus & apostolicam impendisse sollicitudinem in nos Nigramque silvam nostram, ordinis S. Benedicti coloniam.

SECVLVM  
XIV.

V. Antequam vero institutum nostrum propius attingamus, quæ ad statum patriæ nostræ attinent, generatim sunt explicanda, faciuntque, ut cætera etiam, quæ iam de statu utriusque reipublicæ prælibavimus, ad ea, quæ ad rem speciatim singillatimque afferuntur, facilius pleniusque intelligantur: qua de causa in aliorum etiam seculorum serie generatim quædam præmittenda existimavimus. Quod quidem ad seculum XIV. in quo versamur, eo magis faciendum est, quod in eo circa Nigram silvam undequaque in omni plaga veluti ex quatuor ventis omnia turbata susque deque verterentur.

Res patriæ.

Ab ineunte seculo iam an. 1302. tantam Rheni inundationem commemorant annales Colmarienses, ut homines ex Nuwenburg in Friburgum navigio potuerint pervenire. Ex ea vero parte, qua olim Eremus Helvetiorum in Nigram silvam protendebatur ad natale gentis Habsburgicæ solum, turbis Helveticis locum aperuit Albertus I. R. R. ut ab ovo rem explicat Huldricus Mutius lib. XXII. German. chron. apud Pistorium a) inde ab an. 1300. Trithemius vero hostile exordium ad an. 1303. ponit in chron. Hirs. passimque ad an. 1307. primum Uraniorum, Suitsium & Subsilvanorum foedus reponitur. Henricus VII. mox ut cæsar fuit renunciatus, quod tergiversabatur Albertus I. fecit, Helvetiorum privilegia firmans dato dipl. III. Non. Iunii an. 1308. In gestis venerabilis DD. Baldewini de Luczenburg Trevirensis archiep. & Henrici Imp. Germani apud Baluz. b) Lib. c. 7. inscribitur *de domini de Wirtenberch* expugnatione, Henrico nempe rebellis. Nam cum ipse Henricus se ad Alpium montana transcendenda præpararet, dominus de Wirtenberch se ipsi regi tyrannice opposuit. Propter quod ipse rex dominum de Winsberch provincialem advocatum præfecit, & omnibus illarum partium regni fidelibus, castellanis & civitatibus districtissime præcepit, ut sibi tanquam suo vicario in omnibus intenderent & obedirent, & eius iussionibus per omnia parerent. Qui regis ad præceptum cum fidelibus regni & civitatibus dictum dominum de Wirtenberch armis bellicis sæviter persequendo suo in territorio in locum de loco fugere coarctavit, & eius quadraginta tam oppida quam castra viriliter expugnavit, & ad talem internecionem deduxit, quod tantum terruncula vix poterat obtinere, quod vita necessaria valeret, pauperrime vivendo, aliquantulum habere. Refert hæc ad an. 1310. Constituit etiam Henricus VII. præfectum imperialem seu advocatum pro-

a) T. II. Scriptor. rer. Ger. p. 846.

b) T. I. M. Scell. p. 118.

SECVLUM  
XIV.

vincialem Rudolphum Habsburgicum ex linea Laufenburgica, ad quam non attinebant ditiones illæ Helveticæ, quæ reipublicæ Helveticæ constituendæ locum primo præbuerunt, ut scriptor coævus Io. Vitoduranus ad an. 1315. his verbis declarat: *Quadam gens rusticalis in vallibus dictis Suis habitans, montibus fere excelsis ubique vallata, confissa de montium suorum præfidiis & munitionibus firmissimis ab obedientia & stipendiis & consuetis serviciis duci Lupoldo debitis se subtraxit: & ad resistendum sibi se præparavit.* Quibus occurrens Lupoldus eodem anno com sociatis Uraniis & Subsilvanis ad Morgatum victus fugit, ut etiam apud Vitoduranum legere est. Interim gravissimis cum Ludovico Bavaeo bellis abstrahuntur Fridericus & Lupoldus, conciliantur vero post eorum fata Otto & Albertus, Ottone an. 1331. a Ludovico constituto imperii vicario, ut apud Oefelium a) legere est, litteras etiam investituræ pro Ottone & Alberto eiusdem Ludovici, qui an. 1330. urbes Schaffhausen, Rheinfelden, Neuburg, & Brisach ad finitimum Nigræ silvæ Rhenum Austriacis oppignoraverat. Hæc inter varia utrimque fœdera pagorum, urbium, quæ nos propius attinent, Basileensis & Friburgensis, Argentinensis cum urbibus imperii, Bertoldi ep. Argentor. cum duce Austriæ, aliorumque principum sunt firmata, varioque sub Marte sequentibus annis pugnatum, pace an. 1340. ab Agnete regina Hungariæ conciliata: anno item 1351. ab Alberto II. ad Turicum soluta obsidione, quæ tunc sæpius petebatur urbs iterum iterumque obsessa, accurrente etiam interim accessione Bernatum aliarumque urbium roboratur Helveticum fœdus, Carolo IV. imp. an. 1352. & sequenti inducias pacifcente, iterumque an. 1356. iuxta Trithemium: qui postea ad an. 1386. ingenti numero recenset nomina comitum, militum atque nobilium, qui in prælio apud Sempach cum duce Lupoldo occubuerunt; alii alios addunt aut omitunt. Ex illis, qui ad censum nostrum historiam Nigræ silvæ persequentes, attinent, sunt sequentes: Ioannes de Furstenberg in Haslach, Walterus de Geroldseck, Ulrich & Otto de Stouffen: sic Trithemio duo de Stouffen, duo de Signowe, duo de Friburg. Ægidius Tschudius vero in historia Helv. ad an. 1386. multos ex Friburgo Brisgoiæ accumulat, omittit tamen Ioannem de Kageneck etiam Trithemius, habet autem Hugonem de Schonau & Henricum de Schellenberg, Tschudius addit Wolf. Henricum & tertium adhuc de Bettmaringen, nonnullos etiam de Rheinfelden, unum *Hörsli* Lächler b) de Villingen. Universim Trithemius trucidatorum numerum fuisse quater centum nobilium virorum memorat. Quod vero ex eodem Trithemio retulimus de bino Caroli IV. ad Turicum congressu, ad unum revocat Albertus Argentinensis, ubi Sue-

a) T. I. Scri-  
ptor. E. B. p.  
758.

b) p. 162.

Sue-



Suevorum nomine Ioannes Windloch episcopus Constaniensis prærogativam illam veterem repetebat, ut *vexillum suum*, & omnes Suevi sub illo præire deberent. Id quum reclamaret dux Austriæ Albertus, Suevos indignatos ad sua rediisse Trithemius narrat, Eberhardum comitem de Wirtemberg virum magnanimum potentem, atque robustum cum multis Suevorum nobilibus præsentem testatus.

SECVLUM  
XIV.

Idem Trithemius eiusdem Eberhardi cum Carolo IV. bellum, simulque ad eundem annum 1359. concordiam factam pacisque condiciones describit: *Quod comes Eberhardus fœdus, quod cum Austriæ ducibus contraxerat, revocando cassaret, & nullam deinceps ligam seu confœderationem contra imperatorem aut regnum cum illis omnino haberet: deinde iudicium fuit decreto sancitum, quod comes Eberhardus advocatiam regni, sive vicariatum, quem a Carolo imperatore super XXIV. urbes & oppida regni susceperat, resignare deberet &c.*

Apud Oeselum charta legitur Ludovici Bavari inscripta, a) *dem Edlen a) T. I. p. 166. mann Ulrichen Grafen von Wurtemberg unserem lieben Landvogt &c.* Sed comites Wirtembergici præfectura hac Sueviæ potentiaque sua, quæ sec. XIV. varias accessiones habuit, sunt abusi. Iam Volmarus abbas Furstenfeld. in chron. apud eundem Oeselum b) *incessit comitem de Wir- b) T. II. pag. 541. tenberch, qui semper studuit malignari adhuc parum ducens pacem dissipare, non cessat suscitare praelia. Ex quo multi de ipso moventes querimoniam, coram rege pro eo, quod variis pressuris vexaret eos & turbaret, postulantes iudicium, ne post regis abscessum eos malis gravioribus perurgeret.* Pertinent hæc ad Henrici VII. tempora, quando pro corona imperii in Italiam erat profecturus circa an. 1312. Apud Carolum IV. civitates Sueviæ contra Ulricum & Eberhardum comites Wirtembergiæ querelas deposuerunt, ut apud Rebdorf legitur ad an. 1360. c). Idem tamen imperator an. 1368. Eberhardo comiti de Wurtemberg eiusque filio Ulrico auxilium promittit contra Wilhelmum comitem de Eberstein Seniore, & cognatum Wolf de Eberstein ob damna apud Wildbad in Nigra Silva illata.

c) Apud Freherum Scriptor. R. G. T. I. p. 640. &c.

Frequentes vergente etiam hoc sec. XIV. in Suevia & ad Rhenum &c. ligæ & fœdera urbium & principum, comitum nobiliumque, episcoporum item & abbatum notantur, ut apud Schilterum videre est ad Kœnigshovii chron. Argent. p. 887. ubi charta fœderis huiusmodi affertur, adversus Anglos Alfatæ tunc imminentes an. 1362. quod a Trithemio ad eum annum copiose describitur. Anglos visi sunt duces Austriæ in Helvetos concitasse, ipsi tamen eos favientes in suis terris experti: quam in

SECULUM  
XIV.

- rem apud citatum Schilterum leguntur de Anglis, ne Rhenum transeant, communi consilio impediendis litteræ Leopoldi ducis Austriæ ad civitatem Argentinensem, & ad eandem urbium Basileensis, Wormatiensis, Moguntinæ, Brisacensis, Selestad, Reutlingen an. 1375. notaturque a)
- a) *T. II. pag. 273. Alf. dipl.* Anglos tunc excitatos ab Ingeranno de Cusiaco terras Habsburgicas, quarum hæredem propter matrem principem Austriacam se crediderat, sibi vindicaturus. Qua de re egimus libro singulari de translatis Habsburgo-Austriacorum principum cadaveribus, quæ inter censetur cadaver Catharinæ filiæ Leopoldi gloriosi, nuptæ Ingeranni patri: ubi vero insignia b) familiæ Cusiacæ perperam sunt expressa. Anno D. 1377. teste Alberto Argentinensi c) facta est cædes seu conflictus inter civitates imperiales Sueviæ per dominum Eberhardum de Wirtemberg, qui succubuit, & ex parte eius occisi sunt comites & barones tres, scilicet dominus de Swarzenberg, dominus de Zollre, & dominus de Tuwingen. Filius autem prædicti domini de Wirtemberg per fugam evasit, cum aliis quam pluribus. Facta sunt hæc apud oppidum Reutlingen pridie idus Maii. Ingentem numerum cæforum in hoc prælio recensent Reuttlingsenses cives in epistola ad cives Constantienses post hoc prælium data. Refert Trithemius in chronico Hirsaug. ad an. 1380. ligam civitatum regni Germanici pene omnium circa Rhenum, in Suevia quoque & in Francia orientali contra Baviaræ duces & quosdam alios regni principes, quos sibi molestos senserant atque contrarios an. 1388. item cives & oppidanos, regni facta inter se confœderatione, comitibus de Wirtemberg denuo bellum indixisse, sed prælio discessisse inferiores, quod & chronicon Elwangenense apud Freherum testatur, pluribus autem bellum illud Crusius explicat d). Notat Trithemius ad an. 1393. *nobiles & potentiores comitatus terræ Wirtembergensis nescio, qua de causa vel occasione, adversum Dominum suum comitem conspirationem satis periculofam & temerariam suscitasse.*
- d) *Annalibus Suev. L. VI. P. III. c. 1. & 2.*

Nobis hodie causæ & occasio huius rei clam esse non possunt, quibus perspectæ sunt tot nobilium militum equitumque consociationes, controversiæ item, quas tum aliis principibus, cum vero imprimis Wirtembergico moverunt hætenus ad sese in libertatem vindicandum, communi etiam ac longe meliori causa tot monasteriorum in Wirtembergia immediatorum imperii germanici statuum, ut est a Besoldo assertum in documentis redivivis monasteriorum præcipuorum in ducatu Wirtembergico fitorum, ex quibus facile princeps Hirsaugiense cum aliis suo loco notatis

b) Vid. Dissertation sur l'expédition d'Enguerrand. VII. Sire de Couci en Suisse en 1375. insérée dans le second volume de la Bibliothèque Militaire historique & politique par M. le B. de Zurlauben p. 146. &c.

tis ad Nigram Silvam pertinet, perinde ac nobilium equitum pars illa quar-  
tana, cui a Nigra Silva nomen inditum est.

SECULUM  
XIV.

VI. Comites Wirtembergiæ sec. XIV. plurimum excreverunt, diver-  
sis titulis emendo, imprimis a ducibus de Urslingen & Schiltach (de qui-  
bus plura infra, ubi de monasterio Alberspacensi agemus) de Tecke, co-  
mitibus de Achberg Ulrico, Henrico, Ulrico & Conrado de Berg &  
Schelkingen, comitibus item Tubingensibus comitum de Calwe hæredibus,  
qui iura & ditionem suam per Nigram Silvam extenderunt, uti & gens  
Habsburgica. Inter chartas Alberti III. & Leopoldi fratrum ducum Au-  
striæ a), Petro de Torberg inter alias provincias etiam præfectura Nigræ  
Silvæ committitur, iterumque N. LXXVI. cum aliis iisdem recensetur  
apud Senckenberg b) antequam ære sibi comparasset an. 1381. comitatum  
Hohenbergicum Lupoldus dux Austriæ a Rudolpho filio Rudolphi.

Nigræ Silvæ  
dynastia.

a) N. XL.  
apud Sencken-  
berg Selecta  
iuris.  
b) Tom. IV.  
p. 179. 275.

Is potentior fuisse Sueviæ dicitur Alberto Argentinensi apud Ursti-  
sum c) agenti *de animoso & probo comite de Haigerloch & Hohenberg.* c) P. II. pag.  
Propius nunc ad nos attinet charta, qua Albertus comes de Hohenberg  
prædia, quæ ab Ulrico de Gutenberg domino in Bernowe receperat, do-  
no obtulit hospitali S. Ioannis in Leuggern, Spiræ an. 1300. Vocat hic  
parentem suum Albertum; Burchardus vero eum fratruelem suum ad-  
pellat apud Brugge an. 1301. Huc etiam referendæ tabulæ, quibus Al-  
bertus filius *illustris viri* Alberti comitis de Hohenberg feuda in Wil-  
heim an. 1300. resignavit. Albertus Argentinensis imprimis celebrat  
Albertum, qui Constantiæ primum, postea Parisiis studiis operam dedit,  
licentiatus in iure canonico, cancellarius Ludovici Bavari, qui frustratus  
Constantiensi, Herbipolensique episcopatu Frisingensis episcopus fuit fa-  
ctus. In chartis archivii Præpositi ecclesiæ Viennensis ad an. 1338. &  
1342. occurrit sigillum Alberti comitis de Hohenberg rectoris ecclesiæ  
Viennensis. In charta an. 1340. quam ex chartulario urbis Horbensis  
edimus, Albertus cancellarium Romani imperatoris & præfectum Alsatiae  
se nominat. In charta an. 1341. titulos habet: *Der ehrwürdig, hochge-  
bohrne und edel Albrecht von Hohenberg, Chorberr zu Constanz, und  
Kanzler des durchlauchtigen Fürsten Kaiser Ludwigs.* Occurrit etiam  
Henricus comes de Hohenberg an. 1331. An. 1353. Conradus de Ho-  
henberg dominus in Wiltberg. An. 1359. Anna de Brauneck uxor co-  
mitis Burkardi de Hohenberg domini in Wilperg: haud procul inde in  
Reüthi monasterium fuit, in quo circa finem seculi XIV. & sec. XV.  
etiam adolescente an. 1424. Agnes Priorissa notatur. An. 1365. soror  
Agnes de Hohenberg. Occurrunt anno 1363. Burkardus de Hohen-

SECVLVM  
XIV.

berg, Rudolphus comes de Hohenberg annis 1377. 1380. 1383. 1387. dictus etiam dominus de Altensteig, qui eo anno 1387. collegiatam ecclesiam ad S. Crucem in Horb insigniter, ut in Austria sacra an. 1780. legere est a), dotavit; cognominis vero iam an. 1321. ibidem parthenium ord. S. Dominici confirmavit, quod iam seculo superiore a comitibus Palatinis de Tubingen fuit fundatum: b). Ex dictis palam fit, serius inferiorem comitatum Hohenbergicum, in quo sita est Horba, ad domum Austriacam pervenisse, nec totum eum emptum fuisse an. 1381. a Leopoldo probo, paullatim concidentibus seculo hoc XIV. rebus familiæ Hohenbergicæ.

Iam an. 1315. Rudolph de Hohenberg Henrico de Lupfen eiusque filio Henrico arcem Lupfen cum appertinentiis oppignorasse, confirmante id eodem anno Friderico rege, chartæ testantur. Sita est arx illa ad Thalam inter Danubii & Nicri fontes. Nomen tamen illud pridem iam inditum fuisse nobili familiæ libro superiore ostendimus. Extat charta, qua Henricus de Lupfen eandem arcem Friderico & Lupoldo Austriacis pro 1365. marcis argenti vendit: videnturque comites Hohenbergici eam a memoratis ducibus beneficii seu feudi loco accepisse. An. 1324. Henricus eiusque filii Bertoldus & Conradus fatentur, se a cognato suo Eberhardo de Lupfen canonico Argentoratensi 50. marc. argenti accepisse *gegeben zu Lupfen auf der Burg*. Coram curia Argentinensi vendit dominus Henricus de Lupfen, decanus ecclesiæ Argentoratensis auctoritate Lutholdi de Krenckingen curatoris sui, domino Eberhardo canonico dictæ ecclesiæ, & Hugoni patruo suo armigero dictis de Lupfen castrum Almuth, & bona sua pretio centum marcarum, & recipit ab emptoribus iterum in feudum ad dies vitæ pro annuo censu. *Datum quoad dictum dominum decanum & dominum Eberhardum IX.*

c) *Vid. Chr. Kal. Iulii, quoad dominum Hugonem vero III. id. Iulii 1318. c).*

*Frid. Sattler  
topogr. Gesch.  
Württembergs  
p. 343. &c.*

Nobilem familiam de Blumeneck, cuius iam sec. XI. meminimus, seculo hoc decimo quarto cognatione coniunctam fuisse cum comitibus de Lupfen & potentibus dynastis de Krenckingen, ex chartis discimus. Ineunte quin immo sec. XV. legitur Dietricus de Blumeneck Agnetis natæ de Landenberg, ac Ioannis comitis de Habsburg viduæ consanguineus interfuisse, quum unicam filiam Ursulam de Habsburg Rudolpho comiti de Sulz in matrimonium promitteret: dumque postea memoratam inter Ursulam & Henricum episcopum controversia esset, diremit eam Melchior de Blumenecke præsentibus fratribus suis & cognatis Baltasaro, Ottomanno, Iacobo & Ludovico de Blumeneck. Dynastia illa fuit postliminio



nio a monasterio S. Blasii redempta e manibus Thuringi de Halwil an. 1448. cum omnimoda vero iurisdictione demum an. 1612. emta a Maximiliano de Pappenheim cum ditionibus Gutenberg & Bettmaringen, postquam familiæ nobiles earundem dudum interiissent, Henrico & Wolfgango de Bettmaringen in prælio apud Sempacum occumbentibus. Nobiles de Gutenberg, qui passim occurrunt in chartis sec. XII. sec. XIII. dicti sunt de Bernowe, ex quibus Ulricus (ein Ritter und Vrye) de Gutenberg dominus in Bernowe feuda sua Alberto comiti de Hohenberg in charta an. 1300. restituisse legitur, anno autem 1302. Rudolphus comes de Habsburg ea bona, quæ feudali hæcenus iure possederat, ei propria fecit apud Lofenberg. Ulrico cœtaneus fuit Bertoldus, posterior vero Walterus, cui filii fuerunt Nicolaus & Hugo de Gutenberg. Hugonis qui apud D. Blasii sepultus iacet, mentio fit an. 1344. in charta Eberhardi de Lupfen canonici Argentinenensis & Eberhardi de Lupfen Landgravii Stuelingæ, ubi etiam nobiles de Bettmaringen habitasse ad finem sec. XIII. leguntur a). Ibidemque Henricus de Bettmaringen tractatum iniit cum abbate S. Blasii an. 1315. ob homines ligios in Wizzen.

SECVLVM  
XIV.

a) L. c. *Vid.*  
*Sattlers topog.*  
*Geschichte des*  
*Herzogthums*  
*Wirtemberg*  
*p. 342. &c.*

Landgraviatu de Stuhlingen familiam de Lupfen iam sec. XIII. potitam vidimus; legiturque an. 1327. Eberhardus de Lupfen parochus in Stuhlingen, canonicus Constantiensis an. 1328. a Rudolpho ep. Constantiensi in parochiam Stuhlinganam investitus. Occurrunt item an. 1344. Eberhardus canonicus Argentoratensis, & Eberhardus Landgrafius de Stuhlingen domini in Lupfen, in charta, qua hic uxori suæ Chunigundæ de Roseneck pro 15. marc. arg. bona in Wizheim oppignorat: iterumque pro mille marc. arg. paraphernaliorum, oppidum & villam Stuhlingen: iterumque pro 150. marc. advocatiam in curtem monasterii Grafenhausen. An. 1341. Egbrechtus de Roth (familia Schafhusensis de Graffenhausen dicta) advocatias oppidi & monasterii in Grafenhusen, Signow, Amergasvelt, Lanzenfurt, Eberspach, Kameren, Hetistal, domum suam & duo molendina in Grafenhusen monasterio Schafhusensi pro CCC. marcis vendidit. Perperam Urstifius b) ad Bertoldi Constant. chron. an. 1093. b) *Germ. bist.* cellam Nobiliacum a Richardo abb. Massiliensi, Sigefrido Schafhusensi abb. *P. I. p. 368.* donatam forte Grafenhusanum monasterium esse putat. Nobiliacum nobis in Annal. Bened. c) Mabillonius designat. Eberhardus de Lupfen iam c) *T. V. pag.* memoratus an. 1352. Diethelmo de Mundelfingen cum castro Almuth, *469. 565.* de quo meminimus, & villam Aichheim vendit, vocatus Eberhardus senior (iunioris uxor Ursula de Hohenberg filio Ioanni comiti de Lupfen usumfructum quorundam bonorum tradidit an. 1380.) in charta, qua,

una-

SECVLUM  
XIV.

unaque ex fratre nepos Henricus de Lupfen, ob debita castrum oppidum & comitatum Stuhlingen oppignorant Haug de Lupfen & de Aſen, & eccleſiæ in Griefen. Eidem tamen Eberhardo de Lupfen & Henrico de Blumegg Rheinhold dux de Urſlingen miles oppignorat caſtrum Langenſtein & hypothecam de Sulz ob factam ſponſionem 370. marc. arg. an. 1384. Zeiſſolff de Lupfen Frier Hofrichter in iudicio aulico Rotwilæ nomine comitis Rudolphi certioſorem reddit nobilem Hamman de Krenckingen dominum in Thiengen, quæ ſint iudicata circa bona præſcripti nobilis domini Henrici de Lupfen. Occurrunt etiam Lutoldus & Conradus ſec. XIV. domini in Thiengen an. 1322. quod eſt oppidum Alpegovix meridionalis, cuius ſe Landgravium & comitem in Stuhlingen iam ad finem ſec. XIII. ſcripſit Eberhardus de Lupfen. Erant dynaſtæ in Alpegovia milites de Werlar, Tuſſenſtein, Hauenſtein, de Ramerswihl, de Tomburg, præter eos, quos ſuperiore libro nominavimus.

Nobiles de Valckenſtein non uno in tractu Nigræ ſilvæ ſec. etiam XIV. comparant. Frequenter, qui poſt initia ſec. XIV. iudicem aulicum egit Rotwilæ, in chartis legitur Erkingen, Aigelhart de Falckenſtein, & quidem anno 1305. ſimul eius frater Conradus & ex fratre nepos anno 1320. eiſdem item filius Bertoldus anno 1347. Aigelwart de Falckenſtein anno 1348. Aigelwart de Falkenſtein & N. de Gundelfingen eius uxor anno 1390. Bertoldus & Eberhardus de Falckenſtein anno 1398. In ſigillo Falckenſteiniorum ſec. XIV. rarius capricornus vel aries, quam falco alis expanſis occurrit. Hoc ſigillo uſus fuiſſe cernitur Cuno de Valckenſtein, qui volente commendatore ord. Teutonici Friburgi illud appendi iuſſit chartæ an. 1325. vidua item Diemudis de Valckenſtein, cuius ex fratre Conrado nepos cognominis monachus fuit Ord. S. Wilhelmi in Oberried, ubi poſt initia ſec. XIV. Ioannes abbas in Tennibach anniverſaria funebria fundavit pro Cunone de Valckenſtein. Valckenſteinii paſſim teſtes occurrunt in chartis Friburgi; fuitque an. 1320. Lanz de Valckenſtein a magiſtratu Friburg. legatus miſſus ad abbatem S. Blaſii. Ioannes vero de Valckenſtein Rumonis filius obſidem ſe ſcripſit pro abbate S. Blaſii an. 1335. An. 1378. Ioannes de Valckenſtein præfectus in Krenchingen ſigillum ſuum chartæ adpoſuit falconem, alii ad finem ſeculi capricornum. Qui ex hac familia caſtrum huius nominis in colle Falckenſteig ad fauces Nigræ ſilvæ inter Höll & Himmelreich verſus Briſgoiæ amœniſſimam planitiem utrinque montibus Nigræ conclufam tenebant, ſolebant Friburgi habitare. Ex his quum an. 1390. Wernerus de Valckenſtein Friburgensem incolam captum e rupe caſtri Valckenſtein præcipi-

capitasset, cives captum castrum exusserunt, cuius tunc domini erant præter Wernerum Clein Cunen de Valckenstein, frater Wernerii Cunlin & Thomas de Valckenstein miles & civis de Friburg, Iacobi equitis filius, Dietrich eques, & Hans de Valckenstein. Ex his Werner Dietrich & Cunlin in carcerem coniecti a Friburgensibus urphedam dederunt anno 1391. quo etiam res composita est interventu Henrici equitis & Ioannis de Blumeneck fratrum, ut ex chartis urbis Friburg. constat.

Comitum de Sulz iam iniecta est mentio, iudicii aulici Rotwilensis præfectorum: qua prærogativa apud P. Herrgott in Cod. probat. Geneal. Habsb. a) ad an. 1300. legitur: *Ich grav Hermann von Sulz der hof- richter mines herren des Romischen Kiniges Albrechtes.* Ad an. 1355. 1357. & 1359. legitur: *Ich Conrat von Wartenberg ein Fry hofrichter von mins gnedigen Herrn des Römischen Keisers Karlen gewalt an siner statt uf sinem bose ze Rotwil tun künde &c.* Sic Oswaldus de Wartenberg an. 1360. confirmat contractum inter Hermannum ducem de Tecke & monasterium Alpersbacense. Apud P. Herrgott legitur ad an. 1382. *Ich Oswald von Wartenberg ein Frye hofrichter an Stath und in nammen grafen Rudolfs von Sulz.* Idem apud eundem inter testes notatur in charta an. 1393. Ad an. 1401. reperi chartam hoc exordio: *Ich Egloff von Wartenberg genant von Wildenstein Fry hofrichter an statt und Namen des edlen Grave Rudolf von Sulz.* Passim comites de Sulz dominos se in chartis appellant in Wildeck, quod vicinum vico Gösfingen dicitur in charta an. 1311. fratrum Hermannii & Alwig, quæ eadem nomina fratrum in chartis an. 1354. & 1355. occurrunt cum fratre item Rudolpho.

Ad finem vergente sec. XIII. comitatus Sulz ad dominos de Geroldseck transierat, se subscribere solitos passim in chartis dominos in Sulz Alberto Argent. ad an. 1347. perhibente c) cum ingressi fuissent Stephanus (teste Io. Vitodur ad eundem annum, dux Sueviæ) filius Ludovici principis (Bavari) & omnes civitates Sueviæ cum eo iuxta Zolre animo invadendi barones, quorum octodecim priori anno in Oberndorf ducis de Decke coniuraverant, & qui Carolum electum dicebantur fovere: oppidum Hechingen comitis de Zolre vacuum invenerunt, quod quibusdam pactis non fregerunt. Volentibus autem eis obsidere oppidum Sulz Waltberi de Geroldsecke servitoris & consanguinei comitum de Wirtemberg, iidem comites quamvis essent præfides principis asserentes hac siue eorum consilio inchoata, restiterunt, quibus & eidem Waltbero tanta affluxit nobilium multitudo in auxilium, quod civitates Sueviæ recesserunt de campo.

**SECVLVM**  
**XIV.**

teri nomen fuit in familia de Geroldseck veluti gentilitium in ea præsertim linea, cui ex divisione post mortem Walteri I. Hohengeroldseck & Sulz obtigit, iterum ineunte seculo XIV. subdivisa. Ipsa Sulzensis linea, postquam post tres generationes indivisa fuisset, in Walteri I. filio Hamano, & Waltero II. nepote post quatuor Walteri huius filios Hamannum II. Conradum I. Henricum I. & Walterum III. dispesci coepit vergente ad finem sec. XIV. ut in actis Acad. Palat. legitur a).

a) Vol. IV.  
p. 291. Sc.

Eadem fuit debitorum scilicet cumulatorum causa, cur Wolfius comes Ebersteinensis partem comitatus Rudolpho VII. Badensi an. 1387. venderet, ut apud Schoepfl. in histor. Bad. b) legere est. In transactione Georgium inter & Henricum de Geroldseck an. 1370. facta inter primos Nigræ etiam Silvæ dynastas, occurrunt Wilhelmus senior & iunior c) & de Eberstein inter instrumenta historiæ Geroldseckianæ num. 27. d) & mox sequenti eiusdem anni Ioannes de Schwarzenberg d) nobilis in Brisgoia Nigrasilvana familiæ dictæ a castro, cuius etiam nunc rudera prope oppidum Waldkyrch cernuntur, perinde ac castri Castelberg feudi Habsburgici eiusdem familiæ Schwarzenbergicæ. Ioannes de Schwarzenberg an. 1370. vadem se præstitit pro Henrico & Georgio de Hohengeroldseck in transactione pacis castrensis cum Hugone comite de Fürstenberg & Waltero von der Dicke, ob duo item, quæ in communi tenebant, castra Hohengeroldseck & Schiltach. Sigillum huius familiæ exprimitur in instrumento an. 1300. eiusdem historiæ Geroldseckianæ, in quo Ioannes & Wilhelmus de Schwarzenberg testes notantur in litteris reconciliatoriis inter Egonem & filium Conradum comites & cives urbis Friburgensis, quos inter hoc etiamnum seculo crebra exarserunt pugnae, ut passim alibi etiam in Nigra silva nostra. Articulatim describit Trithemius in chron. Hirsaug. bellum, quod comites inter de Wirtemberg & Eberstein intercessit an. 1367. in pago Nigræ silvæ *Wiringoe*, coeptum ad balneum ferinum vulgo Wildbad; rationem reddit ibidem Trithemius, quare hoc bellum vulgariter dictum sit der Schlegelkrieg.

Anno 1395. perinde nomen der Schlegelbund accepit mutuum foedus adversus societatem nobilium Heidelbergæ initum inter Conradum Moguntinum electorem, Rupertum seniore comitem Palatinum, Nicolaum Spirensen episc. & Bernardum Badensem, cui Leopoldus Austriæ dux, Eberhardus Wirtembergæ comes, pluresque Sueviæ civitates acceperunt Pforzhemii, limite Nigræ silvæ, ubi sec. XIV. Rudolphina Badensium familia resedit, dum Rudolphus IV. in divisione terrarum cum Friderico II. fratre suscepta, principatus sui sedem Pforzhemii accepit, *marchio Pforz.*



*Pforzheimensis* adpellatus, vel *Badensis dictus de Pforzheim*, ut apud Schœpflinum a) videre est. Apud P. Herrgott legitur charta N. 898. an. 1397. qua Bernardus marchio Badensis consentit in arbitros, qui dissidia, inter se suosque subditos & officiales Austriacos in comitatu Hohenbergensi, Horwe, & Rotenburgi nominatim orta, amice componant. Badensium porro marchionum ditiones in Nigra silva potissimum in marchionatu Hachbergensi sese protendebant Landgraviatuque Brisgoico, quem an. 1318. Henricus marchio Conrado & Friderico fratribus comitibus Friburgensibus oppignoravit. Extant etiam rudera castri Sufenberg haud procul Kandra in aditu Nigræ silvæ Basileam versus in superiore Brisgoia. Brisgoiæ Landgrafium Schœpflinus in histor. Baden. an. 1315. b) notat Henricum & postea Rudolphum & Ottonem marchiones de Hachberg & dominos in Rœtelen. Ottone defuncto an. 1383. graves postea Rudolpho superstiti cum Henrico de Furstenberg fuere lites, marchione per iudicium Rottwilense immisso in Fürstenbergica bona Gussing, Lœffing, & Neustadt. Rebus postea compositis Verena Rudolphi filia Henrici filio Henrico nuptui data.

Iam superiore libro ortum nexumque comitum de Friburg cum comitibus de Furstenberg a Rudolpho I. R. R. Landgraviatu Barenfi auctis ostendimus. Ipsa Furstenbergica domus in partes abierat Egone seu Egenone familiam Haslacensem constituyente in Nigra itidem Silva, ubi eius filio Gothofredo seu Goezoni an. 1321. hypotheca Tribergenensis accessit. Chartam huius Gothofredi reperi in Urselingen an. 1334. datam, in qua patris sui Egenonis hypothecæ aliam addit Dietrico de Bern factam super castrum Bern, quod postea an. 1355. Henricus & Hugo filii eidem Dietrico tradiderunt. Ioannes III. qui in charta Alpersbac. monasterii 1346. legitur filius Hugonis & Adelheide de Krenckingen postremus stirpis, apud Sempach an. 1386. occubuit: unde Haslachum ad principem familiam Landgraviorum de Furstenberg rediit Henrico IV. Landgravio, cuius avus Henricus II. uxorio nomine dynastias Hausen & Wartenberg acquisivit. Primus is titulum Landgravii gessisse legitur an. 1318. primusque post mortem an. 1337. ut habet epitaphium, in parthenone Neidingen cum Conrado filio an. 1370. mortuo sepultus, ubi sororem Martham, filiam Verenam habuit moniales, & neptem Annam Priorissam, cuius soror Adelhaid monialis in Amptenhausen fuit ad finem vergente seculo XIV. eo ineunte vero Clara ad S. Claram Friburgi, ubi eius frater Egonis IV. filius Conradus II. & Fridericus II. Conradi filius sunt sepulti; apud Dominicanos vero Friderici frater Egon V. in Badenwiler filius Conradi II.

R. 2.

Sunt

SECULUM  
XIV.a) Hist. Bad.  
lib. IV. c. 3.

b) T. I. pag.

380.

SECVLUM  
XIV.

Sunt hi comites de Friburg, qui sibi imprimis connubiis cum Hachbergicis marchionibus consuluerunt. Cum urbe Friburgensi tamen passim conflictati, bellisque impliciti imprimis an. 1364. foederatis dynastis Nigrasilvanis de Usenberg, Geroldseck, Schwarzenberg & Staufen, donec tandem an. 1368. comites libertatem urbi mille quingentis marcis argenti vendiderunt, ut apud Schoepflinum in historia, codiceque diplom. Badenſi ch. 286. &c. a) legere est. Supra p. 14. & 22. retulimus, quæ sec. XIII. acta sint de Badenwiler, ubi hodie amplissima magnificarum Romanoque nomine dignarum thermarum rudera effossa comparent, quin ulla unquam balneorum ibidem hodieque existentium, aquis suapte natura tepidis, in emtionibus, & venditionibus castri & dynastiæ Badenwillanæ mentio fiat, etiam in recensu iurium & utilitatum castri & dynastiæ huius, quæ articulatim notantur in instrumento an. 1368. quo a Conrado comite de Furstenberg, illiusque cognato Henrico domino in Furstenberg (postquam arx & dynastia Badenwillana ex hereditate Strasbergica, ad quam familiam per Margaretham filiam Henrici de Friburg devoluta, devenerat ad Furstenbergicos) urbis Friburgensis cives iterum relinquerunt redemptam Eginoni comiti de Friburg, cuius in ecclesia Badenwillana hodieque extat lapis sepulchralis annum obitus 1385. designans apud Schoepflinum b), qui paullo post perhibet, Conradum III. Eginonis IV. filium comitem & Landgravium Brisgoiæ an. 1397. castrum suum Badenwiler Rudolpho & Heßoni marchionibus de Hachberg, ut & Conrado comiti Tubing. domino in Liechtenegge tradidisse, mutuum pecuniam ut ab eis acciperet: qua reddita ipse eiusque heredes recepturi sint arcem, quæ vergente seculo ad Leopoldum Austriæ ducem pervenit cum urbe cuius nobiles cives an. 1370. societatem in gratiam Alberti & Leopoldi Austr. inierunt, ut charta archivii Friburg. nos docebit. Iterum sequenti seculo reddita Ioanni ultimo surculo stirpis comitum de Friburg, uti deinceps etiam sunt compellati, postquam iam an. 1368. ut vidimus, pro civitate Friburgensi dynastia Badenwillana Eginoni IV. esset tradita. In excutiendo dominatu Furstenbergicorum comitum eiusdem cum Friburgensibus profapiæ exemplum iam præierat urbs Villinga an. 1324. sese redimendo a Götz, seu Gotfrido & Ioanne filiis Egonis III. fatis lineæ Haslacensis, quæ ditio Haslacensis post mortem Ioannis ad imperium rediit cum consensu domini directi episcopi Argentoratensis, an. 1389. restituta Henrico IV. eo feudali nexu, quo adhuc obnoxia est ecclesiæ Argentoratensi, quum iam an. 1303. Friderici I. comitis vidua Adelheidis, per quam ditio Wolfacensis Furstenbergicis obtigit, Friderico episcopo Argent. dynastias Furstenegg & Oberkirch vendidisset.

Floret

Floret hodie in Nigra silva illustris familia, enata sec. XIV. ex scul- SECVLVM  
XIV.  
 tetis oppidi Oberkyrch a): ex quibus primus ad finem seculi XIV. Ob-  
 recht Schultheiss de Neuenstein notatur, quum iam eo ineunte alter  
 ramus Rohart de Ullenburg effloruisset. Exorta autem an. 1479. inter Al- a) Vid. Schae-  
pflinus Alsat.  
illustr. T. II.  
p. 711.  
 bertum & Gebhardum de Neuenstein ob hæc nomina lite, per arbitros  
 pronunciatum est, unam Rohart & Schultheiss eandemque esse familiam.

Idem pronunciatum est an. 1529. ob eandem causam nexumque feuda-  
 tarium, quo olim obnoxii erant comitibus de Friburg, episcopis post-  
 ea Argentoratensibus, comitibus de Eberstein, de Lupfen, marchionibus  
 de Baden, comitibus de Pappenheim ob feuda in Landgraviatu Stuhlin-  
 gano, principatus hodie Furstenbergici, quam apud aulam dudum meruc-  
 runt Neuensteinii pater & filius Carolus Fidelis de Neuenstein, cuius  
 frater Ioan. Nepomucenus officio magni decani in Ducali monasterio  
 Canipidonensi fungitur, soror vero M. Iosepha abbatissa est principalis  
 collegii Obermünster Ratisbonæ.

Circa medium sec. XIV. fertur prima pulveris tormentarii tormento-  
 rumque bellicorum inventio Friburgi Brisgoiæ esse facta per monachum  
 quemdam seu religiosum Franciscanum Bertoldum Schwarz. Invento-  
 rem Bertoldum an. 1388. a Wenceslao R. R. supplicio affectum volunt  
 nonnulli cum Crusio in annal. Sueviæ b), qui c. 9. Bombardarum apud b) L. V. p.  
 Augustanos primam mentionem occurrere ad an. 1372. primumque c. 12. III. c. 13.  
 missilium eiuscemodi usum in Wirtembergia an. 1378. statuit, ac Ioan-  
 nem Aroviensem tria tormenta ænea Augustæ fecisse in atrio Ulrichiano:  
 quorum maximum torqueret globum ferreum 127. librarum, alterum  
 70. minimum 50. librarum ad spatium mille passuum.

Affert Adelzreiter ex archivio Bavarico tabulas testes, Austriacis anno  
 1330. Villingam urbem beneficiario iure possidendam esse concessam,  
 quam vidimus comitibus Furstenbergicis obnoxiam, donec ære suo per-  
 inde ac Friburgum Brisgoiæ redempta Austriacis se submitteret principi-  
 bus. Ioan. Vitoduranus c) atrociam narrat, quæ obvenerunt civibus Vil- c) pag. 33.  
 linganis mala tempore Ioannis XXII. P. a comitibus in Furstenberg Has-  
 lacensibus.

Ad nos etiam pertinet, quod an. 1342. gestum narrat d) a civibus d) L. c. p. 63.  
 de Waltshut, unacum Silvanis & civibus de Balneis, dum suburbia ca-  
 stelli Klingnou, ob iniuriam quamdam eis a diocesano possessore castelli  
 illatam in cinerem & favillam penitus redegerunt. Ad an. 1343. e) ma- e) pag. 66.  
 ximam Rheni inundationem notat, quæ de Laufenburg oppido fere duo-  
 decim domos cum pontis abstractione abduxit; insuper, pergit, ultra

SECVLUM  
XIV.

*muros oppidi Sekkingen influens rapidissime, habitatores universos fere eius exclusit & effugavit cum pluribus etiam domibus, quas miserabiliter dissipando, & a locis suis avellendo abduxit.* Substitit integro hoc adhuc sec. XIV. linea Habsburgo - Laufenburgica usque ad an. 1408. quo Ioannes IV. ultimus huius stirpis defunctus est, postquam iam an. 1386. civitatem cum comitatu a Ioanne III. emerat Lupoldus eodem adhuc anno apud Sempach infelicitur occumbens. Mansit tamen adhuc apud superstitem lineam Laufenburgicam feudi loco dynastia Laufenburgica atque etiam Seconiensis, ut apud P. Herrgott in Geneal. Habsb. a) notatur. In tractu hoc urbium silvestrium ad Rhenum nobiles de Howenstein, seu Hauenstein, non confundendi cum cognominibus ad montem Hauenstein in Helvetia, occurrunt in chartis sec. hoc XIV. iamque etiam in monumentis San - Blasianis sec. XIII. Quo quidem anno 1272. Rudolphus comes de Habsburg, Meinhardo comiti Tyrolensi fideiussorem obtulit Henricum de Owenstein, de quo quidem haud contenderim: certe tamen ad Nigrasilvanos pertinet Ulricus de Howenstein miles, qui Wernerum & Henricum de Howenstein fratres unacum earumdem sorore ita adhibuit, ut emptionis tabulas ratas haberent apud Laufenberg in loco, qui dicitur Verlisburch an. 1289. Anno 1304. Ioannes & Ulricus de Howenstein fratres motam inter eos & S. Blasii cœnobium litem amice demum composuerunt feria V. post festum S. Iacobi, ut charta autographa appenso sigillo docet: ubi in averfa autographi parte manu cœva hæc leguntur: *littera domini Ioannis militis dicti Spivertil super castro suo Howenstein.* Passim in necrologiis San - Blasianis familia dicta de hoc castro notatur. An. 1356. Ioannes de Howenstein eques anniversarium sibi statuit in ecclesia Seggingensi ad diem secundam Ianuarii celebrandum: ubi porro in festo S. Petri Cœlestini quot annis anniversaria funebria peraguntur Rudolpho de Howenstein.

b) *Ad d. VI. Mart.* Legitur apud Bolland. b) epistola Fr. Ioan. Brandenburg canonici Seconiensis, in qua dicitur circ. an. 1330. templum & monasterium S. Fridolini conflagrasse, ac annis sequentibus eo se Albertum Aust. Rom. regem cum pluribus imperii principibus contulisse, quo cladem incendii arbitraretur. Est a meis sodalibus in Pinacotheca Austr. animadversum, confundi hic tempora cum re ipsa, incendio nimirum an. 1272., quod superiore libro commemoravimus, sacraque ex illo S. Fridolini lipsana erepta; ex quibus pars an. 1357. Rudolpho archiduci fuit donata a Margaretha de Grynneberg abbatisa monasterii Seconiensis. Apud Bruschiū Annæ a Wessemburg abb. an. 1306. defunctæ, Elisabetha de Busnang, princeps &



& matertera Alberti R. R. substituitur, quæ an. 1307. & 1316. præfuerit: post eamque Agnes de Brandis, quæ an. 1343. novum templum Secconienſe, magnificum equidem in honorem ſanctorum Fridolini & Hilarii conſtruxerit, præfueritque etiamnum an. 1349. & poſt eam Anna comitiſſa Tulenſis defuncta in die S. Galli anno D. 1356. tum Margaretha de Buſſenang, & demum Margaretha Grunenſberg, quam modo memoravimus, an. 1357. reliquias S. Fridolini Rudolpho archiduci flagitanti donaffe, ut ex authenticis palam fit tabulis ad ipſas ſacras reliquias reſoſitis, iterumque Viennæ recognitis, cum pars reliquiarum inde levata ad novam monaſterii S. Blaſii eccleſiam transferretur an. 1780.

Illuſtri B. de Zurlauben in acceptis refero chartæ, quæ ſervatur in ſcriniis regalis olim abbatiz in Koenigsfelden notitiam, qua *Adelbeidis de Kaiſerſtut*, canonica eccleſiæ ſecularis Secconienſis Conſtantiens diœceſis teſtata facit factam an. 1307. decimarum, quas Arnoldus dictus Trutman de Berona ab eccleſia Secconenſi iure hereditario emphiteutico poſſederat, reſignationem filio eius Marquardo, appenſo ſigillo *vener. dominæ Elizabeth de Buſſinanch*, Dei gratia abbatiffæ eccleſiæ Secconienſis. An. 1321. Adelaidis abbatiffa Secconienſis monaſterio in Koenigsfelden tabulas venditionis decimarum in Tottnickon &c. conſignavit. Ad nos propius attinget charta eiſdem monaſterii in Koenigsfelden, qua *frater Mangoldus de Nellenburg*, vices gerens per Alemanniam ſuperiorem Prioris Hoſpitalis S. Ioannis Iheroſolymitani notum facit, quod cauſa mota inter ſereniſſimam dominam Agnetem reginam, nec non monaſterium in Chungsvelt, ac commendatorem domus in Cblingnowe, ſub conceſſione curtis ze Togren, omnes commendatores in conſilio Baſileæ habito unanimiter conſuluerunt, ut prædictam curtim prædicto monaſterio collocarent. Edimus chartam datam ze Waldshut die lunæ proximo ante feſtum nativitatis B. M. V. qua Scultetus & cives Waldshutani declarant, a Ioan. Wolen cive ze Waldshut; habitante ze Loffenberg, & illius uxore villam Togern, quam tenebat a domo equeſtri ze Klingnow, fuiſſe venditam abbatiffæ & conventui von Kungsvelt. Teſtes ſubſcribunt *Her Iohans von Weſenberg Ritter, ber hans Caplan unſer gnedige Vrowen von Ungern, Iohans Bilgrin, burger von Zurich, Iohans und Peter de Munchingen*, quæ nobilis familia in Waldshut habitabat, paſſim apud P. Herrgott in codice probat. Geneaſ. Habsburg. notata, uti etiam equeſtris de Weſſenberg & de Honſteten, ex qua Ioannes ultimus eſt inter teſtes memoratæ chartæ munitæ ſigillo civium Waldshutanorum, ubi, ac in Laufenburg ſedem etiam habuerunt nobiles de Wolen, Wollon, Wollun ex Argovia inferiori oriundi, ubi eſt

paro-

SECVLUM  
XIV.

parochia eius nominis; fueruntque aliquando ministeriales comitum de Habsburg, postea possessores arcis Habsburg; quam Henricus an. 1415. Bernatibus Argoviam invadentibus cessit. Familia hæc in actis Murenlibus celebratur, atque occurrit apud citatum P. Herrgott ab anno 1227. usque 1329. Villam Togern a Ioanne de Wolen monasterio Kœnigsfeldensi venditam, eodem anno inter manus abbatis & conventus collocavit Clignovii frater Rudolphus de Buttikon commendator, & fratres domus Chlingenowe ord. S. Ioannis Hierosol. Acta sunt hæc in mense Septembri & Decembri anni 1335. dum iam mense Maio Ioannes de Wolen *ze Loffenberg gefessen*, chyrographum dedisset Wernero scribæ, *dem Scriber*, in Waldshut pro debito 50. librarum, oppignorata curte, quam a memorata Agnete regina in Togern possidebat. In appendice libri singularis *de translatis Habsburgo-Austriacorum principum cadaveribus ex ecclesia cathedrali Basileensi, & monasterio Kœnigsfeldensi in Helvetia ad conditorium novum monasterii S. Blasii* edidimus chronicon Kœnigsfeldense transcriptum a *Clemi Fryger von Walzhuot lermeysser*, quem fuisse curatorem bonorum monasterii Kœnigsfeldensis ad litus Nigrasilvanum in Waldshut coniicere licet. Iam notavimus in memorato libro singulari a) diploma Friderici & Leopoldi ducum Austriæ, quo' clauistro Kœnigsfeldensi ius patronatus ecclesiæ inferioris in Waldshut donant b); dotem vero ecclesiæ in Staufen, & curiam in Rheinfelden in litteris foundationis an. 1311. exprimit Elisabetha vidua Alberti R. R. eo loci a parricidis occisi 1309. c) quæve causa fuit constituendi monasterii.

Metropolis  
Moguntina.

VII. Status Hierarchicus Nigræ silvæ, ad quem iam propius instituto nostro progredimur, admodum fuit turbatus sec. XIV. collisusque cum politico, quod metropolim imprimis sedem Moguntinam attinet. Nar-  
d) *Tom. II. rat* Volcmarus coævus scriptor apud Oefelium d), principes quosdam  
*Script. R. B. videlicet* episcopum Coloniensem, episcopum Moguntinum, ducem Ba-  
*pag. 538.* varicæ & quosdam alios quasdam munitiones sibi convenientes, vel suis provinciis adiacentes suo coniunxisse dominio tempore Adolphi regis, has vero repetiisse Albertum. Iam an. 1300. telonia ad Rhenum revocayerat, detrectantesque ac primum quidem, Gerhardum II. Moguntinum bello petiit, quod pluribus explicatur P. II. Chron. Colmar. apud Urstium e), paucis vero laudatus Volcmarus memorat civitatem Bingam Albertum impugnasse pariter & expugnasse, & alias munitiones regni manu valida repetiisse & resumsisse.

Mortuo interea temporis an. 1305. Gerhardo an. 1306. Petrus ex episcopo Basileensi ad Moguntinam sedem translatus fuit Henrico VII. cuius

cuius aliquando medicus fuerat, gratus, pius ac doctus, officio recte perfunctus. Synodum ab eo an. 1312. in causa Templariorum celebratam iam memoravimus. In altera an. 1316. celebrata egregias constitutiones pro reformatione status monastici fecit encyclicis editis, quæ extant T. IV. Conc. Germ. a).

SECVLVM  
XIV.

a) pag. 259.

Dum an. 1318. de episcopo Constantiensi eligendo ageretur, & spes esset, ut verbis Alberti Argentinensis b), de Mathia, custode monasterii Morbacensis, ordinis S. Benedicti Basileensis diocesis fratre Hugonis comitis de Buchecke, servitoris Roberti regis Sicilia post exclusionem electorum promovendo: ecce moritur Petrus archiepiscopus Moguntinensis. Quo intellecto in curia, Ioannes papa, ad preces predicti Roberti regis Sicilia, ob servitia predicti Hugonis eidem Mathia de Buchecke, dilecto etiam ducibus Austria, de Moguntinensi archiepiscopatu providit. Prout res in gestis Balduini de Luczenburg, fratris Henrici VII. Imp. narratur lib. I. c. 4. apud Baluzium c), defuncto Petro, Moguntinense capitulum venit ad dominum Baldewinum totaliter congregatum, & ad sanctam Moguntinensem sedem in capitulo concorditer ipsum postulaverunt. Et ecce non post multum temporis intervallum venit quidam nigrorum de ordine monachorum Matthias nomine electus & confirmatus a papa in archiepiscopum Moguntinensem destinatus, qui se omnimode in domini Baldewini gratiam donavit, electionem domini Ludovici regis per dominum Baldewinum adprobavit, & cum illo sibi utiliter conspiravit. Unde dominus Baldewinus ipsum a capitulo in archiepiscopum receptari feliciter procuravit, de sua postulatione facta gratiarum multimodas referendo actiones. Accepit postea Matthias a pontifice coadiutorem Henricum placidum Austria ducem & canonicum Moguntinum, at is resignans postmodum uxorem duxit, & obiit an. 1327. post infelix praelium Amphingense, in quo cum fratribus captus fuit.

b) pag. 121.

c) T. I. Moguntin. p. 141.

Anno sequenti 1328. etiam Mathias Moguntinus moritur, dumque canonici sodalem Gerlacum eligunt, Ioannes XXII. P. Henricum de Virneburg, æque canonicum opponit, improbata etiam Balduini Trevirensis archiep. postulatione, ut Albertus Argent. perhibet d); Carolum item imperat. in odium Henrici Moguntini Pragensem episcopum subditum Moguntinensi promoveri in archiepiscopum procuravisse & duos episcopatus in Bohemia sibi subiici, & a Moguntinensis ecclesie ditione absolvi, & eidem Pragensi ius coronandi regem Bohemia, quod antea habuit Moguntinus concedi, iurans idioma Bohemicum a Germanico distinctum. Adiecti ei sunt suffraganei Olomucensis episcopus & Litomerinus novus ex

d) pag. 135.

SECVLUM  
XIV.

ord. Præmonstratenſi; effectū vero caruit, quod Udalricus Onſorg in chron. Bavar. ad an. 1365. apud Oefelium a) teſtatur, imperatorem Carolum obtinuiſſe in Avenione a papa, quod eccleſias *Bambergensem, Ratisponensem, & Miſnensem Urbanus V. ſubiicere deberet archiepiscopo Pragenſi.*

b) *Add. Piſt.* In paralipomenis rerum memorabilium ad chron. Urſperg. b) refer-  
*T. II. Script.* tur, circa hæc tempora Carolum Moguntia comitia celebraſſe, aſtituiſſe  
*R. G. p. 896.* autem Cunonem de Falckenſtein canonicum Moguntinum cum capiti-  
*Trithem. in* pretioſo, aureis & ſericis ligaturis confuto, quod imperator ſuo capiti  
*chron. Hiſf.* imponens inquit: *ſumme in capitiſo Cunonis plus militi quam clerico ſimi-*

*lis?* Gerlaco autem præcepit, ut clerum reformaret, tollereturque abu-  
ſum in veſtibus, calceis, capillis & toto vitæ habitu. Fuit hic Cuno de  
Falckenſtein unus ex tribus canonicis de capitulo, quibus circa an. 1347.  
adminiſtrationem Moguntinenſem *de conſilio principis & voluntate Hen-*

c) *pag. 139.* c); dumque an. 1348. prior ex illis Conradus de Kinkel, miniſter Mo-  
guntinenſis eccleſiæ a Ioanne iuniore comite de Naſſawe multis arma-

d) *pag. 145.* tis capitur, Cuno in miniſterio ſubrogatur d); de quo idem plura ad an.  
1353. quo ipſo dum ex improvifo moritur Henricus de Virneburg præ-

e) *T. I. Script.* fatus de Falckenſtein, teſte Henrico Rebdorf apud Freherum e), cum  
*R. G. p. 639.* Gerlaco episcopo, pertractante hoc rege, concordatur &c.

Expetebatur nihilominus Cuno de Falckenſtein poſt mortem Gerlaci  
an. 1371. a parte capituli Moguntini, iam tum archiepiscopus Trevi-  
renſis, qua vero contentus ſede Moguntinam detrectans Ioanni Luxem-  
burgico Wenceslai R. R. cognato reliquit, hicque dum vix eam tenuit,  
mortuus an. 1373. Ludovico marchioni Miſnenſi a Gregorio XI. a ſede  
Bambergeniſi in Moguntinam translato *contra dominum Adolphum de*  
f) *T. I. pag.* Naſſaw, ſunt verba Martini Fuldendiſis apud Eckardum f) *episcopum Spi-*  
1730. *renſem, per collegium Moguntinum ibidem poſtulatum & electum. Quo*  
*non obſtante Adolphus prædictus eccleſiam præfatam attemptavit &c.* atque  
etiam an. 1381. rebus utrimque compoſitis, obtinuit eiſdem item poſt  
Conradum II. frater Ioannes II. circa finem ſec. XIV.

Eccleſ. Con-  
ſtantiendiſis.

VIII. Modo meminimus ex Alberto Argentinendiſi, Gerardo de Senar,  
alii Eberhardum de Bernar nominant, episcopo Conſtantiendiſi mortuo,  
qui Henrico II. de Klingenberg an. 1306. defuncto ſucceſſerat, electos  
in diſcordia Henricum de Klingenberg Præpoſitum, & Henricum de  
Werdenberg canonicos Conſtantiendiſes in curia Romana litigaſſe: *exclu-*

g) *pag. 131.* ſis autem, pergit Albertus g), *dictis electis Rudolphus de Monteforti per*  
*ipſum*



ipsum papam ad Constantiensem ecclesiam est promotus, cui etiam vacans SECULUM XIV.  
*monasterium S. Galli committitur.* Habetur eiusdem convocatio ad synodum dioecesanam an. 1327. a) de qua plura refert Io. Vitoduranus a) *Tom. IV. Conc. Germ. pag. 291.*  
 ad eum annum b), & iam antea de turbis c), quas Rudolphus de Hobenberg concitaverat contra Nicolaum de Frauenfeld Rudolphi successorem: eoquod episcopatum eundem tam per papam, quam per electionem b) *pag. 38.*  
*legitimam canonorum eiusdem ecclesiae adeptus fuit, suo filio abiecto domino Alberto, iuris perito egregio, canonico ecclesiae praefatae, non propter demerita propria, sed propter tyrannidem patris, quae vehementer timebatur, & verisimiliter suspicabatur ecclesiae saepe dictae imminere, si filius in electione praevaleret.* c) *pag. 34.*  
 Et si vero specimen quoddam avaritiae erga religiosos suae dioeceseos idem Vitoduranus in Nicolao de Frauenfeld referat alicubi d), postea tamen eundem vicissim laudat ad an. 1343. & d) *pag. 52.*  
 1344. e) dum contra iura paritatis & tenacitatis sibi a primordiis nativitatis indita, super egenos, qui nimis propter Karistiam, ut supra disse- e) *pag. 72.*  
 rui, tunc in Alemanniae partibus crudeliter saevientem multiplicati fuerant, pia gestans viscera, misericordiae operibus mirabiliter impendebat. &c.

Narrat postea ad an. 1345. f) vacasse post mortem Nicolai sedem f) *pag. 78.*  
 episcopalem Constantiensem ultra spacium integrum anni solaris, cum scandalo totius terrae. Nam, pergit, decanus eiusdem ecclesiae & dominus Albertus de Hobenberg contra se in Avenione apud papam Clementem VI. cum multo taedio & dispendio morabantur. Tandem decanus episcopatum obtinuit post graves sumtus & pecuniae immensas donationes. Fuit hic Udalricus III. sub quo Constantiae, ut passim per Europam sec. XIV. dira fuit Iudaeorum persecutio, quod inter alios multis locis laudatus Io. Vitoduranus, & Albertus Argentinensis commemorant.

Successorem habuit Udalricus III. Ioannem IV. Alberti claudi Austriae ducis cancellarium, sub quo an. 1352. teste Bucelino in chronol. Constant. Carolus IV. Imp. Constantiam advenit. Ioanne episcopo an. 1356. in suo palatio occiso per quosdam milites & multis vulneribus confosso, ut habet chron. Hen. Rebdorf, inducit Leopoldum ex canonico Bambergensi factum episcopum Constantiensem Gallia Christ. ex Hartmanno annalista Einsidlensi. Extat Romae in bibl. PP. Oratorii Msc. sec. XV. Leopoldi de Bebenburg *De potestate & iurisdictione Electorum sac. Imperii in electione regis Romanorum & de translatione Imperii de Graecis ad Francos.* Eo in codice pag. priori haec adnotata leguntur: „Ex chronica monasterii S. Blasii sub gestis Caroli IV. imperatoris Dominus Balduinus archie-

SECVLVM  
XIV.

„chiepiscopus Trevirensis, ad quem D. Leupoldus de Bebenburg hunc  
„libellum scripsit, comes fuit de Lutzelburg, filius scilicet dni Hainrici  
„imperatoris avi Caroli IV. qui eandem ecclesiam XL. annis, & amplius  
„laudabiliter rexit, mortuusque fuit mense Ianuario, anno dni 1354.  
„Ipse autem dns Leupoldus primum promotus fuit in episcopum Baben-  
„bergensem, atque ex\*post mense Martio II. Nonas anno dni 1357. ei-  
„dem dno Leupoldo ad petitionem prædicti dni Caroli imperatoris per  
„dnm Innocentium PP. VI. provisum fuit de ecclesia Constantiensi,  
„posteaquam iam vacavit I. anno I. mense & XVI. diebus per mortem  
„dni Ioannis Roindlock episcopi Constantiensis, in palatio suo occisi.  
„Attamen quomodocumque idem dns Leupoldus possessionem assecutus  
„non fuit, sed dns Hainricus de Brandis abbas loci Heremitarum.“

Udalricus nempe immediate post Ioannem IV. electus cedere maluit, quam iura cameræ apostolicæ solvere, Henrico abbate Einsidlensi in eius locum suffecto, sub quo B. Henricus Suso ordinis Prædicat. Constantia oriundus obiit an. 1365. inter præcipuos theologiæ mysticæ doctores non tam clarus verbo quam factis sanctitateque vitæ, quam Ulmæ multis annis duxit familiaris imprimis P. Walthero de Bibera, monacho Wiblingensi.

a) *Tom. IV.* Memoratu item dignum est, quod Bulæus in hist. univers. Paris. a)  
p. 449. commemorat de Ulrico Constantiensi in rectorem universitatis Parisiensis electo an. 1377. gubernante sub Henrico III. & iterum an. 1384. quo Henricus cathedram nepoti ex fratre Manegoldo abbati Augiæ divitis reliquit, sed schismate contendentium Clementis VIII. & Urbani VI. infectam, dum Clemens Manegoldo, Urbanus Nicolao de Risenburg eam destinat, quam postea Nicolaus post mortem Manegoldi aliquamdiu quietus tenuit, postea suis exosus cessit Burchardo I. de Howen, matre Uta de Furstenberg genito, qui non obstante schismate, favente Urbano VI. concorditer electus a canonicis fuit.

Spirensis.

IX. Variæ, quas notavimus in Sede Moguntina vicissitudines sec. XIV. subinde etiam episcopatum Spirensis attinuerunt. Post Sibottonem de Lichtenberg an. 1302. renunciatum episcopum, eiusque post mortem an. 1314. successorem Emichonem de Leuningem Mathias Moguntinus archiepiscopus fratri suo Bertoldo de Buggecke ordinis Teutonici, equiti & Commendatori quasi invito, ut scribit anonymus apud Urstisium b) de rebus gestis huius Bertoldi, episcopi paullo post Argentinensis, cum armata militiæ miles strenuus fuerit, per dominum papam de ipso episcopatu

b) *P. II. pag.*  
168.

tu

tu procuraverat provideri. Hic Bertholdus, qui semper in ordine vixit egregie, sibi que Basileæ domum sui ordinis domui contiguam construxerat speciosam, in qua cogitavit vitam habere quietam cum difficultate & dubio barbam rasit, in vita & aliis, pro episcopo sese gerendo. Et ecce Rhenum descendens fratrem in Schiltenberg decumbentem invenit. Qui in omni virtute honoris & corporis crastina nativitatis beatæ Virginis anno Domini 1329. ab hac luce subtractus, in medio Moguntinensis ecclesiæ est sepultus. Hugo autem frater eorum, qui & ipse interfuit, ad curiam illico est profectus. Audita vero morte archiepiscopi, comes de Wirtemberg & alii barones munitiones ecclesiæ Spirensis occupantes, eidem Bertholdo, ne episcopatum Spirenses posset ingredi, resistunt. Qui Bertholdus diu stans in Wormatia sumtuose, ab amicis & aliis extitit desolatus. Conradus autem de Kinkel, thesaurarius Argentinensis, se de seipso fideliter intromittens, initis cum prædictis baronibus quibusdam compositionibus, ipsum Bertholdum ad ecclesiam Spirenses, & eius munitiones traduxit, promissis inter alia domino de Wirtemberg, & post Argentinæ solutis, marci mille trecentis.

Bertoldi an. 1329. vel 1330. successor Waldramus de Veldentze, <sup>a) L. c. pag. 169.</sup> cui familia comitum de Wirtemberg eodem teste a) abb. Argent. auxilio fuit, favore Balduini Trevirensis & provisione Ioannis XXII. P. factus episcopus, ab eodem Balduino tot episcopatum administratore an. 1332. obtinuit, ut episcopatum tot debitis gravatum. suscipere regendum in temporalibus; quem post mortem Walrami an. 1336. a debitorum gravaminibus relevatum, & multum melioratum, ut ex Balazio Gallia Christiana adnotavit, duxit resignandum, Gerlacumque seu Gerardum eligendum. Sub hoc episcopo Spiræ combustus est an. 1356. pertinax & obstinatus hæresiarcha, ut Trithemius in chron. Hirsaug. refert, ex eorum secta, quos Germani Begardos adpellant, nomine Bechtoldus in civitate Spirensi occulte circueiens & in secreto simplices docens, varios & abominabiles seminavit errores. Quos ibidem recenset Trithemius, refertque ad an. 1363. mortem Gerhardi de Erenberg episcopi Spirensis. Huic, subdit, electione canonica in episcopatu successit Lambertus de Buren abbas monasterii nostri Ordinis in Gengenbach, Argentinensis diocesis, & præfuit annis decem & octo, quibus in pontificatu Spirensi exactis ad ecclesiam Bambergensem fuit translatus. Consentit chronic. præfulum Spirensium apud Eccardum b); mox sequens catalogus eum etiam b) T. II. pag. 2272. episcopum Brixinensem fuisse c), Spirenses autem auctoritate factum fuisse perhibet Caroli IV. cuius etiam cancellarium fuisse chronic. Gengen-

c) P. 2275.

SECVLUM  
XIV.

a) *Tom. III.*  
*Spicil. eccles.*  
p. 291.

bacense apud Lunigium a) testatur, a quo res gravissimas imperii administrandas acceperat. Ad Bambergensem ecclesiam auctoritate & mandato Urbani VI. translatum Trithemius memorat ad an. 1381.

Hoc anno eodem teste post Lamberti huius translationem *Adolphus de Nassau nobili & antiquo comitum genere ortus, Spirensium episcopus ordinatus præsuit annis quindecim, vir & ipse ingenii perspicacis & acuti, qui pro libertate ecclesiastica nonnullas cum civibus suis contentiones habuit, quæ tamen non diu permanserunt, sed interpositione amicorum dissensio ad concordiam pacis revocata fuit.* De hoc Adolpho diximus paullo ante ad sedem etiam Moguntinam assumto. Eiusdem familiæ fuisse Nicolaum Adolphi successorem vult Trithemius; chronicon vero & Catal.

b) *L. c. pag.*  
2272. 2275.

episcop. Spirensium apud Eccardum b) eum de Wisbaden nominant. Chronicon illum octo annis habuisse lites perhibet cum Adolpho pro ipsa ecclesia Spirensi, & tandem eam obtinuisse in curia Romana contra præfatum Adolphum: & post hæc septem annos tanquam bonum & providum præfulem gubernasse ecclesiam suam usque ad an. 1396. quo mortuus Rhabanum de Helmstad successorem habuit.

Argentoratenus.

X. Ante Bertoldum de Bugecke, quem modo meminimus e sede Spirensi ad Argentoratensem translatum, ab ineunte sec. XIV. præfuit huic ecclesiæ Fridericus I. de Liechtenberg antecessoris sui Conradi frater, quem superiore libro diximus præfente Alberto I. Argentorati electum, præfenteque Gerardo Moguntino confirmatum ab eodemque consecratum fuisse. Sed an. 1306. in obsidione Friburgensi interfectus episcopatum Ioanni I. reliquit, cuius extat charta an. 1315. in Allat. diplom.

c) *T. II. pag.*  
116.

c) qua ecclesiam parochialem S. Nicolai collegiatæ S. Thomæ tradit. Extatque in archivio San-Blasiano charta qua an. 1326. auctoritate pontificia monasterio S. Blasii unit proventus parochiarum in Birmensdorf. Sub eo Argentorati floruit Ludolphus Prior Carthusianus, qui vitam I. Ch. scripsit, commentaria in psalmos edidit, & alia multa,

d) *Hist. univ.*  
*Parif. T. IV.*  
p. 186.

ut de eo Bulæus ad an. 1320. d) refert.

e) *pag. 110.*

De rebus gestis Bertoldi, de quo passim sumus locuti, scribens anonymus testatur e), ei Gebhardum de Friburg Præpositum Argentinensem habentem in se magnam capituli partem, & aspirantem ad episcopatum obstaculum fuisse, sed destitisse a proposito, Bertoldumque anno 1328. iura & muntiones ecclesiæ obtinuisse quiete. Attamen continua fere bella gessit cum comitibus de Wirtemberg, marchionibus de Baden, dominis de Geroldsecke, comitibus de Oetingen, Landgraviis

Alfa-



Alfatiae inferioris, ipso Ludovico Bavaro, cui homagium praestare detestabatur a): simultates etiam cum clero habuit & capitulo Argentoratensi, captus an. 1337. in villa Haselach. Ludovicus Bavarus postea Columnbariam veniens, eum ac Basileensem episcopum suo servitio attrahere conatus est; Argentinensis autem congregationem episcoporum provinciae Moguntinae persuasit: quibus Spirae congregatis frustra Henricus Moguntinus eum conciliare Ludovico studuit. Bello idcirco petitus tandem coactus fidem dedit. Multis enarrat Volcmarus apud Oesefium b) scriptor coaevus, coniurationem factam Argentorati contra Ludovicum, ut ipsum dolo tenerent & occiderent. Ludovicum nihilominus damna episcopo illata refarcisse prodit charta apud eundem Oesefium c); stipulata pecuniae summa, pro qua etiam summa pecuniae, ut habet charta, eidem episcopo spectabiles & nobiles viros fideles Fridericum Burggravium de Nurembergh, Gerlacum comitem de Nazzau, Rudolphum seniore de Baden, & Fridericum marchionem de Baden, Bertoldum comitem de Nissen, Rudolphum comitem de Hohenberch, Eberhardum comitem de Geminoponte, & Ulricum comitem de Wirtemberg, Ludovicum de Lichtenberg, Ioannem de Ochsenstein, Chraftonem & L. de Hohenloch in solidum vades dedit. Propitium is Carolum IV. habuit d), qui eidem an. 1351. Ortenaviam Rudolpho IV. de Baden oppignoratam redimendam concessit, sequenti seculo a Guilielmo II. epis. cum urbe Argentinensi bello implicato, sponte Ruperto caesari redditam, ut apud Guiliemannum notatur e). Floruit sub eo Thomas Argentinensis insignis ordinis Eremitarum S. Augustini theologus, imprimis vero celebratissimus Ioannes Taulerus ord. Praed. theologiae mysticae tunc cum Ioan. Ruysbrockio, quem saepe adibat, colebatque ad profectum vitae interioris, stator: quibus Eisengreinus in catal. f) testium veritatis iungit Ioannem Fust ord. FF. B. M. de monte Carmeli Priorem Argent. virum eruditione & eloquentia clarum, theologum sacrarum legum exercitatissimum.

Hi omnes fato functi sunt sub Bertoldi successore Ioanne II. in cuius episcopatum, ut Guiliemannus memorat g), incidit memorabilis ille terrae motus, quo Basilea pene tota subruta, & Argentinæ quoque haud parva accepta damna an. 1356. festo die D. Lucae evang. duravitque per annum pene integrum non eodem tamen tremore & terrore, ut tamen anno sequenti in festo S. Sophiae validius concussi Argentoratenses in campis primum, deinde a magistratu revocati in hortis urbis tentoria fixerint ad habitandum. Ioanni II. post Ioannem III. successit supra laudatus Lambertus de Buren, quem ad sedem Argentoratensem transisse perhibet Gallia Christiana an. 1371. precibus imperatoris, annuente Gregorio P.

Ut

SECVLVM  
XIV.

a) pag. 172.

b) T. II. Scri-  
ptor. R. B. p.  
551.

c) T. I. pag.  
772. &c.

d) Alb. Argen-  
tin. p. 179.

e) De epp. Arg.  
pag. 411.

f) pag. 142.

g) l. c. p. 394.

SECVLUM  
XIV.

Ut adeo ( non obstante ingenti sec. XIV. contentione nobilitatis Germaniæ, quæ deinceps præbendas cathedrales cum ecclesiis sibi appropriavit, ceu canonicas ) nulla sit sedes episcopalis, quæ hierarchiam in Nigram silvam exerceat, in qua non unus alterque episcopus sec. XIV. ex ordine S. Benedicti fuerit assumptus. In ecclesia quidem Argentoratensi post Fridericum II. Lamberti an. 1375. successorem Ludovicus ex abbate B. Mariæ Heremitarum seu Einsidlensi ( nulla ratione habita translationis Guillelmi electi Ultraiectensis episc. pontificia auctoritate factæ ) ad sedem Argentoratensem electus est a capitulo, sed quum ad capeffendam huius ecclesiæ possessionem in viam se dedisset, repentina morte correptus est in arce Felicone, ut ex annal. Herem. notat Gallia Christiana, corrigitque chronologiam, annum sc. 1402. siquidem Guillelmus II. post Ludovici mortem & Burchardum II. cedere coactum iam an. 1394. possessionem cathedræ Argentoratensis adierit die lunæ 14. Decembr.

Monasterium  
Schuttera-  
num.

XI. Tria sunt diocesis Argentoratensis monasteria, quæ Nigram silvam nostram propius attinent, ad eius confinia sita: ex quibus Schutteranum, quidquid asperum & nemorosum olim habuit medium inter duo reliqua Gengenbacense & Ettenheimense, dudum deposuit, ridetque inter amœnissima Ortenaviæ prata. Meminimus superiore libro Rudolphi II. huius monasterii abbatis, qui se an. 1300. in die palmarum abdicavit proprietate quarumdam personarum, quas resignavit Bertoldo abbati S. Georgii. Apud Schannatum in Vindemiis litterariis legitur instrumentum transactionis an. 1304. a) inter monasterium Schutteranum & oppidanos de Kenzingen & Endingen ratione damni illati lapideo Offonis sepulcro, per arbitros nobiles Henricum marchionem de Hochberg; & dominum Walterum de Geroldzeck. Sub eo an. 1305. lites inter monasteria Schutteranum & Alpersbacense compositæ sunt. Obiisse dicitur Rudolphus abbas IV. Idus Martii an. 1324. successisseque Leutfridum, sub quo Conradus, comes de Haburg, ut in citato chronico legitur, & sui hæredes iurant promissione fideli non molestare abbatem in curia & parochia Wiprechtzkyrch anno 1327. Eodem tempore fuerunt domini consanguinei de Claromonte, qui vocabantur comites Friburgenses.

Sequitur desolatio monasterii Schuttern descripta ex libello pontifici oblato pro unione ecclesiæ parochialis in Kondringen, ubi habetur b), quod Schutteranum monasterium propter discordias & incursus hostiles nobilium & potentum, diversorum etiam raptorum, & persecutorum præcipue fautorum Ludovici de Bavaria damnati, adeo attenuatum existat in substantia usque ad penuriam cedrosam, quod dicti abbas & conventus de-

*devenerunt in pulverem paupertatis, nec habent unde valeant sustentari, dicunturque ex nimia necessitate coacti, monasterio derelicto, per alienas partes miserabiliter mendicare: quare supplicant Ioanni papæ XXII. pro Krondingen incorporando, quod tandem factum est anno 1332. Alias aliarum ecclesiarum incorporationes ab eodem pontifice cum consensu Ioannis episc. Argentoratenſis aliunde in hoc monasterium benefici commemorat Fr. Guillimanus de episc. Argentin. a).*

SECOLUM  
XIV.

a) pag. 316

Accessit cumulus miseriæ & ruinæ ex bello Argentinensi anno 1333. cum Waltero de Tuwingen, domino in Geroldsecke, in Swannowe & in Schutera, quique oppidum Erstein tenuit nomine pignoris, quod læsi a Waltero primum expugnarunt Argentinenses, ut perhibet Albertus Argentinensis b). *Ipsi quoque, pergit, & episcopus pradiſus (Bertoldus) b) item Basileenses & Friburgenses, & omnes civitates imperii harum partium castrum Swannowe fortissimum, & in omni Alemanniâ, propter nimia mala inde facta, famosum, illico vigorosissime, & cum omnibus paramentis, quæ excogitari quasi poterant, obsederunt, facientes pontem cum navibus ultra Rhenum. Transeuntes quoque de obsidione oppidum Schutter & Solenne monasterium ignis incendio vastaverunt, muris oppidi funditus demolitis: quibus postea reparatis, denuo ab Argentinensibus demoluntur anno domini 1334. in autumno. Dira hæc fata omnia sustinuit Leutfridus abbas, cui an. 1337. successit Isenbertus, huic an. 1350. Wilhelmus I. deinceps an. 1370. Henricus II. de Luzelburg, an. 1390. Fride-ricus III. Widergrün de Stauffenberg. Sub Henrico Lambertus, quem paullo ante ex abbate Gengenbacensi inter episcopos Spirenses laudavi-  
mus, anno 1386. vero Waltero domino in Geroltzek episcopus Bam-bergensis advocatiam in Schuttern contulit in feudum, ut legitur in ap-  
pend. hist. Geroltz. c).*

b) pag. 172.

c) pag. 89.

XII. Intentatum illud bellum etiam oppidis imperii Offenburg & Gengenbach, ad quæ obsidenda, ut idem Albertus narrare prosequitur d), Bertoldus episc. Argentor. nitebatur exercitum suum traducere Rhenum, funestum esse potuisset monasterio Gengenbacensi, ubi certe ab Argentinensibus eversum fuit & devastatum monasterium inclusarum virginum Deo dicatarum, fundatum prope civitatem Gengenbach a Dietherico ab-  
bate. *Walterus dictus de Minzenbach cum consensu Dietrici abbatis in Gengenbach vendit & donat domno Ulrico quondam prapósito, nunc autem magistro infirmatorii monasterii S. Georgii, quadam bona ac decimas ma-  
iores & minutas in valle Huserbach. Dat. apud S. Georgium fer. III. in-  
fra octavam paschæ 1312. Diethricum seu Theodericum testatur chro-*

Gengenba-  
cense.

d) L.c. p. 172.

SECULUM  
XIV.

Chronicon monasterii Gengenbacensis apud Lunigium anno 1302. præfuisse (quem tamen iam in charta 1300. notavi) mortuum an. 1323. decima nona Nov. Alberonem autem eius successorem 29. Ian. an. 1329. quo ei Walterus successit: qui in monumentis monasterii S. Georgii compositionem fecisse legitur cum illo monasterio an. 1344. super quibusdam mancipiis. Chronicon annum obitus eius incertum esse dicit, præfuisse autem adhuc an. 1345. & Bertoldum an. 1349.

Huic celebratissimus ille Lambertus de Burn, Wilhelmi de Burn, equitis aurati filius successit: quem parentes capeffendi imperii cultus gratia, pergit chronicon Gengenbacense, in hoc monasterium collocarunt, qui postea habitum Benedictinum in Neovillensi cænobio suscepit, & adeo doctrina & pietate profecit, ut ex eodem loco in abbatem monasterii Gengenbacensis postularetur. Verum hanc dignitatem adeptus, multo maiori diligentia litteris incubuit, atque sua eruditione apud omnes magnum sibi nomen comparavit. Anno 1357. mancipia quædam monasterii sui Gengenbacensis cum San-Georgiano permutavit, iterumque an. 1372. iam episcopus retenta tunc adhuc abbatia cum Eberhardo abb. S. Georgii. In append. historiæ Geroldseck legitur transactio inter eum & Walterum vocatum de Tuwingen dominum in Geroldzeckē, Henricum de

a) Pragmatische Geschichte des Hauses Geroldseck Urkund. pag. 67.

Geroldsecke & Georgium fratrem eius an. 1360. a) In tanti viri gratiam edimus ex archivio San-Blasiano Philippi Cavallicensis episc. chartam an. 1360. iussu summi pontificis visitantis eodem anno provincias Trevirenses, Moguntinenses &c. atque adeo monasterium S. Blasii in cella Wittnau præsentibus venerabili Patre domino Lamberto abbate Gengenbacensi O. S. B. Argentinenfis diæcesis &c. Sedes episcopales Brixinensem, Spirensem, Argentinensem, quas tempore præsertim magni occidentalis schismatis dexterrime rexit præstantissimus vlr, iam nominavimus. Talis enim, ut habet chronicon Gengenbacense citatum b), erat Lambertus, ut qualibet ecclesia speraret eum in turbatis illis temporibus non sine fructu. Addit anno 1374. Anglis in Alsatiâ irrupentibus, atque plurima devastantibus loca pro viribus restitisse Lambertum, atque tandem ut expellerentur effecisse, obiisse autem Bambergæ die 15. Iulii sepultumque Forchthemii prope Bambergam, secus ac Guillimanno vivum c), Lambertum ad suum monasterium Gengenbacense se recepisse, & in eo privatam vitam aliquamdiu vixisse, ibique sepultum esse. Lamberto discedente sæpe laudatum chron. Stephanum de Wilsperg substituit successorem in abbatia Gengenbacensi an. 1378. Cui an. 1398. defuncto Conradus de Blumenberg successerit.

b) pag. 291.

c) De episcop. Argent. pag. 401.



XIII. Superest Ettenheimense diœcesis Argentinensis Nigrafilvanum SECULUM XIV.  
ord. S. Benedicti monasterium, cui ad finem, sec. XIII. Nicolaum I. ab-  
batem præfectum iam superiore libro memoravimus. Occurrit is in char-  
ta emptionis cuiusdam Silvæ an. 1302. immunitatem item a tributis om-  
nium bonorum in banno Ettenheim a Friderico episcopo Argentinensi  
certis obtinuisse conditionibus an. 1304. itidem charta docet. Emit an.  
1311 curiam dominicam in Ringesheim &c. decimas quasdam in Her-  
bolzheim an. 1316. & an. 1318. prædium cum multis bonis in Gra-  
venhausen. Superest adhuc an. 1322. Ettenheimen-  
se.

Quo anno obierit incertum, perinde ac annus, quo ei Hesso nobilis  
Alfata de Berlino abbas fuerit substitutus. Comparet autem an. 1326.  
in documentis foundationis & dotationis inter vivos Capellaniæ in Etten-  
heim. An. 1361. emisse domum Argentorati legitur, decimas item &  
alia bona monasterii S. Trudperti in ditione Gerolzeckenfi an. 1363.  
Quo anno obierit, ignoratur.

Nicolaum II. ei successisse documenta testantur, qui an. 1368. cum  
Alberto præposito & conventu monasterii in Yttenwiler ord. S. August.  
tractationem iniit decimarum eius loci causa. Eodem anno teste Schoe-  
pflino a), Henricus IV. marchio Badensis cum tribus filiis Ottone, Ioan- a) *Hist. Bad.*  
ne & Hessone, quos ei Anna Burchardi de Usenberg filia genuit, mo- *T. I. p. 362.*  
nasterio Ettenheimensi advocatiam vici Minnewilre salvo iure reuolutionis  
pro 150. libris denar. Argent. vendidit. Intelligenda est advocatia Mynch-  
wyrana, quam Nicolao abb. cum consensu Wilhelmi episcop. Argenti-  
nensis in hypothecam fuisse datam documenta Ettenheimensia docent.  
An. 1369. Nicolaus abbas, quo etiam vicum Witelbach emit, cum Ioan-  
ne episc. Argent. litem composuit circa mortuaria hominum ligiorum.  
Prædium item in Ringelsheim emit an. 1371.

Advocatiam Mynchwyranam marchiones de Hachberg an. 1388. re-  
demerunt sub Nicolai successore Iacobo abbate ex nobili prosapia de  
Eschach, quem a venatore quodam ob patratum flagitium comprehen-  
di iusso trucidatum perhibent an. 1396. & in ecclesia claustrali sepultum,  
Laurentium I. vero successorem datum.

XIV. Apud Ettenheim Bleicha fluvius diœcesim Argentoratensem & S. Trudperti  
Constantiensem perinde ac Ortenaviam & Brisgoiam determinat, ubi pri- monasterium.  
mum occurrit monasterium S. Trudperti, cuius insignem præfulem Wer-  
nerum II. superiore libro laudavimus mortuum an. 1302. eiusque succes-  
sorem Bertoldum anno 1310. Henricum II. an. 1319. cum Keraslito

SECVLUM  
XIV.

chronographo domestico, & Bucelino aliquando in eo monasterio novitiorum magistro, tenent San-Trudpertenses, falsi tamen ab an. 1317. usque ad an. 1324. in actis domesticis nomen abbatis non exprimi. Sic etiam desideratur nomen abbatis San-Trudpertini in chartis monasterii S. Blasii an. 1312. & 1323. quarum prima Clemens V. in mandatis dat abbati S. Trudperti, ut bona illicite distracta a monasterio S. Blasii ad illud revocet, in altera vero Ioannes XXII. abbati S. Trudperti idem committit, quod bona a monasterio in Sizenkilch, congregationis San-Blasianæ cella, alienata attinet: qui etiam an. 1326. monitorias dedit ad debitores monasterii in Sizenkilch, ad solvendum iuxta mandata apostolica; quæ chartæ superstites iterum tamen nomine carent abbatis.

Is vero fuit Wernerus III. qui, ut monasterium a continuis advocatorum pressuris liberaret, advocatiam ipsam, qua infeudati erant nobiles de Stauffen, an. 1325. ab eisdem emit. Tempore huius abbatis oppidum Munster conflagraisse creditur in valle situm, monasterium inter S. Trudperti & Staufen, ubi arx eius nomine, a quo dynastæ nobiles nomen acceperunt, quos attinet charta an. 1302. in archiv. episcopi Basileensis Brundruti servata hoc initio: *Diethelmus domicellus de Stofen per me & vice & nomine fratrum & sororum meorum Ioannis videlicet, Wilhelmi, Beatricis, Susame, Elyzabeth & ... dictæ Stefelin.* In archivio autem civitatis Friburgensis extat charta, qua se an. 1337. Diethelmus de Stoffen foedere iungit cum urbe Friburg. *Mit Wissen, Gunst, und Willen des edlen mines gnedigen Herren Grafen Cunraz, Herren zu Friburg.* Idem foedus anno sequenti renovavit Otte von Stoffen Diethelmi filius.

Fuit sec. XIV. iam ad finem vergente abbas monasterii S. Trudperti Diethelmus nomine ex prosapia dynastarum de Staufen, qui post Nicolaum ab an. 1363. usque 1383. utilissimus pastor, eandem sibi laudem conservasset, nisi familiæ suæ ultimo regiminis an. 1410. advocatiam monasterii iterum contulisset. Apud P. Herrgott in cod. pro-

a) Vol. II. p. bat. Geneal. Habsb. a) legitur charta an. 1386. n. 870. quo Leupoldus dux Austriæ tertius hoc nomine, agnomine Probus, donationem castri Scharffenstein monasterio S. Trudperti a Ioanne de Stouffen & Elisabetha de Thierstein olim factam confirmat. Abbatis nomen in ea non exprimitur, nullum Keraslitus & Bucelinus nobis manifestant ab Henrico II. annoque 1319. usque ad Benedictum, ut ipsi adpellant, nos Diethelmum de Stouffen, quo nomine cum Ioanne S. Blasii abbate ad finendam controversiam, quæ ob census aliquos inter utrumque monasterium ver-

vertebatur, in compromissarium elegit, Diethelmus nempe de Stouffen, SECVLVM  
XIV.  
Bertoldum de Nüwenfels an. 1395. feria II. ante nativitatem B. M. V.

Neque vero uspiam alibi, ut iam monuimus, nomen abbatis exprimitur in monumentis San - Blasianis chartisque autographis, quæ in gratam Sodalium San - Trudpertinorum memoriam servantur, eiusdem, quod iam commemoravimus, argumenti ex commissione apostolica res tum monasterii S. Blasii cum etiam cellarum eiusdem San - Blasianæ congregationis ab iniustis possessoribus vindicandarum tuendarumque, ut memoravimus, iterumque an. 1347. Clemens VI. demandavit abbati S. Trudperti, ut iniuste a monasterio Sizenkilch alienata restitui faciat. Quamobrem monitorias dedit abbas S. Trudperti an. 1348. quibus ad solutionem sub excommunicatione constringit debitores, quam etiam sententiam excommunicationis reiterat an. 1352. abbas S. Trudperti (quem P. Stanislaus Wülperz vir diligentissimus in epitome rerum San - Blas. Melchiorum adpellat) in Iacobum de Nuwenfels, ob non solutos census monasterio in Sizenkilch. Sic an. 1362. itidem abbas S. Trudperti sub excommunicatione monet debitores præposituræ & cellæ in Berau, anno sequenti ab Urbano V. iussus pariter rebus & iuribus monasterii S. Blasii prospicere, quod unum saltem & præcipuum ipsum congregationis S. Blasii attinens principale monasterium in testificationem grati animi edimus commissorium.

XV. Servantur in archivio S. Blasii aliæ huiusmodi non paucae chartæ aliis etiam remotioribus abbatibus demandati negotii contra morosos debitores ac invasores iurium monasterii & congregationis S. Blasii. Edimus ipsius Henrici VII. monitorias ad magistratus urbium & oppidorum an. 1309. (quo etiam privilegia antecessorum suorum confirmavit) datas, quandoquidem monasterium S. Blasii insigniter est auctum bonis. Etiamnum superest autographus rotulus anonymus, seu recensio bonorum sub Bertoldo II. abb. comparatorum ab an. 1284. usque ad an. 1308. quousque nimirum abbatiam tenuit. Notatu dignam is constitutionem reliquit pro luminaribus ecclesiæ ardentibus. Superest item eiusdem ætatis recensio censuum, *qui pertinent custodi monasterii S. Blasii, ex quibus idem custos luminaria debet monasterio procurare.* Monasterium  
S. Blasii.

Haud improbabiler creditur eius auctor Henricus de Bassendorf, scholasticus & custos id temporis, circa an. 1309. mortuus sub Henrico III. abbate, qui ab anno 1308. usque ad an. 1314. præfuit, successorem natus Udalicum: cui an. 1315. Lupoldus dux Austriæ, ut apud P. Herr-

SECVLVM  
XIV.

a) *Cod. probat.*

*General. Habs-*  
*burg. Vol. II.*

p. 605.

b) pag. 610.

c) *T. I. Stri-*

*ptor. R. B.*

pag. 736.

gott a) legere est, capellani Novæ cellæ cum prato donavit, cuius cellæ originem & progressum anonymus quidam conscripsit, quam monasterio Steinensi primum contulerunt *duo fratres de genere & natione de Tuffenstein, scilicet Hugo & Diethelmus nomine*. Cuius familiæ iam superiore libro meminimus, affertque citatus P. Herrgott chartam an. 1317. b) qua Ulricus de Tuffenstein venditionem bonorum monasterio S. Blasii factam confirmat. Laudatus vero Lupoldus parochiam in Tottmos, ecclesiam concursu populorum ad præsentem usque diem pietate in Deiparam virginem filium & cruce depositum gestantem, frequentatissimam S. Blasio donavit *ob præstita*, ut habet charta a nobis T. II. Taphographiæ Austriacæ in appendice libri singularis de cadaveribus principum Austriæ in novam cryptam San-Blasianam ex Helvetia translatorum edita, *Domino Friderico R. R. fratri suo obsequia*, perinde in monasterium S. Blasii benefico anno 1321. Nihilominus in Ludovici Bavari libello primariarum precum & alimoniarum an. 1322. quem Oefelius c) edidit ex regesto Bertoldi de Tuttlingen notarii regii, legitur: *Item abbati S. Blasii in Nigra silva pro Ulrico dicto Tyrnvogel, notario Wilhelmi comitis de Montfort pro beneficio*. Et mox: *Item abbati S. Blasii in Nigra silva pro Walthero sacerdote de Schafbusa pro beneficio, datum in Nwnburch XIII. Kal. Nov. regni nostri anno octavo; anno nempe 1321.*

Anno sequenti monasterium incendio conflagravit: nempe ut habet autographa descriptio: *Anno Domini 1322. venerabili abbate Ulrico huius nominis I. monasterio presidente, in vigilia beatorum Apostolorum Philippi & Iacobi monasterio, capella B. M. domo infirmorum, refectorio, coquina, officinis, sive kemenata domini abbatis, capella S. Benedicti, nec non duabus domibus ignis incendio devastatis*. Periit etiam irreparabili Mff. codd. damno bibliotheca tot maiorum nostrorum laboribus tantisque sumptibus comparata. Ingens hæc & incomparabilis quidem, imprimis vero lugenda fuit disciplinæ monasticæ, dum multis annis monachi per externa monasteria & cellas dispersi fuerunt, iactura. Litteras commendatitias, quas huius incendii causa iam laudatus Leopoldus Austr. ad summum pontificem dedit, in append. T. II. Taphogr. Austriæ edidimus. Videntur etiam nobiles quidam feuda sua huius damni causa monasterio restituisse, veluti Diethelmus, & Ioannes de Stofen an. 1328. & iam an. 1327. Ulricus de Gossve: alii tamen serius, veluti Wernerus de Riethen an. 1342. Burchardus de Eschenz dictus Stabelegg an. 1368. Nicolaus de Elsass; alii citius veluti Conradus comes de Schalckingen an. 1321. Fueruntque ab incunte hoc seculo insignes nobilesque mo-

na-



nafterio S. Blasii nexu feudali obftricti, veluti epifcopi Bafileenfes ineunte feculo ob montem Vellenberg, nobiles item de Klingen, de Ruttikon, Gutenberg, de Nüenfels, de Ieftetten, de Fulach, de Kirchaim, de Crozzingen armigeri, & alii complures divites vafalli, qui combufto monafterio auxiliatrices manus præbere potuerunt. Multi certe poft incendium monafterio accefferunt benefactores ex vicina præfertim nobilitate, veluti an. 1326. Hugo de Gutenberg, Diethelmus de Krenkingen, Diethelmus de Münchingen miles, Hugo & Eberhardus comites de Lupfen. Henricus & Conradus comites de Furftenberg ius feudale remiferunt prædii in Emmingen, quod unacum decimis Conradus de Gifingen donaverat: ibidemque an. 1331. Bertoldus de Honftetten: an. 1333. Mangoldus de Hornftein: legiturque in veteri anniverfariorum rotulo Cal. Oct. notatum anniverfariū Hermanni, & Bertoldi de Hornftein.

Mortuo interim an. 1334. abbate Udalrico Petrus I. eidem eodem anno fuffectus nihil antiquius habuit, quam bibliothecæ iacturam refarcire: emebat libros, ubicumque eos invenire poterat, alios commodatos certatim describebant Blafiades, collectionesque plurium voluminum ex fcriptis vitisque Patrum imprimis faciebant pro lectione etiam menfali.

Prima pro officio divino fuit cura, ut revocati iterum ex monafteriis exteris monachi eidem vacare poffent. Cuius rei etiamnum extant monumenta duo imprimis codices pergameni, quibus *ordo operis Dei* continetur, quo præciofæ reliquiæ ordinis Fructuarienfis continentur: fed is forte ferius fuit confcriptus a Ioanne Volckio, quem chartæ San-Blaſianæ circa an. 1360. cantorem atteltantur virum a pietate, doctrina & folertia commendatiffimum, qui ætatem in feculum ufque decimum quintum traduxit.

Huic coætaneus ſub Ioanne abbate vixiſſe, ad finem adeoque ſec. XIV. aut initia ſec. XV. ſe alicubi teſtatur anonymus S. Blaſii, qui veluti poſt naufragium tabulas colligens libris tribus Conſtructionum inſcriptis, origines monaſterii utcumque, proſectumque ſub prioribus abbatibus ad ſeculi duodecimi tantum initia, Ruſtenum inquam abbatem, commentario priori eſt complexus, addito ſecundo & tertio libro de venerabilibus pietateque inſignibus fratribus S. Blaſii. Additur *clauſtrum animæ cum diſpoſitione officiorum & officialium ſuorum, ſecundum quod diſponi ſolet & ordinari clauſtrum materiale*. Alia quoque eundem auctorem ſe ſcripſiſſe innuere videtur de Luigarda comitiſſa de Wirtemberg, ut vocat, moniali in Berau agens: *Sicut*, ait, *lector plenius ſuo loco repe-*

SECVLVM  
XIV.

*reperiet.* Dudum est, quod chronicon S. Blasii aliquando a nostris Studgardæ visum in lucem protrahi desideremus: quæ a nostris superiore seculo ex illo chronico sunt notata ad verbum propemodum leguntur in chronico, quod apud Schannatum in Vindemiis Litterariis editum est sub nomine chronici Wirtembergici sec. XV. ad finem, aut initio sec. XVI. scriptum, aut certe compilatum.

Supra notavimus codicem sec. XV. bibliothecæ PP. Oratorii, in cuius pagina priori hæc leguntur: *Ex chronica monasterii S. Blasii sub gestis Caroli IV. Imperatoris dominus Balduinus archiepiscopus Trevirensis, ad quem dominus Leupoldus de Bebenburg hunc libellum scripsit, comes fuit de Luzelburg &c.* Quæ hodie nusquam reperiuntur.

Desideratur item chronicon Ottonis de S. Blasio hoc seculo scriptum, a Naucloero & aliis chronographis citatum. *Verum*, inquit Casparus abb. in lib. Originum, *in sua chronica de hoc nostro monasterio alia non recenset, nisi primo constructionem & dedicationem veteris monasterii, deinde libertatem ab Ottone I. datam, seu quod idem est, eius diploma: postmodum dedicationem novi monasterii aliarumque capellarum: denique de historia abbatum agit, ducto tamen initio a Wernero I. ad reliquos omnes usque ad Petrum progreditur narrando electionis & mortis cuiuscunque tempora.* Aut ipse Otto aut alius San-Blasianus collegit in compendio, quæ ad monasterium S. Blasii attinent, in membrana, quæ adhuc superest: *Inc. II. Kl. Aprilis obiit Beringerus Prior. Anno Domini 1036. dedicatum est vetus monasterium sub Beringero Priore.* Finem deinde in Petro I. abbate facit.

At chronicon Ottonis de S. Blasio a Naucloero & aliis citatum res in orbe gestas a Christo nato usque ad an. 1332. complectebatur, teste laudato Casparo abb. Periit nupero incendio an. 1768. codex pergamenus, quo continebatur *D. Ottonis a S. Blasio chronica I. omnes sacre historie genealogias figuris ab origine orbis usque ad Timotheum & Titum Pauli discipulos continua serie distinguens.*

Neque hic prætereundus est Henricus IV. abbas S. Blasii, qui Petro I. an. 1348. successit, ac statuta reliquit, quæ charitatem in suos, discretionem item ac sollicitudinem disciplinæ regularis spirant. Eidem an. 1353. Carolus IV. imp. confirmat diploma Conradi III. pro libertate advocatiæ S. Blasii, adprobat præterea chartam Henrici IV. imp. super donatione prædii in Schluchse. Lupoldus item & Albertus Austriæ duces opem nobis præsertim annis 1369. 1370. in ditionibus Helveticis præstiterunt. Dum an. 1356. in die S. Lucæ evang. ecclesia *perma-*  
*gna*

*gna parte*, ut ex veteri Msc. chron. episcop. Basileensis me certiore reddit illust. B. de Zurlouben, ac altare maius totaliter, & fere tota civitas Basiliensis per terræ motum horribiliter corruit, Ioannes Senne de Munsingen matre dictus de Buoeck episc. Basil. maximis laboribus & impensis fatigiisque operatus est, ut ecclesia sub suo regimine fuerit reparata. Cuius altare summum ipse, sibi astantibus episcopo Citonensi (Sidou) & abbatibus sancti Blasii & Bernwiler (Benweil) monasteriorum Constantiensis & Basiliensis diœces. crastina die S. Io. Baptiste, qui fuit dies dominica anno dñi 1362. cum devotione eximia reconfecravit: reimpositis reliquiis, quæ in ruina altaris per Dei gratiam illasæ repertæ fuerunt: quæ per Adelberonem episcopum, ut supra scribitur, impositæ fuerunt: consecratione tamen prima per Adelberonem facta tempore S. Henrici Imp. Abbas S. Blasii hic indigitatus fuit Henricus IV., cui, dum postea infelicia magni schismatis ingruerunt tempora, a Clemente VII. commissum est, ut Burchardum de Hewen episcopum Constantiensem suo nomine confirmaret, contra quem Urbanus VI. Nicolaum de Ryfenburg tuebatur; inde factum est, ut obtinente Urbano VI. an. 1385. Henricus deponeretur & Conradus Goldastus abbas in Stein abbas S. Blasii nominaretur, qui tamen nunquam in abbatiam admissus est, mortuo etiam interea temporis Henrico abb. an. 1391. & in eius locum Ioanne I. substituto: qui dum perinde Clementi VII. adhæreret, novis moliminibus Conradus Goldastus abbatiam occupare tentavit, anno sequenti tamen sponte cessit, consentiente etiam Burchardo ep. Constantiensi.

XV. His temporibus monasterium Ochsenhusanum, ita iam rebus <sup>Cellarum</sup> auctum, ut cum potioribus Sueviæ cœnobiis contendere posset, in abba- <sup>congregatio-</sup> <sup>nis San-Blas-</sup> <sup>fanz fata,</sup> tiam erectum est, favente Bonifacio IX. sub quo an. 1392. Nicolaus Fabri a fratribus Ochsenhusanis est electus eodemque anno a Burchardo episc. Constantiensi inauguratus. Fuit is ultimus an. 1389. e S. Blasio adscitus Præpositus, successor P. Henrici Lawin, San-Blasianis parum, quod domestica nostra prodant monumenta, tunc obmolientibus, qui felici filiæ suam perpetuam gratulantur sortem.

Fuit abbatibus S. Blasii pro incolumitate conservationeque aliarum suæ congregationis cellarum viribus longe imparium seculo hoc XIV. fatis negotii. Monasterium in Guttnaw mox altero post combustum monasterium S. Blasii anno igne conflagravit, cum monasteria Burglense, Berowienſe, Witnovienſe, Sizenkilchenſe vix e ruinis, quas seculo superiore pari sustinuerunt fato, surrexissent tum matris suæ, cum etiam aliis auxiliatricibus manibus.

SECVLUM  
XIV.

a) T. V. pag.  
507.

b) T. I. pag.  
390.

Sizenkilchense monasterium an. 1305. beneficam expertum est Agnetem Austriacam, Alberti R. R. filiam, Andreæ Hungariæ regis viduam. Accesserunt postea Otto & Rudolphus marchiones de Hachberg, ut apud Schœpflinum in cod. diplomat. a) videre est, cui verisimile fit, Ottonem de Hachberg in ea ecclesia sepultum an. 1384. b), quod firmat lapis sepulchralis quatuor super pavementum eminens basibus, atque etiam, quod ibidem iam an. 1371. cum fratruele Rudolpho anniversarium instituerat, alterum vero an. 1374. Catharina de Thierstein, Rudolphi filia pro nuru sua Adelheida de Lichtenberg.

Monialibus in Berau, ubi an. 1317. Udalricus abb. numerum monialium quadragenarium fixit, beneficum se exhibuit Rudolphus de Heuwen an. 1325. & postea Lutoldus de Krenckingen, ubi neptes suæ Agnes & Anna monasticam vitam ducebant, instituitque pro uxore sua Adelhaida de Usenberg anniversarium an. 1353. Anno 1362. Hugo de Griesheim prædium in Bettmaringen tradidit.

Passim etiam his cellis nostris pontificia auctoritate, ut iam exempla dedimus, protectores sunt dati, qui morosos debitores, aut iurium & bonorum invasores ad officium revocarent. Certatim item variarum sedium episcopi indulgentias iis elargiebantur, qui pias aperirent manus, iuvarentque cultum sacrum.

Seculo hoc XIV. monachi ordinis S. Pauli eremitæ fundato primum in terris nostris an. 1349. monasterio Rohrhaldensi, in nostra etiam inter Villingam & Donaueschingen vicinia, ut ad annum 1358. notat in c) Vol. II. L. annal. huius ordinis P. Nicolaus Benger c) ab illustrissima familia Fürstenbergica cœnobiale eremitorium in Silva Thannen obtinuerunt, ubi corpus B. fratris conversi Cunonis cognomento silentiarii ab immemorabili tempore devoto fidelium accursu honoratur. Idem ascetæ ab Henrico IV. abb. S. Blasii an. 1362. locum *ze der wilden Horbe* in nemore Gruenwald suis cum limitibus pro construendo novo monasterio impetrarunt, Friderico priore Provinciæ promittente, nunquam ultra decem monachos se admissurum.

Postulati e S.  
Blasii ad mo-  
nasteria Mu-  
rense & En-  
gelbergense  
in Helv. ab-  
bates.

XVI. Monasterium S. Blasii antequam voracibus flammis an. 1322. esset consumtum, in simili funesto casu ineunte hoc seculo adfuit monasterio Murense in Helvetia: dum eorsum postulatus abbas post mortem Hartmanni an. 1303. Rudolphus ex nobili familia de Boffikon, illud maiori quam antea amplitudine restituit intra spatium sex annorum, posteaque an. 1309. abbatiam resignavit. Legitur præterea in codice membra-



braneo cœvo, quo abbates ad alia monasteria e S. Blasio evocati no-  
tantur in hunc modum: *Sub abbate Petro, Lutoldus dictus Schaler de* SECULUM  
XIV.  
*Basilea, abbas in Mure.* Accepit autem pedum Petrus an. 1334. & tenuit  
usque ad an. 1348. Lutoldus abbatiam Murensis rexisse videtur ad  
annum fere 54.

In memorata iam membrana porro legitur: Sub abbate *Henrico Ru-*  
*dolphus in monte Angelorum.* Henricum IV. ab an. 1348. usque ad an.  
1391. fuisse abbatem S. Blasii modo vidimus, Rudolphum vero Engel-  
bergensem extitisse abbatem an. 1398. manu synchrona litteris est con-  
signatum apud Engelbergenses, quibuscum iam antea nova fuit confœ-  
deratio, dum an. 1348. Henricus abbas Engelbergensis Henrico abb. S.  
Blasii communionem bonorum operum & confraternitatem ultra obtulit,  
publicis litteris perinde ac an. 1320. Udalrico abb. S. Blasii Conradus  
abbas & totus conventus in Salem.

XVII. Deplorabilis est florentissimi olim Hirsaugiensis monasterii pri-  
mus statim huius seculi XIV. aspectus, quum Henricus abbas anno secu-  
lari 1300. electus mox, teste Trithemio in chron. Hirsaug. ad h. a.  
*licentiose vivere incipiens, otio & inertia torporeque ignavus tepuit, &*  
*rem familiarem simul & monasticam turpiter neglexit.* Vidimus libro  
superiore ex chartis authenticis Hirsaugiensis bona quædam alienasse ne-  
cessitate constrictos; Trithemius nihilominus Henricum statum rerum  
temporalium, quem in bona cōditione repererit, valde malum fecisse  
commemorat: multa bona monasterii tempore sui regiminis oppigno-  
rasse, multa penitus vendidisse, & multa sine consensu fratrum suorum  
in perpetuum alienasse, quorum pecuniam male exposuit: unde anno  
tandem 1317. ut dilapidator substantiæ monasterii, seniorum monitis, ut  
Trithemius ad an. 1315. notavit, contemptis, depositus fuit. Monasterium  
Hirsaugiense.

Dissidebant in electione fratres, resque inter Gerardum custodem, &  
Sigismundum Priorem conventualem iudicio metropolitæ Moguntini,  
quum eos episcopus Spirensis concordare non posset, fuit transigenda,  
adiudicata Sigismundo abbatia, quem senior, sanior ac maior pars capi-  
tuli elegerat, cui etiam cessisset Gerardus vir bonus, nisi cognatorum  
contentione fuisset in transversum actus.

Vocatur is in chartis Symond apud Befoldum a), Symon in charta  
an. 1327. qua Henricus ex Palatinis Tubingensibus cum Calvensibus co-  
mitibus cognatione iunctis, tandemque eo titulo hæredibus protectionem  
monasterio Hirsaugiensi promittit. Sequitur mox ad eundem diploma a) Monast. re-  
div. T. I. p.  
345.

SECVLUM  
XIV.

a) *L.c.* p. 347.

b) *Ib.* p. 349.

c) *Vid. Sattl.*

*topographische*

*Geschichte des*

*Herzogthums*

*Wurtemberg*

p. 204. 272.

Ludovici Bavari an. 1334. a) quo venditiones oppignorationesque ab Henrico deposito factas cassat. Additur charta an. 1343. b) Eberhardi & Ulrici comitum de Wirtemberg (ad quos partim a Palatinis de Tübingen, partim a comitibus de Schelklingen comitatus hoc seculo devenit) c) monasterio Hirsaugiensi arcem, oppidumque Calw cum personis & bonis vendentium: unde palam fit melioratus monasterii status studio & labore Sigismundi atque etiam Wichardi, qui ei an. 1341. successit, cognominem successorem nactus an. 1354. Wichardum secundum, utrumque monasterio utilem.

Gerardus episcopus Spirensis Wighardo I. & monasterio Hirsaugiensi confirmavit incorporationem ecclesiarum in Pforzheim, Stamheim & in Hellenheim, in oppido Wyle item & Calwe. Sub Wighardo II. an. 1362. incorporationem ecclesiæ parochialis in oppido Wile factam monasterio Hirsaugiensi per Clementem. VI. P. ratam habet Eberhardus de Sickingen Præpositus ecclesiæ SS. Trinitatis Spirensis diœcesis.

Wichardo II. an. 1369. Wignandus, huicque an. 1380. Godfridus successit per Lambertum abbatem Gengenbacensem, sæpe a nobis celebratum, tunc adhuc Spirensis episcopum *in abbatem confirmatus ex more solemniterque benedictus. Præfuit huic monasterio, teste Trithemio, in magna solitudine & malitia temporum annis IX. mense I. diebus XV. homo mansuetus, pacificus & amator quietis & pacis: qui monasterium in utroque statu graviter collapsum reperit, quoniam nec regularis observantia in eo tunc viguit, nec illi rerum abundantia fuit.* Godfrido huic anno 1390. successit Wichardus III. cui an. 1398. Wenceslaus R. R. omnia antecessorum suorum privilegia confirmavit, ut apud Befoldum legere est.

d) pag. 352.

e) *Ad. annum*

1369.

f) *T. II. p. 7.*

Iam de Wignando agens Trithemius d) ingemuit se historiam continuare de gestis abbatum Hirsaugiensium minime potuisse e) *cum & negligentia claustralium bene gesta rectorum litteris non commendaverit.* Legitur in annal. Zwifalt. P. Arsenii Sulger f) Wichardi III. abb. Hirsaugiensis epistola ad abbatem Zwifaltensem an. 1395. data, qua ob monasterium Hirsowe *gravibus debitorum oneribus inundatum*, quosdam fratres, ad benignos Patres monasteriorum ordinis nostri transmittendos, unanimi consensu decretum scribit, mittitque eapropter F. Henricum *monachum professum presbyterum idoneum & discretum.*

Cellæ congregationis Hirsaugiensis.

XVIII. In hoc certe meliorem fuisse conditionem cellæ, quæ congregationis Hirsaugiensis præcipua fuit, monasterii in Reichenbach, elucescit ex emptionibus, quæ sec. XIV. recensentur in brevi Reichenbachi histo.

historia P. Martini Marck monachi Wiblingensis a). Ius piscandi an. 1307. comparavit monasterio Conradus Prior in Reichenbach, quod Conradus abbas Hirsaugiensis & Conradus Prior Reichenbacensis Hermannus de Hohenberc vendiderat, hicque eo fine fratri Ioanni de Trochtelfingen tradidit, ut post eius mortem seniori conventus Reichenbacensis cederet. An. 1318. Luitfridus Prior & conventus aut aliam partem iuris piscandi in Sulzowe emerunt, aut controversam redemerunt. Anno 1360. Innocentius VI. P. abbati in Alperspach commisit, ut Reichenbacensium bona indebite alienata auctoritate apostolica monasterio denuo vindicaret. Addit triennio post, quum Reichenbacensium ædes in oppido Horb damnum passæ essent, ab eius loci civibus 131. libras pro earum refarcitione numeratas. An. 1367. novam ibidem emerunt domum. Charta sic orditur: *Ich Pfaf Heinrich Beck Kyrchherr zu Mule*, qui nimirum oppido prope est vicus. An. 1339. Othmannum, Henricum, Bertholdum & Wilhelmum Ebersteinii comites petente Sigismundo abbate Hirsaug. (*durch bete abt Symons*) Reichenbaci advocatiam & protectionem suscepisse chartæ docent; nec non circa ea tempora Marquardo ab Ehingen, qui in charta an. 1328. Prior & administrator Reichenbacensis dicitur, quondam Priori pro alimentatione sua prædium in Sulzau, Reubotum tunc Priorem, concessisse. In charta an. 1343. Volmarus legitur Prior Reichenbacensis. An. 1360. Gotfridus de Stanheim, an. 1374. & 1375. Henricus Guldin.

Iam acta ab an. 1332. produnt, fuisse litem Reichenbacensibus cum Hirsaugiensibus, qui sibi ius asserebant constituendi Priorem in Reichenbach ac removendi. Ulricus comes de Wirtemberg an. 1354. Rupertum abbatem Albensem, & Bebenhusanum misit, ut Prioris & conventus Reichenbacensis contra Wichardum abbatem Hirsaugensem querelas audirent, quas frivolas omnes iudicarunt. Iterum nihilominus paulo post recruduerunt eadem contentiones ob Volzonem Priorem a Wichardo depositum, atque in eius locum constitutum Gotzonem: fuit vero per arbitros an. 1358. Wichardi probata sententia, ac assertum ius. Apud Schœpflinum in cod. diplom. hist. Zaringo-Badensis b) in divisione monasteriorum ad comitatum Ebersteinensem pertinentium an. 1399. facta inter Bernardum marchionem Badensem, Bernardum & Wilhelmum fratres comites Ebersteinios, de advocatia etiam Reichenbacensi legitur conventum: *von der Canzley wegen des clousters Reichenbach und auch umb die Dörffer auf dem Wald daselbst, die zu der Grafschaft von Eberstein von alters her geböret hant: das wir beide Parteyen dieselbe Vogtey und Dörffere gütlich mit einander theilen sollen.*

SECULUM  
XIV.

Memoravimus libro superiore cellæ Hirsaugienſis, ſeu monaſterii Rothenſis cum abbate Hirſaugienſi ſimultates, deditionemque eius cellæ factam ab Eberhardo abb. Syfrido epifcopo Auguſtano, in qua dioceſiſitum eſt monaſterium, ab Hermanno de Lyningen, uxore eius Adela & Diemone comite de Bratfelden, Deo & B. Petro apoſtolo Hirſaugiæ traditum, ea conditione, ut ſervitium Dei ſecundum Regulam S. P. N. Benediſti ibidem inſtitueretur, fuitque ſequens formula obedientiæ manualis fratrum monaſterii in Roth, quam præſtiterunt abbati Hirſaugienſi, tanquam ſuo prælato principali flexis genibus in manum abbatis dicendo: *Ego Frater N. iuro & promitto vobis obedientiam ſecundum Regulam ſancti Patris noſtri Benediſti: & monaſterio Hirſaugienſi perpetuam fidelitatem.* Non ceſſaſſe nexum monaſterium inter Hirſaugienſe & Rothenſe etiam poſtquam epifcopo Auguſtano eſt commiſſum, palam faciunt litteræ Sibotonis epifcopi Auguſtani ad Præpoſitum in Rota an. 1238. qua ei ſignificat monaſterium Hirſaugienſe, materno affectu ob perpenſa in proventibus ex direptione damna ius patronatus in Septringen in perpetuum conceſſiſſe. Extat recognitio comitum Ludovici & Friderici de Oetingen, in quorum ditione ſitum eſt monaſterium Rothenſe, facta an. 1349. domino abbati Hirſaugienſi de non vendendo vel gravando advocatiam in Rot. Anno item 1381. Ludovicus & Fridericus ſenior, & Fridericus iunior de Oetingen, tres fratres ſpondent ſe de nullo homine monaſterii Rothenſis ſteuram recepturos, niſi de propriis ſuis hominibus.

Inter cellas congregationis Hirſaugienſis numeravimus etiam Prioratum in Schönrein, Herbipolenſis dioceſis, quod monaſterium ita fuit Hirſaugienſi obnoxium, ut niſi auctoritate abbatis & capituli Hirſaugienſis nullum emtionis contractum facere poſſent. Sec. XIV. varia ſubiit fata, ut ex charta an. 1318. conſtat; venditum tamen monaſterium hoc ab abbate Hirſaugienſi, patri uxoris Gerardi de Vineck, iterum pretio 2000. libr. emere debuerunt Hirſaugienſes, a comite Gerardo de Vineck eiusque uxore an. 1362., hæc addita ſimul conditione, ut penes memoratum comitem eiusque uxorem adhuc viginti annis uſusfructus illius perſiſteret, an. 1370. a monaſterio Hirſaug. iterum monaſterii illius proventibus oppignoratis eidem comiti de Vineck.

Monaſterium  
Gottesavienſe.

XIX. Monaſterium Gottesavienſe in Alpegovia ſeptentrionali comitatu Vorheimenſi, in Silva quæ dicitur Luſhart, a fundatore Bertoldo comite de Hennenberg Hirſaugienſibus traditum inhabitandum ineunte ſec. XII. Rudolpho V. de Baden cognomine Wecker domino in Pforzheim

in-



instaurationem suam sec. XIV. debet, ad extremam paupertatem redactum, gratamque memoriam suis annalibus mandavit, ut iam ex Glasfeyo Schoepflinus notavit a), itemque ad finem huius seculi Albertum Gottesaviensem abbatem, quem an. 1396. b) Bernardus I. marchio Badensis cum Marquardo Albæ dominorum abbate ad monasterium Albæ dominarum adduxit pro componendis, quæ dudum inter abbatissam & conventum agitabantur, controversiis. Idem in codice diplomat. c) affert transactionem inter Gottesaviense monasterium & præposituram Hoerd-  
 tensensem de Rheni alveis prope Pfortzheim & Winden factam an. 1336. c) Gottesaviensi abbate Nicolao.

SECVLVM  
XIV.

a) Tom. II.  
Hisor. Bad.

p. 51. 81.

b) T. IV. pag.  
552. Consul.  
Glasfey anecd.  
p. 158.

c) T. V. pag.  
422.

XX. Iam aliquoties meminimus permutationum ab abbatibus S. Georgii factarum, quæ frequentes admodum hoc seculo fuerunt in rebus & personis, præsertim servilibus, seu hominibus ligiis: qualem e. c. permutationem fecit an. 1300. Rudolphus II. abb. Schutteranus, an. 1303. Henricus episcopus Constant. Augiæ maioris administrator cum Bertoldo abbate S. Georgii, qui an. 1290. Burchardo II. successerat; an. 1308. abbas Udalricus I. de Tecke, cum Ioanne de Blumenberg, seu de Blumenegge, ut sigillum præfert instrumento appensum, quod edimus, datum in Egebettingen, seu Ewattingen, ditionis Blumeneppigicæ in Alpegovia: eodem anno 1308. & 1311. idem cum Henrico abbate S. Blasii, cum abbatissa in Rottenmunster ord. Cisterc. prope veterem urbem Rotweil, ad sinistrum decurrentis Nicri litus an. 1316. an. 1321. & an. 1330. cum Conrado abbate in Salem: an. 1329. & 1332. cum Udalrico abb. S. Blasii: an. 1332. cum monasterio Amptenhusano.

Monasterium  
S. Georgii.

Udalrici I. qui an. 1334. obiit successor Henricus III. B. de Stein similem permutationem facit cum Diethelmo Augiæ divitis abbate, an. 1337. ab eo *gratiosus princeps* vocatus, ut Gallia Christiana annotavit, eiusque mortem subitanæ in monasterio Gengenbacensi an. 1347. ad quod ex visitatione Lotharingica, Westrica & Alfatica diverterat: cum quo similem permutationem facit an. 1336. Conradus abbas Salemitanus, & an. 1337. Hugo de Thanneck, an. 1341. Henricus de Suntuhausen an. 1344. Walterus abbas Gengenbacensis, an. 1347. monasterium Rottenmunster, forte cum Henrici successore Ualrico II. nobili de Trochtelfingen, uti an. 1348. Henricus abbas S. Blasii.

Sub Udalrico hoc ita deflagavit monasterium, ut per viginti annos absque habitatoribus fuerit, divinusque totaliter sublatus sit cultus, ut Gallia Christiana notavit, confirmationem etiam privilegiorum, quam edimus,

SECVLUM  
XIV.

mus, an. 1354. a Carolo IV. factam, exauctorationem item Udalrici II. an. 1359. Ioannem II. autem comitem de Sulz ex Augia maiore postulatum illuc an. 1364. iugentibus monachis S. Georgii remissum, revocato iterum Udalrico II. Rotwilæ postea an. 1368. defuncto. Sub Ioanne II. an. 1357. per officialem curiæ Constantiensis protectorium pro Prioratu in Rippolzau, qui ad monasterium S. Georgii pertinet, ab Innocentio VI. P. ad abbatem Alperspacensis monasterii fuit directum *ad preces dilectorum filiorum Prioris & conventus monasterii in Rippolzowe per Priorem soliti gubernari, O. S. B. Quatenus, sunt verba Brevis apostolici, ea, quæ de bonis ipsius monasterii alienata inveneris illicitè, vel distracta, ad ius & proprietatem eiusdem monasterii legitime revocare prœcures &c.* Iam ante conflagrationem monasterii Udalricus II. monasterio Alpersbacensi an. 1322. bona in Bozenwiler, & an. 1330. in Haigerloch vendiderat. Udalricus II. etiam mox primo regiminis sui anno 1369. pratum in Sulz alienasse legitur; deinceps vero monasterium iterum restituit, & cum asceteriis annexis reformavit: qui an. 1373. vogteiam superioris Kürnach redemit a nobilibus de Neunegg, curæ quatuor civium Rotwilensium datam cum consensu & confirmatione Ioannis comitis a Furstenberg domini in Haslach, a quo advocatiam illam in feudum habebant nobiles de Neunegg. Sub eo liber traditionum monasterii S. Georgii est conscriptus & 1377. a notario Hermannno fidem publicam accepit, perinde ac instrumentum foundationis S. Ioannis prope Tabernas ord. S. Benedicti parthenonis, uti in *Alfatia* diplom. a) legere est. Testes fuerunt *super huiusmodi ostensione & exhibitione dictorum privilegiorum Hamannus de Falckenstein nobilis, Conradus de Tanhan persape magister civium in Villingen, & Ulricus de Falckenstein famulus prædicti Hamanni ad præmissa vocati & rogati. Et ego Hermannus de Hailbronnen doctor puerorum in Villingen publicus auctoritate imperiali notarius &c.*

a) T. I. pag.  
204.

Sub Eberhardo eiusque successoribus Henrico IV. & Ioanne III. quorum ille Eberhardo an. 1382. Ioannes autem Henrico an. 1392. suffectus est, recurrunt iterum cum Henrico, & Ioanne abbatibus S. Blasii inter alias frequentes mancipiorum seu hominum ligiorum permutationes, quas diligentissimus abbas Georgius II. Geisser collegit, exempli loco autem hic, quas iam notavimus, sufficere possunt, ad frequens commercium hoc demonstrandum tunc temporis.

Monasterium  
Alperspacen-  
se & Kniebus.

XXI. Frequens est ad medium fere sec. XIV. in chartis monasterii Alperspacensis abbatis Walteri nomen iam 1299. 1303. & 1308. Multa

Multa is negotia habuit cum Erckengero Eigelhart de Valckenstein ab ineunte fere sec. XIV. usque ad an. 1331. quo Hugo de Capelle, eius vassallus bona in Britnow vendidit Alperspacensibus dem Abt und Convent Alperspach schwarzen Ordens. Iuxta chartam an. 1303. Udelhilt comitissa de Furstenberg, & Henricus eius filius quædam bona monasterio Alperspacensi tradidit; an. 1346. vero Ioannes comes de Furstenberg, titulo venditionis. Legitur anno 1303. Wernerus de Zimmern vendidisse monasterio Alperspacensi villam in Altoberndorf. Occurrit etiam Wernerus de Zimmern in charta Hermannii de Tecke an. 1347. in qua fit mentio Luzmanni ducis de Tecke, cognati. Charta est in gratiam monasterii Alperspacensis perinde ac charta an. 1337. Friderici de Tecke, & an. 1323. eiusdem, cui præmittitur nomen Luzmanni fratris atque an. 1306. Hermannii ducis de Tecke: quod idem nomen in chartis 1347. 1360. 1362. &c. legitur. Eius monasterii advocatum se dux Fridericus de Tecke profitetur in charta an. 1319. apud Befold. a), a) pag. 153. qua homines quosvis Alperspacum migraturos a tributis & oneribus pronuntiavit immunes. An. 1337. quo Bruno abbas occurrit, dux Fridericus de Tecke monasterio Alperspacensi Wöslingen, & Petercell donavit. In libello primariarum precum & Alimoniarum a Ludovico Bavaro collatarum apud Oefelium legitur b): *Item abbatibus Bebenhausen & Alperspach pro Hermannio ducis de Tecke filio, Constant. diocesis pro beneficio.* Sequitur apud eundem Befoldum confirmatio privilegiorum monasterii Alperspacensis a Carolo IV. an. 1361. data, eiusdemque mandatum ad ducem Hermannum in Oberndorf, ubi nempe dux Tecensis sedem habuisse creditur, ut ab advocatia Alperspacensi abstineat. Vidimus Rudolphi comitis de Sulz chartam an. 1364. qua iura enumerat monasterii Alperspacensis in Dornheim. Insertum est Ludovici ducis de Tecke diploma an. 1251. eiusdem argumenti, quod apud Befoldum latine extat. Habetur apud eundem Conradi ducis de Urselingen electi advocati charta, qua promittit se monasterio in privilegiis suis nihil præiudicaturum, constitutoque iure advocatico, certo nimirum salario contentum fore, & eiusdem Conradi reversales an. 1364. quod ei ad dies vitæ advocatia in Alperspach sit commissa. Edenda a nobis charta an. 1311. manifestat duces de Urselingen monasterii Alperspacensis iam ab ineunte sec. XIV. fategisse inter alio Nigræ silvæ dynastas sponsores, Henricum nempe de Lupfen, Wernherum de Zimmern, Erkinger Eigelwart de Valkenstein, Henricum de Wartemberg, Henricum de Hornberg, Renhart & Petrum de Ru-

SECVLVM  
XIV.

b) T. I. Scri-  
ptor. R. B. p.  
739.

SECVLVM  
XIV.

a) pag. 147.  
b) pag. 163.

c) T. I. pag.  
475.

d) T. II. p.  
104.

Ruti fratres, Ioan. Venden de Rieth equitem, Ulrich Bletzen veterem consulem, Ulrich an der Waldstrassen &c. Meminit Albertus Argent. a) Wernerī Suevi de Urselingen arce montana Nigræ silvæ haud procul a Rothwila. Idem ad an. 1354. b) Ioannis archiep. Mediolanensis morte relata scribit, tres fratrueles Mathæum, Barnabam, & Galeatium, filios quondam Stephani dominia occupasse, dedisse autem ipsum archiepiscopum pecuniam dudum Wernero de Urselingen capitaneo societatis, qui in patriam est reversus & breviter in Suevia sepultus. Haud abs re dicuntur duces de Urselingen esse e ducibus Spoleti orti. Edimus chartam an. 1284. in qua Henricus de Hacke, & Reinolt eius frater domini in Urselingen, eorum vero cognati & nepotes domini Bertoldi & domini Reinoldi filii duces de Spoletto, & Comato von Spolit Comaten notantur. An. 1361. dux Conradus de Urselingen Beatrici Teccensi fuit nuptus, qui postea cum Friderico Teccensi. (quem Schoepflinus memorati Friderici I. ducis Teccensis filium fuisse coniicit) decertavit de pincernatu abbatiae S. Galli & advocatia Alperspacensi an. 1371. ita reconciliatus, ut castrum Wasneck & vicos Waldmessen, Petzen-dorf, Boihingen, Oberndorf nec non castrum Brandeck & advocatiam Alperspacensis monasterii XI. mille & quingentarum librarum pretio, suumque ius in praefecturam Schiltach dimiserit. Rainoldus dux de Urslingen eiusque soror Anna an. 1381. arcem & oppidum Schiltach, in valle Kenzingana Nigraque silva sitam, pro 6000. fl. vendidisse traduntur. Apud Schoepflinum in hist. Bad. c) legitur an. 1400. dux Reinoldus coniugi suæ Annæ de Usenberg consensu Hessonis marchionis de Hachberg omnia sua bona legasse, eique mortuæ substituisse sororem suam Annam ducissam Ursling. Conrado de Geroldseck nuptam. Actum in iudicio aulico Rothwileni. Alia apud eundem d) leges a Bernardo I. march. Badensi transacta cum eodem Reinoldo & Anna de Usenberg an. 1420. & an. 1438. post mortem Annæ, seu Anastasie cum Iacobo marchione renovata pacta.

Edimus chartam anni 1363. seu arbitrium Ludovici senioris comitis de Ottingen &c. inter Raynoldum de Urslingen & Fridericum de Tecke duces circa oppidum Oberndorf, feudum monasterii S. Galli. ubi etiam fit mentio Hermannī ducis Teccensis. Adfuit Fridericus hic binæ, quam supra memoravimus, obsidioni Turicensi sub Carolo IV. praefectus etiam Alfatiae Austriacus, ac postea capitaneus urbis Augustanæ contra Eberhardum comitem Wirtembergiæ, cui prius adfuerat, quum a Carolo IV. imp. bello peteretur. Suo etiam Marte Fridericus cum nobili-



bilibus de Hochschliz congressus, oppidum Mundellheim a se obsessum SECVLVM  
XIV. obtinuit, retinuitque ope comitum de Werdenberg, Albegk, Veringen, Zollern contra insultus Walteri de Hochschliz episcopi Augustani an. 1369. ibidemque an. 1372. arce instructa, sedem habuit, ac post mortem an. 1389. sepulturam. Permissu Friderici comitis de Zolre senioris domini in Schalgbrug, Ioannes & Burckardus de Triberg, qui Conradi filii fuerunt, villam in Pfeffingen an. 1352. monasterio Alperspacensi donarunt testibus item Henrico de Triberg, adpellato de Breitenbach, Conrado dapifero de Stoffenberg.

Monasterio Alperspacensi an. 1386. de curia bonisque in oppido Sulz cum suo villico litigandum fuit. Teste Crusio in annal. Sueviæ a), a) *Lib. IV. P. III. c. 12. p. 237.* Walterus de Geroldtzecke dominus in Sultze prædium quoddam apud Dornhaimum, quod civi Rotwilensi Hermannō Guto concesserat, recepit, & propter eius fidelia servitia ipsius causa Alperspacensi monasterio tradidit. An. 1350. Walterus itidem domum areasque in Sulz immunes a stauris & servitiis pronuntiat. An. 1375. monasterio Alperspacensi traditur curia, quæ Brunoni abbati ex hereditate advenerat. Edimus chartam an. 1346. transactionis inter Brunonem abbatem, & urbem Friburgensem de vogteia in Nortwil, de cuius vici vendendis possessionibus iam an. 1338. Hugo de Ysenberg cum equite domino Snewelin Berlapen sculteto & Ioanne Snewelin consule Friburgensi egerat. An. 1369. Lupoldus Austriæ dux Brunoni abb. tutorias concessit Friburgi Brisgoiæ. In charta Rudolphi comitis de Sulz an. 1378. Henricum Hach Priorem lego, nullum vero post Brunonem abbatem præter Ioannem comitem de Sulz an. 1380. Conradum annis 1386. 1388. 1390. & 1391. an. 1393. Brunonem, an. 1396. Conradum de Gomerungen eiusdem ac primis familiæ an. 1398. Henricum Hagum.

Iam an. 1341. Walterus præpositus totusque conventus in Kniebus se monasterio Alperspacensi regulæque S. Benedicti submitit, Brunone abbate Alperspacensi, cuius rei instrumentum dabimus. Anno 1373. legitur Prior & conventus ze Kniebus monasterio Alperspacensi vendidisse domum in Oberndorf. Bucelinus b) & Besoldus illud inter monasteria b) *Germ. S. T. II. p. 551.* Virginum posuit, quod a Ioanne de Horne, qui eo corpus & bona sua tradidit, an. 1330. fundatum, an. 1513. igne conflagratum interiit.

XXII. Abbatum monasterii S. Petri veluti necrologium texit Gallia Christiana c), quod concordat cum catalogis, qui sunt in manibus meis. Gotfridus abbas Friburgo Brisgoiæ oriundus de Lefsbach ab an. 1295: præfuit, substitutus Eberhardo, an. 1322. fato functus 26. Sep.

Monasterium  
S. Petri.

c) *T. V. pag. 1057.*

SECVLUM  
XIV.

In necrologio Amptenhusano legitur ad diem 22. Iunii, nullo tamen expresso nomine monasterii.

Successor eius Bertoldus II. qui an. 1331. bona quædam in Nortwil Waltero abbati & conventui Alperspacensi vendidisse legitur, gratam apud San-Blasianos habet memoriam, quam publice testatam volui edita charta anni 1340. qua executor seu commissarius a R. in Christo P. D. Gaucelino episc. Albanensi, SS. P. Benedicti XII. poenitentiario, parochias filiales matricis ecclesiæ S. Blasii in Zuing und Bahn non esse suppositas interdicto ob Ludovicum Bavarum declarat, idemque singulari charta pro ipso monasterio S. Blasii eodem fecit anno.

Walterus, qui an. 1349. successit, legitur in necrologio Amptenhusano, sed non exprimitur utrum primus sit, qui obiit an. 1291. 2. non. Octob. an secundus hic, qui obiit an. 1353. Ioannes I. vero eius successor an. 1372. & an. 1375. Petrus de Thanheim seu de Danham, ut vocatur in necrolog. Amptenhusano notatus ad diem 25. Octobr. Nec concordant dies obitus in successoribus Iacobo I. perperam in Gallia Christiana *Stanelin* dicto, cum fuerit ex patritio genere urbis Friburgensis *Stabelin*, mortuus an. 1380. Hugo II. an. 1382. Henricus II. a Stain an. 1392. Henricus III. Salati de Friburg an. 1392.

Cui videtur substituendus Ioannes II. qui quidem in veteri catalogo abbatum S. Petri non legitur, eum tamen monumenta San-Petrina ad an. 1398. præpositum in Iesingen in Wirtembergia produnt, electum abbatem, forte non admissum omnino, aut brevi admodum tempore, quum Erhardus iam an. 1393. abbas ponatur: quo anno San-Petrini *fratrem Mathiam*, ut habent litteræ, *dictum Frey, presbyterum nostri conventus, confratrem discretum & honestum* ad monasterium Zwifalten-  
2) *T. II. p. 5.* se mississe leguntur apud P. Arsenium Sulger in annal. a) allata eam in rem epistola. An. 1398. 30. Maii Erhardus abbas S. Petri *executor seu commissarius a sede apostolica specialiter deputatus* monasterio S. Blasii ecclesiam in Rotweil Brisgoiæ vico cum omnibus iuribus & pertinentiis suis auctoritate apostolica incorporavit, annexuit & univit, inducendo abbatem & conventum iam dicti monasterii S. Blasii in corporalem possessionem ecclesiæ parochialis &c., ut habet instrumentum quod edimus.

S. Udalrici  
virorum &  
Seldenſe vir-  
ginum cœno-  
bium.

XXIII. Monasterium seu Prioratus abbatix Cluniacensis a B. Udalrico Cluniacensi vidimus sec. XI. in Nigra silva constitutum, seculo hoc XIV. a suo fundatore S. *Ulrich* nomen accepit, cessavitque appellari *Villmarzell*. Priorem habuit ab an. 1291. Ulricum, qui an. 1315. con-  
cam-

cambium fecit cum Hermanno marchione de Hachberg, ut charta Fri- SECULUM  
XIV.  
burgi eo anno feria VI. p̄xima ante festum B. Ioan. Baptistæ docet hoc  
initio: *Nos frater Hermannus margravius de Hobberg commendator, &*  
*fratres domus ordinis Hospitalis S. Ioannis Ierosolymitani in Friburgo*  
*&c.*

Sub eius successore Ioanne an. 1316. firmata est servitus vici Bolschweyl (ubi primum fuit monasterium monialium ab eodem S. Udalrico constitutum) ad diurnum monasterio S. Udalrici, ubi necessitas postulaverit, præstandum auxilium: *Der vorgenant Prior und das Closter Villmarszelle hant auch das Recht, wo sie Noth angot, da sollen sie Iren beholfen sein einen ganzen Tage, also das sie zenacht wider heym sigen ane Iren eigen Herren &c.*

Apud Schœpflinum in hist. Badenſi a) notatur ad an. 1324. Henri- a) T. I. p. 356.  
cum III. marchionem Hachbergenſem eiusque filium cognominem inter  
& Conradum Dietericum Snevelinum militem, eiusque generum Otto-  
mannum de Keyfersberg pactum esse, ne a monachis in Sella vel Ten-  
nenbach homines emant. Puto Seldam esse legendum, qua in plaga  
hodieque Barones de Bollswel familiæ Snevelinæ rerum potiuntur. An.  
1342. Conradus Snevelin cum Petro abbate S. Blasii conventionem fa-  
cit circa homines ligios. Conradus comes de Tubingen an. 1384. sub  
Ioanne Peyer Priore S. Ulrici restituit monasterio curtem in Hecklingen,  
quam a monasterio habuerat. Wilhelmus de Matin an. 1385. occurrit  
Prior S. Ulrici an. 1371. Præpositus in Selden memorato parthenone  
Cluniacensi. Is postea Præpositus in Sant-Gylen testimonium dedit de  
hominibus ligiis monasterii S. Ulrici charta Germanica, quæ extat in  
libro vernaculo de vita & miraculis S. Udalrici unacum iis, quæ hacte-  
nus attulimus: notaturque Wilhelmi successor ad an. 1397. Henricus  
Prior, sub quo Gruningen, ubi auspiciū fecerat in Brisgoia S. Udal-  
ricus vitæ monasticæ, ut suo loco memoravimus, fuit adhuc parochia  
pertinens ad S. Ulricum.

XXIV. Monasterium Ord. S. Bened. in Waldkyrch iam sec. XIV. vi- Waldkyr-  
chenſe mona-  
ſterium.  
detur relaxasse disciplinam monasticam, dum D. Catharina Bar. a Stof-  
flen, quæ an. 1303. Adelheidi Bar. a Martorf, apud canonissas Buchau-  
gienses successerat, Waldkyrchenſi simul ac Buchaugienſi collegio præ-  
fuit, teste Bruschio in chronologia monasteriorum præcipuorum Ger-  
maniæ.

De parthenone hoc Waldkyrchenſi id solum reperi ex archivio Fri-  
burgenſi, an. 1381. Annam de Sulz, abbatissam Waldkyrchenſem, cur-

SECVLUM  
XIV.

tem in Wendlingen carthusiæ Friburgensi vendidisse. Charta servatur Friburgi in archivio regiminis Austriaci, quo pertinet dynastia nobilium de Swarzenberg ab arce montana oppido Waldkyrchenſi incumbente. An. 1398. Henricus Marcgravius de Hachberg, Lantgravius Brisgoiæ die Merc. post S. Mariæ Magd. iudex sedit in Waldkyrch, quum Wilhelmus dynasta de Schwarzenberg unacum coniuge sua & curatore eius, Egone comite Friburg. curiam suam in Teningen vendidit, teste Schœpflino in historia Badensi.

Sulzbergenſe. Idem Schœpflinus a) nobis, quod ad sec. XIV. attineat de parthe-  
a) T. I. p. 357. none Sulzbergenſi ( nec aliquid aliunde de eo accepimus notitiæ ) me-  
morix prodit, monasterio Sulzbergenſi an. 1347. curiam dictam Alze-  
nach in Gundlingen pro 380. marcis argenti venditam esse. An. 1388.  
b) pag. 368. item Sulzbergam b), qua erat oriundus Schœpflinus, ab Ottone de  
Staufen 500. marcis argenti Hessonem marchionem de Hachberg, vel  
emisse vel reluisse, atque a monasterio virginum Benedictini instituti,  
quod ibidem sub invocatione S. Cyriaci viguit, advocatum electum,  
quod datis ei litteris protectionis ipse est testatus.

Alba domina-  
rum.

XXV. Iam meminimus, agentes de monasterio Gottesaugienſi, dis-  
cordiarum circa finem sec. XIV. inter abbatissam & conventum parthe-  
nonis Albæ dominarum ortarum, cuius rei gratia Bernardus marchio  
Badensis præſens adfuit an. 1396. adductis secum abbatibus Alberto Got-  
tesaugienſi ord. S. Bened. & Marquardo Albæ dominorum ord. Cisterc.  
*Grauens Ordens*, qui etiam sigilla sua addiderunt legibus sane præcla-  
ris, ad res monasterii in utroque statu bene ordinandas datis, prout in  
c) T. V. pag. 544. cod. diplomat. Hist. Zaringo-Bad. c) legere est n. 305. num. 313. d).  
Ibidem habetur eiusdem Bernardi Badensis, Bernardi item & Wilhelmi  
d) Ib. p. 572. fratrum comitum de Eberstein anno 1399. facta divisio monasteriorum  
( nominatim advocatiæ monasterii Albæ dominarum ) pertinentium ad  
comitatum Ebersteinensem, qui fuit sec. XIV. iam inter marchiones  
de Baden & comites de Eberstein partitus. In charta an. 1346. mar-  
chiones Rudolphus de Baden, dominus in Pforzheim, & Hermannus de  
Baden, ( qui se *zu dem alten Eberstein* adpellat; Wolf vero comes *vom  
neuen Eberstein* an. 1387. ) Rudolpho de Baden partem suam comitatus  
vendiderunt. Testes fuerunt *die ehrbaren, vellen, edlen Knechte Ru-  
fen von Thalheim, Hannsen von Selbach, und Crafftten von Großuiler.*

Alba domi-  
no-  
rum.

XXVI. Situm est utrumque monasterium Alba dominorum Ord. Ci-  
sterciensis, & Alba dominarum Ord. S. Bened. in decanatu Coppenhei-  
menſi



menſi dioceſis Spirenſis, ut apud Steph. Alex. Würdtwein notatur in SECULUM XIV.  
 Subſidiis diplomat. a). Monafterium Albæ dominorum ineunte ſec. XIV.  
 rebus polluiſſe indicio eſt, quod facultates adſuerint, quibus a Friderico  
 marchione Badenſi vicum Malch, & caſtrum Waldenſfels pro mille tre-  
 centis libris Hallenſibus emere potuerit, ubi iam an. 1306. Rudolphus  
 ſenior de Baden b), Friderici patruus ( qui inſtrumento venditionis me-  
 morato ſigillum ſuum appendit cum Henrico de Eberſtein avunculo Ru-  
 dolfi, qui fuit frater Friderici & iunioris Rudolfi Heſſonis marchio-  
 nis Badenſis ) cenſum monaſterio Albenſi contulit teſte Schoepſino c).

a) T. X. pag. 319.

b) Cod. dipl. Hiſt. B. T. V. p. 365.

c) T. II. Hiſt. Bad. p. 21. & 26.

In catalogo abbatum Albenſium circa hæc tempora Henricus I. ad an. 1313. & Rudigerus ad an. 1317. legitur. Nullum vero nomen abbat-  
 tis apparet in litteris reverſalibus abbatis & conventus de reemtionem villæ  
 Malſch. Cruſius in annal. Sueviæ d) Henricum II. addit, quem deſidero  
 in catalogo abbatum, qui eſt in manibus meis: ubi miſer monaſterii  
 ſtatus adoleſcente ſeculo XIV. notatur, ut etiam apud Beſoldum e) in  
 charta Ludovici Bavari, qui Ulrico comiti de Wirtemberg, præſecto  
 Sueviæ ( Landvogt ) monaſterium Albenſe contra marchionem Herman-  
 num de Baden, tueri demandat, urbibus etiam Rottweil, Eßlingen, Reut-  
 lingen &c. an. 1339. ut Ulrico, Albenſibusque adſint auxilio. Eodem  
 pertinent plures adhuc apud eundem Beſoldum chartæ uſque ad annum  
 1349. dum Carolus IV. anno ſequenti 1350. Hermannſi marchioni de  
 Baden advocatiam reſtituit. Anno 1349. iterum eo in ſtatu fuit mona-  
 ſterium, ut ab Erkengero nobili de Mercklingen, & Guta de Lichten-  
 ſtein eius coniuge 29. iugera agrorum, anno autem 1359. alia omnia  
 eorumdem bona in eodem vico Mercklingen emere potuerit.

d) T. V. pag. 366.

e) pag. 85.

Occurrit tunc temporis Rupertus abbas notatus in catalogo ad an. 1353. cui adhuc monacho Walcherus de Gugelingen pater centum vi-  
 ginti florenos legaverat, ea conditione, ut filio ſuo Riperto ſeu Ruperto  
 annui quidam proventus emerentur.

Marquardo eius ſucceſſori an. 1367. Mechtildis de Oetlingen, Riche-  
 lini de Merkalingen vidua, & filia Conradi Oetlinger agros & prata in  
 eodem vendidit diſtrictu, iterumque alia Conradus Meiſer, dictus der Lo-  
 ſer, nobilis in Malmozheim eiusque uxor Mechtild de Oetlingen eidem  
 Marquardo, qui in catalogo abbatum notatur ad an. 1388. Ad eum  
 annum apud Schannatum in Vindem. litter. coll. I. p. 153. notatur Kal.  
 Ianuarii obiſſe *Adelheidis de Flebingen, ſoror domini Marquardi abbatis,*  
*benefactrix huius monaſterii.* Et: anno Domini 1394. *Mauritii abbatis,*  
*obiit*

SECVLUM  
XIV.

*obiit Ioannes Cunzman de Ettlingen advocatus domini Bernardi marchionis.* Deest in contextu scilicet annus Mauricii abbatis, qui tamen non comparet in catalogo abbatum, qui est penes me. Interponendum tamen aliquem abbatem inter Marquardum, quem iam an. 1367. præfuisse vidimus, & Henricum III. qui in catalogo ad an. 1403. notatur, vix dubitandum est.

Tennenba-  
cense Mona-  
sterium.

a) T. V. pag.  
1089.

b) T. I. pag.  
354. &c.

XXVII. Gallia christiana a) ordine nobis copiosam seriem abbatum monasterii Tennenbacensis eiusdem ord. Cisterc. repræsentat, absque tamen nota aliqua chronologica. Nullus etiam alibi comparet, nec apud Schœpflinum, qui non pauca in historia Badensi periodo II. marchionum Hachbergenfium, quæ ad hoc monasterium pertineant, atque ad seculum XIV. recenset b); veluti an. 1310. Henricum III. Hachbergenfem Tennenbacensibus nonnulla bona, quæ in Glashausen sita fuerunt, vendidisse. An. 1324. eundem Heinricum, eiusque filios Heinricum & Hermannum consilio Hugonis & Burchardi, dynastarum in Usenberg cognatorum suorum, cum abbacia Tennenbacensi in gratiam rediisse, iuribusque suis, si quæ habuerint in bona, abbatiæ huic in Malterdingen vendita, perpetuo valedixisse, posterisque suis eandem abbatiam diligenter commendasse: eodem anno marchionem Heinricum de Hachberg, eiusque filium cognominem emtionem confirmasse, qua abbas Tennenbacensis homines & bona in valle Reichenbach prope Keppenbach, a Walthero de Valckenstein comparasset: eosdem marchiones eodem anno cum Conrado Dieterico Snevelino milite, atque Ottomanno de Keyfersberg, Snevelini genero, super castrum Schnefelden transegisse, *ut prædicti equites in castro suo nullum damnum marchionibus inferant; neve invitis marchionibus quemquam in illud recipiant; a monachis in Selsa & Tennenbach homines emant, castrum denique vendant aut mutant.*

Affert ibidem epitaphium Agnetis, uxoris Henrici III. comitis de Hachberg, Ulrici comitis de Hohenberg filix, quod hic apponimus in distinctionem duarum familiarum de Hohenberg, & Hachberg, quæ facile inter se confunduntur. *Anno Domini 1310. V. Id. Aprilis obiit nobilis Domina Agnes marchionissa de Hachberg, filia domini Ulrici comitis de Hohenberg.* Fuit anno 1310. ante summum altare sepulta, mater trium filiorum Henrici, Rudolphi, & Hermannii, qui posterior per Germaniam superiorem an. 1318. magister & commendator an. 1347. conventus domus Friburgi Brisgoiæ ord. S. Ioannis Hieros. abbatix Tennenbacensi bona quædam vendidit eodem teste c): Carolusque IV. an 1372. Ottoni I. marchioni Badensi eiusque fratri Hessonii advocatiam

catiam monasterii Tennenbach contulit; quo etiam anno Otto dominus de Hachberg, qui an. 1386. in prælio Sempachensi interiit, sepultus Tennenbaci ante summum altare, sigillum suum chartæ Tennenbacensi appendit. Eodem anno Gregorius XI. abbati Tennenbacensi demandavit, ut iniustos detentores rerum monasterii S. Blasii ad restituendum adigat. Deest nomen abbatis in charta, quæ in archivio San-Blasiano servatur.

SECVLVM  
XIV.

XXVIII. Ex cœnobiis pluribus sanctimonialium Cisterciensis ordinis in Nigra silva unum fere est nobile Guntersthalense, haud procul Friburgo, quod sec. XIV. quasdam ostendet abbatissas; nempe Mechtildem I. Opfingerin, quæ obiit an. 1366. & Catharinam Mörserin defunctam an. 1373, quas quarto & quinto loco ponit Gallia christiana a), postponitque Annam Lepinam, quæ videtur eadem esse ac in alio catalogo, qui penes me est, Anna Behrenlappin de Bolschweil quarta numero: post quam quinta Adelheid de Munzingen, sexta Margaretha Brennerin de Brennborg, septima Mechtild Opfingerin seu de Opfingen: octava Catharina Mörserin de Morsingen, quæ possunt esse gentilitii stemmatis, aut natalis soli cognomina, convenientibus annis mortis in Gallia christiana positis. At posita morte fundatricis Adelheidis I. abbatissæ an. 1281. sola Heintruda & Clara Horenbergerin, seu de Hornberg vix dici possunt explere ætatem ad Mechtildem I. quæ an. 1366. est defuncta.

Sanctimonia-  
les Cisterc. in  
Guntersthal,  
& alibi,  
ordo SS. Do-  
minici &  
Francisci.

a) T. V. pag.  
1094

Ineunte hoc sec. XIV. Ordo SS. Dominici & Francisci monialium pagis etiam Nigræ silvæ fuit illatus. Ac ille quidem in Bertoldespara apud Neidingen, quo se Carolus Crassus imperio excidens contulisse fertur; cuius moniales circa annum 1303. quæ usque ad finem seculi XIII. quo a Conrado comite de Furstenberg, canonico Constantiensi, sui ex fratre Friderico nepotis Henrici nomine, bonis ac immunitate sunt auctæ, regulam S. Augustini fuerant secutæ, institutum dein S. Dominici sunt amplexæ. Ordo S. Francisci vero a B. Luitgarda, quæ ab ineunte fere seculo XIV. vitam solitariam in valle Kinzingana egerat, postea in Wittichen monasterium ord. S. Francisci, quod hodieque floret, instituit.

XXIX. Indigitavimus libro superiore horridum Nigræ silvæ nostræ recessum, quem Sanctimoniales Guntersthalenses sec. XIII. Wilhelmitis reliquerunt inhabitandum, quem nec ipsi diutius sustinentes in suburbium Friburgense se contulerunt. Eum tamen postea frater Ioannes de Urberg sacerdos, & postea per 40. annos Prior cum fratre Burchardo laico reperierunt, donec *prædictos duos fratres tribulatione multiplici examinatos, & vere igne tribulationis probatos misericors dominus, qui non*

Wilhelmitæ  
Friburgi, O-  
berriedt & a-  
libi.

SECVLUM  
XIV.

*relinquit sperantes in se unxit unguento misericordiae suae. Taliter vicum, quem Volcardus adhuc puerulus frater carnalis Ioannis Prioris pradii bene possessionatus, se & sua divino nutu ordinem recipiendo tradidit eis &c.* Videtur hic is ipse esse, qui in charta an. 1308. occurrit Volcardus Prior, quod tamen haud memorat F. Conradus Sturn coævus, qui ceu testis in chartis ineunte sec. XIV. legitur, in brevi monasterii Oberriedensis chronico, quod sic concluditur: *Deinde quoque annis fere viginti transactis rite & legitime ac sano freti consilio religionum & secularium personarum curiam in Bucheim, ad quam ius patronatus spectat, cum censibus a Walthero de Falckenstein filio Hiltebrandi de Falckenstein pro CL. marcis puri argenti & legalis emerant, anno ab Incarnatione Domini 1309. Id. Dec. in die Lucia V. & M. hac chartula edita & scripta est a Fr. Cunrado, dicto Sturn conventuali in Oberriedt, prout in instrumentis litterarum super his bonis ab initio confectarum, & a relatione veridicarum personarum, quibus hac constiterant, & qui tunc temporis vixerant, noverat & audivit.* Dicitur hic iam monasterium in Oberriedt, quem in locum translatum substitit a Friburgensi colonia distinctum. Apud Bolland. a) ex Petro Sylvio ord. S. Guilielmi primum in provincia Alemanniae positum adpellatur: *Domus vallis comitis, dicta Stella Mariae iuxta Villagium de Oberreth ultra Vriborch. Domus de Vriborch, pergit, dicta Cella Mariae.* Subdit immediate monasterium *Porta Mariae*, prope Hagenau in Alsatia dictum, ex quo laudatus Conradus Sturn primum Priorem & fratres missos testatur, Schoepflinus vero (cuius etiam in Alsatia diplomatica charta an. 1345. b) refertur, qua conventus fratrum Wilhelmitarum extra muros Argent. perpetuum lumen se habituros ad sepulcrum Ulrici Landgravii Alsatie pro-mittunt) in hist. Badensi c), an. 1394. ordinis S. Wilhelmi monachos in valle S. Mariae prope Hagenoviam a Bernardo marchione in tutelam receptos, perpetuam missam pro eo se dicturos promississe testatur. Tomo V. Gallia Christ. in append. p. 495. legitur instrumentum Wilhelmi episcopi Argentinen-sis, pro fratribus ordinis S. Wilhelmi in Eley anni 1395. cui aliud pro eodem monasterio insertum est Friderici episcopi Argent. an. 1387. Friderico abinde ad sedem Traiectensem translato.

Edimus chartam an. 1340. ideo, quod in ea multi episcopi nominentur, qui indulgentias 40. dierum monasterio Wilhelmitarum in Friburg, cuius bona & privilegia confirmavit Gregorius XI., concesserunt, itemque quas alii episcopi anno 1337. monasterio eiusdem ordinis in Sion, haud procul a litore Rheni Helvetico e regione Nigræ silvæ.

Ter-



Tertio huius ordinis monasterio, haud procul ab Alpibus Sueviæ ad oppidum Mengen, Fridericus Austriæ dux an. 1304. a), (quo eidem monasterio nobiles de Ruolfingen patronatum capellæ in Ruolfingen concesserunt) parochiam S. Martini in Mengen contulit; confirmavitque Ioannes XXII. P. an. 1320. & Henricus episc. Constant. an. 1337. Eandem munificentiam ratam habuerunt Albertus & Otto duces Austriæ. Quos inter & comites de Wirtemberg lites ortas fuisse Trithemius in annal. Hirsaug. ad an. 1343. narrat propter quædam oppida & dominia, quæ comes quidam de Schelkingen, seu Schalkingen forte Conradus, an. 1321. erga monasterium S. Blasii liberalis, Australibus pro pecunia vendiderat, in quibus memoratus comes de Wirtemberg se nonnihil iuris habere contentebat; contractisque copiis oppidum Mengen obsidione cinxit & devastavit.

SECVLVM  
XIV.

a) P. Marq.  
Herrgott cod.  
probat. geneal.  
Habsb. Voh  
II. p. 588.

XXX. Monasterium Carthusianorum prope Friburgum, ut ad Nigram silvam redeamus, initia ac foundationem suam accepit a Ioanne Snewelin maiore (cui amplissimæ familiæ etiam monasterium Wilhelmarum Oberriedense sua incrementa debet) qui anno 1346. illud in fundo ac villa instituit, insuperque pro quinque religiosis sustentandis 250. marcas argenti contulit. Anno 1355. notatur Gerardus Hold, rector Carthusiæ Friburgensis.

Carthusia  
prope Fribur-  
gum.

Monasterium confirmavit Leopoldus dux charta data Basileæ anno 1375. & an. 1387. Friburgi (ubi chartæ servantur) Albertus III. filius Alberti II. cognomento curvi seu contracti, qui an. 1330. monasterium Gemnicense ordinis Carthusiensis fundavit, lapidemque primarium in fundamento posuit, teste auctore Anonymo Carthusiano Gemnicensi in chronico Alberti huiusce apud Hier. Pezium b). Cumque, pergit, prædictus princeps magnificus & fundator noster dux Albertus contractus hanc domum & domum suam in Gemnico (ubi etiam cum domina fundatrice sepultus quiescit) in cunctis adificiis magnifice consummasset, in ornamentis & clenodiis splendide decorasset, in redditibus & proventibus copiose dotasset atque ditasset, tamque spectabilem & illustrem foundationem studiofissima diligentia perfecisset: & cum adhuc manum eius extentam ad plus dandum Patres restringere voluissent, dicentes, sufficit domine gratiosissime! nobis, & successoribus nostris largissime providistis; tunc quasi spiritu ait prophetico: Nembt dye weil man Euch gybt gern. Es chumbt dy Zeyt, das seyn alles zwenig wyerd werden. Meyne chynnder was Ich Euch wyerdt geben, das büett und pflegt gar eben.

b) Tom. II.  
Scriptor. R.  
Austr. p. 376.

SECVLUM  
XIV.

Ordinis S. Be-  
nedicti profe-  
sus sec. XIV.  
alibi gentium.

a) Tom. IV.  
Hist. univers.  
Parif. p. 950.

XXXI. Præter Friburgensem Carthusiam haud scio an accessio aliqua instituto sacro iuxta Regulam S. Benedicti sit facta sec. XIV. quo quidem ineunte Ordo Cœlestinorum in Gallias est invehctus. *Mandato quippe, ut Bulæus ex Sauflayi annal. eccl. Aurelian. notavit a), Philippi regis Petrus de Sora, cantor ecclesiæ Aurelianensis & confessor regius in Italiam profectus, inde monachos Cœlestinos ordinis S. Benedicti secundum statuta B. Confessoris & pontificis Cœlestini conviventes adduxit in Gallias duodecim numero, quos Philippus rex quo decuit honore complexus est &c.*

In Italia novus institutus est ordo montis Oliveti sub Regula S. Benedicti per Bernardum de Ptolomæis, & duos socios Senenses in comitatu Senensi dioceseque Aretina, adprobatus an. 1317. a Ioanne XXII. Idem an. 1319. monasterium Cassinense ordinis S. Benedicti caput sublimaturus in ecclesiam cathedralem evexit, ut notatur ad eum annum apud Raynaldum n. 33. Legitur bulla etiam eiusdem pontificis an. 1322. qua episcopi designandi ius conventui monachorum Cassinensium attribuit, eamque ecclesiam exemptam ab omni alia, nisi Romani pontificis iurisdictione, declaravit. Quod singulare est Ioannis XXII. beneficium, etsi forte Cassinensis episcopatus iam antea fuisset, ut Baluzius in notis ad vitas Paparum Avenionensium innuit. At Urbanus V. ut religio Benedictina ibidem melius servaretur, abbatiam Cassinensem in ordinem antiquumque abbatialem statum redigendam existimavit (ipse ex ordine Benedictino assumptus) bulla an. 1366. data apud Montem Pessulanum, ubi novum fundavit ordinis S. Benedicti monasterium, seque sui ordinis, imprimis vero monasterii Cassinensis, unde religio Benedictina exordium sumsit, studiosum monstravit: *qui papa, ut auctor cœvus Martinus Fuldenfis, cui res facile cognita esse potuit, testatur apud Eccardum b) fecit colligi magnam pecuniam in ordine nigrorum monachorum, cuius ipse professus fuit, pro reparatione monasterii sancti Benedicti in monte Cassino.*

b) Corpus hist.  
medii ævi T.  
I. p. 1730.

Disciplinam  
monasticam  
instaurare Ro-  
mani pontifi-  
ces student.

XXXII. Memorat auctor vitæ Urbani V. apud Raynaldum ad an. 1370. n. 16. eum monasterium Cassinense collapsum in ædificiis, quæ propter terræ motum erant pro maiori parte diruta, fecisse reparari & reædificari; at, quod longe præstabilius erat, advocasse monachos, & collegisse religiosos & devotos de diversis aliis monasteriis, in quibus scivit vitam monasticam melius & strictius observari: quos ibidem instituit, & ordinavit perpetuo relidere, amotis abinde pluribus vagabundis & insolentibus, qui vitam secularem potius, quam regularem erant ibi soliti observare: tertio deliberasse eidem in abbatem præficere aliquem, qui iuxta regu-

regulam B. Benedicti vivens ad sic vivendum præfatos monachos suo exemplo alliceret, & etiam compelleret, ubi ad contrarium inclinatos inveniret: & quum, licet diutius perquisitum, talem iuxta suum votum in cœnobiis monachorum nigrorum non inveniret, ne in suo huiusmodi sancto desiderio frustraretur, ad habendum fratrem Camaldulensium sub regula eadem famulantium aspectum habuisse. Substitit tunc in Italia institutum etiam Cluniacense, sed perinde a vigore disciplinæ monasticæ delapsum, ut alibi gentium, quod Trithemius in chyon. Hirsaug. (a de no-<sup>a</sup>) T. II. pag. 226. <sup>Seculæ XIV.</sup> „Apud omnes namque (inquit) ordinis nostri „monachos per totam pene Germaniam his temporibus regularis discipli- „næ observantia penitus defecerat: studium litterarum monachorum rarissimum curabat: venationibus, otio & commensationibus erant dediti, „& nihil minus, quam internæ conversationis exercitium aut lectionem „curabant scripturarum.“ Hæc ille, aliaque a nobis infra recapitulanda, ad an. 1354. dudum vero antea ad an. 1317. „Misera (inquit) fuit tunc „videre Hirsaugiam, quando & spiritualis conversationis veneranda cunctis olim integritas, habitatores omnino deseruit, & rerum temporalium quondam opulentia copiosa penitus defecit. Horum omnium causa malorum ex triplici fundamento non bono sumit exordium: dum „aut mali cœnobitæ suis convenientem pravis moribus, & non secundum Deum pastorem eligunt: aut boni etiam non satis provide ad „constitutionem abbatis procedunt. Nonnunquam etiam non bonum „merentur accipere, qui sine observantia viventes in monasterio, Deum „suis peccatis non metuunt irritare.“

Exoptabile cumprimis erat & salutare sec. XIV. institutum S. Benedicti secutis, quod pontifices eandem regulam professi studiose suos sodales ad officium revocare contenderint. Ex quibus Benedictus XII. primo statim regiminis anno die decima Ianuarii an. 1335. prælatos omnes ad suas ecclesias redire coegisse memoratur apud P. Pagium in Brevariario Rom. Pont. ex auctore secundæ & tertiæ eiusdem pontificis vitæ, additurque ex auctore quintæ vitæ, id eum etiam præcepisse abbatibus & omnibus obtinentibus Prioratus &c. compulisseque de curia recedere, ac mandasse eosdem etiam invitos in suis ecclesiis & beneficiis residere. Testatur se in suo ordine Cisterciensi dignitates gessisse in celebri, quam *Clementinam* vocant, bulla b) quam primam pro Cisterciensi Reformatione b) T. I. Bullarum Rom. p. 210. „adulescentia nostra perseveranter iugum sustulimus, & in eo alumni effecti per temporum curricula diuturna crevimus, tam in illo, quam extra





terant; siquidem laudatus Trithemius aliquamdiu saltem capitula ea provincialia celebrata fuisse testatur, quod imprimis de Anglia constat ex Spelmanni conciliis Anglic. ab an. 1338. quamdiu nempe Benedictus XII. pontificatum tenuit ad an. 1340. quo memorat idem Trithemius Benedictum XII. P. in Avenione residentem ad instantiam presidentium, & abbatum quorundam Capitulorum provincialium ordinis nostri constitutionem suam de reformatione monachorum factam ante quatuor annos in plerisque locis ambiguum, & quibusdam perplexitatibus involutam nova editione declarasse: eodemque tempore mandato Romani pontificis capitula in ordine nostro provincialia seu generalia per totam Europam studiose celebrata fuisse, quæ tamen successu temporis intermissa usque ad Constantiense concilium in multis defecerint. Desideratur declaratio illa, quam Trithemius perhibet factam a Benedicto XII. 1340. super dubia Constitutionis Benedictinæ an. 1336. loca. In hac vero præter capitula provincialia, per provincias nimirum hierarchicas singulis trienniis celebranda a) (de quibus agit cap. 1.) copiose præterea tractat, modumque proscribit c. 3. capitulorum generalium annuatim in singulis monasteriis, perinde ac ecclesiis cathedralibus celebrandorum: demumque cap. 5. præscribit quotidianum capitulum regulare, quo iuxta pontificis sententiam fortificatur & durat nervus monastica disciplina . . . In quo, pergit, priusquam ad alia quævis procedatur plene (secundum regulam monasticam & ecclesiarum, monasteriorum conventualium, & aliorum locorum præfatorum consuetudines approbatas) monachorum seu fratrum excessus, transgressiones, & negligentia corrigantur: ac de disciplina & reformatione regulari agatur in illo.

a) F. I. Balar. Rom. p. 218. &c.

XXXIII. In laudata Benedicti XII. constitutione an. 1336. pro reformatione monachorum nigrorum ord. S. Bened. quæ *Benedictina* appellatur, cap. 16. circa esum & abstinentiam carnis iuxta institutionem regularem singulariter statuitur & ordinatur b): quod per totum annum feria quarta, & die Sabbati, & a prima Dominica de Adventu usque ad diem natalis Domini, & a Dominica Septuagesimæ usque ad diem paschæ omnes regulares eiusdem ordinis sive religionis ab esu carniū ubique abstineant, nisi necessitas infirmitatis non fictæ, per abbatem, vel alium prælatum proprium forte suadeat cum aliquo dispensandum. Diebus autem quibus monachi in infirmitorio carnes edent, sic provideatur omnino, quod in refectorio remaneat ad minus medietas monachorum capituli, vel conventus, & idem fiat ubi abbas seu alius prælatus principalis aliquos ad domum seu ad Cameram suam vocabit ad melius vel plenius exhibendum.

Victus, vestitus, ac pecuniarum monachorum.

b) T. L. Balar. p. 234.

SECVLVM  
XIV.

a) T. IV.

Conc. Germ.

pag. 260.

Iam an. 1316. in synodo Moguntina cautum fuerat c. 20. a). *Item monachi in refectorio carnibus non utantur, nisi in infirmitorio, cum agrotant.*

Trithemius in annal. Hirsaug. ad an. 1341. quo Wichardus abbas fuit renunciatus, eum vivendi modum, quem in monasterio reperit, quum emendare non posse videretur, inconvulsam suis monachis permisisse testatus, in exemplum hæc adducit: „Gaudebant ex antiqua corruptione „peculio: carnibus etiam quadrupedum omnes per totam Germaniam „sine aliquo conscientie scrupulo vescabantur, & de interna conversatio- „ne spiritus ac puritate mentis cura paucis inesse videbatur. Pontifices „nonnulli ecclesiarum cupientes monasteria ordinis in suis constituta „diocæsis meliora pro viribus revocare, cum nec personas haberent „pro reformatione idoneas, nec modum & formam reformandi, ut ma- „gnum aliquid putarentur fecisse, proventuum & bonorum inter abba- „tes & monachos divisionem contra monasticam puritatem introduce- „runt, quasi per hoc desolatis monasteriis maximopere videretur con- „sultum... Sed non fuit iste verus reformandi modus, qui multa or- „dinis nostri monasteria in ultimam, sicut hodie cernimus, paupertatis „inopiam præcipitavit.“ Edimus Ulrici abbatis S. Blasii chartam an. 1321. qua Priori & Conventui S. Blasii proventus addicit separatos ad mensam regularem. Alteram item Petri abbatis an. 1347. qua certi redditus Priori & Conventui conceduntur, „quod pretio eiusdem annonæ pisces com- „parentur, & fratribus de conventu in die Assumptionis B. M. pisces pi- „perati annis singulis perpetuo, quanto lautius potest fieri, ministrantur, „& deinceps fratres diem meum anniversarium celebrent iuxta consuetu- „dinem loci perpetuo dicta die.“ Sic etiam in rotulo membranaceo anniversariorum an. 1383. *pisces piperati & fladones*, decoctum ex lacte & ovis, notantur ministrandi.

Semel tamen sequentia ibi leguntur: „Nota quod in festo Corporis „Christi servitur conventui in Vigilia cum integra mensura cum una li- „bra, & in die cum piscibus piperatis & vino bono, & in octava cum „duobus agnis.“ Vides hic carnes quadrupedum, quas tamen San-Blasianos sec. XIV. in infirmaria tantum comedis manifestum fit ex charta Henrici IV. abbatis an. 1348. in qua promittit se quatuor vaccas pro conventu nutrituros: „quarum fructum (addit) tam in lacte quam in „foetu ipsi Prior & Conventus perpetuo recipiant. Et lacte in refecto- „rio & foetu in infirmaria utantur.“ Statuit porro, *ut fratres, scilicet Prior & Conventus in infirmaria comedentes servent silentium, & habeant lectionem sicut in refectorio.*

Idem

Idem abbas, quoad vestimenta etiam fratrum liberalem se common-  
stravit cum obligatione tamen missæ perpetuæ, quotidie per ipsos Prio-  
rem & conventum in capella S. Petri celebrandæ, dum inter alia promit-  
tit: „Item nos nostrique successores ad cappas dabimus pannum ex  
„lana caprina, contextum in Vilingen, vel Rotwila emendum, & ad  
„tunicas pannum subtilem de Argentina, vulgo dictum *dinnen Strasbur-*  
„*ger*... Item ipsis dabimus pro caligis faciendis pannum laneum albi  
„coloris, cuius ulna III. solidos denariorum usualium, & pro foccis  
„faciendis pannum, cuius ulna II. solidos denariorum eorundem valere  
„potest, ac circa festum Pentecostes cuilibet ipsorum unam ulnam panni  
„linei, vulgo dicti Zwyllich, valoris decem denariorum, pro caligis  
„faciendis.“ Quod nempe ad distinctionem vestimentorum in æstate per-  
tinet, & hyeme iuxta S. Regulam. Qua de re in ordine operis Dei e-  
iusdem sec. XIV. hæc quæ notavi in monumentis vet. Lit. Alem. a) <sup>1)</sup> T. II. pag. 255  
præscribuntur: „Notandum, quod XII. Cal. Apr. qui est dies S. Bene-  
„dicti, debet dari fratribus præbenda vestitus æstivalis, sive sint cucullæ  
„sive tunicæ, sive aliæ vestes, & debent eis ministrari ad quemcumque  
„locum ex obedientia destinati fuerint super eandem diem.“ Et postea  
in eodem Cod. Msc. V. Cal. Nov. debent ministrari fratribus vestes hye-  
males in quocumque loco ex obedientia existant.

Ubique ex allatis monumentis elucet divisio bonorum ususque con-  
dictus ac certi proventus, qui etiam in bonis immobilibus religiosi in  
particulari dati leguntur, atque ad dies vitæ res affectæ, veluti ex charta  
quam edimus, constat, qua Markartus de Ehingen coram iudicio Hor-  
beni profitetur curiam in Sulzowe verum suum esse vitalitium, quod  
post mortem suam iterum ad conventum Reichenbacensem redeat. Con-  
fitetur porro, se curiam illam cum esset Prior contra voluntatem Con-  
ventus fratri suo Wernhero de Ehingen colloasse contra ius & fas. In  
charta an. 1375. monasterii Albæ Dominorum legitur Walterus de Gu-  
gelingen, civis Spirensis legasse monasterio Albæ centum viginti florenos  
sub ea conditione, ut filio suo Riperto monacho eiusdem monasterii  
annui quidam proventus emerentur: Riperto illi facto deinceps abbati in  
pomero monasterii Albæ tradidit illos agros & prata, quæ dictum mona-  
sterium emit a Richelina de Oettingen an. 1367. ad dies vitæ tantum.

XXXIV. Nihil frequenter adeo & amare deplorat Trithemius in An-  
nal. Hirsaug. quam studiorum neglectum apud monachos sec. XIV. do-  
lens imprimis idcirco materiam sibi, ut iam notavi, dedisse conscriben-  
dæ historiæ, quod, scribit ad an. 1355. *monachorum ignavia non litte-*

Studia litte-  
rarum pro-  
motoribus  
maxime sum-  
mi Pontifici-  
bus Benedi-  
ctinis.

SECVLUM  
XIV.

*ris, ut olim, sed vanitatibus dedita, nihil memoria dignum, posteritati reliquerit. Apud omnes namque Ordinis nostri monachos per totam pene Germaniam his temporibus regularis disciplina observantia penitus defecerat: studium litterarum monachorum rarissimum curabat: venationibus, otio & comessationibus erant dediti, & nihil minus quam internæ conversationis exercitium aut lecticnem curabant scripturarum. O tempora! O mores claustralium! Quam longe distamus, imo iacemus a fervore spiritus, & disciplina religioſæ conversationis Patrum antiquorum. Et tu Hirſaugia mater quondam insignis plurium Ordinis nostri monasteriorum, quæ studio divinarum scripturarum simul & integritate morum olim, ut paradisus Dei fulgebas, his, in quibus calamum nunc exercemus temporibus, quantum defeceris ingemiscimus. Eandem fere paucis repetit ad an. 1359. querelam de illorum temporum calamitate, quando non solum in isto insigni monasterio Hirſaugienſi, sed & in cæteris pene omnibus cuncta spiritualis disciplina, & sancta exercitia defecerunt.*

Summi pontifices, quos vidimus, reformationi ordinis monastici intentos, de studiis etiam litterarum intra monasteria restaurandis fuerunt solliciti iam ineunte ſec. XIV. Clemens V. in Conc. Viennensi an. 1311. ſanciens, ut in ſingulis ipſorum monasteriis idoneus teneatur magiſter, qui eos in primitivis ſcientiis inſtruat diligenter, ut pluribus videre eſt lib. V. Clementin. c. Ne in agro de ſtatu monach. Quam conſtitutionem Benedictus XII. a) ſæpe laudatus ſingulari capite VI. explicans, adiſcicndo ſtatuit, ut in quibſlibet eccleſiis cathedralibus, monasteriis, Prioratibus, & aliis conventualibus & ſolemnibus locis, quibus ad hoc ſuppetunt facultates Ordinis ſeu Religionis huiusmodi deinceps habeatur magiſter, qui monachos eorum doceat in huiusmodi ſcientiis primitivis, videlicet, Grammatica, Logica & Philoſophia; proviſo attentius, ut ſeculares inſtruendi cum ipſis monachis docendis in eiſdem eccleſiis, monasteriis, Prioratibus & locis nullatenus admittantur. Cui quidem magiſtro, ſi monachus non fuerit ipſius ordinis ſeu religionis de pane, & vine, & piſcantia providere quotidie, ſicut uni ex monachis eccleſiarum, monasteriorum, Prioratum ac locorum huiusmodi, teneantur illi, qui talia tenentur in aliis capitulis &c.

In monumentis domeſticis primum reperiſſo eiſmodi magiſtrum Nicolaum de Rudlingen preſbyterum, qui in charta an. 1357. ſcribit ſe rectorem in Brambach, & rectorem ſcholarum S. Blaſii. An. 1391. tamen Id. Auguſti obiſſe memoratur Fr. Ioannes de Tullicon Scholaſticus S. Blaſii adeoque monachus, dum circa ea tempora vergente nimirum ſeculo XIV.

perin-



perinde ac adolescente eodem seculo, ut supra vidimus, haud defuerunt viri docti, & diligentes, ut monumenta, quæ supersunt attestantur ipsa, aut eorum recensensus complurium imprimis inter monumenta Vet. Lit. Alem. a) voluminum pro lectione ad mensam & collationes, seu publicam lectionem ante completorium ex scriptis seu homiliis SS. PP. ac vitis Sanctorum in eorum festivitatis ordinatim per annum, præter S. Scripturam integram annuatim legendam præscripto per hebdomadas ordine, ita ut, quod remanserat de lectionibus ad nocturnos, legeretur ad mensam usque in finem, ut passim annotatur.

SECULUM  
XIV.

a) T. II. pag.  
255. &c.

Duo supersunt codices eiusdem ætatis libri, qui iam a nobis est memoratus, inscriptus *Ordo operis Dei* in argumentum diligentiae, quam anonymus ille a nobis passim laudatus, auctor libb. construct. monasterii S. Blasii inculcat alicubi his verbis: *Scribantur libri, ut & manus operetur cibum, & anima lectione satietur.* Quam religiose porro initus fuerit seculo adhuc XIV. labor manuum, ex iis palam fit, quæ in monumentis veteris Liturgiæ Alemannicæ b) ad rem attulimus ex codicibus MSS. eiusdem ætatis, imprimis ordine operis Dei S. Blasii.

b) T. II. pag.  
250. &c.

In eodem porro codice varia inserta leguntur, quæ scholas & scholares attinent a pueris in monasterio institutos, quorum officia in choro præsertim passim præscribuntur, eorum etiam obitus in necrologiis notantur. Ad an. 1382. e. g. XI. Kal. Nov. *Ioannes iuvenis dictus Blarer monachus monasterii S. Blasii.* An. 1390. XII. Cal. Ian. *Rudolphus de Altmishofen puer & monachus S. Blasii.* An. 1391. XIII. Cal. Febr. *Matthias puer & monachus S. Blasii.* Id. Aug. *Adhereon de Tullikon scholaris S. Blasii.* Petrus Rogerii postea Clemens VI. P. anno ætatis decimo habitum S. Benedicti induisse in monasterio Casæ Dei in Avernia memoratur apud Fr. Pagium in breviario Rom. Pont. ipse testis in bulla data in gratiam illius monasterii se sub regulari habitu ab annis teneris militasse, & in eo professionem emisisse regularem. Nam, ut in sermone habito in exequiis eiusdem dicit Ioannes de Cardalhaco patriarcha Alexandrinus c), *principio sue puerilis inventutis Deum habuit in memoria, puer decem annorum religionem sancti Benedicti ingrediendo.* d)

c) Apud Baluz. in vita  
Pont. Ave-  
nion. p. 835.

Z 2

XXXV.

d) Eins post Innocentium VI. successor Urbanus V. iterum ex ordine S. Benedicti monasterium in Monte Pessulano fundavit in honorem SS. Benedicti & Germani *monachorum studentium & claustralium.* Ut apud eundem Pagium annotatur ex eius vita; ex bulla item an. 1368. statuisse eum, constat, ut in dicto monasterio seu Prioratu sint viginti monachi Conventuales, de quorum numero sit unus Prior. Ut etiam sint duodecim perpetui presbyteri seculares, qui horis diurnis ac nocturnis continue deserviant in divinis: quod item ultra Priorem sint sexdecim monachi eiusdem ordinis professores, qui per abbatem S. Victoris Massiliensis tam de suo monasterio, quam de aliis ab ipso dependentibus ad studendum in iure canonico mittantur: de-

SECVLUM  
XIV.

Generalia &  
academica  
studia.

- XXXV. Benedictus XII. ex ordine Cisterciensi assumptus in bulla pro reformatione illius ordinis anno 1336. data studia generalia pro illius alumnis ordinavit, singulis provinciis aliqua assignata schola, ita ut *Alemanni dirigantur ad studium Metense pro dictis scientiis primitivis*; qui nempe darent operam philosophiæ non vero studiis iuris canonici aut civilis, voluitque ut e quolibet monasterio religiosi mitterentur ad litterarum studia, ut Bulæus in hist. acad. Paris. ad an. 1337. a) notavit. Multa quoque articulatim pro studiis & studentibus tum in hac pro Cisterciensibus b), cum etiam in bulla sæpe laudata pro monachis nigris præscripsit cap. VII. & VIII. c) *de studentibus ad generalia studia mittendis, eorumque pensionibus.*
- Teste Bulæo eodem an. 1336. d) Benedictus Bernardinorum seu Cisterciensium Parisiensium collegium eo schemate, quo suis oculis illud vidit Bulæus, ædificare cœpit. Eius vero nepos Ioannes de Buxeriis seu de Avernia, qui adolescens in illo collegio philosophiæ & theologiæ operam dederat, doctoratus lauream consecutus, absolvit tunc abbas Cisterciensis. Ubi ante fores ecclesiæ ita legitur in scuto: *Hæc sunt arma S. memorie D. Benedicti papæ XII. Cisterciensis Ordinis, cuius est præfens studentium collegium; qui hanc fundavit ecclesiam, & multis donavit indulgentiis.* Factum id ad instar collegii Cluniacensis congregationis (sepe in Nigram silvam nostram protendentis) iam anno 1269. ab Yvone Vergiaco Parisiis instructi, ut tamen anno 1309. Henricus de Fauteriis abbas Cluniacensis, superiore anno renunciatus, episcopus postea S. Flori in Arvernia statuta prædecessorum suorum *super prosperitate & promotione studii theologiæ* insigniter auxerit, quatenus, ut apud Bulæum e) legere est, *in domo nostra ordinata & fundata principaliter ad audiendam theologicam facultatem, sapientiam tam supremam, tam difficilem, tam profundam & investigabilem mittant ad proficiendum & studendum docibiles aptos mente & ingenio & potissime in grammaticali- bus ad minus sufficienter fundatos.* f)

Narrat

nique quod pro claustralibus quatuor & studentibus sex monachi mittantur oriundi de civitate & diocesi Mimatensi. Memorat porro auctor vitæ eius primæ viros litteratos eum valde dilexisse, multosque ex ipsis promovisse & exaltasse: utque daret cæteris addiscendi materiam & opportunitatem, quamdiu vixit in papatu tenuisse mille studentes in diversis studiis.

- f) Sic nempe dispositos vult ad audiendam logicam, „quæ (inquit) est modus sciendi ad omnium artium & scientiarum principia viam habens: Primo summulas in Domo: deinde verterem logicam, & postea novam logicam in domo vel extra audiant; ut sic imbuti in logica competenter libros naturales & philosophiæ audire & facilius intelligere possint: cuiusmodi logicalem & librorum naturalium philosophiæque auditionem eisdem concedimus in favorem sacre Scripturæ, ut videlicet efficacius & facilius capiant & intelligant librum sententiarum. in quo profunda mysteria totius sacre pagine continentur. Similiter de audientibus theologiam statuimus, quod libros Bibliæ audiant ordinate.“ Ordinato pro logicabilibus

Narrat porro Bulæus a) lites, quales iam superiore libro memoravi- SECTUM  
XIV.  
mus, universitatis Parisiensis cum monachis San-Germano-Pratenſibus  
ob ſcholares male habitos, uti etiam hoc ſeculo contigit piſcantibus in  
foſſis prati, re an. 1317. ad pontificem delata. Cum Cluniacenſibus de- a) L. c. pag.  
174.  
certavit univerſitas an. 1334. b) ob domum Cluniacenſem ſitam ad por- b) pag. 243.  
tam S. Germani regiæ tutelæ commiſſam: itemque an. 1336. c) cum M. c) pag. 247.  
Petro Chalufio decretorum doctore & abbate Cluniacenſi, propterea quod  
ille in platea quadam, quæ erat ipſius univerſitatis, ædificium aliquod  
ſubgrandiuſcule exſtruxerat.

Irata porro univerſitas an. 1341. d) Baccalaurios ſuos inter alia iurare d) pag. 274.  
iuffit, nullum religioſum cuiuſcunque fuerit profeſſionis recipere in ali-  
qua examinatione videlicet *Determinandorum & Licentiandorum*, nec in-  
tereſſe ſuo *Principio nec ſuæ determinationi*. Notat tamen Bulæus in ca-  
talogo illuſtrium academiarum ſec. XIV. e) inter alios Guilielmum de e) pag. 959.  
Coſta, ordinis Cluniacenſis licentiatum fuiſſe in theologia uno an. 1391.  
cum M. Petro Wuart Rotomagenſi, Ægidio Morpa, magiſtro ſcholarium  
S. Dionyſii, Iacobo de Metis Auguſtiniano, Matthæo de Dunis Cifter-  
cienſi, Michaele Picquier Minorita, Bernardo Textoris Carmelita, Ro-  
berto Poitwein Auguſtiniano, Guillelmo Moheti Minorita & Ioanne de  
Trinitate Cifterciienſi. Sic an. 1398. Bertrandum de Fontonay doctorem  
theologiæ ordinis Cifterciienſis licentiatum ſiſtit a Cancellario Pariſienſi  
cum MM. Mathæo Reginaldo, Io. Morames, Io. de Londa Auguſt. Io.  
Leans, Io. Arnolſo Minorita & Guill. Prevost Carmelita.

Multos porro in eodem catalogo illuſtrium academiarum univerſitatis  
Pariſienſis ſexti ſeculi, a Chriſto nato XIV. recenset Alemannos recto-  
res univerſitatis renunciatos cum ampliſſimis Germaniæ provinciis natio-  
ni Anglicanæ computatos, cui cum Picardia an. 1358. lis de finibus in-

## Z 3

ter-

audiendis ſpacio biennii, & pro libris naturalibus & philoſophicis ſpacio biennii. „Item  
„(pergit) ad habendum experimentum qualiter proficiant ſtudentes, & ad exercitationem in-  
„genii & intellectus eorundem ſtatuiſſimus, quod omnes & ſinguli Bibliam audientes poſtquam  
„biennii ſpacio eam audierunt, ſermones & collationes ſecundum ordinem faciant diebus &  
„temporibus hæcenus conſuetis. (Statuit deinceps) propter exercitium collationis & diſpu-  
„tationis fructum fieri hebdomatim vel ſaltem in quindena ſemel horis certis diſputationes quæ-  
„ſtionum logicarum philoſophiæ & theologiæ alternatim inter fratres ſtudentes.“ Inhibet vero  
poſtea in virtute obedienciæ „ne apti & ſufficientes (ſit) ad legendum ſolemniter aliquem  
„librum bibliæ, cuiuſmodi lectura in ſtudio Pariſienſi Curſus communiter appellatur, & præ-  
„ſertim librum ſententiarum præſumant legere ſine noſtra & ſucceſſorum noſtrorum licentiâ  
„ſpeciali petita & obtenta.“ Idem graviffimis verbis cavet de honore magiſterii in theologia  
ſeu doctoratu, de ſtudio item iurium, aut alterius facultatis diſtinctæ a logica, philoſophia &  
theologia in ſola domo Scholarium Cluniacenſium Pariſiis: „Item quod nullus de ordine no-  
„ſtro ſudeat amodo in iure canonico niſi in altero de locis infra ſcriptis videlicet Aure-  
„liani, Tolofæ, in Monte Peſſulano, & Avinione.“

SECVLUM  
XIV.

a) L. c. pag.  
346.

tercessit, amice demum composita, factaque inter quatuor ipsas nationes hæc limitatio, ut ex Goulero refert a), ut *Mosa & Mosella fluvii facerent terminos inter Picardos & Germanos, similiter inter Gallos & Germanos. Item a parte Sabaudie Lausanensis lacus inter ipsos Alemannos divisionem facit & Gallos.*

b) Lib. X. Sa-  
xonie c. 15.

c) Script. rer.  
Germ. T. III.  
pag. 373.

Iam an. 1348. Carolus IV. imp. academiam Pragensem instituerat, quam confirmavit an. 1366. Urbanus V. P. Urbanus VI. vero Coloniensem, & Heidelbergensem, hancque ad instar Parisiensis plantasse dicitur Bulæo, attestante Trithemio, Marcilium de Inghen de gymnasio Parisiensi fuisse evocatum Heidelbergam pro universitatis initio. Ehrfordiensi in Turingia scholæ Bonifacium IX. an. 1392. privilegium facultatis theologicæ concessisse Krantius notavit b), quæ eo pacto academia instituta paulatim in universitatem excrevit perinde ac Heidelbergensis Nigræ silvæ nostræ vicinior, ubi in magno chronico Belgico apud Pistorium c) Rupertus RR. ineunte demum sec. XIV. dicitur fundasse studium universale & dotasse & privilegiis ornasse notabiliter, *erigendo ibidem venerabilem ecclesiam collegiatam, in qua semper tres doctores sacre theologia, tres doctores in iure canonico, unus doctor in medicinis, unus doctor theologia, qui sit predicator: tres magistri in artibus, & duodecimus eorum decanus (qui simul doctor de facultate theologica, aut iuris canonici) & ut plebanus etiam ecclesie illius ad minus baccalaureus formatus in theologia esset. Istius etiam tempore fundatum fuit studium universale Colonia, quod mirabiliter instar studii Parisiensis privilegiis cobonestavit.*

d) T. XXIV.  
pag. 52.

Præter doctores & professores in academiis Germanicis monachi haud comparuerunt, ut in Gallia, præsertim universitate Parisiensi iam a seculo præterito: dum interea temporis incommoda pro disciplina regulari ex hac iuvenum monachorum ad academias missione in propatulum venerunt, abiectumque præiudicium quod inoleverat, extra academicam palæstram non satis fervere litterarum studia, ut observat insignis Gallicus scriptor Claud. Fleury dissert. VIII. in historiam ecclesiast. d). *De religiosis: Quia, inquit, extra universitates fructuosa litteris opera dari posse tum temporis non credebatur, illuc mittebantur monachi; tum vero eorum disciplinam laxabant mentium evagationes ex itineribus, inevitabilique congressu cum academicis secularibus ex parte maxima parum bene moratis, vanitas item graduum honoris ex doctrina, & prærogativæ, quas huiusmodi gradus in cœnobiis conciliabant.*

Theologia.

XXXVI. Tale vero fuit tunc studium theologicum perpetuo conflans & contentiosum, quod in claustris etiam secessuque monastico erat

per-



perniciosum perinde ac collegiis illis studii generalis ordinum monasteriorum, quæ modo commemoravimus, Cluniacensi imprimis, quod nos propius attingit, quippe quod congregatio illa in Nigram silvam usque sese protenderit. Excerpta quidem illa, quæ dedimus ex statutis & legibus sec. XIV. pro collegio Parisiensi factis, summam curam demonstrant pro facultate præsertim theologica, quam diximus superiore libro in biblicam, & philosophicam peripateticam divisam, quæ ipsa in partes ita divisa fomes litium, altercationum & controversiarum erat a).

a

Quod vero materiam theologicam ipsam attinet Ioannes XXII. in epistola ad academicos apud Raynaldum ad annum 1317. theologastros perstringit, qui *postpositis vel neglectis necessariis, utilibus, & edificativis doctrinis, curiosis, inutilibus, & supervacuis philosophiæ questionibus & subtilitatibus se immiscent, ex quibus ipsius studii disciplina dissolvitur, luminis eius splendor effunditur, studentium utilitas impeditur.*

Studio biblico in legibus collegii Cluniacensis suum statutum pretium fuit; sed non perinde alibi tum in publicis studiorum exedris, cum etiam in privatis apud ordines religiosos, mendicantes præsertim, qui de uno ad alia monasteria per provincias sæpe mutandi, militandique dum parum suppellectilis litterariæ constanter habebant ad manum, ante divinum præsertim typographiæ inventum, omnia veluti sua secum portabant. b)

b

In

a) Afferitur illis in statutis collationum & disputationum etiam utilitas, sed procul strepitosis illis per integros dies protrahis, qualem Bulxus (p. 173.) ad an. 1316. describit institutum animosum illum toto orbe celeberrimum *Alitum*, qui, vulgo dicitur *Sorbonicus*, quo scilicet, *æstate per singulos dies Veneris non impeditis ab hora quinta matutina ad septimam vespertinam sine præside, sine socio, sine prædicio & pastu, sine ulla emigratione in eadem perpetua corporis, sedis & animi contentione per 14. horas continuas omnibus & singulis opponentibus respondetur. Et quid tandem conficitur, aut confectum est? Quærere licet, cum viro docto illo aliquando in conclave illud deducto, in quo, ut ipsi dicebatur ostentabaturque, tot iam seculis fuit disputatum.*

b) Hinc illæ subtilitates e cerebro natæ, continuis disputationibus totæ: hinc illæ factiones inter ordines Dominicanum & Franciscanum, in quo Io. Dñs Scotus sectam Thomisticæ oppositam per secula duraturam sec. hoc XIV. constituit firmavitque, controversia illa imprimis de immaculata Conceptione B. M. V. insignem, quam iussu sui ordinis Ioannes de Monteflono Dominicus impugnabat, ut vicissim Scotus pro aris focusque tuebatur, ideoque Coloniam missus Altera minus celebris erat inter Prædicatores & Minoritas disputatio de sanguine Christi in passione effuso. Cæterum disceptatur de modo & mensura gratiæ divini eiusque operatione. Wilhelmus Oceanus, discipulus Scoti, antesignanum sese sectæ Nominalium contra Reales præbuit

Præ his vero in studio biblico ex eodem ordine meliorem elegit partem navavitque operam Nicolaus de Lyra, meliorem in expositione veteris testamenti, quam novi, gnarus hebraicæ, non vero græcæ linguæ. Linguæ quippe hebraica, chaldaica & arabica frequentabantur in academiis ab incunte seculo XIV. ex statuto Concilii Viennensis an. 1311. (uti legere est in Clement. lib. de Magistris. cap. Inter sollicitudines.) hortatu imprimis Raimundi Lulli iunioris,

SECVLVM  
XIV.

In homiletica operam egregiam præstitit Petrus Berchorius Pictaviensis, Ord. S. Bened. philosophus & theologus clarissimus, qui Titum Livium in linguam Gallicam convertit, edidit vero historiam biblicam, & repertorium morale, quod ad nostram usque ætatem usum præbuit concionatoribus. Quo in munere sec. XIV. excelluit Dominicanus Ioannes de Friburgo ex natali sic dictus solo, urbe Friburgensi Brisgoiæ ad radices montium Nigræ silvæ sita, aliis etiam scriptis celebris, quæ recensentur T. IV. Conc. Germ. p. 618. ex quibus eodem adhuc seculo eius summa de decretis in Germanicam linguam translata a Bertoldo presbytero eiusdem ordinis Prædicatorum extat Msc. in bibl. monasterii Gengenbacensis a): in qua etiam citatur eiusdem Ioannis de Friburgo Summa Confessorum: aliæque complures editæ sec. XIV. prostant summæ casuum conscientiae pro praxi confessionis sacramentalis iuxta disciplinam sec. XIII. ab Innocentio III. in concilio Lateranensi stabilitam can. *Omnis utriusque sexus*: unde factum est, ut successu temporis confessio auricularis semper magis magisque frequentata, insigni fidelium utilitate etiam exercitium pietatis, quæ prius reservata fere fuerat ad articulum necessitatis, prout ecclesia diversis temporibus usâ est potestate clavium, ut quæcumque solveret & ligaret in terris, essent etiam soluta & ligata in coelis.

Inde

maxime ob infidelium & Mahumetanorum conversionem: quare sanctum est linguas illas in præcipuis universitatibus publice doceri, earumque linguarum libros fideliter in latinam linguam converti. Ad interpretationem vero scripturarum rarus erat earum linguarum usus, ipsius etiam sacre scripturæ in theologia, præterquam homiletica & mystica.

- 2) Incipit Prologus de Summa Iohannis de decretis. Unusquisque sicut accepit gratiam in aserutrum illam amministrantes. j. p. 111j. Seus Petrus Aplus. „Spricht in seiner ersten epistel in dem vierden Capitel. das ein jeglich mensch alz er het gnade und tugend Emphangen von got. also sol er die gnade ouch andren luten mittheilen und geben. Von darumb wan ich bruder Ertold und Priester gehorsami han getou prediger Ordens. der dar umb gemacht und bestetiget ist von der heiligen cristenheit. daz er soll predigen vnd kunden daz gottez Wort. zenutz vnd selikeit den luten. Vnd ich min tage vil geprediget han, und das geloffen het. Vnd mich eins einfydels Leben angenommen het. und nit predigen me mochte. und brüderlich truw und nutz bewisen noch dem gebott götlicher Liebi ze tunde minen nehesten Menschen, alz ich solt. Vnd auch von gehorsamy wegen mins Orden. der vmb ich straff und gewissny hett grosse Klich in miner Sele. und das ze bessrung. daz Christenlute dogegen von mir möhtint an ir Sele getroestet werden. so han ich von minem vermögen mit der Hülff Gottez vnd mins Orden sei Dnici. und onch von Liebi und Bett wegen Her Hansen von Aur seligen, des andechtigen Ritters ze tutscher sprache noch der ordnung des A. B. C. gemacht, und das allernutzost ist den Luten ze wissande und usgezogen und genommen aus dem Buch der Summen der Bibtiger. die der würdige Vatter *leseneister Iohans von Friburg* auch prediger ordens ze Latin gemacht hat. uff dz ich nit tritt wider min gehorsamy. und brüderliche Liebe breche. der ich schuldig bin allen Luten. und bitte alle die daz Buch lesent oder schribent. daz sy nit darzu, noch daven setzen, denn daz not ist ze tunde. durch dz d'rechte Sin der heiligen Lerer nit gefelichz werde in dem Buch. oder an dem Sinne. oder an der Zal der Quoten. oder der Capitel des Decrets Buch. Die etwenn unrecht von den schribern gesetzt werdent. und übersehen der mag gon zu der Summen Iohannis. oder zu dem Decret. und Lesen noch siner wegriht, siner selen seligkeit. *Explicit pligus.*“

Inde vero quod theologia moralis christiana potissimum ad tribunal poenitentiae accommodaretur, ubi praecipue de materia confessionis tractandum erat, factum est, ut theologia mystica, quae ad renovationem interioris hominis attinet, qua aptus christianus sit ad officia christiana, perfectionemque ac felicitatem assequendam, magis discerneretur media inter theoreticam & practicam theologiam atque de utraque participans, insignes imprimis doctores nacta, ex quibus praecipuos Nigræ silvæ nostræ vicinos iam laudavimus, utrumque ord. Prædicatorum Ioannem Taulerum, qui an. 1361. Argentorati obiit, relictis operibus, quæ magno apud omnes sunt in pretio, & B. Henricum Susonem, alias etiam Ioannem de Suevia nominatum, Constantia ex nobili familia de Berg oriundum.

SECULUM  
XIV.

XXXVII. Ordines Mendicantium ex instituto suo vitam activam, ut vocant, cum contemplativa coniunxisse, libro superiore vidimus, audivimusque simultates & querelas ordinis hierarchici contra usurpationes mendicantium; nihilominus Petrus archiepiscopus Moguntinus in concilio Moguntino an. 1318. a) in encyclica universis & singulis per civitatem & diocesim Moguntinam constitutis duxit commendandos fratres Prædicatores, Minores, Augustinieneses & Carmelitas: *Cum ipsi, inquit, pauperes elaborent vineam Domini, & in ea multarum saluti proficiant animarum verbo pariter & exemplo . . . diligenter intuentes, ut cum ad vestras parochias pervenerint, propter Deum benivole recipiatis, & benigne pertractetis eosdem, sub pœna excommunicationis precipientes, ne aliquis contra iustitiam ipsos perturbet, vel molestat.* Fuit hoc ad mentem Romanorum pontificum provisum: quandoquidem Bonifacius VIII. ut legere est lib. III. Extravag. communium de Sepulturis C. II. antistites & presbyteros hortatus est, ut fratribus confitendi licentiam impertiant, tum, nisi velint impertire, impertit ipse de plenitudine potestatis, ita tamen, ut facultatem maiorem non impertiat, quam quæ presbyteris parochialibus a iure impertitur. Agitur hic potissimum de canone Lateranensi iam memorato, quo *omnis utriusque sexus fidelis postquam ad annos discretionis pervenerit, omnia sua solus peccata confiteri fideliter saltem semel in anno, proprio sacerdoti iubetur.* Neque vero omnino concordat laudata Bonifacii VIII. constitutio cum eo, quod coævus chronographus Guillelmus Nangius ad an. 1308. refert, privilegium datum Prædicatoribus & Minoribus de confessionibus audiendis a Bonifacio P. irritatum, & decretum fuisse, ut confessus eisdem Fratribus, confiteatur eadem peccata proprio sacerdoti. Qua de re quidquid sit, Benedictus XI. ex ordine Prædicatorum assumptus aliam constitutionem edidit, qua

Cura animarum.

a) Tom. IV.  
Concil. Germ.  
pag. 599.

SECVLUM  
XIV.

a) T. I. opp.  
P. I. p. 166.  
&c.

fratribus facultas fit, sine antistitum & presbyterorum licentia confessiones audire, quam tamen Clemens V. eius successor in concilio Viennensi rescidit, & Bonifacii VIII. constitutionem renovavit, ut legere est lib. III. Clement. tit. VII. de sepulturis C. II. & apud Launoium a) cum aliis, quæ ad rem pertinent, in explicata traditione circa canonem *omnis utriusque sexus*.

b) T. IV. Hist.  
univers. Pa-  
ris. p. 604.

Generalior porro est Urbani VI. bulla an. 1384. quæ apud Bulæum b) legitur adversus Mendicantes & quoscumque alios vitæ monasticæ sectatores, qui confessiones audire, sacras conciones habere, & multa alia munia ecclesiastica obire gestiebant, non obtenta parochorum licentia.

c) T. IV.  
Concil. Germ.  
pag. 532.

Conveniens huic Urbani VI. decreto est cap. 8. Conc. Salisburg. c) *ne Mendicantes admittantur sine diæcesanorum licentia & testimonio litterarum* (ut hodie est observantia): *Quia religiosos præcipue Fratres mendicantes decet puritatem omnimodam in suis actibus observare: tamen sæpe divagandi & dissolutionis materiam mutantur, scandalum aliorum & tanquam pseudoprophetae fabulosis prædicationibus audientium animos plerumque seducunt: & quamquam invitis ipsorum ecclesiarum rectoribus ipsi Fratres, nisi per eosdem rectores vocati, vel invitati ad hoc fuerint, de iure non audeant, nec debeant prædicare; volumus tamen, quod nequaquam dicti rectores ipsos invitent, vel admittant, nisi de proponendo Verbum Dei a suis superioribus licentiam habeant, & de illa sæpe dictis rectoribus faciant plenam fidem. In civitatibus vero & diæcesi, in quibus ipsorum Fratrum loca consistunt, ac in locis vicinis, nullatenus ad dictum officium prædicandi, vel ad confessiones admittantur, nisi locorum diæcesanis canonice præsentati fuerint prius & admissi.*

Mendicantium ordinum id est veluti institutum, ut in subsidium præsto sint ubiubi: quibuscumque vero religiosis cura pastoralis animarum est commissa, suo rite perfunguntur officio per villas vel oppida & parochiales ecclesias, ut superioribus libris explicavimus pontificum ac conciliorum constitutiones, quas Benedictus XII. in sæpe laudata bulla reformationis cap. 25. ne ipsi singuli monachi in singulis suis administrationibus vel Prioratibus habitare præsumant, firmiter observari vult. In Nigra silva nostra perinde ac superioribus seculis, sic etiam, in quo versamur illustrando decimo quarto, excisis silvis, multiplicatis colonis, necesse fuit novas extrui ecclesias ac parochias, quod dum studiose, religioseque agunt monasteriorum antistites, ultro indulserunt hierarchæ, ut viciniore ecclesias ex ipsis cœnobiis providerent monachi, aut etiam exponerentur ad remotiores. Sic apud nos San-Blasianos ecclesiis in

Ur-



Urberg, Ibach, Bernau, Tottmou, an. 1308. ecclesia seu capella Men- SECULUM  
XIV.  
zenschwand accessit, a Bertholdo abbate, uti in Missali eius ecclesiæ, quod incendio demum an. 1768. periit, scriptum legi his verbis: *Constructa est eadem capella a venerabili abbate Bertholdo huius nominis secundo Dedicata est autem hac capella a venerabili Ioanne episcopo Decapoleos anno Domini 1308.* Locum thaumaturgum in Tottmos Lupoldus dux Austriæ an. 1319. ea conditione monasterio S. Blasii tradidit, ut abbas & conventus monasterii S. Blasii eidem capellæ in Divinis providerent, sunt verba chartæ. Anno 1325. in monumentis nostris invenitur plebanus P. Albertus sub Udalrico abbate, qui etiam an. 1322. ad parochiam Nallingensem monachum parochum exposuit, iterato id confirmante an. 1367. Henrico episcopo Constantiensi post Rudolphum, qui an. 1324. indulxit, ut ad parochiam in Holnstein monachus San-Blasianus exponeretur, quæ sunt ecclesiæ extra Nigram silvam sitæ.

Ordinaria est hæc ac legitima parochialis iurisdictio, a qua nullus, qui est initiatus sacerdotio, censendus est alienus, sive sit regularis sive secularis sacerdos, eodem insignitus caractere.

XXXVIII. Alia eorum est causa, qui sibi seculo præsertim XIV. ar- Diffidia inter  
ordines reli-  
giosos.  
rogarunt portionem veluti apostolicæ iurisdictionis illimitatæ quodammodo, & veluti extorrem a communibus hierarchiæ ecclesiasticæ legibus, limitibusque atque exemptionem, quæ seculo XIV. eousque est progressa, ut tandem nec pontificiæ cederet potestati, atque schismate ecclesiam laceraret.

Hinc est, quod a multis causa frequentissimarum controversiarum inter Franciscanos post mortem S. Francisci & S. Bonaventuræ ortarum, dicerentur variæ exemptiones, quas Minoritæ & alii ex indulgentia summæ sedis habebant, ut observat Bulæus in historia universitatis Paris. a) ubi ad a) T. IV. p. an. 1310. Clementis V. conatus explicat, dissidentes inter se Minores in gratiam societatemque reducendi, quarum una, quæ *spiritualium* dicebatur, quæque rigoroſe paupertatem Christi amplectebatur, ab altera, quæ *de communitate* appellabatur, secesserat, & alteram altera hæreseos infirmulabat. Decretum est quidem an. 1311. in concilio Viennensi sess. III. modum vivendi, quem tenebat ordinis communitas, licitum esse & sufficientem ad veræ regulæ Franciscanæ observantiam; at animosior nihilominus postea fuit inter *Fratres spirituales* & *communitatem* disceptatio, imprimis postquam Ioannes XXII. an. 1322. edidit Constitutionem, quæ incipit: *Ad conditorem canonum*, extatque inter Extrav. de verborum significatione, quorsum recte revocantur quæstiones illæ de proprietate tam

SECULUM  
XIV.

in communi, quam in speciali, rerum etiam usu consumitibilia, quam Christo quoque & apostolis abrogabant, Ioannes XXII. autem perinde damnabat, ipse vicissim hæreseos postulatus, factioneque Ludovici Bavari exauctoratus, constituto, ut diximus, antipapa Petro Corbario.

Factum inde, ut lacefferetur Ioannes XXII. a scriptoribus eius ordinis etiam ditionis Friderici Austriaci, quos inter fuit Ioannes Vitoduranus in vicinia Nigræ silvæ, prævie contestatus, se de Ioanne XXII. plura consequenter relaturum a), quæ legentibus non immerito stuporem & horrorem immittere possent, quia totam ecclesiam commoverunt. Nam, pergit, talia facta fecit, vel promovit, quæ in retro actis annis, & a seculo audita non fuerunt, nec de cætero erunt, ut sperandum est. Nam quædam insania ductus rationibus & auctoritatibus astruere nisus est, quod Christus meram cum discipulis suis paupertatem non habuerit, sed cum eis proprietates in communi tenuerit, & ipsis, cum opportunitas vel necessitas requirebat, usus fuerit. Talibus & similibus verbis per modum quæstionis elidere & enervare voluntariam & perfectam Christi paupertatem moliebatur: cui cum Fratres minores assensum præbere nollent, sed sibi viriliter resistentes, falsum & erroneum dictum affirmarent, & paupertatem Christi in sermonibus, lectionibus & disputationibus perfectam tam in privato, quam in communi auctoritatibus evidentissimis & rationibus multis insolubilibus extollerent & magnificarent, dictis fratribus molestus caput esse & graviter ipsis insistere. Ex his quivis intelliget, recte Claud. Fleury differt. VIII. in hist. eccles. in qua de religiosis ordinibus tractat ex professo, asserere, esse hunc fructum disputationum scholasticarum, in quibus, inquit, hi fratres assidue se exercebant: tractabanturque ibi quotidie quæstiones: & quæcumque exagitari poterant subtilitates, ac disceptandi rationes subdole adhibebantur.

Iam observaverat idem auctor, bonum papam S. Coelestinum studiofiorem disciplinæ quam prudentiorem dissidium hoc auctoritate sua firmasse: dum approbavit congregationem pauperum eremitarum, qui deinceps etiam eremitæ S. Coelestini P. sunt dicti, etsi is Benedictinam regulam esset professus summa austeritate, quam frustra exemplo suo & institutis toti ordini Benedictino obtrudere voluit ad finem sec. XIII. At sequenti sec. XIV. contrarius S. Coelestini molimina fuit consecutus effectus, pontificibusque potius relaxationibus in ordine Benedictino obistendum occurrendumque fuit, secus ac apud Franciscanos, quo tamen instituto ii, qui Coelestini V. privilegium obtendebant, genus etiam quoddam Fratricellorum constituebant, ut apud Raynaldum videre est ex bul-

la Joannis XXII. an. 1317. Qui etiam ad an. 1222. de Franc. e Lutra Minoritarum desertore agens n. 53. in carcerem a Spirenſi episcopo compacto in epistola Joannis XXII. ad Spirenſem episcopum pestiferorum minoritarum nomine Fratricellos illos designari putat, qui pura puta S. Francisci instituta sectari se iactabant, & a Cœlestino V. P. auctoramentum sectæ, quæ postea a Bonifacio VIII. damnata est, accepisse contendebant. Idem Raynaldus ad an. 1341. n. 132. refert etiam Benedicti XII. decretum adversus Fratricellos hos, qui Liberato & Angelo Clarenſis auctoribus, Cœlestino V. imponentibus, novam condere religiosam familiam moliti sunt, haud attenta Bonifacii VIII. bulla, quæ rescrypta Cœlestini V. subreptitia rescidit: cui bullæ quum cæteri ordines obsecundarent, soli pseudo-minoritæ sunt refragati: quapropter Benedictus XII. novam promulgationem bullæ Bonifacii VIII. faciendam existimavit.

XXXIX. Uti vero Fratricellorum, ita etiam Beghardorum & Beguinarum, de quibus iam superiore libro sumus locuti, varia erant genera & degeneraciones. Quo nihil proclivius fuit in huiusmodi instituto Beghardorum & Beguinarum, præsertim in Alemannia grassantium, prout nobis breviter describit Henricus Stero ad an. 1312. de Clemente V. locutus: „Hic papa sectam Begardorum & Begardarum hæreticorum, utriusque „sexus reprobavit, qui Alemanniam in plures provincias perversis dogmatibus infecerant: dixerunt enim inter cætera, hominem eundo de virtute in virtutem perfectiorem Christo posse fieri & impeccabilem: negavere etiam se subesse prælatis & summo pontifici.“ Errores eorum adhuc alios etiam lubricos Clemens V. in concilio Viennensi damnavit, habeturque eius decretum in Clementina *Ad nostram* de hæreticis, aliud item *Cum de quibusdam* de religiosis domibus a Ioanne XXII. eius successore in VII. decretalium publicatum. „Contra prohibitionem sui prædecessoris „(inquit Io. Vitoduranus a), propter quod tanta pericula, scandala, dissensiones, commotiones in populis, tot terrores, tot perplexitates saltem in Theutonica ebulliebant, quod nemo dinumerare valeret, specialiter per unam constitutionem libri VII. incipientem: *Cum de quibusdam mulieribus*: qua divulgata & pessime intellecta & pertinaciter mendaciterque per universam Alemanniam pronunciata, innumerabilia corda „sororum tertii sancti Francisci ordinis, & etiam aliarum multarum fuerunt gravissime fauciata: nam deposito habitu religioso oportebat eas induere secularem. Multæ enim in domibus propriis vel parentum, quæ XL. & ultra annis griseis, nigris, vel albis Domino in castitate & aliis virtutibus & bonis operationibus famulabantur vestibus, coge-

SECULUM  
XIV.

Beghardi &  
Beguine &c.

a) pag. 24.

SECVLVM  
XIV.

„bantur per parochianos suos sibi assumere vestimenta rubea, vel crocia,  
„viridia, vel blavia, & in illis, reiectis aliis, in ecclesiis comparere, &  
„si non faciebant modo & forma vel consuetudine seculari, pastoribus  
„seu parochianis minime satisfecerunt. Quot ludibria, quot contem-  
„ptus, temeritates, irrisiones tunc pertulerint multæ pudoratæ, & castæ  
„sorores, Deus novit &c.“ Recte sane mox constitutionem laudatam  
non intelligendam notat „nisi de Beginis, quæ nulli promittunt obe-  
„dientiam, nec propriis renunciant, nec profitentur aliquam regulam  
„approbatam, quamquam habitum deferant Beginarum, quarum quædam  
„perductæ in mentis insaniam de summa Trinitate & divina essentia di-  
„sputant, & prædicant, & circa articulos, & ecclesiastica sacramenta opi-  
„niones fidei catholicæ contrarias introducunt. Sane mulieres fideles non  
„prohibentur per prædicta, quin in domibus propriis promissa vel non  
„promissa continentia honeste conversari, poenitentiam agere volentes,  
„& in spiritu humilitatis Domino deservire possint.“ Ludovicus Bavarus  
huiusmodi instituta in gratiam Franciscanorum odiumque Ioannis XXII.  
P. in nostra Germania protegebat, insectabatur autem postea Carolus IV.  
Unde a nostris Nigræ silvæ Alemanniæque plagis sunt proscriptæ, ubi  
maiori prius erant frequentia; nec tamen penitus potuerunt eliminari;  
Basileæ enim magno adhuc numero utriusque sexus erant ad finem se-  
culi XIV. Beghardi & Beguinæ, fuitque ob eosdem occasione Iubilæi an.  
1400. civitas commota, uti Urstilius in chron. Basileensi ad eum annum  
narrat, incentore præsertim Ioanne Mulbergio Prædicatorum ordinis,  
ideo maxime, quod nulli certo essent addicti ordini aut regulæ.

Fratres & sorores liberi spiritus, quos libro superiore commemoravi-  
mus, in varia etiam instituta sese insinuantes, aliæque sectæ excussa  
omni obedientia ac pudore libertate abusi, facile prolapsi sunt in erro-  
res illos & spurcitas, quæ passim memorantur de conventiculis abomi-  
nandis Catharorum, Fratricellorum præsertim, quorum errores passim,  
articulati vero ad an. 1299. Trithemius in annal. Hirsaug. recenset,  
dicitque, eorum erroribus non solum laicos, sed etiam clericos & mo-  
nachos fuisse abstractos.

Dulcinistæ.

XL. Apud Raynaldum legitur ad an. 1311. n. 66. Clementis V. epi-  
stola ad Raynerium episcopum Cremonensem adversus novam sectam in  
Spoletano præcipue ducatu propagatam, *novumque ritum a via salutis  
omnino degenerem, etiam ipsis paganis & animaliter omnino viventibus  
odiosum, & ab apostolica & prophetica doctrina & evangelica veritate  
remotum, quem libertatis spiritum nominant, hoc est, ut quidquid eis libet,  
liceat.*



*liceat.* Est hæc infanda Dulcini instauratoris Fratricellorum secta, quam Trithemius in annal. Hirf. ad an. 1305. describit, copioseque imprimis Hermannus Cornerus in suo chronico apud Eccardum a) ad an. 1306. ex prima trium epistolarum, in quibus sua descripsit deliria: „In prima „dicit (sunt Cornerii verba) quod secta sua spiritualis sit, & novissimis „his diebus in salutem animarum a Deo specialiter missa: insuper quod „clerici omnes seculares cum multis de populo & potentibus tyrannis, „& omnes religiosi & specialiter Prædicatorum & Minorum ordinum „fratres sint adversarii Dei, & ministri diaboli, quia Dulcinum & se- „ctam suam persequuntur. Distinguit etiam quatuor status sanctorum „fuisse in propriis modis vivendi. Imprimis fuerunt patriarchæ & pro- „phetæ, & alii iusti usque ad adventum Christi. Et in hoc statu laudat „matrimonium causa multiplicandi genus humanum. In secundo statu „fuit Christus & apostoli & eorum sequaces sancti & iusti, qui ideo ve- „nerunt, quia primi a statu eorum declinaverunt. Et fuit hic secun- „dus status quasi medicina primi, & in isto statu melior fuit virginitas „& castitas, quam matrimonium, & paupertas, quam divitiæ, & sine „proprio vivere, quam terrenas possessiones habere. Tertius status „incepit a Silvestro tempore Constantini M. & hic successit secundo „statui, quia posteriores in eo iam declinaverant a perfectione priorum. „Et in hoc statu melius videbatur S. Silvestro & suis successoribus di- „vitiæ & possessiones terrenas suscipere, quam paupertatem evangelicam „sequi, ut populum melius regere possent. Sed quia in hoc statu re- „frigerari coeperunt a charitate Dei, sequitur quartus status vivendi, qui „fuit beatorum Dominici & Francisci confessorum. Hic etiam magis „strictus fuit in possidendo res terrenas & dominium temporale, quam „B. Benedicti & monachorum. Sed quia nunc omnes prælati & clerici „& religiosi a charitate Dei & proximi refrigerati sunt & declinave- „runt a statu prædecessorum suorum, melius fuit, & est reformare mo- „dum vivendi apostolorum. Et hunc statum asserit vitam suam esse, „quem Frater Gerardus Sagarelli Parmensis martyr & Deo dilectissimus „incepit, & usque in finem mundi perseveraturus est.“ Hæc haud abs- „re attuli, neque enim inepte ob oculos ponunt humanas in Ecclesia vicis- „situdines, statusque ecclesiastici varietates, studia & molimina per tem- „pora & vices remedendi malis priorum statuum, ut in maiora fieret pro- „lapsio, donec tandem ad nefandam libidinem deveniretur, quam conc. „Viennense notavit in Beghardis & Beguinis, fueruntque foedæ spurcitæ „Dulcinistarum ex magisterio Gerardi Segarelli, qui legem spiritus & li- „bertatis successuram evangelico commentus frena horrendis laxavit libi-  
dini-

SECULUM  
XIV.a) T. II. Corp.  
bistor. medii  
ævi. p. 966.

SECVLUM  
XIV.

dinibus foedisque erroribus, qui apud Eymericum in directorio Inquisitionis sec. XIV. sunt notati, aliæque ab aliis infames eiusmodi sectæ iam temporibus præteritis in nostris quoque terris.

His ex adverso poni potest colluvies flagellantium, quorum libris superioribus meminimus, atque annalistæ nostri iterum assignant ad annum 1349. quo Alemanniam oberrarunt de Suevia Spiram processionaliter venientes ducenti, innumerabiles porro Argentorati notantur, Bâsileæ item, unde de melioribus centum colligatione facta Avenionem processerunt, teste Alberto Argentinensi, Clemente VI. illic sedente, litterasque contra eosdem ad Gerlacum archiepiscopum Moguntinum aliosque Germaniæ episcopos dante, quas refert Trithemius in Annal. Hirsaug. Urstius vero in chron. Basileensi cantiones vernaculas, quibus utebantur in suis processionibus.

- Lollardi. XLI. Digressione IV. ad sec. XIV. T. IV. Conciliorum Germ. §. 6.  
 a) pag. 631. *de Walthero Lollardo eiusque sectatoribus* notantur a) ad an. 1319. quidam hypocritæ gyrovasi, qui Lollardi, veluti Deum laudantes vocabantur, auctore ac duce Lohardo, qui per Hannoniam & Brabantiam quasdam mulieres nobiles deceperunt, quæ verba desumpta sunt ex Hocsemio, eius ætatis scriptore canonico Leodiensi in gestis pontificum Leodiens. lib. I. c. 31. relata ad annum 1309. atque etiam a Moshemio in  
 b) *Hist. eccl. sec. XIV. c. 2.* argumentum suæ sententiæ assumpta b), dum putat nomen Lollhardorum non esse proprium alicuius hominis, sed appellativum a cantu submisso iuxta veterem dialectum theotiscam Lollhard, seu Lullhard, Lollert, Lullert, a Lullen, Lollen, Lallen, prout hodieque in anglica lingua significatum obtinere dicitur, putatque a cantu submisso in funeribus appellationem inditam, quo munere Beghardi Beghinæque pauperes Suestrinæ in Belgio perlunguntur, dicti etiam Alexiani, Cellitæ: quam in rem varia affert testimonia, ac primum quidem Io. Bapt. Grammaye in  
 c) *Lib. II. c. 6. pag. 16.* *Antwerpia* c) scribentis: *Alexiani, qui funeribus curandis operam suam impendunt Antwerpiæ sua debent exordia, ubi post A. 1300. collecti probi aliquot piique laici a parcimonia vitæque tam modeste, quam moderate instituta Matemanni, & a funerum obsequiis Lollbardi, a cellulis fratres cellitæ dicti.* Sed non duravit nominis axioma, ut vel allatus Hocsemii scriptoris decimi quarti seculi locus manifestat, inditum hypocritis gyrovasis, cuiusmodi diversa tunc temporis fuerunt genera perversissimorum, foedissimorumque hominum, veluti Waltherus modo memoratus Trithemio ad an. 1322. vocatur *Fratricellorum princeps & hæresiarcha pessimus, qui multis latuerat annis, & plures suis erroribus pessimis innodaverat simplicio-*

res. Infandos Fratricellorum errores Walthero tribuunt annales Novesium. SECULUM  
XIV.  
ses apud Martenium a) verbis Trithemii, appellantque Waltherum Lohardum, eodem errore calami, quo apud Trithemium Lohareus vocatur. T. IV. Col. 581.  
Ampl. p. 581. Titulus *de Lollardis* in antiquis synodalibus dioecesis Constantiensis prodit sectam hoc nomine etiam apud nos obtinuisse, sed leviora sunt, quæ de illis referuntur.

XLII. Commune adeo fuit hoc convitium, ut eo fratres laici seu Wicleffite,  
Hussite. conversi in familiis religiosis laborarint. Wicleffite etiam appellati Lollhardi memorantur (apud Walsingham quidem passim in Eduardo II.) quod essent monachis imprimis exosi, quos Wicleffus primum exagitavit, a Simone de Langham ex ordine S. Benedicti archiepiscopo Cantuariensi præfectura collegii Cantuariensis privatus, quod eius antecessor Simon de Yslep eiusdem ordinis in gratiam studiosæ iuventutis ea conditione construxit, ut illud monachus moderaretur: quumque re ad Urbanum V. delata causa cecidisset Wicleffus, actus in rabiem hierarchicum perinde ac monasticum incessit ordinem, iactis his ad subvertendum statum ecclesiasticum fundamentis sedem Romanam cumprimis infectatus. Monitus Gregorius XI. quid rerum moliretur Wicleffus in Anglia, quamque perniciosa dogmata spargeret, ad universitatem Oxoniensem, episcopos Cantuariensem & Londinensem, ipsum quoque regem Eduardum gravissimas dedit litteras, quæ collectæ apud Bulæum in historia univers. Paris. b) leguntur, subnexo elencho præcipuorum Wicleffi errorum in b) T. III. p. 450. &c.  
c) Ih. p. 454. propositionibus & conclusionibus c), quas in scriptis dederat, contentorum, quosque publice prædicaverat: addit etiam, quæ item omnium optime ad rem conscripsit Henricus de Knyghton canonicus Leycestrensis scriptor contemporaneus lib. V. *de eventibus Angliæ*. Facile autem fuit Wicleffi hæresim, favente magno schismate occasionemque præbente ad excutiendam ecclesiæ obedientiam, propagari etiam post eius mortem ad exterarum quoque nationes imperiumque Germanicum, ad eius gubernacula sedente Wenceslao, quum iam hæretici quidam in academia Prageni prælulissent apud Bohemos Ioannis Hussi præcursores, ut laudatus ad an. 1374. observat Bulæus d), initium autem hæresis Bohemicæ ad an. 1393. enar- d) L.c. p. 443. rat ex Aenæ Sylvii potissimum histor. Bohem. c. 35. e), Bohemis in- e) pag. 684. dignantibus, quod magisterium academix penes Teutones esset, quos acrius Ioannes Huss infectatus est, Wicleffi amplexus hæresim, quæ iam apud Augustam Vindelicorum prædicari coeperat, inde per Alemanniam nostram disseminanda, cuius reliquæ in vicino Helvetico agro nostra adhuc se produnt atate.

Primus seculo hoc XIV. Wicleffus statum ecclesiæ utrumque in spiritalibus & temporalibus concutere est aggressus. Otto Frisingensis in prologo libri IV. chronic. quæstionem in medium profert, num ecclesiasticis temporaliter dominari liceat, arrepta occasione fili sui historici, quod ibi textit ab adolescente seculo IV. quo Constantinus mortuis aut devictis sociis, æmulisque Imperii Maximiano Galerio, Maximino Licinio, & Maxentio, unus rerum potitus, non solum pacem Ecclesiæ reddidit, sed etiam rebus insigniter eam auxit, & ditavit. *Christianus enim imperator*, ait cap. 3. *hoc ex devotione fidei cum summa alacritate fieri volebat. Tunc prima edicta dabantur, ut ecclesiæ adificarentur: tunc primo catholicis hominibus permittebatur, ut ecclesiæ eorum prædiis ditarentur, & ut Romanorum habet historia, non solum his serenissimus Imperator assensum præbebat, sed & aliis exempla dans, caput omnium in tantum Romanam exaltavit ecclesiam, ut beato Silvestro eiusdem urbis pontifici, insignibus regni traditis, ipse se Byzantium transferret, ibique sedem regni constitueret.* Indigitat hic atque in dubium vocat vulgatam, quæ iam ab omnibus exploditur, donationem Constantinianam; ut tamen exploratum omnino sit, Constantinum & eius successores Ecclesiam quoad statum etiam temporalem exaltasse; laudatusque Otto Frisingensis ad an. 388. quo Theodosius Romanum imperium solus obtinuit, *His diebus, inquit, civitas Christi, sopitis tam forensibus, quam civilibus malis, plenum gaudium, pacemque perfectam habere cœpit.*

Infauste semper accidit, quando Imperatores a) ante & post Theodosium causis ecclesiasticis sese immiscuerunt iusque sacrorum violarunt; dum contra pii quique iam ante Theodosium causas & iudicia etiam forensia hierarchis ultro detulerunt: posteaque sub stirpe Carolingica cum aliis missis dominicis episcopi quoque & abbates imperii negotia administrarunt: quando primum Romana ecclesia ante omnes seculares principes & comites ditionibus etiam & principatu iam seculo VIII. fuit aucta; quoad regimen vero ecclesiasticum attinet, pleno & imperturbato sunt usi iure sacrorum antistites.

Ab-

- a) Constantinus M. qui in Concilio Nicæno Patribus, quibus a Christo depositum fidei, atque Ecclesiæ regimen commissum est, detulit, postea Arianorum fraude deceptus, cum S. Athanasio quasi ipsam Nicænam fidem exulare fecit, maxime vero eius filius Constantius, qui violenter plerumque alios episcopos in fraudem abduxit vel errorem animo non pravo, sed præferens pietatem, quam in eo agnoscit S. Gregorius Nazianz. orat. XXI. in laudem S. Athanasii n. 27. ubi de Georgio in locum S. Athanasii intrulo loquitur, qui, ait, *etiam Imperatoris simplicitatem sibi conciliat; sic ego levitatem appello, pietatem veneror.* Nam si vere dicendum est, *zelum habuit, verum non secundum scientiam.* Pertinet huc etiam pars posterior orat. XLIII. in laudem S. Basilii, ac S. Ambrosii sermo de tradendis ecclesiis contra Auxentium; ne quid dicam de S. Hilarii libro contra Constantium: aut de barbaris postea regibus principibusque Arianis in Occidente, vel imperatoribus iconoclastis, ac schismaticis in Oriente ad excisum usque penitus a Turcis sec. XV. illud imperium.



Abhinc in imperio occidentali restitūto repeti potest apud nos decursus regni illius millenarii, quod explicavit S. Ioannes initio capitis vigesimi Apocal. dum nimirum vixerunt & regnarunt cum Christo imprimis animæ *decollatorum propter testimonium Iesu & propter verbum Dei*, id est martyres; deinde etiam omnes animæ eorum, qui vicerunt regnum diaboli, & qui non adoraverunt bestiam (draconem, serpentem antiquum) nec imaginem eius, nec acceperunt characterem eius in frontibus, aut in manibus suis, quæ est resurrectio prima, qua martyres & alii sancti regnarunt cum Christo mille annis non solum in cœlis glorificati, sed etiam in terris a), in imperio Romano (cui tamen tardius Germania accensita est, Alemannia vero, in qua sita est Nigra silva, cum Romano etiam Christi iugum repulit) ecclesia ex persecutione statuque presso eluctata seculo quarto usque ad seculum decimum quartum, quo ecclesia Christi in terris regnans, in Oriente primum efflorescens, primum etiam ibi dilapsa, iam etiam in Occidente in suis fundamentis commoveri & lacerari, paullatimque accidi cœpit per schismata & hæreses proximorum seculorum ad nostrum usque ævum, quando passim conclamatur contra regale sacerdotium, statumque ecclesiasticum in orbe christiano suo utentem iure, gaudentem rebus, stantem legibus ac ius dicentem. Dum ingruunt iam tempora, de quibus Christus dixit: b) *Filius hominis veniens, putas inveniet fidem in terra?* Videturque præcisior illa determinari regni millenarii epocha post resurrectionem illam primam, cuius meminimus, spirituales animarum (distinctam a secunda corporum in die iudicii, morteque secunda damnatorum) de qua Ioannes: c) *Beatus, inquit, & sanctus, qui habet partem in resurrectione prima: in his secunda mors non habet potestatem: sed erunt sacerdotes Dei & Christi, & regnabunt cum illo mille annis, & cum consummati fuerint mille anni, solvetur satanas de carcere suo, & exhibit, & seducet gentes &c.* Non quod portæ inferi prævalitura sint adversus Ecclesiam supra petram ædificatam, sed quod ea a Christo prædicta sint tempora d), ut in errorem inducantur (si fieri potest) etiam electi.

a) Apoc. V. 10.

b) Luc. XVIII. 8.

c) Apoc. XX. 6. &amp;c.

d) Matth. XXIV. 24.



## LIBER X.

*Nigra Silva seculo Christi XV. Ordinis  
S. Benedicti X.*Status Eccle-  
siaz.

I.

**N**icolaus de Clemangis, qui fuit ab ineunte sec. XV. poeta & orator insignis Benedicto XIII. antipapæ a secretis, accusatus, quod bullam excommunicationis contra regem Galliarum scripserit, delituit aliquamdiu in Carthusia Vallis profundæ, postea provisor collegii Navarræ, obiit an. 1440. Edidit is inter alia declamationem *de corrupto Ecclesiæ statu*: fateatur vero in citato libro, se prætermisiss bonis, laudeque dignis personis in Ecclesia, de malis tantum Ecclesiæ, ecclesiasticorumque agere; quare perinde quis ex libro illo de statu Ecclesiæ illius temporis decernere queat, ac si quis de statu trium primorum Ecclesiæ seculorum iudicium ferre existimet ex libris S. Irenæi *de hæresibus*, quæ tunc plurimæ & deterrimæ fuerunt Gnostlicorum, Nicolaitarum, Cerinthianorum, Valentinianorum, Marcionitarum, Manichæorum, qui non solum horrendis deliramentis omnem mysteriorum fidei integritatem pessumdabant, verum etiam ipsius divinitatis maiestati adversus principium coæternum opposuerunt, atque infinitos Eones in scenam produxerunt veluti totidem deitatis æmulos, post apostolos quidem demum palam erumpere ausi; ut tamen etiam in ipsa primitiva Ecclesia schismata, contentionesque emergerent, ac æmulationes, errores item ac hæreses, de quibus passim S. Paulus in suis epistolis, S. Petrus etiam, SS. Iacobus & Ioannes invehuntur in vitia & corruptiones pravorum iam tunc temporis hominum. Atque S. Ioannes in sua Apocalypsi inter ipsos præcipuos septem Asiæ angelos, seu ecclesiarum antistites, vix unum irreprehensibilem reperit, in cæteris autem plura quandoque etiam graviora, quæ incessetet.

Sic opportune orditur orationem suam Nicolaus verbis ex I. S. Petri IV. 17. *Quoniam tempus est, ut incipiat iudicium a domo Dei*; dumque mala sui temporis spectat, velut extra se vehemens & acerbus declamator rapitur, atque deteriora adhuc ominatur, recte quidem. Sed gravissima, quæ hodieque pericula Ecclesiam christianam premunt, ad ea pertinent, quæ sequuntur: *si autem primum a nobis, quis finis eorum, qui non credunt Dei Evangelio?* Scripsit de Clemangis post annos mille a sec. V. quo corruit monarchia Romana in occidente, statua illa Danielis,

me-

meretrix magna ac Babylon septicollis Roma idololatrica, cuius interitum S. Ioannes in Apoc. usque ad cap. XX. describit: quo & deinceps regnum Christi in terris, & post mille annos pericula postremorum temporum ac consummationem seculi, regnumque æternum in coelis adumbrat. Nemo vero nescit, seculo illo XV. rebelles legitimæ ecclesiasticæ potestati ovum peperisse, quod sec. XVI. exclusum irreligiositatem hodieque nutrit & propagat libertate sentiendi, & interpretandi verbum Dei cuique (ipseta Ecclesiæ auctoritate) relicta, unde sectæ variæ, contentiones innumeræ ac dubia, & ex his perplexitas animi pronitasque non credendi Dei Evangelio ex ipso eius, sine duce frequentato, studio. Id quod quotidie magis docet experientia iam facta & probata sec. XV. apud philologos, de quibus ad finem huius libri dicemus.

Non diffitemur miserum & deplorandum Ecclesiæ sec. XV. ingressum, atque progressum etiam ultra dimidium variis intestinis turbis & schismatibus pertinacissimis, ex quibus potissimum nomen suum adhuc retinet magnum illud schisma, quod ecclesiam occidentalem iam multis annis, vergente ad finem sec. XIV. distraxerat in partes, ineunte vero sec. XV. exacerbari potius est visum; quidquid catholici etiam principes ad illud extinguendum molirentur, ipsi tamen in diversa abeuntes. Edita prostat apud Ed. Martenium a) series Ambassiatæ regis Franciæ expositæ Morguntiae feria IV. post Andreæ apostoli anno Domini 1400. In ea legatus Gallicus Auxitanus archiep. Rupertum R. R. frustra inducere conabatur, ut Bonifacium IX. ad abdicationem pontificiæ dignitatis persuaderet. Bonifacii causam promovit indictum ab eo ad annum 1400. Iubilæum, ad quod certatim Romam concurrebatur. Dum interim Legatus Benedicti XIII. sibi adhærentes in Germania atque adeo Nigra silva devincire conatur, ut domestica monasterii S. Blasii produnt monumenta. Nihilominus Ioannes I. abbas an. 1402. sese Bonifacio IX. aggregavit, misso Romam libello supplici, accedente etiam Marquardi Ep. Constantiensis commendatione, a quo auctoritate sibi delegata abbas cum tota congregatione, vassallis, & subditis coram multis testibus die 14. Aprilis ab excommunicatione est absolutus.

II. Nulli parcebatur operæ, variæque ad tollendum schisma inibantur viæ cessionis, subtractionis obedientiæ, neutralitatis, ab academiis potissimum propositæ, Parisiensi imprimis in Gallia, ubi tamen Benedictus XIII. omnia pacis elusit consilia, in Cataloniam profugus, convocato ibidem suæ factionis concilio. Congregavit quoque Gregorius XII. Bonifacii IX. successor Aquileiam concilium, invitato etiam Ruperto R. R.

SECVLVM  
XV.

a) *Thes. nov.*  
*Anecd. T. I.*  
pag. 1659.

Pro eo abolendo frustra celebrata concilia, inter alia Pisanum.

SECVLUM  
XV.

a) *Thes. nov.*  
*Anecd. T. II.*  
pag. 1202.

sed generale concilium sic distractis partibus coalescere haud poterat, a quo unice pax & unitas sperari posse tunc visa est. Egit hoc Conradus de Geilenhusen a) ecclesiæ Wormatiensis præpositus in tractatu de congregando concilio tempore schismatis ad Carolum regem Francorum, eum in exordio sic affatus, præfatusque: *Hac quidem benedicta pax & unitas salubriter reformari, & schisma miserabile, ac contagiosissimum de medio auferri posse non videtur aliqua via mundi, circumscripto tamen miraculo divino, nisi per viam concilii generalis, prout alias regie magnificentie dixi oraculo vivæ vocis, & postmodum de Serenitatis Vestræ mandato in quadam brevi epistola regali maiestati transmissa, non ut decuit, sed prout minus male potui, exaravi.*

b) *Sammlung*  
*alter u. neuer*  
*Urkunden Er-*  
*ster B. p. 15.*

At vero dum via hæc in concilio Pisano an. 1409. iniri contenditur, auctum potius est malum, dum tertius eligitur (proscriptis Benedicto XIII. & Gregorio XII.) pontifex Alexander V. frustra obnitentibus legatis Ruperti R. R. qui constanter Gregorio XII. adhæsit, ut palam sit ex eius epistola nuper a I. I. Simlero b) edita, ad Turicenses scripta dominica post festum S. Bartholomæi an. 1409. Mortuus est Rupertus prima Ianuarii sequentis anni, & post quatuordecim dies Alexander V. Pro electione novi pontificis classicum cecinit Io. Novariensis episcopus, oratione habita in frequenti confesso an. 1409. die 15. Iunii, nuper inter monimenta mediæ ævi edita per Christ. G. Fr. Walchium, ubi in præfatione fasciculi II. pluribus tractat de ipso auctore, monacho ord. S. Bened. &c. eiusque oratione de eligendo summo pontifice tollendoque schismate, assumpto, prout in more tunc positum fuerat, themate ex IV. Reg. X. *Eligite meliorem, & eum ponite super solium*; iisdem sæpius per decursum sermonis inculcatis verbis.

Proposita ibi-  
dem primum  
thesis, concilium esse su-  
pra papam.  
c) *Obren. Hir-*  
*saug. ad an.*  
1409.

III. Non iam discussio, quomodo verba illa S. Scripturæ ad præsentem illam schismatis causam pertinuerint pro electione novi pontificis, exautoratis Benedicto XIII. & Gregorio XII. *His autem non obstantibus, verbis utor Trithemii c), quæ in concilio fuerant conclusa, memorati duo pontifices abrogati sua in sententia persisterunt, & uterque verum se & indubitatum Christi vicarium, & legitimum Petri successorem credidit, gessit & pronuntiavit.*

Alter, qui in eodem concilio peroravit, Sess. XIII. fuit M. Petrus Plaoul, exaltando Ecclesiam, & asserendo eam esse supra papam, quæ tunc primum audita propositio, in concilio Constantiensi a Io. Gersonio singulari asserta est oratione, ac postea etiam sess. IV. & V. decreta, iterumque initio statim concilii Basileensis quasi pro fundamento posita ad ausus illos,



illos, quibus se contra Eugenium IV. legitimum pontificem extulerunt, SECULUM XV.  
 novo schismatis periculo, in quo nata est illa controversia, an concilium  
 sit supra papam, facta ad introducenda in Ecclesiam ac fovenda schisma-  
 ta, dum veluti inter Petri & reliquorum apostolorum successores pon-  
 tificem & episcopos sit contentio, *quis eorum videretur esse maior.*

Neque vero a theologis similitates illæ animositatesque fovendæ essent, sed ad unionem communionemque potestatis legitimæ revocari potius deberent Ecclesiæ principes, Christi ea in occasione prolata sententia ad apostolos: *Vos autem non sic*, Christo id singulariter ac unice Patrem suum pro iisdem exorante, *ut sint unum.* Prima etenim veræ Ecclesiæ nota est unitas, unioque membrorum, collegii cum primis episcoporum, quod succedit collegio apostolorum, non utique excluso Petro, cuius successores, uti semper in unione, communionemque ecclesiæ Catholice & Apostolicæ perstiterunt, sic perennaturi sunt tanquam centrum unitatis suspiciendi. Hinc est, quod decretum illud sess. IV. & V. Jo. de Turrecremata a) concilio aliquando præsens in apologia Eugenii IV. inde etiam impugnet: *Quia*, inquit, *quod obedientia præfati Ioannis XXIII. Constantiæ congregata præfatum decretum ante unionem Ecclesiæ edidit, sola præter alias obedientias legitimam synodum universalem constitueret, & Christi universalem Ecclesiam repræsenteret, non habet certitudinem catholica fidei* b). Idem in responsione ad secundum articulum inde, quod Pa-  
 tres Constantienses petierint confirmationem decretorum suorum a Romano Pontifice, concludit, eum concilio superiorem agnovisse. Flagitare id videntur leges communionis potestatis ecclesiasticæ inter summos Ecclesiæ pastores, pontificem & episcopos. Atque hoc est, quod Nicolaus de Cusa c) coætaneus in egregio opere de concordantia catholica lib. II. c. 4. assertum it, quod in synodis universalibus ad hoc, quod a Spiritu sancto dictata censeantur definita, ex concordantia & communi omnium consensu pronuntiatio & decretatio fieri debet. Sic vero postea maioritatem concilii supra papam asserit, *quia*, inquit, *certior & infallibilior est representatio Ecclesiæ, cui veritas & assistentia est promissa in universali concilio, quam in Papa tantum.* Sic etiam in libro de Communione potestatis ecclesiasticæ ultro damus, quod si in fidei materia Papa & collegium episcoporum in concilio diversam & contrariam sequerentur sententiam, concilio potius adhærendum fore quam Papæ; sed id futurum negamus, atque divinis promissionibus tam Petro singulariter quam collegio Apostolorum communiter factis contrarium asserimus, ut unquam obtineat eiusmodi dissensus in rebus fidei inter successores Petri & Apostolorum.

Nec

a) T. V. Conc.  
 Germ. p. 874.

b) Ib. p. 910.

c) T. II. oper.  
 pag. 686.

SECVLVM  
XV.

Nec obstat, contigisse, ut subinde successores etiam Petri modicæ fidei dubitantes inciperent mergere, sed continuo extendens Iesus manum apprehendit eos perinde ac Petrum. Numquam non, sive hæreses ingruerent, sive schismata in communione legitimæ potestatis ecclesiasticæ, inter summos Ecclesiæ pastores, pontificem, & episcopos, restituta tandem atque redintegrata est pax. In schismate illo magno, dum in concilio Pisano, quod a Cardinalibus fuit coactum, adiecto duobus contentibus tertio pontifice, exulceratum potius esset visum vulnus; postea vero, ut concilium generale convocaretur, conventum est inter Ioannem XXIII. & Sigismundum imp. Laudæ in Italia, comitantibus Cæsarem e vicinia Nigræ silvæ nostræ Eberhardo de Nellenburg, & Ulrico de Teck: Constantia etiam urbs pro celebrando concilio est selecta, quæ sedes episcopalis in potissimam Nigræ silvæ partem exercet hierarchiam.

Decreta in  
concilio Con-  
stantiensi ubi  
schisma tan-  
dem abolitum  
cessione.

IV. Hoc in concilio *Fides christiana*, sunt verba Pauli Langii in chronico Citizenensi apud Pistorium ad an. 1414. *quæ iam multis annis vacillare videbatur, fortiter resurrexit. Ibi enim schisma pessimum & scandalosissimum 40. annorum terminatum est. Ibi hæreses damnatæ, & duo hæresiarchæ, scilicet Ioannes Hufs, & Hieronymus de Praga incinerati fuerunt, & plura bona instituta. Determinavit etiam eadem sancta Synodus, quod concilium legitime congregatum, representans Ecclesiam universalem, potestatem habet a Christo immediate: cui omnis status etiam papalis obedire tenetur, in his, quæ sunt ad generalem reformationem Ecclesiæ, scilicet in fide & in moribus, tam in capite, quam in membris. Item quod deinceps concilium de decennio in decennium deberet celebrari. Pariter controversia illa in concilio Pisano, ut intelleximus, primum in medium producta de auctoritate conciliorum supra papam non solum a Gersone duobus sermonibus, ut diximus, atque inter cæteros a Petro Alliacensi gravius est asserta, verum etiam sess. IV. & V. decreta, ut tamen hodieque de sensu & verbis ipsaque auctoritate huius decreti certetur, an conciliariter editum dici possit? tunc quando sola Ioannis XXIII. obedientia, ipso iam fuga elapso aderat, obedientia Gregorii XII. sess. XIV. accedente, uti & sess. XXXV. demum Hispania cæterisque provinciis Benedicto XIII. addictis.*

Silentio prætereo, quæ E. Schelstratius attulit ex codd. Bibl. Vaticanæ, in quibus nihil habetur de reformatione in capite & membris, quæ tunc maxime urgebatur, electo etiam iam Martino V. atque in Ecclesia cathedrali Constantiensi solemniter inaugurato. Inter alias nationes Germa-

manica, oblato papæ libello, petebat, ut octodecim articuli circa reformationem in sess. IV. propositi quam primum decernerentur, quod iam antea urserant Germani, priusquam pontifex eligeretur, faciendam, sede quidem vacante declarata, non obstante Benedicti XIII. pervicacia, ad quem non dubitaverat ipse Sigismundus Perpiniacum in Arragoniam fulcipere iter. Qua de re extat oratorum universitatis Colonienſis apud Martenium a) in novo theſ. anecd. epistola, *de colloquio Perpiniaci habito inter regem Romanorum & Petrum de Luna ac regem Arragonum*: moxque subditur responsio finalis facta Domino Imperatori per Petrum de Luna in Perpiniacum XIII. Octobris presentis 1415. In hac responsione Petrus declarat, si quidem in via renuntiationis persistatur, quod remoto obstaculo Pisano, sicut continetur in cedula tradita per episcopum Samoremſem, prout alias obtulit, nullam aliam excludendo paratus est propter Dei ſervitium, & ipsius eccleſiæ unionem renunciare papatui &c. SECULUM XV.

Intelligi hinc datur, per viam ceſſionis legitime rem actam, quam primus inierat Gregorius XII. ac tandem etiam Ioannes XXIII. dudum Academiis, Pariſienſi imprimis conſulta, propoſitaque in ipſo concilio Conſtant. ſeſſ. VI. Oblata tunc fuit academiæ Pariſienſis epiſtola (uti apud van der Hardt b) legere eſt) per Benedictum Gentianum legatum ex ordine S. Benedicti, quales etiam eandem profeſſos regulam legatos ad idem concilium Conſtant. ex ordine Camaldulenſi Antonium de Parma Priorem generalem, & Henricum Gulpen Germanum B. Ægidii apud Norbergenses Benedictinæ profeſſionis abbatem Eiſengrenius notat in catalogo teſtium veritatis omnium orthodoxæ matris Eccleſiæ doctorum ad an. 1421. & 1429. T. II. pag. 1647.

V. Bulæus in hiſtoria univerſitatis Pariſienſis epiſtolam aſſert celeberrimæ huius univerſitatis ad Patres Concilii Conſtantienſis per laudatum Benedict. Gentiani c), doctorem theologiū oblatam, datam anno 1415. die lunæ 13. Maii, qua habita eſt nona ſeſſio, ad quam citatus fuerat Ioannes: at quum ille non comparuiſſet, contra eum iuridice agi cœptum eſt, ſequentique ſeſſione mox altera die declaratus eſt contumax, & ſuſpenſus a papatu, ob notoria crimina, quæ quum illi per legatos ſignificata fuiſſent, ille ſententiam contra ſe latam probavit, ſequæ paratum exhibuit ad ceſſionem, quam tandem poſt ſeſſionem XII. 29. Maii celebratam, ſententiamque de poſitionis, fecit publice in oppido Cella, de poſitis veſtimentis pontificalibus die ult. Maii. Hunc quidem Concilii rigorem indigne admodum tulit rex Galliarum male acceptis nunciis, ut reſert Maimburgius & Lenfantius d) in hiſtoria concilii Conſtant. ex monumentis mo-

Ioan. XXIII.  
P. & Friderici  
archid. Auſtriz  
cauſa.

c) T. V. pag.

283.

d) T. I. p. 192.

SECVLVM XV. nasterii S. Dionysii, cum Benedicto Gentiani, qui erat monachus apud S. Dionysium, unusque ex legatis, a quibus nuntius hic regi fuit allatus.

a) T. I. Corp.  
bistor. medii  
ævi. p. 2138.  
b) Thes. anecd.  
T. II. p. 1614.  
& seqq.  
c) pag. 1618.

Ioannes XXIII. iam Constantiæ audita deliberatione nationum, sua spontanea voluntate viam cessionis amplexatus, obtulit eam successive in duabus schedulis, quæ ambæ, quia nimis exorbitantes videbantur, sunt reiectæ, ut habet chronicon Andreæ Ratisbonensis, & Io. Chraſtius apud Eccardum a): ubi quoque affert formulam ipsi a concilio oblatam, quam etiam gratanter accepit, publicaue in sessione legit, ut in actis concilii pluribus legere est, & apud Martenium b) in epistolis legatorum academix Coloniensis eiusdem argumenti, epistola etiam eiusdem, quam post discessum suum in crastino S. Benedicti ad Sigismundum c) R. R. Schafhusæ dedit euscemodi: *Charissime fili! Gratia Dei omnipotentis liberi & in convenienti aere sumus in Schafbusa, & venimus istic absque filio nostro duce Austria, non animo declinandi ab his, quæ promissimus per renuntiationem nostram facere pro pace ecclesia sanctæ Dei, ut in libertate ac salute propriæ personæ possimus, prout indubie volumus ea executioni demandare. Datum in Schafbusa die XXI. Martii 1415.*

Sequitur mox alia epistola eorundem ambaxiatorum ad eandem academiam, qua Ioannem Schafhusæ usque ad diem Parasceves mansisse testantur, & tunc inde recessisse ad aliud quoddam castrum distans a Schafhusa tria milliaria, per dominos autem Cardinales obtulisse dare procuratorium ad cedendum tempore & loco congruis narratur. Porro in eadem epistola attinguntur, quæ Sigismundus in Fridericum ducem Austriæ Ioannis patronum agitarit, Cardinalibus & quibusdam aliis frustra instantibus, *quod Dominus Rex supersedeat de illis guerris.* Extant p. 25. apud laudatum Simlerum patentes litteræ Friderici Waldshuti in profesto paschæ an. 1415. datæ, quæ se ob patrocinium Ioanni P. datum purgat; testatur vero se eum Schafhusæ convenisse. Ioannes Schafhusæ minus tutum se ratus ab una Rheni cataracta secundo flumine ad alteram, quæ est Laufenburgi, Friburgum se contulit, Nigram nostram obiens silvam. *Nempe papa, sunt verba Hen. Mutii d) in German. chronico apud Pistorium, ubi audivit sic agi cum suo patrono Friderico, ex Schafhusen descendit Laufenburgam, inde sine mora se recepit Friburgum, profecturus, si tutum contingeret iter, ad ducem Burgundiæ, quo cum erat illi vetus necessitudo, quoque intimo summoque utebatur amico. Pontifex excusaturus suum discessum, ita ad concilium scripsit: „Ioannes episcopus servus servorum Dei: universis innotescat, quod cum „propter metum, qui cadere potuit in constantem virum, de civitate „Con-*

d) Script. R.  
G. T. II. p.  
925.



„Constantiensi recesserimus, ne hac occasione Petrus de Luna, & Angelus in suis obedientiis nominati allegantes impressionem nobis factam, se quovis modo ab accessione retraherent, & sic protraheretur effectus pacis, & unionis ecclesiæ, ad quorum effectum desideria nostra tendunt ex Friburgo &c.“

Quid Friburgi cum Ioanne actum sit, paucis discimus ex iam memoratis epistolis oratorum universitatis Colonienſis apud Martenium a), missis illuc ex parte concilii duobus Cardinalibus cum aliis octo prælatis & doctoribus, *qui credentes eum invenire in Friburg, non invenerunt eum ibi, quia processerat Brisacum, ubi invenerunt eum.* „Et prima die ipse prætendens infirmitatem, non dedit eis audientiam; sed die sequenti audivit eos, & post auditionem dixit, se velle deliberare, & respondere, & die immediate sequenti mane recessit ab illo loco, ipsis insalutatis & insciis, tendens ad Burgundiam. Sed Deus aliter ordinavit: quia dux Austriæ ipsum licet invitum reduci fecit in Friburg, ad quem locum nuntii dicti concilii ipsum comitabantur; sed quod rationabiliter petebant nomine concilii, non obtinuerunt, nisi sub conditionibus difficilibus, concilio non placentibus.“

SECULUM  
XV.

a) *Theſ. anecd.*  
T. II. pag.  
1629. seqq.

Narrant porro oratores in eadem epistola conditiones, quibus in gratiam Sigismundi imp. rediit Fridericus Archidux, se suæque omnia Maiestati regiæ subiiciens, quam in rem etiamnum Viennæ extant in archivio Imperiali Friderici tabulæ, quibus se reduciturum Ioannem promittit. Io. Trithemio teste in chron. Hirſaug. ad an. 1415. Ioannes Moguntinus Archiepiscopus, qui Constantiam intraverat cum equitibus quadringentis (oratores Colonienſes epist. 2. septingentos notant apud Martenium b), eo quod in fugam Ioannis papæ consenserat, a Patribus de concilio poenitentiam suscipiens, veniam impetravit; Fridericus autem Austriæ dux iuramento satisfactorius, quod Sigismundo præstiterat, Ioannem Pontificem insecutus, captumque, ac multum renitentem reduxit ad Cellam oppidum propinquius Constantiæ urbi. Concilio itaque decernente, quod alii reticent, subdit, *Pontifex in proximam Rheni insulam ducitur, & in monasterio S. Marci Evangelistæ nostri ordinis Augiæ maioris, quod Richenau dicitur, custodiæ mancipatur.*

b) pag. 1611.

VI. Attinet nunc aliquid etiam de turbis Hussiticis dicere, quæ sunt in Bohemia ortæ variis tunc erroribus infectæ, Wicleffitica imprimis hæresi in academica Pragensi gliscente, unde infinita mala in patriam nostram redundarunt. *Horum occasione dogmatum, sunt Io. Trithemii in chron. Hirſaug. ad an. 1412. verba, infinita mala fuerunt subsequuta, spo-*

Motus Hussitici patriæ infecti.

SECVLUM  
XV.

liationes & incendia, destructiones monasteriorum, & plurimum ecclesiarum in Praga, & extra per totum regnum, multorum quoque Sacerdotum ac monachorum neces, trucidationes vel exilia, bella, seditiones, depredationes, desolationes urbium simul atque villarum, omnium malorum causa Ioannes Hufs fuit memoratus hæreticus. Indignatus is, Germanos potiores partes in academia Pragensi tenere, quod in ferendis suffragiis tres voces, Bohemi unam tantum haberent, rem auctoritate Wenceslai ignavi invertens, Germanos, ut urbe exirent, commovit, sicque licentiosius errores suos, hæresimque Wicleffiticam facundia, qua pollebat, cum socio Hieronymo Pragensi disseminavit. Constantiam is accessit cum salvo quidem conductu a Sigismundo R. R. accepto. In concilio porro Constantienti teste P. Felice Egger a) monacho Petershusano in Idea ordinis hierarchico-Benedictini, multa præclare gessit contra hanc hæresim Ioannes de Martiniano, doctrinæ Hussii & Wicleffi cum plena potestate examinatore ex ordine S. Benedicti. Timens autem ibi Ioannes Hufs rebus suis, de fuga sibi prospexit, & quidem testibus Ulrico Reichenbach suffraganeo Constantienti in historia conc. Constant. vernacula, & Conrado Dachero conciliario electoris Saxonie auctoribus coævis, iterato reductus, quum frustra ad resipiscentiam, revocationemque errorum haud semel tentaretur, ad rogum est damnatus. Qua de re anonymus Carthusianus tunc præsens Constantiæ, hæc perscripsit die 19. Maii Constantiæ, ut apud Martenium b) legere est: *Die Mercurii proxime futura erit sessio, in qua Ioannes Hufs, ut credo, indicabitur ad ignem. Heri præsens fui in examine eius, & nunquam vidi ita audacem, & temerarium ribaldum, & qui ita caute sciret respondere detegendo veritatem. Sententiam contra eum legit episcopus Constantiensis, primam coram Husso genuflexo, qua libri eius omnes cum erroribus igni decernebantur, alteram, qua damnabatur ipse ad degradationem, ut in diario Hussitice damnationis & complicum, Hieronymi Pragensis nimirum altero post Hussum anno 1416. Constantiæ combusti, notatur apud Harzheim c), præmittiturque Martini V. d) damnatio separatim propositionum Io. Wicleffi, & Io. Hufs.* Subsequitur eiusdem pontificis epistola e), qua indicitur cruciata contra Wicleffitas & Hussitas nationem Germanicam hæresi suæ inficientes an. 1421. Hortatoria f) item Conradi Moguntini archiep. ad bellum Hussiticum eiusdem Pontificis nomine an. 1427. Iam tunc sæpius pugnatum fuerat ab an. 1419. quo inceptum fuit bellum contra Hussitas, sed minus feliciter, cæsusque Sigismundus a Zisca duce an. 1422. novas in comitiis Norimbergensibus petiit suppetias constituta singillatim

matricula Imperii, abbatum etiam & prælatorum censu, atque inter hos SECVLVM  
XV.  
 Nigra-silvanorum de Albe, S. Georgii, S. Blasii, S. Petri, S. Trutperti a).  
 In matricula an. 1431. censentur Abbat. S. Blasii, S. Georgii & Gengen-  
 bach. Passimque in archivis repetere erit eiusmodi conscriptiones, spe-  
 ciatim etiam per Imperatorem aut Electores factas, exemplis a Besoldo 2) Neueste  
Reichs - Ab-  
schied. T. I.  
p. 118. 120.  
138.  
 adductis in *Monumentis rediivivis monasteriorum Wirtembergiæ*, ubi, reli-  
 quamque per Sueviam fuerat tunc expedita in Hussitas societas magna,  
 quæ S. Georgii clypeus eo tempore nuncupabatur, teste Trithemio in  
 chron. Hirsaug. ad an. 1421. quo frequentiore annales celebrant con-  
 cursum numerosissimumque exercitum ex toto, qua late patet, imperio  
 Germanico, nostris etiam ex plagis, vicinaque Helvetia natione tunc  
 bellicosissima, in qua Sigismundus plurimum confidebat. Sed frustra om-  
 nia, iam an. 1420. Henrico Landshutensi, apud Aventinum, ad Alber-  
 tum de Preylinge vicarium suum scribente Pragæ in castris: *Quinques  
 Bohemiam intravimus, quinques copiis, impedimentis, tormentis, curris,  
 machinis, armis, annona, com meatu, suppellectile, instrumentis bellicis,  
 calonibus amissis, plerisque occisis, multis in fuga obrutis, necdum viso  
 hoste turpiter, nescio quo fato iniquo terga vertimus. Bulæus in hist.  
 Univers. Paris. hæc aliaque referens, Mira Dei, inquit, in hanc rem ar-  
 cana; Hussitæ seu Bohemi ab an. 1419. quo bellum inceptum est, nume-  
 rosissimos Imperatoris & catholicorum exercitus pluries terga vertere cog-  
 erunt; placide vero moniti per legatos nostros, aliosque, ut concilii au-  
 thoritati se submitterent, se submiserunt.*

VII. Loquitur Bulæus de reductione Bohemorum ad fidem in concilio Concilium  
Basileense.  
 Basileensi suscepta. Synodus hæc iam an. 1424. in synodo Senensi a Mar-  
 tino V. Basileam erat indicta, anno demum 1431. aperta; sed ab Euge-  
 nio IV. revocata, aliorum in Italiam transferenda, quod ad urbem Ba-  
 sileensem non esset tutus accessus, eoquod vicina loca armis Ducum Au-  
 striæ & Burgundiæ infestarentur, essetque conventum iam Martinum V.  
 inter Imperatoremque & Patriarcham Cyprianum de civitate Bononiensi  
 ad unionem utriusque ecclesiæ ineundam. Accedebant similitates ex con-  
 troversis illis hoc seculo, ut memoravimus, inter schismata natis, fa-  
 ctis ad ea producenda & nutrienda discidia inter summos ecclesiæ princi-  
 pes, pontificem & episcopos, *quis eorum videretur esse maior?* congre-  
 gatum imprimis concilium, an sit supra papam? quod effectu comprobare  
 minabantur Patres Basileenses. Nihil quidem non egit ipse legatus Eugenii  
 Iulianus Cardinalis, ut pontificem a sententia contra concilium hoc re-  
 moveret; sed incassum. Synodus etiam demonstravit, non falsum esse

SECVLUM  
XV.

sua suspicione pontificem, cuius non solum auctoritatem, sed etiam personam & dignitatem incessit: contenditque omni conatu utraque pars in alteram ius exercere, sustinereque. Quod in transversum egit catholicum orbem, induxitque principes Romani imperii, ut in conventu Francofordiensi an. 1438. inter se convenirent, utramque quidem suspicere ac venerari, sed per semestre expectare ac deliberare, cuinam esset adhærendum, interea temporis neutri se adiungere, dum prælati populos sibi commissos iure ordinario gubernarent, neutralitatis germanicæ nomine, quæ a papa perinde ac concilio improbata per octo tamen annos duravit. De qua re haud inepte in codice quodam Msc. bibliothecæ Cæsar. Vindobonensis histor. eccl. n. LII. olim LXII. annotatum ad marginem legi: *Tres soles visi sunt in cælo, & sequitur statim triplex regimen in ecclesia, scilicet Eugenii, Concilii, & Neutralitatis.*

Neque vero bellis dimoveri sese passi sunt Basileenses Patres, neque pestilentia, quæ fuit maxima Basileæ an. præsertim 1439. de qua Henricus Minorita in chron. *Flores temporum* inscripto, testatur obiisse multos prælatos & doctores, Cardinales, patriarchas, archiepiscopos, episcopos, abbates &c. in ecclesia beneficiatos viginti quinque citra: *Fuerunt, subdit, sanctæ processiones per concilium in civitate, per cives ad B. Virginem in Dotmos, per Clerum civitatis ad locum Heremitarum cum sequela populi virorum & mulierum in magno numero.* Urstisius a) in chron. Basileensi peregrinantes, quos Patres indulgentiis instruxerint, enumerat in Dotmos 400. cum 24. presbyteris, circa 500. vero in sacram eremum vulgo Einsidlen, celebratissimum tota Germania cultu B. M. V. fideliumque undequaque concursu frequentatissimum locum, monasterium ord. S. B. ut meminimus, olim de nigra silva dictum, ea nempe ex parte, qua Eremus Helvetiorum processit. Alter religiosus eodem cultu locus Dotmos seu Tothmos situs est inter Basileam & monasterium S. Blasii, ad quod pertinet seculo hoc XV. a Pontificibus eorumque legatis, ipsoque Bessarione Card. variis indulgentiis & privilegiis in spirituale emolumentum concurrentis populi instructus, censu etiam an. 1450. auctus ab Alberto archiduce Austriæ.

Porro in memorato codice, auctoribus Minorita & Nicolao Gerung dicto Blauenstein, narratur, Fridericum episcopum Basileensem, licet unus ex electoribus Felicis P. fuerit, per officialem suum Ioannem Geminger Romam missum, fecisse pontifici licet deposito obedientiam publico in consistorio. Ante Fridericum hunc tempore concilii fuit episcopus Basileensis Ioannes de Fleckenstein, abbas monasterii Salsensis ordinis S. Bened. seu Cluniacensium, ut appellat laudatus Nicolaus Gerung, qui  
cuis



eius vitam breviter descripsit, prout ipse vidit episcopo huic, uti olim SECVLUM  
XV.  
erant episcopis diaconi, abbatibus postea sacellani, continuo ad latus, quod est memoratu dignum ab ipso Nicolao his verbis memoriæ mandatum a): *Hac omnia & plura alia hic non scripta, ego oculis meis vi-* a) Script. ver.  
Basil. breves  
pag. 341.  
*di, audiui, & interfui, quia per septem annos eius Secretarius & Capel-*  
*lanus fui, semper in eius camera dormivi, ad altare, ad mensam ser-*  
*vivi, & horas canonicas secum dixi, & secreta, quæ nulli revelavit,*  
*mibi non obtulit.* Refert porro eundem an. 1436. mortuum per prælatos sacri concilii, episcopos, abbates, alios prælatos & doctores cum solempni processione delatum in ecclesiam, in capella episcopi Moguntini tumulatum fuisse.

Fuerat tunc archiepiscopus Moguntinus Theodericus pincerna de Erbach concilio Basileensi admodum addictus, pro quo an. 1439. in celeberrimo procerum Imperii conventu Francofurti fortiter fuit locutus. Extat apud Bulæum b) consilium universitatis studii Erfordiensis an. 1440. b) T. V. Hist.  
univ. Paris.  
pag. 462.  
ad hunc archiep. *pro sacrosancto Basileensi concilio contra olim Eugenium & contra neutralitatenſes principes ad concilium provinciale in Aschaffenburgis nuper in crastino Assumptionis Virginis gloriosæ inchoatum.*

Archiepiscopus nihilominus in celeberrimo conventu Moguntino præ cæteris impensius partes, auctoritatemque Eugenii est tuitus, admissis tamen etiam Felicis antipapæ legatis, & ex parte concilii Basil. eius præside Cardinale Arelatenſi. Tandem vero in eam sententiam itum, pro pace Ecclesiæ congregandum esse generale concilium alio loco extra Basileam & Florentiam: ubi tamen sub auspiciis pontificis græca cum latina est unita tunc ecclesia, frustra Basileæ tentata, tanto quidem opere, ut etiam emissarii constituerentur, qui indulgentias eam ob causam denuntiarent, cuiusmodi apud Eisengrein in catalogo testium veritatis notatur Nicolaus Wigelt Germanus, qui indulgentias pro reductione Græcorum per concilium Basileense datas promulgavit Friburgi in confinibus Nigræ silvæ.

Florentiæ autem in frequenti synodo id feliciter est actum. Tum præterea Æthiopix rex, Armeni quoque, Iacobitæ, Chaldæi & Maronitæ summam in Romanum Pontificem potestatem palam contestabantur, eumque œcumenicum Ecclesiæ caput venerabantur. Agente etiam postea Friburgo III. Imp. in conventu Aschaffenburgensi an. 1447. maxima nominis sui gloria Nicolao V. Eugenii successori obedientia est redhibita, abiecta neutralitate, Felice antipapa, eiusque factione Basileæ paullatim dilabente, reliquis Lausannam traductis: ubi tandem ipse pontificatum persuadente B. Ludovico Alemanno Cardinale Arelatenſi, deposuit, sicque communio  
pote-

SECVLUM  
XV.

potestatis legitimæ inter summos ecclesiæ pastores est restituta, dum an. 1448. congregata Lugduni synodo sub Carolo VII. Galliarum rege, ea dexteritate, ut refert Io. Marius Belga in libro *de schismat. & concil.* c. 23. processum est, ut sedato schismate Felix Nicolao cederet, maxima totius orbis lætitia, hoc versiculo hinc inde per omnes regiones publicato: *Lux fulsit mundo, cessit Felix Nicolao.*

Acciso orientali imperio, pericula occidentali ab imminutibus Turcis.

VIII. Felicissima tunc fuisset mater Ecclesia, amplissimaque potestatis ecclesiasticæ communio, siquidem unio occidentalem inter & orientalem Ecclesiam durasset, post reditum Græcorum ipsiusque imperatoris Ia. Palæologi Cpolim cito dilapsa. Interea urbi Cpoli imminet Turca, hortaturque Nicolaus V. litteris & misso Isidoro legato an. 1451. Constantinum Imp. Græcorum suppetias postulantem, qui tantum abest, ut obsecundaret, ut etiam Gregorium Patriarcham ad unitatem fidei accedentem sede deturbaverit. Dumque pontifex ad cæsarem Fridericum, & alios principes in alias nationes mittit an. 1453. nuntios, Turca expugnat Cpolim. Sic tandem cum imperio orientali Ecclesia etiam illa olim florentissima corrui, postquam iam a mille annis cum schismate coluctaretur, Acacio patriarcha Cpolitano incentore sec. V. ob factionem hæresimque Eutychianam, quod Romana Ecclesia communicare detrectaret cum successoribus etiam Acacii ad seculum usque sequens sextum, quo diu adhuc schisma Acacianum perduravit. Quæ res multum facit ad excusationem Honorii P. nimium Monothelitis faventis sec. VII. quo præterea Mahumedana secta infestare cœpit orientalem Ecclesiam semper magis ad defectionem declinantem seculo etiam octavo. Accessit sec. IX. schisma Photianum, cui sec. XI. Michael Cæularius neophytus patriarcha firmamentum addidit; nec stabilis fuit unio inita sec. XIII. in concilio Lugdunensi, & sec. XV. in Florentino, dum post annos 14. Constantinus Imp. in direptione urbis Cpolitane a Turcis trucidatus fuit.

Statim post direptam urbem fama adest, Turcam cum ingenti exercitu petere Ungariam. Fridericus imperator, alique reges & principes Germaniæ, præsertim Ungariæ finitimi, facile intelligunt, sibi imminere periculum, pontifex etiam ab Ænea Sylvio gravissime monitus mittit prædicatores & nuntios an. 1454. teste Trithemio in chronico Hirsburg. *qui cruciatam & passagium predicarent in Turcas, & animos fidelium ad tanti recuperationem imperii concitarent. Venerunt missi quilibet in regionem sibi a pontifice maximo deputatam, predicaverunt crucem, sed paucis, ut contra infideles pugnarent, aut pecunias contribuerent, persuaserunt. Omnes enim, quæ sua erant, nimis avide quærentes, communia neglexerunt.*

Cele-

Celebrat mox Ioannem de Capistrano, Italum ord. Minorum de obser-  
vantia, doctorem S. Theologiæ, generalem inquisitorem hæreticæ pravi-  
tatis, & apostolicæ sedis nuntium, virum doctum, & sanctæ conversa-  
tionis, qui mense Octobri an. 1454. Herbipolim adveniens, ibique multis  
diebus per interpretem locutus, inde Francofordiam, aliaque oppida &  
civitates regni summa cum diligentia & fervore crucem prædicavit.

SECT. XV.  
XV.

Multum tunc temporis in Helvetis, eorumque virtute bellica reposi-  
tum est existimationis. Notat Ios. Riegger a) in *amœnit. litterariis* Fri- a) *Fasc. II.*  
burg. Msc. in bibl. Friburg. Iac. Wimphelingi soliloquium pro pace chri- pag. 163.  
stianorum, & pro Helvetiis, ut resipiscant ad eos existimandos. Attinet  
huc, quæ ibidem ex eiusdem apologia pro republica christiana in me-  
dium affertur sententia: *quodsi Bohemi sedi apostolicæ, & Helvetii Ro-*  
*manorum regi adharerent, ut sunt bellicosissimi, felicius Turcarum gen-*  
*tem edomari posse sperarem.* Quietos eos iam per Austriæ duces esse lice-  
bat, admittebanturque ad comitia imperii, quæ tunc frequentia erant.  
Memorat Aeneas Sylvius b) an. 1454. reges omnes & principes cum pon- b) *Epist. 127.*  
tifice rogatos, ut oratores suos mitterent Francofurtum. Victoria insi-  
gnis an. 1456. apud Albam de Turcis fuit reportata, ter fugato Mahu-  
mete; sed intestina bella, factiones, studia partium, invidia ac æmula-  
tio, uti etiamnum, inducias Turcis dederunt, servaruntque Ottoman-  
nicum regnum. An. 1459. Pius II. ipse Mantuam cum omni curia sua  
ire decrevit, uti narrat Trithemius, *ut convocatis ibidem christiani orbis*  
*nuntiis & oratoribus in Turcas generale passagium ordinaret.* Venit ex-  
go Mantuam anno prænotato prima die mensis Iunii, multorum oratores  
principum eo præsentis invenit, aliosque brevi venturos aliquamdiu exspe-  
ctavit. Duravit autem oratorum conventus mensibus octo, in quo multa  
fuerunt tractata & conclusa contra nefandissimos Turcas, quorum parvus  
sequebatur effectus. O! quod non præsumit invidia, & quid mali non me-  
rentur hominum peccata! Multos tamen ex nostris plagis Alemannos, &  
aliis de provinciis crucem cepisse contra Turcas, ad h. a. notat chronicon  
Elwangenense apud Freherum c). Sed spem sefellerunt intestina bella, com- c) *Script. rer.*  
motum illud præsertim in Germania, sortumque a Georgio rege, & hæ- Germ. T. I.  
reticis Bohemis, ut apud Rainaldum ad an. 1460. Pius II. P. accerrime pag. 687.  
pluribus in epistolis queritur, imperatori Friderico, ut cognominem co-  
mitem Palatinum ducem exercitus constitueret consulens, quod tamen  
is detrectavit maximo rei Christianæ damno, dum Turcæ maioribus itenti-  
dem gressibus, progressibusque paullatim etiam Germaniæ nostræ immi-  
nerent, magnoque impetu an. 1469. ex Bosnia in Carniolam irrumperent.

SECVLVM  
XV.

a) T. I. pag.  
288. &c.

b) Neueste  
Sammlung der  
Reichs - Ab-  
schieden T. I.  
p. 219. & seqq.

Habiti tunc sunt singulis fere annis conventus. An. 1470. Norimbergæ, alius Viennæ habendus fuit decretus: neque hic tamen quidquam conclusum. Convocavit iterum Fridericus comitia principum Norimbergam; sunt vero, qui Friderico id persuasisse principes putent, ad eum exaudorandum potius consilio, eique æmulum Georgium Bohemiæ regem hæreticum substituendum, ut apud Freherum a) legere est in commentationibus August. Patricii de comitiis imperii sub Friderico III. imp. apud Ratisbonam celebratis an. 1471. ubi progressus explicat, quos fecerit Mahumetes Turcarum princeps, fretus nostrorum desidia, & continuis victoriis animo elevatus, dum nostri tempus longis consultationibus terunt. In frequentibus ea ætate recessibus imperii legitur b) matricula copiarum, collectarumque aliarum, quas quisque status imperii tam secularis, quam ecclesiastici conferre debeat, ubi prælati perinde ac dynastæ Nigræ silvæ nostræ habentur censiti.

c) L. c. p. 340.

Sequuntur, ibidem apud Freherum Io. Campani ad Iacobum Cardinalem Papiensem ex iisdem comitiis, de rebus ibi gestis epistolæ familiares &c. Conventus huiusmodi proximis annis, imprimis Sixtus IV. promoverè studuit, cuius apud eundem Freherum c) extat passagium sive Bulla exhortans principes Christianos ad sacram expeditionem in Turcas suscipiendam, missa Philippo Palatino an. 1481. & Mathiæ Corvini Hungariæ & Bohemiæ regis oratorum ad principes Imperii pro auxilio contra Turcas ferendo imploratio notatu digna. Nec quidquam in se desiderari passus est post Fridericum III. Maximilianus I. sed iisdem bellorum impedimentis turbisque Germaniæ revocatur, & ita ob christianorum dissensiones Ecclesiam a Mahometanis oppressam dolet Raynaldus an. 1499. ad Nauclerum nostrum provocans, vicinasque, ut mox videbimus, nobis turbas; quum vel soli Germani, qui mutuis vulneribus in tumultuariis pugnis sese conficerent, insignem de Turca triumphum reportare potuissent.

Imperium  
Germanicum.

IX. Mirum videatur, quod imperatoribus sec. XV. tam parum successerint studia immensa, & conatus iuvandæ utriusque reipublicæ sacræ & profanæ. Unum excipias, de quo iam superiore seculo actum est, Wenceslaum ignavum, ineunte idcirco seculo hoc decimo quinto in conventu Langensteinensi diocesis Moguntinæ depositum, ut tamen haud destiterit partes suas tueri contra Rupertum Palatinum in eius locum electum, cui in nostris etiam plagis adversum Bernardum Marchionem fuerunt bella, Marchioni sese coniungente comite de Wirtenberg, urbibusque Sueviæ cum Argentoratensi.

Iodo.



Iodocum etiam primum nactus est æmulum, sed brevi mortuum, Moraviae Marchionem ex eadem Luxenburgicorum stirpe, Henrici Marchionis, (qui frater fuit Caroli IV.) filium, atque adeo Sigismundi patruelem, qui post mortem Ruperti fuit electus Imperator, rex antea Ungariae gravissimis exagitatus periculis, quem iam vidimus ad restituendam Ecclesiae pacem tot ac tantos suscepisse labores, ac itinera, maximis, quibus impar erat, sumtibus, optime de imperio Germanico meritus, sibi met & Ecclesiae Romanae consulens per concordata inprimis Germaniae cum Martino V. Constantiae inita an. 1418.

SECVLVM  
XV.

Quam vero Sigismundus in concilio Constantiensi, eandem eius successor Albertus II. Austriacus Sigismundi gener præstare conatus est in concilio Basileensi operam Ecclesiae. Faultum auspiciatus imperium, brevi tamen functus fato, reliquit Friderico, qui illud ultra dimidium seculi tenuit, pacemque publicam Norimbergæ an. 1468. in comitiis instauravit quidem, eam vero violatam iterum in perpetuum stabiliendam Maximiliano filio (quem an. 1486. Francofordi in Romanorum Regem electum, eodem anno splendidissimo ornatu vidit coronatum) reliquit. Cui quidem electus Maximilianus quam primum operam impendit pace ad decennium constituta; at vero biennio post eidem firmando Suevos induxit, ut equester eorum ordo peculiarem etiam Nigræ silvæ complexus Cantonem, ut vocant, liberæque Civitates inter se ad octennium foedus inirent Eslingæ, Ligæ Helveticæ, ducumque Bavariae adversum. Pacem vero publicam Wormatiæ tandem in comitiis in perpetuum stabilitam ivit, in nostram proximis annis divertens silvam, visus an. 1497. Villingæ urbibusque silvestribus; anno sequenti comitia Friburgi Brisgoiæ celebravit, qui quidem, teste Trithemio in chron. Hirsaug. ad h. a. *Conventus principum duravit non paucis diebus, in quo multa pro communi reipublicæ commodo, & utilitate fuerunt proposita, plura tractata, nec pauca in diversis negotiis conclusa, de bello videlicet in Turcos movendo, de continuando iudicio Camera Regalis ante triennium apud Wormatiam satis provide iussit, & erecto, de pace firma ubique servanda in regno, & de coercendis rebellibus, puniendisque latronibus & violentibus pacem. Alia quoque multa fuerunt satis utiliter proposita, quæ utinam fuissent & practicata.* Orationem ea occasione nomine universitatis Friburg. ab Udalrico Zasio habitam habes apud Freherum a).

a) Script. rer.  
Germ. T. I.  
pag. 466.

X. Iam vero tandem aliquando propius ad res Nigræ silvæ nostræ accedendum est, infestationibus hoc seculo inprimis expositæ ob vicinam Helvetiam, quæ sese hoc seculo invicta constantia & fortitudine in libertatem vindicavit.

Res Nigræ sil-  
væ turbata  
ob bella Hel-  
vetica.

SECVLUM  
XV.

- Dicitur Fridericus III. contra Helvetos, quum an. 1444. treugæ inter reges Franciæ & Angliæ essent, exercitum utriusque gentis conduxisse (ad quem annum primam eorum irruptionem etiam Urstisius in chron. Basileensi assignat) quem Lud. Delphinus in Alemanniam deduceret. Exstant in *Alsatia diplom.* a) Friderici R. R. uti & Sigismundi ducis Austriæ epistolæ ad regem Galliarum Carolum VII. adversus Helvetos anni 1443. dum sequenti deductæ sunt copiæ illæ vulgo *Armeniaci*, vernacule etiam corrupte *die arme Jecken* per probrum, aut etiam (teste Trithem. ad annum 1439.) *die Walchen, Schnaggen, Schinder* ex crudeli Helvetiorum ad S. Iacobi prope Basileam leprosorium trucidatione. Armeniaci vero, seu Armaniaci verisimilius a suo Duce nominantur ex comitatu in occitania.
- b) *Thef. uned. T. II. p. 1432.* Apud Martenium b) legitur Ioannis XXIII. P. epistola an. 1411. ad Bernardum comitem Armeniacensem, qua eum, quid circa pacem Ecclesiæ factum sit, certiorum facit contra Petrum de Luna, & Angelum Corrarium. Nihilominus postea Ioannes Armaniacus schisma Petri de Luna fovit: quamobrem sess. XXXV. conc. Constant. contra eundem actum esse, atque etiam post concilium, Romæ an. 1426. sententia in eum lata legitur apud Pagium in breviario. Rom. Pont. sub Martino V. n. 62. Constante eum huic factioni adhæsisse demonstrant litteræ Ioannis de Thurena, quibus ei an. 1429. electionem novi post mortem Benedicti XIII. cognominis pseudo-pontificis denuntiat. Inscripta est epistola c) *It. p. 1715.* apud Martenium laudatum c): *Ioanni Dei gratia comiti Armeniaci Ruthenæ ac Insulæ &c.*
- d) *L. V. c. 39.* Urstisius d) in chronico Basileensi, qui exercitum Armeniacorum deduxisse dicitur, Ioannem appellat, Iacobum alii. Nuspiam tamen in bello illo comitis alicuius mentio fit. Turbis his etiam vicina Basileæ Nigra silva fuit infestata, occupantibus militibus Rheinfelden, Laufenberg & Waldshut, atque in Cleggoviam usque penetrantibus, ut Etterlini chronica testatur. Sed hæc irruptiones potius factionibus Helvetiorum sunt tribuendæ ac bellis, ob quæ Delphini exercitus advenit ab Austriacis evocatus, ut prodit epistola Friderici R. R. ad Carolum regem Galliarum anno 1443. edita in *memorabilibus ditionis Basil.* quam sequitur Wernheri de Stouffen epistola an. 1444. ad marchionem Wilhelmum de Hochberg, præfectum Austriacum, aliaque ad rem maiori voluminis quinti parte memorabilium ditionis Basil. e) Quidam etiam ex Helvetiorum potius, quam, quod vulgo creditur, Delphini exercitu in vallem Schoenauigiensem, verus monasterium S. Blasi irruptionem fecerunt, sed rusticorum animositate repulsi sunt. Cuius rei memoria in tabula picta in sacello S. Petri pro-

pe Schoenangiam adpenſa hodieque conſervatur: oſtendunturque miſſilia, SECULUM  
XV.  
 quorum tunc uſus fuit, ex ferro in quatuor cuspides acuminato, quarum  
 una, quocumque proicias, ſemper in altum erigitur. In Briſgoiam quo-  
 que excurrerunt. Unde in comitiis Norimbergenſibus decreta eſt contra  
 Delphinum expeditio ſpecialim Alberto Auſtriæ duci cognominique mar-  
 chioni Brandenburgico, & Iacobo Badenſi, Ulricoque Wirtembergiæ  
 comiti iniuncta, ut in Briſgoiam copias deducerent, de reducendo exer-  
 citu cum Delphino acturi, qui ſe in Alſatiam recepit: dum antea Carolus  
 VII. Galliæ rex, Delphini parens copias ex Alſatia, & ex ditionibus Lu-  
 dovici Palatini, atque Ruperti Argentinenſis epiſcopi ſtato die deducturum  
 pollicitus ſit an. 1444. die 23. Febr. ut in *Alſatia Diplom.* legere eſt a), a) *T. II. pag.*  
 chartam etiam ſecuritatis ac protectionis familiæ nobili Andlavienſi a Del-  
 phino datam, ſœdera item eodem & ſequenti anno Treviris pacta inter  
 Ludovicum Electorem Palatinum & Rupertum epiſcopum Argentinenſem  
 b). Sequuntur demum Caroli VII. regis Galliæ litteræ de fuga Delphini b) *pag. 338.*  
 an. 1445. die 3. Nov. ad civitatem Argentinenſem, ad quam urbem plu-  
 res Baſileenſium epiſtolæ leguntur in Schilteri c) annotationibus ad chro- c) *Annot. 17.*  
 nicon Kœnigshoſii, alia ad eandem rem.

Fervebat tunc temporis bellum Turicenſe, quod iam an. 1443. Hel-  
 veti urbi denuntiaverant, ſœdere Auſtriacis iunctæ. Baſileenſes an. 1446.  
 in Briſgoviam Friburgum uſque hoſtiliter excurrerunt, ex altera parte  
 Rhenofeldæ obſidione cinctæ, ut in chronica Eberlini narratur, ac poſt-  
 ea etiam bellum Burgundicum explicatur, Nigræ ſilvæ noſtræ cumprimis  
 infeſtum.

Bellum hoc Burgundicum ſingulari opere Dieboldus Schilling deſcri-  
 pſit, tunc temporis ſcriba reipublicæ Bernenſis, quæ unaque Lucernenſis  
 & aliæ conſœderatæ an. 1468. Waldshutum petierunt, fruſtra armato-  
 rum ſedecim millibus obſeſſam, excuſſione etiam inde facta in Nigram  
 ſilvam verſus monaſterium S. Blaſii, quod lytro pacto trium millium fl.  
 ut Dieboldus Schilling narrat, furorem militum compeſcuit. Anno  
 1469. vel ſequenti potius Sigismundus Archidux Carolo pugnaci duci  
 Burgundiæ pignoris iure comitatum Phirtenſem, Nigram ſilvam, qua-  
 tuor urbes ſilveſtres, Briſgoiam, Suntgoviam, & quidquid ditionis in  
 Alſatia habuit, conceſſit. Burgundus Petrum de Hagenbach ſatrapam pro-  
 vinciarum harumce conſtituit; hominem ferum, qui ſua atrocitate ſub-  
 ditos, ſuperbia vero Helvetos in ſe concitavit, quare converſa eſt alea,  
 dum provinciæ oppignoratæ prioris principis opem implorant, Helveti-  
 que auxilium præſtant armati in Carolum. Circa medium huius ſeculi

SECVLUM  
XV.

varios in vicinia Nigræ silvæ motus excitavit eques Bilgeri de Heudorf, civis quidem Schafhufanus, sed qui stipendia sub Sigismundo archiduce Austriæ merebat, cui Fridericus III. favebat ad recuperandas avulsas Helvetiæ & Imperii ditiones, urbis inter alia Schafhufensis seie in Nigram silvam ad montem Randen protendentes.

Iam supra meminimus fœderis Suevici, quod clypeus S. Georgii appellabatur, contra fœderatos Helvetos initi in comitiis Francofordi anno 1489. ut tamen res postea agente potissimum Thoma episcopo Constantiensi sint mutuo transactæ & compositiæ, Helvetique se consultius (una tantum ad finem seculi huius XV. excursionem in Cleggoviam & Alpegoviam facta) ad littus Rheni se constringendos existimarent, suis contenti finibus ex consilio B. Nicolai de Flue his verbis expresso, apud Trithemium in chron. Hirsaug. ad an. 1480. „Si manseritis in terminis vestris, nemo „vos poterit superare, sed cunctis adversariis vestris omni tempore fortiores eritis atque victores; si autem cupiditate seu libidine dominandi „abducti, dilatare imperium ad externos cœperitis, non diu vestra per- „manebit fortitudo.“ a) Sic Rottwilenses etiam sua confœderatione exciderunt; fallitque hæcenus laudati Trithemii præsagium in eodem chron. ad an. 1499. quod seculo XV. memoria bellicosissimæ tunc gentis expressit.

Et bella intestina.

XI. Friderici Austriaci bonorum proscriptio, in concilio Constantiensi facta, Helvetis peropportuna accidit ad constabiliendas res, ac rempublicam ampliandam. Accidit porro perinde, ac seculo superiore, ex satraparum animositate, ut res & animi exulcerarentur. Initio statim seculi ab Hermanno de Sulz, & Ioanne de Lupfen, inductus est Fridericus, ut bello se implicaret, quod abbati S. Galli cum Appencellanis intercessit. Sic teste Trithemio in chron. Hirsaugiensi ad annum 1409. iidem *Ioannes comes*

- a) Communi omnium patris studiosorum etiam Protestantium calenlo hodieque sacrosanctum esse S. Nicolai monitum vaticiniumque, nuperrime publico in confesso societatis Oltnæ insignis reipublicæ Basileensis triumvir Münch denunciavit, allato quoque celebri Lavateri in S. vatem elogio, quod hic adseribo:

*Er stand im Kreis entzweyter Vätter,  
Von Gott gesant ein weiser Retter  
Voll Demuth und Erhabenheit.  
Er rief mit Licht erfülltem Blicke;  
Und alle hörten weinend zu;  
O Friede kehre bald zurücke!  
O Einigkeit wie schön bist du!  
Er war des Vaterlandes Retter,  
Ein Heiliger und war ein Held:  
Wo, Brüder, ist ein frommer Better,  
Ein besser Bürger in der Welt?*



mes de Lupfen, & Hermannus comes de Sulza, qui erat Vicarius seu SECULUM  
XV.  
vicem tenens Friderici ducis Austriae in Suevia, in Brisgoia, in Suntgavia, & Ergovia contractis copiis in manu valida fines Basileensium ingressi, & venientes usque ad civitatem omnia in circuitu devastarunt, incendia, & depredationes hostiliter exercentes, & munitiones quasdam capientes, igne supposito funditus destruxerunt. Ioannes quoque dux Burgundiae Friderico Austriae duci affinitate iunctus multa Basileensibus intulit damna, parumque abfuit, quin res bello videretur terminanda. Necdum hoc tempore Basileenses foederi Helvetico sociati erant. Frustra Ludovicus comes Palatinus pro pace Fridericum inter & Basileenses laboravit; Basileenses vero auxilio Bernensium oppidum Rheinfelden obsidione cinxerunt. Sic iidem cum Solodorensibus an. 1442. oppidum Laufenburg obsederunt contra omnem iustitiam, ait Trithemius ad eum annum. Eiusdem anni est instrumentum seu charta, qua comites, abbates, ceterique nobiles tractus seu pagi Hegovienensis ad lacum Podamicum in foedus a vexillo S. Georgii dictum coibant, non pauci etiam Nigra-silvani, ut apud P. Gerardum Hels in prodromo monument. Guelph. a) legere est, <sup>a) pag. 164. &c.</sup> ex autographo editum. Pertinent etiam huc turbæ illæ ingentes, quas iam memoravimus excitatas a Bilgeri seu Peregrino de Heudorf, qui Schaffhusanos necdum Helvetiæ iunctos itentidem; fretus favore memoratorum Satraparum, lacessivit.

Da occasione oppidum Waldshut obsidione fuit cinctum, ut iam meminimus, excursionis etiam Helveticae ad finem seculi huius XV. contra comitem de Sulz in Cleggoviam, castrum Küssenberg adiacensque Alpegoviae oppidum Thiengen, cui Dietericus de Blumenneck praefectus erat, & oppidum Stuhlingen comitis de Lupfen, Blumfelden item, ut in chron. Dieboldi Schilling &c. legitur. Magna tunc erat foederis Helvetici existimatio & auctoritas, qua etiam, & Senatus Biberacensis eodem tempore controversia Eberhardum comitem Wirtemb. & Rotwilensem inter urbem est compolita in Senaculo Villingensi, teste Crusio b). Idem <sup>b) annal. Suev. P. III. Lib. VII. c. 7. Ibid. c. 5.</sup> iam ad an. 1445. scripserat, Ioannem Rechbergium ab Io. Geroltzeccio conductum multum nocuisse Rotwilensibus (veteri oppido exusto, & abacto pecore) aliisque urbibus imperialibus ex oppido Sulza an. 1453. a Wirtenbergenfibus comitibus obfesso. Notatque c. 7. rursus ad an. 1448. bellum civile urbicum, id est inter civitates imperii & principes ac nobilitatem.

Hinc sec. XV. confederationes illæ ac ligæ nobilitatum adversus urbes Suevicae imprimis celebris aggregata Societati Clypei S. Georgii iam me-

SECVLUM  
XV.

a) Vid. Bur-  
germeisteri  
cod. diplomati-  
equestris.

memoratae, cuius originem ab exeunte iam seculo XIV. repetit Dattius *de pace imperii publica*, eiusque incrementa explicat accedentibus episcopis & abbatibus eidem confœderationi in Cantones tributæ post medium sec. XV. a) confociatis etiam præcipuis Nigræ silvæ dynastis, demumque singulari cantone Nigra-silvano constituto. Dum vero insolesceret paulatim confœderatio, principes non pauci & prælati eidem sese subtraxerunt; alii vero alii se adiungunt auctoritate Imperatoris Friderici, & auspicio Maximiliani R. an. 1487. pro tuenda pace publica, ubi sumpsit exordium Augustior confœderatio; ea videlicet, ut Trithemius narrat, *ratione, & causa, ut se mutuis auxiliis contra indictæ pacis violatores unanimi firmitate defenderent. Quæ quidem civium confœderatio nonnullis principibus Germania valde displicuit, pluribus etiam placuit, qui & in eorum consortium pari amore transierunt. Brevis namque tempore crevit ista societas, & multis nimium cœpit esse formidabilis. Quantum vero bonum hac tanta confœderatio protulerit regno, quantam civibus pepererit pacem, quot contentiones alioquin futuras extinxerit, atque præven- rit, nemo vel mediocriter expertus poterit ignorare. Omnes enim principes, episcopi, duces, abbates, comites & cives regni, quotquot in hanc iurarunt ligam, seu confœderationem mutuo sunt coadunati, ut quidquid unum concernit, omnes concernere videatur.*

Nigræ silvæ  
dynastæ Au-  
striaci.

XII. In memorato mox Maximiliano I. Imp. quem iam laudavimus pacis publicæ statorem, auspicata sorte coaluerunt divisæ prius terræ Austriacæ, dum ineunte seculo hoc XV. defuncto Ioanne de Habsburg, ultimo lineæ Laufenburgicæ comite, dux Austriæ Fridericus feudis dynastiæ b) Laufenburgicæ perinde ac Secconiensis & Glareano b) investitus fuit ab abbatisa Secconiensis: quæ quidem iam an. 1386. Lupoldus a Ioanne III. emerat, sed rursus in feudum masculinum Secconiensis abbatiæ concesserat, ut apud P. Herrgott c) legere est. Arque hunc in modum Friderico cesserunt ditiones omnes Nigrasilvanæ, ex quibus frustra obluctabantur oppida Villingen & Waldshut, dum idem Fridericus dux in integrum est restitutus a Sigismundo Cæsare in Constantiensis concilio. Hinc Bernardus quoque Badensis marchio restituere iussus est præfecturam Brisgoicam, quæ sese in Nigram usque silvam protendit: qui idem Bernardus iam an. 1415. comitatu Hachbergico fuerat auctus.

c) Cod. Probat  
Geneal. Habs-  
burg. p. 811.

Quin-

b) In Egidii Tschudii chronico Helvet. T. I. p. 586. legitur instrumentum, quo se ad finem seculi XIV. redemerunt Glaronenses a nexu abbatiæ Seckingenæ, ut tamen hodieque annuam in signum pristinae subiectionis monetam eidem pendant, ac S. Fridolini imaginem in suis insigniis conservent. Vid. Trumpi in chron. Glaronensi, & Hallerus in historia monet. Helvetiæ.

Quinquennio post Agatha Hessonis dynastæ in Usenberg filia, monasterii S. Margarethæ prope Waldkirch monialis, iuri suo in Usenbergicam & Hachingensem dynastias, teste Schœpflino a) renuntiavit, perinde ac anno sequente 1421. Reinoldus dux de Urselingen, quem in charta an. 1437. dominum in Hornberg notatum reperi, cum Anna vel Anastasia de Isenburg seu Ussenberg uxore sua, in favorem eiusdem marchionis Bernardi. Iam vero anno 1400. Anna de Usenberg Reinoldi ducis uxor in documentis ad historiam pragmaticam de Geroldseck b) Hessoni marchioni de Hachberg ius hypothecarium in dynastiam Triberg contulit. Eadem an. 1404. cum marito renuntiavit iuri, quod ei in dynastiam Geroldseck ex matre Agnete de Geroldseck competebat. Anastasia sive eadem cum Anna, sive alia uxor Reinoldi condomini in Hornberg occurrit circa an. 1427. Idem vero Reinoldus anno 1443. iam vivis excesserat.

Nequaquam autem Usenbergica Nigræ Silvæ dynastia cum illa Susenbergica confundi debet. Est hæc amplior Sausenbergo-Rotelana Marchionibus Badensibus propria provincia, quæ necdum hoc seculo cum Bernardina & Christophoriana stirpe coaluerat, ut apud Schœpflinum videre est c). Memoratus supra Bernardus a Sigismundo Imp. redemptionem castri Zaringiæ cum omnibus, quæ ad id pertinebant, accepit, atque an. 1422. Conradus Bernlappius armiger quartam ei partem eiusdem castri cum silvis, hanno ferino, pratis, aquis, aliisque iuribus ad hanc partem spectantibus, servata sibi altera quarta, tradidit. Iacobus Bernardi filius per testamentum Carolo primogenito reliquit pleramque superiorem marchiam, inferiores vero terras inter postgenitos filios Bernardum & Georgium divisit: illi Pforzheimium, huic Durlacum regiminis sedes constituit, Nigræ Silvæ finitimas.

Bernardus hic Sanctorum postea albo adscriptus terras suas Carolo fratri resignavit an. 1454. cum duobus sociis in eremum secessurus d). Ast dum illum Fridericus III. Imp. legatum ad omnes Europæ principes mittit, ut sacri contra Turcas belli classicum caneret, in Italiam concedens, Taurini subito morbo correptus, apud Franciscanos eodem anno decessit, in collegiata S. Mariæ ecclesia ibidem sepultus, iam quidem an. 1469. a Sixto IV. P. inter Beatos, an. autem 1770. a Clemente XIV. P. inter Sanctos solemniter relatus. Epistolam Georgii Metensis episcopi de eiusdem miraculis Schœpflinus in codice diplom. historiæ Bad. e) charta 425. descripsit: cui addendus Trithemius in chronico Hirsaug. ad an. 1465.

SECVLUM  
XV.

a) *Hist. Bad.*  
*T. I. p. 402.*

b) *Ib. p. 405.*

c) *Ib. p. 260.*

d) *Z. G. p. 412.*

Fürstenber-  
gici.

Eodem Schoepflino teste a) Wilhelmus marchio Badensis, memorati Rudolphi parens, stirpis Hachberg-Sausenbergicæ, vicariam Austriacæ domus inter alias provincias anterioris Austriæ in Nigra quoque Silva tenuit potestatem, circa an. 1443. missus a Friderico III. Imp. in Helvetiam, ut Turicenses Austriacorum tunc socios contra reliquos Helvetios ipsorum hostes tutaret. Idem b) an. 1451. Rudolpho filio Nigram silvam & Hauensteinii dynastias cum Schönaugiensi & Tottnaviensi vallibus, quas ab Austriacis oppignoratas retinuerat, tradidit.

Singularem autem memoriam meretur dynastia Badenwillana, vel ob insignia etiam thermarum Romanorum rudera c), quæ hodie ibi effodiuntur. Ad finem sec. XIV. illam cum aliis ditionibus Leopoldus dux Austriæ a Conrado comite de Friburg, ut supra p. 130. meminimus, pro 28000. aureis oppignoratam accepit: ut tamen an. 1417. Sigismundus Imp. eam ex manibus Austriacorum pretio 4000. florenorum Ioanni comiti de Friburg ob præclara eius merita redimeret, qui illam adeo vivente adhuc Conrado patre administravit, sed nequaquam imperturbate, quippe quam Austriaci identidem invaderent. Quare eam iterum recepturus Ioannes cum Alberto Austriæ duce an. 1454. colloquium Waldshuti instituit, præsentem Rudolpho marchione de Hachberg. Hic eandem dynastiam iam an. 1444. dono acceperat; postea vero an. 1457. ex asse heres Ioannis comitis de Friburg, postquam dicto Waldshutano conventu in cassum cedente, res Albertum inter & Ioannem episcopo Basileensi arbitro fuerat transacta. Exin Philippus Rudolphi filius, qui vivo adhuc patre dynasta Badenvillæ apud Schoepflinum d) notatur, inito mutuæ successionis pacto, si alteruter sine prole decederet, Christophoro marchioni Badensi cum ceteris dominiis etiam Badenvillanum an. 1490. est stipulatus.

Circa an. 1416. Ludovicus Palatinus supremam in partibus hisce Austriacis tenuit potestatem: ad finem vero seculi in Ortenavia, in Nigram silvam usque excurrente, Wolfgangus de Fürstenberg. Atque hi ipsi comites de Fürstenberg inter præcipuos Nigræ silvæ dynastas seculo hoc XV. connumerandi veniunt. Ex his Henricus comes Landgraviatu Barenfi a Sigismundo Imp. investitus reperitur; quibus temporibus ditiones Fürstenbergicas tenuerunt, ex quibus an. 1435. rursus investitus legitur Henricus V. Henrici IV. filius, uterque in Neidingen sepultus. Henricus IV. an. 1409. mortuus, quum iam an. 1389 ditionibus suis Nigrasilvanis Hausen & Wolfach adgregasset Haslach, dein an. 1400. iterum sibi suisque heredibus adiecit valles Urach, Scholach, & Linach ex trans-

actio-



actione cum Ioanne de Hornberg. Facta autem inter eius filios Conradum IV. & Henricum V. divisione illi Wolfacum obtigit, qui lineæ eiusdem fater fuit, uti Ioannes III. Henrici V. filius Wartenbergicæ. Frater eius Conradus V. principalis stirpis Barenfis propagator dynastiam Lenzkirch a Dietrico & Rudolpho de Blumenneck emtione adquisivit. Henricus VI. ex sorore Henrici V. Beatrice nepos, Landgravius in Bare & dominus in Hausen, uti chartam an. 1466. inscribit circa curiam monasterii Alpirspacensis in Schopfen. Obiit demum an. 1491. plurimis annis post fratrem Ioannem, quem in chartis an. 1440. notavi. Alter vero frater Conradus V. qui Ioanni II. an. 1441. successit, Henricum VII. post mortem an. 1484. reliquit heredem, qui in exercitu Maximiliani I. Imp. merens in prælio Dornacensi prope Basileam an. 1499. succubuit; & Wolfgangum equitem aurei velleris primum, supremumque eiusdem Maximiliani aulæ exercitusque magistrum. Uterque an. 1491. tum paternam, quam hætenus communiter tenebant, hereditatem, cum etiam illam Henrici VI. quocum Wolfacensis, & Egonis VI. quocum Wartenbergensis linea defuit, diviserunt, communi tamen residentia retenta oppido Fürstenberg. Linea Friburgensis post Conradum III. qui an. 1442. obiit, an. 1457. in Ioanne II. extincta est. In principali vero linea ex Conrado V. (si generationi stirps Egonica computetur) quem in charta an. 1411. notavi, eiusque uxore Chunigunda de Metz, non solum deinceps comites principesque de Fürstenberg, verum illustres quoque familiæ de Eberstein, Helfenstein, Oettingen, Wertheim, dapiferi de Waldburg, & Rapoltstein in linea materna descendunt, Hohenzollerana vero ineunte sec. XV. ex Adelheide Gottfridi comitis de Fürstenberg & Margarethæ de Krenckingen filia.

Memoratu demum dignum est, quod ad illustrissimam familiam Fürstenbergicam attinet, notaturque apud Crusium in annalibus Sueviæ a): <sup>a) P. III. Lib. VIII. c. 15.</sup> (ubi nobiles familias Brisgoiæ etiam Nigra-silvanas ex Msc. recenser) in celebrato Herbipoli vigesimo octavo generali hastiludio (*Turnier*, Torneamentum dici solito) brabeiū Henrico comiti de Fürstenberg fuisse delatum; atque in his ludis restitutas esse veteres equestrium ludorum leges, aliasque novas latas a Franconibus, ut de moderatione in vestibus, ne tenuior nobilis aut domi manere propter pretiosioris ornamentī inopiam, aut nimio sumtu in eo comparando sese exhaurire cogeretur. Observandum vero, non multo post, inventis hoc seculo pulvere pyrio usque sclopetorum & bombardarum, cessasse hæc hastiludia an. 1487. quam cum aliis causis attingit citatus Crusius b).

b) Ib. c. 21.

SECVLUM  
XV.

Schellenberg.

Caput hoc sec. XV. extulit nobilis in Nigra silva familia de Schellenberg. Eam iam ad finem sec. XIII. reperio in Henrico de Schellenberg, pincerna monasterii Fabariensis in Rhætia Helvetica. Is in sigillo militem se vocat, conveniuntque transversæ trabes in scuto Schellenbergiis Nigra-silvanis; differt vero sigillum Marquardi de Schellenberg, qui Burggravius in Lingpach appellatur in litteris an. 1310. Ex nostratibus primus in chartis occurrit Benz an. 1381. qui a Burchardo de Blumberg patre uxoris suæ Guttæ cum consensu Henrici comitis de Fürstenberg domini directi oppidum Hufflingen legatum obtinuerat. Anno autem 1406. Conradus de Blumberg Conrado de Schellenberg, memorati Benz filio, quidquid iuris in Almetshofen habuerat, vendidit: idemque Conradus & filii Gebhardus, Bertholdus & Conradus cum Henrico & Egone fratribus de Fürstenberg an. 1418. & deinceps cum aliis subsequente tempore transegerunt circa varia capita domini alii ac iudicium sanguinis, quod in Hufflingen iam an. 1404. a Ruperto Imp. indultum acceperat avus Conradi huius, qui an. 1477. sententiam tulit in favorem S. Blasii, ac familiæ Schellenbergicæ Hausen vor Wald, Burg & Bachen, ditionis nunc Fürstenbergicæ, comparavit. Idem an. 1483. cum Burchardo, & iterum an. 1488. testis subscripsit chartæ, qua nobiles de Habsberg comitibus de Fürstenberg an. 1488. inter alia loca etiam castrum & oppidum Donaueschingen oppido Hufflingen vicinum vendiderunt, simultatum deinceps seminarium. Quamvis enim familia Schellenbergica identidem incrementa acceperit seculo etiam XVI. in ramos extra Nigram silvam protensa (liquidem a Ioanne memorati Conradi filio ditio Stauphen & Randeck, unde linea Randeckiana orta, fuerat acquisita, & ab Arbogasto Ioannis ex fratre Burchardo nepote Landroft, unde altera eius nominis linea); eo tamen adacti sunt, ut iam ineunte sec. XVII. mortuo Henrico Arbogasti filio, curatores Ernesti, Schwickardi &c. filiorum, quod residuum tenebant de oppido Hufflingen, comitibus de Fürstenberg vendere sint compulsi, familia paullatim accisa, & ut ita dicam, ad rem carbonariam redacta, dum labente iam præterito & ineunte hoc seculo XVIII. unus superstes Io. Iosephus de Schellenberg, memorati Schwickardi pronepos ex Io. Ludovico filio & Io. Iosepho nepote, rei carbonariæ in Zizenhausen, cognominis vero filius rei metallicæ in Hobeneck Algoviæ præfectus, feuda tamen in Hausen, Burg & Bach vindicavit, defunctusque an. 1769. Iosepho Antonio filio reliquit, hodieque sed improbi supersiti. Ex familia Schellenbergica an. 1494. Ursula magistra fuit parthenonis in Berau, altera cognominis an. 1530. monialis ibidem.

Nobi-

Nobilium de Krenckingen, monasterii quondam Rhenaugienſis potentium advocatorum (ex quibus Burckardus an. 1438. monasterii Einſidlenſis abbas obiit) terræ in Alpegovia & Cleggovia ſec. XV. ad comites de Sulz, ex hereditate partim Urfulæ de Habsburg ex linea Laufenburgica ultimæ, pervenerunt, dum illa Rudolpho Hermanni filio de Sulz nupta fuit, quem ſupra iam commemoravimus Habsburgicarum ditionum fuiſſe vicarium. Cleggoviæ adiacens caſtrum & oppidum Thiengen in Alpegovia Dietricus de Krenckingen, ultimus ſuæ ſtirpis, Ottoni epifcopo Conſtantienſi domino ſuo directo vendidit: unde in pignus dynaſtia hæc ad equites de Blumenegg pervenit: ante annum vero 1471. Pilgrino de Heudorf ceſſit, ac tandem an. 1482. vicinæ Cleggoviæ dominis comitibus de Sulz, penes quos ad extinctam uſque familiam permansit. Iidem comites de Sulz hoc ſeculo paſſim ſe ſcribunt præfectos Iudicii aulici, quod illa familia ſemper deinceps retinuit, uti etiam per ſecula Landgraviatum Cleggovienſem. Ex eadem familia comitum de Sulz Nicolaus monachus Hirſaugienſis ab Henrico de Hœven Conſtant. epifcopo datus fuit monaſterio Rhenaugienſi adminiſtrator an. 1439. capitulo conſentiente, perinde ac dum depoſita adminiſtratione idem epifcopus abbatiam Rhenaugienſem detulit alteri monacho Hirſaugienſi Eberhardo, qui cum comitibus de Sulz Ioanne, Rudolpho & Alwico, Urfulæ prædictæ heredibus tranſegit, ut abbati monaſterii plena poteſtas fieret, conſtituta comitibus penſione annua, ut in millenaria eiſdem monaſterii hiſtoria legere eſt. a)

SECVLVM  
XV.  
Sulz.

a) Pag. 121.

In archivio Rottwilenſi ſervatur inſtrumentum anni 1406. quo Fridericus Aſtriæ dux Rudolpho comiti de Sulz arcem Hohenberg cum vico Vehingen ad dies vitæ oppignoravit; quod idem an. 1409. fecit Lupoldus dux, rurfusque an. 1411. Fridericus ratihabuit. Occurrit tamen in actis citati chartularii Rottwilenſis an. 1442. Ios de Hornſtein, hypothecarius eiſdem caſtri in civem receptus: id quod poſtea urbem commiſit cum Alberto duce arcem illam repetente, Ios autem de Hornſtein cedere nolente. Occaſione hac occupatam fuiſſe dirutamque a Rottwilenſibus arcem litteræ diffidationis produnt, quas illis Albertus an. 1450. tranſmiſit. Sattlerus in topographica Wirtembergiæ hiſtoria poſtquam b) fata il-

b) p. 554 &c.

luſtriſſimæ familiæ Hohenbergicæ ſec. XIV. funeſta ob emtas a comitibus de Tubingen & Wirtemberg, quæ adhuc in Nigra ſilva potiſſimum ſupererant, ditiones & bona, recensuiſſet, ultimum nobis ſiſtit familiæ huius inclitæ ſurculum Sigismundum, adolescente hoc ſeculo XV. improlem deſunctum.







SECVLUM  
XV.

a) T. II. pag.  
424.

Hohenberg.

Wirtemberg.

faciunt. An. 1430. Ioannes de Lupfen oppido Villingensi stauras sibi ab Austriacis oppignoratas permittit. Denum an. 1434. dux Teccensis vendit Ioanni de Lupfen Beggingen. Deinceps frequenter occurrit Eberhardus de Lupfen, executor imperialis constitutus an. 1436. contra Amadæum antipapam, contra ducem item Burgundiæ Henricum. In Alsatia diplomatica a) legitur transactio inter advocatum Alsatiae & comites de Lupfen super iuribus utriusque partis in oppido Turckheim. Ad finem sec. XV. Sigismundus de Lupfen Landgravius Stuhlingæ supremam Austriæ principum potestatem etiam in Nigra silva tenuit.

Inter dynastas porro Nigræ silvæ adhuc censentur sec. XV. comites de Hohenberg, quorum dynastia an. 1455. comitibus de Wirtemberg oppignorata legitur. An. 1440. Sigismundus de Hohenberg arcem Wildberg iterum redimere conatus est, fuitque familiare seculo hoc XV. illustrissimæ huic familiæ Sigismundi nomen, quod notavi an. 1419. 1440. 1459. 1470. 1477.

Vidimus hactenus, pluribusque Sattlerus in topographica Wirtembergiæ historia edisserit, quam insigniter comites de Wirtemberg res suas in Nigra silva ampliaverint: ex quibus quidem Eberhardus VII. ad finem tandem seculi huius omnium ordinum sententia solemniter a Maximiliano I. Imp. in comitiis Wormatiensibus an. 1495. Dux est proclamatus, iam non uno ducatu auctus, in Nigra etiam Silva nostra Urfulensi. Quæ res iam inde ab initio huius seculi in concilio Constantiensi quoque agebatur, uti est inter alios a Io. Philippo Dattio notatum. Picta paullo post an. 1417. imago cernitur in monasterio Salemitano, qua auguste in confessu optimates Sueviæ sistuntur cum Eberhardo IV. Wirtembergiæ comite medio inter episcopum Constantiensem a dextris, & Augustanum a sinistris; post quos magna frequentia primores Sueviæ familiæ sedent, complures imprimis dynastæ Nigra-Silvani. Unde nostrum esse duxi, eas hic subiicere, prout ordine in tabula illa cum insigniis cuiusque familiæ sese mutuo consequuntur b).

b)

A dextris.

pos

Bischof von Constanz.  
Herzog von Ursingen.  
Graf Fridrich von Ettingen.  
Margraf Hesse zu Baden.  
Graf Fritz von Zorn.  
Graf Fridrich von Kirchberg.  
Graf von Hohenlohe.  
Graf Fridrich von Hohenberg.  
Graf Hein. von Fürstenberg.  
Juncker Walter von Gerozeck.  
Hr. Hans von Zimmern.  
Hr. Gebhard von Reebberg.  
Hr. Stephan von Gündelfingen.

Hr. Heinrich von Reebberg.  
Hr. Heinrich von Gündelfingen.  
Hr. Hans von Bodmann.  
Hr. Hans von Zuhard.  
Hr. Görg von Weidnart.  
Hr. Ulrich Speth.  
Hr. Hans von Freyberg.  
Hr. Konrad Stambaus.  
Hr. Hans von Neuburg.  
Hr. Fridrich Sturmfeder.  
Fridrich von Sperberstet.  
Bastian von Gittlingen.  
Jerg von Zimmern.

pos Constantiensem & Augustanum cernuntur duces de Urselingen & Teck: ex quibus hi iam seculo præterito XIV. bonis suis, quæ in Nigra silva habebant, cesserunt. Ultimus familiæ Ludovicus patriarcha Aquileiensis, sede pulsus, an. 1439. Basileæ, quo confugerat ad concilium, defunctus est, ante altare Carthusianorum sepultus, teste Urstisio a). a) *Chron. Bas.* sec. XV.  
 Ducum de Urselingen familiare nomen fuit Reinoldi, quod etiam in tabula Salemitana substituendum; fuitque satrapa Montis Pelicardi. Extant in archivio San-Blasiano variæ ad eum litteræ Ioannis II. abbatis S. Blasii; vixit adhuc an. 1449. paullatimque bonis diminuta familia defecit, ad paupertatem redacta. Inter instrumenta historiæ Geroldseckianæ ad an. 1400. Anna Reinoldi uxor marchioni Hesso de Hachberg hypothecam in oppido Triberg Nigræ silvæ legat. Sequuntur aliæ eiusdem & mariti conventiones cum Waltero de Geroldseck. *fil. pag. 354.*

Fuerant duces de Urselingen advocati monasterii Alpirspacensis, quo de monasterio tractantes quædam seculo superiore de hac familia attulimus, quæ nomen Ducis non tam ex ditionibus in Suevia & Nigra silva meruit, quam olim ex comitatu Friderici in Italiam, de quo Conradus Urspergensis ad an. 1218. memorat, milites Teutonicos in dignitatibus Italiæ ab eo constitutos; Nam, subdit, *quemdam liberum Bidelulphum Ducem Spoleti effecit*, ut iam Sattlerus in topographica Wirtembergiæ historia b) b) *pag. 217.* notavit, ubi chartam citat, in qua Conradus simul *der Herzog, der Fri*, id est, liber nominatur, uti Bidelulphum appellat Urspergensis: in sigillo autem anni 1330. Conradus nobilis solum scribitur. Eodem adhuc seculo de pincernatu monasterii S. Galli decertatum fuit inter Duces Fridericum de Teck & Conradum de Urselingen: in utriusque vero horum filiis ambæ familiæ ante medium seculi huius XV. extinctæ sunt, dum Fridericus quidem septem filiorum perinde ac filiarum parens fuit, qui omnes tamen improles fuerunt, postremo Ludovico patriarcha Aquileiensi Basileæ an. 1439. peste abrepto: ex stirpe de Urselingen ultimus Reinoldus an. 1449: obiit.

A sinistris.

Ad

Hr. Bischof von Augsburg.

Hr. Schwicker von Gundelfingen.

der Herzog von Teck.

Hr. Albrecht von Reckberg.

der Abt von Eibhausen.

Caspar von Klingenberg.

Graf Fridrich von Helfenstein.

Hans Speth.

Graf Eberhard von Nellenburg.

Hr. Werner Notbkast.

Graf Rudolph von Sulz.

Ulrich von Stain.

Graf Eberhard von Eberstain. f. Eberstain.

Diepolt Speth.

Graf Heinrich von Löwenstain.

Hr. Hans von Giltlingen.

Junker Bruns von Lupsen.

Hans Sturmfeder.

Hr. Jörg von Reckberg.

Albrecht von Gittlingen.

SECVLUM  
XV.

Ad censum nostrum in laudata tabula Salemitana post marchionem Hefs de Baden, ante Henricum comitem de Fürstenberg, occurrit Fridericus comes de Hohenberg, quæ illustrissima familia adolescente seculo hoc XV. extincta est in Anna Rudolphi filia, Conradi nepte, quæ primum Friderico (Schwarz Fridrich comiti de Zollerren) post eius vero obitum anno 1412. Conrado de Kirchberg nupta, enixa est Sigismundum sine liberis decedentem.

Zimmeren.

Inter primores ad latus dexterum tabulæ Salemitanæ notatur Ioannes de Zimmeren, cuius filius cognominis anno 1418. Verenæ dapiferæ de Waldburg & Sonnenberg nuptus obiit an. 1430. ante patrem iunctum Kunigundæ comitissæ de Werdenberg, Sagani mortuæ ante maritum. Utrique Cl. Carolus Döpferus, archivarius Fürstenbergicus (qui ex historia comitum de Zimbern, quæ spisso volumine servatur in archivio Doneschingano, arborem genealogicam huius celebratissimæ familiæ confecit) attribuit sororem, Annam nomine; ex quibus senior Ioannis dicti der Lapp soror, uxor Ulrici de Schwarzenberg iam ad annum 1372. notatur: altera cognominis Ioannis iunioris soror, uxor Eberhardi de Werdenberg lineæ Sigmaringensis, defuncta dicitur an. 1445. sepulta in monasterio Inzighofensi. Desidero autem in arbore genealogica Georgium de Zimmern, quem ultimum reperio in memorata tabula ad latus dextrum. Plures vero notantur filii & filiæ Ioannis Iunioris, cuius, ut videtur, primogenito Wernero iuniori uxor fuit Anna comitissa de Kirchberg, vidua Ioannis de Furstenberg, defuncta an. 1479. maritus vero an. 1483. Frater eius Henricus de Zimmern dominus in Heimetweiler celebratur in archivio San-Blasiano ad an. 1478. nepos vero ex fratre Ioanne, Wernerus ad an. 1490. Soror dicti Werner iunioris Anna primis nuptiis iuncta fuit Ioanni de Geroldseck, secundis Iacobo de Bern an. 1464. defuncta an. 1492. sepulta in Oberndorf. Sororum altera Verena nupta fuit Ulricho de Brandis, altera Kunigunda desponsata N. de Stofflen ante nuptias in Wildenstein obiit: fratrum vero alter Conradus mutus & claudus, alter Gottfridus adhuc an. 1507. vixit in Seedorf, dynasta in Zimmeren vor Wald, postquam iam ante eum Io. Wernerus ex fratre Wernero nepos, nuptus Margarethæ de Oettingen an. 1478. defunctus esset, an. 1459. bonis diminutus. Desideratur in tabula Salemitana Henricus de Geroldseck, quem inter alios nobilitatis Suevicæ in concilio Constantiensi Eberhardo comiti adfuisse acta eiusdem concilii produnt, uti & Ioannem de Zimmeren ac Stephanum de Gundelfingen, qui in tabula cum Henrico de Gundelfingen notatur, quo nomine etiam abbas S. Galli concilio interfuit an. 1415.

Nul-



Nullus in sæpe citata Salemitana tabula ex familia de Falckenstein occurrit, qui, ut suo loco infra dicemus, an. 1449. partem advocatiæ monasterii S. Georgii Ludovico comiti de Wirtemberg vendiderunt, parte apud familiam suam relicta, quæ frequenter hoc adhuc seculo in chartis occurrit, in Suevia præsertim, ubi an. 1406. Bertoldus de Falckenstein cum consensu Ursulæ de Lupfen census quosdam in Schweningen haud procul ab arce Lupfen vendidit. Notantur eius filii Conradus & Eygelwart adolescente seculo XV. huiusque filii Guilielmus, Ioannes & Iacobus cum cervi gradientis insigniis, alii arietem habent eodem tempore eademque in Suevia, ubi castri gentilitii rudera hodieque haud procul ab oppido Horneck supersunt. Necdum hoc seculo in terris nostris comparent Barones de Falckenstein, qui trabem transversam in scuto gesserunt: equitum nobilium insignia nunc falconem, nunc arietem seu capricornum præferunt ad initia usque seculi XV. quo passim in scuto cervus gradiens conspicuus est, insigne hodiernæ familiæ huius nominis Brisgoicæ in Rimsingen, quam dynastiam an. 1630. adquisivit incomparabilis Io. Erhart de Falckenstein, pluribus legationibus Archiducum Austriæ ab ineunte seculo XVII. ad diversas Europæ aulas celebratus. Occurrunt in chartis San-Blasianis anno 1416. Thomas, an. 1429. Ioannes, & an. 1486. Casparus de Falckenstein consules Friburgenses: uti etiam passim alii nobiles de Falckenstein cum cervo gradiente aut falcone circa eadem tempora. De primore huius nominis familia in Nigra silva (quæ nonnunquam uno in sigillo diversis scutis cervum gradientem, falcones & arietem vel capricornum pro insigniis gerit) infra locuturi sumus, ubi de S. Georgii monasterio agemus. Posteriori vero, uti & aliis Nigræ silvæ dynastis minorum gentium singulis enarrandis supersedemus. Has nobiles Brisgoicæ familias ingenti numero recenset Crusius in annalibus Sueviæ a) ex Msc. an. 1479. quæ magnam etiam partem ad censum nostrum pertinent. Sunt quoque illustres familiæ Helveticæ, quæ in vicinam Nigram Silvam commigrarunt. Ex illis haud postrema de *Zreyeren* ineunte hoc seculo sedem ex Evebach, unde nomen gerunt, Altorfium olim Uraniæ, quod est pagi Helvetici nomen, transtulit, ubi iam an. 1317. ut docet instrumentum, Henricus inter alios septem nobiles ecclesiam B. Mariæ V. in Altorf fundavit. Ex eadem familia dudum antea fuerunt, qui cum nobilibus de Ettichausen, de Silenen, de Uzingen, de Maggingen, de Moss, de Matt &c. monasterium S. Lazari in Seedorf fundarunt. Ex laudati Henrici filiis Ioannes in prælio Sempacensi an. 1383. occubuit, alter Ianus in obsidione Wesana an. 1388. tertius Iost non unum generavit heroem, Petrum, qui an. 1422.

SECVLVM  
XV.

Falckenstein.

a) P. III. Lib.  
VIII. c. 15.

SECVLUM  
XV.

in prælio apud Bellenz cæsus est, postquam frater eius iunior Rudolphus iam an. 1416. in Elchenthal occubuerat, ubi etiam postea an. 1487. cæsus fuit Ioannes Henrici filius, qui cum Petro fratre an. 1444. apud S. Iacobum Basileæ ab Armeniacis trucidatus est. Taceo cæteros ad nostram usque ætatem, qua familia hæc in Alpegovia nostra floret cum altera illustri pariter familia Roll de Bernau ex Uraniensi quoque Helvetiæ pago, ubi sæculo XV. Ludovicus eiusque filius Ioannes rebus gestis, uti & horum posterius, quos in lexico suo Helvetico celebrat I. I. Lew, inclaruerunt.

a) pag. 800. Unum est, quod hic ex codice probat. Geneal. Habsb. P. Herrgott a) adnotare iuvat, quantum spectat ad ordinem iudiciorum iudicumque in meridionali Nigræ silvæ pagi Alpegoviæ plaga, ex charta nimirum venditionis, cuius hoc exordium est: *Ich Claus von Altbrugg, undervogt uff dem Wald, tun kunt mit diesem brieff, das ich offentlich ze gericht sass, uff den tag, als der brieff gegeben ist, ze Birkingen in dem dorff, in der graffschafft des Waldes an stat, und im namen des edeln wohlgebornen Graff Iohans von Habsburg, zu den ziten herr uff dem Schwarzwald, mins gnädigen herren, und sunders von beselheus wegen des frommen wifen Henslis Kellers des obresten Vogt uff dem Schwarzwald. Und kament für mich in offen verbaunen gericht der erber bescheiden Iohans faber burger ze Waldshut an ein theil, und erwürdig geistlich brueder Marguard von Buttikon Sant Iohans orden &c.*

b) Accidit porro, ut inita passim hoc sæculo ob pacem publicam fœdera unionem quamdam diversas per provincias conciliarent, servarentque etiam in Nigra silva præsertim Helvetiæ vicina in nostra Alpegovia, cuiusmodi unionis genus aliquod etiamnum in dynastia Hauensteinica multis turbis temporum successu locum præbuit. b) Iam subinde libro præcedente in historia sec. XIV. mentionem iniecimus consociationum, a nobilibus præsertim equitibus initarum per provincias, in quas Nigra silva nostra excurrit aut contermina est, Brisgoiam maxime & Sueviam. Celebrem cumprimis notavimus ex charta fœderis an. 1370. Friburgi Brisgoiæ magistratus & nobilium auctoritate edita. Amplior est, quæ an. 1460. inita est statuum Brisgoiæ, equestris primum & civici, (Herrn, Ritters und Knechten auch stätte) quibus ecclesiasticus postea accessit. Instrumentum amplum in archivio urbis Friburgensis servatur. Alia item erecta est confœderatio an. 1468. quo Rudolphus marchio de Ba-

b) Minime vero hic moramur Cyngaros (Zigeuner) qui se Ægypto pulsos venditantes an. 1400. ingenti numero in Helvetiam sese Nigramque silvam abdiderunt, & occultiora loca sibi veluti vendicantes rempublicam quamdam nebulonum & latronum constituerunt suis viventem legibus, ad nostra apud nos alicubi tempora, paulatim tamen deficientes.

Baden Ioannitici ordinis commendator in Heitersheim ad conductum (Zug) militum contra Helvetios excitatur a Martino de Stouffen supremo Capitano die 15. Iunii: idemque postea 30. Sept. cum memorato Rudolpho de Baden, Ioanne de Landeck equite, & Conrado Snewli de Cranznow urbem Friburgensem incitat ad succurrendum urbibus silvestribus, quas tum Helvetii infestabant. In censu an. 1475. inter nobiles equites post Rudolphum comitem de Werdenberg commendatorem in Heitersheim mox notatur Iunckher Martin in Stauffen zu Münster &c. quæ vallis nimirum in Nigram silvam excurrit, uti etiam pars dynastiæ Castellberg Schwarzenbergicæ (quæ cum oppido Elitzach tunc Heinrico de Rechberg parebat) extra urbem Waldkirch, Simiswald item tunc ditionis Trudperti de Stouffen, præter partem huius silvæ, quæ ad Adamum Lapp pertinebat, uti ad Ioannem Iac. de Falckenstein Glotterthal, silva versus Oberried & vogteia zu Gintersthal.

Notantur deinceps nobiles de Bolschwiler, Ludwig de Landeck, Peter zum Wiger, qui ad eandem amplissimam familiam Snewli pertinent. Hæc, ut iam in historia seculi XI. notavimus a), aliquando in quatuordecim ramos protendebatur, Snewlin von Schneuwburg, von Landeck, von Bernlapp, von Bolsweiler, von Colman, zum Weiler, von Kranzaw, von Wisnech, von Witwiler, in Hof, Kotz, zer Tannen, von Wiger, & denuum Kung: ex quibus complures in memorata fœderis charta an. 1370. notantur. Ex his porro illustrium stemma de Landeck ditionem suam potissimum in Nigram silvam protendebat, donec mortua an. 1603. ultima stirpis Anna, Io. Iacobi & Dorotheæ de Reischach filia Friderico de Sickingen nupta, ditiones illæ ad hanc familiam devenirent cum ipso etiam oppido Zaringen, cui arx imminet, quæ ducibus Zaringensibus olim nomen dedit, ac dote postea Trudperto de Wessenberg cessit. Illustrem hanc familiam ineunte sec. XIV. Lautenburgi sedem habuisse ex chartis monasterii Königsfeldensis Ill. B. de Zurlauben certiore me reddidit: iamque Schœpflinus in Alsatia illustrata b) Arnoldum de Wessenberg inter liberæ conditionis homines ante ministeriales in charta abbatæ Secconiensis an. 1207. notavit, se-  
 rius vero inter Alsatæ nobiles circa sec. XV. denuum, quo etiam ordini equestri Brisgoiæ accensita legitur, cum altera nobili pariter familia Alsatice de Mörsperg. Ex hac labente eodem sec. XV. Petrus de Mörsperg anterioris Austriæ simul ac Alsatæ Austriacæ satrapa, & ad eius finem Caspar de Mörsperg, supremus simul capitaneus an. 1492. fuerat. Familia hæc, postquam ex hereditate Lupfensium Landgravi-

a) T. I. p. 212.

b) T. II. pag.

696.

SECULUM XV. rum in Stühlingen ineunte sec. XVII. ditionibus in Nigra silva erat ampliata, eodem exeunte fuit extincta, Io. Ulrico, qui avi materni nomen gessit, stirpis suæ postremo ad an. 1686. defuncto, ut laudatus a) L. c. p. 611. Schöpflinus adnotavit a).

Circa finem porro seculi huius XV. in Suevica etiam Nigræ silvæ plaga ad Nicrum distinctus ordo equestris effloruit, cum aliis tribus, Hegovico nimirum ad lacum Podamicum, ad flumen Kocher item & Danubium an. 1488. sub nomine *St. Görgen Schild*. Verum quum exinde paci ac tranquillitati publicæ an. 1486. sub Friderico III. imp. stabilitæ non satis fuisset prospectum, hinc alibi quoque gentium in Imperio germanico eiusmodi ordines liberæ nobilitatis Teutonicæ sunt constituti. Sic in recessu comitiorum Wormatiensium an. 1495. Maximiliano I. Imp. ac episcopo Argentinenſi commendatur, ut cum Brisgoiæ, Sundgovix & Alſatiæ nobilibus de denario communi solvendo agerent. Recensentur in hoc recessu septem huiusmodi ordines, Suevicus, tractus Rhenensis, Metensis cum Westria, Brisgoicus cum Sundgovia & Alſatia, Bavaricus & Franconicus, qui unus in sex cantones divisus est, Rhenensis in tres, Suevicus autem in quinque. Speciatim hi enumerantur in dicto recessu, atque inter eos noster quoque Nigra-Silvanus ad Nicrum, cuius capitaneus primum fuit Georgius von Ehingen amplissima per Sueviam familia, de qua passim Crusius in Sueviæ annalibus. Generalis vero & supremus capitaneus erat Hugo comes de Werdenberg. Hugonis nomen ceu gentilitium fuerat perillustre huius familiæ, in grati, ut opinor, animi testimonium erga Hugonem de Werdenberg, qui an. 1277. ditiones suas comitatu Heiligenbergenſi auxit: quibus ineunte sec. XV. dynastiam de Sigmaringen adiecit Eberhardus connubio iunctus Annæ de Zimmeren. Adolescente sec. XVI. cognominis Anna de Werdenberg nupta Friderico de Fürstenberg marito suo atque adeo Fürstenbergicæ familiæ, Nigræ silvæ nostræ ſideri primario, comitatum Heiligenbergenſem detulit, Christophoro ultimo ſtemmatis ac nominis Werdenbergici an. 1534. 29. Ian. defuncto.

Quæ porro de ortu ordinis equestris Suevici ad Nicrum & Nigram silvam modo diximus, cum iis conferenda sunt, quæ supra p. 124. & 130. iam attulimus de confederationibus illis, quæ sec. XIV. in illis plagis primum fieri cœperunt, præprimis *die Schlegelgesellschaft*. Memorat quidem Trithemius in chronico Hirſaug. ad an. 1367. bellum illud inter comitem de Wirtemberg & comitem de Eberstein in lingua nostra Teutonica nominatum fuisse *der Schlegelkrieg usque in præsentem diem; propterea reor, ait, quod*



*quod rustici sive rurales, qui nec lanceis utebantur nec gladiis, sed clavis & fustibus seu instrumentis ligneis, quæ apud Suevos schlegel nuncupantur, victoriam contra nobiles obtinuerunt.* Verum alia deinceps huius depopulationis fuit ratio, quando ipsi nobiles clavum argenteum ad latus in signum vindicandæ libertatis portabant. In confiniis Nigræ silvæ ad finem vergente sec. XIV. apud oppidum Heimsheim inter Leonberg & Pforzheim situm, societas quædam coaluit nobilium, qui se appellabant *die von den schleglen*, quos Eberhardus comes de Wirtemberg expugnavit, captis tribus eorum capitaneis, quos *reges* vocabant, in latibulo suo Heimsheim, teste Hermannno Minorita in chronico ad an. 1397. apud Sattlerum a), a) *Topograph. Wirtemb. p. 490. &c.* ubi ex capitaneis seu regulis his notat Georgium Neuneck, cuius vidua an. 1443. suam oppidi illius partem Ludovico comiti de Wirtemberg vendidit, eodemque anno suam item partem Ioannes de Stein, & sic deinceps Gunolt de Giltlingen, Wilhelm de Stadion, Ulrich de Smalnslein. Demum an. 1687. accessit pars, quam iam per aliquot secula a Marchionibus de Baden in pignus tenebat familia de Gemmingen, penes quam hodie est directorium cantonis equitum nobilium ad Nicrum & Nigram silvam.

XIII. Hierarchia ecclesiastica, si umquam alias, hoc certe seculo XV. rebus suis quam optime prospicere, atque ecclesiæ consulere potuisset, si contentionem illam ardoremque concilia celebrandi spectemus, constituta etiam generalibus synodis certorum annorum epocha ab ineunte iam seculo in Pisano & Constantiensi concilio: unde induci provocarique debuerunt sacrorum antistites ad celebranda etiam particularia per provincias ac diœceses. Hierarchia Nigra Silvæ.

Singulariter id sibi agendum existimavit Metropolitana Moguntinensis ecclesia, ad quam pertinet Nigra silva, cuius historiam prosequentibus nobis incumbit, ut Metropolitanorum nostrorum hac in re curam & pastorem vigilantiam, quæ in sacris christianis præprimis suspicienda est, attendamus. Ioannes II. Archiepiscopus an. 1415. ingenti pompa Constantiam, quum celebraretur concilium, ingressus, ibi, quod a Ioannis XXIII. partibus inconsultius stetisset, Patribus per pœnitentiam satisfacit. Quia tamen, ut oratores Universitatis Colonienſis epist. 5. apud Martenium b) perscribunt, *per aliquot dies infirmus fuit, post convalescentiam propter aeris contrarietatem se absentavit, rediturus ad mandatum regiae maiestatis, ut ab eodem Domino Rege audivimus; prius tamen suffraganei sui Argentinensis episcopi causam, ut paullo post videbimus, pro viribus gessit.* Ioannis successorem Conradum II. Sigismundus Imp. sibi b) *Theſ. anecd. T. II. p. 1614.*

SECVLUM  
XV.

a) T. V. pag.  
206.

b) pag. 233.

c) T. X. pag.  
748.

d) T. V. pag.  
398.

e) Corp. hist.  
med. ævi. T.  
II. p. 2216.

sibi ad decennium in imperii administratione vicarium adscivit an. 1422. qua tamen se mox abdicavit anno seq. 1423. quo concilium provinciale Moguntinæ habuit. Extat id in Harzheimii editione conciliorum Germaniæ a), uti & eiusdem convocatoria episcoporum suorum ad Synodum provincialem alteram an. 1431. quo etiam idem Moguntinus ac Coloniensis Archipræsules scripserunt dominis Salzbουργensi, Magdebουργensi & Bremensi Archiepiscopis ad congregandam nationalem Germaniæ Synodum Moguntinæ habendam, ut memorata prodit apud eundem Harzheim b) epistola.

Desiderantur acta concilii Aschaffenburgensis, quod successor Theodoricus an. 1440. indixerat, habetur tamen in Supplemento ad concilia Germaniæ c) eius *Missiva ad suffraganeos in puncto concilii provincialis*, ubi mox secundo loco episcopus Constantiensis Henricus misisse dicitur Hermannum de Laudenburg canonicum, & Conradum Lulli decretorum doctorem. Eiusdem Theoderici statuta synodalia an. 1451. exhibet idem Harzheimius d) uti & postea ingressum synodi provincialis Moguntinæ an. 1455, qua encyclica Nicolai Cardinalis & sedis Apostolicæ per Alemanniam legati, in diocesana synodo præsentis commendatur & annectitur.

Multam Theodoricus operam navavit in restituenda pace Udalricum Manderscheidium inter & Rabanum Trevirenses simul ac Spirenses episcopum, qui postremam hanc sedem iam ab an. 1396. illam vero ab an. 1430. obtinuit. Hunc Rupertus imp. an. 1410. defunctus inter alios arbitrum familiæ herciscundæ, Gregorius vero XII. suum in Germania legatum an. 1412. constituit. Eo episcopatum Spirenses resignante an. 1438. successit Reinhardus ab Helmstat, dein an. 1456. Sigefridus III. a Veningen; an. 1459. Ioannes II. ab Enzeberg, ac post huius cessionem an. 1464. Matthias a Ramung Bavarus, ut in catalogo episcoporum Spirensium apud Eccardum e) legere est. Ad Ludovici ab Helmstat, qui Matthiæ an. 1478. successerat, tempora pertinet *appendix II. episcoporum Spirensium* apud eundem Eccardum, *continens excerpta ex passione sacerdotum sub marchione Alberto electore anno 1484.*

Post mortem Theoderici Moguntini gravissimæ ortæ sunt lites inter candidatos Dietherum comitem de Isenburg & Adolphum de Nassau, de sede sanguinolento bello contententes. - Accusatus de simonia Dietherus demum cedere Adolpho compulsus est: quo mortuo iterato renunciatus archiepiscopus, an. 1475. Moguntinæ academiam instituit, sedemque an. 1482. in pace mortuus Alberto seu Adelberto Saxoni reliquit.

Huius

Huius successor Bertholdus de Heunenberg brevem quidem, sed gravissimum in synodo an. 1499. ad clerum Moguntinum habuit sermonem, quem apud citatum Harzheimium a) legere est.

SECRETUM  
XV.

a) T. V. p. 673.

XIV. Celebrata cum primis sec. XV. fuit urbs Constantia & frequentata conciliis, oecumenico præcipue, de quo iam diximus, comitiis item Imperii, ipsorumque Imperatorum præsentia. Ac quidem post initia statim seculi Rupertus illuc concessit ad compescendos Abbatis-cellanos contra S. Galli abbatem rebelles, quos frustra Marquardus episcopus ad officium revocare conatus est pastoralis cura, adhibitis etiam, quum gravissima monita & exhortationes nihil proficerent, censuris ecclesiasticis: quibus illi efferati potius non abhorruerunt in episcopum ipsum exurgere, urbemque Constantiam obsidione cingere; sed frustra, ut Bucelinus in chronologia Constantiensi ad an. 1406. scribit, quum nemo excursionem faceret, aut hostile aliquid tentaret, si forte hoc ipso edocti ab iniuriis & sacrilegiis abstinerent; unde motis inde castris vicinos diripuerunt. Dum vero exercitum contra eos parat Marquardus, nobilitatemque Sueviæ in eos animat, moritur. Successor autem eius Albertus, quod ipsemet in Abbatis-cellanos gladium strinxisset, nec levem edidisset stragem, Romæ pro irregulari habitus, numquam obtinere potuit confirmationem sedis suæ & episcopatus, quem post triennium an. 1411. resignavit Ottoni marchioni de Hachberg & Röttelen, parentibus Rudolpho VI. & Anna filia Egenonis comitis de Friburg. Hic tunc necdum sacerdotio initiatus, an. 1412. sabbato S. in monasterio S. Blasii presbyterii ordinem suscepit, ipsaque die paschatis in sacello abbatis primam Deo litavit hostiam. Sub eo celebratum est concilium Constantiense, coeptum an. 1414. in festo omnium Sanctorum, finitum an. 1418. Notat laudatus Bucelinus ad an. 1436. synodum dioecesanam; comitia vero imperii habita ibidem an. 1446. & 1460. Ludovico Palatino præsidente loco Friderici imp. qui an. 1443. ipse Constantiæ præsens fuerat, iterumque an. 1461, pacem ibidem cum Helvetis confirmavit: uti postea an. 1468. Fridericus elector Palatinus res cum iisdem Constantiæ composuit, nihil non molientibus, ut Waldischutum in suam potestatem redigerent.

Sic etiam an. 1474. Constantiæ celebri in conventu foedus perpetuum Austriæ duces inter & confœderatos Helvetiæ sancitum fuisse, ibique Ludovicum Galliarum regem cum iisdem foedus primum iniisse Bucelinus l. c. commemorat, uti & ad an. 1488. Constantiæ aliisque in locis conventus fuisse habitos, confœderationemque Suevicam, cui diver-

SECVLUM  
XV.

si episcopi, abbates, comites & equestris ordinis herôes certatim nomen dederunt, quod Helvetiorum exemplo incitamentoque plures eiusmodi libertatis licentiam affectare viderentur. Celebratis iterum Constantiæ an. 1492. a Maximiliano I. R. R. comitiis Helveti quidem in partes vocati contra Carolum Galliarum regem, non detrectarunt auxilium, si a pontifice sacris interdiceretur rex ob raptam Maximiliani sponsam. Vicissim vero idem Maximilianus imp. an. 1499. Constantiæ cum principibus de invadendis bello Helvetis tractat, iamque Constantia egressus Wolfgangus comes de Fürstenberg copiarum Cæsarearum dux cum octodecim millibus armatorum hostem aggreditur, atque iam victor a quindecim millibus hostium ex Schwaderloch irrumpentibus interceptus profligatur.

Non sunt hæc equidem a proposito nostro aliena, imminentibus a meridie Nigræ silvæ Helvetis: magis vero ad id pertinent, quæ e Constantia sede episcopali emanant, ad quam potior Nigræ silvæ pars spectat; extantque synodorum Constantiensium tituli & decreta luculenta in Harz-

a) *T. V. pag. 449.* hemii conciliis Germaniæ a) sub Burchhardo episcopo an. 1463. sub Hermannno ep. an. 1476. b) sub Ottone II. an. 1483. c) repetita iterum in constitutionibus synodalibus an. 1492. a Thoma episcopo editis.

d) *Ib. p. 235.* Apud eundem Harzhemium d) referuntur acta concilii Argentinensis an. 1435. ex Martenio e) sub Bertholdo ep. celebrati, cuius præmium præmittitur, in quo passim decreta eius nomine afferuntur, nec non episcoporum Ioannis & Friderici, nonnulla etiam ex concilio Herbipolensi desumpta. Fuerunt porro Fridericus & Ioannes Argentoratenses episcopi seculo XIII. Bertholdus quoque primus post initia eiusdem seculi XIII. & secundus sec. XIV. nullus autem huius nominis sec. XV. occurrit in Gallia Christiana f) cuius auctores g) asserunt, synodum illam a Bertholdo II. episcopo an. 1335. fuisse celebratam, cuius statuta Harzhemius, & ante eum Martenius perperam ex seculo XIV. ad seculum XV. reduxit, errore facili, dum unus centenarius C. amanuensis, vel typographi incuria fuit additus, ac loco anni MCCCXXXV. notatus annus MCCCCXXXV.

Observavimus vero, nonnisi a Friderico, ac semel dumtaxat a Ioanne decretorum ex Herbipolensi synodo desumptorum factam esse mentionem, quo ipso coniiciendum videtur, statuta illa fuisse quidem in synodo diocesana promulgata a Bertholdo II. ut tamen proximorum antecessorum suorum Ioannis I. an. 1308. & Friderici I. an. 1301. disciplinæ ecclesiasticæ maxime studiosorum decreta in unum cum suis collegerit, quæ subinde quo-



quoad sensum saltem ex antiquiore quodam Herbipolensi concilio fuerant cooptata a). Ad annum 1439. diem 24. Iunii S. Ioanni Baptistæ sacram figitur æpocha eminentissimæ turris Argentinensis post annos 162. demum consummatæ, dum ædificari cœpit an. 1275. statim post perfectam ab Erwino de Steinbach ecclesiam. In hac iam an. 1260. organa eodem loco, quo hodie amplissima per celeberrimum artificem Io. Andream Silbermann nuper defunctum recens confecta audiuntur, per Ulricum Engelbrecht posita sunt, eodem tamen adhuc seculo an. 1238. incendio consumpta b).

SECULUM  
XV.

a

b) Vid. *Grandier Essais sur la Cathédrale de Strasbourg.*

Anno 1435. quiete tenuit episcopatum Argentinensem Guillelmus II. contra cuius negligentiam in administranda sua diœcesi palam in concilio Constantiensi declamaverat episcopus Saresberiensis, uti & adversus Capituli urbisque Argentinensis violentiam eidem illatam; quippe eum carceri quoque manciparunt, quod bello Argentinenses petierit, pluraque Ruperto imp. Ecclesiæ bona alienarit: quæ causa operose in pluribus concilii congregationibus ventilata est. Destinati e concilio Argentinam, teste Guillimanno, fuere archiepiscopus Moguntinus & Badensis marchio, qui & episcopum carcere liberarent, & quæ controversa erant, abolerent: sed frustra uterque fuit, sæpiusque eadem res per alias legationes haud dissimili effectu pertentata: donec tandem per Palatinum episcopus liberatus rem ad concilium Constantiam ipse pertulit.

XV. Adversus hunc Guilielmum omnes diœcesis Argentinensis abbates accusationum capita deposuisse leguntur. Ex his, qui ad nos pertinent, Ioannes Armbruster seu Armbrester abbas Schutteranus, hoc nomine secundus, cum Burchardo abbate Novo-villari apud commissarios a concilio Constantiensi delegatos in causa Guillelmi ep. an. 1416. conquestus est. Idem, ut apud Schannatum c) in chronico cœnobii Schutterani legitur bullam Nicolai IV. qua monasterium in protectionem S. Petri recipitur, & omnia privilegia confirmantur in concilio Basileensi an. 1433. formatum accepit, eodem teste chronographo Schutterano, qui nullius amplius meminit abbatis Schutterani sec. XV. Iuxta catalogum abbatum mecum ab eius monasterio sodalibus communicatum Ioanni II. an. 1439. successit Paulus de Forster, huicque an. 1451. Wilhelmus II. cognomento Schaub, cui an. 1459. Ioannes III. de Will subrogatur.

c) *Vindem. litt. collect. I. pag. 21.*

G g 2

Ex

a) Io. Geileri Keifersbergii oratio an. 1482. sub Alberto ep. in synodo Argentinensi habita extat in Bibliotheca Argent. ord. S. Ioann. Hierosol. in folio, eademque cum aliis quibusdam opusculis inserta *Directorio statuum* a Petro Attendorn, bibliopola Arg. 1489. edito, ut est a Ios. Rieggero fascic. Amœnit. Litt. Friburg. p. 73. & 163. adnotatum.

SECVLUM  
XV.

Ex his porro, quæ modo diximus, quæve etiam ex illorū temporū historia dynastarum de Geroldseck, qui advocati fuerunt huius monasterii, discimus, coniecturare facile licet, illud tunc pessime fuisse habitum, eiusque res valde accisas: præprimis vero an. 1473. dum iuxta chronicon Helveticum Petermanni Etterlin, vel sequente ex Trithemio in chronico Hirsaug. Basileenses cum mercimoniis suis navigio per Rhenum descendentes, ad nundinas Francofordienses profecturi, per dominos de Geroldseck capti, atque in oppidum Schutteren sunt deducti; *habebant enim, sunt verba Trithemii, domini memorati causam litis aliquam contra Basileenses.* Argentinenses autem cives, mox ut rei gestæ ordinem cognoverunt, contractis copiis cum bombardis & machinis Schutteram obsederunt, oppugnarunt & ceperunt, deiectisque muris & turribus fossatum etiam terræ coæquarunt. Accessit proximior forte intimiorque causa ruinæ Schutteranæ ex collapsæ disciplinæ statu: revocata illa tamen restitutumque monasterium est suscepta reformatione Bursfeldensi, ut idem Trithemius ad an. 1416. testatur, indicato aliorum etiam in diocesi Argentinensi monasteriorum reformatore Ioanne Wadel seu Widel, qui fuerat Prior claustralis in monasterio Hirsaugiensi, exin Prior localis in Reichenbach, ac demum primus ex Bursfeldensi observantia abbas in Schutteren circa an. 1482. iuxta Galliam Christianam, a) quæ tamen tres cognomines confundere videtur, Ioannem Widel secundum statuendo, quem catalogus mox memoratus IV. dicit; ac anno demum 1432. Ioanni III. Will. substituit, qui, ut perhibent Schutterenses, monasterium in spiritualibus ac temporalibus rebus restituit, ope monasteriorum S. Blasii, Hirsaugiensis & Alpirspacensis.

a) T. V. pag. 855.

Gengenbach. XVI. Series abbatum monasterii Gengenbacensis sec. XV. quam eadem Gallia Christiana b) exhibet, ex chronico Gengenbacensi apud Lunigium c) desumpta est. Convenit fere cum catalogo mihi a sodalibus Gengenbacensibus submisso quoad annos regiminis, nisi quod post Eneolfum I. de Wartenberg, qui in necrologio natus de Wildenstein an. 1424. huius loci abbas electus, an. 1453. mortuus dicitur, famosum inter annos 1453. & 1454. interstitium sub Guilielmo cardinali Metensi potetur. Wolzo seu Wolzius de Newenegk (quæ familia passim in documentis præsertim Alpirspacensis monasterii sec. XIV. & XV. occurrit) an. 1454. electus, Romæ an. 1456. ab excommunicatione absolutus memoratur. Post hunc in citato Msc. catalogo interponitur, qui apud Lunigium, adeoque & in Gallia Christiana omittitur, Egenolfus II. de Wartenberg ab an. 1459. usque 1461. quo omnes Sigismundum

c) Spicil. eccl. T. III. pag. 291.

dum abbatiæ regimen suscepisse consentiunt. Additur apud Lunigium, ante abbatis huius electionem conventuales unanimiter iuramento sese obstrinxisse, ne posthac ex ignobilibus nati in suum monasterium reciperentur, de quo flet catalogus: notat vero post Iacobum I. de Bern Beatum de Schawenburg, nominis & stirpis secundum; unde primis huius nominis & stirpis præcessisse debuisset. In necrologio mecum communicato Kal. Febr. præcise legitur: *Beatus de Schawenburg reverendus dominus abbas huius loci cum progenitrice sua 1500.*

SECVLVM  
XV.

XVII. Quod paullo ante coniectati sumus a nobilibus de Geroldseck male fuisse habitum monasterium Schutteranum, id certius constat de Ettenheimensi cœnobio pariter in dioecesi Argentinenſi ſito. Fuerat id Guilielmo II. episcopo Argentinenſi imperii vicario ceu tutori & advocato an. 1417. a Sigismundo imp. concreditum: paullo poſt tamen ad Geroldseckios rediit, qui aliiſque vicini nobiles iam an. 1420. ceu advocati comparent. Hi penſione ſua non contenti monaſterium iam aliunde attritum vix non penitus deſtruxerunt, ut palam facit inſtrumentum incorporationis eccleſiæ parochialis in Ettenheim, monaſterio ea de cauſa factæ, his verbis: *Licet fructus, redditus & proventus dicti monaſterii, qui ab olim abundare conſueverunt, propter guerrarum turbines, patriæ depopulationem, aliasque calamitates, quæ partes iſtas quadraginta annis citra graviter afflixerunt, adeo diminuti & exiles facti fuiſſent & eſſent, quod abbas & conventus commode ſuſtentari, hoſpitalitatem, qua plus ſolito gravarentur, & alia eis incumbētia onera ſupportare vix potuiſſent; tamen noviffime vel circa annum Domini 1427. quidam nobiles inter ſe ſeptem annis, vel circa continue guerrantes ipſum monaſterium & eius poſſeſſiones invaſerunt, & ruptis portis & ianuis manu armata more hoſtili intrarunt &c.*

Ettenheim-  
münſter.

Acciderunt hæc ſub Andrea I. abbate, qui non Iacobo, ut hætenus exiſtimabatur, ſed Laurentio ſucceſſit, a quo an. 1405. ſacellanus ad capellam D. Virginis in Ettenheim iudici eccleſiaſtico fuit præſentatus. Unde vero, qualisve fuerit, aut quando vita exceſſerit, non conſtare fatetur chrono-graphus Ettonianus P. Bernardus Muggius. Id certum, parvo illum temporis ſpatio abbatis munere functum, Andreamque, Kranich cognomento, ex patritiis Argentoratenſibus natum, habuiſſe ſucceſſorem. Hunc varia ſcripta virum magnæ doctri-næ & integritatis fuiſſe Muggio comprobarunt, qui multa tulit fecitque abbas pius; cedere tamen Ioanni de Geroldseck fuit compulſus, qui advocati nomine, ut diximus, monaſterium ita afflixit, ut accedentibus aliorum nobilium vicinorum invaſionibus pene ad interitum devenerit, parum proficiente transactione cum Geroldseckio per Ioan-

SECVLUM  
XV.

nem abbatem Schutteranum facta an. 1438. quū Andreas abbas iam extremum decumberet, qui & eo anno obiit, cognominem nactus successorem Andream de Uchtensheim, virum genere & virtute nobilem, qui non ultra tres annos præsuit, abbas etiam monasterii Salsensis, quod nunc est præpositura canonicorum secularium. Monasterium sub hoc abbate in cineres redactum Andree successor Henricus Reiff restituit, Trithemio memoratus an. 1459. præsides capituli provincialis ordinis nostri per provinciam Moguntinam & diocesin Bambergensem eodem anno Norimbergæ apud S. Ægidium celebrati, cum Georgio eiusdem monasterii, Bertholdo S. Ægidii in Brunschwig, & Eberhardo S. Iacobi prope Moguntiam abbatibus. An. 1470. defunctus successorem habuit Hessonem de Tiersberg, sub quo monasterium cum advocatia an. 1486. in ditionem Philippi comitis Palatini Rheni devenit, qui Brisgoiam bello sibi subiecit.

a) Pag. 222. In appendice historiæ Geroldseckianæ a) legitur instrumentum, quo Albertus Argent. episcopus advocatiam in Ettenheimmunster Thiopoldo domino in Geroldseck in feudum an. 1481. confert.

Plurima ab Hessone abbate monasterio fuisse adquisita, instrumenta publica & emtionis litteræ attestantur. Inter hæc sunt, quæ monasterium in Riegel possidet a Baronibus in Staufen & monasterio Einsidlensi, cuius abbas Conradus Ettenheimensi cœnobio donavit ecclesiam S. Georgii in Kenzingen, S. Agathæ in Thenningen, S. Martini in Eendingen cum capellania S. Gangolfi in Schelingen, S. Martini in Riegel cum duabus capellis, S. Michaelis ibidem & S. Nicolai prope Kenzingen. Sic etiam & census monasterii S. Trudperti ab eo dissitas suo cœnobio adquisivit, cui adeo utilissime præsuit annis triginta, ad initium nempe usque seculi XVI. mortuus an. 1500. 4. die Iulii in ipso iubilæo.

Monasterium  
S. Trudperti.

XVIII. Perinde ac monasterium in Ettenheim Geroldseckios, ita monasterium S. Trudperti dominos de Staufen, Barones Brisgoicos infestos habuit invasores sec. XV. dum eisdem abbas Diethelmus I. (quem Buccelinus & Keraslithus in chronico Benedictum appellant) ex ea familia natus, ultimo regiminis sui anno 1410. monasterii advocatiam iterum contulisset, iuxta communicatum mihi ab eius sodalibus abbatum catalogum; dum Buccelinus in Germania sacra dubius est, num an. 1407. decesserit. Abbatis huius insignia & imaginem post summum chori altare fenestris inustam adhuc sua ætate, exeunte sec. XVI. fuisse conspicuam, generisque eiusdem posteros etli capitales monasterii hostes sepulturam suam ibi elegisse Keraslithus testatur. Omittit is cum Bucelino & Gallia Christiana b) Ulricum seu Udalricum III. abbatem, cuius

b) T. V. pag. 1000.

libe-



liberalitatem San-Trudpertini documento unico memorabilem habent SECVLVM  
XV.  
 an. 1411. cui sequenti iam anno Conradus II. cognomento Loeser successerit, mortuus an. 1432. Post eum Paulus abbas, in propugnandis monasterii iuribus acerrimus, gravissimos cum dominis de Staufen conflictus victor decertavit, cœnobium bellico furore conflagratum restituit, tantumque abfuit, ut quidpiam de redditibus alienaret, ut etiam maioris momenti abstractos redimeret. Obiit an. 1455. moxque sequenti eius successor Nicolaus II. cognomento Zeller ecclesiam ex incendio restitutam per episcopum Constantiensem (Keraslithus Ioannem Bellinensem & Henricum Constantiensem episcopos nominat, dum Bellinensis Constantiensi suffraganeus fuit) die 19. Iunii reconciliari curavit. Anno 1457. Iacobus dominus de Staufen pactum inter Nicolaum S. Trudperti & S. Blasii abbates ob homines ligios auctoritate sua stabilivit. Idem Nicolaus S. Trudperti abbas sumtuosissimam litem urgere coactus contra dominos de Staufen (ex quibus Martinus de Staufen supremus præfectus Austriacus urbium & provinciarum Brisgoiæ ad Rhenum & in Nigra silva circa an. 1468. fuerat) monasterium undiquaque infestantes, tandem an. 1481. victor, an. 1483. obiit. Successor eius Rudolphus (quem Gallia Christiana an. 1480. ante Nicolaum præfuisse perperam scribit) haud otiosus præsul an. 1487. pedum suscipiendum reliquit Ottmaro Arnold, de suo monasterio multis nominibus optime merito.

XIX. Abbati San-Trudpertino an. 1411. commiserat Ioannes XXIII. Monasterium  
S. Blasii.  
 P. ut iniuste ablata monasterio in Sitzenkilch congregationis San-Blasianæ restitui curaret. Erat tunc Ioannes I. abbas S. Blasii, qui misso ad Bonifacium IX. P. libello supplici pro se suoque antecessore Henrico veniam precatus, quod Benedicto XIII. antipapæ adhæssissent, accedentibusque Marquardi Constantiensis episcopi commendatitiis litteris in gratiam est receptus, ac an. 1402. ab eodem episcopo auctoritate a Romana sede sibi delegata abbas cum monachis, omnibusque parochis, vassallis & subditis ab excommunicatione coram multis testibus fuit absolutus. Fundatum eodem anno monasterium ordinis S. Pauli primi eremitæ in Bondorf a Rudolpho de Wollfurt & Elisabetha de Krenckingen eius uxore ac Wolfone filio ad instar cœnobii eiusdem ordinis in Grumwald, ab Henrico IV. abbate S. Blasii seculo superiore dotati, idem Marquardus episcopus confirmavit. Idem, quod in se receperat, impetrare a Bonifacio IX. confirmationem omnium privilegiorum a dubiis pontificibus tempore schismatis Avenionensis acceptorum, obtinuit anno 1405. palam ac solemniter ex cathedra Constantiensi præconatus, una-

BRICULUM  
XV.

unaque privilegium perpetui pontificalium usus cum licentia conferendi ordines minores. Unde eodem adhuc anno in Sigillo sedens comparet Ioannes abbas, mitratus, sinistra pedum pastorale tenens, dextera elata monachum ante se genuflexum benedicens. Quantæ vero amplitudinis fuerit monasterium S. Blasii ineunte hoc seculo XV. sub Ioanne I. abbate, ex charta an. 1408. quam edimus, colligere est, in qua enumerantur plures separatæ capellæ & ecclesiæ: quales in ipso monasterio fuerant, monasterium (ecclesia scilicet) novum & vetus, capellæ B. Virginis gloriosæ, S. Ioannis Baptistæ, S. Benedicti, S. Michaelis, S. Nicolai, & ecclesia S. Stephani.

Non dubitamus, esse Ioannem I. quem *pro nunc* abbatem suum commemorat auctor anonymus tertii saltem libri *constructionum*, uti appellare solemus. Subditur eidem opusculum asceticum inscriptum: *claustrum animæ cum dispositione officiorum & officialium suorum, secundum quod disponi solet & ordinari claustrum materiale*. Incipit: *Abbas huius claustrum est iugis meditatio divinæ præsentia*. Sub eodem Ioanne abbate vixit Ioannes de Ochsenhusen iunior, cuius extat iam an. 1383. *rotulus censuum officii cellerarii per fratrem Ioannem dictum de Ochsenhusen*: alius item rotulus, qui abbatum seriem continet hoc exordio: *anno Domini 1385. frater Ioannes de Ochsenhusen sacerdos & monachus monasterii S. Blasii codicem brevem sive chartam hanc, in qua venerabilium quondam abbatum in hoc monasterio existentium, nec non aliorum patrum ac monialium tam intra quam extra illud tempus, quo dictum monasterium per incendium fuerat devastatum, defunctorum nomina, quæ in alia charta, quæ antea similiter fuerat descripta, sed a feris rupta & lacerata, invenire potuit ac etiam postea de hac vita decedentium de novo conscribi fecit ac procuravit, incipiens a Reginberto loci fundatore, assignatis insuper sepulcris sive locis, in quibus ossa memoratorum requiescunt abbatum*. Eodem, quo hæc scripsit anno, renunciatus fuit hic Ioannes præpositus noster Nallingensis in Würtembergia; ab anno autem 1396. usque 1401. præposituram Beroviensem administravit: inde in monasterium rediens inter confratrum manus precesque animam efflavit an. 1412.

Ioannes I. abbas anno sequente mortalitati concessit, cuius adhuc supersunt varia pro disciplina monastica & choro, pro scholis item statuta, iam ante ordinis nostri reformationem in concilio Constantiensi paullo post præceptam facta. Huic a principio interfuit Ioannes II. S. Blasii abbas, primi proximus an. 1413. successor, inde tamen revocatus curis & periculis sui monasterii an. 1415. semper alias in concilio substitutus, ut  
habet

habet charta autographa, *ni ardua & evidentes causæ monasterio graviter incumbentes* illum redire compulissent. His ansam fuisse datam ex furtivo Ioannis XXIII. P. Constantia discessu, opitulante Friderico Austriaco propterea proscripto, eiusque terris direptioni expositis, conicere licet ex charta eiusdem Ioannis abbatis, qua procuratores suos cum plena potestate constituit Ioannem Petridomus & Gottfridum Ruttinensem abbates, ita effatus: *nunc autem præliis, hostilitatibus savis & atrocibus, inter quæ & quas monasterium nostrum pene cum omnibus possessionibus, rebus & pertinentiis suis situatum existit, irrecuperabiliter quassatur, nosque sine periculo, metu corporis & rerum, ad dictum concilium redire nequeamus.* Capitulo provinciali ordinis nostri, quod an. 1417. in monasterio Petershusano, iubentibus concilii Patribus, fuit celebratum, Ioannem nostrum fuisse præsentem, præter constitutiones eiusdem capituli ab eo studiose receptas, argumento quoque esse possunt varia eius statuta, quæ memoratus superiore iam libro superstes adhuc *ordo operis Dei* adiecta haud raro per aliam manum continet cum hac clausula: *ita statuit Ioannes abbas.* Idipsum inde etiam arguitur, quod in autumno eiusdem anni Constantiæ egerit, dum exauktoratis tribus schismatis capitibus Angelo Corrario, Petro de Luna, & Balthasare Cossa, Martinus V. in pontificem an. 1418. III. id. Nov. eligeretur: a quo mense sequenti impetravit bullam, qua pontifex roboravit *omnes libertates & immunitates a præcedentibus Romanis pontificibus & generalibus conciliis, sive per privilegia, sive indulgentias concessas &c.* Alteram item ab eodem privilegiorum confirmationem an. 1424. obtinuit, veluti etiam an. 1414. a Sigismundo imp. ac Ioannes I. a Ruperto Cæsare. Per turbas enim & rapacitatem huius seculi opus cumprimis fuit protectione principum & potestatis utriusque, ecclesiasticæ nimirum & politicæ, datis passim protectoriis per concilia, pontifices, eorumque legatos. Protectorium tale extat, excitatis quoque imperii electoribus, ducibus, marchionibus & comitibus vicinis, nominatim marchione Badensi, comitibus de Lupfen & Fürstenberg, ac urbibus Helvetiæ &c. an. 1435. datum monasterio S. Blasii contra Ioannem de Krenckingen, dictum de Wisenburg (quod castrum an. 1438. a Wernero de Stoufen obseßum captumque, a Blasianis dirutum fuit) per concilium Basileense. Præfens huic adfuit Nicolaus abbas S. Blasii, Ioannis II. an. 1429. successor, legatione etiam Friderici III. Rom. regis perfunctus an. 1444. ut palam fit ex gravissimo sermone, quem ex codice bibliothecæ Cæs. edimus per socium suum ad Patres concili habito pro tollendo schismate ex electione Felicis V. antipapæ, restituendaque Eugenio IV. P. obedientia.

SECVLVM  
XV.

---

Præfedit etiam idem Nicolaus S. Blasii abbas cum Hartungo S. Petri, Georgio S. Ægidii Norimbergæ, & Henrico Amorbacensi abbatibus capitulis provincialibus ordinis nostri Norimbergæ annis 1439. & 1441. apud S. Ægidium Norimbergæ celebratis, in quibus exhibita fuit cum aliis, & lecta plumbea bulla concilii Basileensis an. 1439. super reformationem ordinis nostri per provinciam Moguntinam & episcopatum Bambergensem edita; statutum pariter fuit, ut in omnibus monasteriis nostris nondum strictius reformatis observetur, quilibet copiam ipsius habeat, & in quolibet monasterio singulis angariis in capitulo quotidiano publice legatur, ac per præsentem, aut cui iusserit ipse, in lingua vernacula fratribus exponatur, ne prætextu ignorantie se valeat quisquam excusare. A temporibus porro concilii Constantiensis usque ad annum 1524. habita sunt hæc capitula provinciæ Moguntinæ & Bambergensis per unumquodque triennium, locis tamen plerumque a monasterio S. Blasii nimium distitis; unde paullatim ea accedere difficile fuit, & posthabitu a multis, etiam San-Blasianis. Atque hinc in bulla Sixti IV. P. an. 1479. inter alios abbates illa accedere negligentes San-Blasianus quoque notatur.

Nullus igitur seculo hoc XV. ex S. Blasii abbatibus præsens huiusmodi capitulis adfuisse legitur post Nicolaum. Hic quantæ existimationis auctoritatisque fuerit apud summas etiam potestates, vel inde elucescit, quod Nicolaus V. P. Alberto Austriæ duci concessurus denominationem viginti personarum ad canonicatus & beneficia ecclesiastica, huius rei executionem ei commiserit an. 1450. ut ex bulla, quam edimus, cognoscitur. Anno sequente Nicolaus tit. S. Petri ad vincula S. R. E. Cardinalis presbyter confirmationem privilegiorum, & alia indulta iunctim edita dedit Nicolao abbati nostro Moguntinæ die 23. & 25. Nov. eiusdem an. 1451. Ipse vero an. 1560. fatis cedens successorem adeptus est Petrum, nonnisi decem mensium abbatem.

Sub Christophoro ex nobili familia de Grütt post Petrum an. 1461. abbate, intercessione apud Paulum II. P. interiecta, per Philippum Cardinalem eiusdem pontificis poenitentiarium cum monasterii subditis an. 1467. per quadragesimam & alios ieiuniorum dies dispensatum fuit in lacticiis, cum dictum monasterium in vasta solitudine, & in loco alto, infertili, nemoroso & frigido, ubi propter frigora, & terræ altitudinem nives per tres anni partes sedent, situatum sit, ac propterea ibi vinum, oleum olivarum, granum & alii fructus usui humano necessarii crescere non possint, neque etiam pisces, nec dictum oleum olivarum temporibus quadragesimæ sine gravibus expensis haberi valeat, dicti expo-

neu-



*nentes sine usu lacticiniorum in dictis diebus Quadragesimalibus & aliis* SECVLVM  
XV.  
*ieiunialibus commode vitam ducere non possunt.*

---

Vix lites postea inter Christophorum abbatem & conventum an. 1481. per compromissarios fuerunt sopitæ, dum mox anno sequente aliis turbis mors Christophori locum dedit in electione successoris Eberhardi de Reischach. Hic iuvenis monachum apud S. Blasium professus, postea per bullam pontificiam, maioris, ut dictitabat, perfectionis zelo, sub Christophoro abbate monasterium nostrum deseruit, ac apud Friburgum Brisgoiæ ordinem Carthusianum amplexus, expletoque probationis anno solemniter professus est. Verum id vitæ genus haud multo post iterum aspernatus, an. 1471. a Francisco Cardinali Pauli II. P. in Alemania legato inde abeundi licentiam obtinuit, simulque ut a censuris, *absque tamen spe beneficiorum*, anno sequente per Nicolaum Rhenaugensem abbatem absolveretur. Fuerat tunc Rhenoviæ monachus Eberhardi frater Laurentius de Reischach, qui postea illius monasterii abbas adfuit fratri Eberhardo in abbatem S. Blasii an. 1482. electo, quem Sixtus IV. an. 1483. ad dignitates monasticas idoneum declaravit. Interim tamen Petrus de Rettenbach dioecesis Basileensis, præpositus in Veltbach, ab eodem Sixto P. abbatiam nostram tamquam vacantem anno sequente accepit. At vero Eberhardus ad Innocentium VIII. Sixti successorem confugit, qui an. 1485. abbatibus Augiæ maioris & S. Trudperti causam hanc decidendam demandavit: quorum sententia Eberhardus in quietâ abbatiæ San-Blasianæ possessione permanfit.

Nobilis hæc familia de Reischach iam inde a seculo XIII. bene mereri coepit de S. Blasii monasterio in variis officiis ac utroque statu seculari æque & religioso: Berovii etiam inter moniales & alibi, in parthenone præcipue Waldensi Cisterciensis ordinis, ubi septem abbatissæ numerantur ex hac familia, quæ ad ipsam huius monasterii foundationem plurimum contulit, in eoque sepulturam elegit, perinde ac in cœnobio Amtenhusano. Hæc seculo XV. in varias stirpes divisa diversas quoque sedes obtinuit, indeque nomina *Rischach zue der neuen-Heren*, in *Heren*, in *Stoffen*, *Hobenstossen*, in *Ach*, in *Richenstein*, in *Immendingen*, in *Slatt*, ut monumenta nostra domestica, pleraque sigillis suis munita, docent. Servatur in monasterio Petershusano genealogia huius familiæ imaginibus expressa in missali ad præteriti seculi initium impresso, quod Wernherus de Rischach singularis eiusdem cœnobii benefactor illic deposuit. Legitur ibi elogium Eberhardi abbatis S. Blasii ab anno 1482. ac novem, quibus præfuit, anni numerantur, eodem nimirum tempo-

SECULUM re, quō germanus eiusdem Laurentius in Rheinau abbas fedit, quod pa-  
 XV. riter in dicto missali notatur.

Sub Eberhardo abbate Conradus Sittinger monasterii S. Blasii frater conversus celebri tunc temporis organo duobus foliis instructo ecclesiam ornavit an. 1488. is ipse, qui in monasterio S. Trudperti iam sub Nicolao eius loci abbate simile pneumaticum opus absolverat, cum hac inscriptione: *hoc opus completum est sub Nicolao abbate per me fratrem Conradum conventualem S. Blasii anno 1474.* Refertur etiam Eberhardus vestes pro ministerio altaris fieri curasse cum insigniis Reichachianis, exsolutas primum, ut Casparus I. abbas in suo Originum libro putat, ab eius successore Blasio I. cognomento Wampach ex Obereggingen, qui tantum ab an. 1491. usque 1493. præfuit, successorem adeptus Georgium cognomento Eberhard. Hic Horba ad Nidrum fluvium oriundus, sacerdos iam cum litteris commendatitiis ex monasterio Alpirspacensi ad nostrum D. Blasii devenit, ubi etiam solempne iuramentum dixit. Exin ob vitæ morumque integritatem ac dexteritatem variis admotus officiis, tandem an. 1493. abbas quoque renunciatus, anno mox sequenti a Maximiliano I. Imp. in favorem monasterii sui diversa obtinuit diplomata, bullas etiam postea conservatorias a pontificibus; quibus omnibus tunc maxime opus fuit ob atrocissimum, cuius iam meminimus, Cæsareanos inter & Helvetios bellum, dum per Kleggoviam vicinasque terras erumpentes victores Helveti (qui prius an. 1477. Badæ in Helvetia pacis arbitri fuerant inter Rudolphum marchionem de Hachberg & Christophorum abbatem S. Blasii ob iura monasterii in Margraviatu) Thiengen, Kussenbergicum, Stühlingicum, & Blombergicum castrum ceperunt, suisque excursionibus colonos etiam nostros ac ditiones deprædati sunt; donec demum an. 1499. per Ludovicum Mediolanensem ducem Basileæ pax utrimque restitueretur.

Abbates e D.  
 Blasii ad alia  
 monasteria e-  
 vocati.

XX. In Msc. codice sec. XIV. quo continetur ordo operis Dei in monasterio S. Blasii syllabus quoque habetur abbatum, e S. Blasii ad alia monasteria evocatorum, in quo diversis characteribus tres adiiciuntur abbates sub Ioanne II. S. Blasii abbate ad alia cœnobia postulati: ac primum quidem ad an. 1420. *eligitur dominus Ioannes de Surse in monte Angelorum, & rexit abbatiam tres menses.* Servantur etiamnum in archivio San-Blasiano confœderatorum Helvetiorum de afflictissimo monasterii Engelbergensis statu litteræ, quibus exoratus Ioannes abbas S. Blasii cognominem Ioannem dictum Kupferschmid, patritia oppidi Surse familia ortum, Engelbergam misit cum duobus presbyteris, & P. Nicolao Sto-

Stocker præposito tunc Nallingenſi, abbate poſtea S. Blaſii, ut rebus Sæculum  
XV.  
quantocyus occurrerent. Sed, uti Bucelinus & Gallia Chriſtiana breviter memorant, Ioannes hic Conſtantia poſt ſuſceptam conſecrationem in cœnobium rediens morte ſublatus dicitur menſe tertio an. 1421. In rotulo membranaceo San-Blaſiano hæc tantum notantur: *anno Domini 1421. obiit dominus Ioannes de Surſe abbas montis Angelorum.*

Narrat Io. Metzlerus Lib. II. de viris illuſtribus San-Gallenſibus c. 53. & 54. a) Henricum IV. S. Galli abbatem dum morbo Friburgi a) Apud Bern.  
Pez. T. I. theſ.  
anecd. P. III.  
pag. 615. Brigoſiæ decumberet (quo & deceſſit, in S. Blaſio ſepultus) exoraffe a S. Blaſii abbate virum religioſum, quem œconomiæ San-Gallenſi præficeret, atque obtinuiſſe Eglolſum Blaurerum (Blarer) familiæ nigrorum, nobilem & gravem virum: qui res bene gerendo ita ſe in patrum gratiam inſinuarit, ut deſuncto Henrico 14. Sept. an. 1426. abbatiam ſuam illi decernerent. Magni Prioris officium is iam an. 1406. ad S. Blaſium geſſerat: inde præpoſiti Beroviſis munere ab an. 1412. functus, iterato magnus S. Blaſii Prior ap. 1416. fuerat renuntiatus. Abbas autem San-Gallenſis præfuit annis ſeptemdecim, mortuus an. 1442. ipſo die Pentecoſtes. Refert inter alia laudatus Metzlerus de eo, quod ad concilium Baſileenſe multos & optimos libros miſerit, ſed eos nunquam deinceps receperit, quod quidem etiam abbatix Cluniacenſi eveniſſe conſtat. Extat in collectione conciliorum Labbei b) ex Dacherii ſpicilegio b) T. XVII.  
pag. 1660. epiſtola concilii Baſileenſis ad Cluniacenſes monachos, in qua dum nova petunt SS. Patrum opera, de acceptis fidem haud equidem infallibilem faciunt, *certificantes vos, ſcribunt patres, quia non ſunt minus ſalvi hic, quam in monaſterio veſtro.* Non dubito, quin monaſterium S. Galli magis adhuc propterea conqueri potuiſſet de concilio Conſtantiſi, perinde ac aliæ vicinæ abbatix, Augienſis imprimis.

Præfuit tunc Augienſi monaſterio Fridericus I. comes de Zollern, æmulum favente Romana ſede naſtus Henricum de Hornberg, quem etiam commemorat Rhenaugienſis Mſc. catalogus abbatum Augienſium an. 1427. a Pontifice fuiſſe conſtitutum abbatem, falſo quidem ex abbate & monacho S. Blaſii, quum monachus fuerit S. Petri in Silva Nigra, quatuordecim tantum hebdomadis poſt mortem Friderici de Zollern ſuperſtes. Fridericus hic ante mortem adhuc, quam an. 1427. oppetiit, cognominem Fridericum de Wartenberg, & dominum de Wildenſtein, S. Blaſii monachum in ſubſidium periclitantis Augiæ divitis accerſiverat. Erat is tum præpoſitus Clingnovienſis, qui Romæ, quorſum ita volente S. Blaſii abbate ſe unacum magiſtro Haſlacher iurium doctore, & Conrado Freuel Cellenſi

SECVLVM  
XV.

Acroniano famulo contulerat, a Martino V. abbatiam vacantem monachisque destitutam obtinuit præ aliis candidatis, Alberto scilicet Barone de Sax monacho Einsidlensi, & altero Barone de Gundelfingen canonico ecclesiæ Constantiensis. Iam vero tunc defunctus fuerat, qui apud Eisenreinium inter orthodoxæ matris ecclesiæ doctores celebratur anno 1427. *Conradus Baro de Zimbern, divitis Augiæ Benedictinæ professionis monachus, germanus, patria Suevus, vir ingeniosus, gravis & ornatus moribus, christianæ religionis observantissimus, orator facundus, poeta gravis, musicus absolutissimus, qui multa in laudem beatissimæ virginis Mariæ doctissimo carmine scripsit: deploravit & statum Augiæ heroico versu.*

Deplorandus is utique fuit; adveniens enim illic Fridericus noster nonnisi duos reperit novitios, Henricum comitem de Lupfen, & Ioannem L. B. de Roseneck, qui brevi tamen ad patrios remearunt lares. Divinas vero in choro laudes clerici quidam seculares celebrabant, quum monachi deessent, quorum nonnullos ex S. Blasio advocavit, qui chorum monasticamque disciplinam sustinerent, suoque magisterio novos plantarent surculos, nobiles quidem, haud tamen ex prima illa dumtaxat nobilitate, cui soli accessum prius patuisse testatur Ohemius. Ex his iam ad sacram professionem admissis nonnullos ad academiam Viennensem misit, Petrum vero de Renz decretorum, & Ioannem Spenlin artium liberalium & Ss. Theologiæ doctores in Augiam advocavit. Bibliothecam quoque construxit, in quam codices partim cum blattis & tineis certantes, partim distractos & obæratos vindicavit, revocavitque, ac novos statuto pretio, quod etiamnum singillatim habetur, a memorato Io. Spenlin & Friderico marchione de Rötteln comparavit. In concilio Basileensi præfens, anno 1435. capitulo provinciali in monasterio Fratrum Prædicatorum præfuit, disciplinæ monasticæ observantissimus, ac restaurator in suo Augiensi monasterio studiosissimus, unacum Ortwinio S. Petri Erfordiæ, Ioanne S. Georgii in Stein, & Henrico in Faucibus abbatibus. Ibidem ab abbate Hormbacensi digitum S. Pirminii primi abbatis & fundatoris suæ ecclesiæ obtinuit, cui amplissimam chori structuram, hodieque cum vernacula inscriptione positi an. 1447. primi lapidis superstitem adiunxit: alter ipse Pirminius fundator inde a suppari chronographo Gallo Ohemio, ac deinceps apud omnes celebratus. Iuxta necrologium manu cœva *Fridericus abbas de Wartenberg seu Wildenstein obiit ipsa die S. Silvestri papæ de sero ante nonam horam anno Domini 1454. valde memoria dignus & reverendus pater, quia huius monasterii recuperator & alter fundator extitit, & per XXVI. annos pervigil rexit.* Lapis eius sepulcralis visitur extra chorum in latere dextro ante altare trium regum, ubi sepultus iacet.



XXI. Quocumque demum modo abbatibus ex congregatione San-  
 Blasiana aliorum evocatis accenferi potest Ioannes de Ochsenhusen, Melli-  
 censibus novis votis an. 1426. sociatus, indeque an. 1428. in abbatem  
 ad Scotos Viennam assumptus: sive is ex quatuor illis Ochsenhusanis  
 presbyteris iuvenibus fuerit, qui an. 1392. Blasianum iugum excusse-  
 runt Ioannis nomine insigniti: sive fermentum saltem aliquod Ochsenhu-  
 sii ex veteri disciplina San-Blasiana acceperit, quod is postea tam salu-  
 briter lateque in patriam iterum Sueviam dispersit. Extat in bibliotheca  
 civica Msc. mandatum Iuliani cardinalis, sedis apostolicæ in Germania  
 & Basileensi synodo legati, ad abbatem hunc Scotorum Viennæ, ut  
 binos e gremio suo monachos reformandi causa ad monasterium Wib-  
 lingense transmittat, datum Basileæ penultima Febr. an. 1435. obiit au-  
 tem Ioannes an. 1446. Ochsenhusani Blasianique ineuntis huius seculi  
 anno quarto causam suam arbitrio Marquardi episcopi Constantiensis  
 commiserunt, qui auditis rationum momentis suam Ochsenhusanis liber-  
 tatem iuxta bullam pontificiam stabilivit, ac terminos inter utriusque lo-  
 ci homines ligios constituit. Apud Lunigium in spicilegio ecclesiastico  
 a) extat cum aliis pluribus novæ abbatiæ Ochsenhusanæ pontificiis & a) T. XVIII.  
 Cæsareis instrumentis Martini V. confirmatio omnium privilegiorum & pag. 372.  
 libertatum monasterii Ochsenhusani, dato anno pontificatus primo, II.  
 Kal. Februarii. Unde aliqui perperam cum Bruschio exemptionem mona-  
 sterii Ochsenhusani a congregatione San-Blasiana adscribunt pontificis  
 huius benevolentia, utpote qui liberaliter lateque, dum adhuc Car-  
 dinalis Constantiense concilium adiret, Ochsenhusii fuerit habitus. Sic ex  
 Bucelino Gallia Christiana b) Nicolaum Fabrum seu Fabri Biberacensem b) T. V. pag.  
 ex ultimo loci Priore seu præposito an. 1392. electo factum esse anno 1071.  
 1420. primum abbatem scribit, secus ac superiore libro accidisse dixi-  
 mus, Nicolaum nempe iam an. 1392. electum fuisse abbatem, qui an.  
 1389. post P. Henricum Laurim ex gremio San-Blasiano datus fuerat  
 Ochsenhusio præpositus.

Hoc præpositorum nomine veniebant superiores cellarum exterarum  
 congregationis San-Blasianæ, ad normam scilicet congregationis Clunia-  
 censis, tam monachorum, quam monialium: quibus præpositis commissa  
 erat rerum temporalium administratio, dum Prior rem monasticam, atque  
 apud moniales forum quoque internum conscientia curabat, veluti cellæ  
 Bürglenensis Prior in parthenone Sitzenkilch, qui simul in remotiore cella  
 Guthnau confessarium agebat saltem extraordinarium. Parthenon hic  
 an. 1423. igne consumptus, frustra omni cura abbatum, atque vicini etiam  
 episcopi Basileensis, concessa quoque ab illo pro colligendis eleemosy-  
 nis

SECVLVM  
XV.

nis ad eius restorationem indulgentia, numquam tamen satis restitui res amplius ad illum statum potuerunt: unde ab Alexandro V. P. an. 1492. S. Blasii monasterio in præposituram concessum est. Felicius fuit Beroviensis monialium cœnobii fatum, licet hoc etiam seculo XV. iterato incendio consumptum, annis nimirum 1443. & 1456. præposito tunc Henrico de Reischach. Ex eadem nobili familia comparet Barbara de Reischach magistra (Meisterin) eiusdem parthenonis Beroviensis an. 1495. proxime vero antecedente 1494. Ursula de Schellenberg sub abbate Georgio. Præpositorum autem Beroviensium integram seriem hoc seculo habemus inde a Diethelmo Blatter, cui anno 1407. Eglolfus Blarer successit paulo ante memoratus, postea abbas San-Gallensis.

Duos denique Bûrglensis cellæ præpositos ex ectypis lapidum sepulcralium, Conradum dictum Roth an. 1426. & Andream Stehelin de Stockburg an. 1492. mortuum, unaque imaginem tabernaculi seu conditorii SS. Eucharistiæ ex lapide, prout more veteri ad cornu Evangelii in choro Bûrglensi nostra adhuc memoria conspicuum fuit, an. 1481. positum hic exhibemus. a)

Hirsaugienſe  
monasterium

XXII. Refloruit hoc sec. XV. celeberrimum olim Hirsaugienſe monasterium in utroque statu, pedetentim tamen in temporalibus, ac iisdem veluti gradibus, quibus monasticæ disciplinæ vigor crevisse visus est: vergente nihilominus ad finem seculo domesticis simultatibus & contentionibus interturbatus. Rem strenue aggredi ac studiose pro viribus agere initio mox seculi cœpit Fridericus, in abbatem ipso anno seculari 1400. electus, qui, sunt verba Trithemii ad eum annum, *puer ad ordinem veniens, ut illo tempore consuetudo fuit, monastica disciplina & moribus utebatur inventis. Factus autem abbas confestim in alium virum mutatus est, & non solum temporalia prudenter, sed etiam spiritualia religiosius ordinaria potestate correxit. Quantum potuit opere & sermone utilem se curavit exhibere pastorem, & inordinatam subditorum vitam libenter ad regularis observantiæ tramitem reduxisset. Eius namque diebus reformatio illa Castellensis in Bavaria sumsit exordium, quam ille cbaram habens, monachis suis persuadere non potuit. Ordo enim totus ubique iacebat deformatus. Addit postea, quod vitam in se duxerit*

a) Supra portam præposituræ Bûrglensis visuntur arma seu scutum marchionum Balensium, in quorum ditione est posita. Tabernaculum ex lapide in choro ad cornu Evangelii. Statua lignea cuiusdam episcopi vel abbatis mitrati ante tabernaculum posita. Dein lapides quinque sepulcrales, primus ita inscribitur: *anno Domini millesimo quadrigentesimo vicesimo sexto obiit frater Conradus dictus Rot, præpositus huius loci. Alter ita: Anno Domini MCCCCLXXXV. ipsa die Erenni epi obiit religiosus in Christo frater Andreas Stehelin de Stockburg. Reliqui tres ad seculum sequens pertinent.*

rit religiosam, sperans se ita exemplo suo subditos ad meliora indu-  
cturum, quamquam nihil aut parum profecerit. Nihilo secius, ubi ad  
an. 1416. reformationem ordinis nostri sec. XV. ab ovo repetens enu-  
cleatius edisserit, Hirsaugienſe monaſterium primum fuiſſe teſtatur, quod  
in diœceſi Spirenſi reformationem Bursfeldenſem ſuſceperit. Præſedit  
Fridericus in monaſterio Fuldenſi cum Lamberto Montis monachorum  
prope Bambergam & Henrico S. Gotthardi Hildeſienſi abbatibus tertio  
capitulo provinciæ Moguntinæ & Bambergeniſis pro reformatione ordi-  
nis noſtri an. 1420. cum illa Bursfeldenſi non confundenda.

Aderat Wolſramus Friderici ſucceſſor, in chartis apud Beſoldum,  
Schœpſlinum, & alibi paſſim Wolz, Wolfo, Wolfgangus appellatus,  
in concilio Baſileenſi, & ut idem Trithemius ad an. 1435. ſcribit, cum  
magna devotione mentis, quæ pro reformando ordine abbatibus tunc a  
concilio proponebantur, audivit. Subdit vero, eundem Wolſramum  
conſilio Ioannis Rhode inductum, reformationes, inſtitutiones & con-  
ſuetudines obſervantiæ Bursfeldenſis, repudiata Mellicenſium infructuo-  
ſa plantatione, iam ſenem Hirſaugiæ poſtea introduxiſſe, ut inferius ad  
an. 1457. plenius docet, iterumque ad an. 1460. de ſucceſſore etiam  
eiſdem Bernardo, quem amatorem & conſervatorem diſciplinæ mona-  
ſticæ conſtantiffimum laudat, utpote qui regularem obſervantiam Burs-  
feldenſium in ſe ſuiſque ſubditis vigilantiffime cuſtodierit.

Hic monachorum & monialium reſormator devotiſſimus, eodem Tri-  
themio teſte, plura cœnobია non noſtræ ſolum, ſed aliarum quoque re-  
ligionum ſuo vel labore vel conſilio ad regularis obſervantiæ integritatē  
revocavit. *Contra hanc reformationem, ut paullo poſt ſcribit, in  
Alzburg Beghardi fratres, qui per diverſas cellulas in nemore Hirſaugia-  
no morabantur, ſe contumaciter oppoſuerunt, dolentes ſibi ſimiles improba  
conſervationis ſorores de latibulo iniquitatis expulſas. Unde contra Fer-  
nardum religioſiſſimum patrem plures machinationes inſidioſas ſtruxe-  
runt, ſed nihil prævaluerunt &c.* Ita Trithemius, qui potro obſervat,  
Bernardum prima litterarum rudimenta poſuiſſe in Hirſaugienſi Priora-  
tu Richenbach, ubi monachus fuerat factus: poſtquam autem Wolſra-  
mus abbas regularem obſervantiam Hirſaugiæ reſtituiſſet, amore diſci-  
plinæ illuc venit, & reſormatorum congregationi adſcriptus converſatio-  
nem ſuam in omni humilitate inſtituit ac ſerverter continuavit. Ordī-  
natus illic abbas prioris vitæ puritatem nequaquam remittens augmentavit  
potius, non verbo ſolum, ſed multo magis ſanctiſſimæ converſationis  
exemplo dignum ſe atque imitandum coram Deo & hominibus paſto-

**SECVLVM** rem exhibendo. *Tempore sui introitus, pergit idem, ad abbatiam in-*  
**XV:** *venit monasterium are alieno gravatum in 12. millia florenorum, &*  
*cuncta pene ruinosa adificia: & quia vir erat timens Deum benedixit ei*  
*Dominus, ut qui spiritualia Christo Salvatori auxit obsequia, in tempo-*

a) *Docum. mo-*  
*nast. Wirtemb.*  
*T. I. p. 364.*

b) *Cod. diplom.*  
*hist. Bad. P.*  
*II. pag. 362.*

*ralibus nunquam deficeret. Habentur apud Besoldum a) & Schoepfli-*  
*num b) tabulæ emtionis vici Frielsheim ab eodem an. 1461. factæ.*  
*Mechtildem quoque Palatinam, Eberhardi Barbati primi ducis Wirtem-*  
*bergiæ ex primo coniugio cum Ludovico comite matrem, uxorem*  
*dein Austriæ Archiducis Alberti, qui frater erat Friderici III. imp. bene-*  
*ficam experta est Hirsaugia, tunc etiam, quando Bernardus an. 1473.*  
*Fridericum III. Wilæ in domo Hirsaugiensi solemniter excepit cum filio*  
*Maximiliano, qui postea Rom. rex an. 1491. ibidem cum processione*  
*cleri & populi pulcra, ordinatione solemnī in pontificalibus, teste Trithe-*  
*mio, fuit exceptus.*

Sub Blasio Bernardi successore post Georgium (qui abbatiam, quam an. 1482. susceperat, *considerans se ad curam pastorem propter multas conditiones non esse idoneum, sponte ac libera voluntate anno regiminis sui secundo resignavit*) an. 1493. habitum est in monasterio Hirsaugiensi provinciale ordinis nostri capitulum. Idem an. 1490. alteri provinciali capitulo Norimbergæ celebrato cum Georgio S. Stephani Herbipoli, Ioanne S. Ægidii Norimbergæ, & Henrico Blaubeurensi abbatibus præfederat. Gravem Blasii antecessor cum suis habuerat dissensionem, quibus in turbis, Trithemio teste ad an. 1484. hic etiam necdum abbas dolo & suggestione æmulorum ad breve tempus exulare coactus fuit apud fratres Weissenburgenses. Inde cum honore ad monasterium revocatus, ac haud diu post in abbatem sublimatus, his, qui exulandi causam præstiterant, nullam reddidit vicem, sed omnes patienter toleravit, novis nihilominus cum suis, paucis ante mortem annis, litibus implicitus. Sedandæ dissensionī ipse cum aliis tribus abbatibus, Ioanne Bursfeldensi principali præsidente, ut ex instrumento an. 1498. confecto constat, non semel Hirsaugiæ ad visitandum præfens erat Trithemius: *Visitavimus, inquit ad an. 1496. & per viginti continuos dies summis conatibus pro pace laborantes inquietum pelagus revocare ad tranquillitatem nequaquam potuimus. Quid plura? ut vel aliquantulum cedendo magis quam resistendo mitigaremus furorem, abbatem non sine dispendio rerum temporalium ab administratione unius anni suspendere cogebamur, omnem in utroque statu auctoritatem penes Priorem & Cellerarium constituentes. Anno autem transacto iterum visitantes, administrationem Blasio abbati restituvimus, & pacem, ut licuit, reformavimus. Triennio ista duravit turbatio, quousque tandem in se reversi abbas cum*  
*fra-*



*fratribus rancorem omnem deposuerunt.* Hæc Trithemius, qui postea eundem Blasium abbatem acerrimum sistit privilegiorum sui monasterii defenso-  
 fensorem, quæ cuncta etiam interea a Maximiliano I. imp. an. 1495. confirmari curavit, speciatim quod asylum, postea laceffitum & denuo vindicatum, attinet, ut apud Besoldum legere est a).

SECTIUNX  
 XV.

a) L. c. p. 377.

XXIII. Graves multiplicesque abbatibus Hirsaugiensibus intercessere lites cum cellis suis, quas tres sec. XV. numerabant, Reichenbach, Roth, & Schönrein. Harum prima rebus pollens, auctaque egregie fuit hoc seculo, ut ex chartis eiusdem monasterii palam sit, nomine quidem & auctoritate Priorum plerumque conscriptis. Sic in chartis huiusmodi Conradus Stahler Prior occurrit ipso anno seculari 1400. Nicolaus Vögelin an. 1412. 1414. Wolf Mayser von Berg an. 1423. 1426. Hunc existimo fuisse Wolframum seu Wolfonem, abbatem postea Hirsaugiensem, cuius extat charta dotationis capellæ B. Mariæ V. in Horba, quæ fuerat monasterii Reichenbacensis, sic incipiens: *Nos Wolfo dictus Mayser divina annuente gratia abbas monasterii in Hirsau ord. S. Benedicti siti in diocesi Spirensi, nec non gubernator ac provisor generalis monasterii eiusdem ordinis preconcepti, scilicet in Reichenbach siti in diocesi Constantiensi. Ego frater Ioannes de Malmshern Prior in antescipto monasterio in Reichenbach. Insuper nos Scultetus, magistri civium consulesque in oppido Horne &c.* An. 1425. pro 60. florenis decimæ quædam vini in Horb, ibidemque an. 1445. domus a Reichenbacensibus coemta, ac an. 1454. hypothecæ instar prædium in Nideracheren, donec illud Georgius de Schauenburg cum coniuge Catharina de Sickingen reluerent, prout legere est in brevi Reichenbacensi historia b). Ibidem an. 1471. notatur Ioannes Maldinsheimer Prior a Bernardo Ottone Fridrich de Strasburg complura prædia in Hugenschach solutis quadringentis quinquaginta florenis adquisisse: rursum an. 1483. fratres mutuos 100. florenos, quos Præposito & conventui omnium Sanctorum in Nigra silva concesserant, oppignorata quarta parte decimarum vini in Capell in tuto collocasse, & Horbæ alias vini decimas a Io. Struchler pro 85. fl. comparasse: quod observo, ut quod tunc argenti, seu, si mavis, vini Horbensis pretium fuerit, statuas.

b) In Kuentzel-  
 leß. script. re-  
 rum hist. mo-  
 nast. T. II. p.

Accidit vero, ut sub Wolframo hoc abbate iam an. 1432. uti narrat Trithemius, Reichenbacenses non requisito abbate Hirsaugiensi, quod præsumtum antea numquam fuerat, ex se alium Priorem eligerent, quem quidem haud nominat Trithemius, Nicolaum Graeff. Res ad concilium Basileense fuit delata, extatque instrumentum procuratorium Reichenbacensium monachorum ad idem concilium per fratrem Ioannem Horneck

SECVLUM  
XV.

ibidem conventualem an. 1436. quo res diiudicata est Basileæ præside Ioanne in Rynau, ac sententia definitiva pro abbate Wolframio lata, cuius capita apud memoratum Trithemium ad an. 1432. leguntur. Postea vero an. 1438. tractatum de ratiociniis dandis, arbitro Ioanne abbate Selsenfi in suo monasterio, itemque an. 1448. de reformatione a Reichenbacensibus suscipienda est conventum. Notatur in charta an. 1443. Ioannes Malinsheimer Prior in Reichenbach, ac iterum cognominis Io. Malinsheimer in chartis 1471. Hos inter an. 1454. Ioannes de Munchingen, post hunc Stephanus Mollenkopf an. 1473. Henricus Guldin Priores in Reichenbach occurrunt. Dum marchione de Baden & Bernardo comite de Eberstein agentibus Reichenbacenses iterum Hirsaugiensibus sese opponerent, res an. 1473. iudicio Spirensis episcopi pro Hirsaugiensibus fuit decisa, uti a Trithemio quoque est adnotatum.

Eodem anno Georgius de Ettenheimünster, Reichenbacensis Prior ab abbate Hirsaugiæ anno præcedente constitutus, iuxta præscriptam formulam eidem abbati iuramentum deposuit; atque annua ratiocinia abbati perinde dederunt eius successores Ioannes de Wangen anno 1482. Nicolaus de Erling, Henricus de Stamheim, Ioannes Widel an. 1490. Ioannes de Rott an. 1497. ad finem vergente XV. seculo Priores, ac supersunt quorundam ratiocinia & scripta etiam iuramenta. Post medium sec. XV. Nicolaus Donis monachus Reichenbacensis Cl. Ptolomæum ex Græca in Latinum transtulit; quinque etiam chartas recentioris geographiæ ab eo factas an. 1470. Leonardus Hol Ulmæ an. 1482. ligno incisas ædidi post auctoris mortem an. 1471.

Ut refert Trithemius ad an. 1441. *Godfridus præpositus in Rote, de permissione & consensu Wolframii abbatis Hirsaugiensis, ad cuius iurisdictionem cœnobium ipsum sine medio pertinet, semperque pertinuit a prima fundatione sua usque in præsentem diem, præposituram ipsam resignavit.* Notatur cognominis Gottfridus præpositus Rothenfis, qui an. 1408. Friderico abbati Hirsaugiæ præposituram in acceptis referens fidelitatem promittit, itemque Wilhelmus dapifer de Stetten an. 1441. seu potius an. 1450. iuxta Trithemium per Wolframum abb. Hirsaug. post obitum Gottfridi præpositus constitutus: *qui paullo post in superbiam elatus abbatem suum cepit contemnere, volebat enim ipse, si potuisset, advocatiam præposituræ, quam comites de Oettingen in feudum recipiunt, alienare penitus, & eis in perpetuam concedere proprietatem. Quod ut mox Wolframio abbati Hirsaugiensi certa relatione innotuit, omnes eorum conatus impedivit. Conspiraverant in unum comes & præpositus, alter cupiens ad-*

*advocatiam præposituræ liberam, alter ut a iurisdictione abbatis fieret ab-*  
*solutus.* Extant etiam Pii II. P. an. 1459. datæ litteræ ad Wilhelmum  
 de Lustnau, ut in inscriptione appellatur, præpositum Rothensem, quas  
 subreptitias iudicat Trithemius, ad eundem annum testatus, Wolfram-  
 mum abbatem ad convocationem Mantuanam pro negotio præposituræ  
 suæ in Roth Augustensis diœcesis, & pro aliis arduis monasterii causis,  
 unum ex monachis conventualem cum Ioanne Nauclero doctore ad Ro-  
 manum pontificem Pium II. misisse, ut causam verbis & scriptis redderet  
 meliorem, eo quidem effectu, ut pontifex litteras subreptitias supprime-  
 ret, & cassatis omnibus male indultis præpositum ad obedientiam re-  
 vocaret. Res etiam anno sequente inter Wilhelmum comitem de Oet-  
 tingen & Bernardum abbatem Hirsaugiensem transacta est, & an. 1469. ab  
 eodem abbate, præsentibus tamen episcopi Augustani & Ulrici comitis de  
 Oettingen ablegatis, instituta visitatione Petrus Scheller præpositura est  
 deiectus, suffecto in locum eius Bernardo: quem tamen episcopus Augu-  
 stanus nonnisi ad preces Mechtildis Palatinæ, Archiducissæ Austriæ tandem  
 agnovit, causatus, se inscio non constituendum fuisse præpositum. Re-  
 fert ad an. 1489. Trithemius, restitutam tunc Hirsaugiensi cœnobio, ope-  
 ra Eberhardi barbatii Wirtembergiæ comitis, advocatiam præposituræ Ro-  
 thensis, quam comes de Oettingen sine præscitu & requisitione abbatis  
 Blasii Friderico marchioni Brandenburgensi in Onolzbach vendiderat.

Fuerunt etiam abbatibus Hirsaugiensibus contentiones cum advocatis  
 monasterii Schonrein in diœcesi Herbipolensi, & quidem perhibente  
 Trithemio ad an. 1442. quum Prior eius monasterii, abbati Hirsaugia-  
 no immediate subiectus, census & proventus renovare ab abbate iussus  
 differret, comite de Ryneck, qui locum & fratres tutare debuerat, mul-  
 tipliciter in contrarium nitente, & rusticis contra æquitatem assistente,  
 ne necessariam censuum renovationem fieri contingeret. Unde iure  
 commotus Wolframus abbas, post multas contentiones cum comite ha-  
 bitas, ad Schonrein ipse descendit, & sicut ex registris patet, censum  
 ibidem invitis comitibus renovavit. Conventio etiam postea, Ottone  
 Palatino auctoritatem interponente, facta est inter eundem abbatem &  
 Philippum comitem de Ryneck an. 1453. item an. 1467. & 1477. Ber-  
 nardum abbatem inter & Philippum iuniorem ob advocatiam.

XXIV. Iam inde ab origine sua Hirsaugiæ obnoxium quoque fuit Gottesau.  
 Gottesaugiense monasterium, quod teste Schœpfino in historia Badensi  
 a) an. 1406. ex Bernardi marchionis Badensis voto Gregorius XII. P. in

Carthusiam conversurus erat, si annuos quadringentorum florenorum re-

SECULUM XV. ditus novos prioribus adderet marchio, quam vero conditionem hic non adimpleverat. Trithemius in chron. Hirsaug. a) ad an. 1417. proximum Hirsaugiæ in diœcesi Spirensi adiungit S. Mariæ in Gotzawe monasterium, in quo reformatio Bursfeldensis fuerit recepta, quod ex Bucelino Gallia Christiana. b) refert ad annum 1458. nominatque ad an. 1474. Bonifacium abbatem, ex monacho S. Iacobi Herbipolensi assumtum.

Monasterium  
S. Georgii.

XXV. Monasterium S. Georgii sec. XV. imprimis effloruit, & mira illustrium illius antistitum vigilantia insignem operam præstitit ordini nostro per Germaniam, dum primum eius reformandi cura suscepta est in concilio Constantiensi. Celebrato enim ibi an. 1417. capitulo provinciæ Moguntinæ & Bambergensis, in Petershusano monasterio, præfuisse dicitur Ioannes abbas S. Georgii cum Ludovico Trenorchienlis cœnobii in diœcesi Cabilonensi, Thoma Ebracensi & Sifrido Elbacensi abbatibus. Conradus abbas Gengenbacensis an. 1404. mancipium vendidisse notatur Ioanni S. Georgii abbati, itemque plura eodem anno Erhardus de Falckenstein in Ramstein; chartam signant Erhardus, Egenolfus, Reinoldus fratres, Egenolfi senioris filii: Erhardus & Egenolfus fratres an. 1406. Conradus de Geroldseck curator aulæ comitis de Wirtemberg an. 1407. Conradus de Lupfen eiusque frater Bruno an. 1408. eodemque anno Ioannes I. & an. 1420. Ioannes II. S. Blasii abbates concambium eiusmodi fecerunt cum eodem Ioanne abbate S. Georgii. Huic an. 1427. successit Silvester Billing e celebri olim in oppido Eßlingen familia, perinde ac eius antecessor, proximique successores, principis titulo insignitus passim in chartis. Extat in archivio San-Georgiano charta an. 1431. appenso triplici sigillo Erhardi, Eglolfi, & Reinolti de Falckenstein: quorum primum & tertium diversis in scutis infra arietem vel capricornum, in medio falconem (in primo præterea plures falcones circumvolitantes cerni videntur) supra cervum gradientem repræsentat: in secundo sigillo Reinolti aries tantum vel capricornus uno in scuto habetur. Eodem anno 1431. cum Nicolao abbate S. Blasii idem Silvester abbas mancipia permutat, uti alii passim etiam eius successores cum aliis instituerunt hoc commercium, quod iam præcedente libro superioribus quoque temporibus frequentatum ab antecessoribus memoravimus: notatque de S. Georgii monasterio ex chartis diligentissimus eiusdem abbas Georgius Geisser, illud etiam cum primoribus familiis fuisse susceptum, uti a Silvestri an. 1434. successore Henrico V. cum Egone & Ioanne comitibus provincialibus in pago Bara de Furstenberg an. 1442. ac proxime sequentibus cum comitibus de Falckenstein, de Geroldseck dynastis in Sulz, iterumque cum Nicolao abbate S. Blasii & aliis.

Sub



Sub isto abbate Henrico Ludovicus comes de Wirtemberg an. 1449. a Conrado de Falckenstein arcem huius nominis inferiorem emit, cum parte advocatiæ monasterii S. Georgii, quæ inter eam familiam ita erat divisa, ut pars apud Falckensteinios de Falckenstein, altera apud Falckensteinios de Ramstein resideret. Utraque arx inferior & superior Falckenstein an. 1449. ad memoratum Ludovicum comitem de Wirtemberg devenit, emta a Iacobo & Wilhelmo fratribus, Aigilwarti filiis, cum dimidia advocatiæ San-Georgianæ parte: ut tamen alteram eius partem Falckensteinii de Ramstein sibi servarent, donec matrimonio ad Ioannem de Rechberg dynastam in Schramberg pervenisset, qui eam cum reliquis bonis Elisabethæ uxori tradidit, hæcque eamdem an. 1462. vendidit monasterio S. Georgii. Factum id sub abbate Ioanne IV. Schwichter seu Swigger cognominato, qui Henrico an. 1457. mortuo successit, huicque an. 1467. defuncto Henricus VI. qui monialibus quoque sibi subiectis salutare constitutiones dedit; eius autem successor Georgius I. an. 1474. electus post mortem Henrici reformationem in ipsum S. Georgii monasterium induxit, maximis laboribus summa cum laude perfunctus obiit an. 1505.

SECVLVM  
XV.

XXVI. Sub Georgio hoc abbate an. 1499. parthenon in Fridenwiler iterum conflagravit, uti prius iam an. 1452. Superfunt etiamnum statuta, quæ huic monasterio dedit Henricus VI. an. 1472. & haud multo post an. 1495. Georgius auctiora: constitutiones item, & sic dicta charta reformationis seu visitationis Urspringensis parthenonis a Bernardo Hirsaugienfi & Georgio abbate in Alpirspach, ac Ioanne Wiblingensi delegatis pontificiis, & deputatis capitulorum provincialium an. 1474. &c. datæ, postea an. 1498. auctoritate ordinaria roboratæ, ac sub obedientia præceptæ.

Monialium  
cenobia S.  
Georgii, aliæ-  
que cellæ.

De monasterio Amptenhausen præter memoriam in nonnullis chartis quoad sec. XV. nihil memoratu dignum reperi. In necrologio eius monasterii notatur Ioannes Schwichter abbas S. Georgii ab an. 1457.

Ineunte sec. XV. accessit S. Georgio domus fratrum (Bruderhaus) in Bugelsberg prope oppidum ducatus Wirtembergici Rosenfeld, in Sulz & Bahlingen, cella prius tertii ordinis S. Francisci eremitarum, qui ordinem S. Benedicti suscipere cupientes an. 1409. a Ioanne abbate S. Georgii in congregationem sunt suscepti, ac regulam Benedictinam professi. Hi quidem postea locum illum sororibus de tertia regula S. Francisci inclusorii in Uttingen ad inclusorium ibidem faciendum concessione Ottonis ep. Constantiensis an. 1426. reliquisse dicuntur: moniales tamen ibidem pro superiore agnovisse abbatem S. Georgii, ordinem S. Bened. professas,

SECVLUM  
XV.

ex aliis subsequen-  
tium annorum chartis, quæ in S. Georgii archivio ser-  
vantur, palam fit: feuda item ibidem habuisse S. Georgii monasterium,  
docet charta Petri abbatis de Alpirspach, nec non testimonium Henrico  
abbati S. Georgii an. 1441. & 1443. præstitum a Wernero Murer de  
Ginsdorf, conventuali Alpirspacensi.

Inter easdem chartas reperitur etiam censitica pro cella Kniebus ad  
monasterium Alpirspacense pertinente an. 1474. data nomine Prioris Iacobi  
de Steinhylip & conventus in Kniebus, cui testis quoque subscribit Geor-  
gius Prior in Rippolzau cella S. Georgio adhucdum unita. Vendidit au-  
tem vi chartæ illius monasteriolum, ut ibi notatur *Gottshuslin*, census  
octo florenorum monasterio in Alpirspach. An. 1425. compositio quæ-  
dam facta legitur inter Petrum Hanke abbatem in Alpirspach, & Ioan-  
nem Munzer Priorem in Rippolzau. An. 1444. inter eundem abbatem  
& Ioannem Fryguff Priorem in der Rorhalten by Rottenburg ord. S. Pauli  
Eremitarum. An. 1425. Reichenbacenses & Rorhaldenses societatem inie-  
runt. a)

a) *Koen script.*  
*rer. monast.*  
*T. II. p. 45.*

Alpirspach. XXVII. Initio sec. XV. occurrit Henricus abbas Alpirspacensis, sub  
eoque Petrus dictus Hagke sacerdos monachus & Prior an. 1407. no-  
tatur. Prostat transactio inter hunc abbatem & Conradum de Fursten-  
berg facta an. 1411. Henricus abbas legitur adhuc in charta anni 1413.  
mortuus anno sequente, teste Crusio b). In chartulario monasterii S.  
Georgii extat chartula venditionis & emtionis an. 1418. inter abbatem  
S. Georgii Ioannem & Hugonem Alpirspacensem. Legitur eodem anno  
1418. Hugo abbas in bulla Martini V. qua privilegia monasterii Alpir-  
spacensis, imprimis exemptionem a secularibus exactionibus, confirmat  
apud Befoldum: notatur idem etiam in Sigismundi imp. confirmatione  
omnium privilegiorum eiusdem monasterii an. 1424. Paucis ante an-  
nis eidem abbati & conventui abbas Gengenbacensis vendidit census  
quosdam vici in Rumlisdorff, teste eodem Crusio c). Præfuit Hugo  
an. 1429. capitulo provinciali ordinis nostri Bambergæ cum Georgio  
Castellensi, Arturno S. Petri Erfurtenfi, & Henrico de Gulpen S. Ægi-  
dii in Nurnberg abbatibus.

b) *Annal.*  
*Suev. P. III.*  
*L. VI. c. 10.*

c) *Ibid. c. 13.*

Reformatio monasterii Alpirspacensis Wiblingensi in acceptis refertur,  
sub Erasmo Marschalk, Hieronymo Hulzing, Victore Nigri, Georgio  
Swarz, ut tamen reformationis in Suevia auspiciu Felix Fabri in an-  
nalibus Sueviæ repetat ab anno 1435. Udalrico Habluzl auctore, cu-  
ius magisterio efformati monachi isti Wiblingenses, successive abbates  
fuere postulati in Alpirspacensi coenobio, uti legere est in *templo bono-*

*ris*

*ris* monasterii Wiblingensis. Ibi namque Erasmo Marschalk Hieronymus Hulzing an. 1447. in abbacia Alpirspacensi successisse dicitur, errore ut videtur typographico; quum eo anno, imo antecedente iam 1446. Conradus abbas Alpirspacensis in charta notetur: in chartis vero an. 1433. 1435. usque ad an. 1443. Petrus Hagum seu Hauck abbas, quem Crusius a) Haggum appellat ad an. 1446. Occurrunt inde an. 1451. Volmarus, an. 1455. Andreas de Neunecke. An. 1456. iterum Conradus abbas apud Besoldum legitur in Fridericiana confirmatione privilegiorum, quo tamen tempore ex sententia Wiblingensium Hieronymus Hulzing monachus Wiblingensis abbas fuerit Alpirspaci. Sub eo Victor Nigri monachus itidem Wiblingæ, Prior conventus Alpirspacensis, & animarum pastor vigilantissimus, ac zelo divino succensus fructus haud contemnendos fecisse, atque insignia animarum lucra reportasse ibidem memoratur: dignissimus proin habitus, qui post Hieronymum disciplinæ moderandæ habenas susciperet, ex Priore monasterii electus pater, & abbas, mortuus an. 1475. Georgius eius per septennium successor obiit an. 1482. Alii Erasmus an. 1471. Georgium an. 1472. Hieronymum an. 1480. Gerardum an. 1494. memorant. Georgius & Hieronymus notantur in veteri necrologio Amptenhusano, ille ad 14. hic ad 19. Kal. Aprilis.

Hæc vero quomodo conciliari possunt cum chartis an. 1455 usque 1468. in quibus occurrit Andreas de Neunecke abbas Alpirspacensis, quem Crusius b) ad an. 1460. controversiam habuisse notat cum priorissa parthenonis in oppido Oberndorf: paullo vero ante an. Domini 1459. 18. Kal. Maii. obiisse dominum Gregorium, qui fuerit monasterii huius ex primis reformatoribus abbas primus: de quo nihil uspiam invenire licuit circa illa tempora. Trithemius in annal. Hirsaug. Bernardo abbati Hirsaugiæ inter alia octo cœnobia reformata primo loco attribuit Alpirspacense, unioni Bursfeldensi incorporatum, quod ipso iam ad an. 1416. attestante, in diœcesi Constantiensi unicum fuerat reformatum O. S. B. monasterium. Est quidem Wiblingense pariter eiusdem diœcesis cœnobium, illud tamen, ut infra videbimus, Mellicensi potius reformationi vel Castellensi addictum. Uti vero testatur P. Romanus Hay in *astro inextincto* c), Alpirspacense monasterium an. 1482. in congregationem Bursfeldensem est receptum, præsentatis per Hieronymum eiusdem loci abbatem litteris promotorialibus Eberhardi comitis de Wirtemberg. De isto abbate iam supra, quem Besoldus in charta an. 1488. notat, qui annus cum Wiblingensium elencho citato ininus convenit. Rem, prout inveniri potuit, a nobis propositam discutiant alii.

SECVLVM  
XV.

a) L. c. P. III.  
L. VII. c. 6.

b) L. c. P. III.  
L. VII. c. 13.

c) pag. 231.

SECVLUM  
XV.

Monasterium  
S. Petri.

- XXVIII. In memorato paullo ante Amptenhusani parthenonis Necrologib, quum solertissimus S. Georgii abbas Georgius Geisser legisset Benedictum abbatem, neque synonymum inter suos antecessores reperiret, illum fuisse Benedictum de Thanheim coniectatus est, qui Friburgo Brisgoiæ oriundus monasterii S. Petri in Nigra silva abbas fuit, Erhardo circa annum secularem 1400. defuncto successus. Mortuus non ita multo post, incertum quo anno. Gallia christiana a) Erhardi mortem ad an. 1403. Benedicti ad an. 1405. consignat. Abbatiam reliquit Ioanni II. qui tamen in antiquo catalogo haud legitur, confusus cum suo successore Ioanne III. cognomine Canzler, quem unus catalogorum, qui sub oculis sunt, anno 1409. alter an. 1411. obiisse vult. Henricum is de Oettingen successorem est nactus, hicque an. 1414. mortuus Henricum de Hornberg, quem iam memoravimus a Martino P: anno 1417. contra Fridericum de Zollern abbatem Augiensem fuisse constitutum, qui Fridericus an. 1402. electus absque benedictione abbatiam æmulo suo reliquit, numquam, dum vixit, quiete possidendam. Eodem uterque anno 1427. obiit. Henricus paucis septimanis superstes in Augia sepultus est, die IV. Nov. mortuus, quem Gallia christ. b) distinxisse videtur ab abbate San-Petrino, quum hunc iam an. 1420. defunctum scribat. Sub hoc abbate advocatia ad ipsum monasterium rediit, cuius pii fundatores Zaringenses Bertholdus II. & IV. ut ab advocatorum exactionibus & oppressionibus tutum præstarent monasterium, id primum, ut in rotulo foundationis legitur, caverunt: *primum fuit donationis exordium, numquam aliquem huic cellæ præponere advocatum.* Nihilominus temporum iniquitate factum est, ut advocatia hæc ad comites de Friburg materna ex stirpe a Zaringensibus oriundos deferretur, qui illam etiam Ioanni de Blumeneck pro 600. fl. locarunt, quo eodem pretio an. 1420. redempta ad monasterium postliminio rediit.

- Sub Henrici apud S. Petrum successore Ioanne IV. monasterium an. 1437. igne conflagravit. Ioannes vero an. 1439. fati cessit, paucisque post annis an. 1443. eius successor quoque Iacobus II. Vogt de Alten-Summerau. Sub eo an. 1441. Wilhelmus marchio Badensis, teste Schœpf-  
c) *Hist. Bad. lib. III. §. 29.* lino c) advocatiam monasterii ex abbatis & conventus manibus redemit, atque dynastiæ Badenvillanæ coniunxit. Nihilominus monasterium hoc a Friderico III. imp. an. 1443. statibus imperii adnumeratum, eiusque matriculæ fuit insertum. Post Iacobum Conradus de Hoffen primus abbas infulatus fuit: cui circa an. 1448. mortuo successit Burchardus de Mansberg, eique an. 1453. Ioannes V. de Kuffenberg, qui an. 1469. præposituram Herzogenbuchse in Helvetia ditionis Bernensis, dein ad-



administrationem monasterii usque ad an. 1472. postea etiam pedum infulamque abbatialem reliquit Petro II. Einhart de Wilhelm. Huic & successoribus ab Ottone ep. Constantiensi an. 1487. datum est privilegium, portandi almutium, in argumentum gratitudinis ob exantlatos labores & merita de episcopatu & ecclesia Constantiensi. Obiit an. 1492. habuitque successorem Simonem Budner. In confirmatione privilegiorum huic abbati an. 1498. data, Maximilianus I. imp. monasterium ad immediatos imperii status pertinere dicit, uti iam seculo præterito Carolus IV. imp. an. 1361. idem pro futuris perinde ac præteritis temporibus statuens, certum id ac exploratum agnoscit: tandem vero Austria archiduces acceperunt monasterium hoc in sua.

SECVLVM  
XV.

XXIX. Doctissimus S. Petri abbas Philippus Iacobus, in libro vernalculo de vita & monasterio S. Udalrici in Nigra silva, affert chartam Oswaldi comitis de Tierstein, vergente iam hoc sec. XV. a Sigismundo Archiduce Alsatia & Brisgoia præfecti, qua etiam in protectionem Austriacam suscipit monasterium hoc S. Udalrici Ord. S. Bened. seu quod perinde est, Cluniacensis, prout promiscue hoc sec. XV. fuit adpellatum, illud quidem ineunte seculo in charta an. 1409. qua Philippus Tholome Conrado Rotkam dimidiam horti partem in Hegglingen pro annuo censu tradit: hoc in instrumento Thomæ suffraganei Constantiensis, dum sub Paulo de Tünheim post Hugonem de Morsperg (qui in charta an. 1415. occurrit, & Ioannem de Breittingen) Priore apud S. Udalricum, reconciliato monasterio seu ecclesia, quæ incendio perierat, cum coemeterio, quatuor altaria, & duo quidem in honorem S. Udalrici, unum in choro, & alterum in navi ecclesiæ pariter a se dedicatæ an. 1464. consecravit. Anno sequente autem Nicolaus Symundi, presbyter, custos & prædicator eiusdem monasterii Romam missus Breve indulgentiarum impetravit, pro conferentibus eleemosynam in expensas ad restaurandum monasterium, *retro actis temporibus igne crematum lamentabiliter adeo, quod in suis muris, structuris & adificiis, ac ornamentis ecclesiasticis non parum collapsum & damnificatum fuit &c.* Coniicere licet, idem triste fatum non ita multo post rursus contigisse monasterio, quum Daniel episcopus Bellinensis Ottonis Constant. episcopi vicarius in spiritualibus generalis, se iterum ecclesiam dedicasse, & ambo S. Udalrici altaria consecrasse in authenticis litteris an. 1489. testetur, sub eodem Priore Paulo de Tünheim, post quem an. 1492. Iodocus Erny primum in chartis Prior legitur.

Cella S. Udalrici.

SECVLUM  
XV.

Seldenſe &  
Waldkirch-  
enſe monia-  
lium cœno-  
bia.

XXX. Subſtitit adhuc ſec. XV. propinquum S. Ulrico O. S. B. cœnobium eiusdem inſtituti Cluniacenſis in Selden, ex Bolſweil, ut ſuo loco diximus, illuc translatum. Unus ad an. 1408. Henricus Wanner Præpoſitus in Selden, Baſilea oriundus & civis Friburgenſis, venit in noſtitiam. Ex archivio epiſcopali Baſileenſi palam fit, an. 1497. & 1498. Iacobum de Ambroſia abbatem Cluniacenſem commiſſiſſe Chriſtophoro de Utenheim cuſtodi eccleſiæ cathedralis poſtea epiſcopo Baſileenſi, ut ceu vicarius ſuus in ſpiritualibus æque ac temporalibus rem ageret in utroque monaſterio S. Udalrici & Selden, ob ſupinam Prioris de Diſteing in S. Udalrico incuriam, ac præſens periculum parthenonis Seldenſis, qui ad interitum vergebat hoc ſeculo XV. Idem fatum perinde experta ſunt alia nonnulla familiæ Benediſtinæ virginum monaſteria in ſilva noſtra Nigra, illuſtre cumprimis S. Margarethæ Waldkirchenſe. Commune id nempe fuit aliis quoque celebrioribus utriuſque ſexus cœnobiis, ut a potiori nobilitate, unde ornari ſe ſuſtentarique credebant, ad incitas demum redigerentur.

Obiit an. 1419. Anaſtaſia ex comitum Palatinorum Tubingenſium familia, Waldkirchenſis abbatiffa, dum poſtea unam dumtaxat ſuperſuiſſe ibi monialem, litteræ Sigismundi imp. an. 1434. produnt, quibus conſenſum præbet, ut illud in collegium canonicorum ſecularium transmutaretur, prout a Iuliano Cardinali in concilio Baſileenſi an. 1431. proviſum fuerat. Mirum videatur illo, quem vidimus parthenonis Waldkirchenſis ſtatu: *quod nobilis & religioſa domina Agatha*, ut apud a) Cod. prob. Schœpſlinum in hiſtoria Badenſi a) ex originali an 1420. refertur, na-  
P. II. p. 113. ta quondam nobilis viri Domicelli Heſſonis, domini olim in Uſenberg, monialis S. Margarethæ prope Waldkirch Ord. S. B. Conſtant. diœc. poſtquam 24. annos & ultra in monaſterio in Königsfeld ord. S. Claræ Conſtant. diœc. verſata fuiſſet, atque adeo paternam hereditatem & omnia bona reliquiſſet, dictum monaſterium intraverit.

Alba Domi-  
narum item.

XXXI. Superest etiamnum parthenium Alba Dominarum O. S. B. quod an. 1403. perinde ac eiusdem regulæ monaſterium virorum Alba Dominorum Cisterc. ord. ab eodem torrente Alba dictum, igne conflagravit, inieſto a militibus marchionis Badenſis cum Ruperto R. R. arma conferentis hoc etiam propter monaſterium. Pace opera Friderici Colon. Archiepiſcopi & Friderici epiſcopi Ultraieſtini pacta, de monaſterio Albæ Dominarum conventum eſt, ut Cæſar de eo ex ſententia trium Rhenenſium Electorum ſtatueret. Fuerat initio huius ſeculi XV. abbatiffa huius monaſterii Margaretha comitiſſa de Eberſtein, an. 1404. mortua iuxta epi-  
taphi-

taphium apud Schannatum a), ubi mox alterum hoc subiungitur: *anno Dom. 1443. Margaretha de Wingarten abbatissa obiit.* Sunt, qui hic Elisabetham de Wingarten interponant, an. 1414. defunctam, Gertrudem item de Wingarten ante Margaretham an. 1443. mortuam: quum tamen in diplomate Sigismundi imp. an. 1431. Erlinda de Wingarten abbatissa nominetur, in charta autem anni 1493. Margaretha de Wingarten, cui alii Catharinam de Wingarten postponunt ab an. 1488. usque 1495. Agnetem vero de Gertringen an. 1474. vel 1475. mortuam Margarethæ de Wingarten anteponunt, alii duas eius nominis, quarum altera an. 1443. altera an. 1482. obierit. Margarethæ abbatissæ an. 1470. litteras commendatitias ad episcopum Spirensen a Carolo marchione Badensi datas fuisse, Schœpflinus in historia Badensi b) memorat. Postrema sec. XV. abbatissa fuit Margaretha de Zorn, quam an. 1503. convenit utraque pars Badensis & Albensis, ex impressis nuper scriptis pro & contra immunitatem seu immediatam imperii huic monasterio competentem libertatem.

SECVLVM  
XV.

a) *Vindem.  
litt. collect. I.  
pag. 153.*

b) *Lib. IV. §.  
183.*

XXXII. Iam meminimus supra, utrumque monasterium, Albam Dominorum & Dominarum, an. 1403. incendio conflagrasse, occasione belli Rupertum imp. inter & Bernardum marchionem Badensem horumce monasteriorum causa suscepti. Extat apud Befoldum c) diploma eiusdem Ruperti an. 1401. quo illud monasterium in sua recipit, suumque imperatoris esse ius statuit, eis dandi advocatum, in absentia autem imperatoris liberum relinquit monasterio eligere sibi protectorem. Sequitur mox altera eiusdem Ruperti charta an. 1403. mense Maio data, qua abbati & conventui præcipit, ut muris, turribus & fossa monasterium cingant. Quæ ipsa res ansam præbere incendendi eodem anno monasterii, ac facile etiam mortem abbatis accelerare potuit Marquardi, qui Henrico abbatiam an. 1403. reliquit ex fide epitaphii apud Schannat d): *an. Domini 1403. die Cyriaci martyris obiit venerabilis Dominus Marquardus abbas.* Quem vero Henricum vocat Crusius e), fuisse videtur Henricus III. an. 1403. in locum defuncti Marquardi electus, eo quo an. 1408. libertas monasterii asserta est a Ruperto imp. Bernardo marchioni iam reconciliatus, uti apud laudatum Befoldum legere est, diploma quoque eiusdem Ruperti imp. an. 1415. quo omnia antecessorum suorum privilegia confirmantur. Sequitur chirographum Conradi abbatis & conventus monasterii, quo Eberhardum seniore, & iuniorem filium comites Wirtembergiæ ad dies vitæ in dominum & protectorem eligunt an. 1416, uti & an. 1419. Ludovicum & Ulricum fratres: quod idem an. 1427. repetit Henricus IV. abbas cum suo conventu, dicti

Alba Domi-  
norum Ord.  
Cisterc.

c) *Doc. rediv.  
T. I. p. 96.*

d) *Vindem.  
litt. collect.  
P. I. p. 152.  
e) Anna L.  
Succ. P. III.  
L. VII. c. 12.*

SECVLUM  
XV.

Conradi III. successor, primo statim regiminis anno. Eidem Henrico Sigismundus imp. an. 1435. confirmat omnia privilegia & libertates, nominatim a Carolo IV. & Ruperto imp. atque ab ipso Sigismundo adhuc Romanorum rege concessas. Quæ quidem omnia apud Besoldum extant, ac deinceps duæ Pii II. P. bullæ an. 1459. quarum prima monasterio omnia suorum antecessorum indulta privilegia rata habet, altera vero Ioanni abbati facultatem concedit, mitra aliisque pontificalibus utendi.

Fuit hic Ioannes secundus huius nominis, qui mortuo Henrico iuxta catalogum huius monasterii mecum communicatum Henrico IV. anno 1450. successit, huicque Ioannes III. de Horw, an. 1456. Hic vero inferendus foret Henricus Magstat, qui iuxta epitaphium apud Schannatum anno Domini 1459. 18. Kal. Decemb. obiit venerabilis in Christo pater & Dom. Henricus de Magstat XI. abbas huius loci: ubi tamen confusi videntur Henricus III. Marquardi an. 1403. successor, & cognominis Henricus hic IV. Magstat, quem Crusius venerabilem in Christo virum nominat. Quod si citato Schannati catalogo fides adhiberi velit, ambæ supra memoratæ Pii II. bullæ datæ an. 1459. prior quidem III. Kal. Dec. seu 29. Nov. posterior VII. Id. Dec. seu 7. Dec. die Ioanni abbati data, post mortem primum Henrici abb. consignandæ forent. Ioannes iste de Horb fuisse dicitur in memorato catalogo mihi submisso, cui an. 1460. Ioannes de Udenheim successerit. Sed hic rursus repugnat citatum epitaphium apud Schannat, in quo Ioannes de Derdingen ita notatur: *Anno Domini 1466. ipso die Epiphaniæ obiit dominus Ioannes Derdingen, XII. abbas huius loci, cuius anima requiescat in pace, amen*: ad quem adeo pertinent sequentes apud Besoldum chartæ Friderici III. imp. an. 1461. & Eberhardi comitis de Wirtemberg an. 1465. Sequitur dein alterum epitaphium Ioannis: *Anno Domini 1478. XI. Kal. Iunii obiit venerabilis in Christo pater & Dominus Ioannes, XIV. abbas huius loci*; atque hunc fuisse Ioannem de Udenheim, scribit Gallia Christiana a): quæ tamen ante eum refert hoc epitaphium, nescio unde desumptum: *anno Domini 1469. V. Kal. April. obiit D. Ioannes de Horba, XIII. abbas huius loci. Requiescat in pace amen.*

a) T. V. pag.  
759.

Idem Msc. catalogus Ioannis de Udenheim ad an. 1478. successorem ponit Nicolaum, de quo legitur apud Schannatum, consentiente etiam Crusio, sequens epitaphium: *anno Domini 1485. XI. Kal. Augusti obiit venerabilis in Christo pater dominus Nicolaus Wagenlatter de Oberczrode, XV. abbas huius loci*; qui tamen est iuxta catalogum mecum communicatum abbas loci decimus septimus: & recte quidem, si supra memorati in-



inferantur vulgato in Gallia Christiana & Schannat catalogo, quum ex chartis indubii fuerint Albæ Dominorum abbates. Nicolai successor Bartholomæus de Rechtberg ex celeberrimis fuisse abbatibus perhibetur, Eberhardo barbato Wirtembergiæ duci charissimus, ab eius consiliis, quæ multi in administratione ponderis fuerunt. Is apud Besoldum an. 1496. cum suo conventu Eberhardum tutorem agnoscit: mox vero sequitur anno sequente instrumentum procuratorium seu gravatorium suo & conventus nomine apud imperatorem Maximilianum contra eundem ducem; nec non & apud Schoepflinum transactio Eberhardi ducis & Christophori Badensis cum Maximiliani I. imp. confirmatione super advocatiam monasterii, anni eiusdem, ad quem rem omnem edisserit Tritheimius in chronico Hirsaugiensi. Rei totius ac controversiæ originem superioribus iam libris indicavimus, a familia Ebersteiniana exortam, ex qua hoc etiamnum seculo XV. ibi sepulcorum comitum epitaphia citatus Schannatus exhibet a). Crusius vero b) multarum familiarum insignia in eodem monasterio notat, uti Wirtembergensium, Badensium, Calvensium, Nellenburgensium, Berwangenensium, Stœffeliarum, Landenbergensium, Richtenbergensium, Reischachensium, Spetorum, Nippenburgensium, Berningensium, Michelbachensium, Kyngspachensium, Gyltlingensium, Lamersheimensium, Smalsteinensium, Remchingerorum, Sickingensium, Windeckerorum, Strubenhartensium, cæterorum.

SECVLUM  
XV.

a) L. c. p. 151.  
b) P. III. Lib. VII. c. 13.

XXXIII. Tennenbacense alterum est ordinis Cisterciensis in Nigra silva Tennenbach. monasterium, sub regula S. Benedicti quidem, a nobis vero monachis nigris nomine magis & colore, quam instituto distincti. Ostentat etiam hoc monasterium illustrissimarum familiarum sepulcreta, comitum Ura-censium seu Friburgensium, marchionum item Badensium ex linea Hachbergica, cui etiam stirpi Imperatores (sub quorum protectione immediata fuerat monasterium) advocatiam detulerunt: quam quidem usque ad an. 1475. conservarunt, quo eam Sigismundus archidux Austriæ suscepit. Apud Schoepflinum c) habetur charta, qua Carolus marchio Badensis testatum facit, se a Burchardo abb. & conventu Tennebacensi in advocatum esse electum an. 1453. Extat charta an. 1462. in archivio Austriaci regiminis Friburgi, qua Egenolff & Rudolph Kuchlin nobiles equites fratres Burchardo abbati & conventui Tennenbacensi alteram partem Vogteiæ vici Kichlinsperg tradunt cum consensu Susannæ abbatissæ vallis Andela. In Gallia christiana d) decimus octavus numero abbas censetur Burchardus II. cum magna subsequentium etiam serie, sed absque omni nota chronologica, ut adeo nihil certi assertique sine ulteriore luce statui possit.

c) Cod. diplom. bist. Bad. P. II. p. 337.

d) T. V. pag. 1089.

XXXIV.

SECULUM

XV.

Parthenon in  
Gunthers-  
thal.

a) Ib. p. 1094.

XXXIV. Plura profert Gallia Christiana a), quod seriem attinet abbatissarum nobilis parthenonis in Gûntersthal, ad paternitatem monasterii Tennenbacensis etiamnum spectantis. Prima, quæ seculo hoc XV. diem suum an. 1418. obiisse dicitur, Dinana censetur, qua abbatissa an. 1414. Crucifixi imago singulari Dei providentia miraculose ex aquis servata perhibetur. Sub Mechtilde de Falckenstein post Adelheidem de Munzingen & Margaretham Brunerin abbatissa, ingens illa, Bruschio & Crusio memorata inundatio accidit in Brisgoia an. 1480. festo S. Magdalenæ, quæ Friburgi pontes, telonia, vicina plurima ædificia & multa molendina sustulit. Stagnabat aqua in toto cœnobio Guntheriano hominibus umbilicotenus in peristylis ac templo in ea consistentibus: atque e cœmeterio saxa quoque sepulchralia rapiebat. Aufugerunt moniales in vicinum collem, ubi in casa rustica Deum & Sanctos precibus onerabant. Hæc Crusius, cum magno nobilium familiarum & monialium catalogo. Has inter primo loco recensetur D. Verena Tegelina, postea abbatissa electa primum post mortem Mechtildis an. 1482. quum semel abdicasset, iterum etiam contra voluntatem electa, mortua an. 1492. iuxta Galliam Christianam & abbatissarum catalogum, qui præ oculis est. Apud Crusium post Verenam Tegelinam notatur D. Agnes de Gufslingen priorissa, postea an. 1487. abbatissa. Post complures vero alias moniales occurrit Veronica de Mulnheim procuratrix, dein abbatissa, soror Conradi abbatis Gengenbacensis, mortua an. 1508. quarto regiminis anno.

Wilhelmitæ  
in Oberried  
& suburbio  
Friburg.

XXXV. Quos suo loco memoravimus monachos sub regula S. Benedicti ex instituto S. Wilhelmi (cuius ordinis privilegia in concilio Basileensi an. 1435. confirmata a Bollandistis referuntur) monialibus Guntersthalensibus in secessu Nigræ silvæ successisse, fuerant sec. XV. partim in Oberried, Wilhelmitæ in Silva dicti, reliqui in suburbio Friburgensi subsistebant. Huic monasterio Cella Mariæ, illi Corona S. Mariæ nomen inditum erat, utrumque Priori suberat, Provinciale vero sec. XV. habebant Ioannem Kuorz Priorem Portæ cœli in Tennenbach. Priores in utroque monasterio uti & monachi circa hæc tempora passim erant nobiles, veluti in Suburbio ad finem seculi superioris & ineunte sec. XV. Conradus de Falkenstein, & Martinus de Riehin: in silva seu Oberried, Henricus Berenlapp de Bollswel, & Iodocus de Falckenstein œconomus. Anno 1412. monasterium Coronæ B. Mariæ in silva igne conflagravit, litteris senatus Friburgensis ubique pro eleemosyna propterea commendatum. Res tamen iterum sunt restitutæ, gratia etiam principum Austriæ; ex quibus Albertus Archidux an. 1457. quemcumque futuris

turis quoque temporibus Priorem Oberriedanum Sacellanum suum nominavit, cum prærogativis, quæ aliis quibusvis Capellanis & Prælati com-  
petunt.

SECLUM  
XV.

Celeberrimus exeunte sec. XV. & ineunte sec. XVI. theologus Iac. Wimphelingus, dum Friburgi erat, veluti in eremitorio quodam apud Wilhelmitas in suburbio degebat, datis subinde litteris *ex heremitorio divi Guilhermi in suburbio Friburgensi*: in litterarum quoque inscriptione eremitam se appellat silvæ Hercyniæ peccatorem. Dum vero eidem odium in monachos obiiceretur, id etiam excusationis loco adfert, quod apud Argentinenses & Friburgenses Guilelmitas singulariter hospitium delegisset, quodque magnam voluminum suorum partem in bibliothecas monasteriorum S. Benedicti, canonicorum regularium & Fratrum mendicantium dudum disperferit: quæ cum aliis legi possunt in Iosephi de Riegger <sup>a) Fascic. I. & II.</sup> amoenitatibus litter. Friburgensibus a). Wimphelingi iacta in monachos tela retudisse P. Langius in chronico apud Pistorium <sup>b) Script. rer. Germ. T. I. p. 1262. seqq.</sup> b) testatur iussu & instinctu Trithemii: *Scripti*, inquit, *contra eum, imo eius deliramenta, opus bipertitum in laudem & defensionem claustralium omnium.*

XXXVI. Superest Carthusianorum monasterium sub promontorio Ni-  
græ silvæ urbem Friburgensem attingente situm, quod, uti generatim ordo Carthusianus sec. XV. viros doctos produxit, ac insignes inter alios Priores, aliis etiam Carthusiis præfectos. Sunt hi medio seculo Ioannes professus Coloniae, alias Prior domorum Rutilæ, Rurimundæ, Portæ montis, Basileæ & Friburgi. Marcus de Spira eius successor, vicarius S. Paulæ & Portæ montis, alias Prior dictæ domus an. 1464. Ioannes Nicolai professus Argentinæ, alias Prior Rutilæ & Friburgi, & convisitor Provinciæ Rheni, ob. 1476. N. professus & Prior Friburgi & Boni lapidis ob. 1483. Wernerus an. 1486. cui successit Ioannes Keslin artium magister & decretorum doctor, alias Prior domus Throni B. Mariæ in Gemnico, visitator Provinciæ Alemannicæ superioris, & convisitor Provinciæ Rheni: sub quo privilegia antecessorum suorum archiducum Austriæ sec. XIV. & XV. non solum confirmavit, verum etiam iniuncta eis, qui iura monasterii infringere præsumserit, pœna 20. marcarum auri, an. 1495. corroboravit Maximilianus I. imp. Huic imprimis charus & a confessionibus erat P. Gregorius Reisch ex Balingen, qui ex visitatore Provinciæ Rhenanæ Prior Carthusiæ Friburgensis insignem, quæ superest a nuperrimo incendio, ex lapide quadrato ædificavit ecclesiam, in omni genere scientiarum experientissimus, auctor operis, quod *Margaritha philosophica* inscriptum, ineunte sec. XVI. non uno in loco editum fuit, magnoque in pretio habitum.

Carthusia Fri-  
burgensis.

SECULUM  
XV.

Studium re-  
formandi in-  
stitutum mo-  
nasticum sec.  
XV.

XXXVII. Mira fuit sec. XV. ordines religiosos, Benedictinum cuni-primis reformandi contentio. Passim notavimus, quid hac de re actum sit in conciliis Constantiensi & Basileensi, quo an. 1441. profectus Iacobus Iunterburgius adhuc Cisterciensis sermonem habuit coram concilii Patribus. Sequenti anno ordinem Carthusianum ingressus sanctissime vixit, mortuus an. 1465. de reformatione ordinum religiosorum optime meritus, & clarus pluribus opusculis, editis a Brownio, Pezio, Walchio, Klüpfelio, atque a nobis etiam. Quoad rem autem præsentem postea eum laudabimus.

a) *Vindem.*  
*litter. coll. II.*  
*pag. 35.*

b) *pag. 36.*

c) *Vid. supra*  
*pag. 222.*

Neque vero uti superioribus seculis, sic actum fuit sec. XV. ut novi veluti instituerentur ordines, dum reformantur veteres, vel etiam antiquantur, novis institutis, quibus potissimum id agebatur, ut contraria contrariis curarentur, quæ forte ceu vitia seu excessus, aut abusus in religiosa instituta sese insinuaverant. Haud ad nos nunc attinet, quod penes Silvam nostram molitus est institutum Eberhardus senior, seu barbatus Wigtembergiæ comes, ut in anonymi chronico Wirtembergensi apud Schannatum a) ad an. 1482. refertur. Romam is devotionis causa profectus, a Sixto IV. P. obtinuit auctoritatem & licentiam transferendi seculares canonicos ex collegiata ecclesia Aurach ad Herrenberg, atque in eorum locum reponendi Fratres, qui de communi vita cœnobitæ nuncupantur, eo quod Apostolorum exemplo sine proprio socialiter in communi sub uno præposito vivant. Extat Sixti IV. bulla iam anno 1481. data, qua clericos hosce seculares regulares ab Eberhardo in communi viventes institutos in Ecclesia S. Mariæ in Herrenberg adprobat, de quo laudatum chronicon ad annum 1487. b) memorat, his temporibus Eberhardum consummato monasterio in loco, qui nominatur ab antiquo Schonbuch, non monachos cuiuslibet approbatæ regulæ, non canonicos regulares, non denique seculares; sed novum quoddam genus hominum, qui nullam alicuius ordinis regulam observant, verum in communi viventes, fratres de communi vita vocantur, in novam introduxisse domum, quam apostolica auctoritate erexerat, griseumque habitum in flavum commutavit, statuens, ut ordinis S. Petri nuncuparentur & essent; in cuius patroni memoriam clavem de albo panno lineo ante pectus tunicæ assutum portarent &c. c)

Neque etiam huc referimus frequentem hoc seculo Beghardorum Beginarumque metamorphosin: quibus ex vicinia nostra Basileæ expulsis ineunte seculo iussu quoque Constantiensis episcopi alio migrandum fuit, quas



quas vero in orientali Nigræ silvæ plaga ordinem S. Benedicti in Beutelspach adoptasse memoravimus, nec non & studia ac conatus Wolframi abbatis Hirsaugiensis in reformandis Beghardis suæ ditionis, & removendis ab eorum consortio Beguinis.

SECVLVM  
XV.

Ioannes Nider celebratissimus huius ævi Dominicanus passim ac generatim monasteria nimium deformata conqueritur, multaque existere solo nomine claustra deplorat. Ex nostris Ioannes Trithemius, præterquam quod penthicum scripserit de statu & ruina monastici ordinis, in quo ad reformationem suscipiendam classicum canit, idem agit passim in aliis quoque operibus suis, ipsemet expertus a) in suo Spanheimensi monasterio rebelles ingratos, quibus nuntium remittens pauperculam S. Iacobi Herbipoli abbatiam assumpsit, *malens, ut ait, inter paucos habere pacem, quam cum multis iugem Deo & saluti adversam contentionem.*

a) Opp. p. 31.

Cessit tamen multis zelosis abbatibus susceptum passim ab ineunte sec. XV. ad meliora suos revocandi instituta reformandique studium. Talem Gobelinus Persona synchronus in Cosmodromio suo ad annum 1403. laudat Wilhelmum de Monte Paderbornensis monasterii Benedictini abbatem. Hulus exemplo stimulatus postea Io. Buschius, qui canonicus quidem regularis & præpositus *Novi operis* prope Hallam, diversorum tamen ordinum ac monasteriorum utriusque sexus reformator fuit insignis, ut ipse in libris reformationum & visitationum plurimorum monasteriorum a Leibnitio b) editis memoriæ prodidit hæc attestatus: *communitur ergo, ubi reformare monasteria cœpi & tentavi, effectum bonum consecutus sum; quamvis in principio speciales frequenter passus fui adversitates, quæ tamen signa fuerunt futura prosperitatis. Dominus autem semper mecum fuit tamquam bellator fortis, præstans mihi victoriam.* Raynaldus ad an. 1417. refert pariter Martini V. studium in restituenda ordinis Cluniacensis disciplina, quippe qui a pietate ob schisma valde desciverat. Missus igitur illuc fuit Iacobus S. Eustachii diaconus Cardinalis, qui, ut pristinum regularis observantiæ splendorem restitueret in Bisuntino, Trevirensi & Moguntino archiepiscopatibus, præfecit viros religiosos & peritia conspicuos, quos ab universis merito honore excipi iussit.

b) Script. rer.  
Brunsw. T.  
II. pag. 476.  
806. 819.

Hæc nunc propius nos spectant tam ob ordinem Cluniacensem in nostram Nigram Silvam usque sese protendentem, quam propter Ordinis nostri reformationem in provincia Moguntina, ad quam eadem silva pertinet, ubi opera imprimis fuit impensa in reformandis monasteriis Benedictinis in concilio Constantiensi cœpta. *Eo tempore, inquit iam lauda-*

SECULUM XV. *tus Gobelinus Persona a), quo concilium Constantiæ agebatur, abbates, priores & pralati ceteri Ord. S. Bened. de provincia Moguntina ibidem existentes, perpendentes quantum ordinis sui religio per dictam provinciam in ipsius ordinis & totius ecclesiæ scandalum mundanis illecebris obfusa a regulari sua observantia indecenter deviare, & quanto dominus rex (Sigismundus) erga reformationem status ecclesiastici ducebatur affectu, generalem reformationem universalis ecclesiæ in hoc prævenire cupientes, concordaverunt, quod omnia & singula monasteria dicti Ordinis per præfatam provinciam constituta Regulam S. Benedicti per omnia servare deberent, & ad hoc proseguendum & executioni plenariæ demandandum viri idonei per ipsam provinciam mitti deberent. In eundem modum Ioannes Trithemius in chron. Hirsaug. ad an. 1417. Eodem anno, inquit, Patres de concilio Constantiensi memorato, considerantes sacrosanctum ordinem nostrum sub norma divi legislatoris monachorum Benedicti (de quo sancta mater ecclesia tot olim habuit Romanos Pontifices, tot Cardinales, archiepiscopos, pralatos & monachos doctrina & sanctitate insignes) nimia vivendi licentia collapsum, & totum pene miserabiliter in utroque statu desolatum ex eo maxime, quod a multis retro annis Capitula provincialia iure præcepta celebrari de triennio in triennium fuerint intermissa, neglectæ visitationes & nulla in monasteriis observantia regularis integritas. Provocat sacrosancta & generalis synodus Constantiensis in decreto, eodem anno post celebratum in monasterio Petershusano capitulum provinciale Ordinis monachorum nigrorum provincie Moguntinæ & diæcesis Bambergensis ad constitutionem Benedicti XII. ea de re editam. Concilium quoque Basileense postea an. 1439. decretum (cuius Trithemius ad eum annum meminit, articulos simul faciendæ reformationis inferendo) eam in rem promulgavit, quo conscientiam eorum onerant Patres, ad quos pertinet, ut quoties videbitur expedire, in quibusvis monasteriis & locis sæpe dicti ordinis, in quibus maior non viget observantia regularis, visitationis & reformationis officium fideliter & sollicite exercere secundum dictorum articulorum, quorum tenores inferius de verbo ad verbum annotari fecimus, continentiam atque formam auctoritate universæ ecclesiæ exercere curetis.*

Extant quoque Nicolai de Cusa card. S. Petri ad vincula, sedis apostolicæ legati, qui capitulo provinciali Herbipoli apud S. Sebastianum an. 1451. celebrato aderat, litteræ ad abbates & religiosas personas O. S. B. per provinciam Moguntinam: ac generales porro Sixti IV. P. an. 1479. in quibus inter alia nominatim stimulantur Nigræ silvæ monasteria,

steria, ob neglectum ad capitula provincialia accessum accusata, S. Blasii scilicet, S. Trudperti, S. Petri, S. Georgii. Ioannes Capistranus ordinis quidem S. Francisci, cuius tamen opera, teste Raynaldo ad an. 1437. etiam Eugenius IV. P. ad disciplinam in monasterio Casinensi restaurandam usus est, in nostram quoque Germaniam missus ad prædicandam contra Turcas cruciatam, hic etiam zelum suum demonstravit.

Laudavimus iam Udalrici abbatis Wiblingensis in reformando studium, in nostram quoque Nigram silvam effusum. De eo ex veteri tabula eiusdem monasterii in *Templo honoris* hæc notata referuntur: *Udalricus Hablützel, sub quo incepit reformatio an. 1435. monasterium maxime augmentabatur in spiritualibus & temporalibus, & strenue vixit, ita ut ab ipso monasteria fuerint reformata, videlicet Augusta Vindelicorum apud S. Udalricum, Hirschau, Blaubeuren, Lorch, Elchingen, Alperspach, Anhusen, Eichenbrunn.* Meminimus quoque litterarum Iuliani Card. Arelat. Basilea datarum ad Ioannem Ochsenhusanum, qui reformationis causa ad Mellicenses concesserat, inde Viennam a Benedictinis Scotis abbas evocatus. Maxime siquidem tunc in illis plagis agitabatur reformatio, ut paullo post videbimus, multaque eam in rem collegit opuscula Bernardus Pez in Bibliotheca Ascetica, tomo VIII. imprimis. Unde id unum saltem notare licet, a Martino de Senging Mellicensi institutionibus regulæ S. Bened. relatum, quod visitatores auctoritate conciliorum Constant. & Basil. instructos attinet: *Item dato, inquit, quod istiusmodi visitatores essent boni zeli ad procedendum in ipsa visitatione secundum rigorem iustitiæ, tamen per Iuristas, ubicumque locorum tenerint, superantur, ita ut nec os aperire audeant.* Dici non potest, quantum disciplinæ monasticæ perinde ac ecclesiasticæ universim nocuerint formulæ forenses, iuriumque contentio in forum ecclesiasticum introducta. Id vero tunc maxime apud nos fuisse perniciosum, ea prodant, quæ paullo post subdit a). *Est hoc, inquit, quod abbates missos visitatores a) L. c. T. a sacro concilio in diæcesibus Augustensi & Constantiensi certorum monasteriorum refutaverunt, & contemtibiliter egerunt, bene armati Iuristis sibi assistentibus, & suum inde emolumentum pinguißimum capientibus nedum ab abbatibus tantum, sed etiam sequestrati a conventualibus.* VIII. p. 512.

XXXVIII. Exemplo anteriorum temporum optimum pro reformatione ordine nostro visum est consilium, si unitis operis res agerentur, monasteriis nimirum in unam congregationem coadunatis: cuiusmodi tres in Germania esse cœperunt sec. XV. quibus laudata Concilii Constantiensis pro ordinis nostri reformatione cura occasionem dedit; seu, ut cum

Congregationes O. S. B. sec. XV. institutæ.

SECVLUM  
XV.

Trithemio loquar, ex institutione memorati concilii Constant. tres ordinis nostri observationes seu reformationes in Germania sumserunt initium, Castellensis videlicet in Bavaria, Mellicensis in Austria, & Bursfeldensis.

Agit idem Trithemius in chronico Hirsaug. ad an. 1404. de reformatione Castellensis monasterii in Bavaria, dioecesi vero Eichstattenensi, cuius eo tempore abbas nomine Otto, vir insignis, prudens & religiosus, divino succensus amore se imprimis, deinde monachos suos ad regulæ puritatem instituit, & monasterium suum in utroque statu successive magnifice reformavit. Supervenit post decennium Constantiensis auctoritas concilii, per quam iam dicta reformatio Castellensis etiam in alia Bavaria Sueviaque monasteria

a) Bibliothec.  
Ascet. T. IX.  
pag. 195.

b) pag. 217.

c) Cap. 3.

fuit diffusa. Bernardus Pezsius a) ex Msc. S. Udalrici Augustæ libellum exhibet de monacho ad exemplum Christi crucifixo, cui titulus est: *Tractus reformatoris monasterii Castellensis*. Itemque b) libellum epistolarum quæstionum regularium sanctimonialium virginum, ubi c) ita loquitur: *Dominus Prior in specu S. Benedicti anno præterito in iubilao (anno 1400.) cum fuisset ibidem, inter cetera dubia Regulæ, quæ movebam, ipse respondit, quod scapulare sit proprius habitus monachorum. Ad finem legitur: F. Franciscus monachus in Castello ordinis S. Benedicti. Haud dubie a suo abbate pro addiscendis ritibus ac disciplina monastica eo missus. Trithemius, passim sua adhuc memoria factum interitum huius reformationis luget in chronico Spanheimensi, oratione lugubri habita anno 1493. item de duodecim excidiis disciplinæ monasticæ. Idem tamen in chron. Hirsaug. ad an. 1420. celebrat Ioannem monachum Castellensem, qui inter alia in regulam S. Benedicti duo magna volumina scripserit, sermones quoque multos & varios non inelegantes ad monachos. Commodo hæc sane fuerunt Ottoni abbati ad cœptam reformationem Castellensem prosequendam, quæ tamen nusquam legitur Nigram silvam nostram penetrasse, quod vero de duabus alteris, constat, Mellicensi primum, dein & Bursfeldensi.*

Mellicensis paullo post concilium Constant. cœpta est an. 1418. Nicolao de Dynckelspühel rectore academix Viennensis (qui antea religiosam iuventutem Mellicensem tam philosophicis quam theologicis disciplinis imbuerat) primum suggerente consilium religiosissimo Archiduci Alberto, uti legere est in chronico Mellicensi P. Anselmi Schram ad eum annum. Ad rem vero expediendam consultum existimavit advocare Nicolaum Seyringer de Matzen, patria Austriacum, Priorem tunc temporis sacri specus & monasterii S. Annæ prope Neapolim, quem nonnulli cum Nicolao de Dynckelspühel confundere videntur. Con-

sue-



suetudines Sublacenses Nicolai de Matzen leguntur in codice Einsidlensi, & sine nomine auctoris in San-Gallenſi, editæque ſunt a P. Anſelmo Schram in chronico Mellicenſi a), & a Bernardo Pezio ordo diurnus per annum in monaſterio Sublacenſi ſervari ſolitus b).

SECVLVM.  
XV.

a) pag. 320.

b) Bibl. Aſcet.  
T. VIII.

Necdum Caſinenſis congregatio tunc coaluerat, quæ, perinde ac Bursfeldenſis, ineunte iam ſeculo XV. parvis initiis effloſcere incipiebat ex monaſterio S. Iuſtinæ Patavino prope extincto. Novis colonis illuc ex monte Olivetano accitis præfectus eſt abbas Ludovicus Barbus, qui brevi tempore monaſtice in ſuo monaſterio, & congregationem incepit tam celeri curſu, ut iam an. 1417. a Martino V. confirmari potuerit, dum Mediolanum tranſiret. Credibile eſt, Ludovicum Barbum in concilio Conſtantiſi præſentem cœptam ibi provinciæ noſtræ Moguntinæ reformationem plurimum iuiſſe, maxime vero in concilio Baſileenſi, ubi inter præſidentes ab Eugenio IV. conſtitutos numerabatur. Extat eius epiſtola poſt ſuum a Baſilea diſceſſum ſcripta ad abbates ibidem pro capitulo generali provinciæ Moguntinæ congregatos. Reformatio autem ab eo in Italia inſtituta necdum tunc interiorem etiam Italiæ partem, in qua S. Benedictus inſtitutum inceperat, pervasiſit: eaque tempeſtate ex Teutonica natione monachi ſacrum ſpecum, in quo S. Benedictus puer delituerat, incolebant ſub Nicolao de Matzen Priore. Hic, ut diximus, inde cum aliis Mellicium evocatus, atque abbas ordinatus fuit per Martinum V. P. agentibus id Conſtantiæ in concilio apud pontificem legatis Alberti V. archiducis; ſimulque ſtatuta Sublacenſia ſuere propoſita, ad quæ reformatio Mellicenſis eſſet efformanda, uti apud memoratum P. Schram in chronico Mellicenſi, & P. Martinum Kropp in bibliotheca Mellicenſi exponitur.

Ex præcipuis novis colonis erat Petrus de Roſenheim, a Trithemio ad an. 1420. & Eiſengreinio inter orthodoxos matris eccleſiæ doctores poſt Nicolaum de Dynckeſpühel ad an. 1415. laudatus. Eius ſermonem de ſtatu vitæ monaſticæ ſui temporis edidit Bernardus Pezius in bibliotheca Aſcetica c), cum hac ad finem paræneſi: *Nolite ergo ex-* c) T. II. p. 92.  
*paveſcere, nolite timere, ſed revertamur omnes tam prælati quam ſubditi, revertamur ſinguli, qui aberravimus, & exceſſuum noſtrorum emendationem ſubeamus, prout iam noſter ordo per Dei gratiam cœpit a ſuo lapſu pauliſper reſurgere, & ad regulares obſervantias aſpirare. Nam laus Deo! per mundi partes monaſteria ſuæ pravitatis conſuetudine ad ſtatum regularis vitæ creſta, reparataque ſunt. Paulus Langius in chronico Citicenſi apud Piſtorium d) inter viros illuſtres tempore Conſtan-*  
tien-

d) Script. rer.  
Ger. T. I.  
pag. 1229.

SECVLUM  
XV.

tientis concilii, statim post Petrum de Alliaco eiusque præceptorem Ioannem Gerson, locum dat Petro de Rosenheim monacho Mellicensi, qui, ait, *rosceum memoriale divinorum eloquiorum, et alia edidit.*

- a) *L. c. p. 356.* Memorat nonnullos citatus P. Schram a), qui ex Suevia Mellicensium reformationis studio inducti illuc avolarint, monasteriorum etiam abbates vel procuratores, atque an. 1470. ad conventum Salisburgensem accesserint b), ex diocesi quoque Constantiensi Ioannes de Wiblingen abbatis sui procurator. Monasterii huius pro reformatione studia passim iam laudavimus, in nostram etiam Nigram silvam usque fructuosa, ut de monasterio Alpirspacensi diximus, de Hirsaugia item, ubi quidem primitus observantiam vitæ regularis ex Mellicensi in Austria cœnobio a Wolframo abbate acceptam fuisse testatur Trithemius ad annum 1428. Ea vero rursus evanescente, quod imprimis deplorat in oratione lugubri an. 1493. habita, Hirsaugia nomen dedit Bursfeldensi, cuius ortum atque progressum idem ad an. 1416. explicaverat. Subdit vero ad an. 1428. *considerans Wolframus, quod in observantia Mellicensium non esset constantia, sed paulatim in pristinam laboretur deformitatem, propterea quod ipsi Mellicenses provinciali capitulo de triennio in triennium essent contenti & suæ reformationis nullum omnino celebrarent conventum, neque visitationis officium debita & necessaria cum diligentia exercerent &c.* Postea ad an. 1460. Bernardum abbatem cumprimis laudat, quippe qui observantiam Bursfeldensem in se suisque subditis vigilantissime custodierit; atque Hirsaugiæ ex diocesi Spirensi Gottesaugiense quoque cœnobium iungit, ex Constantiensi vero unicum huius reformationis Alpirspacense ad an. 1462. memorat. Crusius in annalibus Sueviæ ad an. 1462. monasterium Lorchense tunc demum iuxta Mellicensium observantiam reformatum fuisse testatur.

Studia uniendi  
tres in Germaniam  
congregationes.

XXXIX. Studiose tunc temporis agebatur de uniendis tribus per Germaniam congregationibus, Castellensi, Mellicensi & Bursfeldensi. Egit id primum Pius II. P. quum profectum cerneret, quem Adamus Villius abbas S. Martini maioris Coloniae visitator generalis congregationis Bursfeldensis tulerat: qui id negotium maxime an. 1464. in conventu abbatum Colonienfis & Trevirensis provinciæ apud S. Pantaleonem præstiterat. In nostra vero Moguntina provincia ipsi Moguntini Archiepiscopi unionem illam quam maxime urgebant. Commiserat id Pius II. P. an. 1461. episcopo Eichstettenfi. *Convenientibus autem, ut ad illum annum narrat Trithemius, ad commissarium apostolicum prædictum episcopum, vocatis abbatibus certis, plures inter se habuere tractatus;*

tus, sed tantam diversitatem rituum, consuetudinum, morum & constitutionum trium observantiarum in unitatem reducere nullatenus potuerunt. Bursfeldenses enim, quorum strictior observantia est regula S. Benedicti magis conformis, ad laxiora Mellicensium & Castellensium noluerunt retrocedere: & Mellicenses cum Castellensibus, quorum reformatio fuit laxior & regula minus consentanea, observantiam Bursfeldensium ut duram refutarunt. Ex eo tempore plures deinceps Patrum sunt factae conventiones in diversis locis, non sine magnis expensis & fatigationibus, sed inter eos fieri nunquam potuit uniformitas usque in praesentem diem. Nostri etiam temporibus Bertholdus ex comitibus de Hennenberg archiepiscopus Moguntinus plures inter eos saepe habuit pro eodem negotio tractatus, quibus & ipse frequenter interfuit, sed intentionem suam in effectum ducere non potuit. Manent ergo tres observantiae Ordinis nostri memorati procul ab invicem separatae, quarum duae Mellicensis & Castellensis quotidie deficiunt, tertia autem Bursfeldensis de die crescit in diem, proficit & ampliatur.

Pro unione illa facienda multum laborarunt abbates capitulorum provinciae Moguntinae, ut palam fit ex variis ad eam rem epistolis a Bernardo Pezio a) editis: imprimis Martini de Senging Mellicensis de statu monasterii Bursfeldensis sub initium suae reformationis, ad ven. Ioannem de Weilheim Priorem Mellicensem ex ipso monasterio Bursfeldensi, quo accesserat P. Martinus ibique moratus, ut disciplinam experiretur, atque exploraret, num unio & conformatio trium in Germania observantiarum sperari liceat b). Sub initium statim nuntiat, obtulisse se de novo tres abbatibus pro unione suorum monasteriorum Bursfeldae, scilicet Ettenheimmünster, ad S. Stephanum Herbipoli, & Hirsau, sed dilatos esse usque ad proximum capitulum Bursfeldense: scripta est haec epistola an. 1457. Sequuntur postea c) ad rem imprimis epistolae Ioannis de Welming abbatis Mellicensis ad Casparum abbatem Tegernseensem in Bavaria. Harum prima data an. 1459. inscribitur de restituenda universim in ordine S. Benedicti monastica disciplina, & procuranda rituum & observantiarum conformitate. In altera anni sequentis d) certiores illum facit de pluribus quoad regularis observantiae incrementum, factam quoque esse collationem, sed conclusum adhuc absolute nihil. Ex mox sequenti autem palam fit, consilium fuisse de habenda synodo, in qua haec res tractaretur. Caspar abbas Tegernseensis in Bavaria, ubi vigeat Castellensis reformatio inter paucos quidem abbates, quinque scilicet, hos dudum convenisse scribit e) in responsoria, ad rem plenius discutiendam, ut ad finem tandem tenderent. Mortuo interea temporis Casparo ad Conradum eius successorem

a) Bibl. Aet. T. VIII.

b) IV. p. 553.

c) pag. 581.

d) pag. 584.

e) pag. 587.

SECVLUM  
KV.

\*) pag. 603.

b) pag. 625.

an. 1464. scribit Ioannes abbas Mellicensis a) de negotio unionis & conformitatis in regulari observantia monasteriorum Benedictinorum in Germania; ubi memorat a patribus & abbatibus provinciæ Moguntinæ informatos esse patres & abbates in Austria, quid in unionis negotio ageretur: quo in argumento sequens etiam versatur Conradi abb. Tegernseensis ad Melchiorum S. Udalrici abbatem epistola, ac iterum alia eorundem Conradi & Melchioris abbatum eiusdem anni ad Ioannem abb. Mellicensem, una cum huius responsoriis anni sequentis. Posthæc habetur alia epistola Melchioris S. Udalrici abbatis ad Conradum Tegernseensem post celebratum an. 1467. provinciale capitulum data, ubi finem diu quæsitum, Deo donante, tandem in brevi se assecuturos sperat: quod quidem, ut in con-

textu epistolæ loquitur b), *efficacius fieri non potest, nisi conformes efficiamur, & sanctam unionem, pro qua iam diu laboravimus, reformari inter nos faciamus, prout etiam Patres trium observantiarum iam finaliter consenserunt, & in votis concordæ fuerunt.*

Mentem hanc insedisse abbatibus provinciæ Moguntinæ in capitulo provinciali an. 1467. in monasterio Montis monachorum Bambergæ congregatis, manifestat eorum epistola ad laudatum Conradum abbatem Tegernseensem, cuius procuratori P. Bernardo unacum cæteris Patribus universis locum dederunt in capitulo; commissumque est publice in capitulo præsentibus, ut cæteris quoque de provincia Salisburgensi Patribus scriberent, perinde ac abbati Tegernseensi, ad quem missa hæc epistola claudit syllogen illam epistolarum apud Pezium: cui subscribunt F. Eberhardus abbas montis monachorum, F. Sebaldu abbas S. Ægidii, F. Martinus abbas in Munster Schwarzach.

Pius II. P. initio statim sui pontificatus unionem hanc trium in Germania congregationum animo volvens, ut supra iam meminimus, id in negotiis dedit episcopo Eichstatteni, qui an. 1459. missis ad Bursfeldense capitulum litteris Sanctitatis suæ intensionem declaravit Abbatibus gratissimam: qui ideo Sanctissimum rogarunt, ut salvis ordinariarum iuribus de opportunis ad id exequendum remediis providere dignaretur. Fecit id an. 1461. transmissa bulla, uti apud P. Romanum Hay in *astro extincto* c) legere est, nec non & illa, quæ porro eam in rem gesta sunt an. 1483. in annali capitulo Bursfeldensi Erfordiæ habito per delegatos episcopi Eichstatteni, ubi advenientibus quoque eum in finem deputatis Mellicensis & Castellensis congregationum Bulla Pii II. P. fuit exhibita. Ur sit postea negotium Bertholdus Moguntius archiepiscopus, & Ioannes abbas Fuldensis, resque tandem eo devenit, ut in capitulo provinciali Seligen-



ligenstadiensi an. 1496. de qualibet trium observantiarum duō deputarentur, scilicet ex unione Mellicensium reverendi Patres in Elchlingen & Wiblingen; ex unione Castellensium abbates S. Ægidii in Norimberga, & S. Crucis in Werden; ex unione vero Bürsfeldensi abbates in monte S. Iacobi extra muros Moguntiae, & S. Martini in Spanheim, Ioannes Trithemius nempe, qui rem tamen silet in chronico Hirsaugiensi. In eodem capitulo ad instantiam episcopi Constantiensis negotium reformationis commissum est abbatibus S. Udalrici Augustae, & in Ochsenhausen.

XL. Ordinatum per singula fere triennia celebratum fuit eiusmodi capitulum provinciae Moguntinae & diocesis Bambergensis, prout nempe decretum fuerat in concilio Constantiensi an. 1416. uti in illius actis legitur apud van der Hardt a), electique ibi praesidentes pro celebrando proximo annuo huiusmodi capitulo in monasterio Petershusano, prout superius iam adnotavimus. Subnectimus hic b) ex Msc. Einsidlensi coevo catalogum abba-

Capitula provincialia & annualia.

a) T. I. pag. 1095.

b

b) Nomina Abbatum diocesis Constantiensis, qui capitulo generali anno 1417. Constantiae interfuerunt.

S. Georgii Ioannes praesidens. In Mure Gregorius (Georgius). Campidonensis Fridericus de Levenberg. S. Blasii Ioannes Duttlinger. B. M. heremitarum (Einsidlen) Hugo de Roseneg. In Alperspach Ioannes. 1) In Blaubären Ioannes. In Zwifalte Wolfo. 2) SS. Petri & Pauli Henricus de Hornberg. Rhenaugiensis Hugo ab Almshoven. Yfneus. 3) In Etio Ioannes. 4) S. Ruperti (Trudperti) Conradus. In Augia maiori Fridericus de Zollern. In Wagenhusen - Pregantienis (Augiae maioris) Nicolaus. 5) In Schaffhusen Conradus. 6) Petri domus Constant Ioannes Frey. Ochsenhausen Fridericus. 7) Wiblingen Henricus. 8) S. Galli Henricus de Gundelshingen. S. Ioannis in Turtal Albertus. Procuratores abbatum diocesis In Ercha 9) In Vischnang, id est, Vischingen Ioannes Herlin. Montis Angelorum Waltherus Mirer seu Mirhaus. In Wingarten Ioannes Essendorf.

1) In Gallia christ. T. V. p. 1064. notatur Hugo, Ioannis forte tempore concilii defuncti successor.

2) Hic in Gallia christ. dicitur Wolfgangus.

3) Conradus hic est, qui iuxta Gall. christ. cenobiorum visitator deputatus est.

4) Legendum forte Stein, cuius abbas Ioannes an. 1432. praesuit capitulo provinciali Augustae.

5) In Gallia christ. dicitur Iodocus.

6) Supplendus hic in catalogo loco cit.

7) Nullus huius nominis, sed Nicolaus eo tempore abbas occurrit.

8) Et hic deest in Gallia christ. notatur vero tunc Ioannes I.

9) Legendum Trubs in Emmenthal. Vid. Gall. christ. l. c. p. 934.

In diocesi Argentinenfi.

In Schwarzach. In Selz. In Gengenbach. S. Waldburgis. In Hugelshofen. In Masmunster. (Maurmunster). In Oetenhermunster. (Ebenheimmunster). In Schuter. In Altdorf. In Obermann. (Ebersmunster). In Muuwilre, i. e. Neuwiler.

De diocesi Moguntinenfi.

In Stein, alias Steina. In Northeim. In Selgenstat. In Bürsfeldia. Procuratores diocesis. Novus montis prope Fuldam. In Hirsweld. In Brettenau, olim Bretnave. (Bredenau) In Hasungen. In Gerode. In Uffenen. In monte S. Petri. Ad Scotos Erfordia. In Salveld. In Paulincelle. In Homburg, alias Homburg. In Rinsbrunnen, alias Rhein-

SECVLUM  
XV.

abbatum tunc in capitulo præsentium, qui ante discessum cum procuratoribus in animas absentium suorum abbatum iuramentum pro suscipienda reformatione deposuerunt. Primus inter præsidentes apud van der Hardt nominatur Ioannes S. Gregorii abbas, eius scilicet nominis tertius Petershusanus, in subiecto autem catalogo primus præsidentium ponitur Ioannes abbas S. Georgii in Nigra silva, cuius abbates illius capituli præsides suis locis nominavimus, quos inter notatur Fridericus Hirsaugensis in tertio capitulo apud Fuldam an. 1420. celebrato.

Primum capitulum annuale atque etiam generale observantiæ Bursfeldensis celebratum est an. 1464. Celebratissimæ huius congregationis exordia Trithemius in chronico Hirsaug. describit, eius vero discipulus Paulus

hartshrunnen. Ad S. Albanum Ioannes de Gomingen. (Abbas ad S. Albanum tunc erat Hermannus II. ex Gallia chr. T. V. p. 578.) Ad S. Iacobum Moguntiz Anselmus de Dirnstein. In Bildenstat (*Blidenstat*). In Spanheim Bernardus.

*De diœcesi Spirensi.*

In Hirshan Fridericus. In Oedenheim. In Limburg. In Hunsheim (*Sunsheim*). In Gottsau (*Gottesau*). In Clingenmunster. In Wissenburg.

*De diœcesi Heripolensi.*

In Schwarzaach. In Braun. In Schlutern. In Roten, alias Munchroten. In Urach, alias Munchenzurach. In Steinach. In Amersbach Fridericus II.

*Procuratores eius diœcesis.* In Fulda abbas erat Ioannes de Merla. In Nuwenstatt. In Colberg Erfridus de Felsberg. In Ranz (*Banz*) Erhardus de Schvandenburg, procurator horum omnium abbatum. In Rez.

*De diœcesi Bambergensi.*

Montis S. Michaelis. *Procuratores.* Abbates Scotorum Nuwenburgensis. In Wisenau. In Michelsveld.

*De diœcesi Augustensi.*

Elvangensis Sifridus præsident. In Teggingen. In Werden. In Fancibus. In Lorch, In Elchingen. In Augusta. In Foltzbach (*Fultenbach*). In Nevesheim (*Nevesheim*). In Ursingen (*Ursium*). In Brezenhusen. *Procuratores.* In Benediktenburen. In Weissenburen (*Weissenbrun*).

*De diœcesi Aistatensi.*

In Castello. In Wilsburg. In Achhusen (*Anhausen*).

*Procuratores vero abbatum.* In Blanckenstein, seu Blankenstetten. In Haidenheim.

*De diœcesi Curiensi.*

Dissertinensis. Fabariensis. S. Mariæ in Wilsgawe.

*De diœcesi Halberstetensi procuratores abbatum.*

S. Ægydii Brunschweigensis. In Lutter, alias Luttra. In Hagenspurg, forte Husburg (*Haisburg*). In Grenburg. In Hilderleben. (*Hidesleben*). In Wimmelsburg. In Eldersdorf. In Rinsdorf.

*In diœcesi Werdensi.*

*Procuratores abbatum.* S. Michaelis in Limenburg seu Luneburg, & Vetenhufen.

*De diœcesi Hildenenfi.*

In Clusa. *Procuratores* S. Michaelis Hildenenfis. S. Gotthardi extra muros Hildenenfes. Henricus in Ringelsheim.

*De diœcesi Magdeburgensi.*

*Procuratores abbatum.* In Willenbors. In Holnordenhusen. In Corvey Theodoricus III. a Rheins. In Munster. In Schligdorf. In Abdinkhofen. Badenpurnensis.

lus Langius in chronico Citicensi apud Pistorium breviter ad an. 1430. profequitur, ad an. autem 1439. notat capitulum provinciale Moguntinensis & Bambergensis dioecesium, in quo inter alios abbates e Nigra silva nostra præfedit Nicolaus S. Blasii abbas. Idem primum memorat ordinis S. Bened. capitulum provinciale an. 1468. in Saxonia, & annuale Bursfeldense, nec non annuale provinciæ Moguntinæ anno sequenti, de quo silet Trithemius ad annum 1469. refert vero mortem Ioannis de Hagen, qui fuit abbas monasterii Bursfeldensis in observantia regulari secundus: post Ioannem nimirum ex Rheinhausen primum in restituta Bursfeldia abbatem, colonis quatuor eo missis ex monasterio S. Matthiæ Treviris a Ioanne Rhode abbate, quem Otto Trevirorum archiepiscopus e Carthusia extractum illi monasterio præfecit, isque non sine maximis laboribus, periculis & insidiis monachorum, quos deformatos in eo reperit, ad regularis vitæ observantiam reducere studuit.

Feliciter igitur res processit in nova colonia Bursfeldensi sub cognominibus memoratis abbatibus Ioanne de Rhode & de Hagen, eorumque successore Theoderico, qui an. 1472. præfuit capitulo annuali Erfordiæ & postea Hildesheimensi, ut refert Langius a), & teste Trithemio ad annum 1473. capitulo provinciali Norimbergæ apud S. Ægidium. Provinciali vero Saxonix, Magdeburgensis scilicet & Bremensis dioecesium capitulo an. 1474. præfuit abbas Bagaugienfis, ut Langius perhibet b); postea autem Georgium abbatem successorem Thomæ rem perdidisse luget, ad finem labente iam sec. XV. quando tamen ipse Trithemius pro virili sua rem egit, ut palam sit vel ex sermonibus suis; quos in capitulis tam annualibus Bursfeldensibus, quam provincialibus Moguntinæ provinciæ habuit: quod munus singillatim indici solebat. Hic idem ad an. 1485. testatur, Weissenburgensem abbatem verba fecisse in vigesimo quinto capitulo apud S. Udalicum in Augusta celebrato, ubi post Ioannem S. Ægidii in Nurenberg inter præsides ponitur Henricus in Weissenburg, Paulus de Elchlingen, & Ioannes Trithemius S. Martini in Spanheim; quod munus subiit nondum elapso a sua in abbatem electione biennio. Idem capitulo Norimbergæ apud S. Ægidium cum aliis præfedit, ac in speciali opere omnes capitulorum ordinationes collegit, Moguntix an. 1605. inter eiusdem opera pia impressas.

Anno 1493. in provinciali capitulo Hirsaugiæ celebrato, ubi primo loco inter præsides ponitur Trithemius, inter alia statutum est, ut eiusdem compendium recessuum capitularium semel saltem in triennio legeretur: itemque, ut perpetuis futuris temporibus eius liber de ruina or-

SECVLUM  
XV.

dinis nostri durante capitulo ad mensam prælegatur, id quod prima vice in hoc capitulo factum fuerat. In altero an. 1496. idem præclaram illam de cura pastoralis orationem habuit; anno autem 1499. præses verba iterum, sed ex tempore, fecit in monasterio Seligenstadiensi. Reliquas orationes, quæ editæ prostant, dixit in capitulis annualibus Bursfeldensis observantiæ.

a) T. I. Act.  
Concil. Const.  
pag. 1095.

Edidit Hermannus van der Hardt a) monachorum Benedictinorum capitulum provinciale Constantiæ habitum pro visitatione & reformatione monachorum Ordinis S. Benedicti, in quo post alia fuit ordinatum, ut intra annum proximum, & ante futurum capitulum, saltem per mensem quilibet abbas generale capitulum, si quos sibi extra suum monasterium subiectos habeat, facere & finire teneatur, in quo statuta prædicta publicentur, quæ nihilominus non semel per annum in capitulo quotidiano legi iubentur unacum Benedicti XII. constitutionibus. Capitulum hoc quotidianum prius iam fuit præceptum, in quo post Martyrologium & lectionem Regulæ, quæ vulgariter per præidentem ipsi capitulo, seu per alium, cui ipse iusserit, exponatur, ac de disciplina regulari agatur, & negligentium seu delinquentium culpæ & excessus puniantur, unde etiam capitula culparum sunt dicta.

Statæ visita-  
tiones mona-  
stiorum.

b) L. c. p. 1090.

c) M. p. 1101.

XLI. Pleraque ibidem iuxta Concilii Constantiensis decreta, quod in præfatione habet van der Hardt b), *de visitoribus cleri diocesum & personarum*, perscribuntur capita, modos suscipiendi visitatores, iuramentum visitorum, copia veri procuratorii secundum constitutiones Benedictinas. Tum vero in processu generali capituli provincialis tunc in Petri-domo celebrati constituuntur singillatim visitatores per dioceses c) „In diocesi Constantiensi & Curiensi visitabunt monasteria nondum per certos visitatores, aut a præidentibus capituli deputatos visitata, S. Blasii, Isingensis (*Isnensis*), in Tzwysfeldingen (*Zwifalten*) & Fabriensis (*Fabariensis*) abbas, Constantiensis & Curiensis dioceseos: & hos visitabunt in Faucibus & in Ottenburen abbates Augustensis dioceseos. In diocesi Augustensi visitabunt Prenzahausen & in Pforzheim abbates eiusdem dioceseos: & hos visitabunt in Wibellingen & in Ochsenhusen abbates Constantiensis dioceseos. In diocesi Aichstadeni & Bambergensi visitabunt Castellensis & Bambergensis eorundem civitates &c. Præfati etiam visitabunt monasteria monialium in diocesi vel diocesibus, in quibus, ut supra dicitur, sunt ordinati visitare monasteria virorum &c. &c.“ Hæc descripsit van der Hardt ex Msc. Gothanæ bibliothecæ admodum incorrecto: ubi ad finem adiicitur diploma Sigismundi imp. quo constitutos visita-



sitatores e concilio ad hoc opus emigrantes an. 1418. proximè ante concilii finem salvo conductu munivit: quale etiam extat Alberti II. Rom. regis an. 1439. tempore concilii Basileensis, specialiter etiam pro capitulo provinciali Norimbergæ celebrando. Teste Trithemio (qui & ipse utilissimum scripsit de visitationibus monachorum libellum, inter opera eius pia editum Mogunt. an. 1605. pag. 963. legendum) in chron. Hirsaug. ad an. 1439. eodem tempore concilium Basileense ex abbatibus ordinis nostri duodecim visitatores per Moguntinam provinciam deputavit, inter quos erat vita & eruditione præcipuus Ioannes Rhode abbas monasterii S. Matthiæ Ap. extra muros Trevirorum. „Hi duodecim abbates (pergit) habebant visitare & reformare auctoritate concilii generalis omnia & singula monasteria per dictam provinciam Moguntinam ubilibet constituta, tam monialium quam monachorum. Et notandum, quod iuxta constitutionem Benedicti XII. provincia Moguntina, cum Bambergensi diocesi exempta, quantum ad coenobia pertinet ordinis nostri, unum facit capitulum provinciale, abbatias habens hodie C. & XX. de qua provincia ab ordine translata sunt a tempore concilii Constantiensis in ecclesias canonicorum secularium decem monasteria.“

Prostat insignis prorsus constitutio Nicolai de Cusa S. Petri ad Vincula presbyteri Cardinalis legati apostolici *de visitatione*, quæ orditur de vita & moribus visitorum, maxime dum visitant; tum post præscriptam formam visitationis & modum procedendi per singula monasticæ disciplinæ capita discurret. Typis ea impressa fuit an. 1493. Norimbergæ a Georgio Storcho ex Sulzbach, unacum synopsi constitutionum provincialium Ordinis S. Benedicti per provinciam Moguntinam & diocesium Bambergensem: seu *abbreviatura recessuum capitularium Patrum Ordinis S. Benedicti per provinciam Moguntinam & diocesium Bambergensem a tempore concilii Constantiensis usque ad an. Dominicæ incarnationis millesimum quadringentesimum nonagesimum tertium celebratorum: nec non modus visitandi monasteria utriusque sexus, unacum summa privilegiorum provincia & diocesis ac Ordinis præfatorum.*

Continuata sunt eiusmodi capitula & visitationes pro conservatione disciplinæ monasticæ etiam in sequens adhuc, quod libro proximo videbimus, seculum, quo adolescente defecerunt in provincia Moguntina diocesi que Bambergensi; dum vicissim observantia Bursfeldensis maiora semper incrementa cœpit. Narrat vero Paulus Langius in chronico Citicensi ad an. 1485. de suo observantiæ Bursfeldensis monasterio, quod in illo vergente ad finem sec. XV. Petrus abbas cætera laudatissimus austeritate

sua

SECVLUM  
XV.

sua rem perdiderit „Potius (inquit) ad ferociam quam misericordiam, severitatem quam clementiam declinans. Proinde non salutem plerumque imbecillium, sed desperationem produxit. Dum enim multiplicaret carceres & carceres, statuta & poenas, formidulosiores inrecuperabiliter suas & fugavit & perdidit oviculas. Quod utique cavisset, si modum censuræ tenuisset, si oleum vino, dulcia amaris, blandimenta terroribus miscuisset; tametsi religionis zelo, vitiorumque id actitasse credatur odio, haud tamen secundum scientiam, id est discretionem & pietatis formulam; quamvis & huius sui rigoris patronos & laudatores habeat.“

Reformatio-  
nis capita.

XLII. In concilio Basileensi de reformatione ordinis S. Bened. non una erat Patrum sententia: ipsi præsidi legato Apostolico visum est, satis fore, si modo ad observantiam trium votorum substantialium res reduceretur, cæteris Regulæ Benedictinæ capitibus in Prælatorum arbitrio relictis. Qua de re Ven. Martinus de Senging Prior Mellicensis, qui Basileensi concilio notarii munere aderat, libellum obtulit, ex Mlc.

a) Bibl. Asect.  
T. VIII. p.  
505.

Mellicensi a Bernardo Pezio a) editum, *Tuitiones* nempe observantiæ Regulæ S. Benedicti, ut ostenderet, non sufficere, *monasteria eiusdem ordinis in regulari observantia collapsa reducere ad sola tria substantialia, prout reverendissimus pater Dominus Legatus intendebat, visitatoresque ad id ordinavit, ut initio statim loquitur, reformationem huiusmodi possibilem nequaquam esse contestatus, quod quum probasset, ipse sibi obii-*

b) pag. 508.

*cit b): ex præscriptis forte quem moveri ad dicendum, quod ergo securius esset regulam servare ad litteram, & in omnibus suis accidentalibus & observantiis &c. Ex quo videretur sentire, quod a monachis Regula S. Benedicti hoc modo non servetur, quod illi de salute sua consequenda ex hoc reddantur inseguri. Sed hoc nullatenus est. Distinguit autem inter omnimodam obedientiam actualem, quod monachus totam suam regulam observet, quod dicit non esse de necessitate salutis, uti nec etiam omnimodam obedientiam regularem habitualement, sed virtualement saltem:*

c) pag. 509.

*quia, inquit c), quilibet monachus ex voto suæ professionis semper tenetur habere paratam voluntatem ad faciendum omne illud secundum posse, quod sibi suis Prælatus secundum regulam suæ professionis præcipit. Unde ergo monachus ord. S. Bened. tenetur obedire suo abbati sibi præcipienti, ut secundum regulam teneat silentium, ieiunet, maneat intra monasterii clausuram, non comedat carnes quamdiu est sanus & fortis &c. Postquam vero per alia quoque discursisset capita, historiam etiam attingens reformationis tunc temporis variis studiis agitæ, supplicat tandem, ut Patres concilii, quantum fieri potest, in his reformandis practica vitæ*

monasteriorum Specus S. Benedicti & Sublacensis sequantur, *ubi est origo* SECULUM  
XV.  
*Ordinis S. Benedicti, vita quoque regularis observantia ab initio institu-*  
*tionis eiusdem Ordinis stricte continuata.*

Idem suadet agens porro de uniformitate divini officii, ubi tamen consultum habet a) „ut quædam tam in cantu, quam in lectione mero a) pag. 545.  
„consuetudinario usu introducta recensentur, cum sint superflua, & eo-  
„rum intuitu debita omittantur, ut sunt septem psalmi poenitentiales  
„iterati, item quindecim gradus, preces in diebus ferialibus perlongæ  
„ad omnes horas, duæ vel tres missæ quotidie cantatæ, ubi una tan-  
„tum est de necessitate, & raro duæ, sola die natalis Domini tres: mul-  
„ta etiam tam in Laudibus quam in Vesperis & cursu Beatæ Virginis  
„suffragia, & quasi quotidianum novem lectionum officium mortuorum  
„cantatum, & longe creberrimæ fiunt processiones, nonnumquam etiam  
„per campos ad ecclesias remotas, ubi contrahunt familiaritatem veneno-  
„sam &c. Experientia enim longa doctus didici, (pergit) certe vix suffi-  
„cere tempora diei & noctis, quantumcumque longa sunt, ad rite, de-  
„vote & religiose perficiendum officium divinum &c.“

Extat in chronico Mellicensi P. Schram b) breviarium cæremoniarum b) pag. 320.  
monasterii Mellicensis an. 1418. per venerabiles Patres monasteriorum  
Sublacensis & sacre Specus auctoritate Martini V. P. reformatum. Ad  
eum nempe modum, quo teste Trithemio ad an. 1436. Conradus ab-  
bas montis S. Ioan. Baptistæ in Rhingaugia „mandato capituli annualis  
„ordinarium divinorum officiorum simul & constitutiones observantiæ  
„nostræ, quas usitato nomine cæremonias nuncupamus, ipse lucubravir,  
„emendavit, distinxit, & impressioni commendavit.“ Passim in biblio-  
thecis monasteriorum, in quibus viguit observantia Bursfeldensis, huius-  
modi libros tam Mss. quam impressos etiam reperi, cæremoniales, ritu-  
ales, missalia, breviaria, quorum reformandorum ingens fuit istius con-  
gregationis studium. Agitatum quoque fuit consilium, ut totum offi-  
cium divinum ex S. Scripturæ verbis concinnaretur, prout discimus ex  
Iacobi Carthusiani opusculo *de cantu in divinis reformato*.

Qualis apud Sublacenses fuerit sec. XV. psallendi ratio, edisserit ano-  
nymus Sublacensis, natione, ut plerique tunc eo in monasterio, Germa-  
nus, ut ex initio & fine constat, ut iam notavi, *de consuetudine &*  
*modo vivendi cænobitarum monasterii sui anno 1400.* apud Bernardum  
Pezium c): Utramque ferme paginam implet eius dissertatio de labo- c) Bibl. Auct.  
ribus tam specialibus singulorum, quam generalibus: „qui fiunt in ex- T. VIII. pag.  
ercitiis, (inquit), quod tempore æstivali fit post Nonam, & tempo- 493.

SECVLUM  
XV.

„re hiemis inter Sextam & Nonam. Et hi fiunt generaliter ab om-  
 „nibus tam senibus quam a iuvenibus, qui non sunt occupati ex aliquo  
 „officio, ut exquisitio seu purgatio leguminum, fabarum, cicerum, len-  
 „tum, & sic de aliis, & in loco exercitii deputato. Et isti labores sunt  
 „magis communes per totum annum. Sunt & alii labores diversi, se-  
 „cundum quod necessitas exposcit, ut scopare, portare lapides, ligna,  
 „lavare vestes proprias, in hortis tempore æstatis eradicare herbas inu-  
 „tiles, comportare fenum in pratis, & colligere uvas. Et isti labores  
 „fiunt prope monasterium, & in locis sequestratis longe ab hominibus.  
 „Et quidquid iniungitur a Priore vel Vicario, sive fit in adiutorium  
 „officialium sive alia ex causa, fit ab omnibus absque omni contradictio-  
 „ne & nullus utitur propria voluntate.“ Hæc non abs re descripsi de  
 manuum labore, qui semper apud monachos obtinuit, in Regula etiam  
 S. Benedicti præscriptus, postea vero ob continua diu noctuque fere chori  
 officia ita neglectus, ut in constitutionibus reformationum sec. XV. vix  
 ulla eius ratio sit habita, quando nihilominus graviores Regulæ Bene-  
 dictinæ obligationes sunt revocatæ, instituti præsertim aviti Cluniacensis.  
 Hoc late superioribus seculis ad exterarum nationes quoque, in Nigram  
 etiam silvam nostram, ut vidimus, fuit dilatatum, paullatim vero tem-  
 pore præsertim magni schismatis passim collapsum, adolescente tamen  
 a) *Cosmodrom.* seculo XV. alicubi postliminio rethoruit, veluti Gobelinus Persona a)  
 et. VI. c. ult. de monasterio Paderbornensi testatum reliquit, dum an. 1418. „duo  
 „monachi monasterii Cluniacensis cum solempni comitiva Paderbornam  
 „venerunt, & productis litteris apostolici, & domini Regis ac abbatis  
 „Cluniacensis, cui idem monasterium SS. Petri & Pauli ex sui primiti-  
 „va institutione est subiectum, de auctoritate sibi super via visitationis  
 „commissa abbati & monachis ibidem plenam fidem faciendo, observan-  
 „tiam Regulæ S. Benedicti eis sub magnis pœnis eo modo, quo in præ-  
 „fato monasterio Cluniacensi servatur, per omnia tenendam indixerunt;  
 „expresse iniungentes eisdem per obedientiam, quod ipsi deinceps tria  
 „substantialia monachatus, videlicet abdicationem proprietatis, castitatem  
 „& obedientiam ante omnia servarent: & quod in refectorio simul re-  
 „ficerentur: non carnibus nisi infirmi pascerentur: silentium in locis de-  
 „bitis servarent: cellas in ostiis fenestras haberent: nec lectis de plumis,  
 „nec camisiis lineis uterentur: & quod nullus septa monasterii intrare  
 „permitteretur.“

Alia quædam capita notantur in monachorum Benedictinorum capitu-  
 lo provinciali Constantiensi pro visitatione ac reformatione monasterio-  
 rum Ord. S. Bened. apud van der Hardt b). Complures adhuc decre-  
 to

b) *Alt. Conc.*  
*Constant. T. I.*  
 pag. 1095.



to synodi Basileensis an. 1439. sunt annexi, & sub gravibus pœnis ac censuris præscripti reformationis articuli, ad petitionem abbatum, & cæterorum religiosorum eiusdem Ordinis, Basileæ tunc eum in finem congregatorum.

SECULUM  
XV.

XLIII. Articulis prioribus agitur de officio divino, confessione, capitulo culparum quotidiano, libris & ornamentis ecclesiæ, tum de forma & honestate vestimentorum, de tonsura imprimis, statuiturque, *quod omnes deferant tonsuras largas & latas, ita quod circulus ipsarum spatium seu grossitudinem duorum digitorum non excedat transversalium*, ut in capitulo provinciali Constant. primo anno 1417. a) a) Loc. cit. p. 1104. fuit præscriptum, conformiter etiam fere quoad reliquum habitum, seu vestes & calceamenta, tam intra quam extra monasterium, etiam *quoad tunicas & vestes habitui superiori proximas nigri*, vel bruni aut albi coloris, prout olim gestabant monachi etiam nigri, ac etiamnum Cistercienses, colore flocci seu floccatæ cucullæ aut cappæ albi vel nigri coloris inter se distincti. Necdum vero diversitatem illam, quæ hodie monachos nigros Benedictinos & Cistercienses colore distinguit, communem omnino & uniformem fuisse, produnt Martini de Senging Tutiones Regulæ S. Benedicti apud P. Bernardum Pezium b): „Color (ait) b) Bibl. Ascet. T. VIII. p. 537. „habitus exterioris debet esse omnino niger. Item expediret, vestes „etiam habitui proximas fore nigras; tum propter nomen, cum eiusdem ordinis & religionis supposita dicantur monachi nigri; tum propter vitandam diversitatem inter supposita professa eiusdem ordinis, „quorum aliqua forsan deferrent nigri, alia albi coloris vestimenta: tum „etiam, quia huiusmodi colore scilicet nigro, vestium prædictarum differrent a Cisterciensibus, qui ferunt albas vestes.“ Adhuc seculo XV. in monasterio S. Blasii tunicam fuisse albi coloris, indicio est descriptio vestium annuatim dari solitarum. c)

c

Latitudinem & longitudinem vestimentorum singillatim distinguunt describuntque Patres capituli provincialis tempore concilii Constantiensis an. 1417. celebrati, itemque tempore concilii Basileensis, prout in eiusdem synodi decreto legitur, sed non adeo distinctim, quod attinet genera vestimentorum monachalium, seu habitus regularis secundum suam

N n 2

de-

c) „Dis ist pfrund den Herren, Evangelier und Brüeder uf den Winter. Item 4. Elen Vilinger oder Rothweiler ietlichem zu einer Kutten: wer aber die machen will, bedarff er „mehr, so gibt man mehr alle iar. Item 5. Elen Freyburger oder Strasburger alle iar zu „einem Rocke wyfs. Item 2. Elen minder ein vierteyl ze hosen alle iar, wen aber were „geben Elslinger, so were man geben 6. Elen ze Rücken und 2. Elen ze hosen. Item in „2. iaren ietlichem einen neuen Belz und zwenen nachtschueh. Item ze Summer tagten „gibt man ietlichen 8. Elen leinithuech, halbtuch, und ein Elen Zwilchen alle iar.“

SECVLUM  
XV.

denominationem, quam operæ pretium est hisce ex iam sæpe laudato Martino de Senging subiicere. a)

a

3) pag. 536.

Diversitas ab hodierno habitu regulari suapte patet in usu cappæ præsertim in modum pallii circumquaque clausi. Aliud pallii genus hodie insuetum Conversis paullo post idem tribuit, quo in monasterio utantur & extra b), „a pectore deorsum per totum, ab ante aperto, habentes „caputium similiter ab ante apertum, ipsi pallio appensum, sub quo „semper deferent scapulare, modo quo supra, nempe non ita lata, sic „ut clericorum, nec ita protensa: similiter aliæ eorum vestes breviores sint vestibus clericorum.“ Cum hodierno usu quodammodo convenit, quam notat consuetudinem, deferendi scilicet a clericis in monasterio floccos & cucullas, floccos nempe ad Missam conventualem & Vesperas, cucullam vero ad alias horas, ad mensam, atque collationem. Cucullæ autem vicem tunica cum cinctura stricisque manicis subiit iam inde, ex quo idem color tunicæ ac flocci & cucullæ albus seu niger est assumtus. De scapulari paullo ante retulimus testimonium P. Francisci Castellensis monachi in Bavaria, qui ineunte sec. XV. in monasterio sacre Specus S. Benedicti in Italia moratus ad cætera dubia, quæ movebat, id responsi se tulisse memorat, scapulare proprium esse monachorum habitum.

Nec vero hæc quis instituto nostro minus digna, aut reformationes istas monachorum in eiusmodi dumtaxat extrinsecis & velut accidentalibus constituisse arbitretur: semper enim & ante omnia in iis substantia Regula urgebantur, ac saluberrima hanc in rem statuta fuere edita, quæ passim locis hinc inde a nobis citatis videre est: unde genuinus horum reformationum zelus elucet. Quæ autem vestitum, victum aut si quæ alia sunt, ut videntur, adiaphora, concernunt, illa saltem ad convenientem ordinem ac vivendi uniformitatem in uno eodemque corpore & sub eiusdem Regulæ alumnis procurandam & conservandam, si-

ne

a) „*Floccus* est habitus protensus usque ad talos, rotundus inferius, adeo latus, quod passus „infra ipsum faciliter fieri possit, habens manicas, quæ longitudine unius cubiti ultra manum extendantur, latitudo vero earum aliam cubitum cum dimidio non excedat. *Caputium* „vero latitudine non attingat os cubiti, sed circa medium ossis cubiti & ossis superioris prope spatulam protendatur. Dicitur vero *Caputium* retro protendatur ad minus usque ad corrigiam (seu cingulum), nec ultra ipsam per quatuor digitos valeat extendi. *Cuculla* vero est habitus similis *Flocco*, nisi quod manicis caret. *Cappa* est habitus dispositus in modum pallii communis circumquaque clausi, nec fissuras aliquas habens ad equitaturam. In caputio ab ante aperto eiusdem habitus potest fieri nodus, cum quo claudatur propter ventum, ne intret. *Scapulare* est habitus duabus peciis (partibus) una ab ante, alia a retro connexus, quo utuntur sub cappis in via, in hospitibus deposita cappa incedunt in eis, in laboribus & sub ornatu in Missa. Omnes isti habitus debent habere caputia annexa, ab ante aperta.“

ne qua nec ipse finis obtineri poterit, plurimi omnino sunt momenti. Neque id ordinibus religiosis vitio dabitur, si studiose conservare current, quod in legionibus militaribus etiam quoad colorem, qualitatem, & mensuram vestimentorum aliaque maiore adhuc rigore observari, & exigi solet. Quantum ad historiam vero, eandem saltem hæc utilitatem præstabunt nostris aut posteris, quam nos ex tot variis commutationibus de calceamentis, de barba, de pileis &c. Romanorum aliorumve gentium haurimus.

SECVLVM  
XV.

XLIV. Ex iam laudata anonymi Sublacensis epistola *de consuetudine & modo vivendi cœnobitarum monasterii sui* anno 1400. quam Bernardus Pezsius ex Mss. SS. Udalrici & Afræ Augustæ & Mellicensi edidit a) palam fit, aliquid saltem sec. XV. fuisse residui ex antiqua consuetudine in Ecclesia, atque etiam in Regula S. Benedicti præscripta quod tempus ac horas ieiunii attinet. „ieiunium vero (inquit) b) taliter fieri solet, ut per totam hiemem, id est, a festo S. Crucis usque ad Pascha, excepta sola die Natalis Christi & diebus Dominicis ieiunetur; & ieiunatur semper usque ad bonum meridiem. In quadragesima vero ieiunatur usque post Vesperas, & fit tunc accessus ad mensam ad minus ad duas horas post meridiem, vel quasi ad tres. Et omnibus diebus ieiuniorum fit collatio potus brevissima ante collationis lectionem in refectorio &c.“ Explicatur deinceps refectiois modus ita temperatus: „quod in pane & vino est abundantia, quantum quis comedere & bibere potest. Duo dantur fercula, & unum est de generibus fœminum, ut scilicet fabarum vel lentum &c. aliud vero de oleribus vel ovis coctis in patella. Ad hoc additur de leguminibus, ut unum pomum vel duo, si sunt parva, vel quatuor nuges, vel ficus, vel castanea, vel allium, vel cepe. Ad cœnam vero modicum ministratur, & ut plurimum cruda olera cum aceto & oleo: & si aliquid coctum, tunc in parva quantitate ita, ut sit una consolatio, cum dantur duo ova mollia (quod tamen raro fit) & portio casei.“

Vidus.

a) *Bibl. Asect.*  
T. VIII.

b) *L.c. p. 497.*

In suis statutis observantiæ regularis, quam Mellicenses ad formam disciplinæ Sublacensis compositam an. 1451. visitoribus obtulerunt, prout in chronico P. Schram legitur, non exprimitur qualitas ciborum & condimentorum, nisi in diebus ieiuniorum. Quibus ieiuniorum & abstinentiæ diebus dum penitus passim etiam diebus per hebdomadam vel annum extraordinariis a carnibus abstinent Benedictini, quod non præscribit Regula, dici possunt compensare quodammodo eius rigorem quoad carnes quadrupedum: quorum esus minus delicatus minusque

SECVLUM  
XV.

a) L. c. p. 510.

b) pag. 521.

est pretiosus esu altilium, fecus ac tempore S. Benedicti inter fruteta Sublaci & montis Casini, terræ plagis nemorosis. Martinus Senging Prior Mellicensis in tuitiōibus Regulæ S. Benedicti a) acriter in eos invehitur: „qui nuper auctoritati sacri concilii pertinaciter restiterunt, „& obstinate suis visitatoribus obedire contemserunt, volentibus eos re- „formare secundum regulam suæ professionis, nolentes suscipere absti- „nentiā carniū &c. Nec habebant sibi blandiri spe falsa, si con- „cilium eos ita manere permittit: quia hoc permissive facit, & vellet „eos ad altiora reformare, si hoc absque gravissimis scandalis facere „posset, ac malis, quæ inde orirentur. (Et postea): b) ad reformatio- „nem veram faciendam perneccessaria est abstinentia carniū regularis, „ac ieiunium regulare, quamvis non sint aliqua de substantialibus ordi- „nis, sunt tamen observantiæ corporales præcipuæ, quibus abiectis „quanta inconvenientia sequeretur, videndum erit: & primo ex esu „carniū a Regula prohibito. Nec obstare videtur constitutio Bene- „dicti XII. qui prima facie videtur certis diebus certorum anni tempo- „rum fanis & fortibus monachis Ordinis S. Bened. indulgere eundem „esum carniū: sane autem intellecta nullo modo concedit nec indul- „get huiusmodi esum carniū fanis & fortibus monachis.“

Varios epikiæ modos explicandæ celebri huic bullæ Benedictinæ adhibi- tos notavimus libro superiore, hoc tamen adhuc seculo XV. passim con- suos, ut nimirum facile indulgentia fieret, quandoque toti etiam con- ventui, ad infirmariam carnes comestum eundi. Sic in monasterio S. Blasii an. 1430. quando quidam fratribus carnes ad mensam legaverat in anniversario, id saltem cavuit Nicolaus abbas, ne in refectorium admitter- rentur: „ut fratres ipsi liberalius huiusmodi celebrationi & operationi „interfint, die huiusmodi peractionis & celebrationis cuilibet conventua- „li in domo infirmariæ dicti nostri monasterii carnes duplices, videlicet „coctas & assatas pro uno prandio ministrari & assignari similiter consti- „tuimus.“ Duobus post annis in capitulo provinciali Augustæ apud S. U- dalricum celebrato inter cætera etiam fuit statutum, *dari fratribus duo fercula, unum de ovīs, alterum de piscibus, cum duobus pulmentaribus;* quod ignorare non potuit Nicolaus Abbas, eo in conventu monasterii Murensis visitator constitutus. Nec ullum aliud legitur exemplum, ut totus conventus ad carnes comedendas in infirmariam admitteretur: tan- tum in rotulo serius ad finem iam vergente seculo XV. indultum, *ut quater per annum, hoc est ad festum S. Blasii, in Maio, circa festum Bar- tholomæi & Martini computando quatuordecim dies, prædicta anni tempo-*



*ra aut precedentes aut subsequentes, semper bini & bini phlebotomi sint, idque per quinque dies, quibus singulis quisque eorum accipiant quinque frusta seu portiones de carnibus. Melius hæc cum Benedictina concordant, quæ fuit in capitulo primo provinciali Petershusiano an. 1417. sic confirmata, ut simul epikiæ obex positus videatur, ne conventus saltem extra refectory comederet, his verbis: Item quod fratres comedant & bibant in refectory: in quo nullus omnino carne vescatur. Diligentes sint visitatores, ut constitutiones Benedictinas de esu & abstinentia carniū &c. faciant inviolabiliter observari. Mensaque eorum non desit lectio &c. Concordat Basileense decretum anni 1439. sæpe laudatum. Strictior autem est constitutio Nicolai de Cusa cardinalis legati huiusmodi: Simul reficiant fratres sub mensali lectione usque ad finem refectory continuanda. Carnium esus sit universis omni tempore & loco (casu a Regula permissoduntaxat excepto) strictissime interdictus. Quod quidem excedit præceptum Regulæ. Iacobus Carthusianus mitiorem S. Thomæ in quodlib. q. 9. sequitur opinionem circa carniū esum vel per dispensationem superiorum tacitam vel expressam, per ipsorum dissimulationem sive permissionem, varias movens quæstiones in tractatu, qui inscribitur Petitiones religiosorum pro reformatione sui status, editus a P. Engelberto Klupselio in veteri Bibliotheca ecclesiastica a).*

a) Vol. I. part.  
prior. p. 160.

Perseveravit alicubi seculo hoc XV. usus sagiminis, quando etiam carnes vetitæ erant, loco pinguedinis ex lacte, vel olei, quo solo uti in quadragesima, & apud nos aliis quoque temporibus licebat, quæ de re in memoratis statutis Mellicensibus apud P. Schram ita articulatum præscribitur: „In quadragesima, in omnibus ieiuniis ecclesiæ, nec „non in adventu Domini & feriis sextis per anni circuitum utimur „oleatis, ieiunantes, die parasceves, ut supra tactum est, excepta, & „die natali Domini, quando in feria sexta venerit, quia ibi bina utimur refectory, quando autem oleatis utimur, communiter pro cibo „secundo pisces dantur extra ferias sextas quadragesimæ, in quibus non „dantur pisces, nisi festum aliquod maius occurrat. Cæteris autem ieiuniorum diebus lacticiis vescimur & ovis, sine pinguedine carniū.“ Iam retulimus indultum Philippi Cardinalis ad episcopum Constantiensem an. 1467. rogatu Christophori abbatis S. Blasii, quo subditis sanis butyri, infirmis vero lacticiiniorum usus in quadragesima & aliis ieiunialibus diebus conceditur. Simile indultum legere est apud Crusium in annalibus Sueviæ b) a Nicolao IV. P. Wirtembergensibus datum.

b) P. III. Lib.  
VII. c. 7.

SECVLUM  
XV.

Divisio bono-  
rum.

XLV. Elaborarunt pariter Ordinis nostri Patres in concilio Basileensi conscripti ad eliminandam illam, quam proximis seculis notavimus, divisionem bonorum inter abbatem & conventum, variosque officiales & expensarum rubricas, hac saluberrima constitutione art. 18. *Quum omnia bona monasterii sint pro sustentatione monachorum, & aliis necessitatibus supportandis ordinata, de quibus iuxta exigentiam omnium singulis debet provideri, ut habetur in reg. 33. absurdissimum est, quod abbates & officarii de proventibus monasterii ad superfluitatem eractent, & pauperes monachi claustrales in vestitu, vel in victu, aut aliis necessitatibus, & praesertim in infirmitate corporis egeant: sic quod saepe ad parentum subsidia redire cogantur. Volumus & ordinamus, quod non obstantibus, partitionibus onerum abbatis & officiariorum inter se, omnia necessaria monachis tribuantur de bonis monasterii universaliter: & ad hoc faciendum fiat resolutio usque ad proventus quorumcumque officiariorum & abbatis similiter, nec partitio illa, nec quaecumque alia consuetudo ipsi abbati vel quibuscumque officiariis possit in oppositum suffragari. Super quo volumus praecipue praesides capituli intendere. Eadem de causa postea cavent art. 34. ne victualia, vestimenta, seu alia necessaria monachis dentur in pecunia, seu ex redditibus ullo modo ministrentur, constitutione quacumque aut ordinatione non obstante.*

Sic sane quasi domini rerum sibi in proprium traditarum reddebantur monachi, facileque in animum induco, hinc usum inolevisse, ut passim domini abhinc vocari coeperint Benedictini, ut paullo ante exemplum adduximus. Plurimæque huius ævi chartæ inveniuntur, quibus abbates suis proventus addicunt, legata faciunt, ac testamenta condunt pro anniversariis, plerumque cum magno onere in choro, dum vicissim aliquid refocillamenti conceditur in mensa, subinde cum frugalitatis religiosæ dispendio. Taceo alia ingentia inde in disciplinam monasticam redundantia mala, vitium imprimis proprietatis, cuius suapte natura incapaces sunt monachi. Versatur in hoc argumento Iacobus Car-

a) Franc. Wal-  
chli monim.  
medi ævi p.  
170.

thusianus in libello de negligentia Prælatorum a). In eo autem libello quatuor ordines nominat, scilicet Basilii, Augustini, Benedicti & Francisci, qui debent & tenentur vivere secundum modum apostolica regula, super qua quatuor prædictorum Patrum regulæ fundatæ sunt; ideoque omnia ipsis debent esse communia: unde divisionem rerum sequitur divisio voluntatum. Postea vero quæstionem iniiciens, quare tamen multi monachorum in istam damnabilem proprietatem tam avidè aspirent, quod nec precibus vinci, nec minis ab ea queant reflecti? Respondetur,

b) pag. 199.

pergit b), quod illius duplex est causa, scilicet extrinseca, quæ est negli-

gen-

*gentia Prælatorum, proprietatem in subditis tolerantium; alia est intrinseca, quæ est inordinatus amor in vitam delicatam, quæ requirit pecuniarum usum, ob cuius adeptionem multi intrant religionem, non propter Deum, sed commoda corporum suorum, in seculo de temporalium suorum provisione desperantes. Ita quæ sua sunt, non quæ Dei, queritantes hi monachi, corruptam intentionem proprietariam eorum & vitæ, & mala declarant opera.*

In alio tractatu supra a nobis citato, qui inscribitur: *Petitiones religionum pro reformatione sui status*, agens de fine, quem sibi præstituerant institutores ordinum religiosorum SS. Benedictus, Franciscus „nec non „omnes, (inquit), alii sancti Patres, qui religiones instituerunt, in „suis statutis regularibus communem vitam mandant, atque præcipiunt, in monasteriis suis observare volentes, quod eorum sequaces omnes simul in refectorio ex una olla, ex unoque cellario pascantur, „atque ex uno vestiario induantur, nullusque curam sui ipsius habeat, „sed Prælati illam curam gerant, singulis subditis, prout unicuique „opus fuerit, providentes. Hæc enim sanctorum extat intentio Patrum; nam propter hoc principaliter & religiones extant institutæ, prout omnibus clare constat atque manifeste. Sed heu heu „nunc valde in contrarium est versa & mutata rerum facies: quia per „totam fere Alemanniam omnes utriusque sexus personæ religiosæ atque „regulares curam sui ipsius resumserunt, ac etiam religionem ingrediētes quotidie in ipso ingressu reassumunt singularem vitam, communem „atque regularem minime observantes in suarum periculum animarum, „solis Carthusiensibus ac etiam quibusdam aliis, paucissimis dumtaxat, „exceptis. Sunt enim plerique, qui nec refectorium nec dormitorium „frequentant, sed in propriis ædibus ac habitaculis dormiunt atque reficiuntur, possidentes quidem aurum & argentum, variamque suppellectilem in vasis pretiosis, vestibus atque lectis, servos & ancillas habentes, equos & canes venaticos, & quod turpius est, concubinas cum „pueris earumdem, nullumque religionis vestigium in ipsis reperitur: „quia nec tonsuram, nec habitum deferunt competentem. Sunt etiam „alii in modico religiosiores, qui communem vitam specietenus videntur observare: nam simpliciores inter eos, qui chorales nominantur, „& refectorium quidem frequentant; sed maiores atque officiales, „quorum in singulis monasteriis extant satis multi, in locis particularibus atque angulosis lautius & melius se procurant, possidentes „omnes simul maiores & minores aurum & argentum, id est, pecuniam ad libitum, quasi sibi vestes plures atque meliores liceant, ac

SECULUM  
XV.

„alia, quæ placent, valeant comparare, nec non cum sociis & socia-  
bus, prout libet, possint convivare. Sunt vero alii non pauci his  
„deteriores, refectorium numquam vel raro frequentantes, qui in stu-  
„bis camerisque & locis angularibus se ipsos lautius solent procurare. Si  
„autem aliqui ex eis quandoque refectorium solent visitare, habent tamen  
„singuli in eadem mensa singularia, cum cibo & potu speciali, inæ-  
„qualiter tamen, quia quilibet secundum suam facultatem, prout potest.“  
Iterum & mox etiam peculium incescit, victumque singularem apud mo-  
niales quoque: *Nam, inquit, in singulis monasteriis tot ollula ignem oc-  
cupant in coquina, quot in eisdem mulieres extant residentes: hoc dum-  
taxat excepto, quod quandoque duæ vel tres vel quatuor insimul sibi ci-  
bos solent speciales præparare. Sicque magna & notabilis, imo confusibi-  
lis tam in viris quam in mulieribus religiosis extat inæqualitas in cibo,  
potu & vestitu.* Postquam deinde graviter de neglectu clausuræ apud  
moniales dixisset, pluribus pericula & damna prosequitur ex promiscuo  
usu pecuniarum, *qui, inquit, nunc religiosis omnibus indifferenter vel  
conceditur vel permittitur a Prælatiis.*

Expositi mo-  
nachi ad cu-  
ram anima-  
rum præfer-  
tim.

XLVI. Persæpe abbatibus huius ævi locus & occasio fuit propheti-  
cum illud ingeminandi: *filios enutrivimus & exaltavi, ipsi vero spreverunt  
me;* dum quos peculio, dignitatibus auxerunt & beneficiis, obedientiæ  
iugum excutere niterentur, sibi que indulgerent expositi extra monaste-  
rium, sive rebus monasterii administrandis præpositi, sive etiam curæ  
animarum in exterioribus locis ac parochiis mancipati. Aditabant pas-  
sim hoc tempore episcopi, ut monachi etiam, quo eos magis sibi ob-  
noxios redderent, beneficiis investirentur, quin a suis superioribus seu  
abbatibus ad nutum revocari possent: quod tamen sagaces, prudentes  
& experti episcopi in parochiis regularibus imprimis æltimant, ut, si  
forte officio desint, aut ineptia sua vel negligentia, sive vita & con-  
versatione offendiculo forent, sine difficultate removeri, & in claustra  
sua revocari ac recondi queant.

Certatim seculo XV. novi coloni Benedictini (qui olim fidem chri-  
stianam Germaniæ apostoli intulerant, atque etiam ad finem huius secu-  
li ex monasterio Montferrateni apostolatam in novum orbem, duce &  
antesignano Buellio ex eodem ordine & monasterio, primi susceperant)  
parochiis præfecti sunt in Nigra silva nostra Ordinis S. Benedicti colo-  
nia, præsertim ex monasteriis S. Georgii, S. Blasii & Hirsburgia, aliis,  
passim in locum presbyterorum secularium suffecti, haud obstantibus  
turbis, quas ab ineunte seculo bullæ quædam pontificiæ excitaverant,  
haud



haud equidem contra curam pastorem a regularibus exercendam, qui utpote sacerdotio perinde ac presbyteri seculares initiati, & pro cura animarum adprobati & legitime assumti, ut olim apostolicis, ita etiam deinceps non minus parochialibus functionibus apti sunt habiti. Recruderunt enimvero superiorum temporum lites, in academia præsertim Parisiensi, ut apud Bulæum a) legere est, ob bullam Alexandri V. an. 1409. in gratiam religiosorum mendicantium datam, qua illis licebat ubique evangelium Christi prædicare, confessiones peccatorum audire, sacramenta ministrare, cæteraque munia, quæ curionibus seu curatis parochis competunt, obire: bullam vero illam anno mox sequente 1410. revocavit Ioannes XXIII. ob turbas inde exortas, remque in eodem statu permanere voluit, in quo fuerat ante prædictam constitutionem.

SECTUM  
XV.

a) Hist. Uni-  
vers. T. V.  
pag. 196.

Is ipse vero summus pontifex non unam tantum parochiam a religiosi monasterii S. Blasii, quos septuaginta esse testatur in bulla, expositis administrandam concessit in diocesi Constantiensi: ubi post primum mox seculi XV. annum idem Kirchdorffii in Helvetia indulgit Henrici episcopi Electensis administratorisque perpetui ecclesiæ Constantiensis vicarius in spiritualibus generalis, *sperantes*, ut verba chartæ habent, *non solum monasterium in suo statu per hoc conservari, verum etiam divini numinis cultum, quem ferventer sitimus, augmentari in eodem.* Non primum hoc erat exemplum curæ parochialis a monachis San-Blasianis exercitæ in Helvetia, in qua cellæ in Wislikoven functiones quoque pastorales adhærent, extra Nigram silvam. In hac autem præter vicarios plures ex monasterio ipso in filiales ecclesias ad animarum curam excurrentes, ab iisdem S. Blasii religiosi administrabantur plebanie in Schönau, Totttau, Tottmos &c.: quibus an. 1432. Iulianus cardinalis legatus in concilio Basileensi adiunxit parochiam in Niderwil, & an. 1451. Nicolaus de Cusa cardinalis sedis Apostolicæ per Alemanniam legatus parochiam in Effringen, ut ad eam monachus possit exponi, prout illis in plagis cum cellis monialium Berovii & alibi passim coniunctæ erant parochiæ a monachis nostris curatæ.

Factum id, non obstantibus novis controversiis, quæ idemdem contra regulares excitabantur ob mendicantium privilegia ab Eugenio IV. maxime autem a Nicolao V. aucta per novam bullam an. 1456. consimilem illi, quam ab Alexandro V. obtinuerant mendicantes, ad ecclesiasticas functiones regionatim exercendas, ubi etiam certis constitutis inter se terminis eleemosynas colligebant. Qua de re chartam edimus, Nigram silvam nostram attingentem. Unde vero ratio patet, cur Fran-

SECVLVM  
XV.

a) L. c. p. 200.

Efflorescens  
litterarum  
studium in  
vicinis Nigræ  
silvæ acade-  
miis.

b) L. c. p. 761.  
793. 910. 919.  
Ic.

c) pag. 323.

ciscanis res magis quam Dominicanis cordi fuerit, prout apud citatun Bulæum a) videre est, quomodo etiam res sedatæ sint inter universita- tem & mendicantes, celebratis eodem anno die 18. Mensis Febr. apud Bernardinos seu Cistercienses comitiis.

XLVII. Inolitum id erat, ut academia Parisiensis comitia sua gene- ralia apud Cistercienses ageret seculo hoc XV. quo felix quoque auspi- cium acceperunt studia litterarum in monasterio S. Germani, a *Pratic* appellato, maxime sub *Guilielmo Episcopi* abbate, qui ius canonicum in universitate Parisiensi docuisse fertur, quam imprimis Guilielmus Tu- tavillus cardinalis illustravit, instauravitque, a Ioanne Launoio propte- rea dictus *litterarum in academia iam senescentium ac dissipatarum re- ductor & reformator*. Passim quoque apud Bulæum laudantur nationis Germanicæ, quæ Anglicæ erat sociata, doctores, procuratores, oratores ad regem, rectores, de Praga seu Bohemia, de Bavaria, de Alemannia ex familiis hodieque adhuc cognitis aut existentibus, de Lantman, Kolb, Hemerlin, Krimel, ex Alsatia etiam diocesis Argentinæ, Spirensis item, pluresque ex Constantiensi de Ulma, & Augustana de Gamundia Suevi b).

In Constant. diocesi duæ seculo hoc XV. effloruere academix, Fribur- gensis & Tubingensis: hæc proxima Nigræ silvæ a plaga orientali, il- la faucibus eius adhærens, fundata ab Alberto VI. Archiduce Austriæ Friderici III. imp. fratre, suasu præcipue Mechtildis lectissimæ coniugis supra a nobis laudatæ. Hæc filia Ludovici comitis Palatini, ac cog- nominis Wirtembergiæ comitis vidua, Eberhardo comiti id quoque consilium postea suggessisse dicitur ad condendam universitatem Tubin- gensem, cuius auspiciis Crusius in annalibus Suevicis ad annum 1473. ponit. De Friburgensi Paulus Langius in chronico Citicensi apud Pi- storium ad annum 1463. eodem anno, inquit, *studium universale Fri- burgæ in Brisgoia institutum est, & ibidem usque in præsens floret*. Paulo altius a sua institutione repetit initia academix Friburgensis Ios. de Riegger in prolusione academica *de origine & institutione academix Albertinæ seu Friburgensis* inter opuscula historico-iuridica an. 1775.

Friburgi edita c), scilicet ab an. 1455. quo totum huius rei negotium Henrico IV. episcopo Constantiensi tamquam diocesano commisit Alber- tus, eumque apostolica auctoritate providere iussit. Id quod ille dele- gata sibi pontificis potestate mox executus, tam Friburgi quam in vici- nia die 17. Aprilis an. 1456. novæ huius academix institutionem pub- lica edictis promulgari curavit. Publica foundationis dotationisque in- strumenta dictæ prolusioni academix adiecta leguntur, imprimis Alber-



SECVLUM  
XV.

a) *Grandidier  
Essais sur le  
cathedrale de  
Strasbourg p.  
70. Sc.*

Iacobus Wimphelingus, insigne Friburgensis academïæ iam adolëscentis decus, perinde ac eidem familiaris admodum Ioannes Geilerus Keiserspergius, patria Schafhusanus, inde ex cathedra Theologiæ Friburgensi celebris pro tempore concionator Argentorati factus a): de quo, deque eius antecessore, ac primo in academia Friburgensi professore Ioanne Pfeffero agit integer fasciculus amœnitatum litter. Friburg. Iosephi Rieggeri de historia eiusdem academïæ optime meriti, atque de Ulrico Zasio imprimis, edito eiusdem epistolarum spisso volumine; qui ad finem tandem huius seculi XV. albo academico fuit adscriptus.

b) *pag. 301.*

c) *Hist. aniv.  
Paris. T. V.  
pag. 889.*

Impetrata haud multis ante annis a Sigismundo Austriæ archiduce conservatorem academïæ a summo Pontifice petendi facultate Innocentius VIII. an. 1491. abbatem monasterii S. Trudperti, qui tunc erat Othmarus Arnold, nec non cathedralium ecclesiarum Argentinensis & Constantiensis decanos conservatores ac iudices universitatis Friburgensis constituit, idemque anno sequenti Maximilianus I. imp. confirmavit, ut in analectis b) laudati Rieggeri legere est. Nigra silva nostra sic veluti quaquaversum cincta academiis, quum a septentrione Heidelbergensem haberet, ab occidente Friburgensem, ab oriente Tubingensem, quartam etiam vergente seculo XV. ad meridiem accepit Basileensem. In hac saltem Ioannes a Lapide nobis memorandus venit natione Teutonicus, teste Bulæo, c) qui relicta patria Parisiis artium magister factus litteras humaniores primum docuit. Exinde se ad Theologiam contulit, doctoris in ea lauream adeptus. Memoratur in edicto Ludovici XI. an. 1473. contra Nominales; unde in patriam reversus Realium Parisiensium doctrinam ad universitatem Basileensem (an. 1459. auctoritate Pii II. P. institutam) primus transtulit, atque ibidem perhibente Trithemio & Eifengrenio, plantavit, roboravit, auxit. Ex eo loco evocatus Tubingensis academïæ posuit initia.

Atque ex re-  
formatione  
disciplinæ  
monasticæ.

XLVIII. Hinc Basileam redux canonicatum ecclesiæ cathedralis obtinuit, quo demum dimisso, Carthusiano sese Ordini addixit. Fertilis admodum hic Ordo fuit viris claris doctrina, editisque scriptis sec. XV. ex quibus iam supra memoravimus nonnullos Carthusiæ Friburgensis in Nigra silva doctores. Hic vero duce Paulo Langio & Eifengrenio inter orthodoxos matris ecclesiæ doctores nominamus saltem Bartholomæum Priorem domus Bethlehem in Ruremunda Geldriæ oppido, Ioannem de Teneramunda, Priorem domus Sillinaci in Sabaudia, Oswaldum Anglicum, Iacobum Carthusianum, non confundendum, ut a nomine factum, cum Iacobo Groytrodio item Carthusiano. Utrumque recte distinguit Eifengrenius, eisque, post Dominicum monachum Carthusiæ S. Albani prope Tre-



Treviros, interponit celeberrimum Dionysium Carthusianum Ryckel, aliis de Seewis, Ruremundensem item, quamvis de innumeris illius scriptis pauca admodum commemoret. Paulus Langius ad magistrum suum Trithemium de scriptoribus ecclesiasticis provocans in chronico Citi-  
 censi ad an. 1460. Iacobo de Gruytrode tribuit quinque illa vulga-  
 tissima, ut ait, pariter & clarissima, prælatorum videlicet, & subdito-  
 rum, sacerdotum &c. specula, quæ perperam Dionysio Ryckel adscri-  
 buntur: celebrat tamen Dionysium ceu theologum excellentissimum,  
 qui propter multa & varia, quæ eleganter & utiliter scripsit, alter ævo  
 suo Augustinus sit habitus. Vel solus hic sufficere queat testis verita-  
 tis, quod in otio ac solitudine religiosa monachus vitæ sanctimoniam  
 cum scientiis studioque litterarum quam optime coniungere possit.

SÆCULUM  
XV.

Sæpe laudatus a nobis Iacobus Carthusianus in negotio reformationis  
 præcipuus auctor, etiam Trithemio in catalogo illustrium virorum a) 2) Opp. T. I.  
 antea cuiusdam coenobii Cisterciensis abbas fuisse memoratur, & ob  
 spem emendationis vitæ dignitatem pastoralis curæ cum Ordine deseruif-  
 se, locumque in Salvatoris monte (Erfordienfis Carthusiæ) impetrasse,  
 ubi scribendo & docendo fama divulgatus, usque adeo nomen doctōris ob-  
 tinuit, ut eius verba scriptaque pro Apollinis oraculo haberentur. Is,  
 ex relatione P. Klüpfelii in præfatione bibliothecæ ecclesiasticæ, Iuter-  
 buckius ex natali solo in Saxonia dictus, apud Polonos in monasterio  
 Claræcumbæ in monachum attonsus, inde etiam Iacobus de Polonia,  
 & Cisterciensis fuit appellatus, uti a monasterio Iacobus de Paradiso,  
 iuxta Walchium in præfat. I. monimentorum mediæ ævi. Attamen apud  
 Paulum Langium in chron. Citic. ad an. 1460. distinguuntur Iacobus  
 de Iuterbuck, cuius, inquit, scripta religiosi sunt accommodatissima,  
 omni scripturarum doctrina referta, & Iacobus de Paradiso, quem ap-  
 pellat doctorem luculentissimum, eumque immediate iungit Iacobo Iu-  
 terbuck, cuius vitam scripsit Iacobus Volradus eiusdem ordinis. Hic  
 quum & ingenii & industriæ præclara indicia præferret, a Paulo ab-  
 bate suo missus est Cracoviam ad perdiscendas sublimiores litteras tam  
 philosophicas quam theologicas: in quibus eum progressum fecit, ut  
 supremam in utraque facultate lauream ferret. Sed ipsum hac de re  
 audiamus loquentem in fragmento sermonis, quem habuit an. 1432.  
 fer. 3. ante Purificationem, apud P. Klüpfelium b): *Recolens, me a*  
*pulveribus civilis & rusticane sobolis traxisse originem, & in camino*  
*paupertatis plurimis annis delituisse, a quibus erectum ad sacri sacerdo-*  
*tii, imo ad statum religionis & perfectionis me subvexit, gradatimque*  
*ad*

b) Bibl. vet.  
eccles. Vol. I.  
pag. 169.

**SÆCULUM**  
**XV.**

ad ascensus artium philosophia & theologia facultatis usque ad apicem summi magisterii in sacra theologia me vocavit, quod quidem inter compares meos, religiosos mei Ordinis, nedum in hoc regno, imo & in pluribus regnis in Alemannia rarissimum est, aliquem scilicet ex meis fratribus ad hunc gradum pertigisse, quod soli mihi bucusque Divina auspice gratia conspicio reservatum &c. Is vero tractatum suum, quem inscripsit *Petitiones religiosorum pro reformatione sui status*, concludens, doctores & magistros, sacrae videlicet theologiae professores atque utriusque iuris, nomine diversarum religionum, monasteriorum & conventuum utriusque sexus, pluribus obnixè obtestatur, quatenus divinae pietatis intuitu aeternae remunerationis nos miseros & simplices de praescriptis motivis atque dubiis statum nostrum & profectum atque salutem concernentibus imo & summe necessariis, informare atque certificare clare & dilucide secundum nudam certamque veritatem, prout divina aeternae sapientia vobis inspiraverit, nec non unctio & ratio docuerit, dignetur vestra charitas atque probitas veneranda.

Quantum reformatio monastica bonis litteris litteratisque debeat, id hoc seculo XV. omnes illae congregationes Benedictinae reformatae exemplo suo docuerunt, ipsique reformatores doctrina perinde ac vitae integritate sanctimoniaque illustres, Ioannes de Rhode, cognominesque Ioannes abbas Castellensis, & Ioannes de Indagine Bursfeldensis, quive ei quartus in reformatione successit Ioannes, cuius obitum Trithemius in chron. Hirsaug. ad annum 1502. commemorat, aliosque cum Eisen-grenio a nobis iam supra notatos. Hos inter praecipuus est Martinus de Senging Prior Mellicensis, quem nunc idoneum cumprimis testem adducimus, qui dum ipse, quam recte cohæreat arcta disciplina cum doctrina, ad S. Bernardi exemplum provocasset, ita tuitiones Regulæ S. Bened. prosequitur a): usque hodie quoque, ubi regulariter vivunt, dicuntur Regulam servare ad litteram. Sicut igitur tunc illi carnis lapsus timentes, hominum consortia fugerunt, ut Regulæ observantiam continuare possent, qui lapsus carnis maxime evenit ex continuatione esus carniarum, non fuerunt a Deo deserti, sed mirabiliter multiplicati, & nedum per personas litteraturæ simplicis, sed etiam doctas & bene naturatas: ita hodie, ut experientia docet, augetur numerus personarum mirabiliter. Multi enim videntes diabolum expulsam a locis monasticis, ob vitam in eis introductam Deo placitam, ac secundum Regulam S. Benedicti statutam, multi, dico, scientia & moribus praeclari, genere clari, magnarum possessores divitiarum, omnia reputarunt ut stercora, ut Christum lucrifaciant, seculo diu fidem servantes, tandem ad Christum con-

versi

a) *Pres. Bibl.*  
*Afct. Tom.*  
*VIII. p. 526.*

versi sunt. Novi enim unum monasterium solenne ord. S. Benedicti, ubi ante ipsius reformationem fuerunt monachi ad maximum numero quatuordecim, quamquam uberes habuerint fructus, annos videlicet omnis sterilitatis expertes, ubi unusquisque vivebat, prout voluit, emendo vendendoque portionem suam prabendalem, nec inter multa monasteria etiam vix unum fuisset repertum, in quo aliquis fuisset doctus, nisi forte scientia instante. Nunc vero in eodem monasterio, de quo supra memini, sunt plusquam septuaginta personæ religiosæ post ipsius reformationem, quarum multe sunt graduatæ, adeo quoque dietim confluunt, ut iam locus cito non possit capere: & licet his temporibus sint anni steriles, oporteatque iam dare magnas stearas & continuas, tamen nihilominus Deus illis bene providet, quippe quorum oculi in Deum sperant; ut det illis escam in tempore opportuno.

Paulus Langius in chron. Citic. Petrum abbatem suum, quem ob nimium rigorem ad an. 1485. inceserat, a doctrina tamen & assiduo labore dilaudat, iuvenem quidem adhuc monachum, scribam vero velocem & excellentem, qui multos pro bibliothecæ ornamento & decore usuque fratrum propria scripsit manu codices: quos inter cuncta pene Iacobi Carthusiensis (modo & sæpe alias laudati) celebratissimi theologi opuscula (uti in præsens cernitur) accurate & laboriose conscripsit, & ligavit, & ex in legenda communi pro utilitate intra bibliothecam posuit. Factus is abbas iam vergente ad finem sæculo, libris arte typographica impressis bibliothecam suam studiosissime ornandi & locupletandi occasionem arripuit: omnes siquidem libros, verba sunt Langii, & tractatus, quos bibliopola venales attulerunt, & potissimum quos antea non habebamus, tamquam margaritas dominico in agro repertas absque mora comparavit, moxque ex integro per ordinem legit, lectos mihi minio pingendos, vel (ut aiunt) rubricandos tradidit, rubricatosque & capitalibus litteris insignitos materiæ iuxta congruentiam composuit, sicque ligandos dedit. Quo facto ipse ultimate fibulis sive clausuris a se artificialiter factis accurate clausit, tandem registellis distinctos & stallis bibliothecæ imposuit. Eorundem tamen lectio non adeo communis fuit & libera, cum quemlibet fratrem unico oportebat fore contentum codice. Quamquam unus (ut ioco loquar) etiam cuique studiosissimo toto anno pro studio suffecerit codex; cum æstatis tempore, tum præsertim diebus ferialibus labores ob manuales pene nullum legendi arrikerit tempus, cum etiam frequenter studium ipsum regulare, & meridianæ quietis tempusculum subtraheretur. Sed neque tunc passim communi fratrum pro usu tot libri, uti modo, publicitus fuere expositi. Solum quippe Rationale divinorum officiorum

SECVLVM  
XV.

Et Catholicon ille magnus, ac paucula pleraque scholastica quodam in loco pulverulento communi pro studio palam exstabant.

Vel me non monente ipsa sese ratio prodit, quo modo cum observantia regulari, frugalitate, solitudine & silentio apto quodam vinculo cohæreat doctrina & abundantia, cuius rei sufficiens testimonium reddit Mellicensium Mss. bibliotheca a P. Martino Krapp edita, manu exaratis huius ætatis operibus referta, qua eiusdem monasterii disciplina fuit reformatâ, atque instituta celebris Mellicensis congregatio. Eliminata siquidem per eiusmodi reformationes otiositate, quæ Regula monente & experientia testante inimica est animæ, monachi omnino ad salutaria litterarum studia sensim compellebantur, maiore utique cum fructu, quam si superficiali quodam & inutili sæpe manuum labore occuparentur. Consimile fere huiusce litterarii laboris exemplum nobis præbet *templum honoris* monasterii Wiblingensis, antiquæ D. Blasii colonniæ, in manuscriptoribus sub reformatore Udalrico abbate. Paulatim quoque per seculi XV. reformatores in aliis etiam monasteriis via patefacta est ad restituendas in illis litteras, virosque litteratos monachos, dum prius fere per ludimagistros seculares, clericos plerumque ac sacerdotes scholæ per aliquot secula utcunque fieret. Serius quidem in S. Blasii monasterio fructus suos protulit cura illa, quam iuvene iam seculo XV. Ioannes I. & II. huius nominis abbates salubribus suis institutis in favorem scholarium, paucorum equidem impenderunt. Mèlior profecto tutiorque fuisset restitutio studiorum in ipsis monasteriis, professoribusque monachis, quam ut in academias aliaque exteriora studiorum loca mitterentur iuniores monachi, eo nempe fine, quo cautum iam fuerat per *Benedictinam* sæpe laudatam, ne per civitates vagarentur eiusmodi studentes, semperque essent sub oculis superiorum quorundam seu Priorum constituti: quam in rem statutum aliquod in decretis Basileensibus an. 1439. habetur. Neque porro hinc præcautum satis erat alteri defectui, necessario inde enascenti, quod iuniores eiusmodi studentes monachi dum scientias in seculo paullo ante abiurato quærent, eiusdem quoque mores vix depositos resumant, ac monasteriorum suorum vivendi rationi, consuetudinibus ac laboribus haud assueti, non nisi ægerrime sese iugo illi subiiciunt, quod modicum adeo paullo ante subierunt. Atque ipsa hæc ex cæteris causis non postrema fuit, cur a studiis litterarum, ex Academiis nimirum hauriendis, tantopere abhorruerint ævo illo plerumque abbates, dum proclive adeo fuit recipere iuniores monachos a studiis academicis redeuntis indisciplinatos,



natos, aut superbientes, ac spiritu mundano repletos, qui loco scientiarum nonnisi discordias in congregatione nutriebant, ipsamque per hoc disciplinam religiosam labefactabant. Unde illæ quorundam ad Trithemium abbatem, qui restituendis monasticis studiis, postquam vix non plene sec. XV. exoleverant, sedulo incumbibat, factæ querelæ teste Langio eius discipulo: *quid monachis tantopere commendas inane studium litterarum, quod eos non humiles reddit, sed contumaces & superbos? nos in monachis nostris non scientiam requirimus, sed humilitatem.* Fuerint tamen forte huiusmodi inculpationes simul quoque excusationes, quibus se sæpe contra doctiores aut magis laboriosos munire solebant negligentes, vulgari illa parœmia: *scientia inflat*; quem vero infantem spiritum vix magis, quam in desidiosis reperire olim etiam licuit.

Neminem autem ipse Trithemius in hac re tantopere refragantem habuit, quam ipsos suos Spanheimenses monachos, qui etiam optimum suum hunc abbatem apud visitatores suos accusare haud verebantur. Hoc illis exprobrans in sermone seu exhortatione ad eos habita: *Sunt, inquit, inter vos quidam, qui scientiam salutarem nesciunt, sunt etiam, qui discere negligunt; quid? si addam, esse & alios, qui scientiam divinarum scripturarum penitus contemnunt? Certe non mentior, vos scitis, quia verum est, quod dico. Nam studiis meis nonnulli vestrum usque ad invidiam graviter adversati sunt, aratorem se malle habere prælatum quam oratorem cadillantes. Nonne & visitatores in suam trahere sententiam tentaverant, cupientes me illorum hortatu in abnegationem traducere scripturarum, ut rusticulam facerent, & curatorem porcorum magis quam animarum? Sed frustra conantur divinum impedire oraculum, quo impellente omnes mundi honores atque divitias, quamdiu vixero, studio postponere decrevi scripturarum. Scio enim vere, nihil in hac vita homini claustrali salubrius posse contingere, quam si divinas cæperit scripturas veraciter amare. Quisquis vestrum hanc meam institutionem sequi voluerit, me ducem itineris pariter & comitem habebit; qui autem sequi discentem contemserit, docentem audire nihilominus habebit &c.* De sacris tantum litteris sermonem hic facit Trithemius; forte tamen inter suos habuit, qui alia in illo, quam sacratiora hæc reprehenderint studia, vel etiam assiduitatem in diversis studiis nimiam, dum iuxta Sapientem omnia tempus habent.

Utut vero parva apud suos, maxima tamen fuit Ioannis Trithemii apud externos cum principes, tum viros litteratos existimatio, ac eos, etiam, qui tunc admodum delicati affectatione quadam elegantie latini

SECVLVM  
XV.

sermonis plerumque studia aliena, quasi suis humilia, facile despicatui habebant, iuvenili præsertim adhuc ætate. Hosce inter æstimatores erat Nicolaus Gerbelius Pforzensis Iuris consultus Viennæ, deinde Argentorati historiam professus, qui in epistola ad Trithemium ipse sibi gratulatur, se felicissimo hoc seculo natum, *quo tot illustres viri nee ignobilis famæ in Germania passim prodire, quos inter tu unus es, qui cum litteris latinis & hebræas & græcas apud Germanos fecisti locupletiores, inter quos tantum polles & enitescis, ut an cuipiam te comparem, an præferam cunctis, in trivio sim, fluctuemque Chremetis instar Terentiani &c.*

Humanio-  
rum, elegan-  
tiorumque  
litterarum  
reflorescens  
studium.

XLIX. Mirum omnino sit, tantam Trithemio laudem tribui a discipulo Ioannis Capnionis seu Reuchlini, Pforzheimio septentrionali silvæ Nigræ nostræ limite oriundi, qui cum Rudolpho Agricola hebraicam græcamque linguam cum elegantia latini idiomatis in Germaniam nostram intulisse visus est. Ipse enim in epistola ad Fabrum Stapulensem testatur, se in Germania ludum Græcæ linguæ aperuisse, quam in Gallia acceperat, quum adolescens adhuc Parisios iam an. 1473. profectus esset in comitatu Friderici marchionis Badensis, episcopi postea Ultraiektini, instructore ibidem usus Gregorio Typhernate. Hic nempe capta an. 1453. a Turcis Constantinopoli cum aliis doctissimis Græcis in Italiam est dilapsus, indeque & post eum alii, quos Bullæus ad an. 1470. nominat, Parisios. Ubique vero gentium cum linguæ græcæ studio latinæ quoque linguæ culturam, elegantiorumque litteraturam exstimularunt fato quodam, quod nostris temporibus revocari videtur nimia affectatione & studio elegantiorum seu humaniorum litterarum, quas Galli *belles lettres*, Germani *die schöne Wissenschaften* adpellant. Hæ dum nimium depereuntur, vix iam aliud quid solidi ferique studii sibi sufficere placet in ipsis etiam theologicis scientiis, religionisque negotio: exemplo nimirum ac imitatione coryphæorum, qui antesignani extiterunt fidei Christianæ irriforum ac contemtorum, idque maiore adhuc periculo, quam illa, in qua nunc versamur ætate, seculo nimirum XV. factum, quo tamen exclusum ovum fuisse a multis iam est animadversum, quod proximo sec. XVI. adolescente primum in Germania foetificavit in ipsius & aliarum nationum perniciem: iamque etiam seculo XV. seu in ipso enixu in Italia & alibi se prodidit mali corvi huius malum ovum: atque inde etiam factum videtur, quod multi religiosi prælati a promovendis apud suos litterarum studiis deterrentur.

Caput seculo XV. extulit genus quoddam hominum sociale, quale quidem iam sec. XIV. coaluit sub Gregorio XII. a quo etiam nomine focii Gregoriani sunt appellati, postea clerici Hieronymiani, nec non fratres in communi viventes, seu fratres de penna, eoquod calamo ac scriptis victum sibi atque existimationem comparabant, & quidem complures egregiam. Ex his propius ad nos pertinet Erasmus Roterodamus, qui ex Basilea in proxime adhærentem quoque Nigram silvam nostram, atque efflorescentem præprimis tunc academiam Friburgensem excurrit. Occurrit ex iis etiam Gabriel Biel, a vico haud procul a silva nigra remoto sic appellatus, presbyter Spirensis, & Præpositus Uracensis vel Schönbuchensis, prout eum supra notavimus S. Scripturæ doctorem. Eifengrenius hic distinguit inter Gabrielem Biel & alterum Uracensem, professorem theologiæ in academia Tubingensi ad finem vergente seculo XV. Gregorius Rivius Puritanus in monastica historia occidentis a) fusius de clericis Hieronymianis seu fratribus communibus agens, eos in novam silvæ Schönbuchensis domum delatos fuisse ceu traducem clericorum, quos Colonienfes vocat, e domo Widenbach seu ad latum rivum, ex nomine Capellanorum colligit: *Imperatori enim Friderico III. addit, Colonia tum commoranti spectata fratrum domus Widenbachensis (in censum collegiatorum iam ante receptorum) virtus adeo placuerat, ut in sacri Romani Imperii vicarios & capellanos in perpetuum receperit.* Hac de causa, ut puto, apud Crusium Gabriel Biel dicitur *ein Kapplins Münch*, per quem Eberhardus Barbatus Wirtembergiæ comes academiam Tubingensem plantasse eidem Rivio videtur; ubi tamen primus Rector fuit Ioannes Naclerus celebris chronographus. Eifengrenio autem ad an. 1486. Conradus Sumerhart Calvensis Suevus (Nigrasilvanus) sacrae paginae doctor, Gymnasii Tubingensis dicitur primarius fundator atque professor, philosophus clarissimus, rhetor insignis, atque theologorum sui seculi princeps, qui quatuor libros sententiarum Lombardi exposuit; scripsit præterea orationes plures ad Patres Hirsaugiensis cœnobii, imprimis autem, quod Deus homo fieri voluerit, quodque Messias prophetis in lege promissus advenerit. Obiit demum an. 1502. in Schutterano cœnobio.

SECVLVM  
XV.

a) Cap. 161.  
p. 403. &c.

L. Mentio postremo etiam aliqua artis typographicæ est iniicienda, quo invento seculum XV. omnium maxime ornatur. Huius auspicia quædam sibi vindicat Argentoratum, ut breviter in *Itinere Alemannico* explicavi ex iis, quæ mihi Argentorati tunc præsentis oculis demonstravit Io. Schöpflianus, idque in vindiciis typographicis extra dubium posuisse visus est,

Initia artis  
typographi-  
cæ.

SECVLVM  
XV.

quantum ad typos mobiles attinet. Immobiliū vero incerta est ætas, ac perinde etiam locus inventionis, rarissime expressus in singularibus tabellis, qualem aſterculo libri conglutinatam poſſidet bibliotheca San-Blasiana, quæ exhibet martyrium S. Sebaſtiani cum oratione ad eundem Sanctum, anno 1436. caractere Romano & arabicis numeris appreſſo. Sed initia hæc ac prima quaſi crepundia fuere artis antiquiſſimis etiam temporibus non penitus incognitæ: quæ nobis ſingulari hac de re libro Dan. Schöpſlinus Argentoratensis olim Academiae lumen exhibuit. Gloria vero inventæ artis typographicae ſeculum XV. manet, caracteribus mobilibus Argentorati ſculpi cœptis, ſuſis deinde Moguntia, unde etiam oriundus erat Ioannes Guttenbergius primus eius auctor Argentorati, quæ urbs in vicinam Nigræ ſilvæ partem iurisdictionem ſuam eccleſiaſticam extendit.

Argentorati vero haud ſubſtitit, ſed incunabula tantum artis ibi reliquit Guttenbergius, Moguntiam reſſus, ubi ipſam cum Ioanne Fuſt perfecit, quæ propterea paſſim artis impreſſoriae inventrix prima dicitur in librorum tunc impreſſorum ſubſcriptionibus. Talem notatu ſane dignam ſubiicimus a), quæ legitur in fine chronici Conradi abbatis Urſpergenſis; in qua quaſi genealogia typographiæ quædam habetur.

Exinde vero circa an. 1460. ut videtur, diſperſis ob bellum Moguntinum ſociis, in orbem terrarum tandem divina hæc ars pervasiſt, in Italiam primum, & quidem in Sublacenſe monaſterium, unde olim primordia accepit ordo S. Benediſti, atque poſt mille fere annos etiam eiusdem reformatio ſec. XV. in Germania, ut ſupra intelleximus, reſloruit, a monachis quidem Teutonicis monaſterium illud tunc incolentibus plantata. Quæ ipſa eſſe cauſa potuit typographis Teutonicis, cur primum ad Sublacenſem oram diverterent, prout iam Cardinalis Quirinus animad-

a) Impreſſum & completum eſt præſens chronicarum opus. anno dñi MDXV. in vigilia Margaretæ virginis. In nobili famoſaque urbe Moguntina, huius artis impreſſoriae inventrice prima. Per Ioannem Schöffer nepotem quondam honeſti viri Ioannis Fuſth civis Moguntini, memorate artis primarii auctoris. Qui tandem imprimendi artem proprio ingenio excogitare, ſpecularique cœpit anno dñicæ nativitatis MCCCCL. indiſtione XIII. regnante Illuſtriſſimo Rom. Imperatore Friderico III. Præſidente Sanctæ Moguntinæ Sedis Reverendiſſimo in Chriſto Patre Domino Theoderico Pinſerna de Erpach principe Electore. Anno autem MCCCCLII. perfecit deduxitque eam (divina favente gratia) in opus imprimendi opera tamen ac multis neceſſariis adinventionibus Petri Schöffer de Gernsheim miniſtri ſuique filii adoptivi, cui etiam filiam ſuam Chriſtinam Fuſthin digna laborum multarumque adinventionum remuneratione nuptui dedit. Retinerunt autem hi duo iam prænominati Ioannes Fuſth & Petrus Schöffer hanc artem in ſecreto (omnibus miniſtris ac familiaribus eorum, ne illam quoquoſmodo manifeſtarent, iurciurando adſtriſtis). Qua tandem de anno MCCCCLXII. per eosdem familiares in diverſas terrarum provincias divulgata haud parum ſumpſit incrementum.

Cum gratia & privilegio Caſareæ Maieſtatis iuſſu & impenſis honeſti Ioannis Haſelberg ex Aia (Angia) maiore Conſtantienſis diocæſis.



advertit in vindiciis vitæ Pauli II. P. cap. 1. ubi scrupulum eximit Montefalconio ægre sibi in Itinere suo Italico persuadenti, prius in Sublacensi cœnobio libros excudi cœpisse, quam in ipsa urbe Romana: Maitairio quoque in annalibus typographis certum est, primam Lactantii institutionum editionem prodiisse non Romæ, sed in monasterio Sublacensi an. 1465. ac valde credibile eidem est, ibidem excusum esse S. Augustinum de civitate Dei, quum utriusque character idem omnino sit, quamvis in posteriore nec loci nec typographi indicium, sed tantum annus 1467. appareat.

Bulæo teste a) Udalricus seu Ulricus Gering Germanus, cuius fata & opera describit Chevillierius b) regnante Ludovico XI. circa an. 1470. Lutetiam venit cum duobus sociis Martino Cranzio & Michaelae Friburgerio, qui in via Iacobæa ad solem aureum artem typographicam primi exercuerunt, & speculum vitæ humanæ Roderici Zamorensis episcopi recens excusum Ludovico regi dedicarunt. Ulricus Gering Constantiensis erat patria, uti ipse se nonnumquam in librorum a se editorum subscriptionibus nominat; non vero, ut traditio fert Lucernensis pagi in Helvetia, ubi typographica ars iam an. 1470. exercebatur. Eo siquidem anno prodiit *Mammotrektus*, & anno 1472. Roderici Zamorensis episcopi *Speculum vitæ humanæ*, eiusdemque alia editio an. 1473. per Eliam Helix canonicum Beronæ in Argovia; incertum tamen, an in eodem collegio, vel in vicina quadam typographia. Michaellem Friburgerium Geringi socium Friburgo oriundum fuisse existimamus, artis tamen impressoriæ in ea urbe, atque adeo Nigra silva nostra, nullum seculo XV. hætenus vestigium invenimus.

De urbe Spirensi dubium ingerit nomen Vindelini Spirensis, quem certum est Venetiis primum artem typographicam exercuisse an. 1471. & proxime sequentibus. Extat editio operum S. Cypriani an. 1471. etiam in bibliotheca San-Blasiana, per Vindelinum Spirensen: quam tamen Venetiis non Spiræ apud Nemetas, impressam fuisse cum aliis tenet Card. Quirinus in appendice ad vitam Pauli II. c), qua comprobatur, Pauli II. pontificatus felicitati deberi optimorum scriptorum editiones, quæ Romæ primum prodierant post divinum typographiæ inventum, a Germanis eam in urbem advectum.

Quod urbem Constantiensem attinet, P. Engelbertus Klüpfelius d) describit breviaria Constantiensia primum typis edita Ottone IV. episcopo ex illustri comitum de Sonnenberg genere an. 1482. Reutlingæ in confinibus Nigræ silvæ, expensis Ioannis Otmar civis Reutlingensis, qui postea

a) *Hist. univ. Paris. T. V. pag. 918.*

b) *Histoire d'imprimerie.*

c) *pag. 160.*

d) *Vet. Bibl. eccles. Vol. I. P. I.*

SECVLUM  
XV.

postea Tubingæ, ab anno 1502. usque 1514. artem typographicam professus est Augustæ Vindelicorum. In prima mox parte notabilis est error typographicus, dum pro anno millesimo quadringentesimo legitur millesimus tantum his verbis post festa Sanctorum propria: *Finit pars hyemalis de horis canonicis itinerarii secundum consuetudinem Constantiensis diœcesis feliciter elaborati in Rütlingen expensis Ioannis Otmar anno ab incarnatione millesimo octogesimo secundo tertia feria ante Nativitatis Mariæ.* Error vero corrigitur post commune Sanctorum in hæc verba: *Finit pars hyemalis horarum canonicarum secundum cursum & formam Constantiensis diœcesis in Reutlingen sedule impressa anno MCCCCLXXXII. regnante mortalitate in Alemannia universa, circa Michaelis archangeli festum.* Sine nomine typographi & loco impressionis notat idem P. Klüpfelius breviarium ecclesiæ Constantiensis typis vulgatum an. 1495. curante Thoma Berlovero episcopo, iterumque an. 1499. operam typographicam conferente Erhardo Ratdolt Augustano, de quo in fine partis hyemalis hæc leguntur: *Kalendarium, psalterium, hymni, breviarium, commune Sanctorum iuxta chorum ecclesiæ Constantiensis diligentissime emendatum Erhardi Ratdolt viri solertis mira imprimendi arte, qua nuper Venetiis, nunc Augustæ Vindelicorum excellit nominatissimus, explicat feliciter. Anno Domini MCCCCXCIX.* Pagina postrema sistit insignia typographi præfixo hoc dyticho:

*Erhardi Ratold felicia conspice signa,  
Testata artificem, qua valet ipse manum.*

Idem artifex an. 1501. directorium Constantiense, an. 1503. diurnale secundum ritum chori Constantiensis ecclesiæ &c. an. 1504. & seq. missale Constantiense, demum annis 1509. & 1516. breviarium an. 1499. impressum iterato excudit Augustæ Vindelicorum, singula hæc auspiciis vigilantissimi episcopi Constantiensis Hugonis de Landenberg. Idem plures editiones breviarii & statutorum synodaliū Constantiensium finiente sec. XV. & ineunte XVI. factas recenset.

Operæ pretium est, mentionem hic facere editionis sec. XV. quæ manca servatur in bibliotheca San-Blasiana, continetque Germanice vitam S. Fridolini Nigræ silvæ Rauracis conterminæ Apostoli cum figuris ligno incisis rudissimi operis: eo concinniores sunt characteres vernaculi Gothici, quales passim in primitiis typographicis in Germania conspiciuntur. Editionis huius a nemine, quod sciam, eorum facta est recensio, qui primordia artis typographicæ illustrarunt.

LIBER



## LIBER XI.

*Nigra Silva seculo Christi XVI. Ordinis  
S. Benedicti XI.*

## I.

**I**ngredimur infaustissimum post Christum natum æræ christianæ seculum XVI. quo machinæ omnes ad subvertendam avitam religionem ecclesiamque apostolico-catholicam sub specie prætextuque reformationis sunt admotæ. *Descendit pluvia, & venerunt flumina, & flaverunt venti & irruerunt in domum illam, & non cecidit: fundata enim erat super petram.* Matth. VIII. 25. Notabimus suo loco philologicos magis quam theologicos conatus virorum elegantioribus litteris clarorum, \*qui dum paratragædiantur in disciplinam Ecclesiæ ac ecclesiasticorum vitia, quasi per cuniculos ipsam Ecclesiæ structuram labefactare videbantur. Id genus Iac. Spiegelius Maximiliano I. a secretis avunculi sui Iac. Wimpelingi medullam pragmaticæ sanctionis, quam ipse Wimpelingus an. 1510. Maximiliano oblatam postea Vulcano destinaverat, an. 1520. in lucem edidit, dum iam prima semina spargerentur discordiarum.

Prima semina  
turbarum  
circa religio-  
nem.

Epocham Paulus Langius apud Pistorium a) belli litterarii, ut vocat, inter Lutherum & Romanenses, cum aliis ab an. 1517. repetit, rem autem enarrare orditur iam inde ab an. 1513. Refert ad annum frequentem Io. Reuchlini Pforzensis Nigra-Silvani cum Io. Pfefferkorn controversiam de Iudæorum libris non cremandis, Dominicanorum nonnullorum studio in academia Colonienſi primum, deinde aibi ipsaque Roma fotam: unde in monachos declamandi occasionem arripuerunt Reuchlinistæ. Reuchlini patrociniū suscepit Lutherus eiusque factio, atque adeo adversæ parti causa subnata est Reuchlinistas involvendi negotio Lutherano, ut Erasmus Roterodamus ad Albertum Pium principem Carpensē scribit lib. XXXI. ep. 44. Inter opera varia Hermani von der Hardt extat tomo primo *Iubilæum Reuchlinum Symbolicum celebratum in academia Iulia an. 1512. mense Octobri & Nov. resuscitatum an. 1515. mense Octobri cum figuris: ubi ad eius imaginem, ex Io. Hen. Mayo in vita Reuchlini, celebratur hoc disticho:*

a) *Scriptor.*  
*rer. Germ. T.*  
*I. p. 1203.*

*Primus Reuchlinus, quo porta Harcinia fontes*

*Veri monstravit, barbariesque dolet.*

Sequuntur Philippi Melanctonis & Martini Lutheri testimonia, quibus eum suum præceptorem agnoscunt.

SECVLUM  
XVI.

Martino Lu-  
thero incen-  
tore.

II. Fuit Martinus Lutherus ipse etiam monachus ordinis eremitarum S. Augustini, cui familiæ similtas tunc fuit cum Dominicana, incensore potissimum Ioanne Staupitio familiæ Augustinianæ vicario, hyperaspiste præcipuo Martini Lutheri, qui a Friderico Saxoniae duce ad novam abs se Wittenbergæ erectam academiam professor admotus ultima Octobris anni 1517. publicas exposuit theses contra Indulgentias, quas tunc Dominicani promulgabant ad constituendum contra Turcas ærarium militare, teste Raynaldo num. 56. ad h. a. ex principum unanimi cum Leone X. P. & cardinalibus consensu, præposito huic promulgationi per Albertum Brandenburgicum metropolitam nostrum Moguntinum Electorem Io. Tezelio Dominicano, qui etiam Francofordi ad Viadrum Luthero opposuit theses, Lutherus vero anno sequente 1518. suarum explicationes; iamque res indies magis magisque exacerbabatur, ut Maximilianus I. imp. pontificem rei commonefaciendum esse duceret, pontifex vero serio rei satagendum.

Igitur Leo X. edita anno 1520. die 15. Iunii bulla Romæ Lutherum damnat; is vero re comperta effrons pontificem incessit dictariis, ius pontificium Wittembergæ palam & publice comburit: ad concilium appellat; principes datis litteris ad excutiendum papæ iugum excitat: librumque edit eius argumenti, *Captivitas Babylonica* inscriptum. Sequenti anno 1521. ad comitia imperii Wormatiam, ubi publica pax per Germaniam decreta est, vocatus, dum causam suam agit, iam sui immemor, qui superiore anno ad concilium œcumenicum appellaverat, omnem Ecclesiæ auctoritatem abiicit, se neque papæ neque conciliorum decretis posse causæ decisionem submittere professus, sed soli sacræ scripturæ. Proscribitur Ecclesiæ rebellis a Carolo V. imp. eiusque libri tamquam novatoris & hæretici publice ante palatium cremantur; solus Fridericus Saxoniae dux susceptum abscondit in arce Alstadiana, quam Lutherus suum Pathmos nominat, compluresque scribit libros, quibus suos errores disseminat, novos identidem, missam quoque privatam abrogat; fratresque Augustinianos sodales suos, ut idem faciant, hortatur. Erant tunc, qui ad nos nunc attinent, Augustinienses eremitæ Friburgi Brisgoiæ, necquidquam equidem a Luthero commoti. Nuperrime in no-

a) *Voh. III. p.*  
192.

Ul. Zwinglio  
item & Calvi-  
no.

III. Præsentius primum Nigræ silvæ nostræ ab Ulrico Zwinglio Turicensi imminerebat periculum. Hic Luthero gloriam inceptæ reformatio-

nis



nis præripere gestit, apud Turicenses, uti legere est apud I. H. Hottingerum historię ecclesiasticę N. T. sec. XVI. P. II. a), qui ibidem cum Bernę iuvenem Dominicanorum candidatum testatur, sed patris patrique consilio Viennam ad studia philosophica missum; regressum Basileę triviali scholę, in musica excellentissimum, operam addixisse, ac Glaronę primum ministerio addictum.

SECVLVM  
XVI.

a) p. 198. &c.  
202. &c.

Neque vero fert Hottingerus, quod inter alios Hartmannus in anal. Heremi Deiparę Marię perhibet, Zwinglium Glarona pulsum fuisse: biennio in Heremo vulgo Einsidlen parochum ita vixisse, ut nullum luxurię, insolentię, fœdę libidinis, & petulantię exemplum prætermiserit, contracta maxima ex morum similitudine, cum Theobaldo curatore monasterii necessitudine & amicitia. Sed ad eius, pergit Hartmannus, *destinata persequenda, & evulgandum, quod dudum conceperat novitatis venenum, angelica hoc anno (1517.) dedicatio optimam occasionem attulit. Itaque adsumtis in eandem operam duobus aliis capellanis Leone & Luca, artium magistris, & curatore Theobaldo ad omnem libidinem & licentiam incenso & præcipiti, primum vesanię suę specimen publicis concionibus inter angelicę consecrationis festivitatem edidit, tectę ipse & fraudulenter, adeo ut agre etiam prudentiores fraudem cognoscerent, metu Suietorum, sive faciliorem, eo pacto, viam institutis sperabat. Multo apertius, & impudentius Lucas & Leo. Illi non modo publice Indulgentias, & ad loca sacra, & pia peregrinationes, vota & donaria ridere, sed sacellum Deiparę non alio loco habendum, quam quodlibet e campestribus, blaterare, Deum esse ubique, neque certis locis retineri &c.*

Multa in exteriori religionis cultu, quę Zwinglius abiicienda cum Carlostadio præsertim existimavit, non tantum improbavit Lutherus, sed hæreticos etiam declaravit serio, & alienos ab Ecclesia Dei Zwinglianos omnesque Sacramentarios. Ex quibus Zwinglius quidem cæterorum remotior a veritate in Sacramento Eucharistię nil nisi signum admisit, cœnamque Dominicam non aliud, quam commemorationis nomen mereri. Calvinum nihilominus Hottingerus adducit a), quod consensum b) L. c. p. 321. in doctrina Sacramentaria cum ecclesiis Helveticis & Rheticis ita instituerit an. 1549. ut & suspicione se, quasi consubstantiationi nimium favisset, liberarit, & nostras ecclesias a reatu vacuorum Symbolorum masculine asseruerit.

Numquam tamen conciliari inter se sententia potuerunt, sive Zwingliani cum Calvinistis, sive hi cum Lutheranis, omni tandem spe exclu-

SÆCULUM  
XVI.

sa per formulam concordiae, qua reformatorum sententiam aperte damnarunt Lutherani post mortem demum Melanchthonis apud Saxones perinde versatilis, ac in nostra vicinia M. Bucerus, minister aliquando Argentoratensis; ubi aliquamdiu perinde ac Constantiae doctrina Zwinglii, ut postea videbimus, invalescere visa est: quæ vero duæ urbes cum Augusta & Memminga peculiarem confessionem, quam Tetrapolitanam appellabant, exhibitam in comitiis Augustanis an. 1530. per Casp. Hedionem prædicantem Argentoratensem sectabantur, a Martino Bucero tamen ad Augustanam revocatæ. De Rottwilanis paullo post dicemus Helvetiorum fœderatis: unde ortus fuit Melchior Wolmarus, a quo, professore apud Biturigas, iuvenis Calvinus litteris græcis est eruditus, hebraicis autem Basileæ, ibi perinde ac Argentorati commoratus postea aliquamdiu, sedem etiam fixurus, nisi Genevenses revocassent a nostris feliciter remotiorem plagis.

Anno. 1541. præsens fuit Calvinus in diæta Ratisbonensi, ut simul cum sociis & inter alios facile princeps, catholicam religionem funditus everteret, teste Raynaldo ad eum annum; sed Calvinismus non adeo Germaniam nostram sicuti Lutheranismus inundavit, ac nuspiam ille Nigram silvam penetravit. Facile etiam Zwingliani Helveti suis se continuerunt tunc finibus, quibus quam felices sint, optime alias sunt gnari, remoti a libidine excedendi limites, B. Nicolai de Flue edocti oraculo, ut iam ex Trithemio notavi libro superiori.

Congressus  
& disputationes  
religionis  
causa instituta.

IV. Visum est exordio rem agi conventibus disputationibusque tum in Helvetia cum alibi gentium indictis frequentatisque. Prima celeberrimaque fuit Lipsiensis an. 1519. congregientibus primum Io. Eckio & Andrea Carlostadio. Erat Eckius professor ordinarius theologiæ Ingolstadii, familiaris tamen academiæ nostræ Friburgensi, disputandoque exercitatus in aliis etiam academiis Tubingensi, Viennensi, Bononiensi. In concertatione Lipsiensi lasso viribusque impari Carlostadio succenturiatus est ipse Lutherus. Necdum tunc frons posita fuerat ad abiiciendam omnem Ecclesiæ auctoritatem; vel etiam doctorum aut universitatum arbitrium, consensitque, dum primum de iudicibus disputatum est, Lutherus licet iratus (ut Cochleus refert in Actis & Scriptis Lutheri ex actis publicis disputationis) in iudices Parisiensi & Erfordiensis facultatis theologiæ, compromisitque; ac multa de primatu etiam & potestate Romani pontificis fareri coactus est, quæ prius negaverat, monitus quoque a consiliariis ducis Georgii, ut nihil per iram ageret. Nihilominus vero ille *ira victus prorupit in apertam confessionem secreti sui pessimi dicens: Non propter Deum res cœpta est, neque propter Deum finietur.*

Qui

Qui de indole & ingenio Lutheri vel ex sermonibus eius convivialibus, aut scriptis, quæ edita prostant, iudicium feret, de his non mirabitur; illisque potius accedet, qui iuxta vulgatum illud, disputando amitti veritatem, non fuisse disceptandum existimarunt, contra quos Io. Eckius apologiam quidem texuit a); invictus nempe ipse disputator conventu etiam celebri illo Badensi in Helvetia an. 1526. post priorem illam anni 1523. in urbe Turicensi habitam disputationem seu colloquium Zwinglium inter & Ioannem Fabri vicarium generalem episc. Constantiensis, qui etiam in memorato congressu Badæ cum aliis, Barnaba quoque abbate Engelbergeni ord. S. Bened. adfuit, quem vero Zwinglius subterfugit, persecutus est autem illius vicem Oecolampadius, Iacobus Imeli, Bertholdus Haller, Ulricus Studerius, fuitque non infelix ad aliquod saltem tempus pro re catholica eius successus in vicina Helvetia, dum avitam orthodoxam fidem post reditum ex congressu legatorum Schaffhusanorum firmavit tunc eius urbis magistratus, Basileensis vero edicto Sacrificium missæ restituit: Bernensis nupturientes Prædicantes cohibuit. Editæ est sequenti anno ea disputatio a magistratu Lucernensi ex autographis, quam quatuor notarii iurati scripserunt revisam a præsidentibus: salutari consilio ad firmandam eandem avitam orthodoxam fidem non ibi solum gentium, verum etiam in vicina Nigra silva. Apud Bernates ad initium an. 1528. disputatio est habita præsentē Zwinglio & Constantiensibus; ad quam nullus ferme Catholicorum comparuit, quum iam data libera credendi facultate, conclamata res esset.

SECVLVM  
XVI.

a) Homil. Domin. IX. post Pent.

Selecti sunt etiam in celeberrimis an. 1530. comitiis Augustanis utrinque septemviri, qui concordie rationes inirent præter episcopum ex parte Catholicorum Augustanum, & Henricum Brunsvicensem, duosque principes Protestantium Georgium Brandeburgicum & Ioannem Saxoniæ, duo utrinque iurisperiti, & tres theologi catholici cum Ioanne Eckio Wimpinus & Cochleus, Protestantes Io. Brentius & Erhardus Snepius, uterque Wirtembergiæ Nigræ silvæ vicinæ incola, cum Io. Melanchtone, quem moderatione præcipuum inter Protestantes etiam Franciscus rex Galliarum an. 1535. invitavit ad disputationem cum Sorbonistis Parisiis; sed detrectavit is conditionem, ut apud Bulæum legere est in historia univers. Paris b). Damnatio porro doctrinæ Lutherianæ ab academia illa iam an. 1520. post diuturnam disputationem & examen fuerat facta, uti etiam ab aliis academiis Coloniensi, Lovaniensi &c.

b) T. VI. c. 115. &c.

V. Sed nullus apud eos auctoritati poterat esse locus, qui, nec Ecclesiam esse audiendam induxerunt animum, obfirmaruntque. Quare  
Sed frustra omnia, quando Ecclesiæ quid-

SECVLVM  
XVI.

abicitur au-  
toritas.

a) *Annal.*  
*Sæc. P. III.*  
*lib. XI. c. 25.*  
*seq.*

quidquid etiam simulatum est ab illis acitatumque de concilio œcume-  
nico, quod Tridenti fuit convocatum, initiatumque an. 1543. finitum  
tandem post nonnullas interruptiones an. 1563. vanum erat, missis qui-  
dem etiam ex vicina Nigræ silvæ Wirtembergia aliundeque theologis  
(ut apud Crusium a) videre est) antesignano Ioanne Brentio, quem dux  
pulsis monachis in locum postea abbatis celeberrimi olim Nigræ silvæ  
monasterii Hirsaugiensis constituit. Neque vero conformiter ad palma-  
re suum ac fundamentale dogma libertatis conscientiæ iudiciiue proprii  
in controversiis religionis provocare poterant ex sententia ad ipsam con-  
fessionem Augustanam. Quod quale sit, ad subruendam omnem religi-  
onem, nemo non videt, docuitque hætenus experientia. Acutior vero  
ingenio magis perspexit Calvinus, quam Lutherus & Zwinglius, qui om-  
nem penitus abiiciendam politiam auctoritatemque existimarunt ecclesia-  
sticam, quam Calvinus Genevæ sustinens, non dubitavit, Michaellem Ser-  
vetum vivum esse comburendum Socinianorum Coryphæum, quos fo-  
visse tunc Turicenses, hodieque comperiuntur. Factum id tunc quidem  
suscepta a Lælio Socino confessione Helvetica, neque tamen id factum  
penitus ex animo, eius produnt epistolæ. Quid vero eum aut quem-  
quam alium cohibere potuit, asserta utentem libertate, numquam con-  
cilianda cum enthusiasmo illo, quo sibi soli sapientes suisque erroribus  
pertinaciter addicti totum mundum fascinare suasque in partes trahere  
contendebant? quem fanaticismum hodie non desunt, qui notent in pri-  
mis illis pseudo-reformatoribus: quos inter Anglus ille hodie tam  
celebratus historiographus Dav. Hume; nec omnino eum abnuere po-  
tuit Archibaldus Maclaine in suis ad hist. eccles. I. Laur. Moshemii  
additionibus.

Dum interim  
patria a Tur-  
cis pericula-  
tur.

VI. Videbimus paullo post, qua ope machinisque sese sustentarit no-  
va religio consolidaritque in Germanico præsertim imperio, pessimo  
Turcarum exemplo, causaque præcipua, ne trucissimo huic christiani  
nominis hosti in viscera usque Germaniæ seculo hoc XVI. primum pe-  
netranti sævientique obsisti satis potuerit, haud procul remoto peri-  
culo, ne eam totam pervaderet. Iulius II. P. nihil non egit ad con-  
ciliandos inter se imperii Germanici principes ab ineunte seculo XVI.  
bello Bavarico implicitos, datis ad Philippum Palatinum litteris, quibus

b) *Raynald. ad*  
*h. a. n. 26.*

ob oculos ponit b), quantum periculum christiane reipublicæ a perfidis  
*Turcis immineat, contra quos sancta & necessaria expeditio decerni non*  
*poterit discordiis vestris vigentibus, ita ut per vos videatur stetisse, nisi*  
*invicem reconciliati fueritis, quo minus ipsa expeditio fieret: nam ne-*  
*que ipse charissimus in Christo filius noster Romanus rex pium desiderium*  
*sum*



*suum consequi, neque reliqua Germania consequi posset ad expeditionem tam sanctam.* Non equidem ego Iulii P. studia pacis extulerim; in concilio Lateranensi nihilominus a Iulio incepto, Leo X. eius successor id imprimis sibi agendum existimavit, ut conciliatis principum animis, unitis viribus bellum sacrum contra Turcas susciperetur, ut apud Raynaldum ad an. 1514. legere est. Anno 1517. cruciata christianorum adversus Turcas iussu Leonis X. promulgata est, qua promittebantur indulgentiæ plenariæ iis, qui bonorum suorum partem ad expeditionem illam elargirentur; hanc vero ipsam occasionem arripuit Lutherus classicum contra Ecclesiam canendi, haud semel contestatus, contra papam potius, quam Turcam esse convertenda arma. In celebribus porro Augustanis comitiis, ut alia silentio præteream, in medium prolatum de bello Turcico negotium suffocarunt ferventes de religione controversiæ sufflaminaruntque.

VII. iam meminimus litterarum, quas Maximilianus I. ad Leonem X. P. an. 1518. ex comitiis Augustanis in causa Lutheri dedit, quæ prostant a). Studuit Maximilianus more antecessorum suorum in huiusmodi comitiis pacem publicam firmare ineunte hoc sec. XVI.

Neque silentio prætereundum est, ab eodem imperatore imperium Germanicum in circulos fuisse divisum ad eam ferme normam, quæ supra diximus, Germaniam quinque constituisse nationibus Bavarica, Alemannica seu Suevica, Franconica, Saxonica & Lotharingica, quæ cum vicinis Rheno populis Rhenanum iam constituit circulum, addito sexto Westphalico post divisam a Saxonia Westphaliâ, exauctorato Henrico Leone sec. XII. Distinxit item Maximilianus I. in Colonienſibus comitiis an. 1512. ob amplitudinem quarundam provinciarum mutationemque regnorum quatuor alios circulos, Austriacum scilicet, Burgundicum, Saxonie superioris & Rhenanum inferiorem. Suevicus porro longe arctior evalit veteri Alemannia, cuius in medidullio sita est Nigra silva nostra.

Imperium Romanum occidentale ad Francorum reges seculo VIII. delatum, vindicare conatus est suæ genti post mortem Maximiliani I. an. 1519. Franciscus Galliarum rex contra Carolum Austriacum Maximiliani nepotem Hispaniæ regem; qui tamen contra æmulum electus imperator Carolus V. ordine in Germaniam appulsus an. 1520. & Aquisgrani inauguratus mox publica indixit comitia ad initium anni sequentis celebravitque in causa Lutheri asseclarum, qui eo ad causam dicendam vocati sunt. Sed frustra, imo exacerbato potius malo rebusque magis magisque exulceratis in sequentibus etiam comitiis, iterato No-

rim-

SECVLVM  
XVI.

In comitiis  
Imperii au-  
tem & ab Im-  
peratoribus  
incaſsum la-  
borabatur.  
a) T. VI. conc.  
Germ. p. 148.

SECVLVM  
XVI.

rimbergæ & Spiræ celebratis, ubi an. 1529. palam Protestantium nomen assumerunt, quicumque ab ecclesia Romano-catholica secessionem fecerunt imperii Germanici status, annoque sequente in frequentissimo conventu Augustæ Vindelicorum Carolo V. præsentī famosissimam obtulerunt Augustanam Confessionem.

Edidit pro coronide edictum imperator, ut prisca ecclesiæ fides inconcussa servaretur, donec in concilio œcumenico definirentur lites, & religionis dissidia abolerentur: quod quidem tunc ipsi Protestantium principes velle videbantur; sed semper deinceps, quod causarentur, habuerunt, ruitque quotidie in deterius res, ac frustra fuerunt quæcumque sequentibus annis in frequentibus imperii comitiis suscepta sunt pro conciliandis Protestantibus in negotio religionis consilia: etsi aliquando plus deferretur Protestantibus, quam per pontificis ac ecclesiæ auctoritatem, fideique catholicæ integritatem liceret, veluti an. 1544. in comitiis Spirensibus, Carolo V. imp. & Ferdinando Romanorum rege tunc præsentibus vivente adhuc Luthero, qui impudenter lingua vernacula in literas pontificias eam ob rem ad Carolum V. datas est debacchatus.

Id fere spectabat imperator, ut interim res in suo statu permanerent, donec terminarentur. Agebat hoc famoso illo *Interim*, declaratione scilicet in comitiis an. 1548. a Carolo V. edita, quomodo in negotio religionis per imperium usque ad definitionem concilii generalis vivendum sit. Cuius auctores habentur Iulius Pflugius episcopus Naumburgensis, Michael Heldingus episcopus Sidoniensis & Moguntini archiepiscopi Suffraganeus, & Ioannes Agricola Islebius. Decreto huic statim assurrexit Albertus archiepiscopus Moguntinus, licet ingens fuerit animorum contentio in suffraganeis Metropolitæ Moguntinæ sedis ecclesiis Argentinenſi, Spirenſi & Constantienſi, quæ Nigræ silvæ nostræ ius sacrum dicunt, Constantia imprimis: hæc tamen urbs tunc expulsa sede episcopali, ad partes heterodoxas declinabat, ab imperatore ob reiectum *Interim* proscripta: quum pleræque aliæ Sueviæ civitates cæsaris auctoritati concederent, Ordines vehementer cohortantes, ut illud susciperent. Accessit ut diximus, quod Moguntinus statim communi nomine, absque tamen mandato assensus esset: continuoque illud tanquam omnibus nominatim assensus excudi & evulgari iuberet teste Crusio Anal. Suev. P. III. lib. XI. c. 22.

Armīs reli-  
gionis causa  
acta.

VIII. Communibus porro bellorum calamitatibus sec. XVI. religionis causa susceptorum, quaquaversum exposita fuit Nigra silva nostra. Inter cuius dynastias censetur a labente hoc seculo XVI. illustris fami-

lia

Illa de Sickingen, ex qua celebratissimus heros Franciscus de Sickingen SECULUM XVI. veluti præluisse dici potest, inflasseque bellicam buccinam. Præcesserat an. 1515. tanquam præambulum Wormatiense bellum, cuius momenta exponit ipse Franc. de Sickingen in epistola apud Christ. Senckenbergium a). Secutum est an. 1522. Trevirense, cuius causa non postrema fuit, quod Richardus Elector novæ doctrinæ nimium videretur infestus, cui portam aperire conabatur Sickingus, uti Struvius b) in præfamine ad Huberti Thomæ Leodii de gestis Franc. de Sickingen historiā notavit. Hic novo dogmate imbutus fuit a Io. Oecolampadio ad eum divertente, uti legere est in rerum memorabilium paralipomenis ad chronicon Conradi abb. Ursperg c). Extant adhuc ad eundem Lutheri litteræ. Fretus is Lutheranorum ad Rhenum auxilio tam civitatum quam nobilium, tanta est ausus in suam perniciem: obsessus nempe in arce sua Nanstall seu Landstall ictu trabis a bombarda percussæ interiit, ut apud Eccardum legitur d):

*Concidit infelix Franciscus fragmine ligni.*

Id tamen silentio prætereundum non est, causam Richardi Archiep. Trevirensis suscepisse contra Franc. de Sickingen Philippum Landgraviū Hassiæ & Ludovicum Palatinum, qui erant tunc in negotio religionis fax & tuba.

Cum mutuis pactis primum in comitiis Spirensibus nomen Protestantium est susceptum, statim sese ad causam foederis foederatorumque, armis etiam, contra aggressores quoscumque tuendam iunxerunt principes Protestantes cum civitatibus, quæ inter foedera præcipuum fuit Schmalkaldicum. Post comitia Augustana anni 1530. constituta quidem postea interventu Moguntini & Palatini Electorum pax Norimbergæ an. 1532. annis proximis sæpe etiam conservari est tentata, donec res tandem in apertam flammam erumperet belli Schmalkaldici a foederatis accepto nomine, quod cœptum eodem fere tempore est, quo Tridenti concilium an. 1546. Tam disparibus nempe armis acta est religionis causa.

Dici vero non potest, quantum in monasteria sit sævitum, sacraque omnia ac res catholicæ quæ & quanta pertulerint non solum bello, sed etiam transactione Passaviensi an. 1552. & pace religiosa an. 1555. ubi quidem Reservatum ecclesiasticum est sancitum, quo episcopus quisvis, prælatus, aut alia persona ecclesiastici ordinis a fide catholica deficiens episcopatu, prælatura seu præbenda cum omnibus redditibus &

SECVLUM  
XVI.

proventibus privatus decernitur; quod vero fuit perpetuum seminarium litium atque etiam bellorum; cuiusmodi fuit an. 1582. exortum Gebhardo Truchsessio Colonienſi electore ad Protestantes tranſeunte. Quod quidem aliaque videri potuiſſent a noſtris plagis remotiora; ſed communis imperii cauſa, atque etiam principum Nigræ ſilvæ noſtræ imminentium, mutuique fœderis inter Proteſtantes ratione factum eſt, ut undique mala ingruerent ex vicina etiam Helvetia, ubi perinde ac in Gallia arma perſtrepebant ad conſtabilienda nova contra avitam religionem dogmata. Ipſe Zwinglius bellis eiſmodi duobus adfuit præſens, quorum utrumque a Capella monaſterio Capellanum eſt dictum, perinde ac prælium, in quo occubuit Zwinglius an. 1531.

Anabaptiſtæ. IX. Io. Con. Füllſlin in acceſſionibus ad hiftoriam reformationis Helveticæ ſermone vernaculo editam, paſſim inquit, an prima Anabaptiſtarum origo ex noſtra Teutonia vel Helvetia ſit repetenda, quod parum quidem refert arbitro Io. Laurent. Moſhemio in hift. eccleſ. ſec. XVI. a) *ſec. III. a*). Hoc vero certum habet, id genus hominum eodem tempore diverſis in locis comparuiſſe non multo poſt cœptam a Luthero reformationem. Qui hiftoriam hanc Moſhemii in linguam Germanicam a ſe tranſlatam nuperrime cum notis ſeu additionibus edidit, veſtigia quædam Anabaptiſmi reperiri exiſtimat apud Waldenſes & Huſſitas; laudato nihilominus pollicem premit Füllſlino, qui in præſatione ad partem ſecundam Anabaptiſtarum ſectam originem ſuam debere putat generi cuidam hominum, qui per reformatores tum in Saxonia cum in Helvetia excitati eouſque delirarint; iamque ante Thomæ Munzeri in Helvetiam acceſſum illic Anabaptiſtas fuiſſe fatentur alii Proteſtantium, nec diffitentur, libertati chriſtianæ amariæ pseudoreformatorum Anabaptiſmum eſſe tribuendum.

Hanc, ſi quis alius, Zwinglius deperiit, fautor etiam aliquando & amicus Balthaſaris Hubmeieri, qui Anabaptiſmum Nigræ ſilvæ intulit. Hic Fridberga oriundus ex patria Pacimontanus dictus, Friburgi Briſgoiæ an. 1512. Baccalaureus theologiæ creatus fuit, ut habent acta b) *Vol. I. academiciæ citata* b) in nova bibl. eccleſ. Friburgenſi, Ingolſtadiique *Faſc. I. p. 84.* parochum & profeſſorem egiſſe, quum ex editis Lutheri libris eiſ dogmata adſciviſſet, atque Ratiſbonæ prædicaſſet. Inde eiectus Waldſhuti urbe ſilveſtri parochiam invaſit, amicitiaque cum Zwinglio contracta (cuius teſtis eſt eiſ epistoſium ad Zwinglium datum *ex nidulo noſtro* c) *Hift. eccleſ. Waldſhut*, ut apud Hottingerum c) legitur) illius oppidi civibus novam ſec. XVI. *P. evangeliſ formam perſuaſit*, annoque 1524. ad feſtum SS. Simonis & Iudæ



Iudæ Apost. ex sacris ædibus imagines distraxit (quod etiam postea in vicina villa Waldkyrch est factum) sacra vasa sacrasque vestes dirupit & profanavit. Ulricus Wagner parochus in Togern per sacristam communionem in calice distribui fecit. Waldshuti vero B. Hubmeier Conradum Grebellium & Thomam Munzerum audiens rebaptizare publico in foro cœpit, 300. circiter barbatis rusticis sacrilego fonte scædatis cum mulieribus, quibus imprimis hæresim suam persuasit. Inde Ferdinando R. R. an. 1550. oppidum nocte circa festum S. Nicolai occupante, fuga elapsus, & ut Tigurum seu Turicum subintrarat, captus, teste Myconio in vita Zwinglii apud laudatum Hottingerum, ore ad os disputando causam suam egit, uti prius scripto (appellatus Vadiano eloquentissimus & facundissimus vir) atque in curia, deputatis tantum præsentibus, rebellavit. *Petierat tum a senatoribus, pergit Myconius, ut Leo Iuda, Sebastianus æconomus, & ego, sibi concederemur ad colloquium. Mos gestus est secundo, perduximus hunc hominem, ut palinodiam in diem posterum promitteret. Igitur hoc animo in templum postridie veniens, Zwinglio descendente, suggestum ascendit, & astruit, quidquid hæcenus docuisset, motum se causans, quod ille constantiam tam excellenter evexisset: pertinaciam suam constantiam esse iudicans miser. Reductus in carcerem omnino latuit, usque dum beneficio Zwinglii clam dimissus non sine comite & viatico. Ubi venit Constantiam, adeo malis onerat virum, ut per apologiam satisfacere cogeretur fratribus. Viennæ postea sub Carolo V. imp. combustus fuit an. 1528. ubi cum ipso in carcere disputavit celebratissimus Ioannes Faber postea episcopus Viennensis, & post eum Fridericus Nausea in concilio Tridentino an. 1552. mortuus, Præpositus etiam Waldkyrchii in Nigra silva nostra: unde quoque, ex Pfortzheimio nimirum, oriundus fuit eius successor Christophorus Wertwein an. 1544. creatus baccalaureus S. Theologiæ in academia Friburgensi.*

Constantiæ ex sectæ Anabaptisticæ antesignanis capite plexus est Ludovicus Hezer, Vadiano dictus commodissimi ingenii homo, vir clarus, linguis etiam & admirabili ingenii dexteritate præditus: quem an. 1523. contra divinitatem verbi scribentem Ambrosius Blarer refutavit. Is in paralip. rerum memorab. ad chron. abb. Urspergensis a) post seriam a) p. 485. poenitentiam Constantiæ decollatus dicitur. Memoratur porro ibidem inter alios Anabaptistas Nicolaus Frey Argentorati submersus an. 1533. & Melchior Hoffmannus, qui Argentorati adhuc tunc detinebatur in vinculis, de quo pseudoprophetiis & fanaticis consiliis abrepto, in synodo Argentoratensi an. 1533. actum, quo ille anno etiam in carcere

SECVLUM  
XVI.

mortuus est. Conradus Grebelius Anabaptista urbis San-Gallensis, Turici, unde oriundus erat, carcerem evadens, non multo post mortuus: Felix Manzius vero Turico item oriundus captus & aquis submersus est teste memorato Fueslino, post Io. Henr. Ottium professorem histor. Turici seculo superiore, quo annales Anabaptisticos adiectis plurimis documentis edidit. Anabaptistis Helvetis in laudatis paralipomenis rerum memorabilium Blaurock iungitur, apud Basileenses viciniore adhuc Io. Denckius nulla vi externa adactus revocasse dicitur. Quid cum aliis Anabaptistis Basileæ actum sit, Urstius in chron. Basileensi ad annum 1529. narrat. Passim alii etiam in vicina Argovia sunt detecti Anabaptistæ non parvo numero in Clingnau, Längnau, Tegernfelden, Endingen, Tettingen a præfecto Badensi carceri mancipati, emendatique dimissi sunt, uti legitur in Msc. chronico Villingano coævi scriptoris an. 1527. Rotenburgi ad Nicrum ex quatuordecim Anabaptistis nonnulli combusti, alii capite plexi, aliis ingenti poenitentia ductis gratia obtigit: perinde ac viginti septem revocantibus Horbæ ad Nicrum Nigræ silvæ limitem illic Sueviæ, ubi gentium ad terminum orientalem Sueviæ Augustæ Vindelicorum, teste Crusio a) eodem anno primos inter patricos *Eitelhans LANGEMANTELIUS de Cuneo* receperat Anabaptistas, ideo in villam suam Lautershofam, alioque relegatus: restabant nihilominus multi Augustæ, quorum quidam in carcerem coniecti revocarunt errorem, alii expulsi sunt.

a) *Annal. Suev.*  
*P. III. lib.*  
*XL. c. 2.*

Bellum rusti-  
cum.

X. Apud omnes ubique gentium exosi Anabaptistæ exterminandi sunt visi, rebellionis in legitimos dominos auctores incentore Coryphæo iam memorato Thoma Munzero, qui veræ libertatis christianæ vindex haberi voluit undique pervagatus, grassatusque, eo facilius factiosis sibi consociatis, quod ab exordio inde huius sec. XVI. turbæ rusticæ fuerint.

Iam ad annum 1502. Trithemius ligam rusticorum quorundam in chron. Hirs. notat, qui iuramentorum suorum temerarii transgressores contra dominos suos episcopum & canonicos Spirenses in unum conspirarunt in iuramento *se mutuo obligantes more Suisæorum, & paulatim numero crescente in occulto multiplicati sunt.* Affert ibi articulos huius ligæ *der Buntschue*, quæ etiam ad nos usque progressa circa annum 1513. ex chartis urbis Friburgensis innotescit.

Advenit an. 1524. iam memoratus Munzerus in terras nostras obtentu evangelii, libertatisque christianæ, famosum per varias Germaniæ provincias bellum rusticum sufflaminaus. Testatur quidem rerum me-

mora-

morabilium paralipomeni ad calcem chronici Conradi abb. Urspergensis a) auctor, quod primi agricolæ sub Sigismundo comite a Lupfen tumultuantes (ad quos coercendos missus fuit nomine foederis Suevici illustri comes Guilielmus a Furstenberg) propalam faterentur, se non esse evangelicos, nec evangelii causa confluisse.

a) p. 484.

Anilem notat prætextam causam seditiosorum Sigismundi de Lupfen agricolarum chron. Villinganum, quod iussu sint tempore messis cochleas, seu climacum testas colligere, in quibus uxor comitis fila glomeraret b).

Erant hi Coloni Landgraviatus Stuhlingani in Alpegovia nostra, cui adiacet Cleggovia comitis de Sulz provincia, cuius subditi antequam & ipsi a Munzero in transversum agerentur, a vicinis tumultuantibus sibi timentes, a foederatis Turicensibus protectionem & opem implorarunt missis ex suis. Vicissim etiam I. Iac. de Heudegg Rudolphi comitis de Sulz, qui elapso anno Oeniponti consiliarius Ferdinandi archiducis constitutus fuerat, in Cleggovia præfectus ad instantiam subditorum Petrum quemdam ex provincialibus iudicibus, ut habent acta archivi Thüngensis, cum illis misit, qui pacis tranquillitatisque securitatem suo nomine expeteret. Ad hæc senatus Turicensis ab utriusque partis deputatis percunctatus, quandoquidem turbæ religionis causa plerisque in locis moverentur, utrum illi mandatis reipublicæ Turicensis, quibus sensa Zwinglii præscribebantur, parere, illisque conformiter vivere parati essent? Reposuere rustici, magno se perfundi gaudio hac super quæstione, quod nempe illis in religionis negotio se similes fieri paterentur, seque hætenus dicta mandata, quantum penes se, amplexos fuisse. Deputatus e contra ab Heideggio dixit: se quidem eiusdem esse sententiæ, cæterum ad huiusmodi interrogata respondendi expresse carere mandato. Dedit vero senatus eiusmodi scriptum responsum: quandoquidem confiderent comitem eiusque officiales evangelio non fore contrarios, subditosque ad antiquæ fidei ritus non fore cogendos, litteras daturus se magistratus nomine ad Ioannem Muller de Bulgenbach, eiusque consortes, ne deinceps Cleggoviam armis molestant, utpote a novo religionis ritu non abhorrentem. Nec caruerunt effectui litteræ.

R r 3

Ho-

b) Anno 1524. ungefährlich um Ioannis ward ain uffruer under der Baurtschaft zue Stülingen, Bondorff, Ewadingen, Bethmaringen &c. wider ihren aigenen Herren Graf Sigismund von Lupfen Herr zue Stuhlingen. Sie solten in der Ernd der Graffin Schneckenheuslin lesen, das sy garn daruff winden khinde. Waren Iren 1200, machten ain Fendlin, weyls roth und schwarz, zugen uff Bartholomeus gen Waldshuet uff Kilchweyhe, haten Raths, machten ein eyangelische Bruderschaft, welcher darin wolt sein, der solt all wochen 1. Bazen geben, mit dem Geld schriben sie in alle land, das sy ihrem herren nit mehr gehorsam sein wolten, khain Herren haben dann den Kayser, Im sein tribut geben, solt er ihnen nicht ingeden. Sie wolten alle schloßer und closter, und was den namen hat geistlich, zerstören.

SECVLVM  
XVI.

Horum dux & antesignanus erat memoratus Ioannes Muller de Bulgenbach ditionis San-Blasianæ, qui facta in Bondorff confociatione mille ducenti Waldishutum., ubi tunc Turicenses in præsidio erant, ad festum S. Bartholomæi dedicationemque Ecclesiæ progressi cum civibus, Ferdinando archiduci ob apostasiam reis, mutuum foedus inierunt. Acciderunt hæc antequam Waldishutani ad officium sunt revocati. Adhuc quidem circa festum S. Martini an. 1524. in conventu Rhenofeldæ habito consili in præsentem Ernestum marchionem de Baden, non sunt veriti inter cæteras condiciones sibi primam exposcere libertatem in reformanda fide &c. His quidem compescitis, neque tamen Stehlingani rustici factæ amicæ conventioni Schafhusii acquieverunt, arcemque ipsam comitis Sigismundi sunt aggressi. Inde vero digressi, dum ultra torrentem Wutach procedunt, rustici Hauensteinenses in Alpegovia tumultuantur, ad monasterium usque S. Trudperti progressi, inde vero metu Austriaci militis regressi, sub prætextu præsidii contra Helvetos Waldishutum occupantes, monasterium S. Blasii intrant: ubi omnia dilapidant, dilacerant & rapiunt sacra etiam vasa, atque inter hæc ciborium effusis in terram sacris hostiis. Iam ante Waldishutani plaustrum onustum sacris cimeliis in tuta Helvetiæ loca evehendum diripuerant. Advenerunt etiam Badenses Scultetus Frey alique primores, itemque Clingnovienses, ut tumultuantes rebellesque monasterio rusticos compescerent; sed frustra. Hauensteinensibus sese adiunxerunt Blummeggeneses, Wuttenthalenses, Guttенburgensesque eiusdem San-Blasianæ ditionis; perinde ac Stulinganorum exemplo Furstenbergenses in eandem rebellionem sunt adducti.

Missi vero sunt ab episcopo Constantiensi, ex vicinis item urbibus Uberlinga, Villinga, Seckinga, Rhenofelda, Laufenburgo Nigrasylvanis ditionis Austriacæ, qui rem conficerent cum rusticis subditis comitis Sigismundi Lupfensis, Friderici Furstenbergici, & monasterii S. Blasii. Advenerunt etiam milites Friburgo, Waldkyrcha, Triberga missi a regimine Austriaco. In festo trium regum ad sextam Ianuarii conditus erat conventus ille Cellam ad lacum Acronianum, sed frustra. Qui Oeniponto advenerant milites, ab archiduce missi, Cleggovienses & Alpigovienses vi ad officium revocarunt, captis etiam Waldishuti capiteque plexis antesignanis. Religio quoque avita est restituta.

Sed dum unum hydræ huius caput amputatur, mox surgit aliud. In die palmarum adventantibus rusticis Hegoviensibus, duce Ioanne Penckler, rustici Nigrasilvani, Alpegoviæ & Baræ antesignano iam notato Ioanne Muller Bondorffii quatuor millia convenerunt, progressi Neidingam

&



& Pforam; admissi ab Hüfingenfibus; ubi relicto præsidio Breilingam, & Oefchingam invadunt; tum divisa Ioannis Muller turma oppidum Fürstenberg petit, tandemque occupat, & mox arces Wartemberg, Lupfen, Möringen & Geisingen. Illis quidem Georgius Truchsessius occurrere gestit, sed ob turbas in Wirtembergia ortas illuc se conferre coacto nostri interim rustici per Löffingam oppidum Sulz petunt, dum foederati Sueviæ Rotenburgum inter & Tubingam hærent.

SECVLVM  
XVI.

Maxime autem monasteria infestantur: nec fuit ullum Nigræ silvæ, quod rusticorum horumce rabiem non fuerit expertum. In Wirtembergia quidem cum cæteris fere Alba Dominorum & Dominarum atque Hirsau-gia; ex urbibus vero, ut passim Crusius notat, Heilbruna & vicinitas illa, uti legere est in anonymi Heilbrunensis narratione de Bello rustica-no apud Senckenberg a) & apud Freherum b) in Petri Criniti historiâ a) *T. IV. fol. iur. p. 681.*  
rusticorum tumultuum. Notantur quoque in paralipomenis rerum me-morabilium sæpe citatis c) doctissimi Nicolai Gerbelii Pforzensis libri *b) T. III. Script. R. G. p. 236. Sc.*  
quatuor eius argumenti. Nos nostra partim ex chartis domesticis, par-tim ex Mss. quibusdam chronicis desumimus, uno præsertim notabili *c) p. 483.*  
urbis Villinganæ, in quo ita articulatim ea quæ ad Nigram silvam per-tinent, annotantur, ut fere huius provinciæ topographiam repræsentet. Prosequendo autem historiam narrat auctor, in festo inventionis S. Cru-cis monasterium Tennenbacense combustum fuisse, atque eadem adhuc hebdomada Ettenheimense, Schutteranum, Haidershaim, dum marchio Ernestus cum octo abbatibus Friburgi illis internecionem iurant. Hi in-terim furere pergunt; Wulterdingen & novum Furstenberg arces comi-tis de Furstenberg comburunt: inde progressi per Ferenbach & Fur-tenwangen monasterium S. Georgii petunt, postea Carthusiam prope Friburgum, ipsamque urbem; ac Brisgoicas oberrant terras, dynastias etiam marchionis Ernesti, qui, ut perhibet Schoepflinus in historia Ba-densi d) securitati suæ consulturus Argentinam se contulit, dum sui *d) T. IV. p. 9.*  
etiam rustici, licet rebellionis auctores capite multari ad terrorem ius-serit, in Austriacos sæviunt.

Biennio post an. 1527. die S. Galli super damna accepta & data Neoburgi ad Rhenum transactum est inter Austriacos Brisgoiæ status sese potissimum per Nigram silvam distendentes ex una parte, atque Er-nesti subditos ex altera parte; illos nempe, qui in Hachbergæ, Susen-bergæ, Rætela & Badevillanis terris, hinc inde in Nigram silvam pro-tenfis, habitaverant, atque tumultibus suis infestaverant Austriacas terras, etiam Nigrasilvanas. Conventum est, ut rustici pro damnis illatis 5600. flo-

SECVLVM  
XVI.

florenos persolverent, Austriacis incolis ablata fideliter restituerent, census debitos novo laterculo consignandos curarent; chartas enim & urbana, ut ubique alibi, rustici tumultuantes combusserant. Contra Austriæ rusticos, seditionis participes actio vicissim Ernesto marchioni servata. Hæc fere Schœpflinus, qui comitum ac dynastarum nomine Sigismundum de Falckenstein baronem, pro ecclesiastico Ordine Conradum Schutteranum abbatem & Wilhelmum de Wyger Ord. Teuton. commendatorem Friburgensem, pro equestri Ordine Io. de Reischach & Conradum Sturzel de Buchheim cum civitate Friburgensi designat, qui sigillis suis instrumentum transactionis firmarunt; conventionis vero participes Ioannem de Hottstein, ordinis Melitensis per Germaniam Priorem, Ioannem abbatem S. Blasii, Laurentium abbatem Ettenheimensem, Iosephum S. Petri, abbatiam S. Truperti, Io. abbatem Thennenbacensem, Leonardum S. Mariæ vulgo St. Mergen, Præceptoriam S. Antonii Friburgi, Capitulum Waldkyrchense, Prioratum S. Ulrici, Carthusiam Friburgensem, abbatiam monialium in Gunthersthal, Adelhausen, S. Catharinæ & Wunenthal. Inter dynastas & equites comparent Conradus comes Tubingensis, dominus in Lichteneck, dynastæ in Stauffen &c. nobilium quoque ex Ordine complures.

Friburgum.

XI. Friburgum Brisgoiæ diætas nonnullas insultum rusticorum sustinuit, tandem ante festum Ascensionis Domini admissis trecentis armatis Ioanni Muller tria florenorum millia numerarunt unacum vexillo Austriaco, quo facto Waldkyrcham abcesserunt in profesto Ascensionis Domini an. 1525.

Floruit hoc seculo academia Friburgensis, ipsaque urbs iterum iterumque præsentia imperatorum fuit ornata, veluti an. 1510. Maximiliani I., quem ut salutaret Augustum hospitem a senatu academico constitutus est celeberrimus Ulricus Zasius, qui ab ineunte hoc seculo XVI. humaniorum litterarum professionem cum iurisprudentia coniunxerat.

An. 1514. idem Maximilianus imp. ab Universitate hac consilium expetiit super Calendarii reformatione, quæ tandem an. 1582. a Gregorio XIII. consultis peritioribus Italiæ mathematicis per Aloysium Liliū confecta ad Europæ principes & celebriores academias missa est, ut communi reciperetur opera. Consilium memoratum Friburgi dedit theologus celebratissimus Ioannes Brisgoius, qui identidem in catalogo rectorum universitatis Fasc. I. amœnitatum litter. Friburg. ineunte hoc seculo, perinde ac Iodocus Lorrichius Carthusianus ad finem vergente notatur.

Ioan-

Ioanni Brisgoio quidem Ulricus Zasius epist. CCXLII. editionis Rieg- SECVLVM XVI.  
gerianæ ad Lutherum a) id testimonium reddit, nihil eum post sacras lit-  
teras præter Lutherana sapere, ita quidem scribens anno 1520. Eo- a) p. 396.  
dem fere tempore Io. Eckius in libello quodam paullo post disputatio-  
nem Lipsiensem scripsit in hæc verba b): *Ich hab wol anzaygt, wie nit mer b) p. 125.*  
*dan drey doctores in theologia dar seind, der eind ist doctör Ludders Or-*  
*den; den ich nit kund leyden, mit den andern zweyen gefall mir woll, ich*  
*sey doctör Friburgensis und der ain doctör Ioan. Prigoius der mein pro-*  
*motor gewesen und praeceptor. das D. Lüdder ietz wolte begeren das nach*  
*dem Sentenz der ding halben kain Einred suchen wollt und das solichs ietz*  
*auffgeschriben wurd, also fiel D. Ludder auff Parysz.* Agitur hic de  
selectu academiarum pro ferendo arbitrio propositarum Luthero.

Quod vero Lutheranismum attinet, Zasium ea suspicione liberat lau-  
datus Ios. Rieggerus, qui primum Luthero c), antequam in Ecclesiam de- c) p. 132.  
baccharetur, familiaris fuit perinde ac Zwinglio, ad quem an. 1520. sic  
scribit d): *Multos nostra provincia Lutheranos fovet, theologos etiam & im-* d) p. 523.  
*primis Iacobum parochum paganum, virum, si quisquam est, sincerum,*  
*cum quo, quando nimis lutheraßit, sape ad amicitiae modum discepto.*  
Nihil hic de academia, quæ annis 1524. 1530. & 1544. catholicum  
contra Lutberi & Zwinglii &c. hæreses arbitrium dedit. Aderant por-  
ro an. 1526. in colloquio Badensi supra memorato in causa Zwinglii  
inter alios etiam theologi Friburgenses præsentés. Dum anno 1529.  
Capitulum cathedralis ecclesiæ Basileensis Friburgum commigravit, una-  
cum Henrico Lorito Clareano etiam Erasmus Roterodamus simul acces-  
sit in Matricula pergamæna universitatis ita notatus: *Desiderius Roteroda-*  
*mus s. Aug. 1533.* Vocati sunt porro an. 1560. theologi Friburgen-  
ses a papa ad concilium Tridentinum.

Anno 1545. instituta est Friburgi societas equitum, teste Crusio e), in e) p. III. ub.  
qua Conradus comes Tubingensis dominus in Liechteneck, Ludovicus XI. c. 19.  
baro Stauffensis, Io. Christophorus & Antonius barones de Falckenstein,  
David a Stein, Lucas a Reischach, Io. Ulricus de Stadien & alii erant.  
Sed iam anterioribus seculis erant huiusmodi consociationes; ac quidem  
nobilium equitum Friburgi, ad utrumque item Rheni litus & in Nigra  
silva deinceps mutua statuum coniunctio provincialium sese sponte tute-  
læ Austriacæ subiicientium, prælatorum, equitum, urbium item & re-  
gionum (Landschaften), quorum matriculæ ad præstanda subsidia præsi-  
diaque militiæ ab ineunte maxime seculo hoc XVI. habentur; reclamante  
quidem, quod potiora quædam attinet membra, identidem Imperio.

Seculum  
XVI.

Ferdinandus I. imp. die 23. Decembr. an. 1562. solemnī ritu in urbem susceptus celebratis festis natalitiis Domini conventum statuum provincialium ibidem celebravit.

Anno 1591. Ordo Capucinorum susceptus est in urbem, qui adolescente seculo hoc XVI. auctore Matthæo Bassio Umbro, ingenti Ecclesiæ bono, est institutus. Non desunt tamen, qui id gloriæ celebri Ludov. de Fossebrun tribuant.

Villingæ.

XII. In tabula quadam Villingæ in prætorio suspensa ad an. 1553. legitur, eo anno universitatem Friburgensem ibi, id est Villingæ, fuisse, nulla addita causa vel ratione. Nihil hic de Maximiliano R. R. an. 1500. cum magno apparatu conventuque principum Friburgi præsentē, quod in schedis Mss. urbis Villinganæ lego; factum vero fuit an. 1498. Eundem Maximilianum Villingam ad festum S. Georgii an. 1507. venisse, in memorata tabula legitur, & ad annum præcedentem, Margaretham Austriacam eandem urbem in festo S. Agnetis ingressam insignia avi sui in muro prope Socolantium monasterium renovari curasse. Dum an. 1515. foedus Suevicum Ulrico duci Wirtembergiæ bellum intulisset, urbi etiam Villingæ demandatum est, ut vicinas ducis terras occuparet. Igitur cum trecentis armatis egressi versus monasterium S. Georgii, abbatem ad deditionem invocarunt, quod ille ægre quidem, ut præferebat, fecit. A San-Georgianis petatum est, ut Austriæ, foederi Suevico, & urbi fidem præstarent. Villingani ulterius progressi versus Schiltach, Rottwilanos etiam missis nunciis in partes traxerunt, ac iuramentum, capto oppido Hornberg, a terris illic Wirtembergicis susceperunt.

Fervente paullo post bello rustico, moderatione præcipua erga vicinos, atque etiam subiectos rusticos rem suam caute & prudenter egerunt Villingani, dum an. 1525. die Lunæ ante festum Purificationis Georgius Truchsessus Villingæ rusticos vallis Brigidanæ urbi obnoxios adduxit, ut ad festum S. Blasii iurati urbi darent fidem.

Anno sequenti 1526. ad Dominicam *Quasi modo* Villingam frequens condictus fuit conventus urbium, nobilium & monasteriorum. Recensentur in supra memorato chronico Villingano Wolf Dietrich de Hornburg, Eques Ioannes Remmer, Wolfgang de Hornburg, consules ex Ehingen & Friburg; ex parte Villingen Iuncker Bez. Tractabatur ibi inter dominos & rusticos, erantque præsentēs Friburgenses, Argentoratenses, Brisacenses, abbates Schuteranus, Etenheimensis, S. Blasianus, commendator ord. Teutonici Friburg. Wendel de Weiger, Conrad Sturzel,



zel, Caspar de Blumneck. Ultra 80. urbibus, monasteriis & præfecturis facta fuerat denunciatio, comitibus etiam de Furstenberg, Lupfen, Kiesen-berg, Stiehlingen, marchionibus de Baden & Röteln: vallibus Tott- nau & Schönau, quatuor ditionibus Frickthal, Schopfen, Eendingen, Ken- zingen cum præfecturis omnibus Ensisheimensibus, impositumque rusti- cis Alsatiae & Brisgoiae, ut per tres annos sexdecim bazias cambio Fri- burgensi præstarent. Additur, scribam Villinganum 36. florenos lucra- tum fuisse suo calamo in hoc negotio.

SECVLVM  
XVI.

XIII. Graves erant Villinganæ urbi cum Rottwilana (ad quam etiam Rottwila. Maximilianus R. R. an. 1507. in die Ascensionis Domini divertit Constan- tia a comitiis redux) controversiæ circa fines iusque venandi, perinde ac Rottwilanis cum duce Wirtembergiæ; huius tamen partes susceperunt Helveti in bello Reutlingano ineunte sec. XVI. Inde cum Rottwilani cum Villinganis terras ducis in Nigra silva invaderent, senatus Turicën- sis & Schafhusanus petiit a foederatis Rottwilanis, ut foedus Suevicum defererent. In proutu etiam erant comites de Geroldseck & de Zollern cum 6000. peditum & 600. equitibus invasuri urbem incensurique, ni- si maturo recessu periculum avertissent.

Fœdus Rottwilensium cum Helvetis, Turicensibus imprimis, in causa fuit, quod etiam magna pars civium Zwinglianis erroribus abduceren- tur, ut saltem sex tribus ex undecim religionem avitam servarent, exire urbe iussis an. 1529. novatoribus cum prædicantibus Conrado Stucklin & Valerio Anselmo dicto Rüd. Exulum causam apud Ulricum Zwing- lium egit Ambrosius Blaurerus Constantiensis pastor, cuius epistolam com- mendatitiam ab Hottingero editam a) etiam legere est in anecdotis Simleria- a) P. I. p. 519. nis cum libello exulum pro ope & auxilio ad confœderatos Helvetos; sed frustra, Rottwilanis iura libertatemque suæ civitatis obtendentibus. Causam avitæ religionis in bello Capellano cum quinque cantonibus ca- tholicis prosecuturi cum ducentis armatis Rottwilenses Waldshutum usque processerunt. Neque ullus proscriptorum Rottwilensium in urbe Turicensi susceptus legitur in catalogo exulum ultra 400. urbium item eis locum apud se dantium, qui in laudata collectione Simleriana p. 538. legitur.

XIV. Successerunt in Wirtembergia multo gravissima inmutatæ cau- Avitæ religio- nis mutatio in Wirtember- gia. sa religionis mala, restituto in ducatum an. 1534. Ulrico, qui in Hel- vetia profugus secum attulit nova dogmata ab Ambrosio Blaurero Con- stantiensi prædicante ex apostata Alperispacensi ord. S. B. moxque anno se- quenti avitam religionem ad normam Augustanæ confessionis immutavit;

SECVLUM  
XVI.

abolitis vero paulatim Zwinglianis pastoribus solis Lutheranis locus est relictus. Quum incentivum maxime essent ecclesiastica bona redditusque monasteriorum, quibuslibet artibus ac vi ad illa diripienda actum fuit, uti apud Besoldum videre est in prodromo vindiciarum ecclesiasticarum Wirtembergensium capite sexto imprimis; nos vero, quod monasteria Nigrasilvana attinet, suis locis attingemus. Christophorus dux, qui Ulrico patri an. 1550. successerat, auctore Brentio peculiarem religionis formulam non dubitavit ad Tridentinum concilium mittere an. 1552. Quin imo arrepta est postea occasio, dum an. 1573. duce Ludovico Stephanus Gerlachius Constantinopolim concederet cum legato Maximiliani II. Davide Ungnad, ut litteras commendatitias a Iacobo Andrea & Martino Crusio acciperet, quibus apertum est mutuum commercium litterarum ad tentandam unionem, si fieri posset, Græcæ Schismaticæ ecclesiæ cum Lutherana; sed frustra, omnino abruptentibus an. 1581. commercium Græcis, licet haud infrequenter & quidem postea an. 1587. ipse Gabriel patriarcha stipatus commendatitiis a pluribus patriarchis in magna Synodo Cpolitana ad omnes principes Tubingam etiam adveniret: quæ academia hoc seculo XVI. circa finem, cum pestis Tubingæ grassaretur, aliquando sese in Nigram silvam nostram opidum Calvam partim partimque Herrenbergam abdere fuit compulsa.

Lectu dignissimam & iucundissimam citat I. Ul. Prægizerus in supplemento Sueviæ & Wirtemb. de hac re orationem Crusii, de vetustissimo Wirtembengensis ducatus oppido Calva, habitam ab ipso Tubingæ an. 1595. gratitudinis ergo pro benevolo beneficoque hospitio, quo pars academix Tubingensis, theologica nempe & philosophica facultas an. 1594. pesti in oppidum Tubingense illapsæ cedens, Calvæ recepta & tecta fuerat.

Et marchio-  
natu Badensi. XV. Dum negotium mutandæ avitæ in Wirtembergia religionis varias sufferret vicissitudines, quod terras illas nunc Ferdinandus I. nunc Carolus V. imperatores occuparent; vicinis marchionibus Badensibus novæ religionis studiosis cautius lentiusque procedere consultum fuit. Ex tribus marchionis Christophori filiis senior Bernardus constanter avitæ catholicæ religioni adhælit. Philippus ad Protestantes nunquam quidem ipse declinavit, favit nihilominus Lutheranismi per aliquot annos; at an. 1532. prædicantes eius sectæ suis ditionibus eiecit Caroli V. imp. in Sueviam adventu, ut Schoepflino a) videtur, perterritus. Edit is in cod. diplomat. hist. Zaringo-Badensis P. 411. litteras consulis & senatus Friburgensis an. 1523. ad Ernestum tertium Christophori filium, cui marchionatus Hachbergæ cum Ufenbergæ, Rœtelæ, Badewilæ,

a) Hist. Bad.  
Z. III. p. 33.  
Z. III. p. 37.

læ, (recrudescentibus quidem identidem inter herciscientes Brisgoiam SECVLEM XVI. Austriacos & Badenses principes litibus) Sausenbergæ dynastiis in Nigram silvam nostram excurrentibus obtigit. Monent Friburgenses marchionem, Lutheri doctrinam a tribus hominibus in tractu Kayserstuhl disseminari; necdum ergo de se suspicandi locum dederat Ernestus, qui teste Schoepflino a) in abolendo veteri cultu lentus, in admittendo novo a) *Hist. Bad. lib. VI. c. 1. §. 16.* non præceps, nec Cæsarem offendit, nec Protestantes a se alienavit, futuram præstolatus religionis pacem, cuius initium Passaviensi tractatu lætus vidit, complementum pace Augustana videre non potuit, mortuus an. 1553. Pforzhemii. Contra eum prælati Brisgoiæ, Sundgaviæ & Nigræ silvæ an. 1536. querelas deposuerant parum efficaces.

Fuit vero, qui patri successit, Carolus ultimo genitus, in novis sacris multo tenacior atque in abolendis avitis promptissimus post comitia Augustana an. 1555. mox anno sequenti inducta confessione Augustana, convocatis Phorzhemium Protestantium Doctoribus, ducem etiam Wirtembergiæ secutus: quod monasteria institutumque monasticum in suis ditionibus attinet, maiori saltem usus moderatione. Apud eum rediit in Gallia exul Albertus Brandenburgicus marchio bellicosissimus mortuus est an. 1557. Phorzhemii, unde postea sedem Durlacum transtulit Carolus, a qua regia deinceps Ernestina Badensium Stirps nomen retinuit ex divisione terrarum post mortem Philippi fratris an. 1533. inter Bernardum & Ernestum fratres facta. Ex his Bernardina avitam religionem servavit, Ernestina Lutheranam adoptavit; ut tamen Ernestus Fridericus primogenitus Caroli II. filius ad castra Calvinistica transierit, edito etiam in defensionem doctrinæ Calvinisticae libro.

Iacobus vero secundo genitus post seriam non unius anni deliberationem, institutaque duo inter utriusque partis theologos colloquia, in gremium catholicæ Ecclesiæ rediit, eius fidem solemniter professus in monasterio Tennenbacensi an. 1590. die 15. Iulii: cuius mutationis causas perscripsit celebris eiusdem conversionis præcipuus auctor Io. Pistorius an. 1591. adeoque post mortem Iacobi, quam eiusque causam descripsit quidem Pistorius, non omnibus æque tamen persuasit, uti apud Schoepflinum legere est. b)

b) *T. IV. lib. VI. c. 4. §. 11. p. 131.*

XVI. Ex præcipuis Nigræ silvæ dynastis sunt comites de Furstenberg: ex quibus Wolfgangus apud Besoldum c) notatur, cui iussu Maximiliani I. in diplomate an. 1504. pro monasterio Alperspacensi abbas Gerhardus homagium præstitit aulæ suæ Marechallo supremo ca-

c) *Comites de Furstenberg. Docum. re. div. T. I. p. 175.*

SECVLVM  
XVI.

pitaneo & præfecto Alfatia & Ortenavia. Idem an. 1505. fœdus Christophori marchionis Badensis cum Maximiliano Imp. contra Gallos & Helvetios, quod speciatim Austriacas & Badenses in Alfatia, Brisgoia & Nigra silva ditiones respexit, suo etiam munit sigillo, nomine Cæsaris cum Casparo barone de Mörsberg. Idem Maximilianus terras regni & oppida Palatinatui oppignorata, teste Trithemio in chron. Hirf. ad an. 1504. recuperans (nempe Geroldseck castellum & ditionem, Offenburg, Ortenberg, Gengenbach, & quidquid in circuitu iuris fuerat Palatini, ex his dimidiam partem Ortenavia) huic Wolfgango tradidit ob officia, quæ ei præstiterat comes, & ob 24000. fl. summam, quam stipendii nomine & ex mutuo comiti debuerat Maximilianus. Obiit Wolfgangus Ortenbergæ an. 1509. sepultus in Neudingen, ubi iam ineunte seculo hoc XVI. Clara Anna & postea Beatrix eius filia fuerunt moniales.

Post Wolfgangi mortem Fridericus & Wilhelmus filii communiter paternam hereditatem tenuerunt, post divisionem etiam an. 1515. oppidum Furstenberg, ut vero Wilhelmo obtingeret Neofurstenberg cum aliis in Nigra silva ditionibus excepta valle Kinzingana, quæ, quantum ad Furstenbergicos pertinebat, relicta fuit Elisabethæ ex comitibus de Solms matri ad dies vitæ, quam cum morte commutavit an. 1540.

An. 1544. Wolfgangus II. Friderici filius natus solum 24. annis in prælio apud Carigniacum in Pedemontio occubuit, quando etiam in chron. Villingano captus dicitur Wilhelmus eius avunculus mortuus an. 1549. Egon vero ex Friderico fratre nepos in obsidione Metensi lethaliter vulneratus obiit an. 1553. Treviris, in Neidingen sepultus. Fridericus & Wilhelmus fratres mutuo se armis petiisse an. 1538. in tabula historica Villingæ in curia suspensa leguntur.

Fridericus iam an. 1516. Annæ de Werdenberg unicæ eius stirpis nupsit, unde an. 1540. extincta mascula stirpe Werdenbergica cum aliis ditionibus comitatus Heiligenbergicus ad Furstenbergenses devenit ceu feudum Imperii, assumpta ideo in scuto Furstenbergico medio in corde aquilæ scala Heiligenbergica, cum vexillo item Werdenbergico. Emit Fridericus an. 1537. dynastiam Blomberg & an. 1553. Möhringen, quæ cum Hausen & Wolfach ineunte seculo sequente, ut videbimus, obtigerunt Uratislao Albrecht I. de quo mox dicemus, filio nato an. 1584. In iam citato Msc. chronico Villingano Fridericus an. 1525. Villingam cum uxore & liberis advenisse legitur, secum allato ingentis magnitudinis



dinis cervo, paratoque civibus convivio, post quod saltatum, renovandæ amicitiae causâ; quod deinde cives præstiterunt comiti, quævis vicinitatis officia promittenti; additur vero: *Ist ihm wiest vergangen*. Fridericus hic eius nominis secundus quindecim prolium parens non unius stirpis Furstenbergicæ conditor: ac quidem per Christophorum filium Kinzinganæ hodie superstitis longe lateque sese per Nigram silvam diffundentis. Christophoro post mortem Friderici an. 1559. Henricus & Ioachim administrationem soli commiserunt, qui eodem tamen adhuc anno defunctus biennem tantum reliquit filium Albrechtum, cui in divisione bonorum an. 1562. Haslach, Hausach, Wolfach in valle Kinzingana cum dynastiis Möhringen & Blomberg, avunculo vero comitatus Furstenberg cum reliquis Nigræ silvæ dynastiis obtigerunt.

Ioachimus autem itidem quindecim prolium parens Heiligenbergicæ lineæ seculo hoc XVI. fuit sator, cui Henricus frater an. 1579. suas etiam possessiones æger detulit in Nigra silva. Defunctus est an. 1596. improlis, inque monasterio Ambtenhusen sepultus Ioachimus & Albrechtus terras indivisas an. 1597. administrandas ad annos 12. pro solvendis debitis commiserunt Friderico IV. filio Ioachimi satoris lineæ Heiligenbergicæ, quæ ineunte hoc seculo XVIII. cum principali Kinzingico-Mæskirchica iterum est coniuncta stirpe, omnes demum an. 1744. cum Donefchingica, quæ satorem habuit Iacobum Ludovicum memorati mox Friderici IV. filium natum an. 1592.

XVII. Fuit Anna Furstenbergica Friderici filia, Christophori, Henrici & Ioachimi soror nupta Io. Christophoro ex familia de Falkenstein, quam memoravimus proximis seculis insignem inter Nigræ silvæ dynastas. Insignia eius cum trabe transversa conspicua fuerunt apud S. Blasium in fenestra picta an. 1556. arte encaustica, quam ab aliquot seculis deperditam, hodie restitutam opera duorum fratrum conversorum S. Blasii eiusdem familiæ Nigra Silvanæ Pflugerorum Michaelis & Antonii ex fratre nepotis, cernere licet in ecclesia monasterii S. Blasii. Eadem insignia comparent in lapide sepulchrali eiusdem Io. Christophori Ebringæ in Brisingoia. Ubi eum sepultum cum armis gentilitiis utpote stirpis Falckensteinicæ de Heitberg ultimum acta monasterii S. Galli produnt, a quo monasterio dynastiam Ebringensem in feudum accepit ineunte sec. XVI. Sigismundus de Falckenstein in Heitberg in uxorem accepta vidua Georgii de Eberstein. Idem autem feudum an. 1533. defuncto Sigismundo eiusque uxore Verónica nata de Embs a Diethelmo abbate Sancti Gallensi accepit Ioannes Christophorus. Legitur is an. 1560. præfectus

SECVLVM  
XVI.

ſus provinciarum anterioris Aſtriæ, qui an. 1567. adhuc ſubſcripſiſſe legitur chartæ Ferdinandi archiducis. Viget vero hodieque in Briſgoia familiæ Falckenſteinæ ſtirps illa, quam libris præcedentibus notavimus cum cervo gradiente in ſcuto. Ad quam pertinet Scholaſtica de Kunſegg ſeu Kœnigſeck nupta Io. Georgio Reinaldi de Falckenſtein filio. Occurrit Scholaſtica memorata in charta an. 1313. eius vero filius Erhardus (qui ex uxore nobiliſſimæ familiæ Nigra-ſilvanæ de Blumeneck filium Iacobum ſuſcepit) duas ſe domos Villingæ poſſidere teſtatur in charta an. 1542. an. 1568. ſigillum ſuum chartæ appoſuit cervum nimirum gradientem: ubi cum Anna de Reiſchach nata de Kunſegg vidua cognatum ſuum appellat. Iam lib. X. celebravimus Ioannem Erhardum de Falckenſtein cognominis ex matre Blumeneckica filium natum ex Suſanna de Weſtenberg ſec. XVII. plurimis tempore præſertim belli tricennalis legationibus Imperatorum & archiducum Aſtriacorum clarum, celebratumque apud omnes vernacula oda *Kent ihr nicht den Herrn von Falckenſtein*, qui ex Anna Francisca de Mercy Filia Franciſci & ſore Florimundi Claudi heroum in noſtris etiam plagis fortiffimorum progeniit Franc. Marquardum de Falckenſtein equeſtris exercitus Cæſarei ineunte hoc ſeculo XVIII. ducem ſtrenuum, ac commendatorem provincialem in Altshauſen an. 1717. defunctum.

Edimus chartam an. 1519. unde eluceſcit, Sigismundum de Falkenſtein Wilhelmo & Friderico de Furſtenberg vendidiſſe caſtrum Haydburg, vocato Daniele de Baden in teſtem, *den veſten Daniel von Baden*. Eodem hoc ſeculo XVI. Anna Friderici de Furſtenberg filia Chriſtophoro de Falckenſtein nupta ſuæ ſtirpis ultimo ob. an. 1568. Serius vero caſtrum Falckenſtein in comitatu Möſkyrchico ad Danubium ſitum ex hæreditate comitum de Helfenſtein Nigræ ſilvæ in pago Bara dynaſtarum ad Furſtenbergicos pervenit, quod iam an. 1362. Albertum de Mayenbuch poſſediſſe acta inter eundem Wernerum de Zimmern, Conradum de Furſtenberg, Oswaldum de Wartenberg dictum de Wildenſtein & Ioannem de Blumberg docent. Vicina eſt hæc Nigræ ſilvæ arx, e regione vero poſita, quæ in Alſatia a Dan. Schoepſino in Alſatia illuſtrata notatur a), & paſſim alibi cum aliis eiſdem nominis familiis nobilium & comitum de Falckenſtein: quo titulo etiam ac nomine delectatur, atque ex hæreditate paterna comitatum poſſidet Iosephus II. Imp. in Hunnorum tractu, cui nomen petra Falconis, qua ab ave falcone item comitum nomen hoc frequentari potuit apud comitum ac nobilium familias.

Notavimus iam lib. VIII. ex Mſ. noſtris Falckenſteiniorum familiam de Beckenrütſti in Briſgoia, quæ falconem arcui inſidentem pro inſigniis habet.

habet. Scrinia urbis Friburgensis edocere queant; utra sit, quæ castrum SECVLVM  
XVI.  
Valckenstein in valle Valckensteig (in Suevia quippe castrum Falckensteinorum haud procul ab oppido Hornberg fuit) tenebant, postea ad nobiles de Landeck translatum, qui iam ab ineunte sec. XIV. possessiones in illa Nigræ silvæ versus Brisgoiam plaga habebant, quæ post mortem Iacobi de Landeck ultimi ex ea familia, ut libro superiore memoravi, anno 1562. ad iam memoratam familiam de Sickingen devenerunt ex parte saltem potiore, Annæ unius ex filiabus Iacobi (quarum altera Helena fuit) connubio; in ditione vero Baronis de Pfürt in Arspach sunt rudera arcis cum potiore parte vallis Valckensteig, cætera ad Barones de Witenbach pertinent, urbemque Friburgensem. Alia quædam illius terrarum ditionis B. de Pfürt circa monasterium Oberriedt, seculo præterito dote ad Barones de Neveu venerunt.

Inter nobiles Nigræ silvæ familias, quæ seculo XVI. esse desierunt, non est postrema comitum de Zimern, quo axiomate seculo hoc XVI. auctam hanc familiam an. 1539. a Carolo V. iam supra libro XII. notavimus, quando familiam duxit Ioannes Wernerus iunior perinde ac pater numerosæ prolis parens, frater Wilhelmi Werner, quem Crusius in Annal. Sueviæ a) ex Pantaleone de viris illustr. Germaniæ laudat, virum doctrinæ haud vulgaris & antiquarum rerum collectorem studio-  
fissimum. Existimamus eius industriæ deberi spissum volumen historię huius familiæ, quod servatur in archivio Fürstenbergico. Primo matrimonio iunctus fuit Catharinæ de Lupfen. Legitur etiam nomine Rudolphi comitis de Sulz præfuisse iudicio aulico Rotwilano iam an. 1526. eius Frater item Ioannes Wernerus de Zimern dominus in Wilden- & Valckenstein an. 1535. & 1541. iterum vero Wilhelmus Wernerus (qui etiam citatis auctoribus iudex cameræ Imperialis fuisse dicitur, uti se scribit in instrumento an. 1551. b) & an. 1560. c) quo tutor extitit Franciscæ comitissæ de Lupfen; Frobenius Christophorus vero Ioannis Werner, iunioris filius, comitem & dominum de Zimbern, se se subscribit in instrumento an. 1559. dominum in Wildenstein & Möskyrch, Henrici comitis de Lupfen, ut acta huius familiæ produnt; Wilhelmum item Frobenii Christophori filium comitem de Wildenstein & Möskyrch dominum in Oberndorf & Schramberg ob hæreditatem conventionem celebrasse cum Anna Magdalena de Lupfen, nata de Hohengeroldzegg, vidua an. 1584. die 15. Octobr. Tutor item occurrit in charta an. 1590. Ioachimi Christophori de Morsperg cum Petro de Morsperg, quem an. 1594. Margaretham vero eius coniugem natam de Lupfen an. 1588. esse defunctam testatus est Ioachimus comes de Fur-





Maximilianus comes de Pappenheim in comitum de Lupfen feuda imperialia successit, Landgraviatum etiam Stuhlinganum in Alpegovia nostra. SECVLVM XVI.

Ad Alpegoviam quoque pertinet oppidum Thiengen, ex quo comites de Sulz potentes olim Nigræ silvæ dynastæ vicinam Cleggoviam regebant sec. XVI. cuius incolæ a Stuhlinganis ipsoque incentore rusticorum Thoma Munzer animati an. 1525. in arce Kysenberg comitem Wolfgangum Hermannum Rudolphi fratrem obsederunt; nec obstantibus induciis a legatis fœderatorum Helvetorum pactis, iterum rebelles a capitaneo Austriaco Fuchs de Fugsberg cæsi, & ad officium sunt revocati.

Comites de Sulz graves admodum & molesti erant q̄b advocatiam monasterio Rhenaugienli: intercesserunt præterea bella & turbæ religionis causa, compulsusque est abbas Bonaventura an. 1529. in Nigra silva nostra Waldshuti quærere refugium, Rudolphum comitem de Sulz inde urgens, ut rusticos Cleggovienses refragarios ad præstandos redditus adigeret: eius etiam successor Io. Henricus Schenck de Castell transegit an. 1555. cum Elisabetha de Zweybruck, Rudolphi comitis de Sulz vidua, nomine filiorum Wilhelmi & Alwici, qui an. 1579. moriens quatuor filios ex Barbara de Helfenstein Rudolphum, Carolum, Ludovicum & Christophorum reliquit, quorum curator Henricus de Furstenberg & Schickardus de Helfenstein an. 1579. in Thiengen res cum monasterio componendi causa convenerunt: nomine monasterii præsentés erant conventualis Geroldus de Zurlauben, Ioannes pater & filius de Wellenberg, ex familia abbatis Bonaventuræ officiales monasterii, Erat Alwicus comes de Sulz præfectus Austriacus in Alsatia. Oppidum vero huius nominis ad Nicrum, libro superiore meminimus, comites de Wirtemberg an. 1471. armis extorsisse Ioanni de Geroldseck, linea illa eodem adhuc sec. XV. extincta.

In sæpe laudata historia Geroldseckiana a) ad an. 1500. leguntur litteræ feudales a Maximiliano I. Imp. Gangolfo I. seu seniori datæ b). Ad an. 1514. uterque senior & iunior seu secundus occurrit; hic solus vero in charta an. 1522. c) ubi se dominum in Geroldseck & Sulz nominat. Ibidem post declarationem Gangolfi & Walteri fratrum de castro Hohengeroldseck in feudum a domo Austriaca tenendo sequuntur eiusdem an. 1526. d) litteræ feudales a Ferdinando archiduce tanquam d) p. 266. duce Wirtembergiæ pro Gangolfo & Waltero super dynastiam in Sulz, & postea an. 1544. super castrum Hohengeroldseck e) & mox eiusdem e) p. 270. Ferdinandi I. Imp. pro Waltero & Quintino Gangolfi filio an. 1548. f) f) p. 292. qui communem dynastiam habuerunt, ut ex charta mox sequenti pa-

SECVLUM  
XVI.

a) p. 294.

b) p. 296.

c) p. 301.

d) p. 302.

e) p. 313.

f) p. 320.

g) p. 326.

lam fit a). An. 1555. idem Ferdinandus I. castrum & dynastiam Hohen-geroldseck uni Quirin-Gangolfo in feudum dedit b) mortuo Waltero, cuius vidua Anna de Stofen transegit, iterumque an. 1559. c) uti ibidem legitur. Ad an. 1572. d) vero refertur Caroli iunioris comitis de Hohenzollern, Simaringen & Veringen formula iuramenti tutorii pro Iacobo Quirin-Gangolfi relicto filio infante; cuius tamen tutores an. 1571. notantur Alwig comes de Sulz & Henricus comes de Lupfen Landgravius in Stuhlingen, in instrumento venditionis cum Adamo de Neuenstein e). Iacobus an. 1586. a Ferdinando archiduce & an. 1596. f) a Rudolpho II. Imp. feuda recepit g).

Non unus ex familia Geroldseckiana seculo hoc XVI. in terris anterioris Austriæ præfecturam tenuit partim trans Rhenum, partim etiam ad nostrum cis-Rhenanum litus; ubi tamen ordinum census saltem discretos fuisse recenset an. 1509. qui in archivio Friburgensi servatur, palam facit, in quo status Ecclesiastici membra solum cis-Rhenana in Brisgoia comparent cum statu amplissimo Equitum: quorum tamen familiæ ramos suos non solum ad utrumque latus Rheni Austriaci habebant, verum etiam in libero Imperio tam in Suevia, quam Nigra silva. Inde ortum habent nobiles de Blumnek, ex qua in memorato censu memorantur Herr Dietrich, Melchior, Balthasar, Rudolph, Casper; Valckensteiniorum per plerasque imperii provincias sparforum comitum & equitum Herr Sigismund Stoffel de Landeck, Herr Antoni Bastion, Azymus de Wiger, Conrad de Cranznau Bolsweiler, iterumque David & Fridric de Landeck ex insigni Snewliorum stirpe. Ex supersticibus Conrad Stirzel, Hans von Rischach: de Schöna Herr Melchior, Hans, Caspar Ierg: Herr Leo von Staufen, Ludwig von Pfirt, Rockenbach, Herr Heinrich von Baden, Herr Arnold von Rotberg, pleræque omnes Nigram silvam attinentes sive ex stirpe sive per ramos, aut etiam varios acquisitionis modos. Sic ex familia de Geroldseck, Gangolphus II. & Walterus IV. iura sua in Schuterthal, Culbach, Reichenbach a Dieboldo II. de Geroldseck an. 1482. marchioni Christophoro vendita cum iure revenditionis iterum vindicarunt an. 1536. Austriacam ditionem, quæ etiam in Nigram silvam se extendit, veluti initio statim seculi huius XVI. Wilhelm de Rappolzheim, Hoheneck & Geroldseck ex familia transrhena- na; ex cisrhenana vero nostra de Hohengeroldseck an. 1531. Gangolfus II. (patre Gangolfo I. mortuo an. 1525.) dictus in charta an. 1544. supremus Capitaneus, cui an. 1547. mortuo præfecti Austriaci successerunt an. 1547. Marquard Freyherr zu Königseck & Aulendorf, an. 1553. Georg Freyherr de Helfenstein & Io. Christoph. Freyherr de Falckenstein;

stein; an. 1560. Philippus comes de Erberstein: an. 1563. Ulricus comes de Montfort & Rotenfels: an. 1570. Carolus comes de Hohenzollern & Sigmaringen: an. 1575. Georgius comes de Thurn, Valsassina &c. ab anno 1588. ad initium usque sec. XVII. Cardinalis Andreas de Austria episcopus Constantiensis & Brixienfis gubernator anterioris Austriae.

SECVLVM  
XVI.

XVIII. Iacobus de Liebenstein archiepiscopus Moguntinus, teste Gallia christiana a) an. 1506. in capitulo generali Ord. S. B. ad suffragiorum participationem admissus, anno sequenti adfuit comitiis Constantiensibus, atque a Maximiliano Imp. regalia Imperii accepit, eiusque successor Uriel de Gemmingen an. 1512. Anno sequenti Moguntiae iudicium instauratum est contra Io. Reichlinum a Iacobo Hochstrato theologo Colonienfi primario, hæreticæque pravitatis inquisitore, cuius rei acta extant Hagenoæ an. 1518. impressa, celebravitque historiam hanc Reuchlini Moguntinam anno seculari 1713. Hermannus von der Hardt inter opera sua varia tom. primo: ubi p. 18. ex Reichlini epistola ad Wimphelingium refert, Prædicatores ante hunc processum petiisse impetrasseque consilia a facultate theologiæ studii Lovanienfis & Erfortensis contra librum *Speculum oculare* Io. Pfeffercorno oppositum, qui facultatem omnia Hebræorum scripta per totum imperium Romanum conqui- rendi, Iudæis eripiendi & abolendi, apud Maximilianum Imp. urgebat, a quo ea de re consultus Reichlinus, dum dissuadet, consultum Reichlini per Moguntinum archiep. ad Cæsarem deferendum, dum in manus Pfeffercorni incidit, publico scripto sub titulo: *Hand-Spiegel Speculum manuale* refutatur, cui Reichlinus analogum opposuit an. 1511. *Speculum oculare Augen-Spiegel*, ut apud citatum von der Hardt est legere, epistolam etiam ea de re ad Iac. Fabrum Stapulensem Parisios datam ex Stutgardia Sueviæ ad circiter pridie Kal. Sept. 1513. dum iam in procinctu fuit Hochstratus ad iudicium contra Reichlini libellum Moguntiae instruendum, quod per ordinem exhibet von der Hardt p. 32. &c. chronologicum etiam inde a mense Septembri an. 1513. quo in iudicium vocatus fuit Reichlinus tunc absens, postea etiam præsens, rogatus advenire a capitulo Moguntino: cuius patrocinio actum est apud archiepiscopum, ut, dum iam rogo addicendus esset libellus Reichlini, qui ad papam appellaverat, subito adesset nuncius archiepiscopi, qui differendum in mensem iudicium mandaret, prout acta quævis apud laudatum Hermannum von der Hardt exhibentur etiam imaginibus. Obiit anno sequenti Uriel archiep.

Moguntiae  
sedis metro-  
politice in-  
concussa &  
des.  
\*) T. V. p. 515.

SECVLVM  
XVI.

Supremus in sede Moguntina Nigræ silvæ hierarcha fuit, dum avita religio laceßiri cœpit in Germania, Albertus Brandenburgicus, qui annuente Leone X. an. 1514. archiepiscopatum Moguntinum cum Magdenburgensi coniunxit. Ad eum Lutherus, cum a Io. Tecelio ob theses contra Indulgentias peteretur, an. 1517. litteras dedit contra usum perinde ac abusum Indulgentiarum, annexis simul thesibus de pœnitentia & Indulgentiis; ad quæ vero nihil Albertus, notatus passim, quod segnius rem egerit, dum interim clam novi præcones evangelii etiam se in ipsam urbem Moguntinam insinuarent, ut discimus ex epistola Ca-  
 a) *Hist. eccl. spari Hedionis apud Hottingerum ad Zwinglium a) an. 1520. data, sec. XVI. P. II. p. 519.* in qua dicit, ecclesiam fratrum illic omnes Zwinglium amare, venerari & adorare, seque vocatum Moguntiam concionatorem absente quidam tunc archiepiscopo, a Wolf. Capitone, qui officium illud suum Hedioni resignaturus erat, futurus Electori a consiliis; qui vero fuit Argentorati postea cum Hedione & Bucero hyperaspistes novæ sectæ. Quid vero Moguntia ageretur, ipse Capito ad Zwinglium an. 1521. non tamen Moguntia sed Hallis in Saxonia, perscribit his inter alia verbis b):  
 b) *Reverendissimus Cardinalis Moguntinus, quantum potest evangelium ut prædicent, præcipit, citra perturbationem vulgi; sinceriter, absque tamen atrocibus affectibus. Nec vult, ut quis clamet in Lutherum &c. Nuper venit Provincialis Ordinis Minorum instructus magna auctoritate, petiit auxilium, ut dicebat, principis mei, & litteras, ut possit concionari per diœceses contra Lutherum. Quid ad hæc princeps meus? Cordatissime respondit, sibi non probari huiusmodi institutum: non esse sic mutuis convitiis debacchandum. Neque eam sibi viam ad tranquillitatem videri, gratum tamen admodum ipsi, si firmarent pure & simpliciter dicere evangelicam veritatem citra atrocem notationem.*

Ad suam mentem Capito loquitur de evangelio, a qua alienissimus fuit Albertus, ut ipse Lutherus prodit, cui minime probatus fuit, imo cumprimis etiam excessisse est visus, tam ipse scilicet leniter Lutherus rem mansuetoque animo egit. Audiamus ipsum apud laudatum Hottingerum c):  
 c) *Si Moguntinus a principio cum a me admoneretur, denique si papa, antequam me non auditum damnaret, & bullis suis sæviret, hoc cepisset consilium, quod Carolus Militius cepit, & statim compescuissent Thecelianum furorem, non evasisset res in tantum tumultum. Sola culpa est Moguntini. Apologia est hæc Alberti archiepiscopi, qui nunquam deseruit suam, quam pro orthodoxa fide suscepit tuendam provinciam, nec ullus suorum successorum. Successor post mortem Alberti an. 1545. Sebastianus de Heulensteinam concilio Tridentino*



tino an. 1551. adfuit, eiusque successor Daniel de Homburg variis comitiis Imperii: duos etiam Imperatores coronavit Maximilianum II. & Rudolphum II. apud quem graciosus imprimis fuit Wolfgangus de Dalberg Danielis an. 1582. successor; obiit an. 1601.

SECULUM  
XVI.

XIX. Supra memini confessionis tetrapolitanæ (cuius epitome legere est in rerum memorabilium paraleip. ad chron. abb. Ursp. a) Argentinae nimirum, Constantiensis, Memingensis & Lindaviensis civitatum, quæ fuit Carolo V. imperatori in comitiis Augustanis an. 1530. oblata, non tamen publice lecta, procusa per Casp. Hedionem, quem modo familiarem audivimus Zwinglio, cuius doctrina primis statim sese initiis in urbem Constantiam insinuavit, ea perinde inconsiderantia Hugonis episcopi Constant., quam modo in Alberto Moguntino archiepiscopo notavimus; a qua tamen etiam Hugo ad se rediit iam an. 1521. ut in collect. Simleriana b) legitur ex Msc. quodam, sequunturque ibidem eiusdem episcopi litteræ pastorales an. 1523. & 1524. quibus modis novis erroribus occurrendum sit.

Secus ac ur-  
his & diocesis  
Constant.  
2) p. 49.

b) *Ep. Th.*  
bl. 766. 789.  
797.

In secunda eiusdem Simlerianæ collectionis parte legitur c) Melch. Zundelini senatoris Constantiensis præsentis narratio de irruptione in urbem ab Austriacis facta, simulque quid religionis causa eidem acciderit urbi. Perhibet vero, circa an. 1524. a Constantiensibus prædicantes, qui primum Lutheri, mox etiam Zwinglii dogmata e suggestu publice protulerint, fuisse constitutos, qui in nota nominantur Iacob Windner (*Binder*) Reutlinganus, Bartholomæus Mezler Wallerburgensis, Io. Wandner (*Wagner*) Kauffbeuranus, imprimis vero Ambrosius Blarer, quibus se maxime Antonius Pirata Ord. Prædicatorum opposuerit. Servatur etiamnum libellus a novis prædicantibus contra eundem magistratui Constantiensi an. 1523. oblatus, litteræque Ferdinandi archiducis an. 1526. qui testatur, eosdem prædicantes ad invitationem laudati P. Antonii non comparuisse. M. Ambrosium Blarerum inter hos præcipuum a multis principibus & urbibus postulatum fuisse novum dogmatistam, litteræ, quæ Constantiæ servantur, testimonio sunt ab anno 1525. usque 1540. quando potior Lutheri causa fuit, quam Zwinglii Constantiæ, qua ex urbe nonnullæ urbes imperiales pastores postularunt Biberacum an. 1533. & adhuc an. 1547. Leutkyrcha, ut superstites epistolæ produnt.

c) p. 113. &c.

Sæpe laudatus Hottingerus in hist. eccl. sec. XVI. P. II. d) Sebastiani Hoffmeisteri Schafhusani ad Zwinglium prolixam profert epistolam Constantiæ scriptam, postea Ioannis Zwicci, qui epistola data Rudlingæ e) an. 1522. quid sibi atque etiam parenti novum evangelium prædicant-

d) p. 396.

e) p. 441.

SECVLVM  
XVI.

a) p. 444.

b) p. II. p.  
519.

c) Prodr. mo-  
nument. Guel-  
phic. p. 237.

d) p. 712.

e) p. 776.

f) p. 239.

dicanti obmotum sit, narrat. Idem Zwinglio denunciata a) Io. Wannerus. Memoratur deinceps Gregorii Mangolti familiare valde epistolicum commercium cum Zwinglio, quocum postea apostata Turici vixit. Sequitur Alexii Perschii ad S. Paulum Constantiæ parochi ad eundem Zwinglium epistola, in qua quidem ægre fert, Zwinglium & Lutherum de eucharistia acerrime concurrere & disputare: eadem etiam libertate Ambrosius Blarer seu Blaurer cum Zwinglio primum expostulasse dicitur, vocaturque magnus Constantiensium reformator, pastor nimirum novæ sectæ extruso etiam episcopo cum canonicis an. 1526. vel sequenti, dum senatus clero non est veritus operas publicas imponere, ut memoratus Zundelinus memorat, b) anno item 1528. urbem Constantiam cum Turicensi & Bernensi abdicatis simul cæremoniis ecclesiasticis, imaginibus &c. fœdere iunctam fuisse, quod mox an. 1531. post secundum Capellense bellum cessarit. Narrat porro, Constantiam an. 1532. fœderi Smalchaldico accessisse, indignante admodum Cæsare, frustra etiam Friderico Furstenbergico cum eo conciliare allaborante urbem, postea proscriptam. Pervicit tandem Constantiensium pervicaciam, in qua per viginti omnino annos perseveraverant, Gerwicus abbas Weingartensis & Ochsenhusanus concivis, quem, sunt verba P. Gerardi Hess in eius vita c), *municipum & præcipue cognatorum suorum Thomæ consulis eiusque fratris Ambrosii ex Blaurerorum stirpe fors quam maxime dolebat.* Opportune ipse Carolus V. Imp. id negotii Gerwico commiserat, dum monitis eius parent cives datisque ad Gerwicum litteris an. 1547. precantur, ut mala urbi imminencia avertere conetur. Affert ibi P. Gerardus ex autographo, quod servatur ad Vineas, Cæsaris litteras d); notatque postea, quam inexpectatum simul & durum Gerwico acciderit hoc negotium ex litteris eiusdem ad Fridericum Furstenbergicum, episcopum item Atrebatensem, denique ad consiliarios & commissarios regis e), Constantiæ existentes, in quibus rogat, ut Cæsarem a proscriptione bonorum avertere, mitioraque consilia suggerere allaborent. Affert P. Gerardus Georgii abbatis Creuzlingani litteras f), quibus Gerwicum de capta urbe 14. Octobr. an. 1548. dum altera statim die lunæ civitatis incolæ ipsi (Nicolao B. de Bollweil) nomine regis cum consensu Castreæ maiestatis, ut fama fert, iniurandum dixerunt, septem vel octo viris consularibus, & prædicantibus omnibus cum suis familiis egressis, clausisque eorum domibus. Addit P. Hess, Constantientes interea equidem in Ferdinandi regis, nondum autem in Cæsaris gratiam rediisse, conditiones exsequi cunctatos, quas ibidem affert. Has quum plerasque magistratus civesque gravate ferrent, & ideo supplici apud Cæsarem libel-

libello peterent, ut libertatem conscientiae eis permetteret, Carolus Fri- SECULUS  
XVI.  
 dericum de Furstenberg, Sigismundum ab Hornstein ordinis Teutonici  
 in Meinau magistrum, Io. Iac. a Landau equitem Uberlinganum & Ger-  
 wicum abbatem commissarios nominavit ad rem cum civibus ad pacem  
 iam pronis componendam. Proscriptionis instrumentum in altera de-  
 inde parte Zundelius affert: narratque, quæ urbs in obsidione per Hi-  
 spanos milites pertulerit, ad usque receptum famosum *Interim*. Quod  
 dum tandem acceptasset urbs, pastores urbe excesserunt, quos nominat  
 Ambrosium Blarer, Ioannem Schnell, Io. Iung, Michaellem Bock, Ia-  
 cobum Funkelin, Martinum & Iacobum Mezleros.

Sic demum orthodoxia in urbe Constantia, sese tandem Austriacis de-  
 dente, restituta est, non vero etiam in amplissima dioecesi, etsi insignes  
 sec. XVI. habuerit episcopos, Hugone nimirum sæpe laudato an. 1530.  
 coadiutorem adoptante celeberrimum Balthasarum Merklin Nigra-silva-  
 num Waldkyrchæ in loco natali Præpositum, administratorem porro  
 Hildesheimensem, vice-cancellarium R. I. sub Carolo V. aliis summis  
 principibus Cæsaribusque charum, ac variis legationibus perfunctum,  
 qualem dum aggressurus erat, immatura morte abripitur anno 1531.  
 Anno sequenti revocatus iterum ad sedem Hugo, successorem proxi-  
 mo an. mortuus habuit iam supra memoratum Ioannem comitem de Lu-  
 pfen huius nominis quartum, cui an. 1537. episcopatum resignanti suc-  
 cessit Ioannes V. ex archiepiscopo Lundensi in Dania, ac insuper epi-  
 scopo Roschildensi, oratore item & commissario Cæsareo ad aliquot  
 comitia renunciatus episcopus an. 1537. repentina vero morte ab-  
 reptus an. 1548. Successorem habuit Christophorum Mezlerum Veld-  
 kyrcha oriundum, vicarium & officialem Constantiensem & Curiensem.  
 Hic tandem an. 1551. anno regiminis quarto sedem episcopalem, quam  
 Hugo ep. an. 1527. comitantibus canonicis Uberlingam transtulit, in-  
 de an. 1543. a Ioanne V. Radolphi-cellam translata, restituit *undeci-  
 ma Maii*, ut sæpe laudatus P. Gerardus Hefs ex scriptore coævo a) refert, \*) p. 242.  
*Constantiam ingressus eiusdem mensis die XII. Basilicam Cathedralem con-  
 secrat, atque Dominica Pentecostes SS. missæ sacrificium solemniter de-  
 cantat.*

Successorem Christophorus accepit an. 1561. iam cardinalitio pileo  
 ornatum Marcum Sitticum comitem ab Altembs, qui eodem ipso an-  
 no exeunte Tridenti ex Pii IV. P. avunculi iussu inter præsides con-  
 cilio confedit, absoluto autem an. 1564. concilio ad Maximilianum II.  
 post mortem Ferdinandi I. legatione perfunctus, redux an. 1567. sy-  
 nodum suæ dioecesis amplissimam habuit magna frequentia omnium Or-

SECVLVM  
XVI.

dinum secularis & regularis cleri, abbatumque complurium etiam Nigræ silvæ nostræ præsentium, non obstante defectione magnæ partis huius diœcesis etiam in Nigra silva, tam in ducatu Wirtembergico, quam Margraviatu Durlacensi; urbs tamen & diœcesis Constantiensis maiori ex parte immunis reddita fuit religione & auctoritate potissimum Augustæ domus Austriacæ, ex qua Andreas ab Austria Cardinalis Marco Sittico in episcopatu Constantiensi succedens, eum tenuit usque ad initium seculi sequentis.

Paucos post Andream supervixit annos 10. Pistorius, mortuus anno 1608. Friburgi Brisgoiæ in templo PP. Augustinianorum sepultus, canonicus Constantiensis, cuius opera imprimis usus est Card. Andreas, studiosus etiam in repurgando Breviario, quam in rem extat Io. Pistorii epistola ad Card. Baronium (inter eius opuscula an. 1770. Venetiis ed.) iussu Card. Andr. scripta. Io. Pistorii studia pro religione catholica, postquam ad hæc castra divertit, iam memoravimus præsertim in celebri colloquio Emendingensi diœcesis Constantiensis an. 1590.

Spirensis  
item & Argen-  
toratensis.

XX. Par disparque fors dici potest per motus religionis causa Germaniam nostram undique perturbantes in reliquis duabus diœcesibus Spirensi & Argentoratensi, quarum sacra iurisdictio in Nigram etiam silvam excurrit. Neutra earum sedem suam seu urbem episcopalem immunem præstitit aut vindicavit a colluvie novarum sectarum, ut tandem in utraque urbe Argentoratensi & Spirensi Lutheranismus obtinuerit, vel magna ex parte uti Argentorati, vel etiam maxima veluti Spiræ, conservata saltem ecclesia cathedrali cum capitulo & sede episcopali in suo, ut ita dicam, splendore. Argentorati Erasmus episcopus, qui postea conc. Tridentino interfuit, quum primum factus episcopus frequentem synodum Tabernis celebrasset, multaue decreta, quæ tempus postulare videbatur, promulgasset, ut Guillimannus narrat, ab Argentinensibus inde templa sibi reddi, sacraque restitui postulavit. Et cum illi diversis ad Imperatorem Carolum legationibus & rationibus rem in longum traherent, tria tandem ab iis vindicavit D. Petri duo templa & Cathedralē, in quibus sacra & cultum pristinum reparavit an. 1551.

Spiræ Philippus II. (primus huius nominis obiit an. 1513.) episcopus an. 1529. quo Spiræ in comitiis Protestantium nomen assumptum est, Georgio (qui natus ex Philippo Palatino ad Rhenum electore fratres habuit Henricum Wormatiæ & Ioannem Ratisbonæ episcopos) succedens consecratus die 25. Martii an. 1530. Aschaffenburgi ab Alberto

Bran-



Brandenburgico electore Moguntino, urbem suam festiva pompa ingressus est 9. Dec. postquam an. 1525. intercessu Ludovici Palatini restitutus fuit clerus, bello rustico seu liga sotularia memorata a Trithemio in chron. Hirf. ad an. 1502. in agro Spirensi primum pullulante, factionibusque inolitis civium Spirensium exturbatus. Sic etiam in vernacula historia episcoporum Spirensium an. 1608. edita, Rudolphum, Marquardum & Eberhardum soleumni ritu urbem ingressos atque in sedem episcopalem erectos exaltatosque memorat Philippus Simonis eodem sec. XVI. capituli cathedralis secretarius.

Argentorati vero orto post mortem Ioannis de Mantertscheid an. 1592 bello civico, dum canonici protestantes Georgium Friderici electoris Brandenburgici filium, catholici vero Cardinalem Carolum Lotharingum filium Caroli II. ducis Lotharingæ episcopum elegerunt, ventum ad arma, quibus tandem an. 1604. res confecta est in favorem Caroli Lotharingi; cathedralis vero ecclesia insignis non nisi an. 1681. quo Argentoratum Gallis cessit, restituta est Argentorati, aucta identidem re catholica, quæ ea in urbe a primis novarum sectarum temporibus labefactata fuit, non obstante zelo episcoporum Guilielmi III. & Erasmi pro avita religione catholica, cui an. 1529. publice renuntiatum est in urbe adoptato Lutheranism, dum prius etiam Zwinglius auscultaretur, quem Wolfgangus Capito vocat Argentinensis ecclesiæ apostolum apud Hottingerum a), quo teste ei etiam Martinus Bucerus in a) p. 405. 407. omnem quidem partem versatilis, nomen dedit, testatus in fine epistolæ b) ad eundem Zwinglium, obnoxium se fuisse societati dominicali, b) p. 414. Ordinis nimirum Prædicatorum. A Zwinglio deficiens ad Lutherum iterum in conventu Smalkaldico Argentoratum rediit, professus in nova academia Lutheranism, qui constanter Argentorati sustinetur, & sic ubi etiam in diocesi Argentoratensi, nuspiam tamen, qua illa in Nigram Rivam nostram cis-Rhenum distenditur, secus ac Spirensis per ducatum Wirtembergicum, marggraviatumque Badensem in decanatu Durlacensi & Pforzensi.

XXI. Monasteria, in quibus vigor fuit disciplinæ regularis pietatisque christianæ, nihil non contulerunt perturbatissimis, periculosissimisque sec. XVI. temporibus ad conservandam avitam religionem fidemque catholicam. Opportune tunc acciderunt variæ seculo superiore institutæ reformationes Ordinis S. Benedicti, ex quibus non solum ætatem tulit Bursfeldensis, verum etiam seculis adhuc proximis in flore fuit ampliata.

Monasteria  
Ordinis S. Be-  
nedicti refor-  
mata.

SCHUTTERANUM

XVI.

Schutteranum

a) *Vindem. lit-  
ter. Collect. I.*  
p. 22.

b) p. 180.

c) p. 21.

Meminimus libro superiore Ioannis Widel, qui ex Priore claustrali in monasterio Hirsaugiensi deinde Priore locali in Reichenbach, teste Trithemio, a Blasio Hirsaugiensi abbate antiquissimo Argentinenſis diocesis in Schutern monasterio est datus abbas. Ad eum in Schutern convenerunt an. 1501. eodem teste Trithemio ad h. a. in chron. Hirſ. alii quatuor abbates cum undecim monachis, ut paullo post videbimus, submissi ad reformationem monasterii Gengenbacensis. Idem Io. Schutteranus abbas adfuit capitulo annuali Moguntiae celebrato an. 1506. Notaturque adhuc an. 1508. in chron. Schuterani coenobii apud Schannatum a), in Gallia Christi. dictus Ioannes II. cum tamen iuxta seriem abbatum mecum communicatam post eam, quae sine chronologia quidem novissime in Austria sacra edita est, dicendus sit Ioannes IV. defunctus an. 1518. b) quo ei successit Conradus II. qui apud Besoldum cum Laurentio Ettenheimensi per viam compromissi elegit Udalricum abbatem Alpirspacensem an. 1523. quo ipso anno apud Schannatum c) *Ioannes Freyburger*, quia ibi natus, custos, deinde factus Prior Schutteranus, versus quosdam excerpſit ex quodam vetusto pergameno codice, qui veterum monachorum Mellicensium exactam disciplinam continebat, aliasque antiquitates notabiles & perutiles; sed statim subsecuta inaudita seditio & factio rusticorum eundem libellum & reliquos pene omnes discerpſit, perdidit, & annihilavit, totumque monasterium ex amissi spoliavit: dicebatur tempus seu bellum rusticorum.

Hæc circa tempora quidem Schutteranum monasterium imperatores, & archiduces Austriaci post Maximilianum I. Carolus V. & Ferdinandus eius frater in protectionem imperii & domus Austriacæ acceperunt, nihilominus a Geroldseckio expilatum & direptum, uti etiam a tumultuantibus rusticis; marchionibus Badensibus, comitibus Nassoviensibus dominis territorialibus compensationem damnorum quidem adiudicantibus cum multa pecuniaria. In sæpe laudato Mſc. chronico Villingano legitur ad an. 1548. monasterium Schutteranum igne periisse ad festum Trinitatis: quod ad tempora Rudolphi abb. potest referri, quem Gallia christiana statim post Ioannem Widel omisso Conrado ponit ad an. 1535. moxque Fridericum Hauff mortuum an. 1593. nulla iniecta mentione Thomæ II. Stephani, Martini, qui in citata serie abbatum Schutteranorum Rudolphum III. inter & Fridericum IV. mox memoratum, recensentur abbates ordine 57. 58. 59. Locum hic demum metetur Conradus Summerhart Calvensis Nigra-silvanus academix Tübingensis primarius institutor mortuus an. 1501. & sepultus in monasterio Schutterano.

XXII. Modo mentionem iniecimus factæ reformationis monasterii Gengenbatenſis, dum, ut narrat Trithemius ad an. 1501. *Philippus comes Palatinus & Albertus Argentina episcopus*, quorum ille tunc erat in temporalibus, iste vero in Spiritualibus dominus ad instantiam senatus oppidi Gengenbach memoratæ diœcesis vocarunt ad se Heidelbergam quosdam Ordinis nostri abbates de observantia Bursfeldensium, cum quibus secretum habuere tractatum de reformando monasterio dicti Ordinis in oppido Gengenbach constituto, cuius monachi nimis deformate vivebant. Complacuit res sancto concilio, dies in quadragesima circa Dominicam latere statuitur, in qua cum monachis reformatis apud Schutterense cœnobium reformatores debeant comparere abbates: & interea mitti debeant quidam a secretis, qui monasterium Gengenbach auctoritate utriusque principis præoccupent, ac viam parent ad reformandum. Die præstituta conveniunt abbates cum fratribus ex diversis manasteriis ad reformationem sæpe dicti cœnobii coassumtis, quemadmodum Heidelbergæ fuerat conclusum ad Schutteren. Ioannes videlicet Spanheimensis, Blasius in Hirsangia, Macarius in Limburg, Ioannes in Schutteren, & Gerardus in Alperspach monasteriorum Ordinis nostri abbates monachos reformatos adduxerunt secum ex Spanheim unum, ex S. Iacobo Moguntia duos, & ex S. Ioanne Ringaugiensi similiter duos, ex Hirsangia duos, ex Selgenstatt duos, ex Alperspach duos. Narrat porro Trithemius, quomodo abbas Conradus de Mülheim, qui an. 1500. Beato de Schawenburg successerat, arcani consilii certior factus, arrepta Argentinam fuga abbates reformatores eluserit, ex Schutteren cum suis monachis, quos adduxerant, ad sua reversos. Unitum tamen non ita multo post fuit, ex sententia Miræi, hoc monasterium Congregationi Bursfeldensi an. 1505. quo, memorante Gallia christiana, Conradus abb. a suis captus est, & in carcerem reclusus, mortuus an. 1507. ingratus suis canonicis, ut vocantur monachi Gengenbacenses; passimque referunt scriptores ac ipsum chronicon Gengenbacense apud Lunigium a monacho Gengenbacensi scriptum a), Philippum de Eselsberg Conradi successorem statuisse ex suo monasterio, aliorum quorundam exemplo provocatum, canonicorum collegium constituere, in quem finem magnis sumptibus ter Romam profectum a sede apostolica hac in re licentiam & bullam obtinuisse, quæ hodie in archivio monasterii asservetur; sed resistente Carolo V. Imp. intentionem hanc ad effectum ducere non potuisse.

Crusius ex Msc. Bruschi refert b) eum ob hanc causam a Wilhelmo comite Furstenbergico, celebri bellatore, monasterii huius advocato,

SECVLUM  
XVI.

captum fuisse. Supra ostendimus, quomodo dimidiæ Ortenaviæ præfectura Palatinis erepta ad Furstenbergios pervenerit. Huius præfecturæ subiecti an 1523. *Regimento Imperii*, quod Maximilianus I. Imp. constituerat, contra abbatem Gengenbacensem de iure manus mortuæ obtulerunt libellum, in quo de episcopo Argentoratenſi, ad quem altera præfecturæ pars attinebat, & comitibus Furstenbergicis Wilhelmo & Friderico fratribus Wolſgangi filiis, tanquam præfecturæ Ortenaviensis

a) *Hist. Bad.* hypothecariis loquuntur apud Schoepflinum in notitia Ortenaviæ. a)  
*T. III. p. 347.*

Hæc sub Philippo abbate acciderunt apud Maximilianum Cæsarem imprimis grato, qui illum invisendi gratia bis Gengenbacum divertit, & aliquamdiu hic permansit, uti habet laudatum chronicon monachi Gengenbac. ubi dicitur, fuisse eum valde prudentem, & litteratum, sed infelicem œconomum, a teneris annis litteris operam dedisse & in iis egregie profecisse, quum adolevisset, hoc monasterium accessisse, & fratribus Ordinis sese adiunxisse, qui quum eruditione ac prudentia reliquos superaret, omnium votis huius loci abbatem electum. Addit Pantaleon de viris illustribus Germaniæ, Philippum locum multis ædificiis exornasse, atque imprimis ut litteris iuventus operam daret, instituisse; quumque hoc modo per viginti quatuor annos præfuiſſet, senem tandem die Ioannis Baptistæ anno salutis 1531. obiisse, qui annus etiam in necrologio Gengenbac. notatur.

b) p. 661.

Apud Lunigium Melchior nobilis heros ab Horneck ei successor substituitur, huicque an. 1540. defuncto Fridericus a Keppenbach nobilis Brisgoius, qui scholam monasterii per aliquot secula clausam denuo aperuit, & iuventutem bonis litteris educandam docto præceptoris Cornelio Eselspergero commendavit. Nihil hic de eo, quod Crusius notat b), captum fuisse an. 1540. abbatem hunc a Wilhelmo Furstenbergico comite in bello Smalcaldico; sed brevi rursus dimissum. Memoratu dignum est elogium, quod huic abbati laudatus Cornelius Eselspergerus eidem familiaris huius loci pastor & archipresbyter capituli ruralis Offenburgensis propria manu scriptum post eius mortem, quæ accidit an. 1555. reliquit eiuscemodi: *Fridericus rebus humanis peste exemptus, ad Christum commigravit, ut pie credo. Tanta siquidem continentia fuit, ut non ieiuniis tantum, sed virgis etiam & ciliciis carnem castigaret, lecto rarius utens, sed stramine cilicino panno strato: ad secundam noctis horam surgens, orationibus & matutinis Laudibus persolvendis intentus primus semper & novissimus in templo, eleemosynis largus, verbis, vestitu & animo perquam humilis, laboris patiens, luxus omnis insensibilis hostis.*



*hōstis. Utinam nos eius discipuli, vel in aliquo saltem eius amularemur, & assequeremur pietatem. Pridie quam vitam clauderet, matutinis etiam interfuit, non sine gravissimo dolore; nec in lecto iacens, sed cilicino indusio indutus sedens, obdormivit in Domino, peste postmodum gravius etiam monasterium adhuc vexante.*

In necrol. Gengenbac. XV. K. Ian. notatur *Venerabilis D. Cornelius Eselberger pastor huius oppidi an. 1571. In alio necrol. an. 1593. scripto dicitur vir doctissimus & fidei catholice apud Gengenbacenses restaurator pi-entissimus. Gengenbacensi in oppido novum evangelium locum habuisse palam faciunt Rottwilenses profugi ob abiuratam avitam religionem Gengenbaci multo plures suscepti, quam in aliis oppidis Protestantium.*

Laudat abbatem Fridericum & eius encomiasten Cornelium Eselberger iam citatus Pantaleon de viris illustribus Germaniæ, imprimis vero Friderici abbatis successorem Gisbertum: *Tot, inquit, & tantis virtutibus est praditus, ut fuitimi abbates eum plurimum diligant, atque omnibus exteris pradicent. Humanitatem quidem eius ipse in mea peregrinatione 1565. expertus sum, dum monasterii antiqua monimenta benigne ostendit, atque de rebus variis doctissime contulit. Iam extulerat felix eiusdem ingenium, bonis litteris a puero in oppido Maurimonasterii deditum, posteaque Argentinæ omni genere disciplinarum excultum, quæ studia monachus postea in memorato monasterio profecutus est. Eum chronicon monachi Gengenbacensis ex Præposito S. Quirini abbatem factum primum fuisse Maurimonasterienssem scribit, Pantaleon vero in monasterio Altorfensi an. 1554. In eo uterque convenit, eum biennio post omnium voto abbatem Gengenbacensem fuisse electum, primum ex genere non nobili, licet hætenus nulli extra nobilitatem prognati ad eam dignitatem pervenire potuissent, sunt verba Pantaleonis, cum monasterium istud imperiale censeatur. Itaque, pergit, Gisbertus suam functionem considerans, monasterium passim suis ædificiis ruinas minitans magnis sumptibus restaurari, atque ut omnia passim recte fierent, curavit. Ne etiam amœnum eum locum otiosis hominibus præparasset, diligenter iuventutem ad bonas litteras perdiscendas incitavit, atque suo exemplo libris inbarendum admonuit. Itaque scholam publicam ad monasterium edificavit, atque viros doctos liberalibus stipendiis ad se pellexit, id quod veteres abbates in frequenti usu habuere. Obiit an. 1586. in Maurimonasterio eiusdem simul ac Gengenbacensis monasterii abbas iuxta chronicon Gengenbacense, successorem nactus Io. Ludovicum Sorgium Friburgensem, qui præfuit bene & laudabiliter annis 19. religiosæ disciplinæ promotor zelosissimus, & monasterii iurium conservator strenuus, mortuus 1605.*

SECVLVM:  
XVI.

Ettenheim-  
monaster.

XXIII. Laudatum Gisbertum unacum Gengenbacensi Maurimona-  
sterium, non Altorfense, ad mortem usque rexille, inde palam fit, quod  
Altorffii an. 1578. Laurentius ante sacerdos secularis monachum profes-  
sus simul & abbas electus sit agente Ioanne IV. episcopo Argentoraten-  
si: perinde ac idem episcopus egit, ut idem Laurentius an. 1582. postula-  
retur abbas monasterii Ettenheimensis, qui utrumque monasterium opti-  
me rexit, mortuus an. 1592. Altorffii.

Ipso anno seculari 1500. Ettenhemii cognominis Laurentius Effinger  
Villinganus est electus abbas, vir egregie doctus ac rei familiaris geren-  
dæ gnaviter peritus. Sub hoc abbate an. 1504. Brisgoia & Ortenavia,  
quas an. 1486. Philippus Palatinus sibi subiugaverat, ut diximus, liber-  
tati restitutis Maximilianus I. advocatiam monasterii Ettenheimensis sibi  
& imperio sub annua pensione 50. fl. reservavit, Laurentio hoc simul  
& Conrado Schutterano fociis in persecutione comitum de Geroldseck  
ipsismet ad comitia Augustana properantibus. Sed omnem moverunt lapi-  
dem comites de Geroldseck ad suam recuperandam dynastiam, quam &  
tanquam feudum Austriacum obtinuerunt an. 1518. unaque advocatias  
monasteriorum Schuttern & Ettenheim. Quas ut habuerunt, mox ite-  
rum furere cœperunt, subditos ad homagium cogendo, & omnia fere  
regalia sibi asciscendo: quod propter comes Gandolfus an. 1520. a Caro-  
lo V. sub proscriptionis pœna citatus ad aulam, omnia in pristinum  
statum restituere est compulsus. Accessit his calamitatibus avitæ religio-  
nis conquassatio, qua ne obruerentur subditi, scripto & exemplo nihil  
non egit Laurentius abbas, bello etiam rustico admodum cum suis af-  
flictus.

Sub hoc abbate an. 1524. Carolus Riegker postulatus est ex Etten-  
heimmupster abbas Maurimonafterii in Alsatia, quod ille an. 1525. a  
rusticis vastatum iterum præclare restituit, & in rebelles piissimus, mul-  
tos e carcere liberavit, teste Bucel. a)

a) P. III. Ger-  
man. sac. p.  
229.

Laurentius Ettenheimense monasterium reditibus auxit, apud suos  
commendatissimus, tantum quod an. 1535. executionem iurisdictionis  
tradiderit episcopo Argentoraten- si: dum iam, qui interfuit an. 1500.  
commissarius episcopalis electioni Laurentii, Münchwyrans homagium  
detrectantibus, arbiter electus, ansam arripuit, suo domino episcopo  
iurisdictionem territorialem attribuendi, quod paullatim variis contradi-  
ctibus accrevit ius etiam sub Quirino, qui Laurentio an. 1544. in abba-  
tia successit, ipseque ab Erasmo episcopo Argentoraten- si petiit, ut ap-  
pellationes apud suum regimen accipere velit, eoquod iudicium camera-  
le longius dilatum esset.

lullus

Iussus est hic abbas a memorato episcopo an. 1551. uti & alii abbates ab aliis episcopis, prosecutioni concilii Tridentini adesse; an autem eo accesserit, nescitur; obiit an. 1558. eique successit Ioannes Volmar ex vicario ecclesiæ Endinganæ: mox vero iterum altero anno abdicavit regimen, ad quod postulatus est Balthasar Imbler ex Priore monasterii Gengenbacensis abbas Ettenheimensis electus an. 1560. consensum præbente Erasmo episcopo.

Multæ huic abbati lites intercessere cum Ettenheimensibus, longe gravissima vero a Geroldseckiis, dum vixit, fuit perpeffus. Gangolfi quippe, de quo modo diximus, filius Quirinus Gangolfus, quum copias in auxilium principis Condæi in Galliam duceret an. 1569. pro mille militibus in monasterio diribitorium instituit, qui omnia consumserunt, raperuntque. Tutores Iacobi comitis, qui fuit Quirini filius, ulterius progressi, subditos ab omni obedientia abbatis abstrahabant, iusque omne dicebant, gravissimis pœnis in levissimas quasque culpas animadvertentes: frustra fiebant querelæ, conventiones & contractus novi initi, ultimusque stirpis Geroldseckianæ Iacobus, contemptis omnibus monitis, episcopo palam declaravit, advocatia se non ab episcopo, sed imperio esse investitum, res monasterii non ad monasterium, sed ad se proprie pertinere: nec nisi cum morte comitis lis apud iudicium Spirense intenta cessavit, qui quum mascula careret prole, advocatia ad episcopum est devoluta ea tamen conditione, ne alteri in feudum concederetur, sed penes episcopatum remaneat.

Res ea ad finem sec. XVI. interregni causa fuit, dum iuxta supra relata inter Lotharingum & Brandenburgum de episcopatu fieret contentio, hic vero rerum potitus Io. Casparum Bruner, qui antea e Gengenbaco in abbatem Schwarzachii postulatus, sed ob licentiam vitæ a Ioanne episc. depositus fuerat, abbatem obtruderet, invitis & protestationem legalem per notarium interponentibus capitularibus, potiusque exilium passis in Riegel ad sequens usque seculum.

XXIV. Iam supra memoravimus, furorem rusticorum Nigrasilvano-  
rum, monasterium S. Trudperti expilantium, quod non semel accidit: Monasterium  
S. Trudperti.  
ac calamitatem etiam eiusmodi iam Ægidius abbas sustinisset, qui Othmaro Arnold an. 1505. successit, siquidem munus abbatiale is ex sententia Keraslithi & Bucellini ad annum usque 1520. tenuisset ad fidem cuiusdam necrologii quidem; nihilominus fodales Trudpertini tenent ex domesticis monumentis iam an. 1512. abbatem fuisse Martinum Geyer, omnia perpeffum, quæ mala intulerunt monasterio tum rustici cum etiam

SECVLVM  
XVI.

Lutheri affectu, omnia susque deque vertentes, iterato in cineres redactis monasterio. Hic in actis San-Trudpertinis postremum an. 1526. occurrit.

Eo tempore Prior erat monasterii, postea administratorem agens, an. 1529. in abbatem electus Martinus Löffler, qui monasterio multa dexteritate commendatus præfuit usque ad an. 1543.

Post eum Melchior Rebstock multum profuit monasterio, plus autem nocuit, dum sua morte monasterium viduavit an. 1565. successore Georgio Helle: sub quo iterato visitationem monasterii S. Trudperti instituere iussus est a Ferdinando archiduce & Marco Sittico ep. Constant. Casparus II. abbas S. Blasii, unacum Christophoro Petri Domus abbate eo etiam effectū, ne Iesuitis, qui inhiabant, cederet locus.

Visitatores isti cum rebus bene perpensis & discussis utile iudicarent monasterio, si Georgius sua se abdicaret dignitate, id quidem facile ab eo impetrarunt an. 1573. Aderant tunc temporis non nisi quatuor sacerdotes, & fratres professi duo, qui uno ore in prædictos abbates compromiserunt, ut is abbas esset, quem ipsi idoneum censerent, aut alio evocatum ipsis præficerent. Abbas igitur renunciatus e S. Blasio Iacobus Wattendinger rem restituit.

Monasterium  
S. Blasii.

XXV. Recensebimus mox alios ad alia monasteria postulatos abbates sec. XVI. ex monasterio S. Blasii, cui ab an. 1493. laudabilissime Georgius abbas præfuit charissimus, ut chartæ docent, Raymundo Cardinali Gurcensi, per Germaniam & alia regna nationesque septentrionales legato apostolico a latere, qui eum etiam vocavit ad elevationem corporum SS. virginum Chunigundæ, Mechtundæ, Wibrandæ, Chrischonæ seu Christianæ in Eichsel, quas Wion & Bucelinus Benedictinis adscribunt coniectura tantum, ut non negamus Bollandistis, qui ipsimet coniiciunt, ibi Prioratum quemdam fuisse sub abbate S. Galli. In charta Geograph. Gall. christ. a) haud procul a S. Blasio notatur *Altorsium* O. S. B. abbatia, quæ desierit. In commentario ipso nulla huius abbatiae fit mentio. Situs tamen vicum *Eichsel*, ubi hæc SS. Virginum corpora inventa sunt, satis prodere videtur.

De quibus Raymundus Card. Basileæ agens, cum plura miracula edi ad earum sacra Liplana perciperet, ut ad an. 1503. apud Trithemium in chronico Hirsaug. & Nicolaum Baseliū monachū Hirsaug. in additione b) *L.I. T.II.* ne ad Naucleri chronogr. generat. b) pluribus enarratur, misit primum in Eichsel vicum prope Rhenofeldam unum a secretis Iacobum Bamberg;



berg; tum vero ipse accessit Card. Raymundus, processumque instituit super vita, cultu & miraculis earum, quibus rite probatis earumdem translationem celebravit, ut ex actis apud Bolland. ad diem XVI. Iunii legere est a). Aderant simul ad processum formandum inquisitionemque a) T. III. In legalem faciendam unacum Raymundo Card. Bernardus Oegli decreto-  
nii p. 114.  
rum doctor canonicus ecclesie cathedralis, officialisque curie episcopal-  
lis Basileensis, Ioannes Bergman de Olpe archidiaconus ecclesie Grandisvallen-  
sis, Basileensis dioecesis, Ioannes Hammannus sacre theologie  
professor Ord. Prædicat. Wolfgangus Pœckli utriusque iuris doctor ac  
Franciscus Wiler prædicator Ordinis Fratrum minorum civitatis Basile-  
ensis. Dum vero postea die Mercurii 29. May omnia iterum recogno-  
scuntur tam in Eichsel, ubi requieverunt Cunigunde, Mechtunde & Wi-  
brande, quam etiam apud ecclesiam S. Christianæ in monte, aderant si-  
mul Tilmannus episcopus Tripolitanus Christophori episcopi Basileensis  
vicarius in pontificalibus, nec non Ioannes Kreutzer Præpositus ecclesie  
cathedralis Constantiensis ab Hugone ep. Constant. missus ad hunc  
actum: ad ipsam vero elevationem corporum aderat ipsemet Christo-  
phorus ep. Basileensis, Tilmannus eius vicarius in pontificalibus gene-  
ralis unaque Georgius abbas noster S. Blasii Ord. S. Bened. & Theobal-  
dus abbas de Luzella Ord. Cisterc. tam in Eichsel quam etiam in eccle-  
sia S. Christianæ in monte præsentis. Edimusque inter alias Raymun-  
di Card. Gurcensis chartam huius rei testem, reliquiarum item earum-  
dem sanctarum, quas monasterio S. Blasii donavit an. 1504.

Hæc Georgio abbati tunc eo gratius accidebant, quippe qui ad S. Blasium abbas ecclesiam magnifice ornavit, insigni etiam organo, biblio-  
thecam vero omnibus, qui comparari poterant, instruxit libris ex pri-  
mitiis typographicis sec. XV. quæ omnia non ita multo post rusticorum  
furor pessumdedit.

Ante hæc vero an. 1518. dum præpositura in Clingnau igne conflagrat,  
adsuntque ex oppidis Clingnau, Zurzach, Waldshut auxiliatri-  
ces civium manus, tredecim ex illis viri ruente concamerata perierunt,  
quod maxime & tunc lugebatur, & hætenus ideo quotannis dies anni-  
versaria ritu catholico magno vicinorum concursu agitur.

Ad huius abbatis tempora referimus chronicon anonymi San-Blasiani  
ut censemus, a Schannato sub nomine *chronicon ducum Wirtembergie*  
in Vindemiis litterariis collect. II. editum, ad an. 1514. progressum.

Infelicissimum auspiciatus statim est regimen Georgii successor Ioan-  
nes III. abbas electus an. 1519. dum lues grassabatur. Accesserunt mo-  
tus

SECVLUM  
XVI.

tus & turbæ Zwinglianae & Lutheranae quaquaversum monasterium & Nigram silvam. Imprimis autem Alpegoviam nostram rebelles rustici, pessime habuerunt incentore Balthasaro Hubmeiero, ut iam meminimus, qui se Waldishuti pastorem primo Lutheranae sectæ, deinde Anabaptisticae gessit, inductus a Conrado Grebel eius sectæ in oppido S. Gal-  
a) *Erst. Band* lensi instauratore, ut in collect. Simleriana legere est. a)  
p. 126.

Classicum porro in vicinia canente Munzero contra potestates seculi, dum Waldishutani fidem Austriacis principibus denegarunt, an. 1524. animati Lupfenses, Kleggovienses, Hauensteinenses alique assumtis armis dominis suis bellum indixerunt, in monasteria imprimis rebelles. Primum calendis May an. 1525. sexcenti Hauensteinenses monasterium S. Blasii obruerunt, cum paucis ante diebus (archivio quidem iam feliciter in Helvetiam translato) Waldishutani ecclesiæ ornamenta sacraque Liplana in manus incidissent. Inter cætera omnia, quæ Hauensteinenses in monasterio pessumdederunt, sex integris diebus prædæ insidentes, omnia vel abligurientes vel diripientes, abducentesque, bibliothecæ potissimum membranæ & codices lugebantur, ut teste chronographo coævo Andrea Letsch post eorum discessum ad genua usque dilaceratorum codicum fragmentis inambulare licuerit. Adveniente postea milite, cæsisque undequaque repellibus, fidelitatis iuramentum monasterio dixerunt 13. Nov. eiusdem anni coram commissariis Cæsareis Christophoro Fux de Fuxberg, Eiteleckio de Reischach, Adamo de Homburg & Jac. de Heidegg, in certam pecuniæ summam pro illato damno condemnati. Conditiones, quibus in gratiam tunc sunt recepti  
b) *Lit. VII.* rebelles, Urstilius in chron. Basileensi describit b).  
c. 16.

Pacem itaque se invenisse arbitratus Ioannes abbas, qui Basileæ latuerat, dum sub finem mensis Decembris domum redire statuit, ac primus iterum Waldishuti ritu catholico solemne in natali Domini sacrum fecerat, sequenti an. 1526. post Dominicam *Quasi modo* substrato pulvere pyrio circa horam nonam monasterium unius horæ spacio in cineres resedit. Migrandum proin fuit in alia monasteria. Nam & Durlacenses, & Wirtembergenses cellas & præposituras, Waldishutani castrum Guttenburg, Hauensteinenses Tottmolum & Novam cellam elapsa iam anno deprædarunt; nec Beroyienses subditi a rapinis abstinuerunt, sola cella Wislikoviensi in Helvetia salva. Accessit iterum lues, quibus novem monachi sunt abrepti, quorum nomina citatus Letschius recenset: mœrore vero & inopia consumtus Ioannes III. abbas defunctus est anno 1532.

Suc-

Successit Gallus, qui an. 1537. restitutis ædificiis, conventuales suos SECVLVM  
XVI.  
quotquot mors reliquerat, festiva celebritate reduxit in cœnobium ad unum omnes, nullo penitus ad castra novarum sectarum deficiente. Nova deinde ædificia adiecit, qui Gallo abbati (post Ioannem IV. aliquot tantum mensibus clavum tenentem) successit, Casparus I. abbas an. 1541. multo tamen magis de ædificio spirituali disciplinæ monasticæ ipsiusque religionis catholicæ conservandæ fuit sollicitus, per se suosque in exterioribus præcipue cellis, parochiis & præposituris, ubi avitæ religionis sustinendæ causa etiam carceribus (ac si mandatis principis obssisterent) mancipati, ac demum etiam expulsi alicubi sunt San-Blasiani.

Præter constitutiones monasticas tam pro conventualibus quam expositis, apud quos identidem visitationes instituit, pro scholis monasterialibus multa egregie constituit, quibus demum res eo devenit, ut missis ludimoderatoribus clericis secularibus, religiosi etiam in humanioribus literis præceptores substituerentur, quales quidem prius iam erant in theologicis disciplinis professores ex monachis assumti, veluti Andreas Letsch ludimagister chronicon suum ab an. 1519. usque 1530. dedicavit monastico fratri Iodoco Lew formali Patri, Professore theologiæ assiduo, ac ecclesiæ Stephanianæ apud S. Blasium rectori:

Ipse nobis Casparus I. abbas insigne opus librum Originum reliquit, cui P. Io. Strölinus scriptor vitæ, atque cum P. Casparo Thoma in abbacia postea successore an. 1567. ad synodum Constant. delegatus hoc epigramma addidit:

*Hæc tua magnificas monumenta ferantur per urbes,  
Ne pereat turpi candida fama situ.  
Omnia nunc uno clauduntur opuscula libro  
Singula quæ variis sparsa fuere locis.  
At tam frugiferos gratissima dona labores  
Debetur tanto gratia magna viro.*

Eiusdem commatis est epigramma, quo eundem abbatem suum celebravit P. Melchior Kretterus, qui (quum dispersi post incendium conventuales postliminio convenissent) chori harmoniam ad pristinum decorem reduxit, iuvenesque monachos non cantu solum, sed etiam eruditione sacra tam ad confutandos errores hæresesque, quam fideles erudiendos imbuat, ipse tali perfunctus labore, in Schluchse mortuus & sepultus an. 1563. cum sequenti ad suam effigiem lapidi incisam hodieque conspicuam epitaphio:

*Lustra ubi ter centum pariter bis senaque lapsa,  
 Insuper anni & tres, Frater ad astra petit  
 Melchior Kretterus Blasianæ sortis alumnus  
 Musica post votum scita pie recolens.  
 Et dœcuit ritus puerorum animos bene sacros,  
 Sanctus ut ordo monet, quosque decora iubent.  
 Ergo agite o fratres, titulum cum cernitis istum,  
 Fidenti ex animo fundite saepe preces,  
 Sidereas uti eum, sic olim quoque vos ut in arces  
 Excipiat clemens, almus & omnipotens.*

Dum vero contagiosa lues anno sequenti 1564. ita quidem ingrueret, ut nullus esset tutus ad habitandum locus, iuniores nihilominus per exteriores cellas & præposituras dividendos existimavit Casparus abbas, ipse per loca subinde aerem mutans, fato demum succumbens an. 1571. successorem habuit cognominem, quem abbas penes se semper habuit laborum socium familiarem Casparum II. a tenera infantia apud D. Blasium educatum, quippe iam anno ætatis undecimo professum, & 18. sacerdotem factum ante concilium Tridentinum nempe, quo annus decimus sextus saltem inchoatus fixus fuit pro professione religiosa, & vigesimus quintus pro sacerdotio.

Casparus II. constitutiones monasticas ab antecessoribus suis separatim editas iuxta concilii Tridentini, & synodi Constantiensis decreta (cui aderat ipse nomine sui præcessoris) S. Regulam, & ritus patrios primus omnium in unum volumen collegit, etiam peculiariter pro monialibus Beroviensibus, quas congregationi San-Blasianæ solas reliquit nova irreligiositas ex cellis monialium, paucis etiam monachorum, seu præposituris potius, quas aliasque exposituras ipse obiens visitavit, severus statuendo corrigendoque ea omnia, quæ ad cultum divinum, monasticum, modestiæque religiosæ attinent leges. Extat in prodromo monument. Guelf. P. Gerardi Hefs Nuncii apostol. apud Helvetos & vicinam etiam Nigram silvam convitis de Portia ad Georgium abbatem Weingartensem epistola a), an. 1594. qua negotii visitationis & reformationis monasterii S. Blasii prosperum significat successum; petit vero ab eo religiosum in regula S. Bened. perfecte edoctum: quod etiam ipse Casparus abbas in mox adiecta apud P. Hefs epistola agit b): ut, ait, quia unius & eiusdem Ordinis & Regulæ sumus, unius & eiusdem Breviarii, Missalis ceremoniæ, disciplinæ regularis simus, ita ut, si casu aliquis e nostris. vel vestris conventualibus ad nostrum vel vestrum vel alia monasteria

a) p. 309.

b) p. 310.



*stera divertat, quivis sacra Regula & disciplina D. P. N. Benedicti facilius hoc accommodari queat.* Sequuntur responsoriae Georgii Weingart. iterataeque Caspari San-Blas. abbatis litterae, qua bonum instructorem mittendum rogat; talem vero F. Georgium Ruffelman eo missum fore reversurum: quod post trimestre factum esse litterae Georgii abbatis indicant; vicissim vero P. Andream Wieland & Ioannem Rieber e Vineis ad S. Blasium missos revocatos rediisse testantur litterae Caspari abbatis, qui, ut intelleximus, nihil inexpertum reliquit ac intentatum ad disciplinam regularem, cultumque divinum informandum.

SECVLVM  
XVI.

Pietati vero iungens litteras, nihil non egit ad iuniores in litteris imbuendos, ceteros vero nutriendos apparatu optimorum librorum, quos undique ingenti pretio comparavit, iisque conservandis novam construxit bibliothecam. Ecclesiae decorem mirifice coluit, atque ad celebritatem officii divini celebre Organum ab Eusebio Amerbachio, qui iam insigne in cathedrali ecclesia Augustana & coenobio SS. Udalrici & Afræ perfecerat, fieri curavit, suppellectilem item ecclesiae & vasa sacra ex auro & argento, imo margaritis; sollicitus nec non oeconomus laquearia monasterii plena reliquit, mortuus an. 1596. Martinum successorem nactus, de quo libro sequenti.

XXVI. Vel inde vero, quantum abbates S. Blasii sec. XVI. elaboraverint in elapsis penitus furore rustico rebus restituendis, pristinoque monasterium & congregationem San-Blasianam restituendo flori, elucescit, quod plures aliis quoque monasteriis potuerit dare optimos quosque praefules, perinde ac insignis S. Blasii filia florentissimum sec. XVI. Ochsenhusium, ex quo in templo honoris monasterii Wiblingensis celebratur his verbis Iodocus Todt: a) a prima spirituali & personali fundatione, quam S. Blasio in acceptis gratanter referimus, tot inter abbates, aliunde, nempe Ochsenhusio postulatus, abbas primus & unicus vir sane praestantissimus, & oeconomus solertissimus an. 1572.

Postulati e S.  
Blasio ad alia  
monasteria  
abbates,

E S. Blasii monasterio, dum morbo insanabili decumberet Christianus abbas Mariamontani coenobii in Tyroli ad alpes Rhætias, volente Ferdinando archiduce dicasterium Oenipontanum an. 1561. virum expetiit a Casparo II. abbate, qui praedicto abbati defuncto posset subrogari. San-Blasiani ab abbate convocati per viam scrutinii electum a se proposuerunt P. Philippum God, quem Mariamontani porrecto post mortem Christiani abbatis abbati Casparo libello expetierunt, ambabus amplexi ulnis munus adeuntem, mortuumque hoc ornavit epitaphio: *Hac tumba marmorea gloriatur venerandus D. Philippus God Lausenburgensis abbas*

SECVLUM  
XVI.

*abbas postulatus ex cœnobio S. Blasii, Pontificalibus decorus, qui religione cernitur. Is opibus monasterium auxit, athleta, Dominus prapotentis adversarios vicit. Anima Deo laudes promat. Fiat anno 1571. Julii 12.*

Iam memoravimus an. 1572. datum esse monasterio S. Trudperti abbatem Iacobum Wattinger, quem San-Trudpertiani hoc ornarunt elogio: *Iacobus e S. Blasii asceterio postulatus in reparando monasterio, iuribusque eius tutandis, in restituenda regulari disciplina, & instituendo pro religiosi tyronibus litterarum studio præstantissimam aque ac utilissimam operam impendit.* Id quidem evocatis e D. Blasii ad alia monasteria præfulibus semper maxime cordi fuit, ut post stabilitam disciplinam simul bonarum litterarum studia inducerent, gnari, hoc fulcro disciplinam firmam agere radicem. Iussu Iacobi abbatis *apographicum* chronicon S. Trudperti Wolfgango Theoderico archiep. Salisburg. inscriptum an. 1590. publicis typis edidit Ioannes Keraslithus (Hornstein) presbyter Acronianus, quem scholæ S. Trudperti, donec e suis idoneos haberet, præfecit Iacobus abbas, a suis post mortem an. 1594. celebratus, binas annorum decades bene rexisse & ultra, sancta doctrina, religione pari.

Nimis vero brevis fuit vita Cosmanni Zinck, qui ex monacho S. Blasii ad Mariæmontanum alter iam postulatus abbas an. 1578. fuit. Is quum non nisi duos presbyteros cum aliquot iunioribus fratribus invenisset, virum doctum P. Philippum Frey e S. Blasio magistrum evocavit, qui optime meritis singulari cum encomio ad S. Blasium rediit an. 1582. Cosmannus vero diuturnis confectus morbis obiit an. 1586. Dum ecce non ita multo post an. 1589. iterum in Tyrolim ad monasterium S. Georgii Ordinis nostri Ferdinandus archidux abbatem expeteret P. Ioannem Resch unacum P. Udalrico Lew, qui Prioris & magistri novitiorum munus obiret, accitis etiam aliis subsidiariis ex Schurenfi & Ethalensi monasteriis. Sublato morte an. 1590. Udalrico Priore, Ioannes abbas an. 1591. mense Iunio salutare quidem thermas Ethalenses, mortem fugiens, petiit, sed ibi eam etiam mox primo mense Iulio invenit.

Monasterium  
Hirsaugienſe.

XXVII. Memoravimus libro superiore Blasii, resignante Georgio, in abbatem Hirsaugienſem electionem ex Trithemio, qui ibidem statim ad an. 1484. commemorat paucis ante mortem eius annis ad finem adeoque sec. XV. vel initium sec. XVI. exortam gravem inter eum & Conventum dissensionem, cuius sopiendæ causa ipse Trithemius non semel cum aliis Bursfeldensis observantiæ abbatibus Hirsaugiæ visitatorem egit, vix tandem tranquillitate restituta. *In omnibus, addit, Blasii pruden-*

*dentiam consideravimus malignitatibus temporum, qui passus iniuriam, quasi nesciret, dissimulavit. Missum eum, ad an. 1501. perhibet, nomine viceque Udalrici comitis de Wirtemberg ad funeralia Margarethæ Palatinæ, locum tenuisse in choro & in mensa, sicut moris est, principum. Laudavimus paullo ante Raymundum Gurcensem Cardinalem multis titulis concessisque privilegiis in monasterium S. Blasii beneficium: apud eundem vero ita fuit monasterium Hirsaugiense gratiosum, ut, teste Trithemio in chron. Hirsaug. ad an. 1502. sine monasterii gravamine suis expensis manserit Hirsaugiæ non minus quatuordecim diebus cum summo honore a Blasio abbate & fratribus susceptus. Ita etiam Elisabetha uxor Eberhardi profugi ducis Wirtembergiæ eodem anno, eodem teste Trithemio, pestilentia sæviente per totam ferme Germaniam, & multos in civitatibus, oppidis, castellis & villis utriusque sexus homines ubique consumente, aerem cupiens ad tempus declinare corruptum, venit cum sua familia præsens ad monasterium Hirsaugiense, mansitque in eo sine gravamine aliquo, propriis in expensis sex mensibus summa quiete, mansuetudine & tranquillitate.*

Fuit his temporibus Ioannes Ethon ex monacho Hirsaugiensi abbas monasterii Engelbergensis in Helvetia, qui in difficillima tempora incidit & periculosissima, quibus sub gravi iugo ingemuit mons Angelorum. Plurimis autem exantlatis laboribus Ioannes requievit in Domino V. Id. Iunii an. 1405. teste Bucelino a).

a) T. III. German. Sac. p. 47.

Anno autem 1503. obiit Blasius abbas, qui quam utiliter præfuerit monasterio, declarat ad h. a. Trithemius electionemque Ioannis, præmisso iuxta morem Ordinis triduo ieiunio &c. Complacuit autem omnibus, pergit, per viam compromissi mixto scrutinio ad electionem procedere, propterea quod hic eligendi modus & communior sit & securior. In tres ergo de conventu fratres compromiserunt, seniores viros per omnia maturos, boni testimonii & religiosissima conversationis, de quorum integritate nihil fuerat dubitandum, Ioannem videlicet de Rodt Priorem quondam in Reichenbach & in Schönrein, Ioannem quoque Gächinger procuratorem in Gilslein, & Conradum de Rudlingen custodem & Præpositum S. Aurelii trans pontem. His tribus ceteri omnes scrutandi vota singulorum commiserunt officium, sub eo videlicet moderamine conditionis, ut singulorum votis in secreto receptis, & per notarium coram duobus testibus in schedulam signatis illum vice & nomine totius conventus eligerent, nominarent, & publicarent abbatem, qui multitudine votorum excelleret. Quodsi duo vel plures paribus convenirent in votis non habentes

SECVLUM  
XVI.

b) p. 602.

*bentes in numero superantem, penes commissarios ipsos maneret auctoritas, quem iudicaverint magis idoneum, eligere ac nominare pastorem. Scrutatis igitur per ordinem votis singulorum pars maior numero & potior auctoritate Conventus in abbatem huius monasterii Hirsaugiensis quadragessimum secundum concorditer elegit Ioannem cognomine Hasmannum de Cahve maiorem cellerarium, virum ingenio mitem, placidum & mansuetum, moribus integrum, religiosum & honestum &c. Quæ huius viri decora non solum pluribus deinceps declarat a), verum etiam testimonio doctissimi Nicolai Baseli monachi Hirsaugiensis, sui quondam in monasterio Spanheimensi discipuli, cuius paullo ante additiones ad Naucleri chronographiam laudavimus, corroborat: mox vero, quod hic non omittendum, Conradum Priorem prolixè laudat, virum in observantia regularis disciplinæ studiosum, cuius adiutorio, ut dextræ manus, non mediocriter relevatus & interiora abbas componit securior, & exteriora maiore tranquillitate dispensat. Magna res est, pergit, & singulis quibusque abbatibus multum necessaria, si Priores & Cellerarios habeant bonæ rationis, intelligentes, zelosos, atque fideles, in quorum ministerio secure quiescant. Talis certe est Conradus Prior memoratus religionis monastica zelosus amator, custos & conservator in se & fratribus omni tempore studiosus, diligens & integerrimus, in quo abbas secure possit quiescere, utpote qui verbo & exemplo talem se gerit in omnibus, qualem & Regula & observantia nostra Priorem requirit. Andreæ quoque cellerarium consecutus fidelem, intelligentem, & morum integritate venerabilem, secure interna respicit, quia ministerio eius in exterioribus adiutus in se redire frequentius post occupationes & multas & varias permittitur.*

Post hæc demum sæpe laudatus nec unquam satis laudandus Ioannes Trithemius chronicon suum Hirsaugienſe anno 1514. Ioannis abbatis undecimo concludit, postremum nomina fratrum Deo & abbati subiectorum, ordine, addita singulorum indole & moribus recenset, primo loco Ioannem de Wangen Præpositum in Roth, deinde Henricum de Stamheim Priorem localem in Reichenbach, Casparum de Rotenburgo ad Neccarum Priorem in Schonrein localem. Henricus de Stamheim seu Stammen adhuc an. 1515. invenitur Prior Reichenbacensis.

Inter tot vero, qui in hoc sat amplo Trithemii catalogo monachorum Hirsaugiensi Ioannis nomine insigniuntur, non comparet Ioannes b) p. III. ul. Schulthais seu Sculteri, ut apud Crusium nominatur b), qui an. 1524. cognomini II. abbati Hirsaugiensi successit, fueratque ante Prior in Reichenbach, ut revera apud P. Mart. Mack in compendio historiæ & dona-



donationum Reichenbacensis monasterii ad an. 1522. notatur. Fuit vero Ioannes III. per compromissum electus. Compromissarii fuerunt Ioannes abbas monasterii S. Iacobi extra muros Mogunt. Ioannes abbas monasterii B. Mariæ virg. in Gotsau, Fridericus abbas monasterii montis S. Ioannis in Ringavia, Sebastianus abbas monasterii B. M. V. ad duplicem aquam, & Benedictus Forner licentiatus, ac ecclesiæ collegiatæ in Hornberg Præpositus. Delegatus autem commissarius fuit Georgius de Schwalbach insignis maioris, ac S. Guidonis eccles. Spirens. Præpositus per Georgium episcopum Spirensen ex Palatinis Rheni Ducibusque Bavariæ, cui a Ioanne abb. præstitum iuramentum in cod. probat. edemus.

Quam vero florenti in statu res monastica sub hoc Ioanne III. abbate Hirsaug. fuerit, inde arguitur, quod Ludovicus II. abbas Einsidlensis e S. Gallo assumptus *post mortem Conradi ex nobilitate ultimi* (qui nullum post se in sacra hac eremo, teste Hartmanno ad an. 1526. monachum reliquerat, postquam Theobaldus e baronibus a Geroldseck Alfata ad Zwinglium defecerat, cum eo in prælio apud Capellam occisus, Henricus vero ex comitibus Saxensibus ob homicidium ad perpetuos carceres damnatus fuerat) *verso*, ut idem Hartmannus ad an. 1531. narrat, *ad restabiliendam monasticam disciplinam animo quatuor bonæ spei adolescentulos in monasterium assumpsit, probatosque ac cultu apud S. Gallum usitato cultos ex iis binos in Sueviam ad capiendum ingenii & regularis disciplinæ cultum transmisit, Ochsenhausiam alterum, alterum Hirsaugiam, quibus in monasteriis præcipue adhuc vetera nostri Ordinis constituta conservabantur.* Sic quidem Deo provide ordinante factum est, ut tempore, quo monasterium S. Blasii turbis rusticanis excisum & in cinerem redactum cœnobitas suos hinc inde per externa monasteria lugebat dispersos, S. Blasii filia Ochsenhusia magistra & restauratrix esse posset disciplinæ regularis cum monasterio Hirsaugiensi, ex quo olim Ordo Benedictinus in Germania suo decori fuerat restitutus.

At vero infelicis sec. XVI. processu in Wirtembergia monachi ex ipsis suis monasteriis expulsi sunt etiam Hirsaugienses, abbate quidem Ioanne in suo monasterio remanente. Dumque, ut Crusius ad an. 1548. testatur a), & mox ipsi exempla dabimus, abbates & monachi passim tunc in autumnno in suis cœnobiis restituuntur tum alibi cum in Wir-  
a) P. III. lib. XL. c. 22.  
 tembergiam, Ioannes abbas recepta iam potestate dispersos monachos apud Hirsaugiam recollegit, & novitios adolescentulos recepit. Besoldus in documentis rediv. b) refert conditiones, quibus Ioannes abbas restitutus  
b) T. I. p. 381.  
 est; alia item ex quibus constat c), etiam post Passavicam transactio-  
c) p. 385.

SECVLUM  
XVI.

nem an. 1553. eundem adhuc abbatem in exercitio iurisdictionis fuisse. Edimus in cod. probat. mutuas Philippi ep. Spirensis & abbatum in Hirschau, Maulbrun & Herrenalb epistolas an. 1551. quæ episcopi & abbatum eorumdem ad concilium Tridentinum invitationem attinent excusationemque ob invaletudinem & senium, quæ certe in Ioanne abb. Hirsaugiensi paucis post annis secuta mors probata reddidit. Ioanni successit an. 1556. Ludovicus Welderer Stutgardianus.

Eo ipso tempore institutis scholis apud monasteria Wirtembergica Henricus Weickersreuter Calvensis ecclesiæ pastor eam ob causam vocatus est Hirsaugiam, postea factus theologiæ doctor & post mortem Ludovici catholici abbatis an. 1560. primus Augustanæ confessionis abbas uxorem habens, ut Crusius attestatur, eique mortuo successit an. 1569. Ioannes Parsimonius (Karg).

Anno 1584. eodem teste Crusio, lapis sepulcralis S. Aurelii ex ecclesia veteris monasterii Hirsaugiæ in ecclesiam novi monasterii iussu ducis est translocatus pone summum altare, ut eius memoria conservetur; in lapidis margine hæc legebatur scriptura: *Anno benignitatis octingentesimo tricesimo almi præsulis Aurelii venerando corpore de Italia translato, est eidem Hirsaugia suscipiendo fundata.* Addi tunc, cum hæc translatio facta est, pro more veteri *Alpha & Omega* potuisset, principium & finis, quem tam funestum & deplorabilem habuit archisterium hoc Hirsaugense, tot aliorum monasteriorum mater, reformatrix & accommodatrix ultimo adhuc, ut ita dicam, suo halitu, ut modo de sacra Eremita audivimus.

v) P. II. German. Sac. p. 229.

Apud Bucelinum memoratur a) Io. Pistorius Alperspacensis patria monachus Hirsaugiensis, & post sui monasterii a duce Wirtembergiæ occupationem Maurimonasterii in Alsatia sceta, ac dein Prior atque abbas, qui plurimis ædificiis locum auxit & ornavit, post Carolum Rieker postulatam ex Ettenheimmunster, qui vastatum an. 1525. a rusticis monasterium restituit. Galliæ christ. auctores Ioannem an. 1561. in archiviis episc. Metensis notarunt, mortuum an. 1567.

Perhibet Trichemius in suo chron. Hirsaug. ad an. 1512. Wilhel mum episcopum Argentinensem vocatum ad se Ioannem abbatem instantius rogasse, ut per Hirsaugienses Maurimonasterium reformaretur. Est autem, pergit Trichemius, Maurimonasterium de fundatione antiqua, quod olim Hirsaugienses, ut longe supra diximus, semel reformaverunt, sed malitia temporum, & negligentia prælatorum successive in tantam miseriam & desolationem pervenit, quod neque hodie abbatem habet, neque

*neque monachum ullum, sed per hominem possidetur & regitur secularem: are gravatur alieno plusquam in sex millibus florenorum: cuncta aedificia sunt ruinosae, & iam magna ex parte collapsa. His visis & auditis Ioannes abbas oblatum sibi monasterium tantis debitis involutum suscipere timuit, quod reformare sine detrimento monasterii proprii se haud posse perspexit, unde pontifici, ut aliunde loco provideret, consuluit, & honesto excusationis obiecto velamine discessit.*

SECULUM  
XVI.

XXVIII. Potuit etiam absterre Ioannem abbatem Hirsaugiensem, ne in se susciperet Maurimonasterium, quod tantum negotii Hirsaugiæ fa-  
 cesserent eiusdem cellæ antiquæ Reichenbach, Roth & Schönrein. Ex-  
 tat charta, qua supra memoratus Cardinalis Raymundus Gurcensis an.  
 1502. Hirsaugiæ præsens simul etiam cellas has congregationis Hirsaugicæ a censuris absolvit, quas forte incurrissent, quod præteritis temporibus decimas sine auctoritate apostolica a laicis, qui illas tamen ab immemoriali tempore possederunt, emissent. Erat tunc Prior in Reichenbach ad an. 1514. Ioannes Widel:

Reichenbach,  
Roth, Schön-  
rein, Cellæ  
Hirsaug.

Priores & Præpositos harum cellarum ex gremio Hirsaugiensi paullo ante ex Trithemio notavimus, ac præterea Ioannem Schulthaifs ex Priore Reichenbacensi electum abbatem Hirsaugiensem an. 1524. ante quem Bucelinus in Germania sacra nominat Ioannem Tubinger designatum Priorem an. 1524. a) post Ioannem Schulthaifs Georgium Fabri an. 1527., a) P. II. p. 75. qui re pessime gesta defecerit, & Dietericum Romanæ ecclesiæ renunci-  
 antem, paullo post a coco monasterii maclatum. Georgius Fabri memoratur ratiocinia sua abbati Hirsaugiensi deposuisse an. 1524. usque 1526. Prior usque ad an. 1528. quo ei Iacobus de Alperspach substitutus legitur, qui in catalogo monachorum Hirsaugiensium supra memorato occurrit. Eo tunc in statu fuit monasterium Reichenbacense, ut res suas redditusque emtionibus augere potuerit, ut si numerata pecunia non statim adfuerit, tamen prudenti œconomia accreverit ad debitis eximenda seu recuperanda noviter acquisita: veluti an. 1529. recuperata fuit villa in Niderachen, plures ante annos empta a Georgio de Schauenburg, & Catharina de Sickingen eius uxore. Ab anno 1550. occurrit Valentinus Prior in rebus tum cum abbatibus Hirsaugiensibus tractatis, cum potissimum in controversia finium & advocatia huius monasterii inter duces Wirtembergiæ, marchiones Badenses & comites de Eberstein, quæ neque ab initio huius seculi effervesce cœpit, neque ad finem deferbuic, etli an. 1557. transactum fuerit inter Christophorum Wirtembergiæ ducem, Philibertum marchionem Badensem, Wilhelmum comitem de

SECVLUM  
XVI.

a) T. VII. p.  
111.

Eberstein & Valentinum Priorem, uti in cod. diplomat. Hist. Zaringo-Bad. legere est a). Ad finem nihilominus huius seculi post mortem Ludovici ducis an. 1593. Fridericus successor induci se passus est ad occupandum hoc monasterium, quod bellico apparatu an. 1595. excubia nocte fuit in vasum, conventualesque æque ac subditi sacramento duci obligati, Priore Ioanne Hygelio iamiam effugato, ut in brevi Reichenbaci historia P. Martini Mack legere est c. 7. Memorat in historia Badensi Schœpflinus, Hygelium Priorem, cœnobio exulem ad Rudolphum II. Imp. confugisse atque ab eo mandatum, quod vocant, an. 1596. die 7. Iunii impetrasse, quo Wirtembergicus intra sex hebdomadas Reichenbacenses in integrum restituere iubetur. Restitutio tamen non est facta.

Non satis in aprico sunt contentiones, quæ post annum 1581. quo mortuus est Valentinus Wezel, ob successorem in Prioratu tam cum abbate Hirsaugiensi, quam etiam inter ipsos conventuales emerferunt monachos, quibuscum Io. Hygelio non satis conveniebat ex monasterio Schwarzacensi a marchione Badensi illuc misso Priore, postea, quum in quietâ possessione degere non posset, Horbani concedente, ubi in instrumento accepti mutui anno 1587. cum curatore bonorum monasterii Ioanne Muller occurrit, in cuius locum ibidem anno 1590. suo & conventus nomine Priorem constituit Georgium Rueck, & an. 1597. Mathian Eberhardt solo suo nomine, postquam iam aliquot annos effugatus esset Reichenbacho, ut instrumenta produnt. Edimus Rudolphi II. Imp. ad regimen Austriacum Œnipontanum, huius regiminis ad prætorum (Statthalter) Austriacum in Rottenburg litteras, responsorias item purgatorias præfecti & magistratus Horbensis, qui accusati erant, quod contra Reichenbacensem conventum & Priorem Duci Wirtembergico opitularentur, qui iam tunc armata, ut diximus, manu ex Dornstetten monasterium occupaverat, postea tamen monachis exercitium religionis catholicæ vitæque monasticæ indulgit, atque hinc etiam ab Andrea Cardinali Austr. & episc. Constantiensi obtinuerant ineunte an. 1597. redditus ex Hohenbergico comitatu, ut tamen mox mense Martio bona illa, quæ suberant curæ Matthiæ Eberhardt (quem confirmat curatorem in Horb) usibus Io. Hygelii assignet. Post eius mortem an. 1598. electionem liberam novi Prioris a duce Wirtembergico fieri concedendam expetit: quod dum dux negat, bona Reichenbacensia in comitatu Hohenbergensi episcopo Constantiensi cesserunt; dum reliqua ipsumque monasterium dux sibi vindicat.

Alteri fato succubuit sec. XVI. cella seu Prioratus in Schönrein, quod nempe monasterium bello rustico direptum igneque consumtum, quum

Hirsa-



Hirsaugienſe monaſterium paribus calamitatibus acciſum reſtituere ſe poſſe desperaret, Philippo comiti de Wineck pro mille florenis obtulit emendum, iamque obtenta fuit bulla approbationis & confirmationis ſuper venditione bonorum huius Prioratus an. 1526. dum episcopus Herbipolenſis, in cuius diœceſi ſitum eſt monaſterium, ad papam melius informandum appellavit anno ſequenti; iudex autem delegatus fuit Georgius de Schwalbach Præpoſitus Spirenſis, qui contractum venditionis ſiſtendum an. 1528. decrevit, donec res in iudicio cameræ eſſet diiudicata.

In catalogo monachorum Hirſaugienſium apud Trithemium nonnulli ſunt notati, qui quondam Priores erant in Schönrein, non item Præpoſiti in Roth diœceſis Auguſtanæ in Suevia, qui quibus ſe artibus a ſubiectione Hirſaugienſi ſolvere geſtierint, vidimus libro ſuperiore; conſervavit nihilominus monaſterium Hirſaugienſe ius Præpoſitum eligendi & præſentandi, idque electo ex ſuis Andrea Schöcken, exercuiſſe legitur an. 1514. Cauſam abbatis Hirſaugienſis defendit Ulricus dux Wirtembergiæ, conventus vero Rothenſis & Wolfgangus comes de Oetingen Præpoſitum ex numeroſo conventu Rothenſi eligendum contenderunt Melchiorem de Rothinger, qui quidem re ad ſummam ſedem delata præpoſituram certis conditionibus retinuit, præſentandus tamen episcopo Auguſtano ab abbate Hirſaugienſi, qui etiam deinceps præſes ſit in electione Præpoſiti, ex gremio tamen Rothenſi ſumendi, quem abbas Hirſaugienſis Ordinario loci in forma antiqua præſentet. Conventum quoque & decretum, ut Roth Bursfeldenſi unioni addiſtum maneat, adſitque tam annuali, quam provinciali capitulo, nihilominus viſitationi correctionique abbatis Hirſaugienſis obnoxium, perinde etiam ad ratiocinia annua reddenda. An. 1555. Melchior Röttinger Præpoſitus, officium reſignaturus, abbati Hirſaugienſi id denunciavit litteris, quas edimus, hicque Valentinum Priorem in Reichenbach ad hunc reſignationis, ſequentemque electionis Matthiæ Præpoſiti diem legitime delegavit. Edimus epistoſium Io. abbatis Hirſaugienſis ad Matthiam anni 1556.

XXIX. Gottesavia monaſterium Ord. S. B. olim Hirſaugiæ filia antequam direptum in bello ruſtico flammis abſumeretur, iam ineunte hoc ſeculo XVI. aliam habuit catastrophem: dum Iacobus abbas Chriſtophoro marchioni Durlacenſi ob terras, ſilvas, iura quædam Romani ipſe proſectus an. 1506. litem intendit. Ibi dum aliquot annis moratus, fruſtra tempus & pecunias consumeret, a ſuis quod temere litigaſſet, deſertus, ad abbates etiam Schutteranum, Hirſaugienſem & Limpurgenſem

Gottesaugia.

SECVLVM  
XVI.

a) 3. Tb. p. 87.

sem observantiæ Bursfeldensis Roma litteras dedit ad finem anni 1508. quæ apud I. Sachs in hist. Bad. leguntur a); sequenti vero anno quarta decima die mensis Novembris coram me, utor verbis Trithemii ad an. 1509. *Ioanne Trithemio abbate sancti Iacobi Conrado abbate S. proto-martyris Stephani Herbipol. capituli provincialis in hac parte commissarii evocatus de Roma per nos ad Peapolim in dicto monasterio S. Stephani abbatiam suam in manus fratrum sui conventus ex certis causis cum moventibus voluntarie resignavit.*

Notavimus paullo ante Ioannem abbatem Gottesaviensem inter compromissarios a quibus an. 1524. Ioannes III. abbas Hirsaugiensis fuit electus. b) T. VII. p. 60. Apud Schœpflinum in cod. diplomat. Hist. Zaringo-Bad. b) fit mentio Brevis apostolici, quod Ferdinandus archidux Austriæ eodem an. 1524. Ernesto marchioni Badensi misit attinens monasterium Gottesavienſe, quod anno sequenti furore rustico direptum & igne consumtum fuit.

In divisione terrarum Badensium an. 1533. facta post mortem Philippi inter superstites Christophori marchionis filios Ernestum & Bernardum, ad illum cum Pforzhemio & Durlaco oppidis, castris & præfecturis etiam pervenit advocatia monasterii Gottesavienſis. Ibi vero Carolus II. Ernesti filius marchio Durlacensis ædificium pro suis usibus an. 1553. construxit, eiusque filius Ernestus Fridericus an. 1589. ampliavit, post elapsum seculum flammis bellicis absumtum.

Monasterium  
S. Georgii  
cum suis cel-  
lis.

XXX. Felix sec. XVI. auspiciu monasterium S. Georgii habuit, abbate Georgio I. ab Ast, qui reformationem in suum monasterium introduxit. An. 1504. tanquam status & membrum Imperii Francosurtum vocatus a Maximiliano Imp. comparuit. Utinam vero eius successores hanc contra duces Wirtembergiæ conservare potuissent prærogativam. Ex ea eius successor Eberhardus Belz a Rotenstein an. 1507. privilegium nundinarum accepit a Maximiliano Imp. Nicolaus vero, qui Eberhardo successit an. 1515. a Carolo V. Imp. confirmationem privilegiorum ab antecessoribus Henrico V. & Carolo IV. datorum.

Felix fuisset monasterium S. Georgii, si Nicolai successores perinde horum privilegiorum auctoritate tueri se potuissent, ac Nicolaus facta testâ conservavit sui monasterii, primum contra Villinganorum manus conductas in Ulricum ducem Wirtembergiæ, deinde etiam contra rusticorum seditiosorum furorem, quem singulari prudentia, discretione & liberalitate compescuit. Omnia adhuc prospere agebantur, dum Nicolaus libera resignatione abbatiam an. 1530. Ioanni V. cederet, isque anno proximo Spiram, & sequenti Ratisbonam a Carolo V. ad comitia imperii vocatus adesset.

Cum

Cum vero ducatus Wirtembergiæ ab Austriacis occuparetur, Ioannes de Landenberg, qui a Ioanne de Rechberg partem advocatiæ a monasterio redemptam tenuerat, transegit cum Ferdinando R. R. tunc Wirtembergiæ dominante, circa eam an. 1532., quem Ioannes abbas Studgardiaë cum aliis solenni processione in pontificalibus introduxerat.

Duces, rebus restitutis, hinc etiam ansam arripuerunt, protectionem in ius territoriale convertendi, ita quidem, ut an. 1536. die 6. Ianuarii Ioannes abbas cum suo conventu e monasterio armata manu eiiceretur, quod missum prædicantem Lutheranum non solum suggestu prohibuisset anno superiore, sed etiam omnino exegisset. Restitutus quidem fuit an. 1548. abbas, eiecto prædicante, quo tamen intruso cum scholaribus præterea duodecim heterodoxis, abbas Villingam recessit; ærumnis senioque confectus ibidem, postquam anno præcedente apud S. Georgium iussu ducis festum Corporis Christi, feriæ, ut vocabant, papales &c. essent abrogatæ, est defunctus an. 1566. de suis optime meritis.

Res sub Ioannis successore Nicodemo Lenpolt ultra adhuc processit, cui, legitime Villingæ electo, Christophorus dux armata manu Lutheranum prælatum opposuit. Nicodemus vero monasterii sui causam apud cameram imperialem Spirensen, quoad vixit, strenue propugnavit, defunctus an. 1585. ab ipsis heterodoxis ob morum integritatem ac vitæ sanctimoniam summo in pretio habitus. Eius successor Blasius Schonlin electus an. 1585. post decem annos, suscepto Andlavi in Alsatia parochi munere, abbatiam resignavit Michaeli I. Geisser, strenuo iurium monasterii sui propugnatori, ac optimo œconomo. Rhenovii is præfens fuit cum Iodoco abbate Murenfi electioni Geroldi I. Zurlauben de Thurn & Gestel-  
lémburg.

In cella quoque Rippolzavienfi fuit aliquamdiu ablatus avitus cultus catholicus, institutumque monasticum an. 1540. & sublata bona; sed iterum an. 1549. a Friderico comite de Furstenberg Wilhelmi successore omnia in integrum restituta. Dum an. 1569. Christophorus dux Wirtembergiæ conventum ad diem 13. Maii indixisset, misit eo Ioannes abbas P. Georgium Walhüter Priorem in Rippolzau cum credentialibus suo, non vero conventus sigillo munitis.

Parthenon in Fridenwiler qua occasione seculo hoc XVI. ad Cistercienses transferit cedente Ioanne abbate S. Georgii, dicemus postea. Idem agitabat Fridericus comes de Furstenberg de monasterio Amptenhausen, tunc maxime, quando Iodocus Munch de Rosenberg apostata a

SECVLUM  
XVI.

fide catholica, præfectus ditionis Furstenbergicæ, & ducis Wirtembergiæ in Hornberg monasterium S. Georgii devastavit. Sed monasterium Amptenhusanum hætenus conservavit Ordinem & subiectionem monasterio S. Georgii, perinde ac parthenon in Urspringen, cui ineunte hoc sec. an. 1506. Eberhardus, exeunte autem Michael I. abbas salutare constitutiones dedit antecessorum suorum exemplo.

De cella in Bickhelsberg nulla occurrit sec. XVI. memoria, tantum de bonis transcriptio quædam ab Eberhardo abbate facta Ulrico Fridrico Sartori in Bickelsberg an. 1513. & Barbaræ Themini uxori Stephani Gerings de Bickelsberg: recognitio servitutis data an. 1517. eidem abbati signante Martino Wolf sculteto Rosenfeldensi.

Frequens fuit hoc etiam seculo apud S. Georgium servorum permutatio: veluti an. 1506. Wolfgangus comes de Furstenberg, aulae regiae cæsareæ Mareschallus, supremus capitaneus & præfectus Alsatiae & Mortenangiæ fecit cambium servorum cum Eberhardo abb. quem patrinum suum & dilectum Dominum vocat. Cum eodem Eberhardo, ut alia passim cum nobilibus facta eiusmodi exempla præteream, similem permutationem fecit an. 1516. Ioan. de Rechberg de Hohenrechberg in Schramberg; quo eodem an. facta est recognitio Rieggerorum familiae meæ maternæ in Villingen in Spitalhof super iure servitutis, quo tenebantur monasterio S. Georgii.

Id demum grati animi est recognoscere, Ioannem Kern abbatem S. Georgii cum consensu capituli sui ius patronatus in Kleinenkembs tradidisse monasterio S. Blasii, a quo idem nostro ævo iterum cum aliis divenditis bonis postliminio ad monasterium S. Georgii rediit.

Alpirspacen-  
se cum cella  
Kniebus.

a) T. V. p.  
1065.

XXXI. Ad initium sec. XVI. Gallia christiana a) profert Gerardum abbatem Alpirspacensem, cuius iam libro superiore, & mox supra meminimus ex Trithemii chronico Hirsaug. Destinatus is erat an. 1501. a Philippo comite Palatino & Alberto Argent. episc. cum Ioanne Spanheimensi, Blasio Hirsaug. Macario in Limpurg, & Ioanne in Schuttern abbatibus, ad visitandum & reformandum monasterium Gengenbacense, assumtis secum simul, inter alios aliorum monasteriorum monachos, duobus etiam ex monasterio Alpirspacensi, quod tunc erat florentissimum, ad finem sec. XV. amplissima privilegiorum omnium antecessorum suorum imperatorum confirmatione a Maximiliano I. instructum, ut apud Besoldum in documentis rediv. legere est b). Sequitur ibi mox aliud eiusdem imperatoris, quo Gerardo abbati bannum seu ius gladii aut iudicium sanguinis in Schloßberg & aliis locis monasterio subditis in feudum concedit.

Ha-



Habetur inde apud eundem Befoldum a) urpheda & deprecatio veniæ rebellium subditorum facta an. 1514. Alexio abbati, (qui iam an. 1513. notatur) testibus Wilhelmo de Weytingen, Augustino Eegen Schulteto in Rottweil, Io. Hettinger consule in Horb & Georgio Ruckhemer senatore ibidem sigillo munientibus instrumentum. Citius cæteris Nigræ saltem silvæ nostræ coenobiis communi sec. XVI. calamitati seditioforum rusticorum succubuit Alpirspacum, quod iam an. 1513. incendio conflagraverat.

SECULUM

XVI.

a) p. 177.

Iam meminimus factam an. 1523. post mortem Alexii abbatis, eius successoris Ulrici electionem per compromissum in abbates Conradum Schutteranum & Laurentium in Ettenheimmunster &c. *presentibus nobili & strenno viro domino Rudolpho de Echingen equite aurato, & venerabili Patre, domino Ioanne Priore de Reichenbach Constantiensis diocesis, testibus ad præmissa vocatis specialiter atque rogatis.* Adiicitur apud Befoldum instrumentum b) notarii, tum etiam sequuntur subscrip- ptiones capitularium singillatim.

b) p. 181.

Ibi post F. Fabianum Priorem Alpirspacensem occurrit F. Beatus Prfor in Kniebus, cella nempe seu Prioratu de obedientia coenobii Alpirspacensis, quod monasterium eodem anno 1513. quo Alpirspacense teste Trithemio in chron. Hirsaug. *fortuito casu incensum, incineratum & combustum est cum ecclesiâ, & domibus cunctis, præter unam domunculam solam, quæ ab incendio mansit illaesa.*

Apud eundem Befoldum legitur c) Ulrici abb: Alpirspacensis instrumentum an. 1525. quo querelas deponit apud regimen Wirtembergicum, quod post rebellionem rusticam suscepti sint Alpirspacenses subditi ad homagium (Erbhuldigung).

c) p. 182.

Sequitur eiusdem anni urpheda subditorum, qui seditiosi fuerant: ac mox Caroli V. confirmatio omnium privilegiorum & infeudatio iudicii sanguinis eodem, quo in necrologio Ettenheimensis monasterii notatur P. Sebastianus Grab Prior in Alpirspach, an. 1530. Nihilominus an. 1534. missus est Iodocus Munch de Rolenberg, ut inventarium faceret rerum monasterii, protestante econtra abbate, monasterium suum esse liberum &c. ut legi potest d) in Befoldo eiusdem Iodoci relatio, & mox etiam Valentini Prioris in Reichenbach, quod monasterium paucis leucis distat Alpirspaco, quomodo anno sequenti in die Apostolorum Simonis & Iudæ dux collectis oppidanis Dornstettensibus in monasterium irruit, eoquod, quem dux prædicantem Lutheranum miserat, monachi & ministeriales irritassent. Edidit Sebaldus Hauuenreuterus Tubingæ an. 1539. com-

d) p. 191.

SECVLVM  
XVI.

mentarios in physicam Aristotelis, quos Ulrico abbati Alpirspacensi dedicavit. Notatur an. 1548. Iacobus Hohenreuter abbas, quo nempe anno vi editi quod *interim* appellari solet, monasterium hoc auctoritate Cæsarea Caroli V. restitutum fuit, habuitque an. 1553. Iacobum catholicum abbatem, cuius extat apud Besoldum instrumentum, quo civem Wolfacensem a Rottwilensi ad suum evocat iudicium. Addit Besoldus, abbatem usque ad an. 1559. & post perstitisse in monasterio, captum denique & Maulbrunæ dein in carcere habitum fuga evasisse. Obiit an. 1563.

Sunt, qui Henricum de Yestetten I. U. D. abbatem Vallis S. Gregorii & administratorem præposituræ omnium Sanctorum Friburgi a summa sede accepisse abbatiam Alpirspacensem perhibeant, sed an. 1556. pulsus. Doctissimus Georgius Geißler abbas S. Georgii in suis adversariis memorat Ioachimum Bruning conventualem S. Georgii & Priorem, aliquamdiu vicarium in Alpirspach, circa an. 1550. abbatem in memorato monasterio vallis S. Gregorii in Alsatia. Mortuo Iacobo abbate primus substitutus est Lutheranus prælatus Balthasar Elenheinz, an. 1577. Ioannes Stecher, an 1580. Matthæus Vogel Professor prius theologiæ in Königsberg, quem notat Gallia Christiana abbatem Alpirspacensem 12. May an. 1589. Ei an. 1592. successit Io. Conradus Piscarius seu Fischer.

Lectione librorum Lutheri seductus ab Ordine Benedictino monasterioque Alpirspacensi apostata fuit Ambrosius Blaurerus ex nobili familia Constantiensi, ut videtur Blarerorum, ex qua eodem hoc sec. XVI. triumviri Diethelmus abbas S. Galli & Ludovicus ex monacho S. Galli abbas Einsidlenensis in Helvetia, Gerwicus vero Weingartensis ac simul etiam postea abbas Ochsenhusanus in Suevia fuerant. Nihil non egerunt Alpirspacenses alique orthodoxi, ut Ambrosium nutantem erigerent, & a pessimo revocarent consilio, quod ex eius epistola ad Melanchtonem an. 1522. palam fit apud Hottingerum in hist. eccl. sec.

a) P. II. pag.  
454.

XVI. a). Hic eum monasterio egressum non statim vestem deposuisse perhibet, quod in eo novatores inter alios Oecolampadius notarunt, apud eundem Hottingerum, qui aliquot eius epistolas affert, tum alibi, cum Constantiæ datas, ubi prædicantem novæ sectæ egit; inde vero turbis Interimisticis pulsus, in Biel Helvetiæ id munus habuit, denum Witodurum secedens obiit 1568. Epistolas eius, quæ complures Constantiæ in archivio servantur, iam supra notavimus.

S. Petri.

XXXII. Monasterium S. Petri in Nigra silva anterioribus posterioribusque temporibus tot funesta expertum fata, seculo XVI. præ aliis sibi

bi consuluiffe est visum, nec adeo furori rustico expositum. Petrus III. Gremelspacher Villinganus ab an. 1496. abbas usque ad an. 1512. monasterio non solum restauratis ædificiis prospexit, verum etiam addere firmamentum fide instrumentisque publicis pontificum, summorumque principum curavit.

Iodocus Keiser ex Langenargen in difficillima utriusque status sacri & profani, ab anno 1512. usque 1531. abbas, incidens tempora, utriusque pericula, quantum licuit, cautissime declinare studuit. Hinc quum sibi maxime timeret ab Ernesto marchione Badensi & Hachbergico, advocato monasterii, in religione novaturiente, monasteriumque multis aliis titulis molestante, avidissime arripuit occasionem, dum an. 1526. Ernestus advocatiam monasterii & trium eo spectantium vallium Ferdinando archiduci vendidit, ultroque Iodocus obtulit pretium mille florenorum, sese cum suo monasterio Austriacæ committendo tutelæ. Qua quidem tutus alioquin, iacturam tamen in Helvetia præposituræ Herzogenbuch fecit religionis innovatæ causa.

Iodoci successor Adam Guldin Friburgo-Brisgoius in necrologio Amptenhusano invenitur, eiusque mors notatur in sæpe citato chronico Villingano cum abbate Ettenheimensi & aliis ad an. 1544. In modo memorato item necrologio Amptenhusano Ioannes abbas S. Petri, qui post Magnum Turinger administratorem an. 1553. mortuum abbas fuit, defunctus an. 1566. legitur, eius vero successor Daniel Wehinger Hala Tyrolensis an. 1580. Ioannes Ioachimus Munfinger a Frundeck nobili familia an. 1588. Gallus autem Vögelin ex Mundelheim abbatiam an. 1597. resignavit Michaeli Stocklin Binzdorfensi mortuo an. 1601.

XXXIII. Sub hoc abbate Michaeli a Clemente VIII. ad refarcienda damna per immutationem religionis monasterio S. Petri illata, ei unita est præpositura Seldensis congregationis Cluniacensis, ubi adhuc ad finem sæc. XV. erat parthenon, de quo libris superioribus sumus locuti: veluti etiam de monasterio S. Udalrici itidem congregationis Cluniacensis, ex qua ultimus Prior Stephanus Baudinus an. 1546. cessit Ioanni Kern abbati S. Georgii, hicque an. 1560. Ioanni Erb mox memorato abbati S. Petri.

Sub eius successore vero Daniele Wehinger tandem an. 1578. a Gregorio XIII. P. in perpetuum monasterio S. Petri Prioratus S. Ulrici interventu Ferdinandi archiducis unitus est & incorporatus, manetque ad hodiernum usque diem, prout legere est in brevi historia Prioratus S. Udalrici a moderno reverendissimo abbate S. Petri Philippo Iacobo an. 1756. Friburgi Brisgoiæ edita.

SECVLUM  
XVI.

Sulzburgense  
monialium.

a) lib. VII. c. I.

Alba Domi-  
narum.

b) *Vindem. li-*  
*ter. coll. I. p.*  
153.

XXXIV. Alia fata tulit parthenium Ord. S. B. vicinum Seldenfi & coenobio S. Ulrici, in Sulzburg, quod sec. XV. concilium Basileense Friderici ep. Basileensis tutelæ commiserat, iterumque Iulius II. P. anno 1509. mensæ episcopali coniunxit, salvo tamen conventu monialium a prima sua fundatione, ordine non interrupto, ibi subsistente usque ad an. 1521. quo pulsis monialibus, redditus monasterii administratori cui-dam seculari commisit Ernestus marchio, qui ex destinatione patris Christophori, ut Schoepflinus perhibet in hist. Bad. a) regiminis sui sedem Sulzburgæ constituit, ansamque captavit, expellendi moniales cum magistra ultima Gunia Spörlin. Refert Schoepflinus inscriptionem in lapide sepulchrali ultimi Prioris, quod olim monachi S. Blasii tenuerunt munus. Lapis in medio ecclesiæ monasterii superest cum hoc epitaphio: *Obiit venerabilis vir frater Georgius Locher administrator & Prior huius loci.* Administratores abhinc seculares fuerunt usque ad an. 1548. quando agente episcopo Basileensi iterum restitutæ sunt moniales, vitæque monastica anno sequente, donec Carolus II. marchio Augustanam confessionem undique suarum ditionum uniformiter instituit, abrogata ubique avita religione catholica.

XXXV. Monasterium Albæ Dominarum an. 1508. circa principium Augusti igne casuali fuisse incensum, & præter ecclesiam omnia fororum habitacula in pulverem esse redacta Trithemius in chron. Hirsaug. ad h. a. testatur. Præfuit tunc huic nobilium matronarum congregationi Scholastica de Göler ex Ravensburg, quæ an. 1507. successit Margarethæ de Hoheneck Enzberg. Occurrit variis in instrumentis Scholastica Gölerin, vixitque adhuc an. 1536. quo tempore ingentes ob religionem sustinuit persecutiones, quæ post mortem Bernardi III. sub eius filiis Philiberto & Christophoro Lutheranis quoque continuarunt sub abbatissis Catharinis successive tribus, Catharina de Remchingen electa an. 1537. mortua 1550. proxima Catharina de Wittstatt dicta Hagenbuchin, quæ obiit an. 1554. Catharina de Bettendorf an. 1573. cui an. 1574. successit Paula de Weitershausen defuncta Pforzheimii an. 1609. dum Ernestus Fridericus Durlacensis an. 1597. monasterium ad tempus abolivisset, qua de re dicemus libro proximo. Apud Schannatum nulla amplius leguntur b) sec. XVI. abbatissarum epitaphia; sed tamen familiæ comitum de Eberstein, in quibus obiisse notantur A. D. 1535. 27. Sept. Kunigunda comitissa de Sonnenberg uxor Wilhelmi comitis de Eberstein. A. D. 1546. Barbara comitissa de Thaun, Oberstain & Falckenstein. A. D. 1557. 9. Aug. Anna comitissa de Eberstein. A. D. 1565. 12. Aug. Anna comitissa de Donliers Philippi comitis de Eberstein uxor. A. D. 1569. 9. Apr. Bernardus comes de Eberstein.



XXXVI. Apud eundem vicissim Schannatum l. c. epitaphia quorundam monasterii Albæ Dominorum abbatum sec. XVI. notantur, veluti A. D. 1505. Bartholomæi de Rechberg, Eberhardo barbato duci Wirtembergiæ admodum chari, & ita eidem a consiliis, ut plurimum in administratione provinciæ ageret, valetetque. Successorem habuit Michaellem, qui apud Schannatum desideratur; dum nihilominus Marcus decimus septimus abbas in Alba Dominorum dicitur, Bartholomæus vero decimus sextus; perperam quidem, nulla habita Michaelis ratione, qui abbatiam an. 1521. Marco de Gerspach reliquit, sub quo monasterium an. 1527. incendium sustinuit, in quo ipse etiam abbas ita læsus corpore dicitur, ut administrationi monasterii impar esset, an. 1535. demum, ut apud Schannatum legere est, mortuus, a peste, quæ circa an. 1530. in Alba Dominorum periade ac tota illa provincia grassabatur, immunis.

SECULUM  
XVI.

Alba Dominorum.

Quæ sub eius successore Luca Göz de Mehrstetten (cui subditi anno 1529. homagium, quod in Franc. Petri Suevia eccles. p. 47. legere est, præstiterunt) iterum exarsit de advocatia monasterii inter duces Wirtembergiæ marchionesque Badenses controversia, quæ præter mentem & intentionem Albæ Dominorum funesta fuit iam etiam præterito seculo, dum Albani bonis & redditibus in Wirtembergia aucti, comites de Wirtemberg advocatos admiserunt, contra nitentibus comitibus de Eberstein marchionibusque de Baden. Tandem ad finem seculi XV. inter partes contententes conventum fuerat, ut quilibet in suis ditionibus ius teneat.

Seculo hoc XVI. inter saxum sacrumque stabant Albani, quum & duces, & marchiones ad Protestantium castra deflecerent hinc Bernardus eiusque filii Philibertus & Christophorus, illinc Christophorus & Ulricus: quorum posterius dum Lutheranae reformationi adhæserunt, illorum vero lineæ Bernardinæ ad sacra catholica redirent, male consultum fuit Albæ Dominorum. Statim enim dum Ulricus dux Wirtembergiæ palam accessit an. 1534. confessioni Augustanæ, eandemque an. 1535. suam induxit in terras, ad hanc exacta regula, personis in monasterio vivere volentibus, est præscripta. Herrenalbensibus quidem teste Crusio a) ad h. a. sexta Iulii per nobilem Io. Fridericum Thum Kirchaimi maiorem præfectum, & per M. Erhardum Snepfium principis legatos hæc est tradita: Legendæ suis horis sacrae litteræ: canendi psalmi: coena Domini percipienda: Missa omittenda: coacta per omnium peccatorum enumerationem confessio tollenda: pro cuculla alius honestus vestitus accipi potest: honesta opificia exercenda: conscientia non gravanda &c.

a) P. III. lib. XI. c. 10.

Iam

SECVLVM  
XVI.

Iam tum Marcus die 2. Martii diem suum oppetierat, eodem etiam teste Crusio: Anno Domini 1536. Ind. 9. pontificatu sanctissimi in Christo Patris & Domini nostri D. Pauli papa tertii anno eius primo die vero Mercurii Kal. Martii in presentia notarii publici, testiumque infra scriptorum fide dignorum ad hoc specialiter vocatorum & rogatorum rever. in Christo Pater & dominus, dom. Lucas abbas monasterii B. Mariæ virg. in Alba Dominorum Cisterciensis Ordinis Spirensis diocesis afferens erat & cum tristitia cordis allégans, quod ex necessariis, imo urgentibus & pręgnantibus causis habitum monasticum (ad tempus saltem quamdiu expediens fuerit, aut necessitas exegerit) mutare & sub alio decenti clericali habitu incedere vellet: verum non in despectum sacri Ordinis Cisterciensis, aut animo Ordinem deserendi, monasteriumve & habitum; sed solum propterea, ut his tam periculosis temporibus quietius & diutius in monasterio Albenſi permanere, in eius regimine commoda ipsius conservare, damnaque huic & sibi imminentia avertere facilius posset, quemadmodum ipse ex præscripto iuramenti sui teneatur &c. Testes fratres eius obediētes, & professi charissimi Ludovicus Prater &c. adhuc sub eodem habitu monastico degentes, ibi præſentes, sed monasterio suo expulsi: abbatem suum hortati, ne monasterium ipsorum dimitteret; sed potius habitum suum mutaret, an forte auspicante Altissimo ad pristinum statum regularem ipsos, ut gallina pullos suos sub alas recolligere posset. Acta sunt hæc in villa Langensteinbach &c.

- a) T. Lp. 135. Addit ex eodem Crusio Befoldus in Docum. rediv. a) postquam integrum expilationis an. 1535. 23. Octobr. factæ actum, prout etiam in 139.  
b) p. 48. Francisci Petri Suevia ecclesiastica b) legere est, retulisset, ipsum abbatem Lucam a duce Ulrico Studgardæ incarceratum, & quasi triginta millia florenorum aureorum in diversa loca alienasset, quæſtionibus subiectum fuisse.

Post aliquamdiu monasterium abbate caruit, usque dum finito Schmalkaldico bello, religiosus cultus reductus, ibique Georgius Trippelmann, cognomento Pais, Tubingensis electus est. Ex tabulis publicis sic enarrat Crusius ad an. 1549. quomodo frater Theobaldus Novi Castri Cisterc. Ord. Argentinensis diocesis abbas & monasterii Herrenalbenſis visitator, adiunctis sibi certis adiutoribus abbatem Albenſis cœnobii elegit fratrem Georgium Tripelman al. dictum Pess Tubingensem. Hunc, inquit, in loco solito Novi castri renunciavimus, licet aliquantum recusasset. Eundem cantu Te Deum incipiente pulsatisque campanis, toto conventu præcedente & subsequente ad adis sacra chorum duximus: ac  
de

de more, perinde ac si in Albenſi monaſterio eſſet, inſtallavimus. Fi-  
nito Te Deum laudamus; preces ad Deum legimus & ad capitulum  
redimus: ac per librum loco Regule Ord. Ciſt. & ſigilli noſtri porre-  
ctionem ipſum inveſtivimus, tradendo eidem Albenſis monaſterii poſſeſſionem  
& omniū ſpiritualium ac corporalium curationem ſecundum Regulam  
Benedicti, & papales declarationes. Idem ad ſancta Evangelia nobis iu-  
ravit, ſe poſſeſſiones & iura Albenſis monaſterii non venditurum, impig-  
noraturum, infeudaturum, donaturum cuiquam, niſi per modum ab apo-  
ſtolico domino conſtitutum, ſequē mibi & ſucceſſoribus meis in viſitationi-  
bus & correptionibus obtemperaturum &c. Acta ſunt hac an. 1548.  
Novemb. 15. die Iovis Indiſt. 6. Confirmavit deinde 5. Septemb. 1549.  
frater Ioannes abbas Ciſtercii in Cabillonēſi diœceſi, totius Ciſterc. Or-  
dinis & capituli generalis eiſdem plenaria fungens poteſtate &c. Geor-  
gius abbas adhuc an. 1555. ibi perduravit, tandemque conſtituto vita-  
lio, ceſſit. Unde etiam Cruſius l. cit. ſcribit, Philippum Degenum  
Uracenſem primum huius loci ſub Wirtembergēſi duce Chriſtophoro  
abbatem Lutheranum electum fuiſſe. Addit Beſoldus, multas litteras ex-  
tare prædicti Georgii abbatis ad cancellariam Wirtembergicam directas,  
& propria ipſius manu ſubſcriptas, earumque ultimæ ſunt de dato 9.  
Novembr. an. 1555. Iam meminimus, abbatem hunc Albenſem cum  
Hirſaugiēſi & Maulbrunēſi a Philippo epiſc. Spirenſi ad concilium Tri-  
dentinum eſſe invitatum.

Ut vero a curatore huius monaſterii relatum accepi, poſt diſceſſum  
Georgii abb. Ulricus dux miſit ex ſuis conſiliariis cum armata manu ad  
Albenſe monaſterium, qui pretioſa quædam cum documentis abſtulerunt.  
Monachi licet admodum proteſtantes & inviti, cedere compulſi, rece-  
dentes in Langenſteinbach, ibi, quod locus ad monaſterium pertineret,  
abbatem elegerunt; at dum pedem figere non poſſent, pars maxima  
Salemium commigravit.

XXXVII. Alterum, quod ad Nigram ſilvam noſtram attinet, Ciſter-  
ciēſis ordinis monaſterium quidem marchionibus Hachbergico-Baden-  
ſibus in multis etiam obnoxium, catholiciſſima Auſtriaca domus conſer-  
vavit, Tennenbacenſe inquam; quod tamen a tumultuantibus ruſticis ipſa  
die inventionis S. Crucis an. 1525. eſt combuſtum eadeni, qua Etten-  
heimmunſter, Schuttern, & Haidersheim hebdomada, ut ad Bernardum  
Muggium chroniſtam Ettenheimenſem an. 1623. perſcripſit Adamus ab-  
bas Tennenbacenſis, ultimus abbatum Tennenbac. qui ſine die & con-

Tennenba-  
cenſe mona-  
ſterium.

SECVLVM  
XVI.

sule notantur in Gallia christiana, ut adeo proxime antecedentes ad sec. XVI. pertineant, sed quotus quisque, hætenus ignoro.

Ante Adamum ponitur Martinus II. sub quo Iacobum marchionem Hachbergico-Badensem Tennenbaci an. 1590. die 15. Iulii eiurato Lutheranismò, solemni ritu professionem fidei catholicæ edidisse constat.

Post medium seculum in actis monasterii Fridenwiler, ut paullo post videbimus, occurrit Ioannes abbas Tennenbac. septimus nimirum eius nominis in catalogo memorato: ante notatum Martinum duo sunt Georgius II. & Iosephus.

Günthersthal

XXXVIII. Ad curam abbatis in Tennenbach pertinet illustre parthenium vallis Guntherianæ tertio ab urbe Friburgensi situm lapide: quod ineunte hoc seculo XVI. abbatissam habuit Veronicam a Müllheim sororem Conradi abbatis Gengenbacensis, mortuam an. 1508. an. regiminis quarto. In Msc. quodam catalogo abbatissarum in Günthersthal ponitur hæc Veronica post Agnetem de Tusselingen, quæ obiit an. 1525. Friburgi in ecclesia S. Nicolai, an. 1678. diruta, sepulta. Hanc Gallia christiana appellat Annam II. de Tusslingen patre Waltero, matre Anastasia Munchmeisterin, eidemque etiam anteposit Veronicam de Müllenheim, seu Mülheim, postponit vero Konigundam Röderin de Thiersberg, quæ fuit mortua an. 1530. an. 1534. vero Maria Schnewlin Bernlapp de Polschweil: post hanc Verena Tegelin de Wangen præfuit sex annis, inde in Ottmarsheim translata, perinde ac alia aliis temporibus eiusdem nobilis familiæ Ottmarsheimensis abbatissa Agnes de Dormez, & Victoria Reutner de Weil, Evaque de Pfirdt. Cordula de Crozingen ex Günthersthal an. 1538. postulata fuit in Andlau abbatissa, Christina Marschalkin in Wunenthal administratrix.

Verenæ in Günthersthal an. 1540. successit Maria de Roggenbach mortua an. 1547. quo anno electa Maria Schnewlin de Landeck obiit an. 1554. Elifabetha Böcklin de Böcklinsau an. 1567. Maria Störin de Störenberg diutius quam plures simul ex memoratis abbatissis 29. annis laudatissime præfuit, succedente eidem an. 1594. Anna de Hagenbach.

Fridenwiler.

XXXIX. Accessit Ordini Cisterciensi in Nigra silva nostra nova soboles, monasterium in prædio Fridenwiler extructum, ut suo loco vidimus, anno 1123. & cum omni iure proprietatis a prima sua fundatione ad monasterium S. Georgii pertinuit eiusdem Ordinis Benedictini. Dum vero monasterium S. Georgii sec. XVI. variis esset accisum modis, tum bello foederis Suevici in Wirtembergicis ditionibus, cum  
etiam



etiam rustico, maxime autem per mutationem avitæ religionis catholicæ, monasterium autem in Fridenwiler ad finem seculi XV. incendio conflagrasset, mala inde secuta illud progressu temporis tanto magis depreserunt, ut ferendæ opi semper magis magisque impar redderetur monasterium S. Georgii: maxime dum comes Wilhelmus de Furstenberg inaudito suæ familiæ exemplo a fide catholica deflectens monasteriis aliorum principum exemplo inhiaret, ac monasterium quoque in Fridenwiler infestaret.

Neque vero Fridericus eius frater circa annum 1525. rerum potitus, licet catholicus, fratris hunc malum deposuit affectum, nihil non agens, ut ab abbatibus S. Georgii utrumque monasterium in Amptenhusen & Fridenwiler extorqueret, suosque in usus converteret redditus, deficientibus paullatim monialibus. Id vero Fridericus apud Ioannem abbatem tunc maxime urgebat, quando dux Wirtembergiæ per Iodocum Munch de Rosenberg, infestissimum monachis an. 1536. monasterium S. Georgii occupavit, monachosque expulit: quæ arrepta occasione Fridericus per secularem administratorem res monasterii in Fridenwiler curari fecit, rem etiam sacram per presbyterum secularem fieri. Perstitit tamen magistra Margaritha Röckleurin; sed an. 1561. defuncta non nisi unam reliquit sanctimonialem Annam Michlin, quæ ibidem usque ad annum 1570. perstitit.

Sic etiam rem familiarem Henricus comes Furstenbergicus, Friderici filius, per Severinum Smid, sacra quantum licuit, per presbyteros seculares curavit. Interim sollicitus de restituendo monasterio, Ioannem abbatem in Tennenbach convenit; a quo moniales Ordinis sui Cisterciensis ex Liechtenthal, consentiente marchione de Baden accepit, quæ an. 1570. Sabbato infra octavam Corporis Christi secunda Iunii in Fridenwiler adventarunt sex cum duabus sororibus laicis, ut vocantur, quæ non chori sed monialium monasteriique servitio deputantur, comitante Barbara Weissin abbatissa in Liechtenthal: quæ processionaliter, sonantibus campanis in monasterium sunt susceptæ, posteaque una ex illis Lucia Birin in abbatissam est electa, ordinatoque monasterio ad vespertas primas festi S. Bernardi officium chori inceptum. Lucia vero vix anno expleto muneris abbatialis, iam senio gravata ad monasterium suum in Liechtenthal, ubi prius Officio Priorissæ perfuncta est, se recepit, eius vero loco monasterium in Fridenwiler die 14. Iunii an. 1571. regendum accepit Ottilia Kietlein ex gremio etiam Liechtenthalensi. Edimus ex archivio S. Georgii epistolas Henrici comitis de Furstenberg,

SECVLUM  
XVI.

Hailigenberg, & Werdenberg, uti se subscribit. Earum prima data est an. 1576. ad abbatem, quem ad velandas virgines invitat, nec exprimitur, an ad Nicodemum S. Georgii sit scripta, qui deinde an. 1578. iura sui Ordinis ac monasterii Ordini Cisterciensi transcripsit, tabulis publicis an. 1578. datis. Altera Henrici comitis epistola an. 1583. de consensu Generalis Cisterciensis Ordinis impetrando tractat, confirmatio- neque sedis apostolicæ, quæ sequenti anno 1584. secuta est; Generalis vero Ordinis Cisterc. an. 1585. Quo ipso anno ab abbate, ut videtur Nicodemo S. Georgii, petit pedem abbatialis partem superiorem ad solem- nem inaugurationem publicationemque bullæ apostolicæ.

Tanta vero monasterii huius tunc fuit celebritas, ut an. 1588. agen- te legato apostol. Lucernensi 12. moniales ex cœnobio Rathhausen in Helvetia advenerint in Fridenwiler ad disciplinæ regularis ordinem dis- cendum, reversæ in suum monasterium an. 1592. Præcedenti an. 1591. Amalia Reinerin ex primis huc delatis Liechtenthalensibus missa est, ut esset abbatissa in Marienhof prope Neidingen.

Marienhof  
prope Neidin-  
gen.

XL. Bucelinus T. I. Germaniæ sacre P. II. monasterium Aulæ seu Cu- riæ B. M. V. Marienhof prope Neidingen villam ex Caroli Crassi secessu celebrem, familiæ Benedictinæ adscribit; quod primum creditur fuisse Beg- hinarum in vico Almanshofen prope Donelchingam, unde postea comitum Furstenbergensium nutu Neidingam translatae Ordini S. Augustini sub cura PP. Prædicatorum, ut habet bulla apostolica, sunt adscriptæ mo- niales: quo temporis iniuriis ibi extincto, Henricus comes de Fursten- berg moniales Cistercienses Lavanga a Palatinis Neoburgicis expulsas, monasterio huic desolato immisit, & postquam Ordini Cisterciensi una- cum monasterio in Fridenwiler auctoritate apostolica an. 1584. esset unitum, an. 1591. stabilivit. Quo eodem anno monasterium curatelæ monasterii Salemitani sub abbate Christiano Fürst est traditum, ac pri- ma abbatissa Amalia Rennerin ex Liech in Wetteravia est constituta, atque an. 1595. demum a P. Generali Ord. Cisterc. Edmundo a Cruce in Fridenwiler sacro ritu inaugurata. Iam supra meminimus, fuisse in- eunte hoc sec. XVI. ex illustrissima Furstenbergica familia moniales Cla- ram Annam & Beatricem, Wolfgangumque I. an. 1509. illatum hic sepulcro esse, ubi dudum alii ex Furstenbergica prole nati, sunt con- diti in ecclesiæ huius monasterii crypta. Ibi primum an. 1337. depositus est Henricus II cui eodem adhuc seculo adiunctus est an. 1370. Con- radus filius cum uxore Adelheide de Griesenberg an. 1408. Henricus IV. an. 1444. Henricus V. Manet hic sepulcretum hodieque illi illustrissi- mæ

mæ huius Domus familiæ, quæ Donaueschingæ residet, cui posteriori-  
bus temporibus plures accesserunt rami.

SECVLVM  
XVI.

XLI. Cum laude meminimus superiore libro, quam insigniter Ordo Carthusianus sec. XV. etiam de Ecclesia orbeque litterario fuerit meritus, quod quidem facere Carthusia imprimis Friburgensis haud destitit sec. XVI. cuius anno secundo Ioannes Keslin artium & decretorum doctor, Prior Friburgi, alias Prior domus Throni B. Mariæ in Gemnico, vilitator provinciae Alemanniæ superioris, & convilitator provinciae Rhœni fuit defunctus.

Carthusia  
prope Fribur-  
gum.

Fuit etiam Prior Friburgensis iam laudatus Gregorius Riesch auctor Margarithæ philosophicæ, olim Maximiliani I. Imp. confessarius. De quo Iac. Wimphelingus nihil minus quam monachorum assentator, ita ad Iac. Spiegel scribit apud Ios. Ant. Rieggerum in notis ad vitam Udalr. Zassii eius epistolis præmissam p. 25. *Quis in omni philosophia & in divinis litteris acutior Gregorio Rieschio Carthusiano: quo nedum aliquin consultore usus est (Maximilianus) sed & ut animæ suæ mederetur, dudum, priusquam eam exbalaret, desideratissime longo viarum intervallo accessit.* Eundem inter alios scriptores Carthusianos sui temporis cumprimis celebrat Paulus Langius in chron. Citiz. apud Pistorium ad an. 1494. his verbis: *Gregorius Rysch, qui margaritham philosophicam, opus mirificum & utilissimum edidit & adhuc vivit.*

Mathiam Tannerum & Iodocum Loricium celebrabimus libro sequenti, qui iam etiam præsens seculum hoc XVI. illustrarunt, Loricium imprimis academiam Friburgensem, sæpius illius Rector magnificus inde ab anno 1582. in laudati Rieggeri Amœnit. litterar. Friburg. fasciculo I. p. 14. &c. conspicuus.

XLII. In earundem Amœnit. litter. Friburg. fasciculo III. legitur epistola memorati Iac. Wimphelingi data *Ex eremo Kalend. Novembr. 1512.* secessu nimirum seu eremitorio, quod virum doctissimum habuisse apud Wilhelmitas in suburbio Friburg. iam superiore libro meminimus.

Wilhelmitæ.

Exstat in archivio San-Blas. bulla Iulii II. P. anni 1507. qua ratam habet unionem monasterii Coronæ & Cellæ S. Mariæ, in Oberried nempe & Friburg, quatenus utrumque cœnobium uni sublit & pareat Priori in suburbio Friburgensi esistenti. Tunc Wilhelmitæ ex Oberried in filva, ut dicebatur locus ad S. Wilhelmum, ad sodales suos (*zu denen Oberriederen*) prope muros urbis Friburgensis se contulerunt Nicolao Dietlin Priore, cui an. 1523. Baltassar Hermann successit, huic anno

SECULUM 1553. Ioannes Pforer, an. 1577. Ioannes Scherer, an. 1587. Conra-  
XVI. dus Schmidlin, an. 1597. Io. Ulricus Roth.

In actis synodi Constantiensis a Marco Sittico cardinali & episc. Con-  
stant. an. 1567. celebratæ in recensione religiosorum Ordinum & mo-  
nasteriorum ad synodum illam convocatorum legitur a): *Pro parte mo-*  
nasterii S. Wilhelmi *zum Oberriedern* vulgo vocati, nemo comparuit, ve-  
rum subnominatus Prior in Sion Priorem illius excusavit, dicens, man-  
datum convocationis ad eum non pervenisse. Nomine S. Wilhelmi in  
oppido Menga Frater Gregorius Zorner Prior eius monasterii adfuit,  
tam pro eodem monasterio, quam ecclesia parochiali S. Martini in eo-  
dem oppido, suo cœnobio incorporata. Nomine Prioratus in Sion  
Ord. S. Wilhelmi prope Klingnau Frater Conradus Schmidlin Prior ibi-  
dem: idem aut certe cognominis, qui inter Priores *zu den Oberriedern*  
ad an. 1587. notatur.

Bursfelden-  
sis, Mellicen-  
sis & Castel-  
lensis Congre-  
gat.

XLIII. Nihil non egit ineunte hoc seculo XVI. Bertoldus archiepi-  
scopus Moguntinus Nigræ etiam silvæ nostræ archipræsul, ut Patres  
trium observantiarum Ord. S. Bened. Mellicensis videlicet, Castellensis &  
Bursfeldensis ad unam revocaret conformemque S. Regulæ observan-  
tiam, quod iam sæpius sollicitaverat. Pervenerat idcirco Moguntinus  
Norimbergam convocato conventu principum ad an. 1502. consense-  
runtque duces familiarum eius audire propositum, quamquam constaret  
ex prænotis, fieri non posse in tanta diversitate unionem, ut refert in  
chron. Hirsaug. ad an. 1502. Trithemius, qui ipse erat unus ex qua-  
tuor abbatibus destinatis ad hoc negotium in celebrato annali capitulo  
observantiæ Bursfeldensis apud S. Pantaleonem Colonix anno superiore  
nempe 1501. *Neque enim*, ad an. 1502. scribit idem Trithemius, *Burs-*  
*feldensibus, qui recentiores & ob id ferventiores in disciplina regulari,*  
*animus fuit aliquid remittere observantiæ suæ, neque Mellicensibus & Ca-*  
*stellensibus quidquam placuit assumere constitutionis alienæ.* Affert ibidem,  
quæ contra observantiam Bursfeldensem in medium protulerunt Melli-  
censes & Castellenses, eaque diluit, ac deinceps quousque prosecutus est  
chronicon illud, capitula provincialia, impedito tamen per bellum Ma-  
ximilianum Imp. inter & Palatinos capitulo, quod fuerat Augustam Vin-  
delicorum, iuxta recessum in monasterio Fuldensi an. 1501. scriptum,  
ad an. 1504. indictum: fuit tamen an. 1506. celebratum, alia item an-  
no 1509. & 1512. in quo ultimo cum aliis etiam ex Nigra silva nostra  
Ioannes abbas Hirsaugiensis præfedit.

Hucusque



Hucusque procedit Trithemius ipse, adhuc præses in capitulo provinciali Moguntiae ad S. Iacobum anno 1515. velut anima in huiusmodi capitulis tam provincialibus, quam annalibus provinciae Moguntinae & Congregationis Bursfeldensis, nequaquam inter se confundendis. Loquuntur zelum eius sermones in huiusmodi conventibus habiti, aliaque quamplurima in operibus piis & spiritualibus Moguntiae an. 1605. editis. Cum eo insignem operam congregationi Bursfeldensi ineunte adhuc sec. XVI. præstitit Otto ab Elten seu ab Eltern monasterii Trevirensis S. Maximini abbas, mortuus an. 1502. postea Io. de Susato abbas Abdinckofiensis mort. an. 1536. Ioannes item S. Iacobi prope Moguntiam abbas, qui superstes etiamnum post medium sec. XVI. a Patribus Congregationis dictus fuit habitusque unicum eius ornamentum. Præprimis etiam commendandus est Simon de Petra, postulatus ex monasterio Hornbacensi abbas Lacensis, qui nihil non egit ad restituendum disciplinæ monasticæ rigorem vigoremque non suo tantum in monasterio, sed aliis etiam, ubicumque potuit.

Christianus abbas in superiore Altaich ineunte adhuc sec. XVI. eodem ferebatur zelo observantiæ regularis in Bavaria, ubi Castellensis tunc florebat, uti in Austria Mellicensis congregatio, minus tamen inter se coherentes, quod mutua capitula & visitationes non haberent, eaque etiam in Bursfeldensibus vituperabant, occupationem omnino superfluum, & inutilem pecuniarum expositionem sive in itinere consumptionem esse dictitantes; quibus respondit Trithemius nomine Bursfeldensium; apud quos tamen & in provincia Moguntina capitula provincialia, seu etiam, ut vocat Trithemius, generalia, coadunata nempe cum congregat. Bursfeld. per maximam Germaniæ partem sese protendente paullatim cessabant per iniurias temporum calamitatesque, quibus monasteria per tumultus rusticos novamque religionis formam inductam, quæ vitam monasticam penitus excludebat, premebantur opprimebanturque, ipsa Bursfeldia an. 1540. & tot alia eiusdem congregationis monasteria, pro quibus restituendis libellum obtulerunt an. 1545. apud Carolum V. qui extat apud P. Romanum Hay in append. Astri inextincti p. 409.

Idem describit frequentissimum capitulum huiusmodi an. 1518. Herbipoli in monasterio S. Stephani celebratum præsidentibus Henrico Bursfeldensi, Ioanne Neresheimensi, Andrea Ochsenhusano, & Ioanne S. Iacobi prope Moguntiam abbatibus, in quo plerique omnes abbates Nigræ silvæ per se vel per suos, uti apud laudatum P. Romanum videre licet a), aderant. In proximo capitulo an. 1521. Werderæ in Suevia ce-  
lebrato

SECVLUM  
XVI.

lebrato actum inter alia est de studio communi instituendo, ut non esset necesse, Religiosos aliorum mittere, aliquibus item abbatibus commissum est, ut a summa sede dispensationem pro esu carnum impetrarent, quod & factum an. 1524. quo Norimbergæ in monasterio S. Ægidii capitulum trigessimum octavum & ultimum Provinciæ Moguntinæ & diocesis Bambergensis habitum fuit, indicto quidem ad an. 1527. Erfordix celebrando capitulo, quod tamen ob bellum rusticum est interceptum.

Congregatio  
Suevica, Cassinensis, Cluniacensis &c.

XLIV. Numerat P. Hay centam viginti & ultra monasteria, quæ ad provinciam illam Benedictinam spectabant, capitulaque provinciæ Moguntinæ frequentabant. Qui numerus quum in tam afflicto & miserabili statu Germaniæ magna ex parte evanuisset, dissoluto capitulo provinciali, pars Bursfeldensi congregationi coniuncta mansit, quæ ad præsens usque seculum perduravit, paullatim accisa, dum particulares instituuntur Congregationes in Suevia, Helvetia, Bavaria, Flandria, per provinciam Salisburgensem, diocesim Argentinensem, ut suo loco videbimus.

Observat vero laudatus P. Romanus Hay, capitulum provinciæ Moguntinæ continuatum in Suevia a) Gerwico abbate Weingartensi potissimum agente, quem iam supra celebravimus incomparabilem virum, ubi de Constantia egimus, unde oriundus fuit eadem ex nobili Blaureorum b) familia, ex qua adolescente seculo XV. fuit Ioannes abbas Weingart. Fuit autem Gerwicus abbas etiam Ochsenhusanus an. 1547. electus, primusque director collegii abbatum imperialium in Suevia, testibus Bucelino in Benedicto rediv. & P. Hefs in prodr. monum. Guelph. qui consociatis Sueviæ superioris abbatibus, assumptoque inter paucos licet (antequam Nigræ silvæ abbates accederent nonnulli) Præsidis & Visitatoris munere post Henricum Wiblingensem utroque munere deinceps functus fuit: quo satis concedente an. 1568. in conventu abbatum Ravenspurgi celebrato electi sunt in præsidem & visitatores Christophorus Petri domus, & Ioannes Weingartensis abbates: adeoque deinceps continua Præsidum, visitorum & capitulorum subsecuta serie in hunc usque diem ea Congregatio perseveravit. Hæc P. Romanus Hay P. Gabr. Bucelinus c) vero in Germania sacra Nicodemum S. Georgii in Nigra silva abbatem laudat, qui congregationi Benedictinæ Suevicæ vergente seculo XVI. cum monasteriis Weingartensi, Ochsenhusano, Zwifaltensi, Wiblingensi & Isnensi (approbante Feliciano episcopo Scalensi nuntio apostolico) initium dedit, eius etiam decreto quarto loco subscriptus. Hanc postea congregationem Clemens VIII. P. confirmavit.

Ineunte

Ineunte etiam hoc seculo congregatio S. Iustinæ de Padua nomen a <sup>SECULUM</sup> principali monasterio Cassinensi accepit, quod afflictissimo prius, ex ab- <sup>XVI.</sup> batibus commendatariis fuit in statu. Congregationi autem S. Iustinæ iam monasterium S. Severini Neapoli iunctum erat, opera vero Vincentii eius monasterii dum etiam Cassinensi adiunctum fuit, mirum est, quam brevi excreverit in amplitudinem Eusebio Mutinensi primo Cassinensi post reformationem abbate, & præside congregationis, meritissimo, cui mortuo an. 1507. successit Zacharias monasterii S. Iustinæ Paduani asceta, ut P. Bucelinus in Benedicto redivivo notavit.

Celebrat idem Bucelinus in Galliis ad eundem annum, magno cum Ordinis Benedictini ornamento effulgentem Iacobum d' Amboises Cluniacensis archisterii & congregationis sese tunc adhuc in Nigram nostram silvam protendentis, dignissimum abbatem, & qui sub ipso claruit, Antonium de Rupe, eiusdem archi-cœnobii Priorem maiorem: post quem eodem officio perfunctus est Philippus de Bourgon, antea Prior Claustralis *mag-næ sanctitatis vir, qui multum rigide tenebat fervorem Ordinis*, ut ex Francisco de Rivo Priore maiore Cluniacensi refert Bucelinus a) in suo Benedicto <sup>a) p. 112. seq.</sup> redivivo, uti aliarum etiam Congregationum Benedictinarum felicia auspicia, Fulienfis imprimis in Gallia, labente iam sec. XVI. b) eo autem ineunte ibi- <sup>b) p. 16.</sup> dem Casalensis, Sagiensis & Lerinensis, in Hispania Montferratensis c). <sup>c) p. 30.</sup>

XLV. Factæ passim etiam fuerunt particulares sec. XVI. in Ordine <sup>Disciplina re-</sup> S. Benedicti reformationes, monachis frugi id facile admittentibus fieri <sup>gularis secu-</sup> per zelosos abbates, ad exemplum piissimi Ludovici Bloisii abbatis Læti- <sup>li XVI.</sup> ensis, qui non contentus ea, quam invenerat, disciplina regulari, ipse spiritu & studio religionis fervens, novam reformationem constituit multisque numeris absolutiorem, quam priores reformatores iam consti- tuerant. Scriptis mandatam, ut apostolica confirmaretur auctoritate, Ro- mam misit, & a Paulo III. confirmatam recepit, cui præter Lætienſe plurima deinde subscripserunt monasteria.

Passim porro in monasteriis salutaria pro disciplina regulari cœpta sunt consilia, sublatique abusus, qui multa iam ante secula in monaste- ria irreperant, ut superioribus libris prodidimus e. e. de usu langu- nis ex pinguedine suilla, quem sibi hætenus in die sabbati monachi ali- cubi in condiendis cibis indulserant, San-Blasiani vero mox huius seculi anno primo sustulerunt. Raymundus tamen cardinalis Gurcensis & le- gatus apostolicus tam monachis, quam monasterio S. Blasii subditis per Nigram silvam licentiam dedit, in quadragesima & aliis ieiuniorum die- bus utendi butyro, caseo & lacticiis an. 1503. carnes vero San-Blasiani

SECVLVM  
XVI.

fiani in refectarium admisisse videntur, dum post direptionem conflagrationemque monasterii iterum ex dispersione post plures annos domum redierunt. Hanc ut impetraret Germaniæ Benedictinæ veniam, in mandatis habuit, dum a nova exoriente Congregatione Suevica Romam mitteretur abbas Wiblingensis, eo facilius obtinendam, quod diebus statis per hebdomadam Benedictini a quibuscumque in S. Regula etiam permissis abstinerent carnibus.

Neque vero circa hanc rem quæstio mota fuit aut difficultas, quando tam studiose de coadunandis veteribus Congregationibus actum est; tantum Castellenses & Mellicenses ieiunia strictissima non ferebant Congregationis Bursfeldensis iuxta Trithemium in chron. Hirsaug. ad an. 1502. *continuumque reprehendunt, inquit, silentium, disciplinas vero maxime detestantur, quas in adventu Domini & in quadragesima ter in hebdomade consuevimus ab abbate vel Priore suscipere.* Mirum videatur, quod pauca obstacula hæc prudenti & discreta œconomia aliqua, ad faciendam unionem tam exoptatam, tolli tunc non potuerint; non obstante etiam, quod Bursfeldenses in quibusdam discreparent a veteribus e. c. quod legendas & historias Sanctorum in choro lectionibus non miscerent.

Nec dubito, quin facta fuisset unio, si perinde ac illa cordi fuit archiepiscopo Moguntino, etiam episcopis eius suffraganeis fuisset, nec potius, ut suos sibi obnoxios omnino haberent abbates & monasteria, obstitissent cum episcopis etiam principes, nec admissio quidem in Bavaria & Suevia Paulo Benalli abbate ex congregatione Cassinensi ad finem seculi XVI. pro reformatione in Germaniam misso a Clemente VIII. licet eius rei etiam potissimum causa a Patribus congregationis Suevicæ abbas Wiblingensis Romam missus fuisset. Laudatum Paulum Benalli haud dubie indigitat Georgius abbas Weingartensis in epistola ad Casparum abbatem S. Blasii supra memorata ex prodromo monument. Guelph. P. Gerardi Hefs: *ubi laudatur vir nostri ordinis sane doctus, & cum primis in monastico instituto versatus.* Excusat se de mittendo monacho, qui in choro instructoris gerat officium, *quod, inquit, vix sciam, quis meorum fratrum illud, quod præstari desideratis, præstare possit. Nam plerique meorum iuvenes sunt ex scholis primum domum reversi, rerum monasticarum plus non periti, quam alii, qui Dilingæ educati sunt: domi vero nostræ, ut ubivis fere locorum, incertæ in choro cæremoniæ, quarum nec doctorem ullum unquam habuimus, nec etiam scimus, ut esse illæ & adhiberi debeant, secuti iam ab aliquo tempore rubricas tantum*



*tum generales Breviarii Casinensis, de quibus tamen dubius subinde sensus occurrit, ut pròinde sive caremonias monasticas spectemus, sive quævis alia tam in choro, quam in aliis extra chorum, nos definire nihil aut docere possimus. Consilium hoc suggererat (ut palam fit tam ex epistola abbatis Georgii Weingartenensis, quam Caspari abbatis S. Blasii) Nuncius apostolicus comes de Portia, qui ad nos, sunt verba Caspari abbatis, uti ad cetera multa Germaniæ monasteria partim reformata partim reformanda pervenit, in hoc unum studens, ut quia unius Ordinis & Regulæ sumus, unius eiusdem Breviarii, Missalis, caremonia, disciplina regularis simus.*

Subinde episcopi in suis synodis dioecesanis quædam statuerunt (nuncquam certe omisso titulo de regularibus) circa disciplinam regularem: veluti, quod nostram etiam Nigram silvam attinet, cernere est in synodalibus Argentinenſi anno 1549. & in Constantiensi anno 1567. ad quam synodum tam operose, copioseque, ut ex elencho palam fit ei præmisso in novissima editione conc. Germaniæ a), clerus maior etiam regularis fuit convocatus, sed ad audiendum symbolum potius, quam confendas symbolas. T. VII. p. 446.

Saluberrima sunt concilii Tridentini decreta *de regularibus & monialibus* sess. XXIV. & ultima edita an. 1563. ubi id statim principio generatim præcipitur, ut omnes Regulares tam viri quam mulieres ad Regulæ, quam professi sunt, præscriptum vitam instituunt, & componant: atque imprimis, quæ ad suæ professionis perfectionem, ut obedientiæ, paupertatis & castitatis, ac si quæ alia sunt alicuius Regulæ & Ordinis peculiaria vota, & præcepta ad eorum respective essentiam, nec non ad communem vitam, victum & vestitum conservanda pertinentia, fideliter observent. Omnisque cura & diligentia a superioribus adhibeatur tam in capitulis generalibus & provincialibus, quam in visitationibus, quæ suis temporibus facere non prætermittant, ut ab illis non recedatur: quum compertum sit, ab eis non posse ea, quæ ad substantiam regularis vitæ pertinent, relaxari &c.

Atque hæc quidem universim obedientiam regularem determinant, & circumscribunt, uti mox speciatim quoad votum paupertatis, dum *proprietas regularibus omnino prohibetur*; sicque feliciter tandem in Germania, atque adeo Nigra silva nostra, ubi concilium Tridentinum etiam quoad disciplinam sine contradictione receptum est, restituta est communio, abolita autem divisio bonorum in monasteriis inter abbatem & conventum, officiales & monachos, quæ a multis retro seculis tanta vulnera vitæ regulari intulit, necessariamque in vita monastica quietem, ordinem & subordinationem turbavit.

SECVLUM  
XVI.

Ad hæc capita revocari possunt, quæ mox sequuntur decreta, ad præcavendam item institutorum monasticorum & regularium corruptellam, avertendaque scandala, quibus illa tunc ætas laborabat ex hamo illo, quo Lutherus verbo & exemplo tot claustra viduavit utriusque sexus, de quibus ipse in epistola quadam ad Oecolampadium apud Hottingerum in hist. eccl. sec. XVI. a) conqueritur, moniales & monachos egressos sibi multas horas furari. Heu! quam triste & abominabile spectaculum prodiit in nostra hic vicinia, dum ipsa die, qua a senatu Schaffhusiano die lunæ post festum S. Martini an. 1529, ut annalibus relatum est, monachis & presbyteris nubendi licentia concessa est, contra sacrosanctam Deo datam fidem sanctitatemque sui Ordinis, qua data porta in amplexus sacrilegos ruunt, monachi & moniales mutuo se nubunt, ipse Michael iam triginta annis abbas, aridus senecio: ex monialibus vero omnino duodecim, exceptis quatuor reliquis procum non habentibus nec ex abiectissima plebecula.

Unde quivis coniiciat, qui qualesque fuerint tunc per Nigram silvam nostram abbates & monachi, prælati & subditi, dum de plerisque monasteriis, amplioribus etiam congregationibus (quod de mea mihi concedita D. Blasii certo asseverare possum sese in principum etiam Protestantium diffundente provincias: neminem live monachum live monialem status sui ac religionis violasse sanctitatem, nullum ad castra Philistinorum defecisse constet.

Cura religio-  
nis & anima-  
rum ab abba-  
tibus & mo-  
nachis susce-  
pta.

XLIV. Neque vero silentio hic præterire est fas strenuos illos ac invictos non minus in conservanda avita religione pugiles, quam purioris primigeniæque disciplinæ monasticæ statores. Baltassarem primum nomine Fuldensem abbatem heroicæ sane patientiæ exemplum pro tuenda religione, reformandaque disciplina monastica, nihil veritum calumnias, iniurias, exilium, carceres, mortis etiam pericula: quem ideo Clemens VIII. brevi apostolico misso paterne adeo in Domino amare se testatur, & pergit, *quem pium zelum ostendis curæ pastoralis sedulo exercendæ, fidei catholicæ propagandæ, & denique animas Christo, eius adiutricæ gratia, lucrandi valde commendamus.* Neque vero res parva fuit, in tam amplis ditionibus suis pro conservanda fide catholica tantopere laborasse alios etiam Benedictinæ familiæ principes Campidunensis & San-Gallensis monasterii, ubi tam propinquum præsentaneumque fuit periculum ex adhærentibus urbibus a fide deficientibus, proximisque monasterio præsertim S. Galli in Helvetia provinciis, nihil non ad exterminandam avitam religionem molientibus: quibus fortiter adeo & stre-

bue

nue se opposuit Diethelmus abbas ex eadem illustri Blarerorum familia, ex qua Ludovicus Einsidlensis, & Gerwicus Weingartensis & postea etiam Ochsenhusanus abbas eodem zelo incensi, ille Zwinglio, Einsidlæ olim prima errorum semina iacenti, hic Luthero sese opposuit per Sueviam velut cancer serpenti. Quare ipse Pius IV. dum ad prosecutionem concilii Tridentini urgendam nuncium in Germaniam mitteret Zachariam episcopum Pharensem, ad Gerwicum etiam, apud Augustos auctoritate pollentem, ipsum quoque legationibus pro utraque republica perfunctum, specialiter misit, *dati si nonnullis ad tuam quoque devotionem mandatis*, ut habet Breve apostolicum apud Gabr. Bucelinum in *Benedicto redivivo*, p. 95. ubi passim summum hunc celebrat suum abbatem, aliosque ad hunc censum nostrum pertinentes.

Ex quibus duo sunt cognomines, unus Ioachimus abbas S. Galli, qui licet strenue sese grassantibus Zwinglianis opponeret, commissumque sibi populum ipse salutari doctrina frequenter imbueret, pro sua tamen modestia adduci non potuit ad Curientem episcopatum suscipiendum; alter Ioachimus Einsidlensis abbas tantæ apud suam gentem fuit existimationis, ut ordo ecclesiasticus totius Helvetiæ in conventu Rapperswilensi dignum præ cæteris iudicaret, quem suo nomine ad concilium Tridentinum destinaret. In componendis vero patriæ eadem in Helvetia controversiis oraculum sui temporis est habitus Barnabas Engelbergensis abbas, frustra equidem in conciliando Ecclesiæ, atque ad saniora consilia revocando Zwinglio laborans, perinde ac Ioannes abbas Fischingensis Zwinglii equidem consanguineus.

Sed nimium se protraheret sermo, si singulorum abbatum seculi huius XVI. labores pro ecclesia Dei & S. Ordine commemorare vellem, Philippi Isnensis, Ioannis Petershusani ob proximarum urbium defectiorem, feliciorem quidem in urbe Constantia successu, collaborantibus etiam strenue Georgio & Wilhelmo abbatibus Creuzlingæ, & præpositis insularis apud Riedern in Alpegovia nostra pago Nigræ silvæ, ex qua iam laudavimus Fridericum & Gisbertum Gengenbacenses, Laurentios Ettenheimenses, Casparos S. Blasii, Ioannem & Nicodemum S. Georgii, aliosque Nigræ silvæ abbates, quibus conservatio avitæ religionis in longe maxima saltem Nigræ silvæ parte debetur, perinde etiam monachis a suis prælatis singulariter ad hoc munus destinatis, aut curam animarum ordinariam zelose exercentibus domi, vel expositis ad externas parochias, quod quidem quum frequenter ad hæc usque tempora fieret, haud raro etiam cum investitura ad dies vitæ, consultius tamen seculo XVI. deinceps

SECVLUM  
XVI.

visum est episcopis, ut abbatibus, quibus obedientiam debent ex sacra professione monachi, relinquerent a cura animarum munereque parochiali intus & foris ad nutum amovibiles.

Perspexerunt quippe, ac etiamnum agnoscunt episcopi firmata per continuam experientiam opinione, quam sit salutare, quando id res exposcit, posse a suis abbatibus ad sua revocari monasteria monachos, aut pro rerum ac personarum circumstantiis eosdem permutari per loca ceu missionarios. Quod maxime necessarium fuit sec. XVI. dum a clero seculari non promptum adeo fuit & facile, omnino tollere inólita anteriorum temporum vitia, concubinatus præsertim, cui omnes patrocinebantur novatores sec. XVI.

Quæ qui cum aliis rerum momentis secum consideraverit, haud mirabitur, episcopos ultro, ut monachi ad curam animarum exponerentur, egisse, ipsosque summos pontifices per se aut suos nuncios, uniendo etiam passim ecclesias parochiales, id non indulsisse tantum, sed etiam mandasse, uti ex bullis eiusmodi unionum constat, veluti apud  
a) T. III p. 394. Lunigium in Spicil. eccl. a) facultas legitur abbati Ochsenhusano facta: *Cum ecclesiæ parochiales propterea monasteriis sint unitæ & incorporatæ, ut per fratres administrantur, mandamus abbati, ut parochiis sibi subiectis conventuales suos, qui idonei sunt, præficiat.*

Ordinaria hæc destinatio suspecta iam episcopis esse non potuit, nec aliquid commune habet cum exorbitantibus illis privilegiis *maris magni*, ut vocabatur, restrictis in concil. Lateran. an. 1516. ut in actis concilii, explicatius vero apud Raynaldum ad eum annum num. I. & seq. legere est: fuitque nonnunquam superioribus in libris dicendi occasio de immunitatibus sibi ab ordinibus quibusdam religiosi in administratione curæ animarum & sacramentorum, poenitentiae præsertim & eucharistiæ, arrogatis, cui se ordinarii pastores episcopi & parochi opposuerunt iterum hoc etiam sec. XVI. contra Iesuitas præsertim in Gallia, ut apud Bulæum in hist. Univ. Paris. videre est b).

b) T. VI p. 571. &c.

Studia litterarum.

XLVII. De studiis monasticis sec. XVI. aliquid dicturo auspiciam omnino a Io. Trithemio est faciendum, qui bonas litteras seculo huic decimo sexto intulit, quas iam præterito XV. a se mirum stupendumque in modum excultas quoquo modo studuit promovere in Ordine Benedictino, congregationeque Bursfeldensi imprimis, cuius per plures provincias fuerat visitator generalis, plurimumque monasteriorum reformator, citius potiusque quam Sponheimensis sui, in quo oleum operamque ne perderet, abbatiam dimisit, apud suos illic ob indefessos in studiis labo-



labores, ut iam superiore libro vidimus, invisus, etiam abbatibus contentibus, studium scripturarum non humiles, sed contumaces & superbos reddere, quos ille incessans, *O stulti, inquit, & insipientes, qui ordinem sanctum subvertitis, dum litteris dare operam monachos prohibetis. Ergone monachi vestri, cum sint rudes & indocti, non possunt esse superbi?*

SECVLVM  
XVI.

Gravissimus est sermo ille, ut mirum haud sit, invidiam sibi conciliasse; neque tamen apud omnes in nostra præprimis Nigra filva. A Blasio quippe abbate Hirsaugiensi fuit conductus exeunte sec. XV. ad conscribendum chronicon Hirsaugiense; post Blasii mortem quum aliquanto tempore substitisset, a Ioanne abbate an. 1503. ad abbatiam Hirsaugiensem promotus, precibus iterum ad prosequendum illud est inductus, quod pertinaci & diuturno quinquaginta quatuor mensium labore ad annum usque seculi huius XVI. 1557. feliciter deduxit, maximo sane commodo historiæ universim, imprimis vero Germaniæ atque Nigræ silvæ nostræ, quæ nullum usquedum lustrum eiusmodi acceperat historicum luci publicæ datum; neque etiam tunc illustrius a quopiam poterat accipere quam a Trithemio.

Dolendum tantum, quod non ab aliis etiam monasteriis acceperit petieritque symbolas, sicut pro historia Germaniæ, continuando libro de scriptoribus eccles. fecit, Paulo Langio cum encyclicis, quæ extant apud Pistorium a), quæque versum misso. Hinc forte animatus postea in monasterio S. Blasii Casparus I. abbas librum Originum monasterii sui elucubravit, & eius successor Casparus II. tabulas chronologicas. Iam tum alii alia quædam in historia patria elaboraverant, ut iam meminimus historiæ anónymi, quæ apud Schannatum chronicon Wirtemb. inscribitur; historiæ item motuum rusticorum Andreæ Letsch; Ioannes quoque Strölinius historiam synodi Constantiensis an. 1567. Msc. reliquit, epitomen item itineris, quod Casparus I. abbas ad Ferdinandum Imper. contra perturbationes & exactiones Wirtembergiæ ducum susceperat; alique aliis detinebantur studiis tunc monachi San-Blasiani, dumque seculares adhuc ludimagistri trivium moderabantur, sacrationes litteras monachi tradebant discipulis.

a) T. I. Script.  
R. Germ. ad  
calcem chron.  
Citiz. p. 1289.

Primum iterum tunc scholæ apud S. Blasium pro secularibus sunt apertæ, quum prius scholares omnes monastico essent in habitu, ad religiosam vitam destinati. Iam etiam mentionem fecimus scholarum in monasterio Gengenbacensi, apertarum sec. XVI. quando eo in monasterio erant abbates docti, & mœcenates plerique ab exordio fere seculi, Philippus abbas ab infantia deditus bonis litteris, idcirco etiam in abbatem

SECVLUM  
XVI.

batem electus, cum eruditione & prudentia reliquos superaret; abbas igitur, ut litteris iuventus operam daret, instituit. Fridericus eius successor scholam pro exteris per aliquot secula clausam denuo aperuit; post eum vero Gisbertus pro scholis publicis ædes ad monasterium ædificavit, atque viros doctos liberalibus stipendiis ad se pellexit.

Sed parva hæc erant etiam in comparatione eorum, quæ P. Ziegelbaur in historia litteraria Ordinis S. Bened. de collegio studiorum in Suevia a) sec. XVI. excitando profert, postquam querelas nonneminis attulisset de cantu figurato ex Italia superiore seculo in Germaniam allato, atque monasteriis illato. *Tunc vero, aiebat ille, monachi libros cum instrumentis musicis mutare, atque ex præstantissimis manuscriptis codicibus folles & gluten parare didicerunt. Alii cum panduris, tubis, testudinibus, alii cum citbaris, fistulis, buccinis occupari. Ut quis in monasterium admitteretur, non iam ex eo quarebatur, cuius in litterarum studiis doctrina; sed cuius in re musica peritia esset.* Serius quidem hæc in monasteriis accidebant, quod instrumentalem saltem musicam attinet, intricata tamen contrapuncti, ut vocatur, musica seculi XVI. ingens exposcebat studium, facileque suffocare potuit semina litterarum, quam copiose etiam essent sata, magnaque contentione suscepta studia, uti profecto ineunte sec. XVI. in monasterio Ottoburano a Leonardo abbate, instructa etiam typographia: quare hæsitandum non fuit, dum postea abbates Sueviæ cum principe Campidonensi tractarent de collegio quodam studiorum ad imbuendos iuvenes religiosos, ut eius sedes Ottoburæ figeretur, de cuius solenni initiatione pluribus differit laudatus P. Ziegelbaur b), de disciplinis item & professoribus; nec non aliis eiusmodi studiosis conatibus in aliis etiam monasteriis tum Sueviæ cum alibi gentium. Quædam de feminario illo Benedictino Sueviæ attingit P. Gerardus Hefs in catalogo abbat. Weingart. c) allatis etiam conditionibus, de quibus anno 1542. in conventu Ottoburano fuit inter abbates conventum, locusque tradendis disciplinis aptior oppidum Legow ditionis Campidonensis habitus. Sed quum se variæ de loco opponerent difficultates, apertas fuisse Ottoburæ scholas ex litteris abbatis sui Gerwici ostendit: additque actum esse an. 1545. cum Truchsessio de monasterio Mengensi comparando & de monastico studio illuc transferendo.

Apud moniales quoque restitutum est alicubi linguæ latinæ studium eo certe sanctissimo fine, ut quas divinas laudes decantarent, intelligentia assequerentur, quod paullatim in neglectum abierat, dum ex pluribus locis V. Buschii de reformatione monasteriorum sec. XV. apud Leib-

Leibnitium constat a), gnaras fuisse latinæ linguæ moniales adhuc sec. SECVLVM XVI.  
 XV. Exemplum etiam Crusius in annal. Sueviæ b) affert in Suevia me-  
 dio seculo XVI. dum paullo post memoratum in historia litt. O. S. B.  
 institutum incepit c) Dionysius Faucherius Prior Lerinensis, quod quum  
 feliciter successisset, per alios etiam Ordinis Benedictini parthenones  
 propagatum fuit. a) T. II. Scr. Rec. Brunsw. p. 869. 873. 886. 891. &c. b) P. III. lib. I. c. 9. c) P. III. p. 351. 489. Elegantiore litteræ litteratique sec. XVI. suspicionem de se movent.

XLVIII. Male apud non paucos audiebant politiores litteræ, tum ob  
 irreligiosos earundem, Italos potissimum, cultores Petrum Pomponatium,  
 Angelum Politianum, Iordanum Brunum &c. cum etiam, quod turbis  
 circa religionem fomitem dedisse, sint visæ in Germania nostra, &  
 quidem ex Nigra silva nostra accepta occasione per controversiam Ioan-  
 nis Reuchlini Pforzensis Nigra silvani cum Pfeffercornio de ludæorum libris  
 cremandis, ut non semel profitetur Bulæus in historia universitatis Pa-  
 risiensis: ubi totam controversiam pluribus enarrat, tum quod Reuchli-  
 nus fuerit in academia Parisiensi alumnus linguæ græcæ & hebraicæ pe-  
 ritissimus, tum quod facultas theologica Paris. d) de tota ista lite cog-  
 noverit, ut suo loco refert. d) T. VI. p. 47.

Initio autem statim lectorem notare vult, hinc exordium sumpsisse  
 Lutheranam hæresim, aut saltem hac occasione ortam. *Cum enim, per-  
 git, monachi & potissimum Dominicani aggressi fuissent Ioannem Reuch-  
 linum magnæ famæ & existimationis virum laceßere, curassentque dam-  
 nari a facultate theologiae Colonicnsis, Romam vero ille confugisset, &  
 causam obtinuisset, plurimi hinc inde viri docti excitarunt sese ad defen-  
 dendam alterutram partem: quorum animis maxime adhuc calentibus cir-  
 ca an. 1516. prodiit in arenam Lutherus & Reuchlini partes, dum suas  
 promovebat, sustinens, Dominicanorum in se provocavit invidiam. Sed  
 revera nihil habuit Reuchlinus cum Luthero commune, si verum est,  
 quod scribit Erasimus, nec unquam in errorem ullum hæresimve consensit.  
 Hæc Bulæus.*

Inter cæteros habebat Reuchlinus studiosum defensorem gentilem  
 suum & discipulum Nicolaum Gerbelium Pforzensem percelebrem in aca-  
 demia Viennensi professorem Nigrasilvanum: Erasmus item Roteroda-  
 mum, qui aliquanto tempore Friburgi commoratus, Basileæ autem pro-  
 pe fines Nigræ silvæ ad mortem usque vixit ancipitis certe fidei, ut  
 eius responsio declarat data Basileensibus, eum, quid sibi in dissidiis il-  
 lis circa religionem agendum existimaret, consultantibus, apud Urstisium  
 in chron. Basileensi legenda e); nec satis congruit iis, quæ idem sena-  
 tui Basileensi respondit super Io. Oecolampadii libellum de coena, quem

SECVLVM  
XVI.

elegantem & eruditum profitetur, diceretque libenter etiam christianum, si quid christianum dici posset, quod Ecclesiæ doctrinæ & consensioni est contrarium, a cuius iudicio recedere periculosum sit.

Definitior & aperta est Io. Reuchlini professio, quam an. 1511. in epistola a) ad doctorem illum Colonensem *de Tungaris*, quem sciebat sui libri censorem nominatum, dedit. Fateor, inquit, in scholis theologiam nunquam didici, sed civiles leges: quare datur vestram disputandi rationem ignorare. Est autem mihi nihilominus pura conscientia, quod voluntas mea non avertatur a Christo, qui est caput Ecclesiæ. Quidquid igitur S. Ecclesia, quæ est columna & firmamentum veritatis credit, & qualitercunque credit, idem ego & taliter credo. Et sicut ipsa exponit sacram scripturam, ita & ego exponendam censeo atque confiteor. Etsi ullo tempore aliter exposuisssem, quam patiatur intellectus Ecclesiæ, quod tamen fecisse me non memini, ego pro nunc sicut pro tunc, & tunc sicut pro nunc illud corrigere ac emendare paratus sum, & stare omnino determinationi Ecclesiæ, ut integritatem in me fides incontaminata custodiat. In alia vero epistola ad P. Conradum Kollin Dominicanum theologiæ professorem Colonensem postquam fidei suæ integritatem sufficienter sibi probasse visus esset, ea coniicit, de auctore totius dissidii Pfefferkornio, quod de perfido illo, postquam ex Iudæo catholicus factus esset, iterum ad Iudæos desectente facile credi potuit. Iudæus quidem, inquit, baptizatus Colonensis cognomento Pfefferkorn omnibus viribus ad hoc conatus, ut & singuli Hebræorum libri præter solum & nudum biblicæ textum concremarentur, vel potius, sicut ego ipse somniasse dicerer, incendio ignique tantummodo a Casare demandarentur, non secuta executione, ut ante scilicet executionem si mandatum illud auro & argento gravi, ut ipsemet notavit, aliquando revocaretur, particeps fieret auri. Quis miretur, Reuchlinum huic se opposuisse ausui studiosissimum litteraturæ hebraicæ, in qua restituenda apud omnes eam perinde sibi laudem & existimationem acquisivit, quam Erasmus Roterodamus in græca.

Multo vero gravius undique Erasmus petitus telis, insimulatusque hæreseos, vix exordiente Lutheranismio, ob rationem a nobis indicatam: qua de re ipse in epistola ad Leonem P. iam an. 1519. Prætexunt, inquit, horrenda nomina hæreses, anticristos: iactitant periclitari nutareque religionem christianam, quam ipsi scilicet suis humeris sustinent, atque his tam odiosis admiscunt mentionem linguarum ac politioris litteraturæ &c. Numquam is ad castra Protestantium desectit, sinistre tamen de se opinandi non unam causam dedit, redditus utrique parti suspe-



suspectus. I. Simlerus nuper Zwinglii edidit ad B. Rhenanum epistolam SECULUM  
XVI.  
an. 1522. a) in qua ei scribit tamquam rem maximi momenti, accepisse  
se paucis ante diebus duellum, ut vocat, contentionem inter Erasmus  
atque Lutherum: *Propendent enim*, pergit, *omnia ad dissidium, stimu-*  
*lari hunc a Wittembergensibus, ut adulatorem aliquando prodat; illum a*  
*Romanensibus, ut hæreticum sibi damnosissimum extinguat: quæ res quan-*  
*tum mali datura sit christianis, coniecturâ non opus habes* &c. Tuitus  
est se hoc ipso Erasmus, quod inter alios adversæ partis ipse Lutherus  
virulentissima contra se scripserit, in epistola b) ad collegium Sorbonicum  
an. 1527. data, quum inaudisset, damnatos fuisse & censura notatos non-  
nullos articulos e libris suis excerptos, ut apud Bulæum legere est c). c) p. 210.  
Deinceps etiam eodem adhuc anno die 22. Iunii in comitiis generalibus  
actum de colloquiis Erasmi, quæ a facultate theologica censura fuerant  
notata: postulatumque, uti censura illa a cæteris facultatibus approbare-  
tur, & confirmaretur. Legitur postea apud eundem Bulæum d) Eras-  
mi epistola a Ludov. Berguino Erasmi Hyperaspiste in *Gravia* exusto,  
ad Carolum Utensiovium data apud Friburgum Brisgoiæ calendis Iulii  
an. 1527.

In academia Friburgensi non unus sese ob Lutheri amicitiam patro-  
ciniumque suspectum reddidit etiam ex theologis Io. Brisgoius, de quo  
Udalr. Zasius ad Lutherum scribens e) famulumque Ioannis de Schö-  
nau commendans, qui, inquit, *totus ex tuis pendet præscriptis, assiduus*  
*& lector & imitator tuarum præceptionum, qui etiam a decem annis*  
*Taulero studuit, qui & ductum præstantissimi theologi Brisgoici studuit,*  
*Brisgoici, inquam, cui nihil post sacras litteras nisi Lutherana sapiunt.*  
Sed retraxit pedem ipse etiam Zasius, quam primum palam Lutherus  
Romanæ ecclesiæ infectari cœpit dogmata, ut ad eius vitam epistolis præ-  
missam ostendit Ios. Rieggerus f) imprimis an. 1534. observatque ex  
Zasio, Friburgensem academiam ob integritatem fidei catholicæ mirifice  
crevisse, advenientibus quotidie magistris & scholaribus ab oppido Tu-  
bingen, Lutheranam perfidiam detestantibus. Affertur ibidem ex actis  
in senatu Friburgensi, exposuisse inter alia iam an. 1524. 21. Iulii do-  
ctorem Zassium senatui de fugiendis conventiculis sodalitiisque, in qui-  
bus de Lutheranorum fermento, zizania & hæresi disputatur: deinde  
de omnibus libellis Lutheri & complicum eius non legendis, edendis,  
divulgandis, atque eis non mittendo litteras, aut eis scriptas retinendo,  
sed aut lacerando, aut Rectori præsentando.

XLIX. Constituerat Ferdinandus archidux apud se an. 1575. Iesui-  
tas in academiam Friburgensem introducere, prout iam ab an. 1551.

SECVLVM XVI. erant in academia Viennenſi ex conſilio Urbani epiſcopi Labacenſis S. Ignatio per litteras familiaris. Sed auditis momentis Senatus academici Friburgenſis, a propoſito deſtitit.

Inſiſtebat academia Friburgenſis aliarum, imprimis Univerſitatis Pariſienſis veſtigiiſ. Omniumſ Ordinum per chriſtianum orbem oculos in ſe convertit tam ſubito effloreſcens Societas Ieſu: ipſumque hoc commovit nomen, percūlitque animos, ne videretur contra decalogi tabulam primam nomen Dei in vanum aſſumi. Acceſſerunt deinceps primo ſtatim hoc ſeculo Ieſuitico opiniones et dogmata ſingularia, quæ ſua ſibi propria viſus eſt facere Ordo, etſi Ordinis capita præcipua fuerint, quibus alia ſedit ſententia, veluti alteri poſt S. Ignatium Generali Laynezio de Gratia et Libero arbitrio, Gonzaletio poſtea in Morali chriſtiana. Circa hæc vero iam lites motæ primo hoc Ieſuitico ſeculo, efferbueruntque Moliniſticæ imprimis controverſiæ, dum Ludov. Molina in libro *de concordia gratiæ & liberi arbitrii* S. Auguſtini de Gratia concutere cœpit doctrinam ac ſyſtema etiam D. Thomæ; ſtatim vero ſeſe oppoſuerunt cæteris acrius Dominican: unde ad finem huius ſeculi Romæ cœpti ſunt conventus ſeu congregationes de *auxiliis* magno animorum motu inter Dominicanos & Ieſuitas habitæ, dum interim Benediſtini veteribus exemplis edoſti ipſimet, numquam controverſias illas ſine gravibus in Eccleſia motibus agitataſ fuiſſe, pacate degunt, novumque exorientem Ieſuitarum Ordinem præ cæteris ſuſpiciunt, ab auctore eius alleſtati.

S. Ignatius Loiola conversionis ſuæ fundamenta poſuit in monaſterio B. M. V. Montferratenſis Ord. S. B. an. 1542. ſub magiſterio Io. Clanonii eiufdem monaſterii monachi, a quo accepit Garcix Ciſnerii eiufdem monaſterii abbatis an. 1510. deſuncti *Exercitatorium vitæ ſpiritualis*, non multo poſt typis impreſſum. Idem S. Ignatius cum primum ſibi ſocios Pariſiſ an. 1554. coniunxiſſet eo præprimis fine, ut poteſtas Romanæ ſedis & eccleſiæ a Luthero in Germania impetita, & obedientia conculcata reſtitueretur, in monaſterio Montis martyrum cum ſociis prima, & an. 1556. iam tertium etiam vota ſua emiſit ſemper in feſto Aſſumptionis B. V. M. Poſtea vero in monaſterio Caſſinenſi Regula compoſita, quum iam rata eſſet Romanæ ſedi Societas & confirmata, vota ſolemnia Romæ an. 1561. nuncupavit apud S. Pauli extra urbem monaſterium Benediſtinum.

Dum vero poſtea acceſſum in academiam Pariſienſem quærerent Ieſuitæ an. 1564. interrogati an monachi eſſent an ſeculares? an revera monachi

monachi regulares an seculares? tergiversati sunt, ut apud Bulæum legere est, a) quasi haud dignos se arbitrantur, qui tam sanctum arque perfectum vitæ genus profiterentur. *Horum enim institutum, addunt aliud in aliis officiis honestis ac sanctis obeundis versatur: totum nostrum cum aliis in rebus, tum maxima ex parte in studio & professione consistit earum artium, quæ ad spirituales populi propriamque utilitatem conducunt. Nec etiam seculares sumus eo modo, quo reliqui sacerdotes; vivimus enim in congregatione & Societate certis quibusdam legibus & constitutionibus non a summis modo pontificibus, sed etiam a regibus Gallia christianissimis, Gallicana ecclesia Poissiaci congregata, denique a concilio generali receptis atque confirmatis.* Sequuntur apud Bulæum b) rationes Universitatis contra receptionem Iesuitarum, & postea curionum seu parochorum Parisiensium, qui se perinde ac mendicantes, San - Genovesiani, præfecti nosocomiorum, episcopus ipse Parisiensis cum clero & consules urbis Iesuitis opposuerunt totis viribus, quum iam admissi in urbem a Synodo Pisciaci an. 1564. gratis inciperent docere, magna frequentia. Dum vero receptionem suam in academiam Parisiensem urgent oblato libello supplici, ita est in privatis selectorum comitiis conclusum c): *Si simpliciter hi, qui Iesuitæ appellantur, responderint, an ut regulares tantum, an ut seculares recipi ab academia postulent, Universitas faciet, quod decebit.* Sic iterum an. 1575. facultas artium censuit d), Iesuitas interrogandos sedulo, quales sint, quam velint vitam agere, & an sint regulares an seculares, regularem an secularem vitam velint eligere; quod si dicant *Tales quales*, non censet eos admittendos e). Et sic ad finem usque seculi actum est; ut etiam omnino eiicerentur, totaque pellerentur Gallia, agente præsertim Universitatis Causidico Antonio Arnaldo, obiecto etiam ceu ambizioso Societatis Iesu nomine f), quæ omnia longe lateque laudatus Bulæus edisserit toto illo seculo Universitatis octavo, in synopsi vero ad calcem rem colligens attestatur g), nec quidquam Universitatis intercessionem, cui se episcopus & clerus Parisiensis, civitas, Mendicantium Ordines adiunxerunt, evicisse. Hinc, addit, frequentantur eorum scholæ magno numero scholarium, & academia depopulantur. Maguo id quidem detrimento splendoris academici, at magno certe bono catholica religionis, fatentibus etiam ipsis, qui vehementius eos insectati sunt. Quippe dici non potest, quam brevi tempore Ordo iste in immensum excreverit, & ab omnibus gentibus quasi unanimiter receptus sit, quanto vero cum fructu in barbararum nationum ad Deum & ad christianismum conversionem, hæreticorumque ad catholicam fidem reductionem incubuerit.

a) Hist. Univ. Paris. 586.

b) p. 643.

c) ib. p. 654.

d) p. 745.

e) p. 814.

f) p. 819.

g) T. VI. p. 916.

SECVLVM  
XVI.

Ecclesiæ ubi-  
que terrarum  
incrementa.

L. Divinam hic adorare licet providentiam, quæ quam Ecclesia fecit apud nos in Germania, aliisque Europæ regionibus iacturam, compensavit in aliis terræ partibus, ut iam libro superiore observavimus de missionibus Benedictinorum in novo orbe duce Buellio cum sociis Montferratensibus monachis missis a pontifice, ordinatisque episcopis & presbyteris ad constituendas, pastoribusque instruendas novas fidelium caulas, a quibus etiam prima monachorum & clericorum collegia per Indias sunt constituta, scholæ & seminaria instituta. Fuit Romæ præsens, quando ea missio adornaretur cum Hispaniæ legatis Fernandus Consalvus, qui de laudato Buellio, *iste*, inquit, *caput fuit aliorum religiosorum & clericorum, qui Deo in conversione harum gentium Indicarum inservire & progredi instituerunt.*

Hoc itaque zelo apostolico in conversione gentium animatus S. Ignatius, qui apud Montferratenses initia suæ conversationis ac velut fundamentum posuit vitæ apostolicæ tyrociniumque sacrae militiæ apud suos instituendæ, addito consuetis tribus solemnibus quarto de Missionibus voto. Ad quod strenue exequendum accepto an. 1540. a pontifice Romano mandato, homines idoneos undique sibi consociavit, formavitque nullo non labore & studio.

Primus vero S. Franciscus Xaverius a S. Ignatio an. 1542. in eas Indiarum provincias est profectus, quæ tunc Portugalliæ parebant; inde postquam innumerabilem multitudinem hominum ad christianam fidem convertisset, an. 1549. in Iaponiam appulsus mira celeritate ecclesiam illic numerosissimam, longo tempore florentem, constituit, dum idem præstitorus apud Chineses in itinere moritur an. 1552. labore illo nusquam non fructuoso, sociis relicto, certatim a S. Ignatio in omnem terram missis, non ad gentes tantum, verum etiam extorres a vera ecclesia schismaticos & hæreticos veterum Nestorianorum, & Monophysitarum, Iacobitarum reliquias quaquaversum per Orientem apud Indos, in Abyssinia, Ægypto, Armenia, Assyria.

Assyriorum patriarcha an. 1562. Romæ Pio IV. pontifice professionem fidei catholicæ fecit, de felice hac Assyriorum christianorum cum Ecclesia Romana coniunctione Patribus Concilii Tridentini certioribus redditis, ut apud Raynaldum ad h. a. legitur num. 28. &c. non solum de Assyriis, verum etiam Armeniæ pluribus populis ad unitatem ecclesiæ catholicæ redeuntibus, cum Iacobitis etiam redintegrata unione, quæ ab Eugenio IV. in Concilio Florentino facta fuerat.

An.



An. 1585. Gregorio XIII. pontifice duo Iaponiæ reges in Bungo & Arima, princeps item in Omura per legatos Romanæ Ecclesiæ se subdiderunt Iesuitarum opera, perinde ac an. 1594. sub Clemente VIII. Gabriel patriarcha Alexandrinus, ut apud Euseb. Renaudot in historia patriarcharum Alexandrinorum legere est.

Siquidem vero parum firma fuerunt huiusmodi ecclesiæ catholicæ incrementa, erat tamen semper fructuosus Deo benedicente apostolicus labor, fuitque deinceps ac est maior numerus eorum, qui alibi gentium, in America præsertim novo orbe Ecclesiæ catholicæ sunt aggregati, quam qui relicta avita fide secessionem fecerunt ab una, sancta, catholica & apostolica Ecclesia, cuius solatii causa excursionem hanc ex Nigra silva nostra feci in orbem christianum pro epilogo historiæ Sec. XVI. admodum opportuno, quando extrema iam instare visa sunt mundi pericula, Deus autem Ecclesiæ suæ per orbem dispersæ tam benigne prospexit, ut dum incrementa maxima alibi gentium caperet, etiam in se contra inferi portas inconcussa consisteret: quod notavit tunc temporis in nostra vicinia Petrus Canisius S. I. hæreticæ pravitatis per Germaniam inquisitor in litteris ad Ioannem Abbatem Weingartensem an. 1574. datis, apud P. Gerardum Hefsa): *In ultima, inquit, mundi huius scena, a) Prodomus qua omnia ad ultimam metam procedere, ac iam iam corruere videntur, Deus Ecclesiam suam sanctumque suum cælum mirabili potentia ac divinitate a multivariis hæreticorum telis venenatisque dogmatibus illasam ac incontaminatam conservat, idque in divinis præsertim, quæ singulari divinoque spiritu excitat, ingeniis operatur. Videt enim, quanta dulcedine perniciofa adversariorum tela, quibus Ecclesiam suam invadunt, exasperata sint, quibus ut præveniat, doctrina & pietate præclaros ubique viros quos Ecclesiæ suæ protector constituit, quique divino spiritu inflati Ecclesiam suam veraci verbo a crudelibus hæreticorum doctrinis protegunt, eligit ac divina clementia sua exsuscitat.*

a) Prodomus  
monument  
Guelph. p.  
282.

## LIBER XII.

### *Nigra Silva seculo Christi XVII. Ordinis S. Benedicti XII.*

**M**ulto quam tunc existimatum est, perniciosius portentosiusque fuit <sup>I</sup> seculum, post Christum natum, decimum septimum malis, quæ <sup>Controversiæ</sup> nostra etiamnum persentit ætas, dum sensim excluduntur ova, pullique <sup>Molinistæ,</sup> maturescunt ævi superioris. In

**SECVLVM  
XVII.**

In ipso ecclesiæ gremio editus a Lud. Molina an. 1588. liber de Concordia gratiæ & liberi arbitrii ansam præbuit congregationibus de auxiliis Romæ ad finem sec. XVI. coeptis institui a Clemente VIII. continuatisque initio XVII. sec. in præsentia quidem ipsius summi pontificis, a quo identidem exspectabatur iudicium. Disceptabatur quidem potissimum auctoritate SS. Augustini & Thomæ Aquinatis a fundatore Societatis Iesu S. Ignatio eiusque successore P. Lainez suis commendata ac præscripta. Sed dum mysterium gratiæ Christi & prædestinationis captui humano accommodatur, negotiumque salutis, quod cum timore & tremore operandum est, a nobis ipsis suspenditur, in præceps abitur, acciditque quod semper alias, dum S. Augustinus in theatrum veluti adducitur.

**Iansenisticæ.**

II. Fecit hoc ingenti apparatu Cornelius Iansenius episcopus Iprensis spisso opere AUGUSTINUS inscripto, doctrinamque in ecclesia sanctorum, in ascesi christiana unice salutarem, in discrimen adduxit, interpretationibus obfuscata, quæ in quinque potissimum propositionibus fuerunt damnata, a septuaginta episcopis Gallicanis Romam delatis. Minus hac re commota fuit sec. XVII. Germania atque adeo Nigra Silva nostra, quam doctrina Molinistica, quam veluti inadvertens in scholis Iesuitarum, ad quas etiam monachi Nigrasilvani cum cæteris ablegabantur, hausit; lentius tamen in arenam descendit in hac & aliis novis controversiis non solum in theologia, verum etiam in iurisprudencia sacra Ultramontanis disceptationibus, quas sec. XVII. potissimum Card. Bellarminus commovit per librum de potestate Papæ, unde tantæ pullularunt de limitibus utriusque potestatis lites, atque etiamnum utramque detinent rempublicam. Sic etiam nomen Iansenisticum non se continuit in Iansenii Augustino eiusque de gratia & prædestinatione doctrina, sed etiam theologiam moralem invasit contentione cum Molinistis Iesuitis, qui doctrinam moralem corrumpere sunt visi.

**Spinozismus.**

Dum hæc ipsam ecclesiam catholicam in suis visceribus exagitant, exurgit aliud longe deterrimum velut eminus, labente iam seculo, portentum in Benedicto Spinoza Iudæo Belga, qui non abhorruit palam, constituta in tractatu theologico ipsa natura deo, profiteri atheismum, quem quidem facile præfagire potuit Lutherus, concesso cuique religionis arbitrio ac conscientiæ libertate, qua, ut experientia docet, non potuit non in præceps agi sibimet relictum ingenium humanum.

**Frustra tentatus reditus Protestantium ad gremium eccles.**

III. Sic sane frustra esse debuerunt omnia illa toties facta in conciliandis controversiis fidei pericula, hocque sec. XVII. perinde ac XVI. tentata unio partium in religione christiana dissidentium Protestantiumque.

que. Nihil non ea in re egit Card. Richelius in Gallia, etiam dum ad- SECULUM  
XVII.  
huc esset episcopus Luconiensis, editaque est post eius mortem an. 1650. facillima & securissima methodus convertendi eos, qui sunt ab ecclesia separati. Frustra quoque colloquium institui curavit inter Audebertum Iesuitam & Mosen Amyraldum. Frustra etiam eius rei causa Gallias circumvixit Fr. Veronius proposita methodo solis scripturæ verbis rem agendi, quam etiam suo modo adoptavit Bartholdus Nihusius ex Lutherano Catholicus, cuius extat in eam rem liber seu ars nova dicto unico S. Scripturæ lucrandi e pontificiis plurimos detesta & suggesta theologis Helmstadiensibus, ubi erat prius discipulus Georgii Calixti, qui librum hunc refutandum suscepit. Taceo Iesuitas, inter alios Iac. Masenium & Iod. Reddium, fratres item Walenburgicos, Valerium Magnum Capucinum, quem Urbanus VIII. huius rei causa in Germaniam misit & alias hæresi infectas provincias, ubi ad rem iudicium de catholicorum & acatholicorum regula fidei edidit. Ad nos cumprimis attinent susceptæ hac in re curæ ab imperatoribus Carolo V. & Ferdinandis perinde ac vergente iam ad finem sec. XVII. a Leopoldo in imperio Germanico. Commisit is rem an. 1691. rescripto Christophoro Rocho de Spinola episcopo Neostadiensis in inferiori Austria ac Croatiae Primati, qui eam prius iam, suscepto in Germaniam itinere, apud varias aulas egerat, tractandam vero a cæsare instructus suscepit cum Gerlado Woltero Molano ex parte Protestantium Confessionis Augustanæ, qui via & ratione, qua rem ineundam existimavit id quod modo annotavimus, satis declaravit, dum unionem partium dissidentium faciendam statuit ante discussionem dogmatum controversorum; de quibus vero recte prius inter adversas partes conveniendum existimavit, antequam unio fieri possit & communio ecclesiastica Benignus Bossuetus episcopus Meldensis, quem sibi succenturiavit Spinola: isque in confessione sua fidei iam constituit æquas ex parte Catholicorum, præcisione dogmatum, conditiones, rem deinceps cum Gottfrido Wilhelmo Leibnitio agitando, qui post Molanum negotium suscepit, in quo is, tolerantia in religione studiosissimus, imprimis infallibilitatem ecclesiæ labefactandam sibi sumsit, qua missa, nemo non videt, nihil concors in religione, nihil stabile in fide unquam esse, atque adeo nullam unionem in ecclesia, ubi quot capita, tot sententiæ esse possent.

IV. Quodsi vero recte hoc suum Palladium tenent protestantes, ut Bella ob reli-  
gionem sus-  
cepta.  
quid tot ac tanta religionis causa suscepta bella, ob quæ seculum decimum septimum undique humano madens sanguine, merito sanguinolentum dicitur, patriæ nostræ internecinum?

SECVLVM  
XVII.

Etſi vero in remotioribus a plaga noſtra terris arma primum perſtrepuerint, ad nos tamen attinuerunt ob auſtriacos principes imperatores ſimul ac reges Bohemiæ & Hungariæ, ubi primum bella religionis cauſa ſuſcepta fuere iam ad finem ſec. XVI. faventibus Turcis atque exemplo præeuntibus, quorum nempe religionis caput eſt, armis eam proferre & conſtabilire. Cum Hungaris ineunte ſec. XVII. conſociationem fecerunt Auſtriaci patrocinante Mathia fratre Rudolphi II. imp. eas provincias cum corona Hungarica, ac poſtea etiam Bohemica extorquente. His in anguſtiis Cæſar Bohemiæ Ordinibus *ſub utraque*, ut vocabantur heterodoxi, per *litteras maiſtatis* conceſſit an. 1609. ut ſuis in fundis templa extruerent. Quod illi privilegium liberalius interpretati, in oppido etiam Brunoviæ, quod pertinet ad dominium abbatis eius loci Ord. S. Benedicti, templum erigere ſuſcipiunt an. 1618. alterumque Cloſtergrabii, ditionis archiepiſcopi Pragenſis. Mathias mortuo fratre Rudolpho an. 1612. imperator renunciatus, velut in alterum hominem mutatus, religionis Catholicæ tutelam ſuſcepit, imprimis vero Ferdinandus II. eius poſt mortem an. 1619. ſucceſſor etiam in imperio Germanico: ubi iam an. 1610. principes Proteſtantes Ulmæ mutuam religionis cauſa unionem fecerunt, contra quam Catholici ſe liga ſociarunt Herbipoli. Unionem illam iterum an. 1617. confirmarunt proteſtantes, quidquid illis obtenderet imperator: dumque ab ineunte ſeculo arma pararentur, data quælibet levis occaſio apta erat ad concitandos emotos animos: qualis certe erat illa Donawerdana ob ſupplicationem publicam a Patribus Benedictinis ad S. Crucem an. 1606. habitam; dum tamen poſtea Proteſtantes Germani nihil penſi habentes atrociffimum facinus, proiecſtorum an. 1618. Pragæ per feneftras regionum miniſtrorum, nihilominus cauſam Bohemorum rebellium tuendam ſuſceperunt, anteſignano Fridrico Palatino, quem Bohemi, ſpreto Ferdinando, in regem advocarunt, eique Pragæ an. 1619. ſolemni ritu coronam impoſuerunt; quam tamen vix per hyemem tenuit, dictus idcirco der Winter-König, qui accepta ad Pragam in albo monte clade, non ſolum regno Bohemiæ, verum etiam Palatinatu ſuo eiectus, hinc inde oberravit. Amiſit etiam regia tunc Palatinatus Heidelberga locupletiffimam bibliothecam, tum alioſum tum potiſſimam ſui partem Roman, ubi etiamnum Vaticanum ornat, transportata, quod conqueritur Fridericus in litteris ad electorem Saxonix an. 1623. ante conventum Ratiſbonenſem datis, prout legere

a) T. I. p. 733. eſt in Theatro Europæo ad eum annum. a)

§ 734.

b) Vid. P.

Gerard. Heſſ.

Prodr. mon.

Guelph. p.

404. &c.

Dum hæc in Bohemia agerentur b), Cæſarem etiam attentum red-  
diderunt motus apud Griſones Rhatoſque, in epiſcopatu præſertim Cu-  
rienſi,



tiensi, ubi victimæ pro religione Catholica ceciderunt Nicolaus Rusca archipresbyter Sonderensis, & P. Fidelis de Mayensfeld, iam in sanctorum martyrum album relatus, Capucinus ex vicino Nigræ silvæ oppido Simmeringen oriundus, eaque ex provincia PP. Capucinatorum, quæ Nigram Silvam pervadit, an. 1622. finita concione fustibus rebellantium rusticorum Brettogoviensium apud Seßlis trucidatus.

SECVLVM  
XVII.

V. Attigimus initia funestissimi toti Germaniæ belli tricennalis an. 1618. instaurari cæpti a rebellibus Bohemis, Fridericum Palatinum regem sibi constituentibus, qui dum Pragæ a Maximiliano Bavaræ duce cæderetur, Hispani, Ferdinando foederati, Palatini terras invadunt, ac occupant; propius etiam ad Nigram silvam nostram a Tillio Georgius Fridericus marchio Durlacensis fugatur an. 1622. quo iam ingens pretium pecuniis accreverat in nostris plagis, atque adeo etiam annonæ & vino, ut apud Ioan. Ulricum Steinhofen cernere est in historia Wirtembergica ad an. 1621. & proxime sequentes, ita ut an. 1623. aureus, quem ducatum vocant ad fl. 13. quem vero aureum florenum vocant, ad 10. assurgeret, ut tamen anno proximo 1624. correspondentes mutuo convenientesque Augustæ Vindelicorum Circulorum Franconici, Bavarici & Suevici Argyrogonomi eum modum ponerent, ut ducatus 2. fl. & 20. kr. florenus aureus 1. fl. 44. kr. valeret, nec ultra ducatus quam ad 3. fl. & aureus florenus ad duos assurgeret; grassante tamen undique bello iam an. 1625. variis in locis fami ex raritate caritateque annonæ pedissequa pestis accessit in Bohemia, Austria, Suevia, ita ut anno sequenti in Wirtembergia, eodem teste Steinhofen, 28000. hominum ea abriperentur, annisque proximis totam corripere Nigram silvam ac devastaret; una cum armis, quæ quidem aliquamdiu tam victricia habuit Ferdinandus imp. ut an. 1629. dictator ecclesiastica bona a tempore pacis religiosæ direpta restituenda decernere posset, & executioni dare etiam in Nigra silva, restitutis monasteriis in Wirtembergia & marchionatu Durlacensi, dum ecce Germanico imperio irrupit infestus Gustavus Adolphus rex Sueviæ, atque post victoriam an. 1631. apud Lipsiam reportatam, Germaniam inundat, apud Lützen postea etiam occumbens victor. Cum tamen sui postea apud Nordlingam vincuntur an. 1634. res monasteriorum Nigræ silvæ redintegrantur, victore Ferdinando III. R. R. ipso præsentem rem ordinante in Wirtembergia: ubi discedens, comitem de Sulz constituit satrapam. Compulsus est etiam hostis Brisgoiani, quam capto Brisfaco occupaverat, urbesque silvestres, quibus eo locorum cingitur Nigra Silva, deferere (ubi an. 1633. Lud. Rhingravii ope Fridericus Durlacensis cum oppidis Brisgoiæ etiam Sil-

Tricennale.

SECULUM  
XVII.

vestres occupaverat) Cæsareis ubique victricia arma proferentibus, donec iterum. an. 1638. cæsis a Bernardo Vinariensi duce ad superiorem Rhenum, expugnata Rhenofelda & paulo post Friburgo, post obsidionem octo mensium & repetitas contra Cæsareanos, urbi in oppetias occurrentes, victorias, Brisacum se tandem hosti dederet: in Wirtembergia autem licet varia esset belli alea, nihilominus ad pacem usque Westphalicam suo quodammodo in statu mansit res Catholica.

Pax West-  
phalica.

VI. Iam an. 1635. cum electore Saxone pax Pragæ inita erat, fessæque partes belligerantes reliquæ de ea serio cogitant. Ferdinandus III. post mortem patris imperator an. 1637. comitiis imperii eius rei gratia indictis, ipse præsens an. 1640. fuit Ratisbonæ cum discrimine etiam, cinctus fere ab adventante milite Sueco.

Interea vero temporis Nigram silvam non solum exercitus Saxo-Vinariensis, mortuo licet an. 1639. Bernardo Vinariensi heroe proximis annis infestabat, verum etiam Gallicus. An. 1643. mutuus erat per Nigram silvam transitus exercitus Vinariensis & Bavarici, qui an. 1644. hosti Friburgum, identidem a Suecis occupatum, ut postea dicemus, extorsit, sicque ad extremam miseriam redigitur patria, dum iam pacis tractatus exordium sumunt, cui maximum impedimentum iniecerunt occupata a protestantibus bona ecclesiastica, catholicis statibus eorum possessioni primum terminum sexaginta annorum statuentibus; quoad ipsum vero terminum restituendorum protestantes diu inhærebant anno 1618. postea anno 1621. demum utrimque annus 1624. placuit; unde duci Wirtembergico & marchioni Badensi ea monasteria in Nigra silva cesserunt, de quibus ordine dicemus singillatim, alia vero aliis principibus multo ampliora ecclesiastica beneficia tam mediata, quam immediata. Intercessit quidem, sed frustra, Romanus pontifex, atque ad id etiam induxit regem Hispaniæ haud invitum, sese a Cæsare desertum querulantem, nunquam deinceps penitus ex animo dimissa deletaque simultate, irrecuperabili domus Austriacæ damno, quod maximum ineunte tandem seculo sequenti experta est per testamentum Caroli II. Hispaniarum regis, quo postposita familia sua Habsburgo-Austriaca, monarchia Hispanica principibus Burbonicis cessit.

Bella alia.

VII. Quanta fuerit Galliarum adversus Austriacam domum præterito a) *Hist. d'Al-* seculo æmulatio, auctore imprimis Card. Richelio a) non dissentur  
*lemagne T.* Galli scriptores, testimoniumque reddit P. Barre conventionis inter Galliæ  
*IX. p. 602.* & Sueciæ reges factæ, stipulata huic ab illo pecuniarum summa an. 1631.  
*etc.* ad

ad inferendum sustinendamque per sex annos contra imperatorem bellum. Posteaque protritas Suecorum res erexit, indicto gestoque bello, quo in pace Westphalica Alsatiam Suntgoviamque reportavit, haud prius etiam sancita iam pace (qua restituendæ fuerant urbes silvestres cum reliqua Nigra silva Austriaca, Brisgoia item & Ortenavia ad promontoria eius Silvæ) militem ex his regionibus revocaturus, donec provincias illas transrhenanas Gallis cederent etiam Hispani foederati.

Post res cum Gallis, Suecisque pace Osnabrugensi & Monasteriensi compositas, pauci intercesserunt anni, dum novis ob religionem turbis vicinia nostra ad meridionalem plagam (interea dum an. 1650. Christina Sueciæ regina ad castra Catholica, relicto regno hæreditario, accedit) turbatur; acciditque, ut quæ prius perfugia dederunt sodalibus suis Helvetica monasteria, propinqua imprimis Rhenaugia, ea vicissim acciperent an. 1656. quo ex Rhenaugia 12. Einsidla 2. Wettinga. 2. e S. Gallo 7. ad monasterium S. Blasii adventasse notantur; alios in Annal. Zwifalt b) commemorat P. Sulger Benedictinos Helvetos in Suevia, b) T. II. p. quibus deinceps etiam occasio fuit eadem nostratibus, vicinis imprimis<sup>274.</sup> utrique genti Nigrasilvanis exhibendi officia in bellis Gallicis, quæ per decursum seculi huius XVII. frequentia Nigram maxime infestarunt, confeceruntque silvam, non Austriacæ tantummodo ditionis ac gentis, cum qua hoc seculo sæpe captata est bellandi occasio, quæ visa est aliquando a nostris plagis remotior ob Belgium, quod dicitur Hispanicum, id iam an. 1668. Ludovico XIV. ceu dotem uxori suæ Theresiæ debitam, sibi repetente: quo quidem eodem adhuc anno composito, non multo post iterum Belgio, ac quidem Hollandiæ primum, longius a nobis distitæ bellum intulit Gallus, cui anno sequenti suppetias condixerunt status imperii an. 1674. in comitiis Ratisbonensibus ab imperatore in partes tracti.

Ad Nigram silvam nostram apertum est anno sequenti theatrum belli, dum Montecuculus bellum in Alsatiam translaturus apud Oberkirch in Ortenavia exercitum collegit, eum vero Turenus dux copiarum Gallicarum prævenit, traiecto Rheno ad Willstadium Schutteram inter & Kintzingam amnes, ex Nigra silva profluentes. Turenus prope Saspacum, haud procul a promontanis Nigræ silvæ oppidum præfecturæ Oberkirchenensis, quod exussit, castrametatus, dum hostium exercitum explorat, tormenti ictu occubuit.

Mansit in his plagis theatrum belli, dum Carolus Lotharingiæ dux exercitui cæsareo præfectus in locum Montecuculi an. 1678. ut Crequium contineret prope Offenburchum a Brisgoia Sueviaque, abrupta

SECVLUM  
XVII.

Nigræ silvæ iuga, iter antea intentatum periclitatus, exercitu in quatuor partes diviso, feliciter est transgressus.

Secuta est anno sequenti pax Neomagensis, imo potius belli induciæ, quod iam iterum an. 1682. exarsurum timebatur, dum Leopoldus imp. cum plerisque imperii principibus foedus contra Gallum iniit ob Argentoratum, anno superiore in potestatem receptum; vicennales nihilominus induciæ Ratisbonæ Cæsarem inter & Gallos sunt factæ, de quibus iam anno præcedenti agebatur, quando Turcæ, animati a Töckelio Transilvania tyranno (cum identidem iam a fine seculi præteriti XVI. rebelles alii etiam Hungari cum Turcis communem causam belli agerent) non expectato induciarum vicennalium termino, rapidissima incursione arma per Hungariam, cuius quam plurimas urbes vi, metuve cum suis rebellibus iam præoccupaverant, Viennam usque ducto exercitu ducentorum millium, protulerunt, quæ universæ Germaniæ exitium minabantur.

In tanto periculo passim etiam Religiosi arma corripiebant, quod de Mellicensibus in chronico illius monasterii scribit P. Schramm a), multaque singularia in prolixo diario, relationeque eorum, qui tunc præsentés adfuerunt, affert de obsidione illa, qua tamen die 12. septembris anni eiusdem urbs, atque adeo tota Germania maximo periculo, Deo propitio, fuit liberata, proximisque annis immanis Turca tota Hungaria fuit eiectus, ac victricia arma cæsarea in Bulgariam usque ex Servia excurrerunt, in quarum provinciarum confinio insignem victoriam retulit Ludovicus Badensis an. 1689. postquam iam anno præterito copiarum cæsarearum a suo exercitu esset revocata pars ob illatum Germanis a Ludovico XIV. Galliarum rege bellum, quo Badenses ditiones depopulatum esse hostem nuncius Ludovico detulit in ipso Nissensis prælii ardore.

Excidium idem funestissimo bello hoc, quo Crequiùs incendiarius dux exercitus Gallici palam profitebatur, esse sibi a rege signata loca mille ducenta, quæ incenderentur, perpessæ etiam sunt reliquæ Badenses terræ, quæ ad Fridericum Durlacensem pertinebant, sese in Nigram silvam protendentes, perinde ac Wirtembergenses, cum Palatinis, Spirensibus & Wormatiensibus: atque adeo omnis oræ Rheni superioris plaga, flamma & ferro deleta, solo æquata est, urbibus in busta, agris in deserta conversis: quod de ditio-

nibus Badensibus in historia Badensi latius exponit Dan. Schœpflinus b), vallum etiam & aggerem describens, quem Ludovicus Badensis, ut Germaniam tegetet, excogitavit, effectuique dedit, postquam an. 1693. casareo ad Rhenum præfectus est exercitui, ab ordinibus circuli Sævici

ad



ad hoc iam anno superiore, datis ad imperatorem litteris, expetitus. SECVLVM XVII.  
 Vallum nempe duxit a Rheno ad Nigram silvam, ubi passim hodieque  
 eius cernuntur rudera, Heilbrunnam usque ad Nicri litus, ubi tanta  
 arte castra posuit, ut dextra & sinistra eorum pars in collibus posita,  
 bellicis instructa tormentis aditus omnes præcluderent, atque adeo exer-  
 citus mediocris numero & audacissimo hosti inexpugnabilis esset,  
 frustra tentante Lorgio exercitus Gallici duce, ut eum ex castris suis  
 expelleret, qui ter repulsus a transitu Nicri in ducatum Wirtembergicum  
 & in stratum montanum se effudit: frustra etiam ipse Delphinus e Flan-  
 dria adventans, ad augendas Lorgianas copias, in his suis castris Ludo-  
 vicum aggressurus die 2. Augusti, Nicro traiecto, in arenam descendit.  
 Dum vero Lorgius haud procul Rastadio ad Kuppenhemium oppidum  
 confedit, Badensis de hostium reditu certior factus, relictis prioribus  
 castris, Nicrum transiit, Lorgioque Nigræ silvæ aditum præcluserit.

Proximis annis 1694. & 1696. hostem propius in suis terris aggres-  
 surus Ludovicus transiit Rhenum, quem etiam postea vallis & aggeri-  
 bus Nicro iunxerunt, adiectis munimentis, ubicunque facilis esset tra-  
 iectus, dum iam pax agitur Ryswici in Belgio, quo tota fere Europa  
 convenerat, conclusa cum Gallis an. 1697. captaque agitari cum Tur-  
 cis apud Carlowizium, quæ ad finem seculi ab universis fuit confirmata.

VIII. Miris modis divina providentia conservavit sec. XVII. Hab-  
 spurgo - Austriacam pietatem contra hostes christiani nominis, catholicæ-  
 que ecclesiæ ac fidei, quam integram ac illæsam conservavit in amplissimis  
 regnis ad defectionem pronis ac rebellibus, eamque publicis edictis in om-  
 nibus terris hæreditariis sanciverunt Ferdinandi II. & III. nec quidquam  
 ei in publicis pacificationibus decedi sunt passi periculosis temporibus  
 maximisque in discriminibus per integrum fere seculum inter continua  
 bella & hostilitates foris ac intus a propriis quaquaversum subditis.

In continuatione chronici Basileensis ab anno 1610. usque 1620. me-  
 morantur ad an. 1612. a) & sequentes inquieti subditi Austriaci in urbibus  
 silvestribus, Rhenoselda speciatim, de quibus officium Austriacum in  
 Rheinfelden senatum Basileensem monuit, isque statim cavit, ne eis arma  
 ex castro Brattelen concederentur: advenit quoque anno sequenti 1613. p. 129. seqq.  
 Egmond de Roppach Friburgo eiusdem rei causa missus, ob eandem-  
 que Fridericus marchio Badensis cum urbe Basileensi litteris egit, ac ipse  
 archidux Maximilianus, qui an. 1614. nuncios idcirco Basileam desti-  
 navit Georgium de Ostein & Leonardum Gabelium doctorem iurium  
 Consiliarios regiminis anterioris Austriæ, nec non Umbertum de Wes-  
 senberg & Ioannem Reinbold scribam urbis Ensisheim, quorum pro-  
 positionem

In anteriore  
 Austria apud  
 urbes silve-  
 stres motus  
 & incurso-  
 nes.

a) Fortfüh-  
 rung der Bas-  
 ler Chronick,  
 viertes Buch.  
 p. 129. seqq.

SECLUM  
XVII.

a) p. 142.

positionem coram senatu factam ibidem affert a), factamque relationem ex qua constat, rem non tam oppidanorum quam paganorum seu rusticorum Hauensteinensium fuisse, qui se exactionibus gravatos contendebant, atque hostiliter in oppidum Waldshut irruentes, ex Rheinfelden etiam manu armata vexillum provinciale, *Landfabnen*, expetebant; res vero opera conventus Helvetiorum Badensis est composita, persuasis ad tranquillitatem rebellibus. Vocabatur bellum hoc seu rebellio *der Rappenkrieg* ob novum obulum mensuræ cuique vini impositum. Rebellium Hauensteniorum rusticorum animositas nostro imprimis hoc seculo monasterio S. Blasii fuit funesta.

b) P. III. p.  
89. 96 &c.  
125.  
c) Ib. p. 209.  
d) Ib. p. 211.  
&c.

Quum postea an. 1633. miles Suecicus urbes has silvestres duce Ottone Lud. Rheni & Silvæ comite petit, ea res inter se commisit cantones protestanticos & catholicos, qui irruptionem hanc contrariam esse mutuis pactis dicebant, asserente eadem in conventu Badensi nomine Claudiae archiducissae Uratislao comite de Fürstenberg, Maximiliano comite de Pappenheim, qui tunc landgraviatum in Stühlingen Alpegoviae nostrae tenebat, pro Suecis perorante, prout in Theatro Europæo legere est b), nec non recepta eodem anno a caesareis quatuor illa oppida c), frustraneam item anno sequenti factam a Suecis aggressionem urbis Rheinfeldensis d), praeliaque, quæ an. 1638. prope Beucken & Rheinfelden Austriacos inter & Suecos acciderunt, quando Bernardus Vinariensis dux nullo quidem negotio reliquas tres urbes occupat, ab obsidione autem Rheinfeldensi (accurrentibus cum milite Austriaco & Bavarico, Werthio, Fürstenbergio, Savellio & aliis) Laufenburgum recedere cogitur, instructa tamen acie primum ancipite, postea incautos cedit, capit ipsos duces Io. de Werth & Savellium, urbemque ad deditionem compellit, pace postea Westphalica cum cæteris restitutam. Eandem frustra postea bello Gallico an. 1679. obsedit Crequi; Choiseulius vero parte copiarum præmissa cum Staremburgio sub ipsis urbis moenibus conflictit. Seckingam anno præcedente a iam decreto incendio liberarunt duo Capucini Crequio adgeniculati: cuius ordinis tria sunt in urbibus silvestribus monasteria, Rheinfeldense ad finem sec. XVI. constitutum, a Suecis incensum, perinde ac Laufenburgense, quibus iterum restitutis tertium Waldshuti est additum an. 1654. a Francisco abb. S. Blasii cruceposita.

In Brisgoia  
Friburgum  
& Brisacum  
capta.

IX. Ante urbes silvestres Sueci iam ad finem an. 1632. in festo SS. Innocentii Friburgum Brisgoiæ occupaverunt, cum reservatione tamen privilegiorum ac religionis, uti refertur in recensione Rectorum academiae præmissa fasciculo I. Amoenitatum litterarum Friburgensium p. 20.

&

& mox ad annum sequentem die 21. Octobr. S. Ursulæ cum sociis sacro, eosdem pacifice deferuisse iterum Friburgum milites Suecos, ductore & supremo commendatore Friderico Ludovico Kanoffski de Langendorf, relictis iis, qui erant in arce Burghald, qui in profesto omnium Sanctorum etiam ipsi ab arce descenderunt; anno autem sequenti (quo Hispani foederati duce de Feria Rhingravium compulerunt obsidionem Brisacensem solvere) urbs iterum a Sueco milite fuit occupata, locum tenente nobili a Gaudeck, iterum tamen huic urbi valedicente in festo S. Lamberti, cuius corpus servatur Friburgi, festusque dies dominica diem 17. Septembris sequenti solemni agitur ritu. Mense Aprili an. 1637. ut ibidem narratur, tertio fuit occupata civitas Friburgensis a Bernardo duce Vinariensi, postquam frustra tentavit oppidum Kenzingen, quod etiam iam an. 1634. fortiter obsidionem sustinuit. Vigore transactionis in deditione Friburgensi Studiosi, praesertim qui aderant extranei, cum militibus caesarianis emigrarunt.

Obsessum an. 1638. Brisacum, invictum ad Rhenum munimentum, post diuturnam obsidionem, internecina tandem fame duci Vinariensi ad deditionem venit, conditionibus in Theatro Europæo relatis a). Extrema a) *P. III. p. 1024. &c.* tentarunt caesariani, ut urbem obsidione liberarent, postremum iam vergente mense Octobri obsessam a mareschallo Götze, qui iterato repulsus, dum decem millibus militum comes de Fürstenberg ex Bohemia adductis exercitum caesareum auget, vano Consilio ad urbes silvestres divertit, ulteriusque timore hostis, cui dux Longewilleus 9000. militum adduxerat, in Nigram silvam se abdidit. Captam urbem quidem frustra Galli a duce Vinariensi, dum viveret, obtinere contenderunt, traditam demum post eius mortem ab exercitu eius, ut in Barrii hist. Germaniæ legitur. b) Apud Brisacum an. 1644. dux Enquien, traiecto b) *Hist. d'Allemagne T. IX. p. 706. &c.* Rheno haud procul Friburgo, quod Mercius caesari restituerat, d. 27 Iulii Bavaros fudit.

In bello Gallico an. 1677. dum a Crequio obsidebatur Friburgum, Schulzius, cui concredita erat urbs, defuisse censetur officio, qui in exercitu Gallico olim stipendia meruerat, quod innuit in responsione ad denuntiationem, ut urbem dedat, uti legitur in relatione de hac obsidione Parisiis an. 1679. Gallice edita; proditoris tamen convinci non potuit. Galli post captam urbem die 15. Novembris, excursionem tamen adhuc in Nigram silvam facta versus oppidum Waldkyrch, quod in cinerem redegerunt cum vicinis castellis, ad hyberna Rhenum transferunt. Frustra deinceps ineunte vere an. 1678. Carolus IV. dux Lotharingiæ recuperare urbem tentavit, quippe quem Crequius praevertit, transitoque Rheno

SECVLVM XVII. duobus pontibus, redux in Brisgoiam Brisacum inter & Friburgum confedit aliquamdiu. Neque adduci potuit in pace Noviomagenſi an. 1679. Gallus ad reddendam urbem.

Capta urbe academia in exilium fuerat acta, dispersis undique doctis pariter ac discipulis, atque ad finem demum an. 1684. Gallorum auspiciis omnium quatuor facultatum professores constituti sunt; sed academia Austriaco-Albertina, cum novem omnino annos dissoluta exulasset, Leopoldi M. imp. auctoritate Constantiam translata, restaurataque est, ut in iam laudatis Amœnit. literar. Friburg. narratur p. 25. Friburgum ad caesarem rediit ad finem tandem ſec. XVII. cum *fortalitiis recens per Brisgoiam & Herciniam erectis.*

Villinga  
sola immuni.

X. Inter hæc fortalitia una urbs Villinga nulli unquam hosti bellicoso hoc ſeculo XVII. patuit, plurimos licet insultus & insidias perpeſſa, a duobus præſertim Wirtembergiæ, annis præcipue 1633. & 1634. sub tutela militum Suecicorum, ex quibus primus prociſus fuit Marcus Rhodinger, levi manu urbem in potestatem redigere in animum inducens. Quod dum haud ſucceſſit, Bernardus de Giltigen & chiliarchus Rauch cum decem millibus armatorum urbem, nomine ducis Iulii, administratoris Wirtembergiæ, minorennis adhuc duce Eberhardo III. ad deditiōnem expoſtulaviſſe leguntur in feſto S. Galli, acceſſiſſeque poſtea ipſum Iulium, ac dein Bleichhartum de Helmſtatt curatorem provincialem.

a) P. III. p.  
100.

Prima vero obſeſſio cœpta dicitur undecima Ianuarii an. 1633. per architrategum Wirtembergicum, quando ſubito liquefacta nive glacieque illam deferere poſt dies quatuordecim hoſtis eſt compulſus, rediturus æſtate auctus milite ac duce Suecico Guſtavo Horn cui etiam chiliarchus Degenfeldt, cum res non ſuccederet, acceſſit, u in Theatro Europæo legitur a); ſed dum ab appropinquante exercitu fœderato quinquaginta millium armatorum, qui Conſtantia urbe ab hoſte liberata, in Alſatiam rediit, periculum incumbit, obſidio 30. Iunii cœpta ſolvitur 5. Octobris, ut tamen urbem infeſtare non ceſſarent Wirtembergici, ſuccederetque mox anno ſequenti tertia, Eberhardo III. iam maiorenni ducatum tenente, obſidio a die 16. Iulii, quam vocant *die Waſſer Bela-gerung*, ex inundanti ſupra modum torrente Bruga, ab hoſte quidem in perniciem urbis curata, ut tamen perrupto aggere hoſtem obruere minaretur, cogeretque receptui canere nona Septembris, ſiſis præterea eo anno apud Nordlingam Suecis, Wirtembergique in Austriacam provinciam redacta a Ferdinando III. qui urbi ad reſarcienda damna pro-  
ventus



ventus dynastiarum in Hornberg & Tuttlingen concessit. Mutata quidem postea belli alea: divina nihilominus providentia urbem servavit ab intentata internecione an. 1641. admoto iam ad portam illius ariete, prout hæc pericula describuntur in impresso Oeniponti libello inscripto *Villingen Mayen Sträufslein*; priora vero illa fata bellica in Mercurio Villingano conscripto a Io. Bapt. Stridlin, qui etiam alium libellum edidit Rottwilæ an. 1634. inscriptum *Lydius Austriacus*, in quo fidelitatem civitatis Villinganæ erga Austriacam domum manifestam facit. Notant Villingani duos præterea annos, quibus a magnis periculis se ereptos Deo in acceptis ferunt. an. 1677. & 1688. quo provide declinarunt, eluseruntque insidias D. Chamillii, quibus dolo urbi præsidium imponere tentavit, ex Argentorato, cui præfectus erat, excursione facta in Sueviam, capiendæ urbis Villinganæ primario proposito, atque ex condito.

SECVLVM  
XVII.

XI. Quæ Wirtembergiæ vicinæ sunt ditiones Austriacæ, atque etiam catholica urbs imperialis Rottwila bello Suecico similia fata, non eadem, qua Villinga felicitate sunt eluctatæ. Iam an. 1632. septima Augusti archistrategus Schaffelitzky cum mille equitibus comitatum Hohenbergicum invasit, oppidumque Horb obtinuit, dum interim miles Wirtembergicus Tubingæ oppidisque Nigrasilvanis Herrenberg, Nagolt & Wildberg in præsidio est. Eodem anno 27. Decembris Rottwila civitas sese Wirtembergicis dedere coacta est, initioque sequentis anni Poltringen & Oberndorf ad Nicrum duci Wirtembergiæ homagium præstitit. Apud eundem fluvium sexta Febr. eiusdem anni 1633. urbi Rotenburg a Sueco & Wirtembergico milite captæ, præsidium impositum est.

Urbium ad  
Nicrum fata.

Recuperata sunt hæc quidem cum aliis omnibus, ipsaque Wirtembergia occupata post prælium Nordlinganum; sed enim prout est varia belli fortuna, an. 1643. iterum die 7. Febr. Rothenburgum occupavit miles Vinariensis, Bavarus vero Tubingam, quo iterum cum aliquamdiu Vinariensem exercitum, per Nigram silvam ad Rhenum properantem insecutus esset, rediens, 18. Iulii oppidum Sulz expoliavit.

Circa finem mensis Octobris dux Vinariensis Rottwilam obsedit, ac 7. Novembris cepit, sed dum paucis post diebus a Ioanne de Werth apud Tuttlingen profligatus esset, Rottwila a Io. de Werth obsessa, post octo dies recepta est, iterum a Guebriano Gallico archistratego expugnata, sed ingenti damno ac suomet interitu, qui colliso per glo-

Sæculum  
XVII.

bum, dum fossas obit, brachio, eoque postea abscisso, extinctus est, id unicum ante mortem solatium nactus, quod animati a se milites urbem in deditionem acciperent.

Res Wirtem-  
bergicæ.

XII. Duces Wirtembergiæ, cum iam inde ab exordio sec. XVII. arma ob dissidia in religione cuderentur, non videbantur in partes abituri. Qui præsentibus erant funeri Friderici ducis an. 1608. Wolfgangus Wilhelmus comes Palatinus & Io. Fridericus marchio Badensis, nihil non egerunt apud eius successorem Ioannem Fridericum, ut eum ad unionem cum protestantibus principibus, quam iam tunc actitabant, pellicerent; contra vero dux coniunctionem animorum inter status imperii diversæ fidei conciliare studebat, cæsarique addictus, conabatur cum duce Lotharingiæ Fridericum Palatinum post regnum illius Bohemiæ hibernum, in cæsaris gratiam reducere an. 1626. Hoc studio pacem in suis terris, circuloque Suevico, cuius capitaneus erat, usque ad mortem an. 1628. conservavit.

Eius in administratione ducatus ac tutela Eberhardi III. minorenis successorem Ludovicum fratrem in partes abstraxit edictum Ferdinandi II. an. 1629. de restitutione bonorum ecclesiasticorum, perinde ac Iulium Fridericum fratrem, cui Ludovicus Fridericus moriens administrationem & tutelam Eberhardi adhuc minorenis reliquit an. 1631. qui mox ad conventum Lipsiensem nuncios delegavit fœderique illi protestantico accessit, cui tamen tractatu Tubingano cum Egone Furstenbergico in imperatoris gratiam renunciare debuit, copiasque dimittere, quas ad 16000. in castris apud Tubingam habuerat contra Furstenbergium in Wirtembergiam ex Italia 20000. adducentem; nihilominus ad partes protestantium prosperis rebus Suevicis rediens, post prælium Nordlingense an. 1634. Argentoratum recedere compulsus, ibidem anno sequenti obiit, cum iam an. 1633. Eberhardo III. regimen consignasset, qui cum auxiliares copias ad exercitum Suevicum misisset, Nordlingæ mox fufum, ditiones suas hosti relinquere coactus fuit, peste ac fame multo adhuc amplius devastatas. Anno 1638. equidem a Ferdinando III. pleraque suas ditiones recepit, cum Bernardo tamen Vinariensi postea agens, invadensque Austriacas Sueviæ ditiones, ut meminimus, Bavaricum exercitum imprimis infestum in suis terris expertus est etiam Nigrasylvanis, exustis an. 1645. Nagolta & Calwa oppidis; nec ante annum 1649. vertentem Tubingam aliaque Wirtembergiæ loca in Nigra silva Schiltach, & Hornberg evacuarunt Bavari, cum iam anno præcedenti per pacem Westphalicam restitutus esset in pleraque omnes possessiones suas ac iura: quibus accesserunt complura monasteria profanata etiam Nigrasylvana,

silvana, quæ inter facile celeberrimum fuit Hirsaugiense, in quo an. 1677. mortuus est Wilhelmus Ludovicus Eberhardi successor, post quem eius frater Fridericus Wilhelmus administrationem ducatus accepit tutor ducis Eberhardi Ludovici.

SECVLVM  
XVII.

XIII. Beneficia, quæ vi pacis Westphalicæ duci Wirtembergico, eadem etiam marchioni Bado-durlacensi obtigerunt; sed etiamnum inter utramque Domum fervet lis de duorum in Nigra silva sitorum monasteriorum Albæ dominorum & Reichenbaci possessione, quam marchiones ex hæreditate comitum de Eberstein fundatorum ad se pertinere contendunt, duces vero Wirtembergiæ hætenus a possessione deiici non potuerunt. Erat utrumque monasterium ditionis Wilhelmi Badensis, cum an. 1648. in instrumento pacis Westphalicæ inter monasteria duci Wirtembergico restituenda duo etiam hæc nominarentur, protestante Wilhelmo atque ius suum prosequente, quod salutare fuisset religioni avitæ, si res ita deinceps cessisset, uti cum monasterio Albæ dominarum Badensis fecerat, illud monialibus an. 1622. restituendo, quod Ernestus confessioni Augustanæ addixerat, moniales renitentes & abbatissam carceri mancipando.

Badenses.

Est hic Ernestus ille Fridericus, qui a Lutheranis ad calviniana castra transiit, atque hæc dogmata Durlacensibus an. 1600. obtrudit; quod dum etiam apud Pforzheimenses, obsequium detrectantes, vi admota facturus esset, in itinere constitutus moritur an. 1604. Pforzhemii sepultus, porta Nigræ silvæ, in quam etiam excurrit marchia Hachbergensis, quæ ex hæreditate Iacobi marchionis, quem libro superiore vidimus ad sacra catholica transiisse an. 1595. Georgio Friderico accessit, cui iam. an. 1584. ex divisione fraterna cum Badenvillanis ditionibus Saufenbergicæ & Rötelanæ ditiones, a castris in Nigra silva dictæ, obtigerunt, acerrimo sectæ Lutheranæ tutori in bello tricennali, in quo exercitum educens solus contra Tillium, apud Wimpinam an. 1622. fugatur inito prælio, quod agnoscente Schœpflino a) non modo Badensium & Palatinorum, sed & Germaniæ protestantium tunc fortunam prostravit. Ex sententia Ferdinandi II. superiorem mox marchionatum Wilhelmo memorato cedere compulsus est Fridericus filius eius natus maior, cui pater paulo ante regimen resignavit: idemque an. 1624. copiis cæsareis, Pforzhemium capientibus, cum minus tutum se cernebat, terras suas iterum reliquit, iterumque an. 1634. post prælium Nordlingenense omnibus suis spoliatus ditionibus, cum aula sua Argentinam se recepit, ibique vel Basileæ reliquum belli tempus transegit; pace

a) Hist. Bad.  
T. IV. p. 197.

SECULUM  
XVII.

Westphalica restitutus, post mortem anno. 1659. reliquit Friderico filio natu maiori regimen.

Natu vero minimus ex numerosa prole Gustaphus Adolphus in ecclesia catholica ordine Benedictino illustris fuit. Religionem catholicam professus est primum in Alsatia apud Franciscanos Hermelshemii prope Molshemium, solemniter vero postea Romæ an. 1663. atque Bernardi Gustavi nomen accepit, in memoriam B. Bernardi marchionis Badensis, quem nuper Clemens XIV. P. solemniter ritu sanctorum albo adscripsit. Anno 1664. in exercitu Leopoldi imp. archistrategus, accepto vulnere in prælio apud montem S. Gothardi in Hungaria, arctius se religioni adstringere in animum induxit, atque in monasterium Rhenaugienſe sese abdens, religioso an. 1665. suscepto habitu, quævis monasticæ vitæ exercitia perinde ac reliqui monachi alacriter obiit. Quæ aliaque memorabilia de eodem Bernardo Gustavo, facta postea a Clemente XI. Cardinale E. R. quum iam esset princeps & abbas Fuldensis ac postea etiam Campidonensis, prosequitur P. Mauritius Hohenbaum van der Meer in succincta historia sui monasterii, edita ex occasione anni millenarii fundationis an. 1778.

Furstenbergica.

XIV. Ex illustrissima Nigræ silvæ veluti inquilina familia Furstenbergica an. 1664. a Leopoldo I. imp. principum Imperii axioma est ornatus & prærogativa Hermannus Egon, cuius tamen filius demum Antonius Egon eo titulo est usus, atque insignes prorsus hierarchæ fratres Franciscus Egon & Wilhelmus Egon, uterque episcopus Argentoratensis sec. XVII. quorum ille S. R. E. Cardinalis Maximiliano Henrico electori Colonienſi tam charus fuit, ut illi abbatias Stabulensem & Malmundariensem cederet; hic vero eiusdem electoris, vel potius regis Galliarum causa gravissimo se discrimini commisit, dum eius opera rex Galliarum utebatur, ad electorem in suas partes abstrahendum, peculiaremque transactionem inter cæsarem & electorem impediendam. Quum de pace ageretur an. 1673. ducis Lotharingæ, quem Galli ad tractationem admittere renuebant, & Guilielmi Egonis causa totum illum conventum abruptit, Furstenbergicusque an. 1674. 4. Februarii a submissis militibus interceptus, diu detentus fuit arcte etiam Viennæ, libertati restitutus, atque etiam Franciscus Egon frater dignitati vi pacis inter cæsarem & regem Galliarum an. 1679. quum postea an. 1687. de coadiutore Maximiliano Henrico electori Colonienſi dando ageretur, instante potissimum Maximiliano Emanuele duce ac electore Bavarie, ut frater suus Iosephus Clemens iuvenis adhuc designaretur coadiutor, cuius partes imperator contra



contra Wilhelmum Egonem suscepit, qui an. 1682. Francisco fratri in episcopatu Argentoratensi successerat, ineunte etiam an. 1688. cardinalis, promovente rege Galliarum, quæ præcipua causa fuit illati an. 1688. a rege Galliarum patriæ nostræ belli, quo primum Galli traiecto apud Argentoratum Rheno in vicinas ditiones, Badensem imprimis ac Wirtembergensem invadentes, ferro flammisque sævierunt. Capto iam Philippopoli edictum edidit rex, se eam urbem ac Friburgum redditurum, siquidem cardinali Furstenbergico electoratus Colonienfis redderetur. Reiecta ab imperatore, cui etiam pontifex consentiebat, conditione, continuatur bellum.

Eo in bello an. 1689. Leopoldus Marquardus de Furstenberg apud Moguntiam occubuit post multos alios heroes Furstenbergicos, qui pro religione & patria vitam dederunt, an. 1639. Leopoldus Ludovicus in obsidione Dietenhofen, an. 1640. Albertus apud Hohenwiel: an. 1676. Ios. Maximilianus apud Philippopolim: an. 1684. Fridericus Christoph. apud Budam: an. 1686. Franciscus Emanuel apud Belgradium. Nec prætereundus est Iacobus Ludovicus Sator lineæ Donaueschinganæ, qui in bello tricennali apud Labnam ditionis Monasteriensis in Westphalia victor a Ferdinando II. an. 1624. vexillis tormentisque bellicis aucta insignia accepit, sequensque epiphonema:

*Fernandus merito tua sic insignia cingit !*

*Quantum præstiteris, pugna Loana docet.*

Neque vero minus celebrati in toga fuerunt sec. XVII. Furstenbergici in utraque republica, ut vel sæpe laudati Franciscus & Wilhelmus Egones fratres argumento sunt, civilique in statu Uratisslaus I. ineunte hoc seculo XVII. præses Imperialis consilii aulici, Grandis Hispaniæ, ubi etiam ditionibus auxit familiam ex altera coniuge Catharina Livia *de la Verda terra*: quum iam an. 1608. matrimonio iunctus Margarethæ principi in Croy auspiciis dedisset novæ Furstenbergicæ lineæ Blombergensi post divisionem factam ex stirpe Furstenbergica vallis Kinzinganæ in Nigra silva. In hac linea hæredes Christophorus II. & memoratus Uratisslaus I. post mortem Alberti I. antequam eisdem landgraviatus Barenfis in Nigra silva an. 1620. accessisset, divisionem inter se fecerunt, ut, quod ditiones Nigrasilvanas attinet, Christophoro dynastia Haaslacensis, Blombergensis & vallis Prechtalensis relinqueretur, Uratisslao vero Hausacensis & Wolphacensis cum Möhringana. Post mortem Christophori an. 1614. relictis tribus filiis minorennibus Uratisslao II. Ottocaro

SECVLVM  
XVII.

caro & Friderico Rudolpho, inter hos & memoratum Uratislaum I. an. 1620. Barenfis landgraviatus, qui ab an. 1597. communi familiæ possidebatur dominio, divisus fuit. At vero Blombergensis linea statim in filiis Uratislai I. emarcuit: ex quibus Albertum II. paulo ante memoravimus an. 1640. apud Hohenwiel occubuisse, moxque anno sequenti eum secutus est in æternitatem frater unicus Franciscus Uratislaus, cui edicto Ferdinandi II. an. 1634. ablata a directorio Suecico dynastia Blombergensis cum Löffingana est restituta. Iam tunc alteri lineæ, vallis Kinzinganæ nempe, accesserat an. 1631. landgraviatus Stuhlinganus matrimonio Maximilianæ unicæ filiæ Maximiliani S. R. I. mareschalli comitis de Pappenheim cum Friderico Rudolpho iam memorato, posteaquam landgraviatum Stuhlinganum per seculum fere Pappenhemii possederant, qui an. 1532. post mortem Henrici de Sulz ad Conradum de Pappenheim Maximiliani patrem defunctum an. 1603. fuerat devolutus gratia Maximiliani II. imp.

Aliarum Ni-  
græ silvæ dy-  
nastiarum vi-  
cissitudines.

XV. Landgraviatum Stuhlinganum Conradus an. 1603. mortuus, reliquit filio Maximiliano defuncto an. 1639. post unicam filiam Maximilianam, quæ ex Friderico Rudolpho Furstenbergico suscepit Franciscum Maximilianum hæredem, hicque Prosperum Ferdinandum nuptum Sophiæ comit. de Königseck Rotenfels, occubuitque an. 1704. in obsidione Landaviensi. Dum identidem primores Nigræ silvæ familiæ deficiunt sec. XVII. novæ succedunt haud minus illustres. Familiæ comitum de Sulz in bello tricennali oppidum & dynastia id nominis an. 1635. ab imperatore reddita est, mox tamen iterum ducibus Wirtembergiæ restituta.

Landgraviatus etiam Cleggovienfis cum dynastia Thiengensi oppidi Alpegovix in Nigra silva per Mariam Annam filiam Io. Ludovici comitis de Sulz & hæredem, Ferdinando Wilh. Eusebio de Schwarzenberg copulatam, delatus fuit ad familiam Schwarzenbergicam, ex qua principali axiomate auctus est an. 1670. Wilhelmus I. Ferdinandi Wilhelmi parens.

Hohengeroldseckii etiam, ad quos anterioribus seculis præcipuè comitum de Sulz possessiones cum ipso oppido & dynastia Sulzensi devenerunt, sec. XVII. extremum fatum sunt experti, mortuo an. 1634. Iacobo ultimo generis, & anno 1649. Anna Maria unica filia nupta primum Friderico Solmensi, postea Friderico V. Badensi marchioni; cui ac posteris per integrum seculum de legitima hæreditate decertandum fuit.

fuit. Apud Schoepflinum in historia Badensi a) exponuntur eiusdem etiam SECRETUM  
XVII.  
Friderici V. postulata, quod attinet dynastiam Staufensem, cuius familiae  
ultimus Georgius Leo an. 1602. sine prole decessit, quo eodem anno  
Georgius Fridericus marchio vicos Balrechten & Tottingen cum mar-  
chia Hachbergica coniunxit b).

a) T. IV. p. 253.  
b) Id. p. 141.

Quæ sunt residuæ in Nigra silva ditiones ac terræ, præter eas, quas  
indicavimus ad maiores pertinere gentes statuum Brisgoiæ & Sueviæ  
illustrissimarum familiarum, illæ fere sunt, quæ nunc specialem cantonem  
constituunt liberorum equitum ad Nicrum & Nigram silvam, qui cum  
cæteris cantonibus coniuncti iura & libertatem suam seculo imprimis  
XVII. strenue contra ducem præsertim Wirtembergiæ sunt prosecuti.  
Extant in Theatro Europæo c) Ferdinandi II. litteræ ad Francicos & d) P. II. p. 336.  
Suevicos equites dehortatoriæ, ne quid contribuant ad præstationes bel-  
licas in conventu Lipsiensi a Protestantibus conditas.

XVI. Conditio belli præsertim tricennalis suapte hierarchas Imperii Hierarchæ  
metropolitæ  
Moguntini.  
Germanici implicuit, atque inter hos præ cæteris Nigræ silvæ metropo-  
litam Moguntinum electorem. Ioannes Suicardus de Cronberg, de  
Sickingen materna ex familia, quam rerum in Nigra silva potitam supe-  
riore libro indicavimus, ut deinceps eius successores imperatoribus sec.  
XVII. augustæ domus Austriacæ officia sua fideliter exhibuit dignitate  
archicancellarii. Eo munere an. 1624. Maximilianum Bavarie ducem  
electoratus dignitate ornavit, quo tunc Palatinus ab imperatore fuerat  
exutus.

Variam deinceps Moguntia sortem fuit experta an. 1631. a Suecis;  
& an. 1647. a Gallis occupata, quo ipso anno obiit Anselmus Casimi-  
rus, Georgii Friderici successor.

Ioannes Philippus de Schönborn vero egregiam operam in negotio  
pacificationis Westphalicæ navavit; ipse tamen postea cum electore Pa-  
latino an. 1667. bello implicitus ob ius Wildfangiatus, in quo sequenti  
anno confirmatus est Palatinus. Moguntinus vero, ut Germaniæ tran-  
quillitati prospiceret, quum an. 1672. fœdus mutui auxilii cum electo-  
ribus Trevirensi & Saxonico, nonnullisque Imperii principibus ac im-  
peratore inivisset, anno sequenti in pace quievit.

Eandem tranquillandæ patriæ curam successor Lotharius Fridericus  
de Metternich studiose est prosecutus cum suis successoribus Damiano,  
Hartardo & Carolo Henrico: postea vero Anselmus Franciscus de Ingel-

SECVLVM  
XVII.

Episcopalis  
seles Con.  
stantia.

heim, dum an. 1688. Galli pacis inducias rupissent, illis tradere Moguntiam est compulsus, anno sequenti a foederatis obsessam ac receptam.

XVII. Fortiter vero pertulit hostium assultus urbs Constantia, obsessa in bello tricennali a Suecis, sed frustra an. 1633. quo ad eam obsidendam supremus militiæ Succicæ præfectus Hornius atque Vinariensis dux Bernardus ex plaga quoque Helvetica concurrerunt, capto oppido Stein, quæ res foederatos Helvetos multo adhuc amplius, quam occupatæ tunc etiam urbes sylvestres commovit. Strenue urbem tuebatur Maximilianus Wilibaldus comes de Wolfegg.

Eius frater germanus tunc erat Ioannes VI. episcopus Constantiensis post insignes omnino sec. XVII. huius diocesis episcopos, Ioannem Georgium de Halweil virum litteratum & admodum religiosum, qui diocesim ampliissimam ipse cum uno sacellano obivit visitando, at ab anno 1601. ineunte tantum usque ad initium an. 1604. sedem episcopalem tenens reliquit Iacobo comiti de Fugger eodem adhuc mense Ianuario, quo obiit antecessor, electo.

- Frequentem is synodum diocesanam celebravit an. 1609. cuius acta habentur T. VIII. Conc. Germaniæ a), cum catalogo prælatorum, collegiorum, decanatum, omniumque utriusque sexus monasteriorum ad synodum vocatorum tam exemptorum, quam non exemptorum b); tanq̃ eorum, qui per se, vel per alios comparuerunt, quam illorum, qui omnino emanerunt. Primus, qui in sua persona comparuit abbas, nominatur Martinus abbas S. Blasii; Martinus item abbas S. Georgii, Io. Iacobus S. Petri, & Ioannes S. Trudperti Nigrasilvani, qui cum aliis nomine monasteriorum, collegiorum, & capitulorum, ut legitur in actis diei quintæ, varia gravamina synodo obtulerunt ratione statutorum synodaliū, prout iam ante synodum concepta, tunc lecta fuerunt c): tum vero in palatio episcopali ex prælatorum numero selecti ac deputati Patres suam de constitutionibus synodalibus sententiam edixerunt, eandemque in scripta redactam, prout a reliquis etiam statibus factum est, obtulerunt Iacobo episcopo, qui anno sequenti constitutiones & decreta eiusdem synodi Constantiensis publicavit, mortuus an. 1626. d) eius vero successor

4) Haud abs re erit hic exhibere, quæ de eo P. Gerardus Hess in Prodro-mo monum. Guelph. p. 388. narrat ex commentariis monasteriis Weingartensis, ubi sæpissime & libentissime fuerat diversatus. A primo etenim momento, quo huc venerat, & loci situ, & disciplinæ consuetudine captus adeo fuit, ut monasticæ solitudinis amore sese pontificatu abdicare serio constitueret, facta inter lacrimas petitione. Verum abbas noster (Georgius) quam ecclesiam



successor Sixtus Wernerus de Prasberg mox quidem anno sequenti, ut tamen post Ioannem VI. iam laudatum comitem de Wolfegg, Franciscum Ioannem ex fratre nepotem successorem haberet, hic vero an. 1689. Marquardum Rudolphum de Rodt, qui episcopatum tenuit ad initia seculi præsentis XVIII. quo iam tertius eius familiæ est episcopus Constantiensis Maximilianus post germanum fratrem Fr. Conradum S. R. E. cardinalem.

SECVLVM  
XVII.

XVIII. Sedes episcopalis Spirensis præcellentes ad unum omnes sec. XVII. antistites habuit: & quidem post Eberhardum ab an. 1581. episcopum usque ad an. 1610. simul Imperialis cameræ supremum iudicem, omnes deinceps fuerunt etiam electores Imperii: Philippus Christophorus Trevirensis an. 1623. electus, retento simul episcopatu Spirensi, in quo vivente adhuc Eberhardo an. 1609. in coadiutorem accitus fuit.

Spirensis

Rerum potitus, arcem Udenheimensem erexit, munimentisque egregie munitam a suo nomine Philippopolim dictam, veluti Troiam, quamdam, ac barbarum etiam bellicarum, exsurgentisque paullo post bellis tricennalis causam. Eam Fridericus Palatinus, suis terris perniciosam, atque privilegiis urbis Spirensis adversam, adductis auxiliaribus aliis principibus protestantibus, ex nostratibus duce Wirtembergico & marchione Badensi, an. 1618. est demolitus, causa mutuis scriptis configurata, quæ in Theatro Europæo leguntur a), ubi etiam munimenti b) P. Lp. 12. ichnographiam cernere est; in altera vero parte, quomodo Hispani post varios conflictus ex Palatinatu an. 1632. profligantur, relicta etiam urbe Spirensi, quam antea Suecis extorserant, iterum a copiis imperialibus an. 1635.

F f f 2

an. 1635.

nam utili & sollicito pastore fructare nec posset, simulato consensu preces suscepit, ex tamen conditione, ut quum ipse nosset, primum monasticæ perfectionis fulcrum obedientiam & propriæ voluntatis abnegationem esse, ab hac, si candide vellet, virtute inciperet. Libenter annuit princeps. Ergo, inquit abbas, si meo vivere arbitrato & vere & sincere spondisti, tibi in virtute sacræ obedientiæ præcipio, ut statum perfectissimum episcopatus retineas, nec mihi quidquam obloqui præsumas. Dolo pio circumventum se sentiens piissimus præsul, obtemperavit quidem, sed eo pacto, ut ipse sibi in pascendis, & dirigendis ovibus eum iussis, tum consiliis adesset & adintor. Solitus exin quotannis sæpius ad monasterium pervenire, tanta in confratrum suorum (sic enim monachos vocitabat) corona perfundebatur lætitia, ut ab eis necessitate cogente non tam discedere, quam divelli videretur. Divo Benedicto, cuiusque filiis adeo devotus, & addictus erat, ut proventus annuos ex monasterio Augiensis ad se devolutos in nullo alios, nisi tam nobili usus converti voluerit, honorem sibi maximum arbitratus, si asceterio tam antiquo, & muros restitueret & disciplinam. Quod utrumque etiam egregie, & ad æternam sui nominis memoriam laudabiliter perfecit: nolens, ut ipse alebat, me in mortis articulo divum Benedictum habere accusatorem, quem in hoc periculoso momento percipio patronum & defensorem.

**SECVLVM XVII.** an. 1635. expugnatam eodem sub episcopo, qui expleto bello tricennali in pace an. 1652. obiit.

Successorem pactus est Lotharium Fridericum de Metternich archiepiscopum postea etiam Moguntinum. Defunctus is an. 1675. sedem Spirensis Io. Hugoni de Arsbeck, quem iam vivens coadiutorem perinde ac Trevirensis archiepiscopus habuit, reliquit, sub quo urbs a Gallis an. 1689. incensa, ipse vero vitam usque ad an. 1711. perduxit.

Argentoratensis.

XIX. Sedes episcopalis Argentoratensis etsi sec. XVII. summos principes habuerit antistites, res tamen in ea catholica restitui usque ad finem fere seculi ex integro non potuit, diviso capitulo cathedrali protestantico & catholico, quod Molshemii veluti exul subsistere debuit integro propemodum seculo ad annum usque 1681. ab an. 1592. quo Carolus Lotharingicus sedem obtinuit, atque ineunte seculo XVII. cum duce Wirtembergico transactionem fecit circa ditionem Nigrasilvanam in Oberkyrch, quam dux pro numerata pecunia ad annos usque triginta accepit: re penitus composita an. 1604. quo episcopatum suum, in quo vix pacifice federat, Leopoldo Austriaco resignavit, qui an. 1625. omnium SS. Coenobium Ord. Præmonst. in Nigra silva transferri in præposituram Oberkyrch permisit, ultimo sedis suæ anno cedens episcopatum Leopoldo Guilielmo nepoti suo ex fratre Ferdinando II. imperatore. Dum conventio an. 1604. facta ad quindecim annos inter capitulares catholicos & protestantes an. 1619. finem acciperet, frustra in conventu unitorum protestantium, ad quem Ferdinandus II. imp. Io. Georgium comitem de Hohenzollern consilii Imperialis aulici præsidem ablegaverat, conciliatio est tentata, ut in Theatro Europæo legere est a).

a) P. I. p. 258. & 265.

Quum anno 1635. Alsatia in potestatem regis Galliarum devenisset, sibi tunc Argentoratenses timuerunt a Gallis ob conditiones pacis imperatorem inter electoremque Saxonem factas. Fuit tamen in pace Westphalica conventum an. 1648. b) ut *permaneant in statu quo episcopi Basileæ & Argentinae*. At vero ex pace postea Noviomagensi an. 1679. rex Galliarum ansam arripuit, urbem in suam potestatem redigendi, quam veluti sibi cum reliqua Alsatia in pace asserta debitam, ut exacte in Theatro Europæo narratur, an. 1681. c) occupavit conciliatis, ut creditur, senatoribus, episcopo tunc iam ab an. 1663. Francisco Egone de Furstenberg, regi imprimis charo; qui tamen post cessam an. 1681. urbem restitutam ecclesiam cathedralem, ac revocatis Molshemio canonicis an. 1682. mortuus, sedem ex indulgentia regis reliquit fratri Guilielmo Egoni,

b) Art. XII. §. 58.

c) T. XII. p. 274.

Egoni, de quo supra diximus, tantorum motuum ob sedem Coloniensem causa a). SECVLVM XVII.

Ad an. 1687. eius mandata & statuta synodalia diocesis Argentoratensis extant T. X. Conc. Germ. p. 179. Annotavit editor, serius se observasse, statuta ista apud Lunigium inveniri, unde ordo chronologicus nonnihil turbatur. Addit, synodum, de qua meminerunt, celebratam fuisse ab Egone ad an. 1685. quam in supplemento promittit; neque vero in appendice, quæ T. X. subnectitur, occurrit. Obiit is an. 1704. in palatio S. Germani a Pratis, ubi erat abbas, eiusque depositum est corpus in eadem S. Germani ecclesia in capella S. Margarithæ prope sepulcrum comitis Guilielmi de Furstenberg eius nepotis, ut refertur a sodalibus San-Maurianis simulque eius epitaphium, in Gall. christ b).

a) Vid. Grandid. Essais historiques & topogr. sur l'Eglise cathedr. de Strasbourg. ch. 6. Etat de l'Eglise cathed. depuis l'an. 1681. &c. p. 142. seqq.

b) T. V. p. 821.

XX. Antiquissimum diocesis Argentoratensis monasterium gravissima fec. XVII. tulit tempora, quum necdum ex calamitatibus seculi proxime antecedentis respirasset, atque aliena egeret ope. Ioannes V. qui anno seculari 1600. Iacobo I. successit, abbatis munus an. 1624. deposuit, accito ex monasterio S. Blasii Tobia Rösch, qui etiam professores inde accersit, vicissimque fratres Schutteranos in litteris formandos ad S. Blasium misit. Monasterium Schutteranum.

Post eius obitum an. 1638. electus Conradus III. mox anno sequenti Clingnovii Helvetiæ in præpositura San-Blasiana fato cessit, successorem iterum nactus e gremio S. Blasii Benedictum Bebelium, hocque post duos annos an. 1641. defuncto Vincentium Haug itidem S. Blasianum, monasterii etiam Schwarzacensis abbatem: qui gravissima belli tricennalis tempora eluctatus, diutius duravit ad an. usque 1656. superstes; ut tamen eius successor Benedictus II. electus VI. Kal. Oct. mox III. Kal. April. an. 1659. vita excesserit; atque adeo monasterium Schutteranum spacio viginti annorum quinque numeraverit abbates, electo in locum Benedicti II. an. 1659. Blasio Sarvey.

Is non absteritus duris, quibus tam brevi succubuerunt syncellitæ sui, fatis, eodem ex monasterio S. Blasii postulatus abbas, rem utramque sacram (catholicam præsertim tantopere ea in plaga accisam) & profanam seu temporalem monasterii restituit, marchioni Badensi a consiliis, atque in eius aula magno in pretio habitus, perinde etiam apud Franc. Egonem de Furstenberg episcopum Argentoratensem, expresse requisitus

SAECULUM  
XVII.

ad transigenda eum inter & marchionem negotia. Defunctus maximis laboribus obiit an. 1674. ad cuius initium in suo diario, quod studiose confectum reliquit, posuit epiphonema: *Amor Dei sit initium, medium & finis huius anni.* Sodales Schutterani sequens ei posuerunt epitaphium: *Pridie nonas Aprilis 1674. moritur abbas Blasius postulatus ex monasterio Blasiano an. 1659. vere restaurator huius monasterii antebac depauperati, multisque debitis gravati: hinc omnium lacrymis deploratus, quod non diutius præ- & profuerit.*

Lugent porro Schutterani difficillima ad finem declinantis sec. XVII. ineuntisque XVIII. tempora finem vitæ accelerasse proximis Blasii abbatis successoribus, Placido I. nimirum & Iacobo II. germano fratri Romani abbatis S. Blasii, qui prænominato suo fratri Iacobo II. sacram benedictionem 23. May an. 1688. impertivit, electo abbati Id. Ianuarii eiusdem anni. Facile quis sibi in animum inducat, fraternum hoc vinculum congregationi San-Blasianæ obstrinxisse magis adhuc monasterium Schutteranum, ex quo identidem iuniores monachi divertebant ad S. Blasium, in disciplina monastica ac litteris informandi.

Gengenba-  
cense.

XXI. Fuit monasterium S. Blasii sec. XVII. seminarium quoddam, in quo, & ex quo bonæ artes disseminabantur utralibi gentium, ita etiam in Nigra silva ab uno quandoque ad aliud commigrantibus professoribus San-Blasianis omnis generis disciplinarum. Sic virum oppido doctum, pium & prudentem P. Io. Bapt. Eifelin, quem postea memorabimus, Placidus abbas S. Petri ab Ottone abbate S. Blasii obtinuit professorem, revocatum ex monasterio Gengenbacensi, quod ineunte quidem sec. XVII. adhuc habuit abbatem Io. Lud. Friburgensem, quem anonymus apud Lunigium a) chronista Gengenbacensis dicit ab an. 1586. præfuisse bene & laudabiliter annis 19. religiosæ disciplinæ promotorem zelosissimum & monasterii iurium conservatorem strenuum; cui vero defuncto an. 1605. substituit abbatem Georgium Breunium Maurimonasteriensem incolam an monachum, non exprimit, innuere tamen videtur, dum Ioannem Demlerum Georgii an. 1617. successorem capitularem huius monasterii designat. Iterum vero Erhardum Marx Maurimonasteriensem appellat, qui successit an. 1636. Iacobo abbati, quem Friburgensem dicit perinde ac Ioannem Demlerum, qui gentili suo, an. 1626. mortuus, abbatiam reliquit.

De eorum autem gestis nihil commemorat, perinde ac de eorum successoribus Columbano Meyer, qui an. 1638. Erhardo successit, Romanus



manus Molsheimensis autem post mortem Columbani an. 1660. electus abbatiam an. 1680. resignavit Placido Thalman de Wila in Thurgovia, quem laudat abbatem religiosissimum, regularis disciplinæ promotorem ferventissimum, consilio & prudentia rerum tum ecclesiasticarum tum civilium gerendarum gravissimum, antiquorum sui monasterii iurium defensorem strenuum. *Qui, pergit, plurimas sæpenumero noctes insomnes duxit immersus sanctissimis meditationibus: senio autem confectus, variis, iisque gravissimis vexabatur morbis identidem incredibili patientia ingemians: O Domine! hic ure, hic seca, ut in æternum mihi parcas!* Is, dum monasterium a Gallis incensum universum pene deletum esset cum templo & omnibus ædificiis, ea in calamitate paullo post obiit an. 1696.

Succesorem accepit Augustinum restauratorem vastati sub antecessore monasterii: quem monasterium principale Murbacense in Alsatia philosophiæ & theologiæ professorem insignem habuit, abbatem vero Gengenbacensem præiens præsertim seculum XVIII. multis suspexit annis præstantissimum.

XXII. Monacho Gengenbacensi, ac postulato abbati Schwarzacensi, <sup>Ettenheim</sup> sed abbatia suis meritis destituto Casparo Bruner, quem finiente sec. <sup>munster.</sup> XVI. factio Brandenburgica cardinali Lotharingo in episcopatu Argentoratensi opposita, intruserat Ettenheimensibus monachis abbatem initio statim sec. XVII. mortuo, capitulares, qui hætenus in Riegel, vel in Kenzingen subsisterunt, proventibus ex ditione Austriaca collectis viventes, in abbatem sibi elegerunt Priorem suum Severinum Wagner, ringente primum, tandem vero, at duris conditionibus permittente Brandenburgico. Expertus vero præter lutheranum Brandenburgici usque ad an. 1604. regimen, etiam avitas Geroldseckiorum vexas ob advocatiam, vitam tantum ad annum 1605. in abbatia sustinuit; eius successor vero, ex Priore item, Christophorus I. dictus etiam Ernestus, ex nobili a Then-gen familia, Brandenburgico quidem renitente an. 1605. 1. May electus, eodem mense anni 1608. obiit; quo brevi tempore advocatiam de potestate domini de Geroldseck ob violentiam in iura monasterii, ac sævitiam in subditos eripuit, a card. Lotharingo sequestratam sub Amtmanno Ettenheimensi, donec circa an. 1628. certis legibus cum episcopatu, ut P. Bernardus Muggius in Mss. annotationibus Alsaticis & Brisgoicis perhibet, composita fuit lis magnis expensis.

Mortuo

SECVLUM  
XVII.

Mortuo Christophoro I. fit iterum ex Priore, monacho tamen Schutterano, abbas Christophorus Heubler patria Engensis: unde etiam oriundus fuit eius successor Casparus Geiger ex Subpriore electus abbas an. 1623. an. autem 1633. quum irruente milite Suecico, monasteriumque occupante, solus in monasterio substitisset, captus ac Kinzingæ carceri mancipatus fuit, liberatus paullo post in oppido Ettenheim suis in ædibus apoplexia tactus, defunctus est an. 1634.

Convenere post eius mortem ex omnibus Helvetiæ angulis exules monachi, atque Selestadii in Alsatia, ædibus vero Martini abbatis Aprimonafteriensis elegerunt abbatem Placidum Vogler patria Engensem, monasterii Ettoniani Priorem, tunc temporis exulem in monasterio Montis Angelorum in Helvetia, qui monasterium inter spem & metum unius anni spacio cum dimidio gubernavit. Postmodum cœnobio unacum conventualibus expulsus, Helvetiam repetiit, atque in monasterio S. Galli an. 1646. mortuus & sepultus est in capella S. Petri, ubi antehac B. Notkerus S. Galli monachus quievit. Quod etiam in monasterium convocati capitulares eidem successorem dederunt Amandum Riedmuller Ebringenensem, conventualem Ettonianum, tunc temporis vero in exilio parochum in Cappel comitatus Doggenburgici; qui tamen pace an. 1648. reddita calamitatem sui monasterii, ad incitas redacti, non sustinuit: quumque eius petitio, ut abdicare se liceret dignitate an. 1652. ut frivola ac immatura reiecta fuisset die 7. Ianuarii, admissa tamen fuit 15. Ianuarii, atque administratio monasterii interim, dum novus fieret abbas, P. Arbogasto Arnold novitiorum magistro ab episcopo fuit commissa, qui anno sequenti ac quinque fratres 4. Iunii a Pio principe & abbate S. Galli abbatem cum Priore, quemcumque voluerit, postularent, obtinueruntque P. Franciscum Hertenstein Subpriorem S. Gallensem, virum doctum & omnibus principibus charum, imprimis vero Francisco Egoni episcopo Argent. cui & in gravissimis negotiis expedendis a consiliis erat; eiusque gratia iura monasterii facta conservavit a moliminibus gubernii principalis, eiusque munificentia etiam ecclesiam, quæ adhuc superest, ædificavit, qua de re sequentem notam successori reliquit: *Nota Reverendissime successor, me non meis viribus nec industria, minus pecuniis, quæ respectu tanti adificii nullæ erant, hoc adificium incepisse, sed revera Dei nixus ope & misericordia, Deo meo omnia operante, me autem parum cooperante piorum principum ad meam modestam insinuationem & sollicitationem, subditorum labores & operas inspiratas & innumeras, voluntarias tamen machinam tantam extrui curavi. Per-*  
*senji*

*sensi miram Dei providentiam, ut ipsemet stupens admiratus sim ... Et tu piam fidem habe Reverendissime successor, & in Deum spem tuam principalem pone, sine quo sumus, umbra, spes tua pecunia & divitiæ, nisi a Deo sint benedictæ: plus enim imo obolo expertus sum, me perfecisse in Deum sperans, quam plurimis ex meo loculo, & in loculum sperans absque Deo. Fuit, quem hic futurum successorem alloquitur, Maurus Geiger, cum quo iam vivens omnia onera partitus fuerat, electo ex cellario abbate an. 1686.*

SECVLVM  
XVII.

XXIII. Antiquissimo diocesis Constantiensis in Nigra silva Ord. S. Monasterium B. monasterio S. Trudperti præter communes sec. XVII. calamitates, id etiam fatale accidit, quod exorientis seculi abbates male cesserint. Thomas Fuxlin Enlishemianus, qui Ioanni Erhart an. 1598. successit, dum substantiam monasterii in argenti fodinis infelice conamine pessumdat, ab abbacia an. 1606. amotus, feliciorum parochum postea egit. Eius vero successor Iacobus II. abbatem egit, ait Bucelinus a), dum eo a) Germ. sacra T. II. p. 293. occurreremus anno 1624. munusque abbatiale gessit usque ad an. 1628. quo, dum se imparem cerneret, onus deposuit, commissa administratione monasterii Ioanni Rösch Brillingano: quod solertissime obivit officium, an. 1628. in abbatem electus, nihilque intentatum reliquit, quo monasterium ruinæ proximum fulciret; sed furor Suecicus saluberrimos eius conatus elusit, dum monasterium una cum pretiosissimis antiquitatum monumentis irreparabili damno flammis absumpsit an. 1632. in Natalitiis Domini. Ipse præsul exul Clingnovii Helvetiæ oppido, anno sequenti satis cessit, ibique in ecclesia parochiali tumultatus est die 13. Novembr. eodem adhuc anno successorem nactus gentilem suum Georgium Garnet ex Priore electum abbatem. Associatum S. Trudperti monasterium cum vicino S. Petri in Nigra silva Congregationi S. Iosephi in Suevia, etiam antiquissimum monasterium S. Gregorii seu vallis Gregorianæ in Alsatia attrahere visum est, ut palam facit epistola Gregorii ex monacho Ochsenhusano postulati abbatis eius monasterii ad præsidem Congregationis Suevicæ Ord. S. B. an. 1638. Viennæ in Austria, ut in Alsatia diplom. b) legere est, data, qua significat, quum sibi liberum b) T. II. p. 492. episcopus reliquisset in sua inauguratione, ut cuicumque laudatæ congregationi veller, se iungeret, placuisse sibi præ cæteris Suevicam, quia, inquit, *florētissima, quia ramos suos in viciniam monasterii mei, ultra nimirum silvam Hercyniam ad S. Petrum, & ad S. Trudpertum iam gloriosissime expandit, quia denique ex congregatione Suevica non ego modo, sed cooperatores mei monasterii assumti fuerunt, hodieque non pensatis inter*

MART. GERBERTI NIG. SILVA. T. II.

G g g

hostes

SECVLUM  
XVII.

a) T. II. p.  
288.

*hostes quotidianis vitæ periculis, animarum saluti, ac monasterii conservationi indefesse invigilant, & collaborant.* An. 1651. ut notatur, Winibaldus Ochsenhusanus & Georgius S. Trudperti abbates congregationis Suevicæ visitatores hoc quoque S. Gregorii in Alsatia monasterium visitarunt, eiusque statum in temporalibus ob diuturnas belli iniurias satis afflictum reppererunt, ac imparem nutriendis monachis, qui exacte disciplinam regularem observarent. Expertus id etiam suo in monasterio S. Trudperti est Georgius abbas, hostiumque incursum impeditus, rem collapsam restituere non valuit, incredibiles calamitates perpeffus. Senio tandem fractus, grande tamen onus deponere prohibitus, validiores quidem sibi in administratore humeros iungere voluit, at præter spem tam ineptos, ut postmodum excidio, ab insidiantibus monasterio levisitatis imminenti, opportune adhuc saltem obviare potuerit, accepto an. 1665. a Christophoro abbate Zwiefaltensi tunc temporis Suevicæ congregationis præside consilio, ut sponte sua impares iam ætate & viribus humeros periculoso oneri subduceret, hortatus Patres capitulares, ut firmum idoneumque caput sibi deligerent, veluti perhibet P. Arsenius Sulger in annal. Zwiefalt. a) additque, postulasse eos sine mora e conventu Zwiefaltensi P. Romanum Edel Selestadiensem Alsatam, id temporis præpositum apud Mochenthal, in præsulem, suffragiis canonica electione collatis 23. Octobr. quem paullo post episcopali benedictione inauguravit Zwiefaldæ Reverendissimus D. Suffraganeus Constantiensis, assistentibus DD. abbatibus Anselmo Elchlingano, & Nicolao Marchthalensi. Abeuntes vero ad suum monasterium pro restauranda disciplina dati sunt ab abbate Zwiefaltensi comites P. Bernardus in Priorem, & P. Anselmus in Fratrum moderatorem. Paucos vero post menses ad plures abierunt e conventu S. Trudperti arctioris disciplinæ insueti, unicum exaudivato abbate, ut locando novæ plantationis fundamento locus patuerit. Tam strenue vero ac infatigabiliter laboravit Romanus abbas, tamque salutariter, ut disciplina regularis, iura ac redditus monasterii restauratorem eum monasterii usque hodie conclament defunctum an. 1694. Zurzachii sub turbis bellicis apud Helvetos, ibique in ecclesia collegiata sepultum. Successorem is gentilem suum Selestadio scilicet oriundum Anselmum Sangler, antecessore suo dignissimum, habuit, quem vel ipse elegisset, virum, ut monumenta San-Trudpertina produnt, verbo & opere potentem.

Monasterium  
S. Blasii.

XXIV. Videbimus postea, ubique gentium agitatam sec. XVII. negotium, novas erigendi Congregationes in Ordine S. Benedicti. Ad audiendum



diendum etiam & videndum ineunte seculo missus est a Martino I. abbate S. Blasii ad conventus abbatum in Sueviam P. Georgius Rueffmann, quem dudum Hieronymus de Portia legatus apostolicus tanquam maxime idoneum deprædicaverat, ad instituendam reformationem monasticam, quæ in monasterio & congregatione S. Blasii eo provecta erat, ut Roma etiam consilium caperet, eidem monasteria Nigræ silvæ consociandi, dum illa interim Congregationi Suevicæ accederent, ut suis indicamus locis. Martinus vero abbas S. Blasii cum suis moderandæ disciplinæ regulari sedulo incumberebat, adhibita etiam Nicolai de Aquino nuncii apostolici auctoritate ad mitigandas nimis exasperatas ac illiberales ea in re antecessoris sui in Nuntiatura sanctiones.

San-Blasiani perinde sibi benevolentiam & existimationem episcopi Constantiensis conciliarunt, Iacobi imprimis, qui etiam aliquando agitat animo, amplecti Ordinem S. Benedicti, congregationem vero San-Blasianam ampliavit.

Nuncii apostolici Lucernensis, sedisque apostolicæ auctoritate Martinus abbas an. 1612. visitator, pacificator & reformator monasterii Murbacensis constitutus fuit, uti etiam post suus successor Blasius II. cuius apud suos opera cumprimis usus fuit, per viginti annos Prioris. Eius prima & ultima cura fuit, ut in eius vita perhibet P. Placidus Rauber, abbas postea Schwarzacensis, *efficere & habere monachos qui pii primum, deinde docti & sibi & aliis prodesse possint.* Neque solum Martinus abbas, missis omnino artium & disciplinarum magistris extraneis, ex suis habebat probe institutos omnium scientiarum professores pro suo, verum etiam pro aliis monasteriis.

Dum porro an. 1617. Marcus Sitticus archiepiscopus Salisburgensis Benedictinis curam scholarum publicarum tradidisset illius urbis, opera etiam & consilio Martini abbatis usus fuit, datis eam ob rem peculiari- bus litteris, ut cap. II. hist. Salzburg. inter alia narratur de ordinato etiam Salisburgi convictu S. Bonifacii pro studentibus fratribus, cuius primus regens an. 1618. constitutus fuit P. Martinus Steinegg monachus S. Blasii, a quo etiam primas regulas profectui pietatis & studiorum accommodatas, litteris mandatas, optimamque vivendi normam acceperunt convictores religiosi.

Postulatus deinceps fuit P. Martinus Steinegg ab Ulrico abbate Michaelburano in Priorem sui monasterii an. 1621. ac an. 1623. Salis-

SECVLVM  
XVII.

burgi ad S. Petrum, quum ibidem iam magistrum novitiorum egisset. Paulo post vero an. 1625. P. Wernerus Beckart Prior cum P. Iacobo Meyer evocatus fuit, ut monasterio in Nideraltach disciplinam San-Blasianam inferret: cuius fama etiam celebrata fuit sub Martino abb. apud Romanos pontifices Gregorium XV. & Urbanum VIII. ut ex eorum bullis, confirmatione privilegiorum, communicatione etiam amplissimorum Cassinensium palam fit, data primum an. 1624. Martino abb. ac deinceps confirmata eius successoribus.

Ex quibus proximus Martino Blasius II. apud Romanam sedem & apud summos pontifices imprimis fuit gratus, stator disciplinæ monasticæ, ut iam vidimus, sub antecessore Prior, destinatus proin cum suis successoribus Præses instituendæ Congregationis Nigrasilvanæ, vilitator item Monasterii Murbacensis & Luderensis sub Leopoldo Wilhelm Aultriaco, eorum monasteriorum administratore. Factus autem abbas in difficillima incidit tempora, bello, fame & peste in suos grassantibus, cumque ipsis profugus in Helvetia fuit; dum interea temporis Sueci an. 1634. monasterium expilarunt, anno proximo iterum ingruente peste.

Ipsè vero Blasius an. 1638. in exilio mortuus, exulem etiam in Helvetia Franciscum I. successorem accepit; qui orto an. 1655. bello Helvetico, vicem sodalibus Benedictinis Helvetis reddere potuit, susceptis profugis ex monasteriis San-Gallensi, Einsidleni, Wetingensi, Rhenaugienli imprimis, ubi ipse etiam Franciscus delituerat, antequam abbas esset.

Et vero in munere, non obstantibus bellorum turbis, in ipso exilio cum primis disciplinæ monasticæ curam gessit, digestis novis per P. Martinum Steinegg an. 1642. statutis; dumque anno sequenti respirare paululum per Suecos licuisset, mox etiam ad instauranda studia litterarum animum intendit; initiumque factum linguæ Hebraicæ ad 22. Octobr. eius anni in ephemeridibus suis P. Udalricus Schenck annotavit; compluresque tunc erant monachi San-Blasiani, qui præter alia scientiarum genera, quæ domi forisque in scholis publicis & monasteriis profitebantur, imprimis historiam patriam, monasteriique S. Blasii illustrarunt, quorum adhuc supersunt commentaria P. Anselmi Tritt, Beringeri Koffer, Benedicti Gebelii, Fridolini Burckart, Io. Baptistæ Eifelin, Udalrici Schenck, Gotfridi Arnold, qui in historia patria omnes elaborarunt sec. XVII. sub Francisco, eiusque successore Ottone, sub quo ab an.

1664.

1664. usque 1672. quietius degere musæ potuerunt, iterum sub Romano successore turbatæ bellis Gallicis; dum capto an. 1677. Friburgo Blasiani cum rebus suis in Helvetiam secesserunt.

SECVLVM  
XVII.

Anno sequenti Carolus Lotharingus, inaudito prorsus exemplo exercitum mediam per asperrimam, accessuque difficillimam Nigram silvam duxit per monasterium S. Blasii & Tottmosium, ubi eius rei etiamnum extat monumentum opere anaglypho pulcherrimo artificiosissimoque ex argento, cuius inscriptio iam in Io. Nicolai de Vogel specimine bibliothecæ Germ. Austriacæ legitur a). Romanus abbas vero iterato cum suis bello altero Gallico an. 1688. exul, quum se an. 1695. domum ægrum deportari curasset, mortuus successorem accepit Augustinum sequentis seculi delicias.

a) P. I. p.  
187.

XXV. Postulati certatim ex monasterio S. Blasii ad alia monasteria abbates cum disciplina monastica, etiam bonas litteras transplantare studuerunt.

Abbatēs e  
S. Blasii ad  
alia postulati  
monasteria.

Ex his Tobias Rösch, quum oblatum sibi rectoratum efflorescentis primum academix Salisburgensis constanti humilitate an. 1622. recusasset, anno sequenti ad monasterium Schutteranum Prior abiit una cum P. Ambrosio Dietrich professore & Wernero Bekart monachis S. Blasii, quos postea P. Placidus Rauber secutus est magister novitiorum, uti deinceps P. Franciscus Fabri sub Vincentio abbate; Tobias vero electus post mortem Ioannis abb. an. 1624. in antistitem. Mortuus is an. 1638. anno sequenti successorem habuit syncellitam San-Blasianum Benedictum Bebelium, electum a Schutteranis monachis profugis Clingnovii in Helvetia. Mortuo an. 1641. Benedicto, seu ærumnis belli Suecici brevi tempore confecto, Vincentius Hug iterum monachus S. Blasii, qui iam aliquot annis abbas in monasterio Schwarzacensi fuerat, successit, ut iam suo loco memoravimus, imprimisque Blasium Sarwey laudavimus, eiusdem loci abbatem & restauratorem.

Modo etiam mentionem iniecimus P. Placidi Rauber, quo abbate monasterium Schwarzacense, ut habet Gallia christiana b) si non opibus, b) T. V. p. regulari certe disciplina maxime floruit, ut patet ex litteris supplicibus, quas<sup>878</sup> die 6. May an. 1658. Leopoldo Guilielmo archiduci Austriæ episcopo Argentoratenſi, ut in append. Gall. christ. legitur c) obtulit. Cum laude antea Placidus munus professoris Rhetoricæ obiit in academia Salisburgensi, ultimus etiam administrator monasterii Laureacensis in Wirtembergia.

c) p. 506.

SECULUM  
XVII.

Cellæ mona-  
sterii S. Bla-  
sii.

XXVI. Dum reliquæ congregationis San - Blasianæ cellæ partim essent, ut libro superiore indicavimus, accisæ, monasterium vero ac præpositura Berovienſis an. 1638. ab ipſo milite cæsareo penitus expilata, una cella Wislikovenſis in Helveria noſtratibus toties ſec. XVII. profugis fuit perfugium & aſylum.

a) P. III. lib.  
VII. c. 11.

Tradidit quidem Ferdinandus II. an. 1629. tum titulo oneroſo cum etiam ob florentem apud S. Blaſium egregie diſciplinam monaſticam celeberrimum olim, quod modo nominavimus, monaſterium Laureacenſe in Wirtembergia, quod Fridericus cognomento Anticus de Hohenſtaufen, ab Henrico IV. renunciatus dux Sueviæ data ei in coniugem Agnete filia, an. 1102. fundavit cum coniuge ſua ac filiis Friderico & Conrado an. 1138. in Romanorum regem electo, caſtro in colle ſupra Remſiam vallem in monaſterium converſo, accitaque ex monaſterio Hirſaugienſi colonia monachorum duodecim cum Herberto, ſeu Huberto primo abbate. Memorat vero Cruſius in Annal. Suev. a) ubi hiſtoriam familiæ Hohenſtauficæ ab ovo repetit, antecellores memorati Friderici Antici in allodio ſuo Lorch collegiatam eccleſiam ſex canonicorum cum præpoſito conſtituiſſe, divino cultui ſubſervientium, pro ſuorum ſucceſſorumque defunctorum in Chriſto piarum precum commendatione ſepulturaque; quam tamen ſepulturam, poſt foundationem monaſterii, glorioſus rex Romanorum & imperator Conradus fundatoris filius, exhumatis in pago oſſibus, tranſtulit in montem an. 1140. poſt foundationem monaſterii trigefimo octavo. Proſequitur ibi Cruſius tum genealogiam Hohenſtaufiorum a primo fundatore uſque ad ultimum huius ſtirpis, cum etiam poſtea (p. 442.) ſingillatim, quo ordine & quot corpora regum & ducum Sueviæ in monaſterio Lorch ſepulta ſunt. Idem vero, lib. XII. c. 35. iter ſuum, quod Hohenſtaufam & Lorcham an. 1588. inſtituit, poſtquam iam dudum profanatum fuerat monaſterium, deſcribens, *ſperabam me, inquit, adhuc aliquid picti ibi viſurum: ut aquilam Romanam, aut inſignia ducum Sueviæ: at hæc olim fuerunt: nunc præter nudos muros & turres, tegulis & lignis carentes, nihil erat viſendum. Bone Deus, tantumne ſplendorem potentiffimorum principum ac monarcharum ad tam cadaverolum adſpectum recidiſſe &c.*

Accepit, ut diximus, an. 1629. monaſterium hoc, ritu catholico reſtituendum, Blaſius II. abbas S. Blaſii, annoque ſequenti ſubditi Laureacenſes numero ſeptingenti homagium præſtiterunt, facta immiſſione in temporalia monaſterii iura die 30. Auguſti coram delegatis Ioannis episco-



episcopi Constantiensis, ac Ioannis Eucharii principis & abbatis Campidunensis, Carolo Lud. comite de Sulz & Ulrico de Stozingen, qui a S. C. maiestate commissarii erant constituti. Octavo dein Decembris accessit Blasius abbas, festivis acclamationibus exceptus a subditis.

SECVLUM  
XVII.

Primus ab eo administrator constitutus est P. Fridericus Koler, tunc temporis S. Blasii Prior. Successit ei an. 1639. P. Vincentius Haug, & huic an. 1641. ad abbatiam Schutteranam evocato 10. Dec. P. Bernardus Brugel usque ad an. 1644. Exinde ultimus, quem memoravimus, P. Placidus Rauber, postea abbas Schwarzacensis, provinciam istam subiit.

Franciscus I. abbas Blasio succedens an. 1638. an. 1640. a Ferdinando III. regalia monasterii Lorchenensis accepit die 23. Febr. homagium vero a subditis an. 1644. 4. Aug. Per pacem tamen Westphalicam an. 1648. Laureacum denuo in manus ducum Wirtembergiae devenit.

XXVII. Sic igitur filia periit cum matre Hirsaugia, cuius monasterii sec. XVI. ultimum regularem Bucelinus in Germania sacra Ludovicum abbatem obiisse an. 1560. testatur a) & ex Crusio Besoldus an. 1560. b) a) *T. I. P. II. p. 46.*  
 mense Augusto Henricum Weickersreuterum primum Hirsaviae Augustanae confessionis praelatum fuisse factum, quod non satis attenderunt auctores Galliae christianae c), dum hunc Henricum IV. veluti legitimum coadiutorem Ludovici Velderer, & post mortem successorem ponunt, veluti omissum a Bucelino, quem caeteroquin secuti testantur, Andream Geist a Wildeck ex Priore Imperialis monasterii Weingartensis, postquam septuaginta fere annis Hirsaugia pastore viduata fuit, electum, rexisse ad an. 1629. quo purissimam animam exhalavit ipso anno, quo a Ferdinando II. imp. imperata est restitutio monasteriorum in Wirtembergia, effectui data, dum a caesare fuit occupata. At vero tunc non statim possessionem Hirsaugiensis monasterii apprehendit Congregatio Suevica, quam rem unice spectasse, & a suis incunabulis repetiisse dicendus est Bucelinus, dum Andream Geist sistit ad an. 1629. Neutiquam vero ad eum annum referre censendus est, quod addit, eum sancte obiisse, quippe qui primum agente Emerico Stadeni abb. procuratore Congreg. Bursfeldensis electus est in abbatem Hirsaugiensem post mortem Io. Adolphi de Hohenegg, Fuldensis professi, qui an. 1631. 30. Sept. ab episcopo Spirensi nominatus abbas Hirsaugiensis, factus postea princeps & abbas Fuldensis, censebatur ob incompatibilitatem deseruisse abbatiam Hirsaugiensem, mortuus in S. Gallo eodem an. 1635. quo electus est Andreas Geist

Hirsaugia.  
 a) *T. I. P. II. p. 46.*  
 b) *Docum. rediv. T. I. p. 386.*  
 c) *T. V. p. 774.*

SECVLVM  
XVII.

Geist infcio suo abbate, & renitente Congreg. Suevica, uti postea de congregationibus Benedictinis agendo dicemus, bona quidem fide & animo ab abbate Stadenſi adductus, ac si iura congregationis potius firmarentur, quam læderentur; secus ac primum res a Congreg. Suevica accipiebatur.

De viro hoc nihil sinistre cogitare finit elogium eius apud P. Gerardum Hefs in Prodromo monum. Guelph. a) quod accepit a P. Bucelino in Ara funebri, quam posuit, *piis manibus religiosissima memoria Patrum & Fratrum*, quorum, ait, ab anno Christi 1612. quo cœnobium sum ingressus, contubernio atque consortio adlegi & perfrui indignus merui: qui ab oculis quidem meis abrepti, cordi nihilominus profundissime insculptam nominis sui ac virtutis tam charam atque iucundam memoriam reliquere. Ibi igitur loco 29. celebratur Reverendissimus in Christo Pater ac dominus Andreas Geist a Wildegg abbas Hirsaugiensis ... ex Priore Veldkirchensi Weingartensis, inde administrator Hirsaugiensis, abbas denique primus post restitutionem sanctissimi eiusdem monasterii esse meruit A. C. 1635. 15. May, consecratus Novemb. e. a. non sine singulari cœnobii nostri ornamento, tanto post similis olim multoties accepta gratia gratiam referentis, & vere dignum antistitem eidem concedentis: cuius a pæro vita talis fuerit, ut a condiscipulis Sanctulus, ab ipsis demum heterodoxis restitutionem monasteriorum ægerrime ferentibus, etiam vulgari appellatione bonus abbas, a multis aliis vir sanctus diceretur. Fuit digno nomine suo vere spiritualis, rigidus sui corporis tortor, meditationis studio addictissimus, disciplina monastica zelator strenuus, verus pauperum pater, ut si non ipsissima miracula, miraculis tamen proxima de ipsius liberalitate exhaustissimis cœnobii rebus, celebrentur. Transiit ad meliorem vitam singulare Ordinis ornamentum A. C. 1637. 28. Aprilis, Hirsaugia ad pedes S. Wilbelmi sepultus, quum omnia Wirtembergia cœnobia multis modis demeruiſſet, nullis sumptibus pro honore Ordinis peperciſſet, ab ipsis acatholicis haud leviter deploratus.

b) T. I. P. II.  
p. 46.

c) p. 462

Unde palam fit, annum 1629. apud eundem Bucelinum b) fallere ex omni parte, quo Andreas apud eundem P. Hefs cum aliis Rottwilam abiisse perhibetur c) propter restitutionem monasterii Reichenbacensis, tunc Prior Weingartensis, prout adhuc apud eundem vocatur an. 1631. 12. Aug. P. Andreas Geist Prior noster rediit Hirsaugiam. Et mox: 18. Octobris venit hic ex Hirschau R. P. Andreas Geist ibidem administrator & Prior nostri Weingartensis monasterii, 19. Octobr. rediit. Vigesima quarta Novemb. rediit ex Hirsaugia P. Maurus Baldung &c. Anno 1632. 10. Ian. venit

huc

*buc ex Hirsaugia P. Christophorus Hamerer. Undecima Ian. Hirsaugiam profecti sunt R. P. Andreas Geist Prior noster & administrator Hirsaugiensis cum P. Francisco Tritt. Vigesima prima Ian. redierunt ad nos ex Hirsaugiensi monasterio ab acatholicis Wirtembergicis per vim expulsi P. Hieronymus Rainolt, P. Casparus Frowis, P. Franciscus Tritt. Rebus postea aliquamdiu faventibus Andreas abbas factus, post mortem ex eodem Weingartenensi monasterio successorem habuit Wunibaldum, de quo Bucelinus in Germania S. a) Patrocinio, inquit, se tot cœlitum, a) L. c. qui nempe in florentissimo illo monasterio Deo servientes cœlum commeruerunt, se solatur, dum Numini placeat, suæ etiam in terris consulere hereditati, & erigere humiliatos, qui sacrosanctam in omnibus operibus eius benedicunt manum & exosculantur. An, 1648. & ultra dimidium anni sequentis Adelbertus Ebinger, professus quoque Imperialis monasterii Weingartenensis, tunc temporis cellarius magnus, nomine abbatis sui Wunibaldi decertavit pro possessione monasterii Hirsaugiensis, ut ex eius relatione suæ expulsionis palam fit. Fuit Wunibaldus Zürcher creatus post mortem Andreæ abbas Hirsaugiensis 5. May 1637. in Blumenegg, quo, posteaquam Wirtembergia pulsus est, secessit. Obiit 18. Octobr. an. 1664.*

Extat ad calcem tomi secundi Annalium Zwifuldensium P. Arsenii Sulger b) mantissa de sacri corporis Divi Aurelii (qui in manibus S. Ambrosii Mediolani memoratur exspirasse; a Notingo autem episcopo Vercelleni eius corpus in Germaniam Erlafrido patri, comiti de Calwa allatum, locum foundationi monasterii dedit, ut suo loco indicavimus) Zwifuldam adventu &c. quod nimirum sacrum corpus post extinctionem asceterii Hirsaugiensis in hæreticorum primum potestatem, inde vero in manus Eitelii Friderici principis Hechingani devenerit ex sacello comitum de Zimmern, eoque a comite Wilhelmo Wernero de Herrenzimmern, qui illud a duce Wirtembergiæ Ulrico obtinuerit: substituisse autem non diu sacrum pignus in arce Zimmerana, duabus horis Rottwila distante, sede olim avita comitum de Zimmern; sed inde cum filia aut nepte dicti comitis, quæ comiti Zollerano nupsit, Hechingam, regiam principum de Hohenzollern, commigrasse, ex eorumque dono monasterio Zwifuldensi celsisse an. 1690. ut in memorata mantissa res pluribus enarratur.

In dubium vocari visa est non solum corporis S. Aurelii translatio in Germaniam, verum etiam eius adventus cum reliquiis S. Dionysii

SECVLUM  
XVII.

a) T. III. p.  
177.

Mediolanum, unde ex suo sepulcro, in ecclesia S. Dionysii, translatus fuerit Vercellas, facta donatione Nottingo episcopo Vercellensi ab archiepiscopo Mediolanensi, ut narrat Trithemius. Dubium movit charta an. 1023. quam præfert Giulini *Memor. di Milano* a) hoc initio: *Ego Aribertus Ambrosiana ecclesiæ archiepiscopus . . . ecclesiam in qua beatissimorum confessorum Dionysii & Aurelii sacra corpora requiescunt . . . ordinare disposui monasterium.* Eo autem tandem res, quod translationem in Germaniam attinet, recidit, quo variæ huiusmodi dubiæ translationes E. g. S. Marci evang. Venetiis ad monasterium Augiæ divitis, S. Dionysii ep. Parisiensis e monasterio S. Dionysii prope Parisios ad monasterium S. Emerami Ratisbonæ, SS. Gervasii & Protasii MM. Mediolano ad vicinam nobis urbem Brisacensem &c. conciliari possunt, ut pars saltem, si non integra corpora, translata fuisse dicantur. Refert quidem laudatus Giulini translationem corporum SS. Dionysii & Aurelii ex ecclesia S. Dionysii Mediolani factam an. 1538. ad ecclesiam Metropolitanam ex chartis Mss. Francisci Castelli, qui præsens fuit tanquam Ordinarius ipsi huic functioni.

*Di cui, verba Giulini recito, ci ha conservata distinta memoria Francesco Castelli ne' suoi preziosi manoscritti, il quale fu presente come Ordinario ch'egli era a tutta la funzione. Per questi argomenti non mi parve allora di dover dar ascolto all' abbate Tritemio: pure avendo poi osservato, quanto racconta il nostro diligentissimo Bescope in quel pezzo, che ci ha lasciato della storia ecclesiastica Milanese; ho veduto ch' essendosi egli stesso portato a visitare nel Duomo il corpo di sant' Aurelio, non vi trovò che il capo, ed alcune altre Reliquie; per la qual cosa ei fu di parere, che il restante sia stato veramente donato a Nottingo vescovo di Vercelli, e trasportato in Germania, come il Tritemio racconta &c.*

PP. Congreg. S. Mauri in vita S. Basilii T. III. opp. præmissa c. 32. ad ep. 197. b) respicientes, quam S. Basilii ad S. Ambrosium dedit per clericos missos ab Ambrosio ad S. Dionysii ep. Mediol. corpus reportandum: *Huius urbis episcopus Aurelius, aiunt, prout Dionysius moriens rogaverat, illius corpus Mediolanum ad Ambrosium episcopum retulit; ibique post tres annos ipso S. Dionysii anniversario die mortuus, prope eundem a S. Ambrosio sepultus dicitur. Simplicius multo ac verius Ufuardus & Ado S. Dionysium in Cappadocia mortuum esse tradunt, eiusque corpus Ambrosio Basilium reddidisse. Utris momentis fides adhibenda sit, ambigere vetat epistola Basilii ad Ambrosium. S. Ambrosius nimirum ex suo clero miserat in Cappadociam ad S. Basilium, ut sibi corpus S. Dionysii,*

in



in exilio defuncti ibidem, episcopi Mediolanensis reddi coraret. Factum <sup>Secul. VII</sup> id non multo post S. Ambrosii electionem a), quam ipsumque S. Am- <sup>XVII.</sup> brosius miris extollit laudibus. Tum ad rem b): *Tuus autem, pergit, in beatissimum Dionysium episcopum ardor animi omnem de te erga Domi-* <sup>a) Ep. 197.</sup> *num amorem, reverentiam in antecessores, & studium fidei testatur.* <sup>b) Ep. 197.</sup> *Animi enim erga fideles conservos affectio refertur ad Dominum, cui ser-* <sup>n. 2. T. II.</sup> *vierunt; & quisquis eos, qui pro fide decertarunt, honorat, eodem se* <sup>p. 298.</sup> *fidei ardore accendi ostendit, ita ut una eademque actio multiplicis virtutis testimonium habeat.* Deinceps missos a S. Ambrosio clericos laudat, quod omni constantia fidelibus beati corporis custodibus persuasissent, ut ipsis suæ ipsorum vitæ præsidium concederent. Noveris autem, pergit, nunquam futurum fuisse, ut principatus aut hominum potestates vim hominibus illis afferre possent, nisi horum fratrum animi firmitas eos flexisset, ut cederent. Contulit autem plurimam ad optatam rem consiciendam & carissimi ac religiosissimi filii nostri Therasii compresbyteri præsentia, qui laboribus itineris susceptis vehementiorem fidelium illius loci impetum compressit, & quum oratione sua reluctantes flexisset, coram presbyteris, diaconis, multisque aliis Deum timentibus sublatas cum debita reverentia reliquias fratribus servavit, quas vos tanto cum gaudio suscipite, quanto cum mærore prosequuti sunt illarum custodes. Nemo dubitet, nemo ambigat: hic ille est invictus Athleta. Ossa illa novit Dominus, quæ unacum beata animæ dimicarunt... Una arca erat, quæ venerandum illud corpus excepit; nullus prope ipsum iacuit: insigne fuit sepulcrum: martyris honor ei delatus. Christiani, qui ipsum hospitio exceperant, tunc & suis manibus deposuerunt, & nunc extulerunt.

XXVIII, Progredimur ad filiam monasterii Hirsaugiensis Reichen- <sup>Cella mona-</sup> bacum, cellam seu prioratum, modo a marchionibus Badensibus, co- <sup>sterii Hirsau-</sup> mitatus Ebersteinensis dominis, modo a ducibus Wirtembergiæ, utrimque inter se litigantibus ad hodiernum usque diem, infestatum occupatumque.

Higelius Prior ultimus an. 1595. a Friderico duce Wirtembergiæ expulsus, accepto a marchione salvo conductu, a Rudolpho II. imp. mandatum obtinuit, ut Reichenbacenses in integrum restituerentur, paullo post mortuus: superantque ineunte sec. XVII. tres tantum monachi Georgius Hopp, parochus postea in Salltetten, Stephanus Fauler, & Job Zipfel, qui an. 1603. stipulata certa per aversum pecunia, discesserunt; postquam iam dux Wirtembergicus, ut possessionem sibi

SECVLUM  
XVII.

firmaret, Ebersteinensium iurium in Reichenbacum partem an. 1602. emerat, monasteriumque usque ad edictum Ferdinandi II. an. 1629. retinuit; partem tamen proventuum Reichenbacensium, sitam in terris Aultriacis, quam Andreas ab Austria episcopus Constantiensis vindicaverat, sub curatore tunc Mathia Eberhard cive Horbenfi, a Iacobo episc. Constantiensi an. 1612. confirmato, etiam Higelii successores retinuerunt, confirmante Paulo V. P.: res vero, quas idem Io. Higelius Prior in monasterio Gengenbacensi deposuerat, ineunte sec. XVII. Io. Georgius episc. Constantiensis per Abrahamum Mirgel curiæ Constantiensis advocatum ad solvenda debita, a prædicto Priore exulante contracta, vendi iussit, præsentibus Io. Ludovico abbate & Sebastiano Griningero Priore Gengenbacensibus,

Solemnis iuxta edictum Ferdinandum restitutio facta est per Carolum Lud. Ernestum ex comitibus de Sulz & Conradum Hildebrand iurium doctorem ac consiliarium Imperialem aulicum, accito P. Benedicto Rauch monacho Wiblingensi, cui tunc Priori monasterii S. Georgii, tanquam administratori a cæsare constituto, homagium præstare iussi sunt Reichenbacenses. Res prout gesta est, articulatim enarratur apud a) p. 462. &c. sæpe laudatum P. Gerard. Hefs in Prodro-mo monum. Guelph. a) ex diario coævo P. Gregorii Knaus, monachi Weingartensis, ex quo paullo ante retulimus, eius rei causa an. 1629. Rottwilam profectum P. Andream Geist, Priorem Weingartensem, cui socius erat P. Caspar Kraus ex Ochsenhausen &c. Ex parte episcopi Constantiensis aderat Io. Ant. Tritt suffraganeus, a quo eodem adhuc vespere 4. Aprilis, quo Reichenbacum perventum fuit cum 40. equis plus minus, *quatuor campanæ sunt benedictæ, amota insuper subsellia more lutherano substructa, mensa item cœnæ lutheranæ profana.* Quinto Aprilis ab eodem reconciliatum templum, ara summa benedicta cum duobus calicibus. Tum compulsatis campanis *Te Deum laudamus* cantatum, & a. D. suffraganeo, reliquisque PP. Benedictinis sacris operatum fuit, inspectantibus magno cum silentio, attentione ac stupore subditis. Deinde iuramentum fidelitatis petatum & præstitum &c. Hæc aliaque P. Gregorius Knaus, qui subdit descriptionem loci, ac ditionis monasterii, quod dimidia diæta ab Alberspacensi distat.

Wirtembergenses milites, faventibus Suecis victoribus, an. 1632. irruentes in monasterium, monachos effugarunt, atque inter hos P. Albertum Gebhard multis annis Superiorem in Reichenbach, Horbæ an. 1646.

1646. mortuum, ac sepultum apud PP. Franciscanos, uti Templum Honoris monasterii Wiblingensis nos edocet a), sequentibus adiectis verbis de corpore eius postea incorrupto invento:

SECULUM  
XVII.

a) p. 116.

Expulit Albertum dilecto *Divite Rivo*

Hostis, & indignum credidit esse soli.

Errasti, quia terra timet corrumpere corpus;

Hinc Horbæ intactum mansit, ut ante fuit.

P. Benedictus vero administrator, a Reichenbaco expulsus, quum, Patribus suis conventualibus Horbam præmissis, varias mutasset sedes per Helvetiam, Brisgoiam ac Nigram silvam, an 1635. Wiblingam rediens, mortuo ex pectate Ioanne abbate Wiblingensi, eius successor eligitur die 17. Iulii, qui tamen sua adhuc manu ultima Septembris, Horbæ rebus Reichenbacensibus ordinatis, se scripsit Fr. Benedictum administratorem in Reichenbach, curamque eius monasterii non dimisit, datis interim vicibus administratoris P. Alberto, quem modo laudavimus, atque curam œconomiae P. Iacobo Werz. His, dum an. 1642. a Maximiliano electore Bavariae exercitum ducente vicarius generalis campestris expeteretur, regulas quasdam in absentia sua servandas scripto reliquit; in causis vero arduis ab Hirsaugiensis vel Weingartenensis monasterii abbatibus consilia expectare iubet. Alberto, ut diximus, an. 1646. mortuo, munus Superioris & vices administratoris impositæ sunt P. Ernesto Fabri, qui qualem se gesserit, dum per pacem Westphalicam cedendum fuit, laudatum Templum honoris docet. Coactus is e monasterio cum adiunctis fratribus se in festo Conversionis S. Pauli an. 1649. Horbam recepit, prout rem ipse in litteris ad Benedictum abbatem suum & administratorem Reichenbacensem perscripsit.

In instrumento confirmationis monasteriorum, in Wirtembergia tunc restitutorum a Ferdinando III. an. 1634. factæ congreg. Suevicæ, etiam notatur Murhardtum altera Hirsaugiæ filia, quam tamen in diœcesi Herbipolensi urgendam haud existimarunt Patres conscripti huius congregationis, uti etiam Munchenroth in diœcesi Augustana, quod monasterium cum Schönbuch ceu appertinentia ad monasterium Hirsaugienſe alicubi inter restituenda réperi notata.

XXIX. Fuit etiam olim colonia monasterii Hirsaugiensis Gottesau-  
gia, quod an. 1525. bello rustico in cineres redactum, scriptores rerum  
Badensium tradunt, fuisse an. 1552. a Carolo II. marchione Badensi ad

Monasterium  
Gottesavien-  
ſe.

SECVLVM  
XVII.

2) *T. II. hist.*  
*Bad. p. 115.*  
218.

suos iterum usus restauratum; Ernestum Fridericum vero maiorem adiecisse amplitudinem ac splendorem, quem mortuum sistit Schoepffinus an. 1604. a) testaturque, novum ibi extruxisse palatium amœnum & elegans, in quo sæpe versatus fuerit, an. 1689. flammis bellicis absumptum.

Dum antea commemorasset Schoepffinus monasteria, sub Carolo II. Pforzhemenfi seculo addicta circa medium sec. XVI. notat Godesavienfes monachos plures ad monasterium Ochsenhusanum transisse, atque ad Fr. Petri Sueviam eccles. provocat, qui ex P. Romani Hay Horto Crusiano (f. 566.) memorat, Gottesaugiam cum pluribus aliis Germaniæ monasteriis ex edicto Ferdinandi II. an. 1630. fuisse restitutum.

Missus est illuc a Congregatione Suevica Ord. S. Benedicti an. 1635 P. Benedictus Eifenschmid monachus Ochsenhusanus, qui nomine dictæ congregationis monasterii possessionem arriperet, atque administrationem tam in spiritualibus quam & in temporalibus capesseret, qui se per multas demum ambages ibidem advenisse testatur in litteris ad abbatem suum Wunibaldum, esseque in loco amœnissimo regale palatium, extra opus perfectum, intus vero imperfectum, domumque se reperisse omnino vacuum. De arrepta ab eo possessione Rudolphus Bocke, cæsareus commissarius bellicus, memorato abbati Wunibaldo instrumentum publicum transmisit cum notario & testibus; dum vero eidem P. Benedicto præsentatio, ut vocant, pro dignitate abbatiali eius monasterii destinaretur a suo abbate, is se vehementer excusat; missa tamen eidem postea est, uti etiam P. Andreæ Geist pro monasterio Hirsaugiensi a præside congregationis Francisco abbate Weingartenfi ad officium prioratus illis in monasteriis. Extant vero litteræ abbatis Wunibaldi in Ochsenhusen inscriptæ P. Benedicto Priori Ochsenhusano & administratori in Gottesau *fratri & filio dilecto*. Ultimæ ipsius Benedicti litteræ 17. Sept. an. 1640. scriptæ sunt Durlaci, quibus periculum monasteriis instans significat, nisi ab iis, quorum interest, auxilium præsentaneum præstetur. Addit tamen, monasterium Gottesaviense minus habere, quod conqueratur, quum Badenses in quibusvis casibus mitioris sint consilii, quam Wirtembergici. Rediens post pacem Westphalicam ad suum monasterium P. Benedictus Eifenschmid, Thanhemil an. 1668. defunctus est. De aliis rebus inter congregationem Bursfeldensem & Suevicam circa monasteria Hirsaugiense, Alperspacense & Gottesaugiense aditatis. dicemus infra suo loco.



XXX. Monasterium S. Georgii sec. XVII. tres abbates habuit unius SECULUM  
XVII.  
familiae Geisserianae, uniusque natalis soli ex Ingoldingen (qui Sueviae vi-  
cus ad ipsam ditionem monasterii S. Georgii pertinet) viros incompa-  
rabiles, unum veluti per gradus altero praestantiorē. Monasterium  
S. Georgii.

Ex his prior Michael I. an. 1595. abbas, renunciante abbatiae Blasio Schönlin Villingano, est salutatus, antecessorem vero uno tantum anno supervixit iuxta Ephemerides San-Georgianas, qui Blasium post abdicatam abbatiam an. 1595. Andlavii in Alsatia parochum ad annum usque 1605. sistunt; dum in necrologio Amptenhusano eidem annum 1600. assignatum lego his verbis: *Blasius Schönlin olim noster abbas, deinde parochus in Andlau 1600.* Quod de suscepto munere parochi intellexerim: siquidem is resignando abbatiam mundo valedixisse dicitur, & quidem nemini suo tempore animi corporisque vigore, & rerum gerendarum dexteritate secundus; qua tamen eius successor Michael Geisser inferior haud fuit, quippe qui causam monasterii sui ad S. Georgium, unde religionis causa expulsi sunt sui antecessores, in Imperiali camera Spirensi ita post Blasium est prosecutus, ut biennio post super sententia definitiva conclusum sit, pro qua maturanda & ferenda Maximilianus archidux Austriae ad episcopum Spirensē, tanquam iudicem caesareum cameralem an. 1603. promotoriales dedit, iteratas deinde sub eius successore Martino Starck altero regiminis suscepti an. 1607. Melchiori Haug, cui an. 1615. Martinus abbatiam resignavit, archidux Leopoldus alias promotoriales concessit, quibus deinde interventu Iacobi episc. Constantiensis Ferdinandus II. suas adiecit, quae 10. Martii an. 1627. in pleno camerae iudicio perlectae sunt, easdemque eodem adhuc anno mortuo Melchiore, urgente Georgio II. Geisser eius successore, intercedente Wernero episc. Constant. repetiit, iterumque anno sequenti, supplicante caesari Ioanne episc. Constantensi. Quin & ipse summus pontifex Urbanus VIII. iudicem camerae pro expedienda definitiva monuerat. Quae demum sententia pro monasterio S. Georgii contra ducem Wirtembergiae, post restitutorium Ferdinandi II. imp. edictum an. 1629. lata per rescriptum caesareum, quod edimus, Ludovico Friderico duci Wirtembergiae insinuata fuit.

Negotium monasteriorum in Wirtembergia restituendorum qui acceperunt a Ferdinando II. imp. Ioannes episc. Constantiensis, & Ioannes Eucharis abbas princeps Campidonensis, comes Carol. Lud. Ern. de Sulz & Hippolitus a Stotzingen, simul convenire statuerunt in Villingen.

SECVLUM  
XVII.

a) Prodrum.  
monum. Guel.  
p. 465. &c.

lingen, quo etiam abbates, qui monasteriorum restitutionem petierant, venirent, ut apud P. Gerardum Hefs sæpe laudatum memoratur a). Reverendissimus ergo, inquit, D. Bartholomæus abbas Ochsenbusanus cum P. Mauro Baldung Weingartense & D. Maximiliano Müller & aliis decima nona Augusti ex Ochsenhausen profectus die vicesima prima, hora 2<sup>da</sup>. pomeridiana venit Villingam. Illi & alii presentes quum intellexissent, reverendissimos & illustrissimos principes commissarios adventare, una cum reverendissimo D. abbate e S. Blasio & reverendissimo D. abbate S. Georgii, & nobili ac generoso Dom. a Stotzingen eis obviam profecti sunt. Una hora & dimidia a civitate Villinga excepti sunt uterque princeps a D. abbate S. Georgii. Proxime Villingam ubi ventum, reverendissimi & illustrissimi principes a clero & magistratu Villingano excepti, sub umbella in templum parochiale sunt deducti, ibique cantatum Te Deum laudamus. Vigesima secunda Aug. Villingam venerunt Wirtembergici legati nobilis D. de Helmstetten & D. doctor Ieger, petieruntque in diem sequentem dilationem pro sua declaratione, qua obtenta, domum ad ducem rediere. Sequenti die scriptum ex monasterio S. Georgii a Wirtembergicis, cesareanos commissarios non fore admittendos, & per consequens restitutionem monasteriorum eventum nullum habituram. Petierunt nibilominus denuo Wirtembergici dilationem usque ad vigesimam septimam Augusti, quam etiam obtinuerunt, ea tamen conditione, ut Wirtembergici sumtus, qui interea temporis fierent, persolverent. Vigesima septima Augusti domini commissarii alique domini presentes praelati Villinga cum centum & octoginta equis profecti sunt ad monasterium S. Georgii restituendum, sed portis obseratis a præsidiariis militibus ducis Wirtembergici, admissi non fuerunt. Ita negotium restitutionis dissipatum est: nam reverendissimus & illustrissimus princeps episcopus Constantiensis profectus est in Rosenegg, comes de Sulz ad sua, & alii paulatim domum. Praefectus aula comitis de Sulz missus fuit ad imperatorem, negotium omne eidem significaturus. Fuit demum an. 1630. a cæsareis commissariis Georgius abbas monasterio suo inmissus 2. Sept. ac sequenti die homagium a subditis accepit. Sed an. 1632. Wirtembergici, explorata Georgii absentia, eiectis religiosis, monasterium iterum occupaverunt, quod postea an. 1633. a præsidiariis Villinganis, colonello Aescherro, exustum, tandem an. 1634. post proelium Nordlinganum restitutum fuit, ut apud Buce linum hæc leguntur sub Georgio abb. qui an. 1640. a Ferdinando III. ad comitia Imperialia Ratisbonam citatus comparuit, & ad propositionem, non attenta protestatione Wirtembergica, admissus, insuper secunda

cunda vice, sessionem in senatu principum, ad quem abbates spectant, habuit.

SECVLUM  
XVII.

Sed vi pacis Westphalicæ tandem an. 1649. in perpetuum proscriptus, veluti in exilium Villingam concessit, unde oriundi fuerunt proximi eius successores Michael Kederer, qui Georgio successit an. 1655. huic vero Ioannes Franciscus Scherer an. 1661. qui monasterio cum ecclesia a fundamentis extructo, Villingæ firmavit sedem.

Est mihi præ manibus eius epistola, qua an. 1668. Francisco Egoni Furstenbergico episc. Argentoratensi reditum gratulatus, in signum observantiæ breviusculam chronotaxin vitæ & gestorum B. Conradi cardinalis de Urach & B. Eginonis eiusdem stirpis, cuius est & Furstenbergica, ut suo loco ostendimus, obtulit; memoratque habere se porro in documentis monasterii sui alia nonnulla, quibus eiusdem illustrissimæ stirpis Furstenbergicæ origo & successio sparsim contineatur, contra aliquorum auctorum opiniones, qui chronologiam minus accuratam contexuere, quæ colligere ac in lucem forte proferre promittit.

Ni fallor autem, epistola illa autographa manu Georgii eius successoris exarata est. Utrumque laudat in itinere suo Germanico I. Mabillonius, historiæ suæ studiosissimum Ioannem abbatem septuagenarium, imprimis vero Priorem tunc, postea, ut mox videbimus, successorem Georgium III. studiorum suorum fautorem singularem, a quibus omni humanitatis & charitatis officio cum Michaelle Germano socio fuit exceptus. *O qui amplexus, exclamat, & gaudia quanta fuere! Postridie, dum abitum paramus, dum optimus abbas in procumbentium colla ruit, ille sacculum nummis plenum in manus meas iniecit, multum obtestatus, suo ut de paupere censu tantillum hoc in viatici supplementum acciperemus. Ego vero quasi recepta bruma, protinus manum excutens, gratiis dictis, quum ille donum urgere perseveraret, & nos, inquam, omnium hominum ignavissimos, si tam liberaliter a vobis excepti, etiam pecuniam hanc, nullius indigi reciperemus. Abbas contra instare ardentius, favente Geissero, sed tandem illi cedere coacti, nos haud sine lacrymis dimiserunt.*

Est, quem Geiserum nominat, tertius ille eiusdem familiæ, quam laudavimus, abbas incomparabilis Georgius III. cui idem Mabillonius in præfat. T. I. Annal. primas se debere profitetur inter eos, a quibus in condendis Annalibus adiutus sit; passimque vocat virum doctum, eruditum, vere pium: amicum sibi optimum, longe gratissimum, & fa-

SECVLUM  
XVII.

a) P. III.  
Dissert. VI.  
p. 463.

b) P. III.  
p. 406.

milliarem, studiorum suorum fautorem singularem &c. ut iam P. Felix Egger in Idea Ordinis hierarchico-Benedictini a) annotavit, affertque litteras funerales RR. PP. Villinganorum, elogium abbatis sui Georgii complectentes, elogium porro P. Arsenii Sulger in Annal. Zwifuld. catalogum item opusculorum typis vulgatorum: qui etiam apud P. Ziegelbaur extat in hist. lit. O. S. B. b) tum vero, quæ de eodem Theod. Ruinartus in vita Mabillonii habet in comparatione ipsius magni Mabillonii: *Ambo, inquit, Mabillonius & Geisserus, ut amore, ita & ingenio pares erant &c.* Notatur quoque in dandis consiliis prudentiæ singularis fuisse, quibus tum præcipue card. Sfondrati in gravissimis negotiis usus fuerit, quum alii viri primarii, principes & magnates, abbates etiam Congregationis Suevicæ, cui se Melchior abbas adiunxerat, eum ad Philippum Wilhelmum comitem Palatinum, restituendorum monasteriorum causa, ablegaverant, electorque non sine admiratione & stupore suspiciens, in hæc verba, teste illustrissimo principe Frobenio, ex Landgraviis Furstenbergicis de Möskirch, præsentem prorupit: *Quam magnus & mirabilis Deus in creaturis suis, qui in parvum adeo corpusculum tantam eloquentiam, & doctrinam cum summa humilitate & pietate coniunctam infudit.* Is an. 1690. morte, magno etiam principum luctu, abreptus, virtutis splendore tota Germania clarus, deque nostra Congregatione (sunt verba laudati mox Ruinarti) *perinde ac de toto Ordine præclare meritis* successorem habuit Michaellem Glücker Rottwilanum, qui facilitate morum ac lepore seculi nostri XVIII. præbuit se oblectamentum.

Alperspacen-  
se.

XXXI. In Msc. chronico Wirtembergico Ioanni Luzion memorantur abbates lutherani (quandoque etiam eorum uxores) de monasterio S. Georgii & Alperspacensi in Nigra silva inde a medio seculo XVI. usque ad adolescens XVII. quousque chronicon suum producit, ultimumque Alperspacensem ponit ad an. 1610. M. Alexandrum Walfahrt. In actis Congregationum Bursfeldensis & Suevicæ occurrit Casparus abbas Alperspacensis, qui præsens fuit comitiis Benedictinis omnium Congregationum eiusdem Ordinis per Germaniam indictis ad an. 1631. postea vero sese opposuit transactioni inter abbates Weingartensem, præsidem Congregationis Suevicæ, & abbatem Stadiensem, præsidem Bursfeldensis Congregationis an. 1635. factæ; consuluit vero Alperspacensis Congregationi Suevicæ, ut præcise incorporationis cæsareæ decreto inhæreat. Petierat an. 1630. libello supplici a Ferdinando imperatore restitutionem monasteriorum in Alperspach, Blaubeuren, Hirschau cum filiabus



filialibus Reichenbach, Gottesau & Murhardt; obtinuitque an. 1634. SECVLUM XVII. decretum confirmationis tutelæque cæsareæ a Ferdinando III. super dicta monasteria, ex quibus Congregatio Bursfeldensis Alperspacense, Hirsaugienſe & Gottesaviense, sibi antea unita, repetebat, ut suo loco infra videbimus. Notatur in Gallia christiana a) Alphonſus Kleinhaus Veltkyrchenſis, ex abbate Alperspacenſi electus Ochſenhuſanus die 23. Febr. an. 1658. a) T. V. p. 1065.

XXXII. Monasterium S. Petri in Nigra ſilva, ſi primani ſuam Wihlhemii in Wirtembergia ſervasset ſedem, eadem ſubiſſet cum recensitis modo ducatus Wirtembergici cœnobiis fata, nunc vero floret eluctatum ex cineribus, in quos ſec. XVII. non ſemel fuit redactum. Ad finem ſec. XVI. Clemens VIII. P. ſub Michaelē Stöcklin Binsdorfenſi, abbate S. Petri, ad reſarcienda maxima damna, quæ fuerat tempore innovatæ religionis perpeſſum monaſterium, eidem univit præpoſituram Seldenſem, olim congregationis Cluniacenſis aſceterium virginum; monaſterium autem S. Udalrici virorum S. Petro iam circa medium ſec. XVI. coniunctum fuit, an. 1611. in cineres redactum ſub Ioanne VII. abbate, cpi an. 1609. Ioannes Iacobus Pfeiffer Rottwillanus libere reſignando, abbatiam ceſſit, quam an. 1601. regendam ſuſceperat poſt mortem Michaelis, cuius antecēſſor Gallus Vögelin reſignatus item abbas demum an. 1604. mortuus fuit. Ioannes VII. etiam, bonus quidem religioſus, œconomiæ autem imperitus, nec confirmatus, adminiſtrationem monaſterii cedere debuit an. 1612. cognomini Ioanni Held Villingano, qui quidem confirmatus, antequam tamen benedictionem abbatialem acciperet, deſunctus eſt an. 1614. Ioannes autem, quem memoravimus ſep̄timum, quique fuit Nigraſilvanus ex Waldau ditionis S. Petri, mortuus eſt demum an. 1635. Præpoſitus in Selden, duobus tantum annis ante Petrum Mynſinger huius nominis quartum, ex Binsdorf oriundum, ſub quo monaſterium S. Petri Congregationi Suevicæ acceſſit.

Moriens Petrus an. 1637. ſucceſſorem habuit Matthæum Welzenmüller difficillimis belli tricennalis temporibus, quo a Suecis & Gallis, cæsareum militem præſidiarium ex monaſterio pellentibus, iſtud in cineres redactum eſt an. 1644. cumque eodem præcioſa ſupellex veterum imprimis MSS. codicum, de quibus nobis conſtat ex teſtimonio Io. Piſtorii, quorum ſe egregium uſum ſeciſſe teſtatur ſub Michaelē abbate, quem incunte ſec. XVII. devixiſſe intelleximus. Matthæus vero abbas

**SECVLUM XVII.** cum suis exul monasterium non paucis annis in ruina relinquere coactus est; restauratum tamen postea ab eo magnam partem fuit.

Sub Matthæi successore Placido Rösch Breunlingano mense Septembri præsentē totō conventu aperta, & reclusa est tumba subterranea familiæ Zaringicæ, fundatorum huius monasterii S. Petri, in fôrnicem concamerata, cui olim ante conflagrationem monasterii memoratam impositum erat mausolæum splendidum ac magnificum ex lapide affabre exciso, longo pedes circiter decem, quinque lato, alto super terram quatuor. Huic superne insculpta erat imago Bertoldi II. fundatoris, cataphraçtæ. Fuit hæc tumba in medio templi parochialis sive exterioris ante crucem. Inventa sunt novem crania cum ossibus ordinata strue collocatis.

Obiit in Domino Placidus abbas an. 1670. vitæ contemplativæ magis, quam activæ gnarus, monasterium successori Paulo Pastori Villinga oriundo, ære alieno admodum gravatum relinquens. Accessit an. 1678. monasterii, ecclesiæ, omniumque adiacentium ædificiorum omnimoda conflagratio: cui quidem causam præbuit ipsa cohors cæsarea, duce Maximiliano comite de Starenberg, dum vallum ligneum, quo miles Gallus se continebat, incensurus, ignem in vicinum ædificium iniicit, quo vero non strues lignea, sed ipsum monasterium conflagravit, ab optimo præfule vero ita restauratum, resque restituta, ut a suis nomen alterius fundatoris meruerit.

Res sacra an. 1686. iterum institui coepta est, dum interim monachi hinc inde per monasteria dispersi degerent: iamque an. 1680. obierat P. Carolomannus Hanselmann apud S. Ulricum, ubi extremos vitæ annos degit cum P. Mauro Hefs, Pauli abbatis ad finem sec. XVII. successore, postquam, ut ephemerides San-Petrini habent, fûdamenta boni religiosi & studiosi in monasterio S. Galli, devoti sacerdotis vero & confessorii in S. Blasio, & apud Thaumaturgam in Tottmos posuit. P. Carolomannus autem Staufa Brisgoiæ oriundus, postquam multis annis parochi urbis Brisacensis & Decani capituli Brisacensis munere laudatissime perfunctus esset, monachum postea professus ad S. Petrum, 24. annis ibidem Prior vigilantissimus fuit, constanter recusata dignitate abbatis, eidem oblata post mortem Placidi abbatis, cuius, ut habet eius epitaphium ad S. Ulricum, *summis beneficijs stetit erectum S. Petri monasterium.*

**XXXIII.** Agitabatur etiam post Ferdinandi II. imp. edictum restitutionis an. 1629. restitutio cœnobii monialium Sulzburgenſis Ord. S. B. in Briſgoia. Oblatum id fuerat Patribus Ord. S. Franc. conventual. an. 1631. ea conditione, ut monasterium ſuum Lindavienſe in Suevia Ieſuitis cederent. Indicavit rem primum P. Ebertus Guardianus Lucernæ P. Francisco Chullot monacho San-Blaſiano, & mox etiam R. P. Ludovicus a Muſis, Provincialis eiufdem Ord. ipſi Blaſio abbati S. Blaſii, ſeſe concambium hoc detrectare profeſſus in gratitudinem erga Ordinem S. Bened. iuſque antiquiſſimum congregationis S. Blaſii, quantum ad viſitationem conſtituendumque Priorem ac confeſſarium monialium Sulzburgenſium attinet; idque urgebat laudatus abbas apud aulam cæſaream, iudiciumque Imperiale aulicum per P. Placidum Rauber Viennæ tum maxime, quando imperator poſt proelium Nordlinganum an. 1634. Friderico VI. ablatum marggraviatum ſuperiorem Claudiæ Medicææ Leopoldi V. archid. viduæ tradiderat, apud quam Ieſuitæ gratioſi rem ſtudioſius egerunt, miſſis eo iam an. 1637. emiſſariis ſeu exploratoribus; quo comperto Blaſius abbas S. Blaſii ammano ſuo in Schönau demandavit, ſeſe nomine ſui monaſterii opponeret ac proteſtaretur, ſiquidem Ieſuitæ impuſſionem tentarent. Iuſſit etiam anno ſequenti Præpoſito ſuo in Crozingen, ut per hebdomadam ſemel ſaltem miſſam in eccleſia Sulzburgenſi celebraret, quod etiam a Capucinis Neoburgenſibus diebus dominicis ac feſtis fiebat; dum vero Claudia archid. marchioni regionem reſtituit, res omnis infecta manſit.

SACRUM  
XVII.Parthenium  
Sulzburgenſe.

**XXXIV.** Meliorem habuit ſortem cœnobium nobilium virginum ad Albam, torrentem Nigræ ſilvæ ſeptentrionalis, ex quo quidem ad finem ſec. XVI. Erneſtus Fridericus, marchia ſuperiore potitus cum comite Eberſteinenſi abbatiffam Paulam de Weitershaufen ſubdiſtaſque ei moniales deturbavit, ac cedere nolentes carceri mancipavit; episcopus autem Spirenſis cauſam monaſterii apud cameram Imperialem Spiræ egit. obtinuitque mandatum, quo marchioni & comiti Eberſteinenſi iniunctum fuit, ut abbatiffa & monialibus captivitate liberatis, privilegia & documenta cœnobio reſtituerent, ſed marchio iudicium cameræ declinavit, uti apud Schœpflinum legere eſt a).

Alba domi-  
narum.a) Hiſt. Bad.  
T. III. p.  
110.

Promulgato ſæpe laudato Ferdinandi II. edicto an. 1629. reſtitutum eſt monaſterium, ſuitque an. 1631. Ioanna Maria de Mandach electa abbatiffa, quæ poſtea etiam particeps fieri petiit proteſtorii, quod a Ferdinando III. monaſteria Wirtembergica obtinuerunt. Petiit porro ea-

SECVLVM  
XVII.

a) Verthei-  
digte Reichs-  
Immunität p.  
168. 196.  
199.

b) T. VII.  
p. 206.

Alba domi-  
norum.

dem an. 1635. P. Oswaldum Hammerer conventualem Ochsenhusanum pro confessario, qui tunc temporis parochum in ditione archisterii S. Galli egit, qua vero relicta ad monasterium Albæ dominarum eodem adhuc concessit anno, quo ipso homagium a subditis accepisse abbatissa, uti etiam an. 1643. post eam M. Margaretha de Greith legitur a), ad- huc superstes an. 1660. postquam iam an. 1655. Wilhelmus Bado-Ba- densis marchio, agentibus Schwarzacensi & Schutterano abbatibus, cum consensu Wolckensteinii & Cronfeldæ comitum, pristina iura con- firmavit monasterio, hoc præcipue, ut religio Romano-Catholica in mo- nasterio & in omni eius ditione perpetuis temporibus illibata persistat, omni religionis mutatione interdita, uti habet instrumentum apud Schoepflinum b), qui illud novam monasterii fundationem inscribit.

XXXV. Quam beata alteri a torrente Alba in plaga septentrionali Nigræ silvæ sito monasterio, appellato Alba dominorum Ord. Cister- ciensis hæc fuisset fors, siquidem ipso illo post medium sec. XVII. quo laudatus modo Wilhelmus Badensis princeps catholicissimus an. 1652. a Ferdinando III. imp. constitutus est supremus iudicii Imperialis cameræ iudex, renovata tunc intentione litis, obtinisset perinde monasterium hoc Albense, ac Reichenbacense, de quo diximus supra! Utrumque art. III. pacis Osnabrugensis §. 24. interea monasteria comprehenditur, quæ duci Wirtembergico restitui sunt decreta. Ex Schoepflini autem hist. Badensi discimus c), Wilhelmum marchionem de iuribus suis sollicitum Stutt- gardiani tunc misisse legatum, ducis ea de re ut cognosceret animum, qui verba illa in instrumento pacis generatim posita, Badensibus iuribus fraudi non futura ostendit, curaturum se addens, ut quam primum sa- tisfiat Wilhelmo. Marchio his promissis contentus apud internuncios pacis iura sua ulterius non est prosecutus.

Vigore edicti Ferdinandi an. 1629. quo Protestantés ecclesiastica bona, a transactionis Passaviensis temporibus occupata, catholicis resti- tuere iuebantur, etiam Alba dominorum fuit restituta, ubi ab anno circiter 1589. usque 1627. erant Lutherani. Restituit Nicolao abbati an. 1631. Mascham & Ottersviram, annoque sequenti, instituta contra Wirtembergiæ ducem apud consilium aulicum actione, reliqua advoca- tiæ Albæ dominorum loca, in marchia sita, restitui postulavit. Lis du- rante bello tricennali protracta, post pacem Westphalicam an. 1654. & 1661. fortius agitata, ad nostra usque tempora inter indecisas refertur,

teste



teste Schœpflino. Ex monasterio vero circa annum 1642. a Suecis expulsi cum abbate religiosi, nunquam deinceps redierunt.

SECVLVM  
XVII.

XXXVI. Dum anno itidem 1642. virtute Ferdinandi decreti Bernardinus Buchinger abbatem benedictionem 5. Octobr. consequeretur pro monasterio Mulbrunensi eiusdem Ord. Cisterc. assistit etiam Bernardus Stolz Gebwilanus, abbas Tennenbacensis, in monasterio Schönthal, ubi tunc congregationis capitulum provinciale celebrabatur a Cæsariensi abbate Georgio ex indultu Urbani VIII. ut in Gall. christ. a) notatur, a) T. V. p. assistentibus abbatibus Christophoro Schönthalensi & Bernardo Tennenbacensi, ubi an. 1629. in annotat. Alsaticis & Brisgoicis P. Bernardi Muggii Ettenheimensis monachi Adamum adhuc abbatem præfuisse lego. In Gall. christ. post Hugonem Burstetter Waldkirchensem, memorati Bernardi successorem, Nicolaus II. Goldlin de Keffenaco Maristellanus monachus, deinde an. 1652. parochus in Dietikon, tum a confessionibus in parthenone Frauenthal, anno 1664. eligitur in abbatem Tennenbacensem, quumque duodecim annis præfuisset, a propriis sodalibus revocatus, Maristellam gubernavit ab an. 1676. ad 1686. Tennenbaci autem successorem habuit Robertum Handtmann Villinganum, hicque Placidum Wilhelmi Burgheimensem.

Tennenba-  
cense mona-  
sterium.

1089.

XXXVII. Inter alia parthenia, quæ ad curam monasterii Tennenbacensis pertinent, Gunthersthalense est nobilium virginum, in quo Mariæ Stören de Störenberg an. 1594. succedens Anna de Hagenbach viginti tribus annis bene præfuit usque ad an. 1617. quo Maria Cleophe de Dankenwihl eius vestigiis incedens, post annos sexdecim in fama singularis pietatis defuncta est, exul tempore belli tricennalis an. 1633. in Steckboren apud monasterium Feldbacense eiusdem Ord. Cisterc. ibidem sepulta. Post eam M. Cleophe de Rheinach, postquam octo annis laudabiliter præfuisset, durante eodem bello Friburgi an. 1643. mortua, in propinquo suo monasterio sepulturæ tradita est: monasterium vero aliquot annis antistita caruit, monialibus per monasteria hinc inde dispersis, donec conventu facto M. Salomen eiusdem familiæ de Rheinach abbatissam eligerent, quæ post transactos boni regiminis annos 23. & menses 7. defuncta an. 1668. locum dedit M. Agneti de Greüth, hæcque an. 1694. Friburgi sub bello Gallico defuncta, M. Franciscæ de Grandmont, perinde difficillimis bellorum temporibus expositæ, ad pomœria quippe urbis Friburgensis sito monasterio, paucis a Brisaco leucis, quæ fuerunt loca Brisgoiæ munitissima, urbesque toties ab hostibus obsessæ occupatæque.

Güntersthal.

XXXVIII.

SECVLVM  
XVII.

Friedenwiler  
& Neidingen.

XXXVIII. Monasterium in Friedenwiler, vergente iam seculo XVI. Ordini Cisterciensi assertum, tam brevi effloruisse vidimus, ut disciplinæ monasticæ causa virginibus hisce aliæ ex aliis monasteriis se sociarent, aut hinc ad alia monasteria peterentur, & quidem M. Amalia Reinerin an. 1591. postulata abbatissa ad monasterium Mariahof per 40. annos ad annum usque 1631. maximo cum profectu spirituali & temporali præfuit.

Ineunte seculo XVII. notatur abbatissa M. Lucia, quando mox anno seculari 1600. molendinum, præcipuum e rebus monasterii, igne conflagravit. Reverendissimus Ordinis Cisterciensis Generalis, an. 1609. præfens in Friedenwiler, nimium in ieiunando temporavit rigorem, quem hactenus observabant moniales, ob paupertatem alias tenuissime victitantes, sola etiam usæ aqua ad potum; nihil tamen ab exercitiis pietatis ac religionis in choro remiserunt, quantum quidem turbulentissimum seculum XVII. permisit, bellum primum tricennale, quo monasterium ter fuit expilatum, monialesque præsertim ab an. 1633. usque ad finem belli sæpe per asperas silvas errare compulsæ, atque delitescere. Erat tunc abbatissa M. Anna, quæ viginti & uno anno, quibus præfuit, exul fere fuit.

Respiravit paullulum monasterium sub venerabili abbatissa Maria Martha Stegerin, quam sec. XVII. primam Franciscus Petrus in Suevia eccles. ad an. 1653. memorat, moxque ad an. 1678. Bellonam Gallicam, qua Nigra silva tetra hostilis invasionis formidine tota fere obruta fuit, quum iam an. 1677. urbe Friburgensi obsessa, captaque, moniales ex Friedenwiler metu hostis extorres in Helvetiam ac Bavariam usque dispersæ abiissent. An. 1687. monasterium vix periculum omnimodæ conflagrationis evasit, dum ignem iam de locis concepisset ex incendio fabrilis fabricæ, moxque anno sequenti novo bello Gallico emigrandum iterum fuit conventui cum abbatissa M. Anna Ursula Friburgensi, quæ proxime præcedenti electa, iubilæa an. 1720. adhuc præfuit, ut testatur Gallia christ. etiam de M. Antonia Constantiensi electa ad finem sec. XVII. abbatissa in monasterio Neidingensi eiusdem Ordinis Cisterc. ditionisque Furstenbergicæ, ubi mausolæum est illustrissimæ familiæ, cui tamen sec. XVII. nullus illatus esse legitur.

Amaliæ, quam libro superiore primam in Neidingen abbatissam memoravimus, postquam an. 1629. munus deposuisset M. Margaritha Raerim canonice

canonice electa præside Thoma Wunn abb. Salemitano annis 26. usque ad an. 1655. præfuit succedente Benedicta Suterin Cellensi, quæ ob bellum Gallicum exul post 20. annos an. 1677. mortua est, & post totidem annos M. Benedicta Baumannin ex Fridenwiler oriunda an. 1699. ipso S. professionis die 22. Aprilis sancte in Domino defuncta.

SECVLUM  
XVII.

XXXIX. In Carthusia Friburgensi ad finem sec. XVI. professus fuit venerabilis Matthias Tannerus, quem vero grandævum furor Suecicus in Austriam fugarat, uti in eius elogio legitur apud Bern. Pezium in præfatione T. VIII. Bibl. Ascet. ubi catalogus eius operum textitur, sequiturque ibidem eius liber de vitis primarum sanctarum sororum monasterii sub Tilia, vulgo Underlinden, Ord. S. Dominici Colmariae in Alsatia siti. In eadem Carthusia Friburgensi Sacrum Ordinem Carthusianum professus est iam grandævus annos natus 70. Iodocus Lorichius S. scripturæ doctor atque in academia Friburg. professor per 30. fere annos, mortuus, antequam difficillima illa sec. XVII. bellicosissimi tempora ingruerent, quæ non potuerunt non Carthusiam Friburgensem, urbi adhærentem, miserrimum in modum concutere.

Carthusia Friburgensis.

XL. Eadem fuit ratio monasterii Wilhelmitarum, quod fuerat in ipso suburbio urbis Friburgensis, quodque an. 1656. perhibetur restituisse Io. lac. Meyer ex ruinis belli Suecici, quo Io. Udalricus Roth Prior iam ab an. 1597. officium resignavit, an. 1634. exul Clingnovii, ubi eiusdem Ordinis est monasterium Sion, ex quo successorem accepit Matthæum Deck, Io. Iacobus vero an. 1670. Laurentium Schechtelin, mortuum an. 1677. quo capta a milite Gallico urbe Friburgensi, Wilhelmitæ unanimi consilio relicto monasterio in suburbio, recesserunt ad proprium fundum in Oberriedt, ibique novum erexerunt sibi claustrale domicilium sub Priore Benedicto Haefelin.

Wilhelmitæ.

XLI. Vinculum, quo plerique Ordines monastici sub regula S. Benedicti medio ævo ad exemplum Cisterciensium & Carthusianorum sese confociabant, traxit etiam monachos nigros, ut vocabantur, qui primigenium institutum, seu nomen Ordinis S. Benedicti conservabant, quemadmodum in libris proximis edisseruimus, prodidimusque studia ea in re non modo summorum pontificum, sed etiam conciliorum Constantiensis imprimis, Basileensis ac Tridentini tunc temporis, quum in Germania nostra præcipua Bursfeldensis congregatio, monasterio illo in manu protestantium extincto, iam deficiebat, cui primum monasterium Alperspacense, ac postea etiam an. 1458. Hirsaugiense & Gottesaviense

Congregatio  
Benedictina.

SECVLUM  
XVII.

nomen dederant. Edimus libellum ab abbatibus monasteriorum Hirsaugienſis, Schutterani & Alperspacenſis ad venerabile capitulum annale unionis Bursfeldenſis datum an. 1533. Bucelinus in catalogo monasteriorum unionis Bursfeldenſis, quem h. v. P. II. Germ. ſacræ p. 18. inſerit, his ad annum. 1571. Gengenbacenſe addit, & demum ineunte ſec. XVII. Ettenheimmunſter unitum memorat inter poſtrema an. 1607.

Pars horum monasteriorum, ut vidimus, in Wirtembergia & marchionatu Durlacenſi religioni catholicæ, ac Benedictinæ erepta ſec. XVI. reſtituta an. 1629. ediſto Ferdinando fuerunt. Ex his primum Alperspacenſe per electionem abbatem accepit Nicolaum; monasteria vero Hirſaugienſe & Gottesavienſe adminiſtratores, quos iam indigitavimus: illud P. Andream Geiſt Priorem Weingartenſem, hoc P. Benedictum Eiſenſchmid Priorem Ochſenhuſanum. Edimus Raymundi Blauburenſis abbatis instrumentum an. 1631. quo teſtatur 19. Sept. an. 1630. reſtitutionem monasterii Hirſaugienſis factam iuxta cæſareum executionis decretum, datum Congregationi Suevicæ Benedictinæ, quæ an. 1630. eam reſtitutionem petierat.

a) p. 237. Congregatio hæc ab ineunte ſec. XVII. in ſuperiore Suevia maxime effloruit, uti P. Romani Hay Aſtrum inextinctum prodit a), allato in medium Brevi Apoſt. Clementis VIII. an. 1603. memorata item eiſdem pontificis bulla an. 1597. qua congregationem Bursfeldenſem quaſi porrecta tabula ſuſtentavit. temporum iniquitate luſtantem nonnunquam. Numerabat monasteria quindecim ſupra centum Bursfeldenſis conſociatio, atque ineunte adhuc ſec. XVII. capitulorum ſuorum annalium reſceſſus quaquaverſum miſit: veluti in ſcriniis S. Blaſii habentur an. 1600. 1602. & 1603. quando celebratum eſt Colonix Agrippinæ in monasterio S. Pantaleonis Capitulum. Ultimus reſceſſus tranſmiſſus eſt ad Martinum abb. S. Blaſii a Georgio abbate in Vineis 8. Dec. an. 1615. ut autographæ litteræ produnt.

Idem Georgius Weingartenſis abb. iam an. 1603. eundem abbatem S. Blaſii peramanter ad congregationem Suevicam invitaverat, conventumque abbatum ad diem 22. Octobris Ochſenhuſium indiſtum, quo conventuri eſſent omnes abbates Sueviæ, conſulturi de nova congregatione ſtabilienda, eoque miſit Martinus abbas P. Georgium Rueſelman, qui prius fuerat, & P. Adamum Waſſenſchmid, qui tunc erat Prior S. Blaſii; ſed quid tunc geſtum ſit, dum acta ſilent, ſilentium loquitur.

Plerique



Plerique vero conventus efflorescentis Congregationis Suevicæ in monasterio Weingartenſi ſub Georgio abbate ab an. 1586. uſque 1627. ſunt habiti: in quibus de conformitate cum in officio divino, tum in omni œconomia genere, de condendis Conſtitutionibus, corrigendo imprimendoque Breviario cogitare cœperunt, atque auctore præſertim & promotore Hieronymo comite de Portia nuntio apoſtolico egregie rem præſtiterunt, ut P. Gerardus Heſs ex ſcriniis domeſticis rerum optime gnarus commemorat in ſæpe laudato prodromio monum. Guelph. ubi hiſtoriam abbatum Weingartenſium proſequitur; affertque Io. Iac. Mirgeli diœceſis Conſtantienſis ſuffraganei teſtimonium de Georgio abbate, eum ſuæ diœceſis reformatorem appellantis. Unde etiam reformationis cauſa eo abbate ad varia Nigræ ſilvæ monaſteria monachi Weingartenſes ſunt evocati: veluti ad monaſterium S. Petri iam an. 1609. P. Franciſcus Dietrich cum aliis quatuor, iterumque an. 1624. Refert ſæpe laudatus P. Heſs a) abbatis Petri apud S. Petrum litteras, quibus citius iterum revocatos RR. Patres & Fratres queritur; memorat vero, denuo eos rediſſe, monaſticamque reſtituiſſe diſciplinam, dum ipſe abbas S. Petri ad Vineas veniens repetiſſet colonos: quo eodem anno, ut ex adverſariis P. Gabr. Bucelini refert b) eodemque die & ex eadem cauſa abbas S. Trudperti buc delatus, obtinuit P. Placidum Keſſering, Bernardum Han & me (Gabrielem Bucelinum) Novitiorum magiſtrum, ibidem conſtituendos. Septima die May cum iis, qui ad S. Petrum deſtinati ſunt, diſceſſimus. Ad S. Petrum autem abierunt PP. Maurus Baldung Prior, Hieronymus Reinold RR. Patrum conſeſſarius, & Dominicus Layman Novitiorum magiſter ſaturus. Item ibidem: Anno 1624. 13. Februarii P. Ioannes Fridericus Ongmus Prior in Schuttern rogatu iam diſci archiducis pro diſciplina addiſcenda aliquandiu apud nos commoratus, ampliſſimis gratiis habitis domum revertitur. Innuſit autem hic Bucelinus Leopoldum archiducem Auſtriæ episcopum Argentinenſem, qui pro abbacia ſua Murbacenſi, aliisque ſuæ diœceſis monaſteriis trans Rhenum, cis Rhenum vero ad monaſterium Gengenbacenſe, collegio quidem abbatum Sueviæ, congregationi autem, ut modo diximus, Bursfeldenſi addictum, ſitumque ad Nigræ ſilvæ fauces, colonos e Vineis poſtulabat, ut apud eundem P. Heſs c) legere eſt.

a) p. 346.

b) Ib. p. 363.

c) Ib. p. 342.

Fruſtra agitabatur unio utriuſque Congregationis Bursfeldenſis & Suevicæ, oborta poſtea ſimultate poſt edictum Ferdinandi II. an. 1629. & indultum Ferdinandi III. anni ſequentis, quod iam indicavimus, virtute

SECVLUM  
XVII.

cuius Congregatio Suevica monasteria Nigræ silvæ sæpe memorata vindicabat; Congregatio autem Bursfeldensis etiam repetebat, utpote olim suæ unionis.

Res cumprimis agitabatur an. 1635. post prælium Nordlinganum; aderatque Emericus abbas Stadiensis nomine Congreg. Bursfeldensis, abbatias Alperspacensem, Hirsaugiensem & Gottesaviensem repetens, exhibitis 20. Febr. coram præside Congregationis Suevicæ Francisco abbate Weingarteni patentibus litteris, quod is per epistolam Wunibaldo Ochsenhusano Congregationis eiusdem visitatori significat, uterque vero litteris ius suum in dicta monasteria Stadiensi indicat: quo non obstante Stadiensis in monasterio Hirsaugiensi die 15. May abbatem constituit, præsentibus Nicolao Alperspacensi & Raymundo Blauburensi abbatibus. Elegit quidem P. Andreæ Geist, qui erat administrator, quem etiam Weingartenis & Ochsenhusanus in animo habuerant, uti Benedictum Eischmid pro abbate Gottesaviensi, iam concepta calamo præsentatione ad Ordinarium Spirensen, die 19. Aprilis; Stadiensis vero electionem, nulla habita ratione episcopi Spirensis, fecit die 15. May, ut diximus: postera die Io. Grau consiliarius cæsareus cum Stadiensi colludens, vocato coram se ad privatum colloquium P. Benedicto Eischmid aperit, propositum sibi esse, eum publice in ecclesia coram notario & duobus testibus, abbatibus neo-electo Hirsaugiensi & Stadiensi primo ceu Priorem & administratorem, deinde abbatem monasterii Gottesaviensis proclamare, præsentatione ad episcopum relicta Congregationi Bursfeldensi, proposita etiam formula iuramenti, quo huic Congregationi sese obstringeret; quod quidem, acceptata abbatia, P. Andreas Geist deposuit, electionem vero litteris ad suum abbatem, die 13. Iunii datis, excusat. Etsi vero P. Benedictum non constet consensisse in electionem, qui quidem præsens aderat electioni P. Andreæ Geist in Hirsehau, iuramentum tamen eum etiam abbati Stadiensi fecisse, prodit epistola Wunibaldi abbatis sui Ochsenhusani, data 1. Iulii, qua contra illud protestatur, asserens, se neque tacite, neque expresse umquam consensisse, neque consensurum umquam, nisi tota Congregatio Suevica cum Bursfeldensi foret unienda. Interim ei administrationem monasterii Gottesaugiensis nomine Congregationis Suevicæ, donec aliud iusserit, deinceps etiam committit: approbat item, quidquid abbates Alperspacensis & Blauburensis tam quod suam P. Benedicti spectet personam, quam etiam quod monasterium Gottesaugiense attingat, cum abbate Stadiensi transacturi sint, sola unione excepta.

Hæc

Hæc vero cum Congregatione Suevica feliciter processerat, quod alia Nigræ silvæ monasteria attinet SS. Trudperti, Georgii & Petri, quæ supra meminimus, fuisse unienda ad intentionem Romanæ sedis cum San-Blasiana Congregatione, ad rem prorsus indifferente, perinde etiam dum a nuntio apost. Lucernensi Ludovico Adriæ episcopo an. 1616. urgebatur coniunctio cum Congregatione Helvetica: qua tunc non succedente unione, anno demum 1680. confœderatio inter utramque Congregationem facta est apud S. Gallum, vi cuius ineunte adhuc præsentis seculo XVIII. ut notat sæpe laudatus P. Gerardus Hefs an. 1705. a) Se-2) l. c. p. 495. bastianus abbas Weingartenensis, præses Congreg. Suevicæ, & Antonius Maioaugiensis apud S. Gallum cum Helveticis, S. Galli, Einsidlensi, & Renoviensi abbatibus iuxta conventa utriusque Congregationis visitationem habituri, convenerunt.

Mentionem iam iniecimus consilii Romæ agitati, erigendæ peculiaris Congregationis Benedictinæ Nigrasilvanæ ex naufragio residuæ, exceptis monasteriis diœcesis Argentinensis, in qua an. 1624. Leopoldus episc. abbatibus suæ diœcesis prohibuit, imposterum comparere in capitulis Congreg. Bursfeldensis, novamque ex septem monasteriis Ord. S. Bened. suæ diœcesis, ex quibus cis Rhenum sunt Schuttern, Ettenheimmunster, Gengenbach & Schwarzach, instituit Congregationem.

In Suevia distincta fuit postea Congregatio S. Spiritus diœcesis Augustanæ, & an. 1641. archidiœcesis Salisburgensis, iubente Bernardo archiepiscopo; in Bavaria vero & Austria veteres pene antiquatæ Castellensis, & Mellicensis caput iterum erigere cœperunt, ac hæc quidem agentibus potissimum, ut in chron. Mellic. P. Schram legere est b), abbatibus Casparo & Reinerio, sub quo in capitulo provinciali, habito an. 1635. constitutiones a Romana sede approbatæ, ac iam an. 1625. typis editæ, communi consensu receptæ tunc sunt, donec de communi totius Germaniæ Congregatione consilium præplacere visum. Bavarica vero meliori consilio post hæc omnia sec. XVII. instituta sub tutela Rom. sedis ab an. 1684. quando primum celebratum fuit capitulum provinciale, insigniter effloruit, ut palam sit ex epist. nuntii apostolici apud Colonien- ses an. 1693. ad collegium cardinalium scripta, uti legitur apud P. Bernardum Pezium c): ubi id post alia observat circa statum Congreg. Benedictino-Bavaricæ, quæ, ait, multum diversa est a Congregatione Bursfeldensi istarum partium, quæ quia non potuit sese eximere a subiectione episcoporum, iacet in deplorato statu, & deficit vehementer dum in dis-

b) p. 714.  
770. &c.c) Bibl. Ascet.  
T. VIII. p.  
556.

**SECVLVM XVII.** *ciplina regulari & ecclesiastica, tum œconomica, præsertim in principa-  
lioribus monasteriis, quod exemplis comprobatur.*

Atqui fuit hoc potissimum impedimentum, quod iniectum fuit unioni Congregationum Germaniæ, quam, favente Romana sede, potissimum egit Ioannes Bernardus abbas Fuldensis, præses tunc Congregationis Bursfeldensis, conventu eius rei gratia indicto Ratisbonæ an. 1630. cum quo, ut laudatus P. Schramm notat a) comparuere Antonius abbas Cremifanensis nomine Congregationis Austriacæ; Michael abbas Andecensis & Lucas abbas Priflingensis nomine abbatum in Bavaria. P. Gerardus Hefs in prodromo monum. Guelph. an. 1631. b) 12. Ianuarii ex Ochsenhausen abiisse memorat R. P. Augustinum Brendlin cum Reverendissimo D. abbate Ochsenhusano ad comitia hæc Benedictina omnium Congregationum eiusdem Ordinis per Germaniam destinatum: invitatos porro fuisse a directore horum comitiorum Illustrissimo principe Bernardo Fuldensi abbate, ex Helvetica, Suevica, Austriaca, Alsatica, Bursfeldensi, Saxonica, Congregatione qualibet aut duos abbates, aut ad minimum unum abbatem cum adiuncto sibi religioso, qui tractarent de unione Benedictini Ordinis per Germaniam facienda. Addit, Helveticos & Augustanos abbates non comparuisse, interim vero Franciscum Weingartensem, Balthasarem Zwifaltensem & Casparum Alperspacensem Constantiam profectos esse, tractaturos cum episcopalibus de visitatione monasteriorum Congreg. Suevicæ. Die 19. Ianuarii, eodem teste, Ratisbonæ in ædibus D. Ioannis Vogelii civis catholici primus conventus habitus fuit directore Bernardo Fuldensi, cui interfuerunt nomine principis abbatibus Campidonensis Io. Georgius a Langeneck, Antonius abbas Garstenensis, Bartholomæus Ochsenhusanus visitator Congregationis Suevicæ, Martinus Hennich abbas monasterii S. Mauricii in Toleya Congregationis Bursfeldensis, Fridericus Davenberg archiabbas Haselfeldensis, Andreas ad S. Petrum Salisburgi abbas, P. Matthæus Weis rector universitatis Salisburgensis, P. David Gregorius Kornerus SS. Th. D. Prior Gottwicensis Congregationis Austriacæ Secretarius, P. Augustinus Molitor monasterii Seonensis SS. Th. Licentiatus, Robertus Blöd e S Gallo III. principis confessarius. Addit P. Hefsius, in hoc conventu univisse se pleraque monasteria Germaniæ & Congregationes cum Congregatione Bursfeldensi, & Bursfeldensem se mutuo cum illis; ita ut ex pluribus Congregationibus & monasteriis conflata sit una Congregatio Ord. S. Benedicti per Germaniam, alias Bursfeldensis. Duravit iste conventus usque ad diem 25. Ianuarii, in quo Secretarii munere perfunctus est P. Romanus Hay, qui



qui in Astro a) suo inextincto rem omnem explicat, remorasque iniectas SECVLVM XVII.  
subindicat apud episcopos atque ab illis, qui ipsi in alia omnia ibant.

a) p. 239.

Quivis facile animadvertet vel hodiernum Congregationum Benedictinarum statum felicem & florentem, ubi huiusmodi impedimenta locum non habent, veluti in vicina Helvetica; ne quid de Cassinensi Congregatione in Italia, aut remotiori adhuc in Hispania, de quibus Bucelinus in Benedicto suo redivivo videri potest, dicam. Propinqua est ex adverso Rheni litore Nigræ silvæ opposita Lotharingia, ubi tam velociter, tam insigniter effloruit ineunte sec. XVII. Congregatio SS. Vitoni & Hydulphi, atque ex ea celeberrima San-Maurensis auctore venerabili P. Desiderio de Curia; qualem etiam reformatorem ætati nostræ adhuc viciniorem P. Iacobum de Vesni & d'Arbuze Congregatio Cluniacensis, quæ se in Nigram silvam nostram proximis adhuc seculis protenderat, ostentat.

XLII. Suscitavit benignum numen passim sub regula S. Benedicti sec. XVII. insignes viros, a Bucelino in Benedicto redivivo celebratos, qui DisciplinaRegularis.  
eius observantiam restituendi ferventissimo ferebantur ardore, ne quid de Io. Bouthilierio abbate Trappensi dicam, insignibus item plerisque sec. XVII. abbatibus matricis Ord. S. Bened. Congregationis Iacobo de Graphiis, Zacharia Petronio, Bernardo Mutio, Io. Bapt. de Brixia, Aloysio Caraffa. Ad nostrum nunc institutum attinet, quem pro reformatione Ordinis nostri misit ad finem sec. XVI. S. Pontifex, iam libro præcedente memoratum Petrum Paulum de Benallis abbatem Congr. Cassinensis, simulate quidem quadam ac temporum iniquitate impeditum, ut tamen in ipsa Germania non defuerint abbates pii & zelosi, quos plerisque iam laudavimus, in Congreg. Bursfeldensi Henricum, Coloniae ad S. Pantaleonem abbatem, in Austria Antonium Cremifanensem abbatem, postea episcopum Viennensem, Casparum & Reinerum abbates Mellicenses, in Bavaria Michaellem Andecensem, in Suevia Georgium & Franciscum Weingartenses, Wunibaldos Ochsenhusanum & Petershusanum, in Helvetia Pium San-Gallenensem & Ioachimum Fischingenensem, in Nigra silva Blasium San-Blasianum, cuius auspiciis disciplina non solum in suo monasterio & congregatione, verum etiam postulatis missionariis alibi etiam gentium effloruit.

Captata seculo XVII. fuit occasio, eos qui Regulam S. Benedicti profitentur, præsertim si carnibus vescantur, incessendi tanquam S. Regulæ

SECOLUM  
XVII.

a) p. 130.

b) Lib. III.  
contra heres.  
circa finem.

gulæ violatores, ita ut P. Layman hinc eos non admittendos ad recuperata tunc ex manibus protestantium monasteria edixerit: quin imo, satis, quid intendat, manifestans, asserere haud dubitaverit ulterius progressus, posse, nisi sese reformari patiantur, etiam a suis, quæ possident, expelli, ut refert P. Romanus Hay in Astro inextincto a), atque demonstrat, esum carniū in Regula S. Benedicti penitus non interdici, concessio aliarum carniū præterquam quadrupedum esu, quod certe inter monachos discrimen iam suo tempore agnovit S. Epiphanius b) abstinere aliquos a quadrupedibus solum, volatilibus autem & aliis vesci, quo si uterentur sectatores S. Benedicti privilegio, pro delicatulis hodie haberentur: fueruntque circa hoc posteriori, quod agnoscit P. Hay, ævo legitime dispensati Benedictini in Germania nostra ex rationibus, quæ cumprimis in horrida & implacabili Nigra silva nostra locum habent: dummodo cæteroquin serventur dispensationis concessæ conditiones ac limites, maneatque ieiunii regularis lex ac mensura cibi & potus, quam præscribit S. Regula, modusque temperantiæ ac abstinentiæ monachis maxime consentaneus teneatur. Dum equidem S. Pater cap. 39. *de mensura cibi* in abbatis relinquit arbitrio vel potestate, si expediat aliquid augere, remota præ omnibus crapula, ut numquam monacho subripiat indigeries. Ita etiam capite sequenti de mensura potus indulget, „quodsi aut loci necessitas aut labor aut ardor æstatis amplius poposcerit, in arbitrio Prioris consistat: considerans in omnibus, ne subrepat satietas, vel ebrietas.“ Quæ circa hoc & alia disciplinæ monasticæ iuxta Regulam S. Benedicti capita sec. XVII. sunt constituta, longum foret & supervacaneum hic edisserere, quum extent singularum Congregationum Benedictinarum statuta seu constitutiones.

Cura animarum.

c) Lib. VI.

XLIII. Alios etiam præter Laymannum laudatus P. Romanus Hay adducit Iesuitas, qui visi sunt monachos velle e numero operariorum in vinea Domini excludere; perstringit vero tum exemplis, tum argumentis, ex quibus unum sufficere potest illud D. Thomæ, quod iam ante Angelicum hunc Doctorem a nostratibus suo loco vidimus c) huiusmodi adversariis oppositum; a P. Hay vero citatur S. Thomæ (2. 2. quæst. 187. Art. 1. & Gratian. 16. q. 1. c. hinc etiam Gloss. ibid.) sententia: quod aliud convenit monacho ex eo, quod monachus est, & aliud ex eo, quod clericus est deputatus. Ex eo enim quod monachus est, habet officium suum, & aliorum peccata deslendi; ex eo quod clericus est, habet officium docendi & pascendi.

Exempla

Exempla quod attinet, si alia, quam ipsius S. P. Benedicti, qui in monte Cassino apostolum egisse a S. Gregorio M. in eius vita memoratur, adduxisset P. Hay, constaret, haud minus Benedictinos quam Iesuitas missionarios in vinea Domini elaborasse, in patria præsertim Germania nostra, quæ Ordini S. Benedicti lumen fidei debet, atque culturam etiam soli, imprimis Nigra silva nostra, quam merito coloniam Ord. S. Benedicti dicimus, ut tanto maiori iniuria ex magna sui parte extorres tandem omnino facti sint sec. XVII. atque exesse iussi cum avita religione illi, qui eam plantarunt. At vero vi demum & sanguine seu morte millionis propemodum hominum adstructum convaluit decantatum illud a tempore pacis Westphalicæ axioma: *cuius regio, illius est religio*: quo si res olim a temporibus inde apostolicis stetisset, aut iure standum fuisset, in vanum, ne quid gravius dicam, apostoli, & apostolici quique laborassent viri, uti fieri necesse fuit per modum illum novissimis temporibus paciscendi, pacificandique, abiecta Ecclesiæ auctoritate in negotio religionis, ut quidam cecinit:

Scripserunt pacem, fuit illis sepiâ sanguis;

Pro calamo gladius: patria charta fuit.

Migrandum hinc colonis fuit illis, qui colonias deduxerunt olim Benedictini tum alibi gentium Germanicarum, cum præsertim ex magna Nigræ silvæ nostræ parte, sine spe patrium repetendi solum, quod excoluerunt, atque apostolicum illum avitum resumendi laborem, quem exantlarunt.

In Indiis etiam, atque novo superiore seculo XVI. reperto orbe opera Benedictinorum prima sparsa religionis christianæ semente subintrarunt sec. XVII. Iesuitæ; non tamen illi sanctissimum deseruerunt opus tum in aliis orbis partibus, cum etiam in Europa, instituta quoque ad finem sec. XVI. congregatione Romæ Benedictinæ missionis Anglicanæ, opera præprimis Constantini Caietani abbatis S. Baronti, congregationis Cassinensis, viri infatigabilis, zeloque religionis clarissimi. Non absterruerunt maiores nostros immanes & truculentæ persecutiones, quas crudelissimas & internecinas sub Elisabetha Regina Henrici VIII. omnium malorum auctore notha, religiosi experti sunt ad initia usque seculi huius XVII. a quo tamen tempore veluti mausolæum poni cœptum est sacro ordini insigni ac immortalis opere, quod inscribitur Monasticon Anglicanum, sive pandectæ cœnobiorum Benedictinorum, Cluniacensium, Cisterciensium, Carthusianorum, qui est titulus primi tomæ, qui Lon-

SECVLVM  
XVII.

dini prodiit an. 1655. Subinde memoravimus Cluniacensem congregationem, quæ hic in Anglia sistitur, se etiam in Nigram silvam haud adeo dissitam protendisse: unde abs re haud est, hic apponere, quæ Ioan. Marshamus in *περὶ ἀλῶν* huius monastici Anglicani iusta solvit, velutque parentat monasteriis Anglicanis. *Iam dudum*, inquit, *diem fatalem obierunt monasteria nostra; nec præter semirutos parietes & deploranda rudera supersunt nobis avitæ pietatis indicia. Minus impendiosa nobis cordi est religio, & vetus dictum obtinet* (A. Gell. L. 4. c. 9.)

Religentem esse oportet, religiosum nefas.

*Videmus nos heu! videmus augustissima templa, & stupenda dicata Deo monumenta (quibus nihil hodie spoliatus) sub specioso eruendæ superstitionis obtentu, sordidissimo conspurcari vituperio, extremamque manere internecionem. Ad altaria christi stabulati equi, martyrum effossæ reliquiæ* (Hieron. ep. 3. p. 32. A. ad Heliodorum). *Sunt quidam zelatores adeo religiose desirantes, ut religiosos veterum Ordines, ex τῇ Φορέᾳ τῆς ἀβύσσου prognatos aiant. Ita licenter sibi indulget προσηύδα. &c.* Laudatus Constantinus Caietanus præter congregationem Benedictinam missionis Anglicanæ, quam Romæ instituit, ibidem etiam collegium monachorum Benedictinorum, Gregorianum nuncupatum, trans Tiberim prope ædes S. Benedicti, patrocinate Gregorio XV. erexit, atque cum congregatione de propaganda fide an. 1632. univit. Qua de re laudatus abbas & marchio Caietanus anno sequenti certiolem reddere voluit P. Bucelinum, atque pro evulgatione commodiore tam sanctæ intentionis summopere in martyrologio seu menologio hoc ipsum inferere exoravit, uti is in Benedicto suo redivivo ad an. 1633. notavit a), inseruitque instrumentum conventionum collegii Gregoriani (quod omnibus omnium nationum Benedictinis apertum est) cum congregatione de propaganda fide.

a) p. 235.

Studia litterarum.

b) p. 367.

XLIV. Idem Constantinus Caietanus collegii Gregoriani præses (cuius P. Gerardus Hefs litteras describit b). an. 1615. ad abbates Congreg. Suevicæ pro subsidio ad erigendum Romæ pro studentibus Ord. S. Bened. collegium) classicum cecinisse visus est sec. XVII. concertationi illi, quæ ultra dimidium adhuc præsens sec. XVIII. divexavit de auctore librorum de *Imitatione Christi*, dum inter alia eius opera editi sunt *libri IV. de imitatione Christi Ioanni Gersen Ord. S. B. vindicati ad Paulum V. Romæ 1616. cum apologetica responsione adversus Rosweidum S. I. ibid. 1618.* Quum post medium sec. XVII. non obstante edicto Parlamenti Parisiensis controversia illa recruidisset, insignem in Galliis hyperaspistem accipit Io. Mabillonium.

Idem



Idem contra Io. Buthilierium abbatem Trappensem Cisterciensem studiorum monasticorum defensionem in se suscepit. Nicolius, qui P. Quesnellum an. 1692. de coorta hac controversia certiorum facit a), eandem conciliationis conditionem proponit, quam modo de ministerio ecclesiastico monachorum tractantes, in medium attulimus. Operæ pretium est, eius hic describere verba: *Ce seroit de changer un peu la signification d'un mot, & d'avouer de la part des Bénédictins, qu'ils ne sont plus ni Bénédictins, ni solitaires, selon la signification précise de ce mot, telle qu'elle étoit dans l'esprit de S. Benoît, mais qu'ils sont de bons ecclésiastiques, & de vrais clercs par la permission; approbation & commandement même de l'Eglise &c.* Sed plus præstitit Mabillonius; neque solum convenire studia litterarum ostendit statui monastico, verum etiam aureo de studiis monasticis opere optimam studiorum viam ac methodum demonstravit; quam quidem Congregatio S. Mauri hæcenus tenuit, immortaliter de orbe litterario, ecclesiæque catholica sec. XVII. mereri auspicata, quo non mediocrem partem Ordo Benedictinus habuit in conservando atque etiam vindicando ab interitu, perversoque cultu bonarum artium ac litterarum tam humaniorum, quam sacratiorum decore: ut quemadmodum anterioribus seculis antiquorum scriptorum opera in suis scriniis servarunt, ac veluti enutrierunt arte scriptoria, atque ad posteros transmiserunt; ita posterioribus his, quibus laborem illum describendi veteres codices supervacaneum reddidit divina typographiæ ars, dum alii sibi suffeni sua tantum depereunt, suos solummodo partus in pomœrio constituunt, atque adeo scientiarum progressum sistunt; dumque hinc inde divagantes, solidum supellectilis librariæ ac constantem usum facere nequeunt, affectæ e contra monastici iuxta Regulam S. Benedicti instituti talem in suis claustris apparatus bibliothecarii usum facere potuerunt, ut ad ludos litterarios, quos proximis seculis plerumque alii ipsis surripuerunt, apud se bene ac egregie edocti, atque experti, multo paratiores essent, qui in arenam descenderent publicis in scholis, atque etiam frequentibus in academiis.

Talem sibi post initia sec. XVII. spartanæ concredita acceperunt Benedictini a Marco Sittico archiepiscopo Salisburgensi, ac Præposito ecclesiæ cathedralis Constantiensis, cui cognominem supra laudavimus episcopum Constantiensem. Usus is primum fuit ad hanc rem consilio & opera Ioachimi abbatis Ottoburani, datis etiam ad Martinum abbatem S. Blasii litteris, cuius indoles archipræfuli, quum prius Constantiæ moraretur, perspecta iam esse potuit, neque ignota duorum Casparorum

SECVLUM  
XVII.

Martini antecessorum contentio in instruendis litterarum studiis, adornandaque selecta & copiosa bibliotheca, cuius ope Blasiani syncellitæ eum fecerant profectum, ut ex suis ineunte sec. XVII. Martinus abbas scholas egregie informare posset tam humaniores, quam altiores & sacratiores, a prima iuventutis institutione, cui more avito primus iterum a Martino abbate præfectus legitur P. Exuperantius Bueler iuvenum togatorum præceptor, qui more antiquo in claustro cum monachis etiam in communi mensa debebant, atque diebus festivis in choro aderant, cæteris diebus officio saltem summo, habitatione tamen separati. Inter præcipuos nostrates celebratur P. Gregorius Fladerer, qui postquam apud S. Blasium iuvenibus monachis philosophiam tradidisset methodo quidem scholastica, postea tamen in professione theologiæ præsertim moralis a suis ceu oraculum habitus fuit, cuius sententias tam in scholis, quam in consiliis capitularibus maximum pondus habuisse, quæ adhuc scripta ab eo supersunt declarant.

- Successit autem in cathedra theologica P. Tobix Rösch abbati post
- a) p. 42. Schutterano, qui ut iam notavimus ex hist. Universit. Salisburg. a) constanti humilitate recusavit oblatum sibi primum rectoratum Salisburgensem, dum an. 1622. solemnisi Universitatis inauguratio facta est sub archiepiscopo Lodronio, successore Marci Sittici, qui gymnasium tantum instituerat. Aderat etiam Tobias Rösch cum P. Romano Hay Priore Ochsenbusano, nomine suorum abbatum, quando an. 1619. in conventu abbatum Augustæ Vindelicorum primum gymnasii præses & assistentes ex singulis provinciis electi sunt, & quidem ex provincia Suevica Martinus abbas S. Blasii, unicus tunc adhuc ex abbatibus Nigrasilvanis in confœderatione
  - b) l. c. p. 31. illa abbatum an. 1618. pro constituendo studio Salisburgensi inita b). 32. Primitias etiam thesium philosophicarum præside P. Alberto Keuslin Otoburano capitulo archidiœces. dedicavit cum aliis R. F. Franciscus Chulotus, postea abbas S. Blasii c), ex duobus illis, quos Martinus abbas in exordio statim studii academici cum duobus ex suis professoribus Salisburgum miserat, ut palam sit ex litteris Gregorii abb. Otobur. ad P. Ieremiam, quem ad abbates in Sueviam, Nigram silvam & Helvetiam miserat pro ineunda confœderatione d). *Ecce, inquit, novus expectatissimus nuncius, adesse quatuor e S. Blasio, duos presbyteros & duos iuniores, quorum priores duo docendi & nobis adiungendi, posteriores discendi causa Salisburgum diriguntur.* Iam meminimus P. Martini Steineck San-Blasiani primi convictus Salisburgensis Regentis, a quo etiam religiosi
  - e) p. 27. fratres convictores primas regulas e), & optimam vivendi normam acceperunt,

ceperunt, monasticam vero deinceps cœnobîa Michaelburanum in Ba-  
 varia, & S. Petri Salisburgi. Meminimus etiam iam Placidi Rauber  
 an. 1624. Salisburgi rhetorices professoris, quæ in disciplina insignem  
 illum fuisse scripta, quæ supersunt, produnt, impressa etiam eiusdem in  
 Gallia christ. epistola ad episc. Argent. a) quum esset in monasterio  
 Schwarzacenſi abbas. Abeunte Placido Salisburgum, eum secutus est  
 P. Fridericus Koler poeseos professor an. 1626. quo etiam Blasius ab-  
 bas S. Blasii assistens provinciæ Suevicæ in Universitate Salisburg. fuit  
 renunciatus; an. 1631. P. Anastasius Scheitter professor ethices, ac  
 deinceps mathematicæ & philosophiæ, tunc quidem temporis, quum  
 ob bellum Suecicum tota commovetur ac susque deque vertitur Germa-  
 nia, ac Salisburgi etiam contra hostem armatur studiosa academica iu-  
 ventus; nihil tamen funesti accidit, quin etiam tunc asylo fuit Salis-  
 burgum.

SECVLVM  
XVII.

a) Appenz. T.  
V. p. 506.

Reddita postea pace, prospere adeo rem egit academia Salisburgenſis,  
 ut an. 1672. consilium caperet, urgeretque apud abbates Suevicos de  
 suscipiendo studio Rottwilano a PP. Iesuitis deserto; eaque occasione  
 confœderatis abbatibus ex Nigra silva adscripti primum sunt Romanus  
 S. Trudperti, Paulus S. Petri, Georgius S. Georgii, quum hætenus  
 unum S. Blasii monasterium eidem foederi esset sociatum, Ottone abbate  
 an. 1669. Assistente. Georgius vero Geißler San-Georgianus celebratissi-  
 mus abbas studii Rottwilani præses fuit factus e Nigra silva an. 1691.  
 quum iam labasceret, sustentatum adhuc aliquamdiu potissimum a Zwifal-  
 tensibus; qui tamen postea consultius existimarunt, vicinum e propria  
 penu an. 1686. instituere gymnasium Ehinganum, ut in Annal. Zwifalt.  
 legere est b); alia vero apud P. Schramm in chron. Mellic c) item in  
 Bucelini Benedicto redivivo d) & P. Ziegelbaur hist. litter. Ord. S. B.  
 de egregiis conatibus sec. XVII. ac indefesso studio & labore in eri-  
 gendis scholis foris & intus claustra e); ipsis etiam monialibus iterum ali-  
 cubi latio sermone eruditus f), ut quod legunt, & orant in choro, etiam  
 intelligant.

b) p. 324.

c) p. 815.

d) p. 229.

e) P. I. 120.

f) p. 569.

XLV. Gymnasium Rottwilanum tandem circa finem sec. XVII. a  
 Benedictinis relictum, postliminio Iesuitæ occupaverunt: ex quibus fue-  
 runt hoc seculo, qui veluti monopolium quoddam suo Ordini vindic-  
 abant, tunc potissimum in nostris plagis, quando a Ferdinando II. an.  
 1629. restitutio bonorum ecclesiasticorum, atque inter hæc monasterio-

a) Possessiones  
temporales.

SECULUM XVII. rum, quæ in Wirtembergia potissimum in Nigram silvam excurrunt, est decreta; atque ad nostrum nunc faciunt institutum.

- a) p. 462. Apud P. Hefs in prodromo monument. Guelph. a) ex diario coarvo P. Gregorii Knaus monachi Weingartensis notatur an. 1629. 7. Martii, Franciscum abb. Weingart. cum P. Mauro Baldung & D. Nicolao Deuring profectum esse in Ochsenhausen, ubi actum fuit de restitutione monasteriorum in Wirtembergia sitorum. Quæ de monasteriis Nigrasilvanis speciatim deinceps prosequitur auctor, supra indicavimus suis locis. Sæpe laudatus vero P. Hefs, quæ moræ & obstacula iniecta sint tunc a Iesuitis etiam, qui in partes suas episcopos Ordinarios traxerunt, exponit b), legationem item eius rei causa Romam, ad quam primum destinatus fuerat P. Franciscus Chullot monachus, postea abbas S. Blasii, quam a se amolitus est spartam, accepit vero P. Placidus Spiess Prior Ochsenhusanus & P. Maurus Weingartensis, instructi variis litteris, quarum aliæ erant ad patronos veros commendatitiæ, aliæ ad amicos falsos querulæ. Ratisbonæ etiam instructi litteris cæsareis abierunt ad principem Savellium, imperatoris in aula pontificia legatum, in rei gerendæ gratiam ponderosissime scriptis, quas ibidem describit; litteras item abbatum secum tulerunt ad Mutium Vitellescum Iesuitarum Generalem, apud quem etiam coram querelas deposuerunt contra Iesuitas Germanos, P. Paulum Laymann imprimis & personatum Eugenium Lavandæ, qui variis scriptis Ordines, quibus monasteria recuperanda competeabant, eorumque causam laceſſebant. His se P. Ioannes Crusius iunxit postea contra Casparum Scioppium, qui contra Iesuitas causam monachorum & monasteriorum acriter propugnabat, & tam strenue hyperaspitte etiam P. Romano Hay, ut opus, quod sub fictitio nomine Eugenii Lavandæ prodiit 10. mensis Sept. an. 1640. ab Universitate Viennensi tamquam libellus infamis proscriptus & damnatus sit, sub irremissibili pœna triginta Imperialium & confiscationis librorum, si quis hoc schediasma vel imprimere, vel venale exponere aut retinere præsumeret.

Prostat P. Romani Hay Ord. S. Bened. Imperialis monasterii Ochsenhusani in Suevia presbyteri theologi *Astrum inextinctum, sive ius agendi antiquorum religiosorum Ordinum pro recipiendis suis monasteriis (quæ nonnulli perperam extincta fuisse dicunt) & bonis ecclesiasticis per S. C. M. edictum generale, vel ius belli &c. restituendis, e sacris canonibus, eorumque interpretibus clare demonstratum.* Opusculum hoc, ut



ut ipsemet P. Romanus ad finem præfationis ad lectorem edit. an. 1636. fatetur, iussu præcipuorum Ordinis nostri per Germaniam DD. abbatum an. 1631. exaratum, in aliorum postea manus devenit, seque incio primum & invito citra nomen auctoris & debitam approbationem in lucem prodiit an. 1634. quam tamen editionem pro sua non se agnoscere palam profitetur in hac præfatione, ubi mox in adversa pagina, quid potissimum contra adversarium suum agendum sibi fuerit, exponit. Contendebatur nempe ex opponente parte, *Imperatorem hoc rerum statu sub gravi obligatione in conscientia teneri, ut ex monasteriis tam virorum quam fæminarum recuperatis academias, gymnasia ac scholas, collegia item ac domicilia quam plurima Societatis Iesu in quibusvis Germaniæ partibus fundet ac dotet.* Postquam Romanus Hay toto suo opere rem monasteriorum contra hanc feralem assertionem egisset, addit ad calcem etiam instrumenta, epistolas ac rescripta, quæ ad rem pertinent, cæsarea imprimis ad abbates Weingartensem & Ochsenhusanum, qui nomine congregationis Suevicæ causam Benedictinorum, Cæsareensem item, qui Cisterciensium rem agebat. Sequitur postea apographum epistolæ Ferdinandi II. ad Dominos executionis commissarios propter occupata monasteria Ordinum SS. Benedicti & Augustini a), in quo monasteria, inter alia Nigrasilvana, restituenda recensentur; deinde quod etiam congregationem Bursfeldensem attinet, quam supra vidinius sibi illa monasteria etiam Nigræ silvæ, quæ antea ad illam pertinebant, repetiisse; cuius congregationis commissarius abbas Hassfeldensis plusculum aliquid indulgisse visus est, perinde ac Cæsareensis, quod cessionem nonnullorum monasteriorum attinet; at contra hoc assertum litteris ille se patentibus defendit, quæ afferuntur b), ac postea etiam instrumentum publicum, quo ab insinulata monasteriorum cessione abbas Hassfeldensis defenditur c). Quæ vero omnia postea frustranea reddidit Instrum. pacis Westphal. Art. V. §. 2. *Non audiantur propterea quicumque reclamantes sive ecclesiastici sive seculares.*

a) l. c. p. 397.

b) p. 406.

c) p. 419.

Tempore vero transactionis seu pacificationis rem monasteriorum studiose egit P. Adamus Adami ex monacho Brunwilerano præfectus monasterio Murrhatensi, quæ fuerat cella Hirsaugienfis: legatus postea missus ad pacis Westphalicæ congressum, non obstante controversia, quam ei dux Wirtembergensis eo in munere movit, dum ipse ad se monasterium illud, cuius præsul erat Adamus, aliaque ducatus sui, quorum etiam causam ille egit, attinere contenderet, iuribus suis rebusque detrimentum timens, si antistitibus, monasteriorumque in suo ducatu sito-

rum

SECVLUM  
XVII.

rum administratoribus suffragium & locus inter paciscentes concederetur, ipforumque deputati ad publicas de Imperii salute consultationes admitterentur. Viam sibi tamen Adamus Adami nomine Corbeiensis Ord. S. B. & aliorum principum atque prælatorum Imperii, quorum legatus erat, aperiens, id saltem egit, ut ingenti studio conscriberet acta pacis Westphalicæ a Io. Godefredo de Meyern edita cum ipsius auctoris vita an. 1736. Separatim idem anno sequenti edidit eiusdem Adami relationem historicam de pacificatione Osnabrugo-monasteriensi, ubi capp. XXI. §. 23. XXV. §. 10. XXXII. §. 10. quæ de monasteriis Wirtembergiæ, quæ duci cesserunt, sunt inter paciscentes acta, attingit, nosque supra de pace Westphalica agentes & passim etiam suis locis attigimus.



LIBER

## LIBER XIII.

*Nigra Silva seculo XVIII. Ordinis S. Benedicti XIII.*

**A**ccomodatam est huic a Christo nato seculo XVIII. quod Horatius Lib. I. Od. 3. canit.

*Expertus vacuum Dedalus aeræ  
 Pennis non homini datis :  
 Perrupit acheronta Hercules labor.  
 Nil mortalibus arduum est.  
 Cælum ipsum petimus stultitia : neque  
 Per nostrum patimur scelus  
 Iracunda Iovem ponere fulmina.*

Inquies hominum genus pertæsum veluti ac indignatum terram aera pervolat : irreligiosum superos acherontaque ceu loco (abiecto supremi numinis metu, cultuque) movet. Præsens seculum recte in duas dividitur partes, duasque habet epochas, quarum prima ad medium usque seculi ingentes in statu Europæ politico tulit rerum conversiones : altera iam, in qua versamur, talibus turgēt in religione, statuque ecclesiastico, qui dilapsus quibusdam in regionibus, status in statu, vel si mavis, status cum statu esse desinit, merumque exterius amittit iuperium & auctoritatem, qua hactenus in orbe catholico gavisa est ecclesia, faventibus etiam christianis principibus, variisque insuper cumulantibus res & personas ecclesiasticas privilegiis & immunitatibus.

SECULUM  
XVIII.

Præsentis seculi Status.

Remissas ecclesiæ prærogativas, accisamque legitimam ecclesiasticam a protestantibus potestatem Henr. Dodwellus etiam ex heterodoxis in Anglia singulari libro *De vitando schismate ad externos protestantes* notavit apud suos, & condoluit, loco potius, professor academix Oxoniensis, cedens, quam sacramento fidem falleret.

II. Cum sæpe anteaetis temporibus in conventibus ecclesiasticis de emendatione calendarii ageretur : an. 1414. in conc. Constantiensi consilio Card. Petri de Aliaco mathematici etiam insignis res ad eam formulam præparata fuit, ut termini paschales ad æquinoctium vernal revocarentur. Anno item 1436. Card. de Cusa theologus & mathematicus eum modum facillimum fore proposuit in concilio Basileensi, ut omissa una sep-

Calendarium  
novum initio  
huius seculi etiam a  
protestantibus  
suscep-  
tum.

MART. GERBERTI NIG. SILVA. T. II.

M m m

timana

SECVLUM  
XVIII.

timana aureus numerus in lunarem commutaretur, ut tempore concilii Nicæni fuerit. Rem deinceps subinde resumerunt Romani pontifices: quibus refragarii protestantes, quod nosse omnino in historia interest, ad initium usque seculi XVIII. retinuerunt calendarium vetus, quod dicitur, ad distinctionem novi ab anno usque 1582. inducti: cui nempe tunc mense Octobri decem dies pro norma celebrandi paschatis, ne cum iudaico coincideret, sunt adempti auctoritate Gregorii XIII. quam illi detrectarunt, cum Rudolphus II. Imp. tunc rem Augustæ & an. 1613. Mathias Imp. Ratisbonæ ad comitia deferret. Frustra etiam res Statibus an. 1664. 1676. fuit proposita. Dum vero in sacris & civilibus negotiis confusio augeretur, quod in aliis provinciis calendarium Gregorianum in aliis Iulianum obtineret, atque lapsu seculi iam etiam undecimi diei discrimen accederet, circa finem sec. XVII. serio & studiose elaboratum est ab Erhardo Weigelio imprimis insigni mathematico & professore academix Ienensis, qui cum in diversis protestantium aulis, cum etiam in comitiis Ratisbonensibus anni 1698. modum emendationis obtulit, auditisque aliorum etiam mathematicorum rationibus, decretum est a corpore evangelicorum, ut undecim dies post decimum octavum mensis Februarii ex anno seculari 1700. eiicerentur, celebratioque paschatis exactius secundum calculum astronomicum deinceps, veluti a Patribus Nicænis id negotii Alexandrino patriarchæ fuerat datum, institueretur; de succedentibus vero temporibus mathematici inter se conferant impostum, uti in theatro Europæo ad annum 1700. legere est a).

a) P. XV.  
p. 691. &c.

Necdum sic prospectum satis fuerat in futurum, iuxta cyclum Dionysianum calendarii Iuliani: dumque ad annum 1744. pascha ordinaretur a protestantibus (iuxta ac conclusum an. 1723. fuerat) diversitas illo anno in celebrando paschate ingentium dissidiorum fuit causa, quibus ut obviaret Borussorum rex in Silesia sua pascha iuxta calculum & normam catholicorum celebrari iussit: annoque 1776. egit in comitiis Imperii, ut deinceps in commodum mutui commercii, atque ad præcindenda dissidia in regionibus potissimum mixtæ religionis, norma catholicorum communibus votis adoptaretur; cum alias duobus adhuc huius seculi annis 1778. & 1779. foret diversitas iuxta normam, quæ in conferentia protestantium die 30. Ianuarii an. 1723. fuerat constituta. Quæ hanc in rem ex comitiis iudicisque imperii, ipsoque ab imperatore pro celebrando paschate an. 1778. emanarunt, in actis Vinariensibus historico - ecclesiasticis nostri ævi leguntur b). Ac primum quidem

b) T. II. P.  
436. &c.

conclu-



conclusum corporis Evangelicorum d. 16. Aug. 1775. tum vero postea SECVLUM XVIII. comitiorum Ratisbonensium a) consultum ad cæsarem ea in re anno sequenti d. 29. Ianuarii datum, ipsiusque imperatoris decretum ratificationis eiusdem anni ac rescriptum ad Status imperii cum litteris patentibus ac decretis ad iudicium imperiale aulicum & cameræ Wezlarieus b). a) T. III. p. 599. Sc. b) p. 612.

Sequuntur litteræ corporis Evangelicorum ad reges Magnæ Britanniae, Sueciæ, & Daniæ in eadem causa, quibus cum significassent, nihil sibi potius esse & antiquius, quam ut tot & tanta incommoda, quæ ex ista festorum discrepantia, ad negotiationem & commercia redundant, reiicerentur, atque evitarentur, turbisque omnibus & discordiis, quarum uberior proventus ex eadem, iis præsertim in locis succrescere solet, quorum incolæ diversis sacris utuntur, fomenta subtraherentur, contra ea omnes christianæ fidei & doctrinæ affectu in sempiternam unitatem mutuumque consensum hac in re adducerentur, deinceps senatus consultum uno ore animoque prolatum declaratur, *cum parte imperii Romano-Catholica eo convenire, ut salvis undique iuribus superioritatis territorialis tam in politicis quam ecclesiasticis, reservatoque specialiter liberrimo iuris liturgici exercitio, quam primum calendarium, uti vocant, novum emendati sacrique Romani imperii calendarii nomine insignitum, & typis exscriptum fuerit, dies Christo ad vitam redeunti sacer seu paschatis festum, ut & ceteri dies festi inde pendentes, simul & coniunctim imposterum celebrentur cum Romano-Catholicis.* Adduntur demum litteræ, quibus ea res etiam confœderatis Belgii Statibus, vicinisque Nigræ Silvæ Helvetiæ cantonibus protestanticis a corpore Evangelicorum nota fit. Sunt vero ex Helvetis Glaronenses, Appenzellenses, & Rhæti, qui in instrumentis publicis hodieque vetus calendarium cum novo asignant.

III. Famossimum fuit sæculi huius XVIII. initium, quo augusta Bellum ob successionem Hispanicam. Habsburgo-Austriaca familia hæreditate post homines natos maxima, monarchia Hispanica, cui sol nunquam occidere dicitur per orbem terraqueum, fuit destituta, morte Caroli II. ex stirpe Habsburgica ultimi Hispaniarum regis, cuius parens Philippus IV. iam an. 1665. mortuus, testamento, veluti rem prælagiens, caverat in casum mortis Caroli filii sine liberis, qui semper ægrotus, & iam morti proximus urgebatur, ut Iosephum Ferdinandum Bavarie principem facto testamento sibi successorem denunciaret, invitis Leopoldo imp. & Ludovico XIV. Gallorum rege. Id tamen præseferbat primum Caroli testamentum anni 1698. Cum vero morte sublatus esset an. 1699. Ios. Ferd. Bavarie princeps

SECVLVM  
XVIII.

cui destinata erat hæreditas, id primum transactum est potissimum in aula Anglica, ut Carolo Aultriaco quidem Hispania cum America & Belgii provinciis obtingeret, Delphino vero utraque Sicilia, unacum Italiæ portubus, ea tamen conditione, ne Carolus archidux vivo adhuc Carolo II. rege in Hispaniam veniret: quæ ipsa conditio Habsburgicæ genti fraudi fuisse visa est, ut veluti supplantata postea fuerit posteriori Carolo II. regis ante mortem testamento, quo Philippum ducem Andegavensem successorem designavit, ea tamen conditione, ne Hispania unquam cum Gallia coniungeretur.

Non poterat non res hæc perturbare Europam, statimque percrebrescebant bella etiam in nostris plagis. Quæ primum in Italia perstrepuere arma, mox etiam patriam nostram exagitarunt, dum elector Bavarix, fœdere cum Gallis factò, occupata Ulma, aliisque Sueviæ civitatibus, id maxime agebat, ut suum cum Gallico coniungeret exercitum, quod vero omni nisu impedire satagebat Ludovicus Badensis dux exercitus Austriaci & sociatorum imperii ad Rhenum, quem atque etiam interiectam Bavarum inter & Gallum Nigram Silvam vallis & aggeribus muniit, Rhenumque transituro apud Huningam occurrit Villarsio; copias nihilominus ad Nigram Silvam, quæ Bavaros a transitu prohiberent, dimisit. Fridlingæ primum an. 1702. confertum est prælium haud procul urbe Basilea ad confinia Nigræ Silvæ. Ludovicus cedere compulsus, apud Stauffam Brisgoiæ oppidum copias collegit, partemque Nigræ Silvæ imposuit, ut Gallorum cum Bavaris impediretur conjunctio; cui tamen sequenti anno 1703. capto etiam haud magna vi adhibita Brisaco, locus datus est, perruptis ab exercitu Villarsii aggeribus, ut haud magno negotio per vallem Kinzinganam atque abrupta Nigræ Silvæ montana mense Maio Villarsius, occupatis Hausenæ & Hornbergæ munimentis, atque pulsus ubique militum stationibus, Villingam usque perveniret. Neque cohibere potuit Ludovicus Badensis, quo minus eo etiam Tallardi exercitus mense eodem penetraret ex altera Nigræ Silvæ plaga per vallem abbatiæ S. Petri, iterumque mense Julio apud Hornberg & monasterium S. Georgii in Nigra Silva; frustra quidem tentata Villinga, dum, obsidione postea relicta, in Sueviam contendit, captus dein cum duodecim millibus Gallorum in prælio apud Hochstadium ducatus Neoburgici oppidum ad Danubium, ubi Galli cum Bavaris maxima accepta clade trans Rhenum fugati sunt per eandem viam, dum ex Tuttlingen Villarsius fugientibus Gallis Bavarisque occurrit per Hornberg & S. Georgium, eosque comitatur Rhenum transituros.

Neque

Neque iam unquam Gallos eo bello libido incessit, easdem tentandi per abrupta silvarum montiumque Nigræ Silvæ vias, dum iterum proximis annis Rhenum transeunt, atque etiam an. 1713. Friburgum capiunt, veluti pacis lytrum, quæ anno sequenti Rastadii principem inter Eugenium Sabaudia & Villarsum pacta nomine imperatoris & regis Galliarum, eodem anno Badenæ Helvetiæ in Argovia oppido communibus Imperii Germanici votis est suscepta.

SECVLVM  
XVIII.

IV. Recruduit vero mox sequenti anno 1715. bellum Turcicum, quod a fine præteriti seculi interstitium habuit, iam vero redintegratum felicissime gestum est ab incomparabili Sabaudia principe Eugenio, paucisque annis, interveniente licet an. 1717. bello Hispanico, ita confectum est, an. 1718. inita pace, ut victricibus Austriæ armis, quibus etiam circularum imperii copiarum atque ex nostris plagis inter bellduces heros Alexander Wirtembergius inter alios aderant, bello occupatæ provinciæ manerent cum Belgrado, quod ad internecionem deletis Turcis die 18. Octobris an. 1717. cæsareis cesserat, postremo tamen infelici Turcico bello an. 1739. a Turcis obsessum, per pacis conditionem æquatis solo munimentis, cum Serviæ regno ac Walachia parte iisdem relictum est.

Bellum Tur-  
cica.

V. Ultimum hoc bellum Turcicum proxime successit bello, quod rex Galliarum Carolo VI. imp. indixit ob regnum Poloniæ post mortem Friderici Augusti electoris Saxoniae Friderico Augusto filio delatum neglecto Stanislao Leszinski Socero. Theatrum belli fuit tum in Italia, ubi foederatis adfuit Gallis Hispaniæ & Sardinia regum miles, cum in nostris plagis, ubi sociatæ ad Rhenum exercitui cæsareo sunt principum & circularum imperii copiarum. Galli trajecto Rheno an. 1734. munimentum Kehl & urbem Philippopolim expugnarunt, sagacitate vero & prudentia Eugenii principis Sabaudia factum est, ne ulterius in patriam nostram penetrarent. Primum tum in terris nostris comparuerunt Russi auxiliares, qui visi sunt pacem nobis attulisse, Viennæ eodem anno 1735. initam, quo Russi adventarunt mense Octobri, dum iam Eugenius princeps Viennam (ubi anno sequenti insuperabilis heros morti succubuit) rediisset, relicto exercitus cæsarei ducatu Alexandro Wirtembergico.

Bellum ob  
successionem  
Polonicam a.  
1733.

VI. Fuit inter pacis articulos Sanctio etiam pragmatica, qua M. Theresia primogenita Caroli VI. imp. filia hæres omnium regnorum & provinciarum Austriacarum est decreta, siquidem Carolus sine hærede masculo decederet, quod iam an. 1722. a Statibus regni Hungarici,

Sanctio praga-  
matica suc-  
cessionis Au-  
striacæ.

SECVLUM  
XVIII.

a) *Hist. gént.  
ral d'Allema-  
gne T. X. p.  
763.*

& deinceps a Statibus aliarum etiam provinciarum est ratihabitu-  
lam an. 1713. res concepta fuerat, dum mortuo Leopoldo filio Io-  
sephi I. nato an. 1700. Carolus VI. prole mascula cariturus timebatur;  
nomen autem & auctoramentum Sanctionis pragmaticæ accepit anno  
1720. M. Theresia primogenita Caroli iam trimula. Data quavis occasione  
Carolus VI. Sanctionem hanc acceptari curavit veluti an. 1725. tabulis  
paci cum rege Hispaniæ initæ, iterumque (postquam anno sequenti eadem  
roborata fuisset a Russiæ imperatrice, accedente eodem adhuc anno Bo-  
russiæ rege) an. 1731. dum tractatui inter cæsarem, Britannum &  
Batavos Hispanus etiam accessisset cum conditione eiusdem Sanctionis  
tuendæ. Instrumentum legitur Gallice ad annum 1720. apud P. Barre a):  
& postea ad annum 1731. ea narrantur, quæ in hac causa imperator  
ad comitia Imperii Ratisbonæ detulerat, ut Statuum Imperii etiam ac-  
cessionem impetraret, intercedentibus quidem, sed incassum electore  
Bavaro imprimis, Palatino item & Saxone, qui tamen an. 1733. eam  
etiam accepit: eventusque docuit in Carolo VII. imp. Ferdinandum  
de Furstenberg principalem commissarium apud comitia Ratisbonæ haud  
fessellisse, dum ea de re Statibus Imperii an. 1731. ob oculos posuit,  
domum Austriacam hactenus se propugnaculum christianitatis præbuisse,  
esseque ad tutelam libertatis Europæ, & specialiter charæ patriæ, coro-  
nam Imperii esse filiam sine dote, quam præstare domus hæc tot regnis  
cumulata præprimis possit &c.

Bavarica bel-  
la.

VII. Quam provide etiam ac sollicitè prospectum videri poterat  
successioni hæreditariorum regnorum & provinciarum Austriacarum in  
M. Theresia, ea tamen vix non deiectam se videre debuit primis post  
mortem Caroli patris rerum aspectibus, quem an. 1740. die 20. Octobr.  
defunctum iam eo anno ad æternitatem præcesserant Clemens XII. P.  
& Fridericus Wilhelmus Borussia rex, secuta autem post octo dies  
est Anna Russiæ imperatrix, a qua fideli fœderata quævis sperare po-  
terat M. Theresia; ex adversa vero parte mox sese prodiderunt proci  
hæreditatis paternæ potentissimi reges Hispaniæ, Poloniæ, Borussia, ac  
imprimis Baviaræ elector, a rege Galliarum sustentatus. Ex his primus  
ad finem iam anni præteriti movit Fridericus Borussia rex, Silesiam  
sibi vindicans.

Medio anno 1741. Carolus elector Baviaræ Austriam aggressus so-  
cium mox exercitum Gallicum accepit, per plagas nostras eo prope-  
rantem. Nec difficulter tunc Vienna ipsa in deditionem venisset, nisi  
consilium initum fuisset, e Lincio superioris Austriæ urbe recta concedere

Bohe-



Bohemiam, eiusque metropolim Pragam expugnare, qua subito concubia nocte occupata elector Bohemiae rex proclamatus fuit, atque sequenti an. 1742. etiam imperator, Francofordiae electus & coronatus. Secuta eodem adhuc anno pax cum rege Borussiae, cui rex Poloniae mox accessit, rerum ingentem conversionem afferre potuisset, si firma fuisset. Gallos ex Bohemia, relicta ob inedia Praga, an. 1743. domum properantes insecutus est exercitus Austriacus maxima militum Hungaricorum copia, primumque in vicina Brisgoia apud Brisacum & Rheinwiler transitum in Alsatiam iam mense Octobri tentasse visus est. Transiitum vero postea apud Oppenheim factum inopina regis Borussiae invasio Bohemiae frustravit, atque revocari exercitum coegit. Novo porro foedere sese cum Carolo VII. Caesare reges Galliarum & Hispaniarum an. 1744. obstrinxerunt, non prius deponere arma, quam satis rebus caesareis foret provisum.

Nostras etiam tunc exercitus Gallicus terras nullo occupavit negotio, milite destitutas praeter urbes munitas, quae fuerunt expugnatae, atque ab omnibus ubique homagium Bavaro praestari fuit imperatum. Attamen Rhætiae alpes a Brigantinis obsessae Gallis inaccessae permanserunt, ad quarum fauces post mortem Caroli VII. anno proximo 1745. Maximilianus elector filius pacem in oppido Faucensi peculiarem (generali Aquisgrani anno demum 1748. seculari pacis Westphalicae, composita) iniit, Gallis etiam Suevia, atque anteriore Austriae provincia postea eodem adhuc excedentibus anno. Proximis porro annis 1746. & sequenti minister Gallicus de la Noue nomine regis sui iterato Ulmae declaravit etiam scripto, copias Gallicas in mandatis habere, Rhenum haud transire, nec solum ditiones circuli Suevici, sed Brisgoiam etiam caeterasque anteriores Austriae terras neutralitatis pacto ultro complecti.

Anno 1745. in autumno Sueviam gloriosa transivit M. Theresia marito Francisco, in caesarem electo, occurrens congratulatum, atque coronationis solemnis pompae adfutura Francofordiae, ubi antecessor Carolus VII. interstitium quoddam, ut ita dicam, tenuit imperii sui, ad extremum fere vitae extorris patrio solo, mortuus ineunte an. 1745. dum vix ad regiam Monachium rediens, salutatus esset a suis. Maximilianus filius pacem, quam initio regiminis restituit, constanter, dum vixit, retinuit. Nec bellum, quod post eius mortem, qua an. 1777. sine haerede improlis defunctus est, diuturnum fuit aut grave, velitationibus in Bohemia confectum inter exercitum caesareum & Borussicum cum copiis Saxonis, praesentibus quidem imperatore & rege, sed altero

SECURUM  
XVIII.

tero mox anno ad pacem conspirantibus, quæ fuit interventu Ruffiæ imperatricis Catharinæ & Ludovici XVI. Galliarum regis Tefchæ in superiore Silefia an. 1779. feliciter ita confecta, ut rex properaret, in gratiam diei natalis M. Theresiæ regiæ apostolicæ maiestatis copias tam celeriter revocare, quam præpropere post mortem electoris copiæ cæsareæ magnam Bavarîæ occuparunt partem, eo ipso temporis articulo, quo de transfigendis rebus tractabatur cum electore Palatino Carolo Theodoro: qui quidem christiano principe digno pacis studio, suæ & subditorum salutî optime consuluit ipse etiam improlis stirpis Wittelsbachicæ ramus, nec tamen obfuit, quo minus princeps Bipontinus Carolus Augustus hæres ex asse nihil intentatum relinqueret.

Bellum Bo-  
russicum.

VIII. Subito ac apud vulgus insperato, anno 1756. a Nigra Silva quidem remotius exarsit in Germania nostra bellum regem inter Borussîæ & Austriam; cui tamen etiam implicatum fuit imperium Germanicum, dum ex primoribus illius membrîs elector Saxonîæ repente in suis terris exercitu Borussico velut inundatus, facillique negotio exercitus ipse Saxonicus captus, atque cum Saxonia in deditionem fuit redactus, mox etiam Bohemia, ipsa tunc trepidante Vienna. Res hæc totam propemodum Europam commovit, imperium præsertim Germanicum, cuius optimates ac circuli peculiarem exercitum regi opposuerunt. Unde commotus rex Borussîæ non semel irruptionem in Franco-nicum circulum fecit, tentaturus porro in Suevicum, Nigræ etiam Silvæ nostræ terrorem incussit: Sueviaque idcirco in suo conventu de deponendis armis egit, aliique imperii optimates extricare se bello contendebant, neutrales dimisso exercitu, annuente etiam imperatore an. 1763. quo vero ipso pax fuit adhuc restituta.

Austria cum  
Gallia felici  
foedere iun-  
cta.

IX. Inaudito exemplo auxiliares ex foedere Rufficæ copiæ, dum medio bello, Elisabetha mortua, Petrus III. imperium Russicum capefferet, ab Austriacis ad Borussos conversis armis defecerunt. Vicissim vero iam an. 1756. re item a seculis inaudita, inter aulam cæsaream & Gallicam arcta coaluit amicitia, terris nostris imprimis salutaris, ubi in bellis Gallicis primæ fiebant irruptiones, præsertim postquam Gallicæ monarchiæ Alsatia ad adversum Rheni litus adiecta est, magisque pervia reddita est Nigra Silva. Ansam dedit foederi, Galliæ inter & Britannîæ reges bellum, dum uterque sibi ab aliis hostibus cavet, foederibusque conciliare allaborat, dumque Britannia paulatim ab amicitia Austriæ deflectit, legatus Galliæ occasionem hanc captare iubetur Viennæ apud aulam cæsaream, ubi tunc opportune admodum Kaunizius prius legatus apud regem Galliæ res status moderabatur,

batur, remque dexterrime unacum legato Staremberg egit, uterque pro meritis principis axioma ornatus, nec unquam satis laudandus tum aliis innumeris titulis, tum hac præprimis re, ad quam Europa stupuit, dum repente aliam veluti in formam mira metamorphosi se transmutatam an. 1756. conspexit. Visum aliquibus est, sed immerito, ob hoc subornatum execrabilem illum Damienum, qui ausus est, violentas optimo regi Galliarum Ludovico XV. inferre manus, ut tamen divina providentia præsentaneum vitæ periculum averteret, perinde etiam in similibus parricidii casibus nostra ætate adversus Portugalliæ & Poloniæ reges, ad quæ diabolica facinora, ut alia similia silentio obvolvam, orbis non multis vergentis huius seculi XVIII. annis exhorruit, quando pauci fuerunt regii throni, qui non sint sanguine tincti.

X. Inter hæc vero cæsarea regia familia felicissime degit, incomparabilisque M. Theresia, apostolicæ maiestatis titulo aucta, augustam pro-  
Testamen- tum Habspurgici cultus eucharistici.  
 tatem ad thronos regiores evectam postquam vidit, veluti testamento (pie-  
a) Fast. Rudolph. c. III. S. X. p. 32.  
 tate avita inde a Rudolpho I. R. R. a) qui coronam Imperii, ut alibi commemoravimus, devotioni insigni erga sanctissimum altaris Sacramentum in acceptis retulit) perpetuam adorationem huius admirabilis Sacramenti ubique gentium per hæreditarias Austriæ provincias instituit, in anteriore Austria incredibili cultus ardore susceptam. Devotionis huius præcipuæ eximium sane specimen præbuit Augustus M. Theresiæ filius Iosephus II. imp. dum an. 1777. ex Gallia redux Friburgi Brisgoiæ adventat die 19. Iulii, opportuneque tunc mox altera, quæ erat Dominica dies, statio huius divini cultus erat in insigni urbis basilica, ad quam cæsar concurrit, præsentem innumerabili populi multitudinem, comitantibus rei forensis & militaris primoribus, ut tamen supplicationi minimi instar militis, stans primum erectus nudo in pavimento, ad sacratiorem vero liturgiæ partem genibus nuda in humo provolutus adesset, me tunc operante rei divinæ, perinde ac ante septennium archicapellani munere in anteriori functus Austria, dum M. Antonia Iosephi soror ad thorum Ludovici XVI. tunc Delphini, iam regis Galliarum, per eandem properaret viam.

XI. Quo quidem tempore caritas annonæ ab hominum memoria in-  
Annonæ caritas.  
 audita ingruit, anno sequenti 1771. tanta, ut passim ob victus penuriam nuntii de vita periclitantibus advenirent. Causa huius caritatis non tam defectus frugum fuit, quam timor quidam Panicus, seu, ut ita dicam, panicus: dum quævis regio, imo quævis civium communitas, atque etiam privatus quisque sibi timet, defuturum successu temporis

SECVLUM  
XVIII.

panem, vetita ubique frumenti exportatione. Causa vero potissima frumentarii fuerunt, quos vocant Dardanarios, seu frumenti flagellatores, qui annonam corradunt, reservantque, ut quam carissime vendant, experti tamen passim maledictionem Prov. XI. 26. *Qui abscondit frumenta, maledicetur in populis; benedictio autem super caput vendentium.*

Vulgus tunc Nigrasilvanum utcunque sese melius sustentare videbatur, modico, aut etiam sine pane vivere suetus, nutritus pomis terrestribus (Erdäpfel) quæ singulari quadam divina providentia, adolescente seculo XVIII. in has terras advehi, colique cœperunt.

Iosephi II.  
transitus per  
vicinam Hel-  
vetiam, ur-  
besque silve-  
stres.

XII. Iterato iam annis proximis Imperator Nigram etiam Silvam nostram obiit, an. 1777. per Helvetiam redux ex Gallia, deinde anno 1780. ex Belgio, instituto itinere per urbes silvestres.

Urbes hæc partim cis partim trans Rhenum ad litus Helveticum sitæ, commodum ex hoc situ retulerunt ineunte hoc seculo, dum haud invita utraque Austriacorum & Gallorum belligerantium parte, iniecto Helvetico præsidio suæ & Helvetiæ securitati consuleretur ex pacto cum Austria, qua tota non solum vallis Frickiensis, sed etiam latus lacus podamici ad urbem Constantiam comprehendebatur, perinde ac in ultimo ad finem sec. XVII. bello Gallico, ut in theatro Europæo a) pluribus in tomis consequenter exponitur articulatim in historia Helvetica.

a) P. XV. &  
seq.

Exortum fuit in hac republica an. 1712. bellum catholicos inter & protestantes cantones ob rebelles abbati S. Galli comitatus Toggenburgici subditos protestantes, quorum patrocinium Turicenses & Bernates imprimis susceperant, resque agitata etiam in comitiis Imperii fuit ob nexum feudalem principis S. Galli cum Imperio. Fuit porro connexa Constantiensis episcopi causa ob dynastias Keiserstuhl & Clingnau ad litus Rheni hic Nigræ Silvæ oppositum e regione silvestris oppidi Waldshut. Bernates & Turicenses utrumque occuparunt oppidum Keiserstuhl & Clingnau an. 1712. quo quidem, sed frustra, de pace agebatur; Bernates vero & Turicenses ob exemptionem ab Imperio, pace Westphalica obtentam, id consecuti sunt, ne causa sua pacis Badensis articulis conventis, quod princeps S. Galli petebat, infereretur.

Eo usque tamen urbes silvestres Helvetico præsidio tutæ erant; bello autem postea Bavarico post mortem Caroli VI. quam anterioris Austriæ provincia ab exercitu Gallico nullo quidem occupabatur negotio anno 1744. urbes silvestres in fidem Caroli VII. imp. electoris Baviaræ fue-

runt



runt receptæ præstito homagio : castrum etiam munitissimum Rheinfel- SECULUM  
XVIII.  
dense post paucorum dierum obsidionem expugnatum ac dirutum fuit.

Anno sequenti, postquam iam recessissent Galli, regimen vero Austriacum, Friburgi ob irruptiones Gallicas minus tutum, Waldshut-  
tum concessisset, rebelles rultici Hauensteinenses eo audaciæ proceffe-  
runt, ut armati ineunte mense Novembri undique concurrentes oppi-  
dum, captivos suos liberaturi socios, cingerent, & ad deditionem pe-  
terent, atque adhibitis machinis bellicis expugnare velle viderentur; ab  
iniecto tandem, ex vicinis tum Austriacis cum etiam ad circulum Sue-  
vicum pertinentibus locis, milite provinciali fugati, dissipatique, ac de-  
mum ad officium revocati, hætenus quiete degunt, communique iam pa-  
triæ fruuntur securitate ex felici Austriæ cum Gallia, utinam nullo un-  
quam fato dirumpendo, foedere.

XIII. Facit hoc, ut iam æquanimiter ferat patria inestimabile dam- Friburgum  
Brisgoia.  
num, quod ultimo cum Gallis gesto bello an. 1744. pertulit, everfis  
funditus munitionibus, quibus Nigra Silva, iam etiam suapte natura  
munita, invicta esse poterat. Ex quibus præcipua urbs Friburgum Brisgoiæ  
Nigræ Silvæ veluti corona imposita, ad finem seculi præteriti pace Rys-  
wicensi cæsari a Gallo reddita, ineunte hoc seculo XVIII. statim impeti,  
coorto bello, est visa an. 1702. quando primum Galli, traiecto Rheno  
ad nos diverterunt. Sed, urgente tunc coniunctione cum Bavaro, intacta  
est relicta : frustra etiam proditione eam a. 1708. tentavit, corrupto mi-  
lite, Villarsius; a quo tamen ipso expugnata est, postquam an. 1713.  
superato mense demum Septembri Rheno, aggeres Friburgo ad Nigram  
Silvam deductos, quos Vaubonius non, ut oportuit, est tuitus,  
disrupit, medioque iam eodem mense urbem aggressus, tandem stre-  
mæ admodum ab Harschio defensam, medio mense Novembri obtinuit,  
postquam iterato Harschius extremum Eugenio Sabaudia principi, urbi  
frustra occurrere gestienti, denunciasset periculum, in quo versabatur,  
a supplicibus vero civibus ad deditionem flecti nequiverat : dumque  
urbe relicta, in munitas arces se confert, civitas ab interitu servata est  
ab urbis Syndico Fr. Ferdinando Meyer, qui vexillo albo protenso,  
hosti, iam ad ultimam impressionem parato, deditionem denunciavit.  
Urbem paucis post diebus arces ob periculum eidem imminens secutæ  
sunt, hosti traditæ die 17. Novemb. ultro confesso Villarsio, talem  
se nunquam expertum fuisse defensionem. Musæ tunc etiam expulsæ,  
Constantiam concessere, eo migrantibus professoribus plerisque acade-  
miæ, ipsoque rectore magnifico Io. Sig. Stapf, cuius postea filius Io.  
N n n 2 Georg.

**SECVLVM  
XVIII.**

Georg. Sigismundus Stapf a senatu academico, medios inter tormentorum strepitus, in sacristia templi parochialis academici pridie festi OO. SS. eodem rectoris munere est ornatus an. 1744. ut refert Iosf Riegger in Amœnit. liter. Friburg. Fasc. I. p. 31. dum durissima obsidione, præfente ipso Galliarum rege, die 17. Sept. premi cœpit Friburgum. Eius mœnia a Gallis instaurata fuerant, paceque Badensi an. 1715. restituta urbs, iterum iam notato anno 1744. a Gallis expugnata; arces perinde tres una supra aliam in tergo montis Burghalden munitissimæ hosti Gallo cessere, qui omnia munimenta funditus diruit: urbemque cum provincia, pace Austriam inter & Bavariam an. 1745. inopinato pacta, die 30. Aprilis eiusdem anni deferuit, atque colonis reliquit fundum mœniorum.

**Villinga,  
Rottwila.**

XIV. Una tunc Villinga mœnia sua integra servavit, quæ suo commodo milite destituta, die 10. Sept. an. 1744. a Gallico duce Belle Isle est occupata, dum nunquam eo usque in manus hostium venisset, sæpius infestata iam præterito seculo XVII. atque etiam iterato ineunte hoc sec. XVIII. primum a Villarsio an. 1702. mense Maio, quo ipso mense anno sequenti Bavarus urbem, facto assultu, in suam potestatem redigere iam paraverat, sed ab exercitu cæsareo imminente apud Schoenberg revocatus est a consilio. Anno dein 1704. mense Iulio maximum impetum a duce Tallard sustinuit, unius fere hebdomadæ arctissima obsidione, strenne a B. de Wilsdorf defensâ. Inde dilapsus Tallardus in Sueviam, ad coniunctionem cum Bayaro festinans, die 13. mensis Augusti in decretoria ad Höchstadium pugna captus fuit, exercituque Gallico & Bavaro dilapso, patria hoste fuit liberata. At vero an. 1713. iterum perruptis aggeribus una aggressione Vaubonium Austriacum ducem, Rottwilam usque per vallem S. Petri, ac S. Georgii dilapsam, fugarunt Galli. Vaubonius ad tutelam Sueviæ hosti præoccupaturus loca, apud Rottwilam confedit (ab ineunte hoc seculo turbis intestinis concussam), munitis castris, mœniis etiam Villingæ, & aggeribus Nigræ Silvæ, quam perrupturus esse videbatur hostis; qui tamen ad Rhenum regressus, atque in Brisgoia obsidioni Friburgensi intentus, Sueviam reliquit intactam.

**Alia ad Nicrum potissimum oppida incendiis correpta.**

XV. Ea quatenus est Nigræ Silvæ contermina, sequentibus annis in plerisque oppidis maxima ex incendiis ad Nicrum potissimum damna pertulit. Veluti an. 1721. die 11. Sept. oppidum Sulz conflagravit combustis 73. ædibus, a. 1724. Hechinga 30. Octobr. decem desideratis.

Anno

Anno mox sequenti 13. Ian. Horbæ ad Nicrum in comitatu Hohenbergico una nocte 250. domus flammis cessere, me ipso tunc adhuc puero quin- SECULUM  
XVIII.  
que annorum, graviterque ægrotante cunis iniecto, atque extra urbem delato, flammias illas, quas etiamnum phantasia menti suggerit, diris-  
simas concubia nocte eminus prospiciente. Anno 1726. oppidum Reit-  
lingen paucis ab oppido Horb distans leucis, vix aliquot exceptis ædi-  
bus, totum in cineres fuit redactum; veluti etiam anno 1728. Hala  
Sueviæ, quarta tantum servata urbis regione, anno 1735. vero iterum ad  
Nicrum Rothenburgum civitas tota igne consumta est die 8. Martii.  
Ad eundem Nicrum Elslingæ ædes quatuordecim mense Decembri anno  
1742. eodemque mense anni sequentis ædes 130. Schorndorffii in valle  
Ramsla ducatus Wirtembergici flammæ devorarunt.

XVI. Felix seculo hoc XVIII. Wirtembergia tres tantum hætenus, Wirtember-  
giz duces.  
sed nulli secundos, numerat duces; primum Wilhelmi Ludovici filium  
Eberhardum Ludovicum, qui an. 1693. accepta minorennis venia æta-  
tis, de Imperio Germanico & patria toga & sago optime meritus, ex  
Ioanna Elisabetha Friderici Magni marchionis Durlacensis filia unicum  
item habuit filium, ante patrem mortuum: quare Eberhardus an. 1733.  
fatis functus, successorem habuit ex Wilhelmi Lud. fratre Friderico Ca-  
rolo nepotem insignem heroem Carolum Alexandrum magni Eugenii  
Sabaudici achatem: quam etiam ob rem tribus, qui superstites sunt,  
filiis Eugenii nomen indidit.

Ex quibus primogenitus Carolus Eugenius natus an. 1728. mortuo  
patre an. 1737. novennis Carolo Rudolpho ex stirpe Wirtembergica  
Neostadiensi administrationem ducatus reliquit usque ad an. 1744. quo  
ipse, accepta ætatis venia regimen accepit, atque etiamnum feliciter  
tenet; feliciterque degunt eius fratres Eugenius Ludovicus, pietate in  
superos insignis, & Fridericus Eugenius, qui ex undecim prolibus  
octo numerat principes masculos, qua sobole caret Ludovicus frater  
natu maior.

Inter tres vero foeminas principes primogenita Sophia Dorothea  
Angusta, nunc veto Maria Feodorowna nupta magno Russiæ principi  
hæreditario an. 1776. mox sequenti an. 1777. masculam prolem enixa  
est die 23. Decembr. principem Alexandrum. Elisabetha vero eius filia  
altera destinata est sponsa Francisco Iosephi II. Imp. nepoti ex fratre  
Leopoldo magno Hetruriæ duce.

SECVLUM  
XVIII.

Marchiones  
Badenses.

XVII. Agitantur inter duces Wirtembergenses & marchiones Badenses de monasteriis Nigræ Silvæ Albæ Dominorum & Reichenbacensi (quorum illud fuit Cisterciensis ordinis ac regulæ S. Benedicti, hoc inter cellas monasterii Hirsaugiensis) controversiæ, & adhuc sub iudice lis est.

a) T. IV. p.  
401.

Ex Dan. Schoepflini Historia Zaringo-Badensi a) discimus, controversiam illam, longo iam tempore Austriacos inter Archiduces, Principesque Badenses de Sufenbergæ, Roetelæ & Badevillæ Nigrasilvanis dynastiis, in quas supremum dominium petiere Austriaci, ventilatam, an. 1741. finitam esse mutua pactione, qua M. Theresia Austriaca, accepta pecuniarum vi, omnibus suis renuntians iuribus, dynastias illas unacum Schopfhemio oppido pro liberis Imperii Rom. allodiis agnovit: eademque transactione Austriaca pars vici Crenzach Nigræ Silvæ meridiem versus & occidentem prope Basileam cum omni supremo dominio ad Marchiones Badenses transmissa est, servato Austriacis innoxio transitu & iure, recipiendi hanc partem, si quando Badensis domus masculi, feminæve defecerint.

Digressio ad  
thermas Baden-  
wileranas.

Sæpius hoc Tomo secundo Historiæ huius mentionem inieciimus dynastiæ ac castri Badenweiler, studiose inprimis ac diligenter antiqua scrutati monumenta, an forte quidquam reperire liceret, nos manu deducens ad vestigia quædam illorum rudera thermarum Romanarum, quæ diligentiam oculatissimi alias his in rebus Schoepflini effugerant, casu fortuito anno primum 1784. detectæ. Mireris, nequidem in instrumentis emptionum & venditionum, vicissitudinumque tam frequenter hoc castrum dynastiamque Badenvillanam laceffentium, aut in recensu iurium & utilitatum ullam adspergi mentionem de balneis hodieque salubribus: Romanarum vero thermarum nec vestigium a rusticis arantibus exsulcatum ante fuisse, eo difficilius captu videatur, cum fertilis gleba rudibus pretiosis iniecta vix cubitum excedat altitudine.

Dum ecce deteguntur ea occasione, qua Carolus Fridericus Marchio post tot iam felicissimi regiminis auspiciatissimos annos, proficiente ætate, Carolum Wilhelmum patrum imitaturus, qui adolescente hoc seculo de sua quiete ac otio sollicitus silvam immensam excidit, sedemque inibi posteris *Carlsruh* dicendam fixit; paria sibi in regione Badenvillana Tusculana quærit, forsan eadem locorum ridente facie, qua Romani thermarum autores, eo illectus. Hi, Gallia Cæsaris armis in provinciam reducta, extructoque trans Rhenum in Alsatia magnifico, hodiedum Romanam elegantiam loquente Ottmarshemiano Martis fano, quod postea  
sacris



sacris christianis dedicatum est: recta & e regione huius templi ad littus nostrum Allemannicum, tum Marcomannicum, perrexere. Loci salubritas, atque amoenitas, repertæ insuper profluentes aquæ calidæ persuaserunt, ut utroque Rheni littore potiti ad pedem altissimi montis Blavi confederent, ubi opus suo nomine dignum, in suis nunc rudibus adhuc mirandum, nobis tandem reliquerunt.

SECVLVM  
XVIII.

Equidem non eius sunt molis thermæ, cuiusmodi nobis Ammianus aliquando in Gallia Præfectus provinciæ Romanæ describit a), *lavacra in modum provinciarum exstructa*; verum nec minimum cedant iis, quæ passim hodieque in Germania nostra deteguntur, illustratæ iam a viris doctis, in Helvetia quidem a I. Breitingero & aliis, in Alsatia & ultra ad Mosellam a Schœpflino in Alsat. illustrata, in Franconia a Hanfelmanno, in Francia Orientali a Cas. Hæfelin, ad Nicrum in Suevia quoque a Chr. Frid. Sattlero & aliis.

Ipsas has, quas præ oculis habemus, thermas illustrandas comisit Serenissimus Marchio doctissimo aulæ suæ diacono Aug. Gottl. Preuschen, cuius in messem falcem immittere nec libet, nec licet; cum locum nos per aliquot horas tantum, altero iam abhinc anno, ac fugitivo velut oculo superficietenus lustraverimus: illo per otium non solum cuncta perscrutari iussu, verum etiam oculis, manibusque examinante quævis antiquitatis reperta cimelia, illico ut reperiuntur, ad aulam transportanda. Ut vero, quod res est, quam visu præsens ediscebam, fatear, per horulas illas sic extra me sum raptus, ut copia tantum non mentem oppresserit. Humanissime deductus a D. Gross dynastiæ Præfecto, id ipso aditu in stuporem egit, quod cum amplam satis portam ingressi simus A, altumque sex septemve pedes canalem subterraneum concameratum sine omni prorsus cæmento ex lapidibus conice incisus, ad ipsas thermas, quas canalis ille ambit, nullum deprehenderimus in muro illas circumdante aditum vel portam principem, quæ tam magnificas decere videatur ædes, nullumque propyleum. Area B. quidem ad orientem & occidentem, uti & vestibulum C. peramplum est; areaque ad occidentem imprimis spatiosa, palæstræ, exercitiis variis gymnasticis, ac deambulationi, ad quæ etiam veteres balinæ ac thermæ instructæ erant, accommodata videtur. Augustius est atrium D. bipartitum ad meridiem, ædes inter & murum exteriorum apertum E. ad orientem & occidentem, ut fores videri possint, licet augustis ædibus haud respondentes. Nullus vero hic ad quatuor balnea F. aditus patet, quæ profunda sunt sex pedes, habentque tres gradus, latos pedem & semissem; ut, qui in bal-

A.

B.

C.

D.

E.

F.

SECVLUM  
XVIII.

balneo sint, possint pro lubito corpus immittere aquis aut sedendo in gradibus, aut stando, aut etiam per medium natando; quem in usum forte duo spatiosiora balnea sunt comparata, ut queant natatoria dici. Ex singulis his quatuor balneis aditus patet ad proximas cameras & hypocausta.

Neque vero ego mihi sumserim, usum definire, atque præcisus determinare rationem omnium ac singularum tam variarum camerarum seu receptaculorum, in balneis his Badenvillanis multo ordinatius quam in quibusvis aliis, quorum ectypa æri incisa habemus, apte ad symmetriam, & concinne ad ornatum & elegantiam inter se dispositorum. Id extra dubium positum esse videtur, præter balnea (quæ ut hic loci constituerentur, salutare aquæ ex declivo montis scaturientes tepidæ, aliquando calidiores, narrante traditione nec repugnante ratione, occasionem præbuerunt) fuisse hic sudatoria etiam laconica a Laconibus sic dicta auctoribus, ut etiam sine aquarum subsidio sicco calore sudor e corpore humano eliceretur, quibus tamen sua quoque, ut balneis aliis, tepidaria erant ac frigidaria, quo paulatim sensimque corpus diffudans e sudatorio, ubi vehementior calor sudorem expresserat, in tepidarium, ubi calor lenior ac temperatior, atque ex tepidario concedens in frigidarium, refrigereret, aut vicissim refrigeratum per gradus incalesceret.

a) Lib. V. c. 10. Id quod de balneis ita explicat Vitruvius a): *Abenea supra hypocaustum tria sunt componenda, unum caldarium, alterum tepidarium, tertium frigidarium; & ita collocanda, ut ex tepidario in caldarium, quantum aquæ calida exierit, influat. De frigidario in tepidarium ad eundem modum, testudinesque alveorum ex communi hypocausto calefiant.*

Infra & supra e mediorem duorum regione balneorum maiorum videntur minora balnea esse, ad unius alteriusve personæ privatum fortassis usum cum labris, lit. G signata. Inter hæc maiores duo foruli ad septentrionem deducunt ad duo laconica H, quorum indicium præbent pilæ passim minori vel maiori numero ex ruinis residuæ. Tam in medio retro maiora balnea, quam ad latera versus orientem & occidentem pilis his, ordine dispositis, pavementum insistebat, infra quod calorem ex immisso concipiebant igne. Desiderantur autem & hic tubi illi, quales etiam in Lupodunensi balneo Hæfelinus b), in Bipontinis & Vogesianis quoque Schoepflinus c) quæsit; qui vero singulariter conspicui sunt in thermis Romanis, primum an. 1780. in agro Turicensi apud Neftenbach detectis, uti hic Tab. III. num. 1. exhibemus.

b) *Atta Acad. Palat. T. III. p. 220.*

c) *Atta Acad. Palat. T. I. p. 139. 140.*

In thermis Badenvillanis duo laconica ad latus versus orientem & occidentem habent fornacem I. ad excitandum in hypocausto ignem: non idem obtingit in laconicis mediis infra maiora balnea septentrionem versus, ubi in medio inter duo receptacula late aperta, K. quatuor alia concluduntur, quæ sunt qui putent, esse receptacula lignorum aut carbonum, lit. K. L. & M. media furnos N. ad calefaciendam in ahenis aquam, forte pro medio laconico eius generis, quale in balneo Lupodunensi describit laudatus Hæfelinus a): *quod non, ait, ignea vi, at benignis aquæ calidæ vel tepidæ vaporibus sudorem eliciebat*; cuiusmodi laconica hodie frequentantur in thermis Blomberianis in Lotharingia, iussu regio ad veterem Romanum balneorum ritum ac formam constructis. Iidem canales, quorum exitus seu eluvies ad utrumque latus comparet in muro extimo ad septentrionem, lit. N. accommodati perinde esse possunt ad emittendas aquas tam ex his laconicis, quam ex mediis duobus balneis. Sicut exteriora duo balnea maiora suos canales O. habent, in maiorem canalem A., qui totum, ut diximus, ambit thermarum ædificium.

SECVLUM  
XVIII.I.  
K.

K. L. M. N.

a) p. 226.

N.

O.

A.

Commemoranda adhuc supersunt Eleothesium, seu locus pro unguentis oleisque odoriferis, rotundis duabus cameris lit P. ad hoc apte dispositis, ac apodyterium, seu spoliatorium, depositoriumque vestium, cui (nisi foruli 2. muro iam conclusi ad hunc primo etiam accomodati fuerint usum) assignando restant duo cubilia R. sat ampla meridiem versus ad latus orientalis & occidentalis vestibuli, in cuius medio ad orientem quidem S. vestigium tantum basis repositæ columnæ seu statuæ, ad occidentem vero T. ipsa superest basis, quinque alta pedes, his inscripta litteris:

P.

R.

S.

T.

## D I A N Æ A B N O P .

Dianæ cultum in Nigræ Silvæ plaga etiam orientali prædunt monumenta a Sattlero in historia Wurtembergiæ b) memorata, aræ votivæ b) T. I. p. in Wildperg & Marpach, ubi etiam iam Gruterus, Rothenburgi item & Wimpinæ ad Nicrum inscript. ant. T. I. p. 39. & T. II. p. 111. Dianæ factæ inscriptiones habet, damusque c) hic eclypon Statuæ Dianæ cum turri in capite, quales Montfauconius complures in Antiq. explic. T. I. p. 157. &c. Ægyptiacas affert. In memoratis inscriptionibus promiscue legitur Diana & Deana prout habet inscriptio aræ *Deana Abnobæ*, quam exhibuimus T. I. p. 7. nec dubium est, respondere hanc Badenvillanæ. Palam vero hinc fit, quousque sese montis Abnobæ iugum protenderit,

T. I. p.

199. 206.

c) Tab. III.

num. 2.

MART. GERBERTI NIG. SILVA. T. II.

O o o

de

SECVLVM  
XVIII.

de quo l. c. Taciti testimonium attulimus de ortu Danubii in montis Abnobæ iugo. Quodsi præter certam stationem fragmentorum quorundam inscript. Dianæ etiam compareret Abnobæ nomen: inde conjici posset, an non Romanis totum illud iugum montium Nigræ Silvæ ab eius porta Pforzheim, usque ad terminum in Crenzach prope Basileam nomine Abnobæ montis venerit: dum iam illud exploratum nobis sit, iugum eius ab ortu Danubii protendi per Mühlbach, ubi reperta fuit ara illa Dianæ Abnobæ posita versus montem Castelberg, in quo Romanorum stativa notavimus T. I. p. 9. estque æmulus montis Blavi, cuius sub clivo Badenvillanæ thermæ sunt positæ; indeque protrahitur illa montium catena usque ad Crenzach Nigræ Silvæ, ut meminimus modo, terminum a porta eius Pforzheim a solis ortu ad occasum usque.

Nec iucundius harum rerum studiosis potest esse spectaculum, quam in vertice quodam altissimorum montium nostrorum (Castelberg, Veldberg, Blavi ac Vogesi nostri cis-Rhenani Bölcken, siti ex adverso Vogesi trans-Rhenani) concursum horumce cum Iura simul monte Romanis æque celebratorum montium oculis conspicere. Dum hic, Iurassus nempe, haud procul a Confluentia Arolæ in Rhenum exsurgens, e regione urbium Silvestrium Waldshut, Lauffenburg &c. ad meridiem in occasum vergendo, Vogeso velut occurrit in alpihus Lotharingiæ: Vogesus vero ad septentrionem tendens nostros respicit Abnobæ montes: Danubius porro veluti indignatus fontem suum *in molli & clementer edito montis Abnobæ iugo*, ut cum Tacito loquar, recedit orientem versus: mons autem Abnoba ad Rhenum sese inflectens, eundem hunc fluvium usque ad terminum suum in Crenzach prope consecratur, ceu immemor veterum florente Romano Imperio perpetuorum conflictuum ad utrumque Rheni littus habitorem maxime a Iulio Cæsare (ne quid dicam de multis seculis anteriore emigratione Volcarum, Tectosagum e Celto-Gallia in conterminam Nigræ Silvæ nostræ plagam, teste Livio) a) qui ante Christum natum Ariovistum Rhenum apud Rauracos & Sequanos transgressum Gallia ad superiorem Alsatiam expulit, fascesque Romani Imperii in hanc nostram transtulit regionem, quiete posthac a Romanis possessam usque ad medium fere seculi post Christum natum tertii, quo demum inaudiri nomen Alemanorum Marcomannis emigrantibus succedentium, atque anno 234. in primam, unde advenerant, Galliam effugatis Romanis Alexandro Severo imperante irrupentium. Paulo post quidem regressi, sæpius etiam repulsi sunt, certatim accurrentibus in has regiones imperatoribus primum ethnicis, dein christianis etiam pleris-

a) *Lib. VI.  
de bell. Gall.  
c. 24.*



plerisque Iuliano quoque apostata, usque dum Romanum imperium seculo V. ineunte occideret.

SECVTVM  
XVIII.

Ad hanc usque epocham, ultrane thermæ Badenvillanæ perstiterint, quove tempore præcise ortum habuerint? nedum constat. Venustas litterarum saltem in memoratæ Dianæ Abnobæ inscriptione occurrens ætatem auream florentissimumque reipublicæ ac imperii Romani sub proximis Iulio Cæsari Augustis statum produnt. Eiusdem elegantiae sunt litteræ DIA in fragmento inscriptionis, forte statuæ, ad introitum vestibuli orientalis positæ. De altera, tabula III. n. 3. æri incisa, quæ una oculos meos subiit, inscriptione aliquid indubie asserere non lubet. Calamo tantum adumbratam accepi, estque plane singularis, lamellæ argenteæ insculpta; eamque misi ad inscriptionum Romanarum Editorem recentissimum, ex abbate Congreg. Cassinensis Ord. S. B. episcopum Cirenensem; Petrum Lud. Galletti, meum quondam Romæ his in rebus hodegum, qui suis in responsoriis, ex parte adductis a) censuit esse monumentum hoc veterum Gnosticorum & Basilidianorum, quorum famosissimum est ABRA-XAS hodieque in gemmis superstes; de quibus etiam S. Irenæus b): *utuntur autem, ait & hi magia, & imaginibus & incantationibus, & invocationibus & reliqua universa periergia: nomina quoque quadam affingentes quasi angelorum, annuntiantes, hos quidem esse in primo cælo, hos autem in secundo: & deinceps nituntur trecentorum sexaginta quinque eminentiorum cælorum & nomina principia, & angelos & virtutes exponere. Quemadmodum & mundus nomen esse, in quo dicunt descendisse & a ascendisse salvatorem, esse Caulacau.*

b) Lib. I.  
contra hæc c.  
24.

Verum de tabula manum: De meo nil addo, avidissime expectans; quid in medium proferat Cl. Reuschenius, quem hic audio in alia omnia abire. Unus vero is est, qui nobis monumenta Badenvillana suppeditare singula potest sub auspiciis Serenissimi Caroli Friderici, in cuius tempora

a) Veggo, che questa laminetta non contiene altro, che un invocazione prima al Dio degli eserciti espressa in quelle lettere: *Ia Ia Ia Ia Sabaoth*, che in ebraico suonano: *Dio Dio Dio Dio degli eserciti*; dipoi ad alcune sciocche Deità de Gnostici, & Basilidiani Blamathan Albaacra Emesilam (ego lego Ellefilam) perche conservino fanno e salvo un tal Lucio Mercurio: Tutta la legenda è un composto di lettere e parole greche e latine. La prima riga dee contenere qualche numero misterioso. Nelle gemme spesso s'incontrano simili invocazioni, ma generiche & senza persona individuata; per questo ha qualche pregio la laminetta sudetta avendo un nome determinato. Su questo genere di documenti non si può dare un'interpretazione, o per meglio dire una legenda esatta in tutti le parti; come si fa per esempio di un'iscrizione greca sebbene sia abbreviata, poiche negli amuleti e nelle tessere de Gnostici vi sono così arbitrarie espresse in numeri secondo le loro superstizioni chi essano la quinta essenza di tutti gli errori.

SECVLUM  
XVIII.

ea incidisse ac manus, felix faustumque est: quippe quo non facile alius eas præstare expensas ac operas quis aut potuisset aut voluisset, utroque iam Badensi Principatu auctus, qui maiori adhuc huius seculi parte fuit dissociatus.

Heros Ludovicus Wilhelmus, de quo iam sæpius fuit iniecta mentio Bernardinæ lineæ, quam Schoepflinus T. III. Hist. Bad. prosequitur, eam marchię Badensis partem, quæ catholicæ religioni est addicta, iam an. 1677. moderari cæperat, Turcarum malleus, Deo protegente a coniuratione an. 1689. in eius vitam per Turcas factam, nostro adhuc seculo relictus, patriæ ac cumprimis Nigræ Silvæ tutor ac servator virtute bellica singularique providentia, qua patriam vallo & aggeribus cinxit a Rheno in Nigræ Silvæ circuitu Heilbrunnam usque ad Nicrum, fuitque, dum vixit Ludovicus, invictum, mortem autem oppetiit an. 1707. succedente Ludovico Georgio filio necdum quinquenni sub tutela matris ex illustrissimo Ascaniorum, Saxonię ducum lineæ Lauenburgicæ, sanguine natæ. Ludovico Georgio an. 1761. Augustus Georgius successit frater ex eadem matre natus,

Uterque sine prole fuit defunctus, unde Badenſes terræ rediere omnes ad unam Ernestinam stirpem Durlacensem, quæ prius Pforzheimensis fuit dicta ab oppido Pforzheim, ubi ad an. 1565. confederat, ibique Car. Wilhelmus amplissimas an. 1716. construxit ædes orphanis, pauperibus, & hominibus infirmis alendis: facinorosis, prodigis, dementibus coercendis: pueris atque puellis erudiendis, ut describit Schoepflinus T. IV. Hist. Bad. a) quo lineam Ernestinam persequitur: memoratque, eundem marchionem b) an. 1735. coemisse a Friderico de Bärenfels vicum Crenzach prope Basileam, limitem Nigræ Silvæ meridionalem, cui oppositus est borealis apud Pforzheimium ceu porta Nigræ Silvæ, ut iam notavimus, dicta, perinde ac Crenzachium limitem lingua vernacula designat ad eum Rheni tractum, quo supra inter urbes Silvestres est Waldshutum Nigræ Silvæ veluti custodia ex nomine.

a) *Lib. VI.*  
*p. 373.*  
b) *p. 383.*

Carolus Wilhelmus vitam produxit usque ad an. 1738. quo ei Carolus Fridericus ex Friderico filio nepos successit optimus princeps, qui se hodieque patrem patriæ demonstrat, iam etiam prole beatus ex Carolo Ludovico filio hærede & Amalia Friderica Hallio-Darmstadiensi, uxoris magni principis Russiæ defunctæ sorore, quæ uno partu duas an. 1776. enixa est filias, singulari familiæ voto, cui integro hoc sec. XVIII. nullum germen obtigit foemineum. Gemellis his sospitibus postquam annis

annis 1779. 1781. & 1782. tres aliæ femellæ principes successive ac-  
 cessissent eadem sospit alis mater serenissima an. 1784. masculo etiam pri-  
 mogenito Carolo Friderico visa esset beata; is vero ætatem non tulit an.  
 1785. denatus. Superi tamen iterum hæredem principem proximo anno  
 1786. veluti in defuncti vicem reddiderunt Carolum Ludovicum Frideri-  
 cum spem futuri seculi.

SECVLVM  
XVIII.

XVIII. Superest illustrissima Furstenbergica gens, cui, dum ipso  
 nomine a castro oppidoque Furstenberg Barenis pagi in Nigra Silva ad  
 nostrum singulariter attinet institutum historiæ Nigræ Silvæ, ab ineunte  
 præterea seculo præsentē id etiam paulatim accessit, ut reliqui rami ad  
 hanc unam coalescerent stirpem in Iosepho I. Wilhelmo Ernesto, qui  
 an. 1704. Prospero Ferdinando lineæ Stühlingensis in Alpegovia nostra  
 successit, cui Heiligenbergica accessit an. 1716. post mortem Antonii  
 Egonis, qui Augusto II. rege Poloniæ administrator Saxoniae, qualis  
 fuerit & quantus, vel ex una eius ad regem epistola an. 1708. a) a Fr. C. Moser edita, palam fit. Accessit an. 1744. Möskyrchen-  
 cipatus post mortem Caroli Friderici filii Frobenii Ferdinandi, qui sum-  
 mis in Imperio Germanico perfunctus officiis, iudex cameræ Imperialis  
 Wezlariae, principalis item commissarius seu protolegatus cæsareus apud  
 comitia Imperii Ratisbonæ fratrem amisit Carolum Egonem an. 1702.  
 in proelio Fridlingensi, cui per monasterium S. Blasii delato ad sepul-  
 turam in monasterium Neidingense dolentes parentavimus: quemque  
 eadem fortitudine secutus est a. 1704. Prosper Ferdinandus, qui a. 1702.  
 in obsidione Landaviensi occubuit parens Iosephi I. de quo agimus, com-  
 missarii etiam principalis cæsaris ad comitia Imperii Ratisbonæ, pacif-  
 que inter Austriam & Bavariam an. 1745. cum Rudolpho comite de Co-  
 loredō ad Fauces Rhætiae arbitri: quique Iosepho Wenceslao principi  
 benignissimo, hodieque superstiti reliquit hæredi post mortem an. 1762.  
 imperii terras uni regendas, postquam vivus duas in subsidium consti-  
 tuisset lineas, alteram Landgraviatus in Weitrach in Ludovico Augusto  
 Egone fratre an. 1755. alteram principalem ditionum Bohemicarum in  
 Carolo Egone filio an. 1759. principali nomine cæsaris commissario in  
 visitatione cameræ Imperialis Wezlariae an. 1767. deinde an. 1771. su-  
 premo regni Bohemiæ Burggravio: cuius iam filius hæres Philippus  
 Maria Iosephus nupsit an. 1779. Iosephæ Mariæ Benedictæ filiae Iosephi  
 II. Wenceslai principis, ut diximus, ac domini ditionum Imperialium:  
 huiusque filius hæres Ios. M. Benedictus an. 1778. Mariæ Antoniae unice  
 Iosephi Wilhelmi principis de Hohenzollern Hechingen filiae, nuptus

Principes  
Furstenber-  
gici.

a) *Diplomat.  
und histori-  
sche Belustig.  
T. IV. p. 63.*

**SECVLVM XVIII.** hactenus improlis: dum interim Car. Ioachimvs germanus frater in spem exoptatissimam futuri adolescit seculi, præsentī hoc ad finem vergente, an. 1771. natus, princeps iuventutis vividissimæ, expectationis quam maximæ.

Nobiles &  
Dynastæ.

XIX. Inferiorem nobilitatem passim a seculo XV. in societates convenisse, suo loco notavimus, indigitavimusque ordines equestres, qui in Nigram Silvam excurrunt in Suevia & Brisgoia. Hic agmen seu præsidium nunc temporis ducit Ill. Franc. Antonius L. B. de Baden, quam ex nobilibus ministerialibus marchionum de Baden familiam iam ad seculum XII. a) atque alias celebravimus. Sunt vero præ manibus chartæ Ioannis comitis de Habsburg, Nigra-Silvanæ lineæ de Laufenburg, an. 1329. & Conradi comitis de Friburg an. 1336. quorum prior *Luti de Baden* feuda confirmat generatim, hic speciâtim, nomine etiam Friderici filii, *Heinzelin Dietriches von Baden Sun* in feudum confert advocatiam monasterii Benfeldensis in Liela cuius vici iam ad seculum X. b) meminimus occurritque in charta an. 952. apud P. Herrgott c). An. 1430. inter Priorem & Conventum Carthusiæ Basileensis proprietarios huius villæ post Benfeldenses, nec non Adelbertum & Nicolaum de Baden advocatos, tractatum legitur; quorum prior iam an. 1413. cum marchione de Baden in concilio Constantiensi præsens fuit. Vergente sec. XV. in chartis notabilis est Rudolphus de Baden S. R. I. princeps ac Prior magnus ord. Melitenfis, commendator in Heitersheim, Friburg, & Nüwenburg. Confociationi nobilium anno 1545. Friburgi Hieronymus de Baden adfuit; Ioannes Fridericus vero de Baden an. 1661. equestris ordinis director extitit.

In frequenti statuum Brisgaicorum conventu Friburgi an. 1741. præsidium equestris ordinis tenuit Ferd. Hartmannus de Sickingen, cui post Hanibalem Maximilianum comitem de Schauenburg (familiæ huic duplex in confiniis Nigræ Silvæ Schœpflinus d) designat castrum in Rauracis & Ortenavia, quod sec. XII. Utha Calvensis extruxit, de qua verba fecimus in fundatione monasterii OO. SS. in Nigra Silva) successit Ferdinandus Sebast. de Sickingen memorati Ferd. Hartmanni filius. Sunt qui gentilitii castri Sickingen rudera in Brisgoia statuunt; alii in Argovia Helvetiæ haud procul ab Habsburgo. Sunt præterea aliæ huius amplissimæ familiæ arces Landstuel, Habstul, Ebernburg, Hohenburg & Drachenfels, quas ineunte sec. XVI. unus possedit heros ille, de quo in historia eius seculi egimus, Franciscus de Sickingen, quæque deinceps diversis ramis huius illustris prosapiæ nomen dederunt. Ac nos quidem Hohenburgica nunc attinet,

a) *Alfat. illust. T. II.*  
p. 693.

b) *T. I. p. 149.*  
c) *Eod. Genes. diplom. Habsb. chart. 131. p. 76.*

d) *Alfat. illust. T. II.*  
p. 693.



attinet in historia Nigræ Silvæ versantes dum per Fridericum de Sickingen Hohenburg ex connubio Annæ Snewlin de Landeck an. 1568. dynastiae in Nigra Silva ad hanc Sickingen-Hohenburgensem familiam, ut suo loco indicavimus, sunt devolutæ: seculum autem nostrum illustravit imprimis quem nominavimus, Ferdinandus Hartmannus de Sickingen, cuius soror M. Theresia, nupta an. 1699. Franc. Marquardo de Roth, duos filios habuit episcopos Constantientes Fr. Conradum S. R. E. Cardinalem, & Maximilianum, qui in episcopatu successerunt avunculo suo Casimiro de Sickingen. Frater eius Ferdinandus Hartmannus Præsidentis apud statum equestrem munus accepit an. 1699. tenuitque ad annum 1725. quo S. C. M. Vices-Gerens regiminis Austr. selectus fuit. In magno illo statuum conventu an. 1741. cuius mentionem fecimus, assessorum munere fungebantur I. Fridericus B. de Kagenegg, & Franc. L. B. de Wittenbach. Post F. Ios. Antonium Schnewlin Bernlapp B. de Bollswell assessorum munere nunc funguntur Fr. Ioseph. com. de Duran, & Venerandus Sebastianus L. B. de Wittenbach, filius *Francisci*, qui ipse etiam fuerat assessor, frater Ferdinandi Sebastiani. Consenuit hic consiliarius regiminis anterioris Austriæ, parens Io. Francisci de Wittenbach S. C. M. consiliarii intimi, ac iudicii provincialis Brisgoiæ nunc Præsidis, ad quem in Nigra Silva spectat oppidum Elzach, quod post emortuam an. 1498. in Ioanne Wernero Stirpem de Schwarzenberg familiis illustribus de Rechberg, de Hohenberg, Ehingen, & Reischach in feudum contigerat. Eadem illustris familia integro sec. XVI. partem vallis Buchenbach possedit; partem alteram familia sæpe memorata de Snewlin. Eam hodie inter se partiuntur familiæ de Manikor, Altstätten & Wittenbach. Nobilis hæc familia ineunte hoc seculo in duos abiit ramos per Ferdinandum Sebastianum regiminis Austr. Ant. consiliarium & Franciscum assessorem ordinis equestris duos Hieronymi filios, qui an. 1712. in feudum accepit ab Iosepho I. Imp. superiorem vallis Buchenbachinæ partem, prout a castro Wisneck, hodieque ditionis B. de Sickingen, distinguitur in inferiorem, & superiorem. Iam memoravimus in magno statuum conventu an. 1741. ordinis equestris assessorem cum Francisco de Wittenbach Io. Fridericum de Kagenegg, quam inter vetustas urbis Argentoratensis illustres familiam equestrem celebrat Dan. Schoepflinus (in Alsat. illustr.) a) quippe ex qua in curia Argentor. magistratus a quinquagesimo seculo primarii, in ecclesiis collegiatis Præpositi, in principum & dynastarum aulis vasalli longa serie compareant. Circa finem sec. XV. Mauritius de Kagenegg in pugna Dornacensi an. 1499. vexillum Argentoratense gestans contra Helvetios, Nigram Silvam quoque infestantes, fortiter

SECVLUM  
XVIII.

fortiter occubuit. Duarum is linearum parens evasit, antiquæ Alsaticæ Brisgoica accedente, cui nuper comitis axioma accessit, quo laudatus Io. Fridericus auctus a Iosepho II. Imp. fuit, parens Henrici regiminis Anter. Austr. consilarii & Friderici ex consiliario Imperiali aulico cæsareus legatus apud Suecicam, Danicam, Anglicanam & nunc Hispanicam aulam. Illustris familia hæc passim etiam occurrit in Falckensteini antiquitatibus Nordgaviensibus. Wessenbergica item, quam sæpe a nobis Nigræ Silvæ incolam memoratam Schoepflinus etiam inter Alsaticas a) *ib. p. 696.* celebrat, ministerialem præprimis comitum de Pfirt cognominem B. de Pfirt, quæ hodieque dominium in Nigram Silvam protendit; præ cæteris vero illustris familia de Schoenau, castro in media Alsatia sito ad Rhenum. *Gens inde appellata*, sunt sæpe laudati Schoepflini verba, *possessions ultra Rhenum in Ortenavia & Brisgoia acquisivit*, hodie in quatuor lineas dispartita sex ramos in Nigram Silvam extensos, cognomine ducto a Zell, Schwerstæt, Oeschén, & Wehr, quo nomine antiqua nobilis familia iam sec. XII. fuit, ex qua Adelgotzo munus advocatiæ in monasterium S. Blasii ab episcopo Basileensi exercendum fuit commissum. An. 1272. castrum Wehr in bello Henricum inter episc. Basileensem & Rudolphum comitem de Habsburg, sequenti anno sub ipsa obsidione urbis Basileensis in regem Romanorum electum, captum ac dirutum, iam an. 1365. Rudolphus Hürus de Schoenau ab Ottone Marchione de Hachberg redemptum, an. 1415. Albertus de Schoenau ac deinceps alii eiusdem nobilis familiæ in pignus primum, postea in feudum acceperunt, hodieque & Francisci Antonii consilarii cameræ Austr. Anter. & silvarum præfecti in Waldshut filius, connubio iunctus filiæ Ios. Sebastiani de Zweyern, Marquardi Magni filii, in Alpfen, antiquissimo, (de quo iam in historia Nigræ Silvæ sec. IX.) Alpegovix vico dynastæ, qui hodie superstes est, regiminis anterioris Austriæ consiliarius, & satrapa antea in Rothenburg comitatus Hohenbergici, nunc Nellenburgici in Stockach. Est hæc nobilis ex Helvetia oriunda familia de qua T. I. perinde ac Baronum de Roll, quæ familia iam ab ineunte seculo præterito cum castro Bernau, suas ditiones partim in comitatu Badensi Argovix partim in Frickovia ad Rhenum e regione Nigræ Silvæ atque in Nigræ Silvæ pago Alpegovix bona tenet, Leopoldo Iosepho an. 1757. succedente patri Carolo Hartmanno regiminis Anter. Austr. consiliario.

Unus quem sciam superest tot Falckenstainiorum quaquaversum per Nigram Silvam familiarum surculus Antonius de Falckenstein, filix unice hæredis Hanibalis comitis de Schauenburg, quem supra memoravimus

vimus ordinis equestris in Brisgoia præsidem, maritus, Ruperti, qui an. 1741. conventui statuum adfuit, filius, ex illis haud dubie civibus Friburgensibus, ad quos castrum Falckenstain, altam super rupem, supra vallem dictam Falckenstaig olim exstructum, cum vicinis terris pertinet, quas ditiones post nobiles Snewlin de Landeck nunc tenent familiæ equestris de Sickingen, Pfurt, Wittenbach & Neuen, postquam superiore seculo Carolus B. de Neuen iam Ortenaviæ satrapa ex connubio quædam familiæ Pheretanæ bona ibi terrarum fuerat adeptus.

SECVLVM  
XVIII.

Post illustrem Schwarzenbergicam familiam, ad quam castrum Weyger attinebat cum villa Bucholz, bona hæc variis modis inter diversas nobiles familias successu temporis fuerunt partita. Equestrem villam Bucholz tandem Iac. Christoph. Helbling de Hirzfeld, parochus in Friburg, ibidemque SS. Th. Professor, ac consiliarius Cæs. accepit in feudum, ac post mortem eius sororius Franciscus Ant. Beyer, consul Friburgi & consiliarius Cæs. perinde ac Ios. Antonius eius filius. Parens memorati I. Ch. Helbling, Io. Casparus Helbling de Hirzfeld, medicinæ Friburgi per triginta annos Professor, stipēs etiam fuit per Elisabetham Car. Ignatii de Plümen, patricii Biberac. nobilis familiæ de Kleinbroth, Io. Leonardo a Leopoldo Imp. ordini equestri adscripto, cui nepos Ios. Eusebius de Kleinbrodt in Winterbach sæpe memorato conventui statuum Brisgoicorum an. 1741. adfuit.

Intererat quoque huic conventui I. Fr. Sebastianus B. de Beroldingen, illustri ab ineunte sec. XII. in Helvetia familia. Ex ea bello imprimis seclarum in Italia & Alemannia præstitit Andreas sec. XV. vergente & ineunte XVI. quo eius filius Iosue etiam in Nigra Silva nostra an. 1529. Waldshuti in conciliando fœdere catholicorum statuum cum Ferdinando I. Imp. cuius ex Peregrino filio nepos a Ferdinando II. an. 1631. liberæ Germaniæ nobilitati Baronum est adscriptus; eius filius porro Wolfgangus an. 1652. ordini equestri Brisgoiæ consociatus: quæ ipsa propterea ineunte hoc sec. XVIII. primum illustribus in Suevia equitibus Cantonis ad Nicrum, Nigram Silvam & Ortenaviam, deinceps etiam in Hegau, Algau & ad Lacum Bodamicum adnumerata, ubi a. 1743. Ios. Antonius, Caspari Conradi principis Abbatis in Murbach ex fratre nepos, director electus fuit. Ex illustri familia, ordini equestri ad Nicrum in Nigra Silva adscripta Baronum ab Aw seu Ow (ex qua sec. XVI. XVII. & XVIII. hoc, ut mox videbimus, supremi capitanei ordinis fuerunt) Christophorus, Marchionis Hachbergenis Satrapa, a. 1577. supra memoratum equestrem Brisgoiæ in Nigra Silva septentrionali vicum Bucholz a Ferdinando archiduce

emit. Eidem ordini equestri Nigra - Silvano illustris familia de Brandenstein adscripta est, ad quam pertinent regiminis Anter. Austr. consiliarii Marquardus, hodieque Thaddæus nuptus Thaddæi de Veteri Summerau præsidis regim. Anter. Austr. filix adoptivæ, cuius frater consiliarius eiusdem regiminis ac iudicii etiam provincialis, nunc primum Viennam ab Imperatore evocatus, renunciatus est consiliarius Aulicus; illustrissimus vero comes de Bissingen, dynasta in Schramberg, Satrapa in Rottenburg comitatus Hohenbergici. Notatur illustris hæc familia in recensu equestris huius ordinis Nigra - Silvani ab an. 1488. usque 1785. quem hic subnectimus a) ordine alphabetico, mecum communicatum ab

- a) Von Alba genannt Sulzbach. v. St. Andre. v. Angeloch. v. Anweil. v. Appelbronn. v. Arze. Graf v. Atems. v. Brandek. Bombast v. Hohenheimb. v. Bühl. Böcklin v. Ultinger Thal. Breckelöw. Bech zu Pfullingen. v. Berg genannt Meister. v. Bechstein. v. Bilschwang. Brandenburger zu Rieth. v. Braitenbach. v. Bubenhausen. Branz. v. Bernerdin. v. Bissingen. v. Beroldingen. v. Barille. v. Berga. v. Bubinghausen. v. Cloffen. Graf v. Candel. Canofzky v. Langendorf. v. Corray zu den Säbeln. v. Clengel. v. Degenaw. v. Dettingen. v. Dmalstein. v. Drauschwitz. v. Dürmenz. v. Ehingen. v. Emershoffen. v. Eysenberg. v. Enzberg. v. Eyb auf Rumlingen und Hohenwarth. v. Eck. v. Fürst. v. Fridingen. v. Frauenberg. v. Frankenstein. v. Frankenberg. v. Freyberg. Fauler v. Randekh. Fezer v. Ockenhausen. v. Forstner. v. Franck. v. Gültlingen. v. Glthoffen. v. Glenzen. v. Graffeneckh. Gut v. Sulz. v. Gemmingen. Grempp v. Frewenstein. Geist v. Wildeckh. Grämblich v. Iungingen. v. Gaysberg. Gienger v. Grünbühl. v. Grünthal. v. Haltingen. Herter v. Gärtringen. v. Hellstein. v. Habsperg. Herter v. Herteneckh. Holzling zu Heringsberg. Hagermann. Humpis v. Waldrams. v. Helmstatt. v. Hartungshauffen. Hollermann v. Holderstein. Honeck v. Hornberg. v. Hohenfeld. v. Holz. Hipp v. Römigheim. v. Hönstett. Heybel v. Tieffenau. v. Hartig. v. Hoff. v. Herling. Itelschelm v. Bergen. v. Illingen genannt Yllingen. Illinger zu Graneckh. Ianowiz. Jäger v. Gärtringen. Im Hoff. v. Kaltenthal. Kappenler. v. Karpffen. Klim. v. Kindtsbach. v. Kechler. Keller v. Schleitheimb. v. Knieffelt. v. Klingenberg. v. Liechtenstein. v. Lynstetten Lämble zu Büwigheimb. v. Landenberg, und zwar die von hohen Landenberg, und die von der breiten Landenberg. Landtschaden. Leuttrumb v. Ertingen. v. Lutterdach. Liesch zu Hornaw. Lehr v. Lehrenstatt. v. Landsee. v. Lüzelsburg. Megenzer v. Fehldorf. Meyer v. Drossingen. Mangmeister. v. Münchingen. Minsinger v. Freundeckh. Merz v. Staffelfeld. Mofsbach v. Freudenthal. Möck v. Balgheim. v. Neuneck. v. Nippenburg. v. Nuffra. Nix genannt Enzberger. v. Neuhauffen. v. Neippenberg zu Freudenthal. Notthafft v. Hohenberg. v. Odyk. v. Ofheim. v. Ow. Pfufer v. Nordstetten. Plez v. Rottenstein. v. Pürkh. Remp v. Pfullingen. v. Rixingen. v. Rosenfeld. v. Reischach. v. Ramstein. v. Reckenbach. v. Remchingen. v. Rietberg. v. Rosenberg. Rauch v. Winenden. v. Rieppur. Rifs v. Sulzbach. v. Rammingen. v. Rottenhahn. v. Rost. v. Rafsler. v. Sachsenheimb. Schenk v. Winterketten. von Steia. v. Sauthelmb. v. Sindlingen. v. Sumhingen. Schwelcher zu Oberbohingen. Schütz v. Eytinger Thal. Schöner zu Schwan. v. Stozingen. v. Stamheim. Scheer zu Schwarzenberg. Stehelin v. Sockburg zu Beyren. Spett v. Sulzburg. v. Steinhoffen. Spengler v. Nekkerburg. v. Schwarzach. Spiegel v. Girgendorf. v. Sachsendorf. Sigelmann v. Delsperg. Schiffer v. Freylingen zu Dachsberg. v. Starschedel. v. Stockheimb. Sprether v. Kreidenstein. v. Spaner. Schertel v. Burtenbach. v. Stuben. Streit v. Immendingen. v. Syrgenstein. v. Schönfeld. v. Sperberseck. Specht v. Bubenheim. Schleicher v. Stötten. Schilling v. Cantstadt. v. Staufenberg. v. Sternenfels. Truchseß v. Höffingen. Truchseß v. Waldeckh. v. Thierberg. v. Thalheimb. Thumb v. Neuburg. v. Themar. v. Türckh. v. Tübingen. Tenfel v. Birkensee. v. Tessin. v. Vhrbach. Volln. v. Wildenaw. v. Venningen. v. Ulm. Volland v. Vollandseck. v. Wähingen. v. Wyttingen. v. Winterbach. v. Wernau. v. Wallstein. Widmann v. Müringen. v. Wesserstetten. Wendler v. Progenroth. Wobedezgi.



III. D. Eberhardo B. de Kniestedt, Ser. Ducis Wirtembergici consiliario intimo, ac cameræ præside, qui in præsentiarum ordinis supremus capitaneus est: quorum primum Georgium ab Ehingen an. 1488. constitutum supra (p. 230.) memoravimus, eique proximus in catalogo mecum communicato substituitur ad an. 1532. Ioannes ab Ehingen. Sequitur an. 1535. Comes de Zollern, Satrapa in Rottenburg, an. 1562. Gallus Schütz de Valle Eitingana, an. 1568. Georgius ab Ow, an. 1591. Georgius ab Ehingen, an. 1596. Ioannes de Neuneck senior, an. 1606. Ioan. Conradus Dapifer, Truchseß ab Höfingen, an. 1609. Albrecht Tumb de Neuburg, an. 1614. Conradus de Werdnau, an. 1620. Philippus Christophorus de Münchingen, an. 1631. Io. Henricus de Stockheim, an. 1645. Georgius Stephanus de Cloßen, an. 1650. Io. Fridericus ab Ow, an. 1670. Io. Eberhardus de Stockheim, an. 1676. Eitel Fridericus de Gemmingen, an. 1682. Iac. Fridericus de Buwinckhausen, an. 1686. Io. Georgius de Werdnau, an. 1696. Georg Fridericus de Schertel zu Mauren, an. 1703. Adam Henricus Keller de Schleithem, an. 1732. Ernestus Ludovicus de Leutrum, an. 1734. Ios. Clemens ab Ow, an. 1746. Ernestus Fridericus de Leutrum, an. 1760. Io. Dietricus de Gemmingen, an. 1778. Eberhardus de Kniestedt iam memoratus: cui in rebus ordinis moderandis adiuncti sunt delecti equites Philippus Christoph. B. de Leutrum Ser. Marchionis de Baden consiliarius int. Ludovicus Georgius B. de Freiberg Ser. principis Schwarzenbergici consil. int. ac vices-gerens apud Cæsar. iudicium aulicum Rottwilense: Io. Iosephus B. Rafsler de Gammerschwang. In districtu autem Ortenaviensi directorium gerit Franc. Ludovicus B. Waldner de Freundstein, eques S. Ioannis, commendator in Wietesheim: delecti vero consilarii Io. Andreas Franc. Egon de Gail, S. R. I. P. & episcopi Argentoratensis nobilis consiliarius, Christ. Ludovicus B. de Wurmser de Wentenheim, Franc. Carolus B. Bock de Bläsheim, Io. Conradus B. de Schauenburg; quibus adiuncti sunt Leopoldus B. de Neuenstein in Rhodeck, Christ. Samson B. de Rathsamhausen in Ehenweyer.

XX. Status hierarchicus Nigræ Silvæ, si unquam alias, seculo hoc XVIII. inde ab eius exordio singulariter enituit, metropolitica sedem tenente Lothario Francisco de Schönborn: qua ex illustri familia tunc Imperiū Romano-Germanicum insigne decus ac fulcrum habuit Fridericum Carolum S. R. I. vice-cancellarium, quem Lotharius ex fratre

Sedes metropolitica Moguntina.

bedezgi. Wizeleben zu Freundenthal. v. Willung. v. Westernach. v. Wallbronn. v. Wiederhold. v. Wellenstein. v. Zillenhart. zu Oettlingen. Zorn. Zott v. Pernegh. v. Zweifel.

SECVLVM  
XVIII.

nepotem sibi an. 1708. coadiutorem in episcopatu Bambergensi accivit. De Hugone Damiano de Schönborn Nigræ Silvæ nostræ præcipuo hierarcha, qui an. 1715. factus cardinalis S. R. E. anno mox sequenti coadiutor episcopatus Spirensis, postea etiam Constantiensis, utramque sedem egregie ornavit, paulo post suo loco dicemus.

Lotharius elector Moguntinus an. 1701. celebri associationis conventui circulatorum electoralis Rhenani, Francici, Bavarici, Suevici, a) & superioris Rheni in gravissimo tunc successionis Hispanicæ negotio præfuit, eodemque anno iura Imperii regalia ad thronum Leopoldi I. b) Imp. solemniter accepit in feudum, data iurata fide, quam strenue deinceps præstitit Imperatori contra Burbonicam Galliæ domum c), quæ monarchia Hispanica aucta, visa est ad universalem Europæ monarchiam aspirare.

a) *Vid. Theat. Europ. P. XVI. p. 28. &c.*

b) *Ib. p. 58.*

c) *Ib. p. 703.*

Idem an. 1707. quo receptis regalibus fidei sacramentum Iosepho I. Imp. præstitit, in fidem religionis catholicæ recepit Elisabetham Christianam Brunswico-Luneburgensem, Caroli tunc III. dicti Hispaniæ regis, postea sexti Rom. Imperatoris sponsam, Bambergæ inter solemnia missarum, post symbolum edita fidei professione (cuius formula legitur in Theatro Europ. d) in manus electoris celebrantis, atque ex eius manu recepta sacra Eucharistiæ communione ad finem missæ. Ipsum Carolum an. 1711. post mortem Iosephi fratris in conventu Ratisbonensi die 12. Octobr. designatum cæsarem, die 22. Dec. inunxit.

a) *XVII.*

b) *129. &c.*

An. 1720. Io. Phil. Franciscum ex fratre nepotem consecravit episcopum Herbipolensem in cathedrali ecclesia, defunctus an. 1729. postquam iam an. 1710. coadiutorem accepisset Franc. Ludovicum comitem Palatinum Rheni de Neuburg, fratrem principis Electoris Palatini & Eleonoræ Magdal. Augustæ, uxoris Leopoldi I. imperatoris. Fr. Ludovico an. 1732. (quo ineunte in gratiam successionis Austriacæ sanctionem pragmaticam in comitiis Imperii stabilierat) defuncto, Philippus Carolus de Elz, huicque an. 1743. Io. Frider. Carolus ex comitibus de Ostein successit, qui Francisco I. imp. coronam Imperii an. 1745. imposuit.

Francisco imp. Francoforti præsentem Io. Friderici successor Emericus Iosephus de Breidbach Iosephum, Francisci & M. Theresiæ filium, in Romanorum regem electum coronavit an. 1764. Emericus in Electorem Moguntinum an. 1763. electus, statim gravissimo correptus morbo, iam tunc moriturus videbatur, superstes tamen usque ad an. 1774. Frider. Car. Iosephum de Erthal successorem habuit eodem adhuc anno, quo eidem

eidem in gratam memoriam familiaris & suavissimi affectus, quem mihi proximis annis Viennæ apud aulam cæsaream legatus persæpe indulxit, dedicare licuit libros *de cantu & musica sacra a prima ecclesiæ ætate usque ad præsens tempus*, haud extremum curæ suæ pastoralis momentum, depravato tantopere musicæ ecclesiasticæ statu in facerrimis ecclesiæ catholicæ adytis.

Proxime elapsis annis ausu temerario Io. Laurentius Isenbiel, redux ex academia Göttingensi, in Moguntina academia linguæ Græcæ professor laceßere aggressus est vaticinium Isaïæ VII. 14. *Ecce virgo concipiet, & pariet filium, & vocabitur nomen eius Emanuel*, quod ipse evangelista Math. I. 22. 23. in Christo adimpletum asseruit, traditione Patrum conspirante, regula in catholico orbe inconcussa ad legitimam S. Scripturæ interpretationem, etiam in concilio Tridentino firmata sec. XVI. quo demum ex cœtu protestantium fuerunt, qui novam interpretationem commenti sunt de puella, quæ tempore regis Achaz pepererit Emanuele communi foeminarum more; ut tamen concederent, sensu quodam sublimiori Christum portendi. Quos nonnulli ex catholicis secuti, in verbis Isaïæ typum tamen virginis deiparæ agnoverunt; ab hoc ipso vero etiam aberrans Isenbiel, alienam a communi in catholica ecclesia S. Scripturæ interpretandi regula mentem ipso libelli, quem edidit, titulo manifestavit, sermone vernaculo inscripti: *Neuer Versuch vom Emanuel*, passim ab academiis Germaniæ, a Sorbona in Gallia, atque plerisque episcopis etiam Nigræ Silvæ hierarchis, ipsaque Romana sede damnatus, ab Ordinario vero suo archiepiscopo Moguntino refragarius custodiæ addictus, restitutus dein, dum an. 1779. palinodiam cecinit, canonicus iam Amœnoburgi. Certatim etiam in novum Isenbielii commentum calamum strinxere theologi catholici, inter primos autem, qui nunc nos propius attinent, Hermannus Goldenhagius Moguntinus in Diario religionis, & in dissert. inaugurali Friburgi Brisg. Fr. Christophorus Zwergerus, episcopi Constantiensis consiliarius ecclesiasticus; ubi tamen in consilio ecclesiastico Constantiæ supersedendum fuerat iudicatum a damnatione libri in nostris plagis vix noti, ne prohibendo curiosorum, ut fieri solet, hominum orexis moveretur.

XXI. Qui nunc dioecesi Constantiensi præest Maximilianus Christoph. eiusdem est illustris familiæ de Rodt, quæ sedem hanc seu paterno seu materno stemmate maxima huius seculi parte tenuit, inde ab anno 1689. quo electum libro superiori meminimus Marquardum Rudolphum a Rodt, qui defunctus an. 1704. successorem nactus est Ioan. Franc. Schenck

SECVLUM  
XVIII.

a) P. XIX.  
P. 779.

de Staufenberg, sub quo sanguinolentæ illæ in vicinâ Helvetia inter catholicos & protestantes cantones lites & contentiones efferbuerunt (quarum iam supra fecimus mentionem) ditionibus episcopi Constantiensis in Helvetia funestæ, frustra se tunc primoribus etiam Imperii Germanici interponentibus, collegio quoque Electorali Francoforti an. 1711. pro electione cæsaris congregato, datis litteris, quæ in theatro Europæo a) leguntur, uti & alia deinceps, quæ in eadem causa in comitiis Ratisbonensibus sunt tractata an. 1712. quo tandem pax Helvetica conclusa tranquillitatem saltem publicam restituit, qua fructus Ioannes Franciscus ad annum usque 1740. episcopatum sex supra triginta annos laudatissime tenuit, e regione Nigræ Silvæ nostræ in festo SS. Trinitatis, cum secundis nuptiis adesset serenissimi principis Frobenii de Furstenberg Möskyrch & M. Theresiæ de Sulz, post lectum magna devotione sacrum, apoplexia tactus, subitoque mortuus.

Ab an. 1714. coadiutor episcopatus Augustani Ioannes Franciscus, ipse coadiutori Hugoni Damiano de Schönborn S. R. E. cardinali & episcopo Spirensi morte sua an. 1740. sedem cessit, hic vero an. 1743. Casimiro Antonio de Sickingen.

Casimiro ex sorore nepos Fr. Conradus de Rodt an. 1750. in locum avunculi unanimi eligentium calculo fuit suffectus, an. 1756. in S. R. E. cardinalium collegium assumtus tit. S. Mariæ de populo, quæ ecclesia PP. eremitarum Augustinianorum Romæ ad portam sita est, qua Germani intrant. Auctus præterea variis dignitatibus, ab omni tamen fastu alienus testamento etiam cavit, ne funus inutili pompa deferretur, concionatorem funebrem obtestatus, ne, ut fieri plerumque solet, *mutatis, quæsitis, vanis & emendicatis laudibus inutiliter deprædicet defunctum*; sed potius auditores de mortis certitudine energice admoneat, de vanitate, caducitate honorum huius mundi pathetice edoceat, & hortetur serio, ut cum Dominus venerit, & pulsaverit ianuam, inveniat vigilantes: fructus ex eiusmodi concione emergens maius animæ meæ solamen afferet, quam si vanis laudum enarrationibus auditorum patientia fatigaretur. Morti, ad quam iugi sese præparaverat, obarmaveratque meditatione, succumbens an. 1775. germanum fratrem Maximilianum Christophorum, unicum ac ultimum illustris familiæ Rodtianæ furculum, ex assè hæredem & in episcopatu successorem dignissimum habet.

Sub hoc tandem an. 1780. fraus M. Monicæ Mutschlerin Duningæ ad Nigram Silvam ditionis Rottwilanæ fuit detecta, qua iam ab an. 1773. orbem



orbem etiam litteratum deluserat, quasi ab omni prorsus cibo, potuque cuiusque generis abstineret. Monitus tandem est magistratus Rottwilanus a Georg. Staravasnig medicinæ doctore & professore in academia Friburgensi, ut denuo atque diligentius, quam antea factum fuerat, custodiretur, observareturque Monica. Ieiunium ea tenuit per 72. horas; tum inediæ longioris impatiens lac coagulatum sumxit, exhausitque simul vitra duodecim aquæ plena.

Impium quam maxime fuit, quod SS. eucharistia sola, qua identidem reficiebatur, nutrirî se præferret, simulans, cibos reliquos evomere, solam eucharistiam retinere. Animadversum item fuit a medicis, falso eam dictasse, vegetiorem se effici, roborari ac vires recuperare validiores, quotiescumque divino pabulo resecta esset. Nec quisquam peritorum medicorum rem miraculo detulit, nec etiam sagaces theologi, quibus Benedicti XIV. regulæ in hanc rem perspectæ sunt, expositæ lib. IV. *De servorum Dei beatificatione & beatificatorum canonizatione* P. I. ubi etiam dissertatio acad. Instit. Bononiensis de longis ieiuniis adiecta legitur. Sic item cum nuper de beatificatione B. Elisabethæ Reuthensis, vulgo bonæ dictæ, ageretur me præsentem, quod de solo cultu ab immemorabili tempore res esset, nihil actum est de eius per quatuordecim annos inedia, prout in eius lapide sepulchrali legebatur, eam non indignisse illis annis nec cibo, nec potu, nec somno; quam rem etiam venerabilis Kygelius abbas canon. regul. in Waldsee, Elisabethæ confessorius in eius vita attestatur.

De B. Nicolao de Flue Helveto cantonis Subsilvaniæ eiusdem seculi XV. testatur Trithemius in chro. Hirsaug. ad an. 1480. se multorum verifica relatione cognovisse, annis viginti beatum virum nihil omnino manducasse, præter morsellos tres panis, quos, episcopo Constantiensis ecclesiæ sub virtute sanctæ obedientiæ mandante, cum difficultate maxima, ne videretur inobediens, vix potuit deglutire. Taceo alia diuturnioris inediæ exempla, quæ idem Trithemius ad an. 1551. narrat, imprimis de virgine Augustana.

Qua in dioecesi nuper defuncta est Anna Maria Zettlerin, quam decem annis ab omni cibo & potu abstinuisse narrat Io. Georg. Höfle medicinæ doctor & professor Augustæ, episcopi que August. consiliarius aulicus, & quomodo id naturali modo acciderit, declarat singulari libello an. 1780. edito. Add. Recueil de pieces pour servir de supplement à l'histoire de pratiques superstitieuses par le P. Pierre le Brun T. IV. ubi

SECULUM  
XVIII.

ubi etiam citatur Schurigii chylologia historico-medica, in qua innumera propemodum eiusmodi exempla memorantur, qualia etiam habet Delrio Disquisit. magic. lib. II.

Spirensis.

XXII. Redimus velut e diverticulo ad hierarchiam hierarchasque Nigræ Silvæ, ex quibus iam meminimus Hugonis Damiani de Schönborn cardinalis propter potiore veluti principalitatem, ut phrasi S. Irenæi utar, quam hoc seculo tenuit in Nigra Silva Constantiensis simul & Spirensis episcopus, utrobique scilicet prius coadiutor, & quidem Spiræ adlectus iam an. 1716. ab Henrico Hartardo de Rolling, qui an. 1711. Io. Hugoni de Orsbeeck suffectus fuit contra votum aulæ cæsareæ, quæ Franciscum Lotharingum tunc episcopum Spirensensem fieri exoptaverat, qui videretur maiori sese auctoritate interpositurus controversiis religionis causa ferventibus Spiræ, ubi ineunte hoc seculo decimo octavo Calvinistis etiam cum Lutheranis locus fuit datus, spe forte recuperandi iudicii cameræ, quod fuerat Wezlariam translatum, in visitatione autem cameræ an. 1709. de eo Wezlaria iterum amovendo actum fuerat, sed frustra, firmata etiam residentia episcopali Bruchsalis, ubi seminarium episcopale constitutum fuit, remque omnem solertissime propevit sæpe laudatus cardinalis de Schönborn, successorem etiam purpura an. 1761. ornatum nactus Fr. Christophorum de Hutten.

Huic an. 1770. mortuo suffectus est Aug. Phil. Carolus comes de Limburg-Styrum, sub quo modica quædam scintilla in flammam erumpere videri poterat Badenæ in marchionatu eius nominis in Nigram Silvam nostram excurrente. An. 1780. nempe theses e philosophia practica publicæ disputationi exposuit Martinus Wierlin diocesis Spirensis presbyter, quæ ab episcopo Spirensi ad trutinam revocatæ, & atro carbone notatæ subsellia etiam theologica exercuerunt, atque in partes distraxerunt, Argentoratensi & Heidelbergensi facultate theologica, ab episcopo Spirensi consulta puritati doctrinæ evangelicæ adversa decernente, quæ de amore proprio actionum humanarum principio, atque contemptu rerum temporalium contemnendo thesi potissimum prima & quarta statuebantur, secus ac visum Salisburgensibus, Viennensibus, Pragensibus, Fuldensibus, & Eriburgensibus philosophis ac theologis consultis a Marchione Badensi, cuius a sacris quidem catholicis alieni moderationem erga catholicos in tota hac causa egregie dilaudent theologi Salisburgenses; de viris vero clarissimis theologis catholicis secum dissidentibus bene sperant, & pro eximia illorum sapientia, ipsoque tanto religionis catholicæ studio plane confidunt, fore, *ut gnari, quod humanum sit errare, at in omnium sapientium oculis gloriosum, errorem agnitum retractare, summi pastoris*

pastoris Romani pontificis, amicam huius controversiæ compositionem dudum optantis, atque urgentis vocem audiant, nec censura, hætenus communiter, quod scimus, a doctis improbatæ, intempestiva propugnatione catholicorum subditorum erga serenissimum Marchionem, cuius optime de illis meriti gratia nunc maxime indigent, dissidentiam augeant, vel principis indulgentissimi patientiam fatigent; illud etiam carentes, ne hac doctrina iam in pluribus catholicis ditionibus recepta, & publice approbata, altioris forsitan potestatis displicentiam, & qua inde consequi possunt, debeant experiri.

XXIII. Quivis intelligit, quid hæc sibi velint, quove collineent, Argentoratensis. pertineantque, litus nostrum cisrhenanum spectando, dum utrumque levis de se, nisi non æqua pervertatur mente, & de nomine lis, commovit, atque inter se commisit, nec adhucdum deferbuit Friburgenes inter & Argentoratenses theologos, qui iam extra teli iactum pro lubitu agunt. Frustra status Imperii Germanici finiente seculo præterito, & ineunte hoc corrente allaborarunt pro restituenda sibi hac urbe, quæ semper clavis ac porta Imperii fuerat existimata. Frustra sibi status Imperii protestantes in fœderatis Anglis præsidium habere existimarunt religionis causa, quæ sub dominio Gallico in melius fuerat conversa, sacraque catholica revocata & aucta, novis excitatis ecclesiis, collegiis clericorum instauratis, ac restitutis religiosis domibus, ipsaque cathedrali ecclesia iam Francisco Egoni de Furstenberg. Guilielmo Egoni fratris in episcopatu successori an. 1701. Armandus Gasto Rohanius de Soubise coadiutor est datus, qui an. 1704. antecessori suo parentavit. Nihil hic non egit, ut iura sibi singula ac res imperii Romani vindicaret, quæ cardinali Furstenbergico art. 44. pacis Riswicensis fuerant condita bona feudalia, allodialia, beneficia, honores & prærogativæ, quæ competunt principibus ac membris S. R. I. Tum vero iterum in tractatu Badensis pacis art. 12. S. C. Maiestas & Imperium promiserunt, omnes conditiones & clausulas pacis Riswicensis, quæ ad istas restitutiones ex eadem pace faciendas, nominatim ad dominum cardinalem Rohan, ratione episcopatus Argentinensis spectant, impletum iri.

Est hic ipse magnus ille Armandus de Rohan, qui a Clemente XI. an. 1712. a) proclamatus cardinalis, trium pontificum electioni annis scilicet 1721. 1724. 1730. Romæ adfuit, ac interim in sua cathedrali basilica Ludovicum XV. cum principe Maria Leszinska, filia Stanislai I. Poloniæ regis, die 15. Augusti an. 1725. matrimonio rite coniunxit: quam in rem, quæ verba fecit, digna prorsus censentur auctoribus.

SECVLVM  
XVIII.

Gall. christ. quæ legantur in historia Alsatia pag. 360. 361. Legi etiam meretur epistolium, quod idem rex, dum an. 1744. Friburgum Brisgoiæ obsessurus Argentorati diverteret, ad principem Rohanium scripserat, apud Grandidier (*Essai sur les Cathedrale de Strasbourg p. 181.*) qui mox mortem Card. Armandi Gastonii de Rohan ep. Argent. celebrat ad an. 1749. Armandi Augusti vero eius successoris, nati an. 1717. prematurum obitum ad an. 1756. Augusto natu longe maior successus est Ludovicus Constant. princeps de Rohan-Guimene, cui mox an. 1759. datus est coadiutor Ludovicus Renard. Eduard. eiusdem principalis familiæ, in qua perinde cardinalitia dignitas ac episcopatus Argentoratensis perennat, quem nepoti coadiutori præteritis annis legato extraordinario Galliarum regis apud aulam cæsaream an. 1779. defunctus reliquit, postquam insigne auspiciū fieri curasset historiæ episcopatus Argentoratensis, edendæ opera & studio sæpe laudati D. Grandidier, qui duo iam in lucem protulit volumina, non unius eiusdemque quidem meriti, exæquandi tamen solertia clarissimi auctoris in prosecutione operis, quod avidissime expectatur absolvendum ab eo, qui illud tam egregie juvenili adhuc coepit ætate.

Causa Febro-  
niana.

XXIV. Dum primum an. 1763. in lucem prodit *Iustini Febronii Icti de statu ecclesiæ & legitima potestate Romani pontificis liber singularis, ad reuniendos dissidentes in religione christiana compositus*; dumque in-eunte mox anno sequenti Clemens XIII. datis ad omnes archiepiscopos & episcopos Germaniæ encyclicis gravissimis nihil non ad depressionem subpressionemque operis ageret, inter primos fuere hierarchæ Nigræ Silvæ nostræ, qui, præeunte archiepiscopo Moguntino, votis pontificis obsecundarent, quidam etiam, vix fama percepta proditi operis. Videri poterat Argentorati, quæ urbs est ditionis Gallicæ, ubi multis theologorum saltem arrisit liber hic singularis, ad palatum in plerisque ple-rorumque doctorum Gallicanorum compositus, patronos nacturum Fe-bronium, dum contra ibi acerbum admodum adversarium Franc. Geor-gium Dietterich Iur. can. in catholica Argentoratensi academia doct. ac professorem publ. & ordin. accepit *Iustinus Febronius abbreviatus & emendatus*, quod est postremum inter tot, quæ ad libri sui singularis defensionem edidit opera Febronius. Neque vero omnes illos primatus pontificii, prout contendit canonista Argentoratensis prima inter differ-tationes tres, negat Febronius effectus; etsi primatum pontificum or-dinis potius & consociationis, quam iurisdictionis esse velit, non satis perspicuus, quid inde sequatur, dum cum catholicis doctoribus etiam ipse tenet, & admittit, pontificem esse centrum unitatis, seu ut

SS.



SS. PP. rem expresse-  
 runt, ad unitatem conservandam unum præcipuum  
 esse constitutum; ut adeo minus consequenter in ea sententia putet Fe-  
 bronius, quod primatus possit a sede Romana avelli.

SECULUM  
 XVIII.

Næque tamen ideo inficiatur, primatum esse divinitus institutum,  
 etsi arctioribus limitibus constringat, quam a medio circiter ævo identi-  
 dem fuerat, præsertim per pseudo-decretales, ampliatus, priorum septem  
 seculorum ecclesiæ revocaturus disciplinam, restitutusque auctoritatem  
 episcoporum, quam identidem a Papa accisam clamat, qui sibi arroga-  
 verit, quod collegio episcoporum competit.

Attamen huic quoque collegio iniquus est cum Ed. Richerio asse-  
 rens, potestatem clavium universitati ecclesiæ a Christo datam fuisse,  
 qui capitalis & plane ridiculus est error, probe attenta distinctione inter  
 ecclesiam docentem & discipularem, quam etiam protestantes admittunt,  
 quibus sua doctrina propius accedere voluit.

Neque vero hic sibi constat, quippe quilibet catholicus non potest non  
 agnoscere, statum ecclesiæ a statu politico ex sua institutione distinctum  
 eumque inæqualem, atque etiam in suo regimine seu hierarchia inde-  
 pendentem & infallibilem, ecclesia in concilio generali congregata:  
 hancque infallibilitatem in Febronio abbreviato etiam ecclesiæ, dispersæ  
 concessit, prius in dubium revocatam, utrimque impingens (ut aliis ire-  
 nicis contigit) apud eos, quos conciliare constituit; scopo sibi pro-  
 pposito, Protestantes revocandi ad gremium ecclesiæ quos tamen perinde  
 adversarios est nactus, quam Catholicos doctores, exceptis pseudo-politi-  
 cis, qui cum catholici videri velint, systema ecclesiæ protestantiæ ad-  
 optant a mente Febronii alienum quidem, ut tamen plus quam pomœ-  
 ria catholica ferant, obviam processerit, bono fine, sed consilio, ut  
 docuit eventus, inconsulto. *Existimabam sane, ut ad me 28. Febr.*  
*an. 1779. perscripsit, paci & unitati ecclesiæ omnia danda esse, quæ salva*  
*religione possent, atque sub his solum auspiciis Febronius per quindecim*  
*annos dimicaverat. Nunc cum aliis, maxime Superioribus, aliter visum*  
*sit, arma ille sua ad sacros Pii VI. pedes non invitatus proiecit.*

XXV. Palam hinc etiam fit, retractationem Febronii, ubique iam  
 notam, non fuisse extortam invito, sed spontanee & ex animo esse  
 factam. Paucis ante hebdomadis eodem mense & anno, quo mox ci-  
 tatam ad me epistolam dedit, encyclica ad clerum & populum archidice-  
 ceseos Trevirensis retractationem a se factam confirmat, editos a se libros,  
 qui huc pertinent tomis quinque, damnat, eorumque lectionem inter-

Retractata.

SECULUM  
XVIII.

dictam ipse denunciat, nec solum errorum suorum, sed etiam quomodo eo devenit, confessionem publicam edit. *Novitatis*, inquit, *cupidine ad inficetas & sinistras quasdam assertiones statuendas, ac propugnandas descendimus. Romanæ sedis quasdam prærogativas & iura, quæ ei vel ab ecclesia legitime attributa, vel ex ipsa sacræ hierarchiæ indole atque institutione prosuunt, publicisque sanctionibus firmata sunt, in controversiam reducere, minuere, & obterere, de nonnullis eius præsulibus etiam sanctitate conspicuis, parum reverenter loqui, alios indecenter probris proscindere, nec non quosdam usus curiæ, quos aequior animus facile excusaret, taxare præsumpsimus.* Anno sequenti 1780. secunda Aprilis sequens iterum publicum sinceræ revocationis, in dubium vocatæ, testimonium protulit: *Cum ex pluribus foliis publicis, quæ ad manus meas delata sunt, ac præsertim ex Florentinis hoc anno sub numero IX. impressis compererim, adniti quosdam, ut publice persuadeant, quod retractatio operis Febroniani, qualem I. Novemb. 1778. ad SS. D. Pium VI. transmissi, extorta fuerit ab invito, idcirco hic palam declaro, quod prædicta retractatio, quam mediante serenissimo Domino electore D. D. meo clementissimo feci, penitus sponte, ac libere a me facta fuerit, quodque statuerim, eandem in opere quodam, quod conscribere iam cæpi, quodque cum Dei gratia me absoluturum spero, per sacros canones, & ecclesiæ disciplinam ampliare, ac confirmare. I. N. ab Hontheim.* Indigitat hic commentarium in suam retractationem, cui ut maiori otio impendere se posset Hontheimius, vicarius in pontificalibus generalis suffraganeus Argentorati eius vices supplevit.

Interest, præcipua huius commentarii capita percurrere. Ubi illud imprimis animadvertendum, Hontheimium haud raro suis declarationibus sententias & momenta addere, quæ cum positionibus, quas iuxta retractationis formulam singillatim præmittit, non semper conveniunt. Cuius rei genuinam causam aperit in litteris ad me datis: *Forte, inquit, mitius de eius consilio (librum suum singularem indigitat, quem sub nomine Febronii edidit, tantorum motuum causam) iudicatum esset, si vel Roma penitus nosset, quæ in Germania & vicinis provinciis de religione aguntur, vel omnes in Germania sacri præsules ex selectu virorum cruditorum assumerentur.* Inter vicinas Germaniæ provincias Galliam imprimis innuit, cuius se placitis delectari, ubique, etiam in libro singulari, prodidit, idem expertus, quod & aliis apud nos accidit, qui opiniones Gallorum, quas vocant Ultramontanas, non satis concoquunt; dumque easdem nimium ad vivum rescant, eo delabuntur, a quo sibi sagax ac religiosa Gallia hierarchica christiana, quem clerum Gallicanum

Gallicanum vocant, atque cum eo iam etiam Honthemius studiose cavet in suo hoc commentario.

SECURUM  
XVIII.

In eo cum ad positiones priores contra Richerianum systema ecclesiæ recte & solide explicasset, quomodo apostolis & eorum successoribus potestas clavium (quæ claves symbola potestatis ordinisque imperantium & parentum sunt) fuerit data: uni quidem Petro & unitati simul, quatenus ille primatum tenet, seu Petro singulariter, ut in libro *de communionem potestatis ecclesiastica inter summos ecclesiæ pastores pontificem & episcopos* exposuimus, deinde etiam collegio apostolorum, non excluso Petro, ita ut collegio apostolorum cum Petro, huicque singulariter claves datæ sint, seu potestas illa gubernandi ecclesiam, eosque qui sunt de ecclesia in officio continendi, atque refragarios quoscunque independenter ab omni alia potestate coercendi: quæ generalis potestas collegii apostolorum sicuti transit & conservatur in collegio episcoporum, ita etiam singularis Petri transit ad eius successorem Romanum pontificem, tanquam ad centrum unitatis: quatenus ordo ecclesiasticus in præpositi unitate consistit, nec unitas sine sede Petri subsistit: unde nolle subesse Romano pontifici, schisma est; resque ecclesiæ tam in dogmate quam disciplina ad pontificem pertinent, quod in suo commentario prioribus octo positionibus declarat Honthemius secundum varias doctorum, Gallorum etiam sententias, ut iuxta mentem Gersonis provisorie saltem & interim pontificiis decretis in causis fidei & morum obsequium debeat ad non dogmatizandum contrarium.

Tum positione nona absolute, secus ac in libro singulari, statuit, a Romana sede ad aliam transferri primatum nequire: quam positionem allatis catholicorum diversis sententiis sic declarat: *iudico ego, etsi forte in sensu absoluto primatus alio transferri valeat, id tamen in sensu morali fieri nequaquam debere, proinde nec iuridice loquendo posse.* Quod vero interpretandum est ex mox præcedente positione octava, qua statuit, *primatum perpetuum esse, atque transire iure divino in Romanos pontifices*; etsi forte, ut in schismate Avenionensi accidit, Romani pontifices actu Romæ non subsisterent.

Declarat proximis positionibus plenam potestatem pascendi, regendi, gubernandi universalem ecclesiam Romano pontifici traditam iuxta concilium Florentinum: positione decima quarta absolute statuit, fieri non posse, ut a vera fide aberret corpus episcoporum, capiti suo Rom. pontifici adhærens, adductis exemplis hæresis Pelagianæ & Lutheri: Bul-

SECVLUM  
XVIII.

lam etiam Unigenitus dogmaticum decretum totius ecclesiæ agnoscit, addens propter publicam tranquillitatem tantum non publicatam ubique gentium.

Tum vero positione decima octava universim statuit, quæ ad ecclesiæ statum pertinent, si quid dubitationis fuerit obortum, ad Romanum pontificem referendum esse, prout etiam relationes hæ Romano pont. in concilio Tridentino sunt firmatæ.

Postquam deinceps positione XIX. decretales RR. pontificum reverenter suscipiendas, & sancte custodiendas esse edixisset, positione sequenti summo pontifici iure divino adscribit ius indicendi, dirigendi & confirmandi universalis concilia, quæ in casibus tantum extraordinariis sine pontifice convocentur, a sede Romana semper ratihabita, & non obstante varia doctorum sententia, ratihabenda; quibus vero civilis potestas vim legis publicæ tribuat. Papa iuxta positionem XXV. habet potestatem dispensandi ex legitima causa in lege lata a conciliis generalibus, quæ raro, ac nostris temporibus vix omnino præsto sunt ipsa etiam concilia provincialia. Neque iam ex mente Honthemii potest confirmatio, translatio & depositio episcoporum provincialibus synodis restitui, nisi de libero summi pontificis consensu, cui ius illud assertum est, atque iam tem primis temporibus ii censebantur spurii adulterinique episcopi, quorum ordinationem R. P. respuebat, ut ætate nostra Ultraiectionum, quæ declarantur positionibus XXVI. & XXVII.

Post positionem XXVIII. de canonizationibus SS. sequentibus positionibus agitur de appellationibus, collationibus & reservationibus, annatis, quæ in concordatis Germaniæ papæ in subsidium Romanæ curiæ, donec eius necessitatibus aliunde provisum sit, sunt assertæ.

De exemptionibus regularium deinceps tractatur, quæ a seculari potestate aut a synodo particulari abrogari nequeant, eorum autem abusibus per concilium Tridentinum occursum sit & provisum, episcoporum auctoritate in exemptos iure delegato in multis restituta; licet idem concilium in multis etiam posuerit limites potestati iurisdictionis episcopalis, prout asseritur positione XXVI. eam posse quoad usum per canones arctari, atque etiam rationabilibus causis a Papa restringi.

Postremum quæ ad ecclesiam aut principes in negotiis religionis pertineant, discernit, edicit vero positione XXVII. de iis, quæ ad fidem, sacra-



sacramenta & disciplinam pertinent, solam ecclesiam decernere, principi nihilominus ius competere inspiciendi leges ecclesiasticas, atque in accidentalibus religionis etiam cognoscendi. Ultima demum positione curandum monet, ut pax & concordia inter sacerdotium & imperium servetur, & offensionum vitentur occasiones. Porro, subdit p. 239. *potest ecclesie pax turbari excitatis contentionibus vel inter potestatem ecclesiasticam & civilem, vel inter Romanum pontificem & episcopos. Quisquis de horum iuribus tractans extrema amplectitur, pacem agre conciliabit. Alibi propositum fuit in brevi hoc commentariolo, quem auctoribus summis in ecclesia potestatibus suscepi, quemque illarum iudicio sine retentione submitto, id agere, ut cuique, quod suum est, tribuatur dace veritate & canone.* Duo demum adiicit epiphonemata, primum: *quæ plurimorum seculorum usu atque ita tacito ecclesie consensu apostolicæ sedi obvenierunt reservata accidentalia, ea illi citra contrarium universalis ecclesie consensum, sive in concilio, sive extra illud retrahi non posse.* Alterum: *Dum quæstio oritur, an hoc illudve episcopale vel papale decretum sive constitutum in sua executione reipublica noceat, penes solum principem esse iudicium: quippe qui rerum publicarum utilitates vel damna ponderare habet. Cum vero ambæ potestates ecclesiastica & civilis suprema, & a se invicem independentes sint, extra iam memoratum casum, orto inter utramque gravi dubio, controversia seu iurium collisione, ea, ut fit in statu naturali, amica compositione tollenda erunt.*

Nullum unquam insignius exemplum conservandæ, redintegrandæque concordie sacerdotium inter & imperium edidit Romana sedes, quam ipso, quo hoc scribo, tempore Pius VI. P. M. instituto huius rei causa Viennam ad aulam cæsaream itinere, mense Martio an. 1782. digne a cæsare, Neostadium usque occurrente susceptus & habitus, a populo autem devotissime. Singulari Dei providentia factum est, ut, cum reges & principes, penes quos suprema est rerum temporalium potestas, multiplicarentur in orbe christiano, Romana sedes ab eorum eximeretur subiectione. Fundamentum ad eximiam Romani pontificis potestatem statim poni visum est, quando primus Constantinus M. imp. colla subiecit iugo Christi, non ficta illa donatione, sed Cpolim translata sede cæsarea, variis item immunitatibus, quas ecclesie concessit, hierarchisque, auctoritatem etiam in iudiciis civilibus fecit. Utinam vero nunquam rebus fidei sese, iudiciisque ecclesiasticis immiscuisset, quod ei, & multo adhuc magis successoribus tam male cessit Arianorum fautoribus contra fidem Nicænam, barbaris nationibus irruentibus undique,  
Arianis.

SECVLUM  
XVIII.

Arianisque regibus postea iusto Dei iudicio imperium Occidentale occupantibus; tum maxime vero deinde imperatoribus Orientis hæresum fautoribus & incentoribus piaculo fuit, ut, cum quæ Dei sunt sibi arrogassent, omitterent, quæ sunt cæsaris, Imperio succiso in Oriente per Persas primum, deinde per Mahumedanos, in Occidente vero per Longobardos: donec seculo VIII. Aistulpho & Desiderio Longobardorum regibus a Pipino & Carolo M. subactis, ecclesia Romano-catholica florem splendoremque insignem accepit.

Qua quidem sua auctoritate apud nos ac potestate per mille iam annos gavisa est; attamen paralellismum quemdam millenarium, ut ita dicam, observare liceat, ut sicut post incunabula sua seu infantiam inde a quarto seculo exterior ecclesiæ ornatus, auctoritas & potestas ad virilem illam, quam indicavimus, ætatem excrevit, ita etiam a seculo decimo quarto iterum a Marsilio Patavino a) primum & Ioanne de landuno sub Ioanne XXII. proximo seculo XV. a Waldensibus, Wicleffitis & Hussitis deprimi iterum & lacerari cœperit; sec. XVI. vero a protestantibus omnes machinæ ad statum omnem ecclesiæ prosternendum sunt adhibitæ hætenus: statum intelligo hierarchicum, seu hierarchiam in ecclesia catholica divina ordinatione institutam, ad quam subruendam miris sese torserunt modis, donec nostro tandem seculo ac ætate, fronte posita, episcopatum tamen principis Carpozovii, Grotii & sequacium erubescens, principi qua principi ius omne circa sacra consignarunt, in ecclesia personas quasque æquales statuendo. Si est inæqualis, ait Boehmerus b), imperium & obediendi gloriam supponere debemus, & ita favemus imprimis clero pontificio, hierarchiam quamdam fugenti, & suprematum præfuli Romano universalem adscribenti.

a) Vid. monymy liber de finibus utriusque potestatis c. 15.

b) De iure paroch. c. 2. §. 14.

Uti semper inde ab ecclesiæ origine, quoties ea concuti visa est, ita etiam postremis his temporibus, quando susque deque vertendi statum ecclesiæ, a Christo in suis apostolis eorumque successoribus constitutum, omnes machinæ adhibitæ sunt, Petrus in suis successoribus invictè egit, præstititque, quod a Christo in mandatis accepit: *Et tu aliquando conversus confirma fratres tuos.* Munus hoc Romæ moriens Petrus sedi suæ veluti testamento reliquit, quod ipse usque ad mortem complevit, ut de se epistola II. c. 1. testatur: *Iustum autem arbitror, inquit, quamdiu sum in hoc tabernaculo, suscitare vos in commonitione: certus quod velox est depositio tabernaculi mei, secundum quod & Dominus noster Iesus Christus significavit mihi. Dabo autem operam, & frequenter habere vos post obitum meum, ut horum memoriam faciatis.* His promissis

missis suis constanter hactenus in suis successoribus stetit, stat, stabitque, semper confirmando fratres suos successores apostolorum in unione ecclesiæ catholicæ & apostolicæ, communionemque potestatis hierarchicæ.

SECVLUM  
XVIII.

Hanc nos fidem, ordinem & auctoritatem constanter in ecclesia catholica retentam, & contra protestantes, potentia tot principum ab ecclesia deficientium fultos, in concilio Tridentino firmatam, inconcussam tenemus, cum apostolis ad Deum supplices extollentes manus ac vocem Act. IV. 25. *Domine tu es, qui fecisti cælum & terram, mare & omnia, quæ in eis sunt: qui spiritu sancto, per os patris nostri David, pueri tui dixisti: Quare fremuerunt gentes, & populi meditati sunt inania? Assiterunt reges terræ, & principes concenerunt in unum adversus Dominum & adversus Christum eius &c.* Frustra id quidem; supra firmam petram fundata ecclesia; nec portæ inferi prævalebunt adversus eam: quæ per orbem dispersa regna terrena in se continet, non continetur, statu a politico toto cœlo diverso, qui tunc effloruit, seseque per totum orbem diffudit, quando adversus eum totus mundus stetit; nequicquam nullaque vi cohibitis aut potentia, quibus regnum suum hoc non quidem de hoc mundo, sed tamen in hoc mundo statuendum commisit apostolis, respondentibus, qui eos prohibere sunt conati, principibus sacerdotum iudaicis, cum primum cœperunt colligere fideles, & constituere ecclesiam a): *Si iustum est in conspectu Dei, vos potius* a) Act. IV. *audire quam Deum, indicate! Non enim possumus, quæ vidimus, &* v. 19. *audivimus non loqui, non solum perfidis iudæis, sed etiam cæteris per orbem gentibus frementibus, assistentibusque regibus terræ, & principibus convenientibus in unum adversus Dominum & adversus Christum eius: quippe amplius præ veteri iudaico sacerdotium adepti sunt apostoli, ampliori ex alto virtute instructi, potestatemque & principatum multo præstantiorem in omnibus quæ ad constituendam, regendamque ecclesiam pertinent, quam sit quævis potestas in terris, consecuti a Christo, cui data est omnis potestas in cœlo & in terra. Siquidem, ut cum S. Io. Chrylost. loquar b), sacerdotium principatus est, ipso etiam b) Hom. IV. *regno venerabilius ac maius. Ne mihi narres purpuram, neque diadema,* in illud: I'd. *neque vestes aureas, umbræ sunt isthac omnia, vernisque flosculis leviora.* Dominum. T. *Omnis enim, inquit, hominis gloria sicut flos fœni, etiamsi ipsam gloriam regalem dixeris. Ne, inquam, mihi narres ista; sed si videre vis discrimen, quantum sit regem inter & sacerdotem, expende modum potestatis utrique traditæ, videbis sublimius rege sedentem. Quamquam enim nobis venerandum videtur solum regum ob gemmas ei affixas, & aurum,* VI. p. 130.*

SECVLUM  
XVIII.

a) Paralip. c.  
26, v. 16.

quo cinctum est: tamen rerum terrenarum administrationem sortitus rex est, nec ultra potestatem hanc quidquam habet auctoritatis: verum sacerdotii solum in cœlis collocatum est, & cœlestia administrandi habet auctoritatem. Quis hæc dicit? Ipse cœlorum rex: „Quæcumque enim „ligaveritis super terram, erunt ligata & in cœlis: & quæcumque „solveritis super terram, erunt soluta & in cœlis“. Quid cum hoc honore conferri possit? A terra iudicandi principalem auctoritatem sumit cœlum. Nam iudex sedet in terra, Dominus sequitur servum, & quidquid hic in inferioribus iudicavit, hoc ille in supernis comprobavit. Itaque medius stat sacerdos inter Deum & naturam humanam, illinc venientia beneficia ad nos deferens, Dominum iratum reconcilians communi naturæ, nos, qui offendimus, eripiens ex illius manibus. Idcirco Deus ipsum regale caput sacerdotis manibus subiecit, nos docens, hunc principem esse illo maiorem. Siquidem id, quod minus est, benedictionem accipit ab eo, quod præstantius est. Discutit ibi exemplum Ozia a), studio quidem religioso, sed ausu temerario templum ingredientis, ut incensum adoleret, quod non regibus, sed sacerdotibus competeat, quem summus sacerdos Azarias cum suis sacerdotibus intrepidus coarguit. Non aspiciebat, inquit, principatus fastum, non expendebat, quanta res esset, animum cupiditate temulentum cohibere: non audiebat illud Salomonis: „Minæ regis sicut ira leonis“; sed sublatis oculis ad verum regem cœlorum, atque illud tribunal, easque pœnas considerans, & his cogitationibus sese muniens, impetum fecit in tyrannum. Noverat enim, noverat inquam, certe, minas regis similes esse iræ leonis duntaxat iis, qui terram spectarent. Verum homini, qui cœlum habebat præ oculis, quibus sic induxerat in animum, ut vitam citius in ipsis adytis deponeret, quam sacras leges sineret violari.

Prosequitur postea S. Pater, & deprædicat mansuetudinem, quæ in redarguendo Ozia fuerat adhibita, quam non semper adhibuisse hierarchas, solent nobis hostes, contemptoresque legitimæ eccles. potestatis obicere, legi evangelicæ ac spiritui Christi consentaneam, qui suis dixit: *Discite a me, quia mitis sum, & humilis corde*; dumque necdum eum præsetulit humilitatis spiritum Petrus, quem post se suum relicturus erat in terra vicarium, ter suum negavit magistrum, trina vero postea professione sui amoris, errorem correxit, atque universo gregi præfici meruit post resurrectionem in apparitione secunda, cum in prima iam apostolis omnibus unacum Petro potestatem contulisset salvator dicens: *Sicut me misit Pater, ut probe post SS. Patres animadvertit Iansenius*

Ganda-



Gandavenſis epiſc. in Commentario in Concord. evangel. (c. 148.) Nunc, pergit, ad tollendum ſchiſma, & ut eccleſia una monſtraretur, unus omnibus præſcitur, impletque Dominus in Petro, quod ante reſurrexionem ei promiſerat, dicens: Tibi dabo claves regni cœlorum: quia, ut ibi dictum eſt, verbis illis promittebatur Petro ſumma in eccleſia poteſtas & auctoritas, quæ hic illi traditur, cum ei peculiariter regimen & cura paſtoralis ovium Chriſti committitur. Hanc autem poteſtatem ei peculiariter commiſſurus Dominus, prius ab eo rogat, num ſe diligat, & plus diligat quam ceteri, qui aderant apoſtoli &c. non ſolum, ut intelligamus, eximiam & ſingularem dilectionem requiri in præſcicndo ovibus Chriſti, ſed etiam, ut hinc intelligamus, ad ſolum Petrum pertinere, quod ei dictum eſt: Paſce oves meas, ut quidam volunt, quod Petrus tanquam os apoſtolorum omnium nomine reſponderet &c.

XXVI. Bene ſe habet, quod omnes illi, qui hodie poteſtatem ec-  
cleſiæ, eamque in ſucceſſoribus præcipuam labefactare conantur, in ipſa  
eccleſia catholica, quod, inquam, eam ſemper prærogativam in Petri ſuc-  
ceſſoribus agnoſcant, quam ex unanimi conſenſu SS. Patrum modo af-  
ſertam vidimus, ut ſit centrum unitatis. Utinam vero etiam, quid hinc  
conſequens ſit, agnoſcant, quod ſingulari libro, *de communione poteſta-  
tis eccleſiaſtica inter ſummos eccleſiæ paſtores pontificem & epiſcopos*, oſten-  
dere ſum conatus, optandumque eſſet, ut ſectarii illi cognominis Cor-  
nelii Ianſenii Iprenſis ea in mentem inducerent, quæ modo ex Cornelio  
Ianſenio Gandavenſi attulimus digna, quæ ſequentibus adhuc ex eodem  
auctore firmentur verbis, ad reverentiam ſupremo eccleſiæ capiti Ro-  
mano pontifici, tantopere laceſſitam, conciliandam.

Attingenda nobis hanc ob rem eſt cauſa Ianſeniſtarum, in foederato  
Belgio ab ineunte ſeculo hoc XVIII. ſota, tum etiam ab exulibus Ap-  
pellantibus a iudicio Romanæ ſedis ad concilium generale; eſſi prima-  
tum Romanæ ſedis in controverſiam non deducant, nec ſe a ſede hac  
ceu centro unitatis abduci ſinant, etiam ſchismatici ab eius communione  
reieſti; cui rei occaſionem dedit ineunte hoc ſeculo epiſcopalis dignitas,  
quam indulgentia Innocentii XI. an. 1688. in Belgio obtinuit Petrus  
Codde in partibus nominatus archiepiſcopus Sebaſtenus, a capitulis Ul-  
traieſtino & Harlemenſi præſentatus; unde Ultraieſtini ſchismatici ſucceſ-  
ſionem ſuam epiſcopalem repetunt. Silentio prætereo hiftoriam electorum  
deinceps invita Romana ſede epiſcoporum, qui nihil non egerunt, ut  
ſe in gratiam pontificum inſinuarent: atque etiam acta ſynodi, quam an.  
1763. celebrarunt, Romani confirmanda miſerunt, in qua divina primatus

SECVLUM  
XVIII.

pontificii institutio studiose est asserta; resque primum a Clemente XIII. benigne accepta, ut tamen an. 1765. synodus illa reiiceretur.

Iam sub Benedicto XIV. de eorum reunionem ad communionem sedis apostolicæ incassum laboratum fuit, quod an. 1752. declarassent, se pro pace hac ineunda nunquam consensuros in subscriptionem puram & simplicem Formularii Alexandri VII. & in acceptationem bullæ *Unigenitus*, etiam relative ad quascumque explicationes; cum tamen bulla illa in Catholico Belgio iam an. 1718. fuerit recepta, ut ex actis ecclesiæ Mechliniensis eius anni constat, prout leguntur in novissima a) *T. X. p. 823.* conciliorum Germaniæ editione a). Fuit etiam in Gallia recepta, ita tamen, ut primum quidam episcopi cum Noallio archiep. Parisi. quasdam explicationes addendas, alii eam simpliciter recipiendam existimarent cum Armando de Rohan card. & episcopo Argentoratensi, quæ diocesis in Nigram Silvam excurrit; ubi quod cæteros hierarchas attinet, nulla unquam quæstio aut disceptatio circa hanc bullam fuit mota ad præsens usque tempus, quod singulari quodam casu nunc accidit ob motus quosdam Brunæ in Moravia excitatos, ut in ditionibus Austriacis proscriberetur; nequaquam vero ob doctrinam in ea contentam, aut propositiones in ea damnatas *in globo*, ut vocant, seu universim ac generatim. In ea, ut cum Honthemio b) loquar, *fixum illud occurrit, de quo ecclesia vult nos certos fieri, quodque ad tuendam fidem satis esse indicat; scilicet inter eas, quas damnat, propositiones alias esse perniciosas, si tradantur; alias periculosas, si credantur; ideoque nec has, nec illas posse ab ullo Catholico defendi. Itaque per talem ecclesiæ definitionem firmum stat, eas propositiones, quocumque titulo seu rubrica damnatas, esse reiiciendas: quippe quod ex eisdem quadam sint hæreticæ, quadam erroneæ, quadam scandalosæ &c. Atque in id fertur assensus auctoritati debitus. Quanam vero censuræ nota singulis conveniat, doctoribus inquirendum, & assignandum relinquitur, donec ab ecclesia specialius id fuerit determinatum.* Posteriores hanc observationem omnino necessariam esse vult Honthemius, quo minus laudata constitutio pro *regula fidei* hætenus sit habita, sed *morum* tantum, atque ea ratione inobedientiæ nota damnari in Gallia, non hæreseos, qui huic constitutioni refragantur. Provocat ad declarationem cleri Gallicani in Parisiensibus comitiis an. 1755. & 1765. atque ad ipsam Benedicti XIV. encyclicam ad episcopos Galliæ an. 1755. Parisiis congregatos ad petitionem regis datam, atque a rege summa veneratione susceptam in illis comitiis; post altera vero illa anni 1765. etiam palam pro lege status perinde ac ecclesiæ declarata est iuxta bullam Benedicti XIV.

Pau-

Paucis abhinc annis recruduisse visa est in opposito Nigræ Silvæ nostræ Vogeso, atque in ipso Ordine S. Benedicti controversia Iansenistica e diametro opposita ei, cui Cœlestinus Sfondrati ex principe abbate S. Galli S. R. E. cardinalis locum dedit edito libro inscripto: *Nodus prædestinationis ex sacris litteris, doctrinaque Augustini & Thomæ, quantum homini licet, dissolutus*, in quo episcopi Galliæ non pauci id etiam reprehenderunt, quod in novissima controversia, quam innuimus, episcopus Tullensis reprobandum existimavit in P. Mougénot Ord. S. Bened. ex Congregatione SS. Vitoni & Hydulphi: cuius rei vel ideo mihi mentio facienda est, quod me olim hortante is in se suscepit theologiam Tournellii examinandam circa controversias Iansenisticas, quia huius theologo insigni ideo etiam maior iis in rebus fides sit adhibita, quippe qui toti causæ ab exordio, primum Lovanii, postea Parisiis præsens adfuerit; eum vero P. Mougénot errorum & malæ fidei in iis, quæ scripsit circa materias de gratia, convincendum suscepit, tribus eam in rem editis voluminibus, & postea etiam libello apologetico contra suos quoque sodales, a quibus fuerat exagitatus. Notam vero a se Iansenismi propellit, palam professus, sincere se & ex animo condemnare propositiones omnes, condemnatas in bullis summorum pontificum, maxime propositiones illas, quæ in bullis contra Baium & Iansenium atque adversus Quæsnelli librum inscriptum: *Le nouveau Testament avec des réflexions morales* &c. proscriptæ sunt. Ego, inquit, pariter illas condemno in omni illo sensu, quo sancta ecclesia catholica, apostolica & Romana illas proscribit, & condemnat; optime persuasus, doctrinam S. Augustini, & S. Thomæ, non obstantibus illis bullis, pristina auctoritate in ecclesia pollere, neque præiudicium quoddam doctrinæ Augustinianæ aut Thomisticae a Romanis pontificibus fuisse illatum.

XXVII. Melius sibi Iesuitæ consulissent, atque etiam puritati theol-  
ogicæ, si misso Molina suo, firmiter inhæssissent statuto, quod haud pro-  
cul ab exordiis societatis accepisse feruntur a viro summo, altero post  
S. Ignatium Superiore generali P. Lainezio, tradendi scilicet in suis scho-  
lis placita S. Thomæ: quod etiam apud nos admissi ad facultatem theo-  
logicam in academia Friburgensi promiserunt; non tamen ita (ut nu-  
perrime rem exposuit Ios. Ant. Labhart in dissert. historico theolog. de  
*vicissitudinibus theologiae*, recensita in nova bibl. a) eccles. Friburg. p. 521.)<sup>a) Vid. Bibl.  
Vol. IV.</sup> ut sibi non permitterent in iis quæ sibi aliter visa fuerint, ab eo dis-  
cedere. Accessit cum Iesuitis collegio Friburgensium theologico Pole-  
mica & Casuistica theologia; discessum tandem in partes Molinæ. An.

SECVLUM  
XVIII.

1767. admissi fuerunt ad facultatem sacram, qui traderent theologicas disciplinas secundum mentem Augustini & Thomæ. An. 1773. extincta Iesuitarum Societate nova studiorum theologorum ratio, ut in cæteras Austriæ sceptro subiectas academias, ita in Friburgensem introducta est; hermeneutica sacra orientalibus linguis, iam prius adoptatis, adiuncta fuit, cæteræque partes theologorum studiorum, imprimis etiam historia sacra excoli magis cœpta, atque pristinae dignitati restitui.

Duo adhuc sunt capita, de quibus moniti Iesuitæ a celebrationibus superioribus suis generalibus sibi haud satis prospexerunt. Ex his Claudius Aquaviva haud obscure suis prælagit exitii causam a summis aulis, unde quidem nihil minus, ob maximum favorem ac officia, timendum videbatur, Romana præsertim, ubi dici potest, primam ruinæ causam, quam postea Clemens XIV. consummavit, præbuisse Clementem XIII. recedentem a vestigiis Benedicti XIV. qui ultimo vitæ suæ tempore bullam reformationis legato Portugaliæ consignavit, ut gliscentem iam sub cinere ignem restingeret, cuius flammam Clemens XIII. nimis indulgendo incendit: ne quid de causa Malacridiana dicam, ob parricidium Iosepho I. regi Lusitaniæ intentatum, cuius conscii atque adeo rei dum censebantur Iesuitæ, ex iis, quæ hætenus sunt patefacta, palam fit, suspicionem potius sententiæ, quam tamen eiurasse dudum Iesuitæ sunt professi, licitum nempe esse occidere tyrannum, factum fuisse. Interim ipso die 3. Septembris an. 1758. quo rex ad mortem petitus fuerat, Iesuitæ ex Lusitania sunt proscripti, ac postremo demum ex Germania nostra Brevi apostolico Clementis XIV. an. 1773. quo universus ordo extinctus est, postquam ex Gallia etiam & Hispania exesse iussus esset auctoritate aularum regiarum, quarum gratia potissimum censebantur Iesuitæ remissiores fuisse in theologia morali; non auctores, sed præcipui defensores probabilismi, contra quem præstantissimum opus scripsit Thyrsus Gonzales Superior generalis Soc. I. calculum addentibus non paucis ex suis: ibique illud etiam probandum suscepit, Probabilissimum non esse doctrinam in Societate receptam, quæ tantum semper pro fidelium, præsertim in sacro tribunali, perinde ac infidelium conversione zelum commonstravit salutis animarum, utique periculo non exponendæ, in tribunali imprimis confessionis & poenitentiae sacramentalis: quæ est in ecclesia catholica pars potior officii ac prudentiæ pastoralis, in qua studium casuum conscientiae, vulgo despectum, & in novo theologiæ universæ systemate non pro dignitate & necessitate tractatum, eum & multo ampliorem locum habet, quem historia in prudentia civili.

Tum



Tum vero in tanta opinionum diversitate cautione quam maxime opus est ac studio, ut æqua morum teneatur censura inter rigidiorē & remissiorē, quarum illa vulgo creditur Iansenistarum, hæc Iesuitarum; ut tamen maxime periculosum sit, humano iudicio sensuque nostro securitatem dare, quam præstare non valemus coram tribunali divino tam in regula morum & actionum humanarum, quam etiam fidei erga hæreticos, qui vulgo dicuntur materiales, quæ hodieque fervet inter nonnullos ecclesiasticos ordines controversia Romam etiam delata; ubi præcipuo incentori dictum est abeunti a), ut, ni damnari velit, mitigaret, quæ scripsit in benigniorē partem; si tamen benignior pars hæc illa est, quæ æternæ damnationis periculo exponit, imo iuxta unanimem SS. PP. Augustini præsertim sententiam, contra schismaticos etiam quoscumque, non hæreticos tantum, nullam scilicet esse extra veram ecclesiam salutem, unam nempe sanctam catholicam & apostolicam ecclesiam. Aliam nos securitatem frustra damus; quam dum præstare non possumus, a salute arcemus, quos incurios reddimus & negligentes, suam vocationem & salutem certam faciendi, atque ad gremium matris ecclesiæ redeundi.

SECVLVM  
XVIII.

a) *Bibl. theol.  
Eriburg. vol.  
V. Fasc. IV.  
p. 739.*

XXVIII. Ingens, si unquam alias, ab ineunte hoc seculo fuit impensum studium ac conatus conciliandi, reuniendique ecclesiæ catholicæ dissidentes sectas. Id quam maxime solliciti curarunt pontifices Romani, ut silentio præteream Zephirinum de pace seu Georgium Christophorum Ferdinandum de Räsewiz, cuius prostant eam in rem post initium huius seculi scripta. Fertur, Benedictum XIII. ut Græcos, Lutheranos & Calvinistas ad unum ovile revocaret, quatuor singularia in animo habuisse consilia. Clemens XII. post Benedictum mentem suam eam in rem an. 1732. cardinalium collegio in secreto consistorio die 21. Iunii aperuit. Sermo, quem habuit, unaque bulla ad Lutheranos Saxones, breveque apostolicum extat T. I. Act. hist. eccl. Vinar. alia in aliis eorundem actorum voluminibus, a cardinali Quirinio & de Loen in eodem negotio actitata. Nos paulo antea commemoravimus I. Nicolai de Hontheim episcopi Myrophytani in partibus, suffraganei Trevirensis sub nomine I. Febronii de statu ecclesiæ & legitima potestate Romani pontificis librum singularem, quem ipsa frons præfert, eo fine esse elucubratum, via tamen longe dispari ac eventu, uti alia etiam eiusmodi irenicorum labente hoc seculo XVIII. studia, ulterius ad labefactandam infallibilitatem ecclesiæ composita. Cuiusmodi legere est T. V. Vinariensium act. historico-ecclesiasticorum nostri temporis; auctor vero amicus in litteris ad me

Molimina ad  
conciliandas  
dissidentes  
sectas.

SECVLUM  
XVIII.

me anno præterito datis, conqueritur, amicos male officiosos fragmenta epistolæ cuiusdam suæ se incio edidisse, ex quibus a nemine, prout vulgata sunt, intelligi possit consilii sui ratio, vanissimamque suspensionem fuisse, se infallibilitatem ecclesiæ prodere velle, ad dissidentes in ecclesiam Catholicam reducendos.

Quo tamen nihil proclivius est in negotio hoc cum Protestantibus, in quo ante omnia, quod caput est, de infallibili iudice ac iudicio causarum religionis controversarum conveniendum foret, si aliquid firmum & stabile esse deberet, cum secus omnis labor frustraneus sit; siquidem penes quemvis singillatim, aut omnes generatim stet accedere, vel non accedere, aut iterum recedere, palam profiteri accessum, animo autem in alia omnia ire. Sic invitatus cum meis ad huiusmodi conventum Fuldæ institutum respondi, consiliumque dedi, ut a præcipuis capitibus seu dogmatibus controversis rei auspiciis sumatur, non solum quoad articulum de ecclesia, verum etiam quoad alios præcipuos & capitales articulos in controversiam deductos, eaque omnia, quæ in generali synodo Tridentina iam decisa, a quocumque Catholico, consequenter etiam ab iis, qui ad catholicam ecclesiam reditum cogitant, indubitanter accipienda esse, quorum pars potior iam in concilio Constantiensi determinata fuerat, aliaque in aliis conciliis; quæ vero in actis concilii Tridentini dispersa sunt, a Pio IV. extracta in professionem fidei verbis concilii Trid. concepta, ecclesiæ sunt proposita & acceptata, cui omnes quotidie subscribunt, & hierarchæ omnes & singuli subscribi faciunt. Opportune hic exscribo, quæ nunc primum in hoc negotio interpellatus cardinalis quidam Roma rescripsit, inque hanc sententiam consultum habuit: *Imprimis ergo sic existimo, dum studemus firmam stabilemque inire concordiam, ab iis temperamentis cavendum, quæ ad concordie optatæ stabilitatem convellendam plurimum deinceps commoditatis & licentiæ afferent. Hac potissimum de causa, ut scribis, concordie studiosi Protestantes principiorum, quibus hætenus innixi sunt, levitatem & inconstantiam animadvertere cœperunt, quod qui ex ipsis labuntur in Socianismum, Deismum, aliosve huius generis, religioni perinde ac reipublicæ infestos errores, palam profiteantur, sibi concedi oportere, ut, quam licentiam sumsit sibi Lutherus adversus ecclesiam, eandem sumant adversus Lutherum.*

Quæ cum ita sint, quivis intelliget, longe promptiorem ac faciliorem censerî posse cum Græcis schismaticis unionem ad normam iam passim per Europam & Asiam unitorum, qui dum Romanum pontificem caput ecclesiæ

ecclesiæ agnoscunt, purgatorium item, ac processionem Spiritus S. ex Patre Filioque credunt; quoad disciplinæ quædam capita ac ritus suis relinquuntur usibus; redeuntes etiam ad unionem ecclesiæ unitis Græcis sociantur, non Latinis Catholicis, singulari apostolicæ sedis decreto, ad faciliorem reddendum redditum.

Qui vero difficilior quotidie fit reditus in ecclesia Occidentali non solum quoad Protestantes, suis abundantes sensibus, dum pro lubitu a suis etiam libris symbolicis, nullo agnito controversiarum iudice, recedunt; verum etiam apud catholicos illos, qui dum nimium ad acatholica principia declinant, a catholicis sensim veluti sine sensu abeunt, ut ex innumeris scriptiunculis, plerisque anonymis, palam fit, quibus hodie impune, contra mandatum cæsareum, ac licenter Germania nostra inundatur: ex quibus temerarius lucifuga, iam proditus Norimbergæ & castigatus, eo audaciæ processit, ut in ipsa fronte Iosephum II. & Lutherum sociaret, perversissime accepto triplicis in Imperio Germanico religionis tolerantia decreto, quemadmodum magis magisque elucescit ex quotidianis propemodum ac novis decretis, quæ extorsit insolentia eorum, in quorum gratiam facta est tolerantia, fuitque limitanda & restringenda res, in præceptis progressa, uti fieri pronum fuit, dum illis fræna laxantur, qui venditata semper inde a principio factæ discessionis ab ecclesia catholica Protestantes abusi sunt conscientia libertate; iam vero supra, quam unquam alias, non ferenda in Imperio Germanico sese insinuat licentia, ubi publicis pactis & pacificationibus iuxta libros symbolicos, nec ultra hos limites toleratis religionibus sua est constituta libertas atque secundum præscriptum annum in pace Westphalica normalem, quoad publicum saltem religionis exercitium.

Nunc autem quisque sibi sumit, quidquid in mentem buccamque venit, non solum eloqui, sed etiam typis in lucem publicam proferre, de sanctissimis dogmatibus licenter & arroganter sibi magisterium usurpare, & in quam velit, dogmata quævis trahere partem: omnia ad suam limam revocare, in quæstionem, in dubium, atque etiam ridiculum vertere: omnia libere carpere, omnes maledico ore proscindere, summos etiam hierarchas, atque Christi in terris vicarios contumeliis laceffere, ac dicam eis scribere. Quæ his suprema potestas censenda est religiosa, quodnam sacramentum aut res sacra, qui non abhorrent, ecclesiæ bellum indicere, eiusque sibi arrogare auctoritatem, & palam contemptui habere & exponere? Qua temeritate non solum, qui perverse sentiunt, in errore firmanentur, sed etiam minus firmi, pusilli & qui sunt modicæ

SECVLVM  
XVIII.

fidei, in errorem abducuntur: dumque non cohibetur perversitas, nec coercentur ora & calami religionem laceffentium, auctoramentum error consequitur, multo magis reipublicæ ipsi perniciosus atque damnabilis (utpote in primario erga Deum ipsum officio, puta religionis) quam quævis alia perversitas in aliis quibusvis officiis in statu etiam politico, quem nihil ita concutit, ac susque deque vertit, quam diversitas religionis, quæ est, atque semper habita fuit maximum tulerunt, unicumque præsidium tranquillitatis securitatisque publicæ.

Non opus est, aliunde proferre argumenta aut exempla, quæ nobis præstat tam funesta Germania nostra, cuius periculis sapiens vicina Gallia iam superiore seculo edictum Nanetense, ab Henrico IV. rege datum, antiquavit iure & auctoritate, quam infallibilis fidei regula apud catholicos inviolabilem præstat; dum principia solum Protestantica privato cuique libertatem relinquunt eligendi, quod libet in religione; at nihilominus principes protestantes ius reformandi, quod sibi non nisi armis contra avitam ecclesiæ catholicæ possessionem acquisierunt, ceu palladium conservant, ac plerique omnes nihil minus, quam tolerantes sunt tum principes, cum etiam doctores illi quam plurimi, qui hodie ubique tolerantiam deprædicant omnium potius a religione aberrationum, quam veritatis catholicæ: quæ sola infallibilitate iudicis controversiarum licentiam errorum excludit. Estque iam felix Nigra Silva nostra in ditionibus principum catholicorum nulla commixtione earum etiam sectarum, quæ aliquando tolerantiam sibi vi & armis compararunt passim alibi in imperio Germanico, dum Nigræ Silvæ pars potior sibi in sinum plaudit, læta hætenus integritate fidei in communione ecclesiæ Romano-catholicæ, eos suos animo lugens gentiles, qui beata hac exciderunt sorte, circumferunturque omni vento doctrinæ, nulla firma fixaque fidei regula, nullo certo assertoque iudice controversiarum, quem sola statuit infallibilem, & (qui omnem omnino excludat circa fidem dubietatem) sola præstat una sancta catholica & Romano-apostolica ecclesia.

Molimina ad  
subvertenda  
fidei dogmata.

a) T. III. p.  
744.  
b) Ib. p. 457.  
&c.

XXIX. Ad instructionem novam pro disciplinis theologicis in Austriacis terris hæreditariis, ubi mentio iniicitur desiderii protestantium pro arbitro quodam in gravissimis dissidiis domesticis, votum etiam suum in hac re exponit editor in actis historico-ecclesi. nostri temporis Vindob. a); ediditque ibidem Io. R. Piderit S. Scripturæ professoris in collegio Casseliano remonstrationem b), eam ob rem ad corpus evangel. factam: ubi ad catholicos doctores, minatos apud Imperii tribunal querelas ob violatas pacis publicæ conditiones, nominatim vero ad no-

...vam



vam bibliothecam ecclesiasticam provocat Friburgensem, in qua singillatim Io. Sal. Semler theologiæ in academia Halensi apud Magdeburgicos professor petitur pluribus præsertim ad ipsum Semlerum epistolis P. Engelberti Klupfelii theol. dogmat. in academia Friburg. professoris eximii, præcipuque memoratæ Bibl. auctoris. Additur in actis Vinariensibus recensio apologiæ Semlerianæ contra accusationem Pideriticam; sed in ea apologia desideratur præcisa præcipuorum capitum religionis christianæ professio. Neque hætenus ambiguitatem sustulit Semlerus de sinceritate sua in refutandis fragmentis Lessinganis, & Bahrtio, suspectum & subleste fidei in ipsa sua defensione contra Basedovium sese haud obscure demonstrans; ut præteream, quæ ipse Semlero Bahrtius in calendario inscripto *Kirchen & Kezer Almanach* ad an. 1781. ob tolerantiam, qua ipse quam maxime indigeat, obiicit.

De Carolo Frid. Bahrt ut aliquid singillatius dicam, anam præbet eius confessio fidei, quam Socinianam plane ausus est ad ipsum cæsarem dare, postquam eius vernacula versio S. Scripturæ N. T. ab hierarchis Nigræ Silvæ nostræ speciatim proscripta fuit an. 1777. & sequenti anno ab ipso imperatore, causa ad iudicium Imperiale aulicum delata, a quo res trutinanda commissa est facultatibus theologicis catholicæ Wirceburgensi, & protestanticæ Göttingensi, prostantque tum alibi cum etiam in actis Vinariensibus a) typis excusa consulta utriusque facultatis unacum professione fidei, ex qua vel sola palam fit, Wirceburgense etiam consultius, quod gravius quidem est Göttingensi, mitius tamen, quam meruerit Bahrtius, de eius fide censuisse. Non veretur cæsaream implorare Bahrtius auctoritatem contra fecem, ut appellat, systematicæ religionis, quod ad decantatam illam etiam Semlero inter religionem & theologiam distinctionem pertinet. Palam vero profitetur Bahrtius millenos esse & millenos, qui secum sentiant: ex quibus in suo iam memorato *Almanach* præ cæteris extollit Gotth. Samuelem Steinbart; alios in sua illa ampla recensione novorum theologorum, magnam vero partem theologastorum ordine alphabetico laudat, aut incessit ex suo irreligioso sensu, ad calcem animadvertens, in theologis sui ordinis raritatem nominis Iesu, præsertim in concionibus. Neque vero ipse Bahrtius a blasphemia ea temeritate se alienum esse, haud obscure declarat, qua eo hodie rationem humanam sua perspicacia sibi pertigisse, in animum delirantes inducunt, ut revelatione seu evangelio Iesu Christi opus adeo haud amplius sit. In confessione fidei autem agere se ex libertate, quæ protestantibus omnibus, qui nullum agnoscunt iudicem controversiarum, integra est, profite-

a) Tom. V.  
p. 1021.

SECULUM  
XVIII.

profitetur, articulosque fidei eos etiam, qui hactenus communes fuerunt dissidentibus apud nos partibus, abiicit, se nec Augustanæ confessioni, nec symbolo Nicæno adstrictum contestatus.

Nec dubitat Wielandus, qui inter alios eam professionem fidei aggressus est, bona fide agere Bahrtium, atque omnino de confessionis suæ persuasionem certum & convictum esse. Sed quo iam se vertat sagacissimus Wielandus iuxta principia protestantica, quæ cuique religionis ac fidei arbitrium relinquunt? Quomodo Bahrtio occurrendum existimat, qui cuique liberum facit, quascunque præscriptas fidei formulas, symbola & doctrinæ systemata abiicere? Dicit Wielandus, Bahrtium munere doctoris, quo fungitur, obstrictum esse ad docendam eam religionem, quæ obtinet, iuxta protestanticum brocardicon nempe, eius esse religionem, cuius est regio. Atqui vero sic animo hypocritico aliud quidvis quivis potest credere ac mente tenere, quam quod ore prædicat. Persuadet sibi equidem Wielandus, Bahrtium ratione sua sibi met oppido imposuisse, ac decipi, quod sibi persuadeat, alios omnes doctores christianitatis, qui per septendecim secula contraria dogmata ceu sacrae Scripturae consentanea crediderunt, in horribilibus tenebris palpasse. At vero Bahrtius (cui tantopere irascitur Wielandus, quod in confessionem Augustanam culpam omnem irreligionis prævalescentis reiiciat) regerit, ad eandem auctoritatem externam pertinere, adversam libertati conscientia, velle quæcumque, quam antiqua etiam & inveterata sint, aliorum quorumcunque doctorum iudicia & sententias obtrudere ei, qui ipse sit iudex, ipse arbiter suæ fidei & religionis iuxta apostolum: *Omnia probate, quod bonum est, tenete*, quibus quidem verbis recte existimat Wielandus, sensum adeo amplum subesse non posse, qui in tam avia & devia deducat; at secus videtur Bahrtio, tueturque se suo sibi, ut cuicumque alii, in religione competente arbitrio per principia protestantica, palladium nempe illud libertatis conscientia a).

Licet

- a) Juvat, rem ipsis Wielandi verbis exprimere, in opusculo: *Fortsetzung der Gedanken eines Layen*. p. 40. ita adversus Bahrtium scribentis: Er meint, nach den Grundsätzen des Protestantismus wäre er in Absicht seines Glaubens an keines Menschen Ansehen gebunden, und habe das Recht alles zu prüfen, und nur das zu behalten, wovon er sich aus Gottes Wort überzeugt fühle. Ja als ein protestantischer Lehrer hätte er noch ein ferneres Recht: denn als ein solcher sey er Theil der repräsentierenden Kirche, und sey daher nicht nur verpflichtet, die Lehrsätze seiner Kirche zu prüfen, sondern auch das Resultat seiner Prüfung seinen Brüdern vorzulegen. Hat der H. D. da er dies so hinschrieb, auch wohl recht bedacht, wie viel er damit sage? Die Rede ist hier nicht von Vorstellungsarten einer Lehre, nicht von bloßen Arten, sich auszudrücken, nicht von Punkten, die zu dem Geheimnisse der Gottseligkeit nicht wesentlich gehören, Die Rede ist von wesentlichen Glaubenslehren der christlichen

Licet hic iterum provocare ad I. R. Pideriti remonstrationem ad corpus evangelicorum de licentia, quam sibi passim sumant confessioni Augustanæ addicti. Ubi ingenue fatetur, nihil adeo sibi contrariari, quam esse catholicum & libertinum (Freygeist) ob auctoritatem ecclesiæ; secus ac apud illos, quibus symbola & confessiones fidei sint iugum non ferendum, neminique invito imponendum; quod dum tenent protestantes, non tamen aliam rationem aut viam ipsi habent, qua ad orbitam revocare possint aberrantes. Cuius rei non unum tantum habe-

und der evangelischen Kirche insonderheit. Diese sind einmal festgesetzt. Es ist jedem, der sich zu ihnen nicht bekennen will, erlaubt, sich der Gemeinschaft mit der Kirche und denen damit verbundenen Vortheilen zu entschlagen. Aber wer sich zur Kirche bekennt, unterwirft sich auch eo ipso ihren Gesetzen, und hält sich an das, was ihre öffentliche Confession ist. Erstreckte sich das Prüfungsrecht so weit, als es der Herr D. ausdehnt, so hätte ieder naseweise Klugling ein Recht die Schrift auszu-legen, wie er wollte: so bekämen wir zuletzt so viel Religionen als Köpfe: kein Lehrer wurde mehr Gehör finden, weil es seine Zuhörer immer wurden besser wissen wollen; am Ende wurde die Kirche nicht mehr eine Gemeinde, sondern ein anarchisches Chaos, nicht mehr ein Leib, sondern ein aufgelöster Leichnam, ein Raub der Würmer und der Verwesung seyn, und die Religion selbst wurde darüber zu Grunde gehen. Das Vorurtheil des Ansehens hat seine Mißbräuche und Inconvenienzen, wie alle menschliche Dinge; aber es ist unentbehrlich. Ohne Autorität kan kein Hauswesen, kein Staat, keine Religions-Gesellschaft bestehen. Die Menschen von diesem Bande frey machen wollen, (ich rede hier nicht von den außerordentlichen, die äußerst selten sind, und ihre eigne Regel haben) heist, das Band aller menschlichen Ordnung und Ruhe auflösen wollen &c.

Confessionem hanc Protestantium recte expendit auctor *der freymüthigen Betrachtungen über das Christenthum*, p. 350. Sobald man nur etwas die Vorurtheile der Erziehung, die Parthey und Menschenfurcht bey Seiten setzt, so sieht man leicht, daß auf solche Weise, statt der alten menschlichen Autorität der Concilien, ihrer Schlüsse, und der Kirchenväter, eine neue Menschenautorität eingeführt wird, die mit einem nicht geringern Despotismus über den Verstand, die Einsichten, und das Gewissen der Menschen herrscht, als die katholische Kirche, über welche man so bittere Klagen geführt, nur immer hat ausüben können. Was bey dieser die Concilien, das sind bey den Protestanten die zu *Marburg*, *Torgau*, und anderweitig vom J. 1529. an gehaltenen Religionsversammlungen; was bey den Katholicken die Symbolen und Concilienschlüsse über allerley Lehrsätze sind, das sind bey den Protestanten die *symbolischen Bücher*: was bey den Katholicken gesagt wird, daß man die heil. Schrift so auslegen, und keine andere Sätze aus derselben herleiten müsse, als es den heil. Vätern der Kirche, den Concilien, und den aus derselben gemachten Symbolen gemäs ist, ist nichts anders, als wenn die Protestanten sagen, daß man bey der Schriftauslegung darauf sehen müsse, daß man sie nicht anders erkläre als es den Lehrsätzen untrer symbolischen Bücher gemäs ist, oder keine Sätze aus der Bibel herleite, die den in den symbolischen Büchern enthaltenen Meynungen entgegen sind. Und es ist zwischen der katholischen und protestantischen Autorität kein anderer Unterschied, als daß jene älter, diese moderner ist, jene solche, diese andere Lehrmeynungen bestimmt; und das behaupten, die heil. Schrift sey der einzige Erkenntnißgrund, ist bloßer Vorwand; indem auch der Katholik auf solche Weise die Schrift nicht verwirft, und seine von der Kirche festgesetzten Lehrsätze als solche ansieht, die in Gottes Wort gegründet sind.

SECVLUM  
XVIII.

tur exemplum in illis ipsis Vinariensibus actis *historico - eccles. nostri temporis* : & quidem primo mox tomo ex vicina Nigræ Silvæ nostræ Helvetiæ ; legiturque epistola consistorii Bernensis ad pastores & professores Turicenses a) ob versionem sacrae scripturae novam, adiecto indice, *in quo errores, libris symbolicis, quos ecclesia nostra concorditer tenent, ac propugnant, plane adversos deprehendisse nobis visi sumus &c.* Turicenses econtra confessi, indicem illum non privatum, sed publica censorum auctoritate probatum opus esse, volunt, *nihil in eo reperiri, quod æquos lectores offendere possit, nihil, quod cum nativa Evangelii doctrina & libris nostris symbolicis pugnet, nihil denique, quod Socinianorum aut Pelagianorum placitis atque figmentis patrocinetur &c.* Sequitur extractus litterarum antistitum Basileensium in eadem causa, iteratæque Bernensium & alia ad eandem rem eodem tomo ; tum vero tomo V. extractus ex thesibus Turicensibus an. 1777. habita disputatione per I. C. Meyer, in quibus librorum symbolicorum auctoritas deprimitur.

b) p. 222.

Propius etiam nos attinet, quæ eodem in tomo V. b) legitur, relatio de statu theologiæ in ducatu Wirtembergiæ, qui in nostram Nigram Silvam excurrit, ubi quidem se expurgant ab huiusmodi accusationibus Socianismi, Pelagianismi & Libertinismi, quasi vero inter 20000. hominum vix unus sit, qui doctrinae suæ ecclesiæ apud protestantes addictus sit ; opus nihilominus fuit ac consultum serenissimo duci an. 1780. singulari edicto contra hæc eadem cavere & prospicere, ne a librorum symbolicorum abscedatur doctrina, perinde ac in Saxonia, ut in iisdem c) Actis legitur, ob late serpentem Socinianismum & Pelagianismum.

d) T. III. p. 994.

Omneque  
religionis  
sensum abli-  
ciendum.

XXX. Principes hi, elector Saxoniæ & dux Wirtembergiæ, catholicam religionem professi, dum eiusmodi edicta edunt, consequenter id faciunt ad doctrinam catholicam de iudicio ecclesiæ infallibili. Neutiquam vero cum iudice hoc controversiarum constare potest, quod anno primum 1780. Ratisbonæ vulgavit arbitrium anonymus circa motus religionis apud protestantes : ubi quidem non horret (p. 4.) dicere auctor, ab eo tempore quo Honthemius sub nomine Febronii auctoritatem Romanæ sedis adeo depresso, plerosque ex principibus catholicis insistere quidem hypothese Honthemianæ, in eaque magis magisque progredi, cæteroquin avitæ religioni catholicæ addictos, alios autem id agere exterius quidem, christianamque religionem pro vera & optima agnoscere ; sed præter fidem in Iesum, reliqua habere commenta cleri & status ecclesiastici : quo ipso vero fundamentum catholicæ fidei, quod nititur infallibili ecclesiæ iudicio & auctoritate in rebus, quæ ad religionem pertinent, in suam



suam perniciem subruunt; non vero in ipsius ecclesiæ catholicæ detrimentum, quæ super hanc petram firma semper & inconcussa stabit, habens firmamentum in se, quo carent omnes illi, qui cuique arbitrium faciunt, & a constituta infallibiliter fidei forma recedunt, etiam si ex ipsa ecclesia catholica procedant, veluti M. Franc. Arouet de Voltaire, irreligiosorum nostri ævi antesignanus & irreligionis stator, natus Parisiis ad finem seculi præteriti, & denatus an. 1778. ibidem in summa desperatione, quæ sola libertinos sequaces salutari horrore concutere debeat atque averruncare cum aliis funestis irreligionis practicis ipsam humanam societatem evertentibus effectibus, pyrrhonismum, hodie magis semper magisque ingruentem, nequaquam vero sibi constantem cum intolerabili iactantia seculi nostri, quo sibi tam suffeni sunt homines, ac nunc demum sapere plenis buccis crepant ac vociferantur, ævi sui felicitatem extollentes, *das aufgeklärte Jahrhundert*. Quam in rem memorabile est regii Borussici regiminis decretum ex quo excerpta damus a).

Voltaireum antesignanum post annum secutus est ad alteram vitam, districto iudici rationem redditurus æmulus I. I. Rousseau; qui tamen id obsequium veritati præstitit, quod impossibilitatem examinis proprii, quod quisque in negotio religionis faciat, magna eloquentia & energia sermonis demonstravit: ob oculos ponens, quanta discussione & eruditione immensa opus foret cuique etiam plebeio & rustico, cui consequendæ nec ingenium nec ætas humana sufficeret in comparando apparatu linguarum e. c. orientalium, historia exacta & latissime patente religionum a prima origine mundi & deinceps apud Iudæos: ubi omnia ad examen revocanda, quæ unquam Iudæi contra Christum & christianos protulerunt in medium, quæve obicere possint, & cur tanta se constantia opponant. Turcas etiam afferre rationes pro sua religione, ad quas recte examinandas in Asiam concedendum foret, atque ad examen recte in omnibus instituendum sua omnia, patriam, officia, labores & occupationes omnes esse relinquendas &c. *L'artisan*, inquit, *qui ne vit que de son travail, le laboureur qui ne sait pas lire, la ieune fille delicate & timide, l'infirme qui peut a peine sortir de son lit, tous sans exception, doivent*

- a) Die unbedachtsame Aufklärungssucht ietziger Zeiten artet in eine freche Ausgelassenheit aus, tritt alles, was heilig und ehrwürdig ist, mit Füßen; macht dem Volk alles verächtlich, verwirret seine Begriffe, und stößet ihm Aufruhr, Ungehorsam, Zügellosigkeit, und Widersezungsgrundsätze ein, ohne es zu unterrichten und zu bessern. Die Ausgelassenheit der Journalisten, Zeitungschreiber, Sammler, verursacht Unannehmlichkeiten mit andern Höfen, und es ist die höchste Zeit und Nothwendigkeit vorhanden, ihr einen Zügel anzulegen &c. *Berlin*, den 13. Decemb. 1784. Gr v. Finckenstein. v. Herzberg.

SECVLUM  
XVIII.

doivent etudier, mediter, disputer, voyager, parcourir le monde : il n'y aura plus de peuple fixe & stable, la terre entiere ne sera couverte que de pelerins allant à grands frais & avec de longues fatigues, verifier, comparer, examiner par eux-mêmes, les cultes divers qu'on y suit. Alors à dieu les metiers, les arts, les sciences humaines & toutes les occupations civiles, il ne peut plus y avoir d'autre étude que de celle de religion. A grand-peine celui qui aura joui de la santé la plus robuste, le mieux employé son tems, le mieux usé de sa raison, veçu le plus d'années, saura-t-il dans sa vieillesse à quoi s'en tenir, & ce sera beaucoup s'il apprend avant sa mort dans quel culte il auroit du vivre. At timeo, ne vel eo, vita quam longissima, homo præstantissimi ingenii & pertinacissimæ diligentia pertingat, mente confusus in tanta rerum copia, varietate religionum, atque diversitate controversiarum hodie cumprimis, ubi vix vita etiam longæva sufficeret in iis tantum discutiendis, quæ vel religionis hostes ad abiiciendum omnem illius sensum scripserunt, & quotidie novis insultibus aggrediuntur religionem.

Id genus sunt, quæ nuperrime in Germania protulit ex bibliotheca Guelpherbytana Gotthold Ephraim Lessingius fragmenta cum suis additionibus, quorum primo statim, quod extat in tertio additamento, de *tolerantia Deistarum*, id unum agit, argumentis, in hac materia passim obviis, ut ei veritati sua constet firmitas, quam dudum Fenelonius asseruit singulari libro inscripto: *Ou Deiste ou Catholique*. In additamento quarto diversi argumenti sunt fragmenta composita ad utriusque testamenti, omnisque revelationis fidem evertendam, quibus quidem Lessingius nonnunquam responsiones qualdam opponit, excepto postremo & præcipuo de resurrectione Christi, quod intactum relinquit, quasi, quod responderet dubiis, non haberet; cum tamen se ipsum confodiat, quisquis est impiissimus auctor fragmentorum, in eo fragmento, quod omnium deterrimum est, atque seiunctum a cæteris peculiari volumine edidit Lessingius inscriptum *de scopo Iesu & suorum discipulorum*. Qui si (quod blasphemus deterior Iudæo auctor effudit) desiderio propriæ gloriæ, exemplo magistri stimulati fuerunt, ane frustrati spe promissæ a Christo resurrectionis, ipsi se tantis laboribus, tantis periculis, dedissent? & destituti omni ope humana, contranitante imo omni genere humano, opus, quod cœperunt auctore magistro, prosequi aut voluissent aut potuissent omnium miserrimi hominum in hac vita, sine spe resurrectionis etiam in altera post Christum a)? Si in hac vita tantum in Christo sperantes sumus, miserabiliores sumus omnibus

a) 1. Cor.  
XV. 19.

nibus hominibus. Nunc autem Christus resurrexit a mortuis primitiæ SECULUM XVIII.  
dormientium.

XXXI. Potuit sane SS. P. N. Pio VI. P. M. in encyclicis ad hierarchas universæ ecclesiæ catholicæ datis an. 1776. videri, *novissimis his diebus instare tempora illa periculosa, de quibus præmuniavit apostolus Paulus*: quando nempe erunt homines seipso amantēs, elati, superbi, blasphemi &c. Equidem non est nostrum nosse tempora vel momenta, quæ Pater posuit in sua potestate, ut Christus respondit apostolis interrogantibus: *quando hæc erunt &c.* Sed hoc ipsum ideo factum, ut essent incerta & abscondita momenta hæc, quo semper paratos atque de periculis novissimorum temporum sollicitos ac cautos nos præstemus & vigilemus: Quia, inquit, *qua hora non putatis, filius hominis venturus est.* Quod perinde valet ad diem iudicii extremi & cuique vitæ ultimum mortis articulum. Ea etiam de causa promiscue locutus fuit apud tres Evangelistas Matthæum, Marcum, & Lucam de excidio urbis Hierosolymitanæ propediem tunc instante, & de excidio orbis universi, cum Dominus ad iudicandum venerit. Sic quoque prophetice in Apocalypsi S. Ioannis, in qua fata ecclesiæ usque ad consummationem sæculi continentur, involvitur regnum illud a) item mille annorum Christi cum sanctis, sacerdotumque cum christo in terris, quod SS. Patres perplexos adeo habuit, & etiamnum sunt, qui illud, quis scit, quando, adhuc futurum fore existiment, ac hos inter ipse B. Bossuet, etsi hoc regnum b) in SS. Martyrum cultu & potestate in terris agnoscat. Tutius certe & scopo Christi congruentius videatur, hinc etiam argumentum sumere ad vigilantiam nostram excitandam, convenienter ad verba Christi in Apocalypsi: *Ecce venio velociter*, & his consimilia. Eo autem attentiores nos esse oportet, quum tantopere accisum illud regnum sanctorum, sacerdotumque in terris per varias, Germaniæ præsertim, regiones hodie cernamus, quod passim a sanctis Patribus deprædicatum legimus: qui ipsi etiam cum aliis in sanctorum numerum relati sua sanctitate meruerunt participes fieri gloriæ & virtutis sanctorum in ecclesia catholica, quorum nominibus, ut S. Gregorii Nazianzeni verbis utar c), *præclari honores, festaque constituta sunt: a quibus demones propelluntur, morbi curantur: quorum sunt apparitiones, quorum prædictiones: quorum corpora idem possunt ac beatæ animæ: quorum vel sola sanguinis gutta, atque exigua quamvis passionis signa, idem possunt, quod corpora.* Hæc ille de SS. Martyribus primorum ecclesiæ pressæ seculorum sub persecutionibus gentilium; quæ tropæa S. Ioannes in Apocalypsi prosequitur. Unde

Periculo potestremorum temporum.

a) Apoc. XX. 4. 6.

b) De excidio Babylonis T. III. p. 790.

c) Orat. III. p. 777.

SECVLUM  
XVIII.

etiam regnum hoc martyrum tantummodo esse a multis creditum est. Nec aliosquidem post B. M. V. in antiquissimo canone sacrificii Missæ, quo hodieque ecclesia Romano-catholica utitur, sacerdotes nominant *Communicantes & memoriam venerantes* &c. quæ est communio illa sanctorum triumphantis cum militante ecclesia, ad quam utique etiam alii sancti pertinent, qui præter martyres leguntur in antiquioribus codd. liturgiæ Romanæ, perinde ac etiam Ambrosianæ, Gallicanæ, Mozarabicæ, ut in veterem liturg. Alleman. notavi. Eorundem præterea sanctorum non martyrum memoriam celebrat ecclesia in liturgiæ diversis partibus, de quibus adeoque omnibus quod S. Ioannes Apoc. XX. dicit, accipiendum est: *Sed erunt sacerdotes Dei, & agni, & regnabunt cum eo mille annis, communicantes nimirum cum sacerdotibus militantis ecclesiæ, & ad regnum Christi spectantes, qui in terris amici Dei honorantur in suis sacris Reliquiis.* De animabus enim intersectorum, ut Estius ad v. 4. huius capitis annotat, *propter nomen Christi, & reliquorum omnium, qui non acceperunt characterem bestię, dicitur: Et vixerunt, & regnabunt cum eo mille annis.* Regnum hoc Grotius quoque agnoscit in hunc locum, nempe martyres Christi (quæ etiam gratia aliis sanctis conceditur) regnare per dona sanationum, quæ conspiciebantur apud illorum memorias, & per honorem, quem ipsis ecclesiæ palam habuere. Epocham repetit a tempore Constantini: *Ante tempora Constantini, pergit, neque tutum erat ad monumenta martyrum concurrere, & vigente paganismo metui poterat, ne honor martyrum a paganis in superstitionis suæ defensionem raperetur. Quod autem dicitur χίλια ἐτη mille annis eo pertinet, ut sciamus, post mille illos annos a multis imminui cœpisse honorem martyrum, ab iis scilicet, qui pietatis partem in eo posuerunt, si loca, martyrum memoriæ dicata, frangerent, & salvationum veteres historias fabulis accenserent: quas ad res non levis occasio data est ab eis, qui falsa miracula comminifcebantur, quique in martyrum honore non servabant eum modum, quem vetus ecclesiæ servaverat.* Hæc Grotius convenienter admodum ad varias etiam epochas discernendas in hoc regno sanctorum, Christi nomine in ecclesia cultorum: qualem hodieque novam statui posse ex illis ipsis momentis, quæ iam attulit Grotius, palam fit.

Bossueti opinionem de ligato per mille annos satana Apoc. XX. 2. in historiæ huius ingressu sec. XI. notavimus, prætereaque breviter ad oram varias regni millenarii epochas. Quandoquidem mille illi anni non præcise accipiendi sunt stricte, dum S. Augustinus non semel, aliique, etiam Græci Patres, plerique theologi & interpretes per illos indeterminatum tempus usque ad novissima tempora intelligunt. Nihilominus tamen per terminos



terminos quosdam millenarios epochæ quædam statui possunt ac designari suis, ut ita dicam, stigmatiis. Non semel memorat S. Ioannes Apoc. XX. mille annos: ac primo v. 2. ligatus dicitur satanas: dum utique a Christo princeps huius mundi eiectus est foras, missus *in abyssum* . . . *ut non seducat amplius gentes, donec consummentur mille anni, & post hæc oportet eum solvi modico tempore.* Quod, ut ex Bossueto notavimus, factum sec. XI. ævum tamen non ferente potissima malorum parte, quæ tunc ecclesiam occidentalem infestarunt; nec etiam penitus ecclesia orientalis in schismate, quod seculo XI. sub Michaele Cæulario patriarcha Cpolitano maxime exacerbatum fuit, obfirmata: neque ævum tulit inde progressa Manichæorum hæresis occidentem inundans, Romanæ maxime infestæ ecclesiæ, quæ tunc undique concussa, stetit invicta, nunquam excelsior, a principibus etiam, Germanici præsertim imperii arbitra in partes curarum tracta: aucta iam per diversas regiones coloniis, interea dum alibi gentium collabascit fides. Suntque cum primis notandæ variæ illæ, quæ nos hodieque vel maxime terrere possunt ac debent, fidei christianæ, ecclesiæque catholicæ migrationes ab una ad alias gentes, vel orbis terraquei partes, quales migrationes a primis ecclesiæ seculis a nobis præsertim, quibus salutare tunc fuerunt in ecclesia occidentali, observare par est. Dum interim, progrediente primo illo millenario, auspiciis felix fumsit secunda eius epocha, regnumque ecclesiæ Christi, sec. IV. e statu presso eluctatæ sub imperatoribus christianis, quando iam christiana religio dominans magis magisque effloruit, ac maiorem splendorem accepit; auctum illis seculis in ecclesia occidentali, quibus orientalis paullatim variis hæresibus ac schismate, deinceps autem per Mahumedanismum amplius accisa, demum sec. XV. frustrata unione postrema cum ecclesia Romano-catholica in concilio Florentino cum imperio orientali penitus collapsa, impleto millenario suo, defecit.

Dum interea temporis etiam ecclesiæ occidentalis dominatus & auctoritas primum veluti per cuniculos, paullatim apertius, præcentore Wicleffo, lacerari cœpit sec. XIV. in Anglia primum, & sec. XV. per Hussitas in Bohemia vi etiam externa, quæ longe lateque grassata prorupit sec. XVI. coniuncta cum doctrina, systema ecclesiæ apostolicum subvertente; ut vero, quod fidei catholicæ decessit tunc in Europa, alibi gentium compensatum accreverit. Expletur iam, pseudopoliticis in ipso ecclesiæ gremio caput erigentibus, millenarii alia epocha, inchoanda ab instaurato novo occidentali imperio per Francos, sub quo status ecclesiæ maxime effloruit, præsertim in patria nostra Germania, ad quam

SECVLUM  
XVIII.

imperium occidentale devolutum hætenus stetit. Ex his aliisque hætenus, etiam subinde in libris superioribus huius historiæ dictis, epochæ illæ regni Christi in terris seu in ecclesia catholica dignoscuntur, atque resurrectionis primæ, in qua qui habet partem, beatus & sanctus prædicatur in communione sanctorum iuxta symbolum apostolorum, ritumque perennem ecclesiæ catholicæ in canone missæ expressum, alibi-que in cultu & patrocinio sanctorum conspicua illa communione, quam nobis ad rem præsentem explicat S. Ioannes Apoc. XX. *In his secunda mors non habet potestatem: sed erunt sacerdotes Dei & Christi, & regnabunt cum illo mille annis. Et cum consummati fuerint mille anni, postea solvetur satanas de carcere suo.*

Possunt etiam mille illi anni, quibus in communione sanctorum sacerdotes Dei & Christi regnabunt cum illo mille annis, ad mentem S. Augustini & aliorum indeterminate accipi, extendique ad novissima illa protritæ auctoritatis sacre tempora, quibus iuxta S. Gregorium M. *Fides erit in opprobrium & veritas in crimen.* Suntque, qui verba illa Ioannis Apoc. XX. 7. de soluto satana: *Et exhibit & seducet gentes, quæ sunt super quatuor angulos terræ:* ita accipiant, ut postremis temporibus ad Iudæos transferendum regnum Christi ita putent, ut etiam sedem apostolicam Hierosolymam transferendam existiment, quando ea Romæ aut tutum aut integrum non amplius habitura sit locum. Communiter vero Iudæi in fine temporum convertendi tandem existimantur ab Enoch & Elia; de quo Christus Matth. XVII. 11. *Elias quidem venturus est, & restituet omnia.* Iuxta apostolum (Rom. XI. 26.) constanter creditum fuit, Iudæos ultimis temporibus Christo nomen daturus. *Per hunc*, ut S. Augustinus testatur, *Eliam magnum admirabilemque prophetam exposita sibi lege ultimo tempore ante iudicium, Iudæos in Christum verum, id est, in Christum nostrum esse credituros, celeberrimum est in sermonibus cordibusque fidelium.* Estius ad Rom. XI. locumque D. Pauli, quo dicit, omnem Israel saluum fore, notat, de generali gentis Iudaicæ conversione nobis adhuc exspectanda, esse concordem Patrum omnium Græcorum & Latinorum expositionem: neque esse ullos, qui aliter interpretentur, præter paucos sectarios. Quid vero tunc de ecclesia, ex gentilibus congregata, futurum sit, iam ex præsentis rerum statu, semper in peius ruente, ad salutarem timorem coniicere possumus, & præmedi-

a) Leg. P. tari, atque ex collabente christianismo a) novum gentilismum ominari. *Propter incredulitatem fracti sunt*, ait de Iudæis apostolus b), *tu autem fide stas: noli altum sapere, sed time. Si enim Deus naturalibus ramis*

Weissenbach  
Verboten des  
neuen Heiden-  
thums &c.

b) Rom. XI.  
21. &c.

11011

non pepercit; ne forte nec tibi parcat. Vide ergo bonitatem & severitatem Dei: in eos quidem, qui ceciderunt, severitatem; in te autem bonitatem Dei, si manseris in bonitate, alioquin & tu excideris. Sed & illi si non permanserint in incredulitate, inferentur: potens enim est Deus iterum inferere illos. Nam si tu ex naturali excisus oleastro, & contra naturam insertus es in bonam olivam: quanto magis ii, qui secundum naturam, inferentur suæ olivæ? Nolo enim vos ignorare fratres mysterium hoc (ut non sitis vobis ipsis sapientes) quia cecitas ex parte contigit in Israel, donec plenitudo gentium intraret, & sic omnis Israel salvus fieret. Apostasiam futuram idem prædixit II. Thes. II. 3. & pericula postremorum temporum I. Tim. IV. & II. Tim. III. Et S. Petrus Epist. II c. III. 3. Quod venient in novissimis diebus in deceptione illusores, iuxta proprias concupiscentias ambulantes, dicentes: ubi est promissio, aut adventus eius?

Paullo post, velati responsionem daturus interrogantibus de secundo adventu Christi, unum vero, ait, hoc non lateat vos, charissimi, quia unus dies apud Dominum sicut mille anni, & mille anni sicut dies unus. Pervagata fuit etiam apud Hebræos, apud nos vero a primordiis ecclesiæ sententia, sexies mille annis duraturum hunc orbem, ut videre est in notis Fr. Fevardentii ad S. Irenæum, qui S. Martyr post S. Iustinum M. explicat hanc sententiam a); Quotquot enim, inquit, diebus hic factus est<sup>a) Lib. V. c. 28.</sup> mundus, tot & millenis annis consummatur. Photius in sua bibliotheca (cod. 202.) hanc opinionem S. Hippolyto vitio dat. Cum, inquit, ne discipulis quidem rogantibus manifestaverit Salvator, ab Hippolyto deinde ad quingentos a Christo annos adduci, & circumscribi, quasi a prima mundi constitutione sex millibus annorum tum exactis eius dissolutio instaret. Parum abludit ab hac computatione annorum mundi iuxta LXX. Intt. in explicatione eiusdem sententiæ in divinis institutionibus Lactantius b), quem alibi memoravimus, sua ætate adhuc ducentos annos re-<sup>b) Lib. VII. c. 14.</sup> fiduos agnovisse. S. Augustinus hanc opinionem quorundam aliorumque, qui mundum demum octavo millenario interitum volebant, in Psalm. 6. & 89. S. Ambrosius c) vero in Lucam explodunt adducto etiam S. c) T. IV. p. 22. & 954. Petri loco, ut quoniam, inquit, scriptum est: unus dies apud Dominum sicut mille anni, & mille anni sicut unus dies, sex annorum millibus, tanquam sex diebus impletis, sequatur vero sabbati septimus in annis mille postremis, ad hoc scilicet sabbatum celebrandum resurgentibus sanctis; regno nempe illo millenario, post quod solvendus sit satanas, venturusque Antichristus, cuius notas in Apocalypsi passim

SECVLUM  
XVIII.

a) p. 100.

Mahometi, ut apud laudatum Fevardentium legere est in not. in S. Irenæum a), adscribunt regnoque Turcico, quod florentissimam Orientalem ecclesiam absorpsit; ac domus quidem Ottomanica caput erexit post initia sec. XIV. mille circiter annis post edictum Constantini imp. quo ecclesiæ pacem reddendo, eius regnum in terra constituit, ut etiam Grotius in cap. XX. 7. Apoc. notavit. Postquam vero sec. XV. idem Turca capta Cpoli, penitus absorpsit Imperium Orientale, deinceps etiam Occidentem investavit; ubi seculo XVI. Ecclesia intestinis hostibus maxime concussa, regnumque eius destrui cœptum fuit incentore Luthero in Germania nostra, in qua ante mille fere annos seculo VI. lux evangelii elucescens, deinceps magis magisque etiam per Nigram Silvam nostram O. S. B. coloniam propagata est, donec seculo VIII. integrum nobis diem attulerit, plenumque solem Christum per S. Bonifacium & socios sub auspiciis Carolingicis, qui regno Christi maximum compararunt splendorem, paullatim obtenebrescentem acciso regno, de quo Ioannes Apoc. XX. beatum & sanctum prædicat, *qui habet partem in resurrectione prima: in his secunda mors non habet potestatem; sed erunt sacerdotes Dei & Christi, & regnabunt cum illo mille annis; & cum consummati fuerint mille anni, solvetur satanas de carcere suo, & seducet gentes &c.*

Neutiquam aberrarunt priorum ecclesiæ seculorum SS. Patres, dum præ oculis habentes tempora illa antichristica persecutionum, ecclesiæque pressæ, imminentem Imperii Romani ruinam sunt ominati, ceu occasum ac præludium quoddam universalis consummationis seculi post regnum millenarium ecclesiæ Christi in terris, gentilismo exterminato funditus, & exciso, veluti ruderibus Imperii, ac monarchiæ Romanæ superstruendum iuxta propheticam Danielis II. interpretationem somnii regis Nabuchodonosor de quatuor regnis sibi mutuo successuris, *donec abscessus est lapis de monte sine manibus & percussit statuam in pedibus eius ferreis & fictilibus, & comminuit eos.* Est hæc monarchia quarta Romana, cuius fata post Christum S. Ioannes in Apocalypsi describit usque ad caput vigesimum, huius autem initio regnum ecclesiæ Christi, iuxta Danielem nempe: *Lapis qui percusserat statuam, factus est mons magnus & implevit universam terram.* Deinceps S. Ioannes in Apocalypsi capite vigesimo a versu octavo & sequentibus statum ecclesiæ usque ad consummationem seculi adumbrat, ac *abominationem desolationis, quæ dicta est a Daniele propheta* iuxta effatum Christi Matth. XXIV. ubi excidium Templi urbisque Hierosolymitanæ prædicit cum consummatione seculi per



per ignem, cuius excidium illud Hierolymitanum veluti præludium quoddam est, perinde ac ruina regni illius, quod de monte abscissus lapis comminuit. Imperium Romanum nempe sic paullatim, quomodo regnum Christi per orbem excrevit, dilapsum in quibusdam reliquiis per Italiam ac penitus seculo octavo diminutum, instaurato novo per reges Francicos. Animadvertere autem licet, quod sicut sensim sensimque regnum Christi sacrum acciso profano Romano excrevit, ita pedetentim iterum decrescere cœperit posterioribus illis seculis, quibus maxima videbatur esse de religione contentio turbulenta admodum & truculenta per armorum strepitum, post mille, ut est ab Hugone Grotio in Apoc. a) notatum, a Constantino M. annos, quando religio per arma propagari cœpit, ut idem observat Grotius. *Audituri enim estis, ut nos præmonuit Christus, pralia, & opiniones praliorum. Videte ne turbemini, oportet hac fieri, sed nondum statim finis.* Ut hæc signa præcedere debebant excidium Hierosolymæ, ita etiam consummationem seculi, de qua nos perinde ac de mortis articulo incertos ac suspensos esse voluit & de periculis postremorum temporum sollicitos divina nemesis.

a) T. VIII.  
Crit. sacr.  
p. 541. 587.

Verum tamen inconcussa semper stabit Christi ecclesia: dum nunquam deerunt, qui fideles instruant, quemadmodum Paulus ad Timotheum b): *ut, ait, scias, quomodo oporteat te in domo Dei conversari, quæ est ecclesia Dei vivi, columna & firmamentum veritatis.* Mox vero eundem, & iterum II. Tim. III. 1. Petrus etiam ep. 2. III. 3. &c. & Iudas 18. de periculis novissimorum temporum commonent, ipseque Christus Math. XXIV. 21. futuram tunc tribulationem tam magnam prædicit, *qualis non fuit ab initio, neque fiet; & nisi breviati fuissent dies illi, non fieret salva omnis caro; sed propter electos breviabuntur dies illi.* Salva tamen semper (sub successoribus eorum, quibus dixit Christus: *Ecce ego vobiscum sum usque ad consummationem seculi*) erit, ut diximus, ecclesia, supra petram fundata, & porta inferi, soluto licet in fine temporum e carcere suo satana, non prævalebunt adversus eam.

b) 1. Tim.  
IV. 15.

XXXIII. Ad finem vergente sec. XVII. sermone Belgico edidit Bal-Damonurgia. thasar Bekkerus librum, *de betroouerde Weereld, mundus fasciatus*, inscriptum: in quo diabolus lapsus statim in locum suppliciorum detrusus asserit, ibique perpetuis vinculis ita vinctum fuisse, ut ex isto haud exire, nec inter homines versari, ac negotium suscipere queat. Contra hanc sententiam, S. scripturæ utriusque testamenti adversari, agmina statim scriptorum prodierunt. Fuerunt tamen ac sunt etiamnum, qui diabolus statim a Christo ligatus tenent, ex Protestantibus utique: nam Catholicus

SECVLUM  
XVIII.

Catholicus quisque, qui agnoscit ordinem exorcistarum a primis ecclesiæ seculis constanter conservatum, nec ea omnia leviter exhibilat, quæ a probatissimis scriptoribus continua seculorum serie sunt memoriæ prodita, non sinet sibi extorqueri firmissimum hoc ac manifestum veræ ecclesiæ catholicæ firmamentum ac singulare donum potestatis in dæmones, in ecclesiā ab apostolis relictum, & ab ea semper exercitum. Neque sese incurios reddere permittent, quos cautos ab insidiis diaboli volunt Christus, eius apostoli, & constans sanctorum Patrum omniumque deinceps doctorum catholicorum sententia, qui diabolum perinde ac corruptionem naturæ nostræ fidelibus etiam, a quibus ante baptismum quidem exorcismis ecclesiæ est expulsus, relictum tamen agnoscunt ad exercitationem argumentumque, *quam magno eius malo, ut cum S. Augustino (lib. XX. de civit. Dei c. 8.) de alligatione & solutione diaboli, loquar, tam bene usus fuerit omnipotens, qui eum nec omnino abstulit a tentatione sanctorum, quamvis ab eorum interioribus hominibus, ubi in Deum creditur, foras missum, ut forinsecus eius oppugnatione proficerent, & in eis, qui sunt ex parte ipsius, alligavit, ne quantam posset, effundendo & exercendo malitiam, innumerabiles infirmos, ex quibus ecclesiam multiplicari & impleri oportebat, alios credituros, alios iam credentes a fide pietatis hos deterreret, hos frangeret; & solvet in fine, ut quam fortem adversarium Dei civitas superaverit, cum ingenti gloria sui redemptoris, adiutoris, liberatoris, adspiciat. Generatim hic de insidiis, quas a tentatore diabolo patitur homo, loquitur; S. Ambrosius vero lib. I. de poenitentia c. 14. quod inscribitur: De exhortatione ad castimoniam puritatem atque fomentum luxuriæ refecationem: quod satan quoque auctor sit debilitatis, in cuius potestatem per excommunicationis censuram plerique dantur ad tempus, satanam corporalis huius contritionis & carnalis auctorem debilitatis ex scriptura exemplo S. Pauli ostendit dicentis: Datus est mihi stimulus carnis meæ, angelus satana, qui me colaphizet, ut non extollar. Qua de re non est hic locus, varias interpretum recensere opiniones, etiam de cruciatu corporum locum explicantium; quod quidem in energumenis manifestum est, alias non item, ut iam Disquisit. vet. lit. Alem. n. 43. observavi de muliere, quæ habebat spiritum infirmitatis annis decem & octo, Luc. XIII. 11. eodemque referente Act. X. 38. S. Petrus de Christi miraculis locutus, qui, ait, pertransiit benefaciendo, & sanando omnes oppressos a diabolo. S. Augustinus adducto S. Pauli & Iob exemplo, dolores autem corporum, inquit (enarratione in Psal. CXXX. n. 7.) plerumque immittuntur ab angelo satana.*

Rem

Rem hanc innumeris exemplis comprobata reddidit proximis annis Ios. Gafsner diœcesis Curiensis presbyter & parochus in *Clæsterle*, ad quem etiam ex Nigra Silva nostra hominum multitudo concurret, dum an. 1774. ex sua parochia, ubi primum in seipso, desperata suis in infirmitatibus medicorum cura, atque etiam passim in aliis rei stupendæ experimenta dederat, in Sueviam excurrere, in monasterio Salemitano exenti Cisterci. Ordinis aliquot hebdomadas curandis huiusmodi dæmoniis morbis totum se impendit. Rei novitate percepta, litteras ad Claudium Noll, consiliarium eccl. Em. Cardin. de Rodt, seminarii diœcesis Constant. Regentem dedi, responsumque tuli, maximum nostri ævi exorcismum habendum esse Gafsnerum. Idem tamen Nollus, cum res nimium progredi videretur, præcipuus auctor postea fuisse creditur Eminent. Cardinali de Rodt episcopo Constantiensi contra Gafsnerum, facto certe in episcopis aliis etiam haud improbando, ut novis insolitisque huiuscemodi rebus emergentibus, eas rigidissimo examini curent subiiciendas, ne qua fraus aut ludificatio, quæ si uspiam in hac re facilis est, intercedat. Evocatus Gafsnerus ab episcopo Ratisbonensi Ant. Ig. Iosepho comite de Fugger, aliquamdiu Elwangæ eandem exorcizandi in nomine Iesu vim concursu innumerabilis populi ita comprobavit episcopo, ut idem ei negotium in sede episcopali Ratisbonæ committeret coram facie non solum civium Protestantium, verum etiam legatorum ad comitia Imperii Romano-Germanici, ibi sedem figentium. Fuitque ibi maior adhuc undequaque hominum, opem flagitantium concursus, Protestantium etiam atque Iudaicæ gentis. Resque omnis palam & ordinato coram iuratis testibus medicis etiam est acta. Habui quoque ibi ego amicos exploratores, quorum tamen testimonio non utar nec etiam protocollorum, quibus quæque sunt consignata gesta, quæ nec ab adversariis Protestantibus negari possunt quoad effectus exorcismorum probativorum, quos singulis in casibus præmittere solebat Gafsnerus, præcipiens in nomine Iesu dæmoni, ut languoris effectum in infirmo ostenderet, eo etiam quandoque gradu, ut arteriarum pulsus morientis esse a medicis censeretur. Quod palam facit diarium testis minime suspecti P. Ferdinandi Sterzinger Theatini presbyt. qui dæmonurgæ iuratus hostis Monachio Ratisbonam, rei explorandæ causa, advenerat, dumque effectus, quos viderat, negare non posset, ad secretum quoddam naturale, magiæ forte naturalis aut vis magneticæ retulit causam, sic demum argumento collecto, Deum rem non agere, dæmonem agere non posse, ergo naturalem esse. Cel. medicus Viennensis de Haen, operosius singulari libello rem tractans, tandem quo se vertat, non satis sibi, nec le-

SECVLVM  
XVIII.

gentibus constat, haud postrema causa, cur tandem rescripto cæsareo an. 1775. iniunctum sit episcopo Ratisbonensi, Galsnerum propter quædam, quod dissidendum haud est, inconvenienter gesta, reipublicæque grævia & civibus molesta remove ab urbe conspectuque legatorum Protestantium; quibus tamen, Lutheranis saltem, auctoritas ipsius Lutheri opponi potest, prout eam nunc primum P. Aloysius Merz Augustanus controversista publici iuris fecit ex promptuario exemplorum Andreæ Ponderf Francoforti an. 1595. ed. in hanc sententiam: *De phreneticis sic sentio, omnes, qui usu rationis privantur, a demonibus vexari, non quod damnati sint ideo, sed quod variis modis satan homines tentat alios gravius, alios levius, alios longius. Quod medici multa eiusmodi tribuunt naturalibus causis, & remediis aliquando mitigant, sit, quod ignorant, quanta sit potentia & ius demonum. Christus non dubitavit curvam illam anum in evangelio vincam a demone dicere. Et Petrus Act. X. oppressos a diabolo dicit, quos Christus sanarat: ita etiam multos surdos, claudos malitia satanæ tales esse, Deo tamen permittente: denique pestes, febres, atque alios graves morbos opera demoniorum esse, qui & tempestates, incendia, frugum calamitates operantur. Summa, mali sunt angeli, quid mirum si omnia faciant mala, humano generi noxia, & pericula intentent, quatenus Deus permittit. Exemplum Iob indicat, quid passus sit a satana, quæ medicus omnia naturaliter fieri & curari assereret. Sciendum igitur, phreneticos a satana tentari, saltem temporaliter. An satan non faceret phreneticos, qui corda replet fornicatione, cæde, rapina, & omnibus pravis affectibus? Summa: satana propior nobis est, quam ullus credere possit, cum sanctissimis propinquissimus sit adeo, ut ipsum Paulum colaphizare, & Christum vehere possit, quorsum velit. Propius nos ad institutum nostrum revocant monita S. Macarii Ægyptii ad monachos, quæ hodie in aliorum etiam utilitatem sanitatemque mentis & corporis implere non pauci student, habetque sectatores Galsnerus, pie iam defunctus an. 1779. non solum ex-Iesuitas aut alios religiosos vel sacerdotes, sed viros etiam principes, nec genere modo sed suis quoque meritis in republica litteraria & politica claros, ex quibus non pauci ad studium religionis & pietatis his visis signis sunt reducti. Sed, quod ad nos propius attinet, iam laudatum S. Macarium*

a) T. VII. homilia XLVIII. a) audiamus; *Cognosce ac scrutare teipsum*, inquit, *num aliquando morbi corporei ad medicos terrenos te deducant; perinde ac si Christus, cui credidisti, nequeat te curare. Vide, quo pacto te ipsum decipias, qui putas te credere, qui nondum, ut oportet, vere credis! Si enim aterna & incurabilia immortalis animæ vulnera & vitiosas affectiones*

Bibl Patrum  
ed. novæ Venerabilis  
mss. p. 153.



*affectiones credidisses a Christo curari, crederes quoque, eum posse curare temporaneas corporis affectiones & morbos, atque ad eum solum confugeres, neglecta medicorum industria & cura. Qui enim animam condidit, ipse quoque corpus creavit: & qui illam immortalem sanat, idem quoque corpus a temporaneis affectionibus & morbis curare potest. At vero plenius nos S. Antonius monachorum parens instruit de infestationibus dæmonum, atque contra easdem munit in sermone, quem S. Athanasius eiusdem vitæ integrum inseruit.*

XXXIV. Quis vero sibi in animum induceret, in tanta hodie facultatum animæ ostentatione dicam, an materialitarum colluvie, societates coire magiæ necromantiæque deditas? qui nescio quos antiquissimorum Gnosticorum Eonab inferis revocent; septem spiritus, quorum sex septimum generent, fingant, luciferum, luciferianumque mundum, Adamum coelestem, montemque magicum ac lapidem, magicam Adami alchymiam, qua quidquid magice vellet, etiam in margaritas aurumque converteret. Eo demum redit magica illa ignea virtus seu efficax voluntas, magia ac Theosophia chymica, antesignano Iacobo Bœhmio, prout Io. Sal. Semler in litteris ad amicum Helvetum præterito primo anno comparationem instituit inter neotericorum horumce epistolam quandam pastorem ac Iac. Bœhmii scripta, *auroram, mysterium magnum &c.* & Sinceri Renati *Theosophiam theoretico-practicam*; literasque initiales epistolæ illi pastorali impositas sic interpretatur: *Ordinis Crucis Directores Nostros Socios Electos*. Crucis nimirum rosæ fratres indicantur, seu ordo, qui originem ducit a monacho quodam Teutonico ex nobili familia an. 1378. nato. Eius ordinis apologiam a famoso Anglo D. Fludd scriptam idem Semlerus in linguam Germanicam translata cum suis additionibus edidit, iidem refertam pseudo-mythicæ ac magiæ nanis, ut editor haud diffitetur: memoratque alia eorundem fratrum scripta præteriti sæculi, in quibus magnus mons magicus invisibilis, commercium cum incolis aeris, aquæ, ignis, variis spiritibus ac laniis celebratur: magis magisque degenerante instituto in tenebris nato, hætenusque palpitante sine duce sine luce, necquicquam morante magno principe & mago omnium spagyrorum, qui imperator fertur fratrum rosæ crucis. Principem illum spagyrorum potius ab ἀρχύρω dixerim. eo enim potissima contentio ac studium collimasse dici potest huiusmodi Adeptorum ac Theosophicorum Chymicorum seu Alchymistarum, ut pulvere aureo suis & aliorum oculis injecto fascinarent, seu fascinatum illum sibi imaginarentur mundum, ut vocant, *postluciferianum*, regem mundi, salvatorem nature,

SECVLUM  
XVIII.

naturæ, tincturam auri, lapidem philosophicum. Sunt hæc horumce mysteria ac contentio, intima naturæ rimandi, spiritus sibi familiares reddendi per necromantiam, evocandique dæmonas: hoc naturæ regnum, quod sibi, ætatemque auream non verentur polliceri a Iesu suo (certe non nostrum, nisi blasphemando obtendere possunt) mysticis suis somniis ac deliriis atque etiam hieroglyphicis signis.

Liberi mura-  
xii.

XXXV. Ab his omnibus & singulis immunes prorsus non sunt singuli ingentis illius per orbem undique gentium dispersæ ac quotidie incrementa fumentis, iam etiam in Nigra Silva nostra civitate donatæ sodalitatis liberorum murariorum (Freymaurer). De quo quidem ordine a me, non initiato, tanto minus expectare licet, quanto sacrosanctum imprimis in eo silentii est iuramentum, in ipso aditu deponendum a candidato, se nihil eorum revelaturum mysteriorum, quæ ipsi suo tempore revelanda sint, quove nonnisi per gradus devenitur, habentque more Pythagorico suos exotericos, & esotericos, ipsaque mysteria ceremoniis histrionicis ac signis hieroglyphicis involuta, præstigiis similia; quibus tamen initiantur tot ac tanti, ex quibus sunt, qui religionis ceremonias ac mysteria derident; ultroque despotismum acceptant quemdam, qui ecclesiæ Christi obsequium fidei detrectant: cum ipsi tamen plerique in tenebris palpent, multi quidem vocati, pauci vero electi, ut dicere solent, per classes mysteriorum suis initiati.

Illuminati.

Apud eam etiam singularem societatem, quæ *Illuminatorum* dicitur, sunt minus aut magis illuminati, uti legere est in depositione testis primi Io. Sulpitii Cossandey, presbyteri & professoris. Monachii an. 1785. facta auctoritate publica. Sic se *illuminatum minorem* tandem post probationem diuturnam renunciatum testis secundus Vitus Renner presbyter item & professor Ducalis academix proficitur. Duobus his testibus tertius concordat Ios. Uzscheider professor pariter ac electoralis cameræ præfectus, de eo, nam id unum saltem adhuc notare lubet, quod de autochiria uno ore deposuerunt, quam suis superiores ordinis deprædicent, quasi etiam cum voluptate quadam, quam tertius testis cœlestem ab illis venditari dicit, coniunctam, atque ad fines quosdam propositos necessariam, promptumque in desperatis quibuscumque casibus perfugium, dum, ut dicere amant, *patet exitus*, per suicidium nimirum, suscipiendum potius, quam ut ordinis arcana revelentur, aut gravius aliquid intentetur, periculumque immineat. Quod proclive esse potest hoc in ordine, si, quod idem testis deposuit, statuatur, finem sanctificare media ad illum assequendum, existimetque ad emolumenta prosequenda omnia licere, calumnias, venenatio-

nenationes, homicidia, periuria, proditiones, rebelliones, quæ hominum præiudicio mala censeantur, unice sibi proposito fine, ad restringendos compedes ac servitutis vincula potestatis utriusque sacræ & profanæ, atque liberos homines felicesque reddendos, & a vi securus. Taceo quæ porro testis ille tertius de interno ordinis illuminatorum statu prodit, qui si existat, an non ille longe lateque per orbem dispersus prodromus dici queat in præparationem Antichristi, qui ante consummationem sæculi terraquea, subterraquea inferni potentia fultus, utriusque reipublicæ sacræ & profanæ interitum persecuturus est, ecclesiæ imprimis ac religionis, cui qui obsequium fidei præstant (quod obsequium illi præiudicia vocant) tales secundum depositionem primi testis *religionarii* omnis altioris apud eosdem gradus incapaces habentur. Perinde etiam citatus Semlerus p. 132. genuinos quosque liberos murarios papismi, i. e. ecclesiæ Catholicæ esse hostes irreconciliabiles ac perpetuos profiteatur; dum tamen illi tam liberi murarii quam illuminati nihil contra religionem se aut statum agitare asserunt, ac iurant, contra conscientiam item; eo excessu, ut licentia degeneret in libertatem conscientiæ principis catholicis adversam: idem est, quod liberi quidem murarii (secus ac illuminati, qui axioma suum *aude sapere* ultra omnem religionis sensum extendunt) irreligiosos quidem a sua societate excludunt, cuiuscunque tamen religionis homines admittunt; quæ ratio est, quam Clemens XII. in sua Bulla *In Eminentissimo* urget, qua societates *de liberis Murariis* damnat, in quibus, inquit, cuiuscunque religionis, & sectæ homines arcto aque ac impervio fœdere, secundum leges & statuta sibi condita, invicem consociantur, quæve simul clam operantur, tum districto iureiurando ad sacra Biblia interposito, tum gravium pœnarum exaggeratione, inviolabili silentio obtegere adstringuntur. Iuvat has aliasque rationes ex Bulla Benedicti XIV. hic describere: Porro inter gravissimas præfata prohibitionis & damnationis causas in præinserta constitutione enuntiata, una est, quod in huiusmodi societatibus & conventiculis cuiuscunque religionis, & sectæ homines invicem consociantur: quæ ex re satis patet, quam magna perniciēs catholicæ religionis puritati inferri valeat. Altera est arctum, & impervium secreti fœdus, quo occultantur ea, quæ in huiusmodi conventiculis fiunt: quibus proinde ea sententia merito aptari potest, quam Cæcilius Natalis apud Miucium Felicem in causa nimium diversa protulit: Honesta semper publico gaudent, scelera secreta sunt. Tertia est iusiurandum, quo se huiusmodi secreto inviolabiliter servando adstringunt, quasi liceat alicui, cuiuslibet

SECVLUM  
XVIII.

*promissionis, aut iuramenti obtentu se tueri, quo minus a legitima potestate interrogatus, omnia fateri teneatur, quæcunque exquiruntur ad dignoscendum, an aliquid in huiusmodi conventibus fiat, quod sit contra religionis, aut reipublicæ statum & leges. Quarta est, quod huiusmodi societates non minus civilibus, quam canonicis sanctionibus adversari dignoscuntur: quum scilicet iure civili omnia collegia, & sodalitia præter publicam auctoritatem consociata prohibeantur, ut videre est in pandectarum lib. XLVII. tit. 22. de collegiis ac corporibus illicitis, & in celebri epistola C. Plinii secundi, quæ est XCVII. libri X. in qua ait, edicto suo secundum Imperatoris mandata, vetitum fuisse, ne heteriæ essent, id est, societates & conventus sine principis auctoritate iniri & haberi possent. Quinta est, quod iam in pluribus regionibus memoratæ societates, & aggregationes secularium principum legibus proscriptæ atque eliminatæ fuerant. Ultima demum, quod apud prudentes & probos viros eadem societates & aggregationes male audirent, eorumque iudicio, quicunque eisdem nomina darent, pravitatis, & perversionis notam incurrerent.*

Circumfertur Henrici VI. regis Angliæ (qua tamen in regione passim hæc societas a celebri Cromvello post duo secula demum instituta primum creditur) decretum contra liberos murarios, promittiturque integra collectio huiusmodi decretorum: dum interim speciminis loco elenchum nobis Ericus Servati dedit eorum, quæ seculo hoc XVIII. variis in regionibus contra hanc societatem a summis potestatibus sunt decreta: ac quidem an. 1735. a statibus Belgicis ipsum nomen est antiquatum; ut tamen ibi gentium hodie perinde ac in Borussia, Suecia (ubi an. 1736. sub poena capitis fuerat prohibita) ac Anglia toleretur. In Gallia an. 1737. commercium etiam cum liberis murariis fuit interdictum: proximo autem an. 1738. a Clemente XII. bulla contra hunc ordinem a nobis memorata fuit publicata; qui eodem anno a Carolo VI. in Flandria fuit proscriptus, uti etiam an. 1739. ab Augusto II. Poloniæ rege, excommunicationis pontificiæ sententia ad valvas ecclesiarum appensa. Idem ordo an. 1740. a Philippo V. Hispaniarum, & an. 1743. a Ioanne Portugaliæ rege gravissimis poenis prohibitus est: an. 1741. in Italia Florentiæ, Parmæ, & ab aliis Ducibus, in Malthe item sacræ Inquisitioni hæreticæ pravitatis traditus excutiendus. An. 1751. prodiit Bulla Benedicti XIV. a nobis descripta: an. 1764. a Maria Theresia Imp. ordo idem fuit proscriptus, an. 1781. Neapoli a Ferdinando V. dissipatus ac mulctatus: an. 1785. a Duce Venetiarum prohibitus, magistro in exilium missus: eodem anno severissime in Bavaria iussu Caroli Theodori processum est  
contra



contra ordinem Illuminatorum, quos vocant, eodem anno cum Miner-  
valibus etiam a Iosepho II. Imp. repressos: contra quos, ut meminimus,  
Monachii anno præterito inquisitio instituta fuit, ac testium memoratorum  
depositio facta. Dum hæc scribo, iussu electoris Palatini Bavarix Ducis ad  
absterrendos quosque ab eiusmodi, ut in præfamine appellantur, epide-  
micis sectis, institutis ad decipiendos incautos, emungendas pecunias,  
atque pervertendam obscurandamque veritatem ac mores corrumpendos  
potius, quam emendandos, quod præferunt, in lucem prodeunt au-  
tographa ordinis illuminatorum, nunc primum Landshuti an. 1786.  
in domo consilarii regim. Zwack detecta. Quæ quidem dum obiter lu-  
stro, nam ut pervolverem grandibus inanibus referta, a me impetrare  
non potui, fugitivo tantum oculo notavi passim ingens illud partium  
suarum ac sociorum fortunas & exultationem iuvandi studium & con-  
tentionem, communem ipsis cum liberis murariis; tum præter arroga-  
tum societati ius vitæ necisque, irrestrictam item iurataque ordini obe-  
dientiam cum omnimoda cæteroquin conscientix libertate ad Atheismum  
usque, dum p. 118. liber quidam, qui Amstelodami an. 1784. prodiit,  
commendatur, quo palam adstruitur Materialismus & Atheismus; ita,  
ut, prout aperte dicitur p. 133. Athei potius in ordinem suscipiantur,  
quam superstitiosi, quos vocant, qui aliquo religionis cultu obstricti sunt:  
potiusque velint admittendos, qui nullum Deum credunt, quam qui  
iratum vindicem malorum: siquidem Atheismus ex impia sententia dele-  
stationem suam ac felicitatem unice in vita sociali statuatur &c. p. 134.  
Quæ a nobis non abs re memorantur, cum p. 315. emissarii etiam Fri-  
burgum Brisgoix urbem Nigræ Silvæ conterminam destinentur, ubi hæte-  
nus brevique a tempore admissa semel liberorum murariorum societate  
facile ad ulteriora fieri excessum proclive est, primumque, ut cancri  
instar, in tanto sese dilatandi multiplicandique studio ac contentione,  
serpat mali contagio. Etsi vero imperator in litteris patentibus de ordine  
liberorum murariorum ignarum se arcanorum ordinis ac incuriosum ludi-  
crarum histrioniarum professus, ludibrio exposuit; novissimus nihilominus  
scriptor Viennensis, socius quondam ordinis, licentiam illam imprimendi,  
tolerantiam religionum, ac reformationem religionis &c. huius ordinis  
occultis moliminibus palam tribuere haud est veritus; ausa etiam est sce-  
lita manus in ipsis ad Deum principis precibus tolerantiam usque ad  
Atheismum supponere.

Nec varix illæ defecerunt penitus classes sodalitatum spuriarum, quas  
memoravimus, & ex iis fratres rolex crucis, socios magnæ lucis, steri-  
les

SECVLUM  
XVIII.

les nuptias chymicas actitantes. Observare adhuc licet alchymistas mendicos, corruptæ phantasie magosophos, brutos fidereorum, terraqueorum, subterraqueorum spirituum evocatores, cultores mundi lucidi, ignei, abyssi, profundum rimantes, ima ruspantes, lapidem philosophicum consecrantes: Theosophos asophos, deliros Bœhmii, Paracelsi, aliorumque mysticorum sectatores, illiteratos arcanorum hieroglyphicorum scrutatores, ac stolidos, vix sui ipsorum conscios, illotis manibus sese met mysteriis initiantes, mente sana captos, & sensibus. Utque compendio omnia complectar, ostentat seculum hoc luminolum alchymistas chymie expertes, magosophos materialistas, Sadducæos, & Herodianos; irreligiosos religiosi cultus statores, & arbitros magisterii ecclesiastici expertes: veræ religionis ac ecclesiæ haud magis quam vitæ religiosæ studiosos.

Monasterium  
Schuttern.

XXXVI. Iam supra, ut ad nos redeamus, distinximus duas patriæ nostræ, Galliæ ad Rhenum propinquæ, epochas seculo hoc XVIII. quarum altera a dimidio seculo ob fœdus Galliæ cum Austria felix post pacem Aquisgranensem decurrit, monasteriis Nigra-Silvanis Rheno propinquis imprimis fausta.

Turbulenta maxime tempora expertus est Iacobus II. abbas Schutteranus, quem iam superiore libro laudavimus germanum fratrem Romani abbatis San - Blasiani, calamitosi belli temporibus adhuc erepti e vivis ante finem sæculi præteriti, quæ fratrem suum Iacobum abbatem Schutteranum manserunt ineunte hoc sæc. XVIII. qui in necrologio Schutterano placidissime obdormisse dicitur die sexto Octobris anni 1708. *vix ulli prædecessorum suorum secundus, ætatis suæ 53. mense uno & 23. diebus, natus Engæ in Hegovia 13. Aug. 1655. in abbatem electus 13. Ian. 1688. Qui monasterium iniquissimis etiam belli temporibus de novo construxit, nullis debitis relictis. Disciplina fuit strenuus zelator non tantum, sed & reformator: solers omnium artium cultor non vana ex curiositate, sed ut in omnibus glorificetur Deus. Monachorum numerum valde deficientem ad usque fere 30. adimplevit. Cuius dilectissimi Patris mors non solum filiis, sed & inimicis, si quos habuisset, fuisset deplorabilis.*

Successori suo Placido II. de Hinderer placidiora fuerunt post pacem redditam tempora, quibus immortalis est an. 1727. fructusque etiam eius successor Franciscus Munzer primis regiminis annis. Sultinuit tamen postea bellum non diuturnum an. 1733. gravius vero exarsit post mortem Caroli VI. ab an. 1741. quo bello an. 1744. urbs Friburgensis a Gal-

a Gallis obsessa & capta fuit. Pace deinde reddita gaudere potuisset monasterium Schutteranum, ac pacate degere, nisi turbas intestinas ab ipsis rebellibus subditis sustinuisset. Frustra in iis dirimendis Franciscus abbas lassatus, mortuus an. 1753. eas componendas successori Carolo Vogel reliquit, qui nihil non egit ad conciliandam sibi cum suis intestinam pacem. Anno 1770. pacis publicæ arrham in suis muris solenni pompa Mariam Antoniam Austriacam Ludovicò tunc Delphino sponsam accurrentem excepit. Quæ maritum an. 1775. renunciatum regem an. 1778. filia, an. 1781. vero filio, regnum adeo Galliarum Delphino hærede beavit, in spem perennaturi fœderis, ad pacificandum utrumque Rheni litus. Senio iam gravis Carolus dignitate ultro se abdicavit, successorem nactus an. 1786. die 27. Iunii P. Placidum Bacheberlein, Oberkirchensem ex Ortenavia, ac Præpositum in Wipperskirch haud procul Friburgo Brisgovix; quem boni superi diu sospitem servant atque incolumem.

XXXVII. Monasterii Gengenbacensis abbatem præstantissimum Gengenbach. Augustinum Muller Wila in Turgovia Helvetiæ, ditionis principalis monasterii San-Gallensis oriundum, a puero vero inter pietatis & doctrinæ exercitia in monasterio Gengenbacensi enutritum, iam laudavimus libro superiore anno 1696. in abbatem electum, insignem litterarum litteratorumque amatorem & cultorem; qui in rebus gerendis dexterrimus, consiliis & opera non suo solum Argentinensi ordinario, sed episcopo etiam Tullensi de *Camiliis* in arduis negotiis præsto fuit; oblatam tamen non semel a Cardinali de Furstenberg episcopo Argentoratenfi vicariatus & officialiatus dignitatem ex hac parte Rheni invicta humilitate recusavit: uti hæc aliaque eius præclare gesta, virtutes, ingeniique dotes insignes, (quas inter bellorum primum turbas æque, ac postea reddita pace, ad an. 1726. usque, quo pie in Domino, ut vixit, obiit pastor optimus, demonstravit) in eius laudem prosequitur anonymus chronista ex suis testis oculatus in spicilegio ecclesiast. apud Lunigium (T III. p. 293. *Teutschen Reichsarchiv.*) ubi etiam legitur confirmatio privilegiorum imperialis monasterii sui, eidem abbati an. 1712. a Carolo VI. imp. data.

Successorem habuit Paulum Seger Gengenbacensem, meritis haud imparem, qui studio disciplinæ monasticæ & litterarum a gentili suo Blasio III. abbate S. Blasii ex congregatione San-Blasiana Priorem postulavit P. Bonifacium Moyles (qui redux per plures deinde annos Subprio-

SECVLVM  
XVIII.

rem egit apud suos) professorem vero Meinradum Troger, inde accitum professorem philosophiæ in academia Salisburgenſi & poſtea abbatem S. Blaſii, ut poſtea videbimus.

Mortuo Paulo an. 1743. in abbazia ſucceſſit Benediſtus Rieſcher Manheimenſis, qui cum aliis ſodalibus ſtudiis theologicis in monaſterio S. Blaſii operam navaverat; præſtantioris ingenii, quam moderati conſilii vir, cui non ſemper eventus in ſelectu litteratorum, quos ex ſuis excoluit, reſpondit. Inſtar vero omnium fuit indefeſſi vir laboris P. Auguſtinus Dornblüt, pluribus in lucem editis operibus clarus, quæ recenſentur in appendice tomi tertii hiſt. liter. Ord. S. Bened. p. 657. ad an. 1754. quo adhuc vixit in ſuo monaſterio venerabilis ſenex, continuis laboribus litterariis intentus.

Anno 1763. Benediſtus abbas, abdicato munere ſucceſſorem ſalutavit Iacobum Mariam Trautwein hodieque, utinam diu, ſoſpitem, abbatem optime de ſuo monaſterio meritum ac merentem.

Ettenheim-  
monaſter.

XXXVIII. Monasterium Ettenheimenſe ineunte hoc ſeculo ſub Mauro abbate eiufdem ac ſuus antecellor Franciſcus patriæ Roſacenſis, ſed ex gremio monaſterii an. 1686. electo, undique preſſum inter ſacrum & ſaxum hæſit. *Illato* (narrationem ſuam concludit doctiſſimus P. Bernardus Muggius Ettonianus ad an. 1702 Argentinæ tunc ſtudentium fratrum monachorum ſuperior) an. 1702. ab imperatore Alſatiæ bello contra Galliarum regem, eandem occupantem, Landavio arce a caſareanis de factò concluſa & coarctata, dum male ſibi metuunt Argentinenſes, ne forte obſidione cingantur, & nos quamdiu ibidem ſubſiſtere concedatur, incertum habeamus, huius materiæ ſcriptioni coacti ſumus imponere ſuam anno 1702. 19. Iunii.

Fatis cedenti an. 1704. Mauro abbati ſucceſſit Paulus Vogler eiufdem patriæ ac familiæ cum Romano abbate S. Blaſii & Iacobo Schutterano, quem paulo ante memoravimus.

Paulus etiam brevi fatiſcens, totque ac tantis ſuccumbens malis, quibus deprimebatur cum ſuo monaſterio, quinto regiminis anno deſunctus 1710. abbatiam Io. Baptiſtæ, Friburgi ex ſpectabili Ekiorum familia oriundo, reliquit, cum adhuc omnia armis perſtreperent, nec ab hoſte tantum, ſed etiam ab epifcopo Argentoratenſi ſæpius bona monaſterii occuparentur, lite inter epifcopum & Auſtriæ anterioris ſtatus de territorio pendente; cumque utraque pars impenſis monaſterii ius ſuum proſequeretur, atque collegium prælatorum anterioris Auſtriæ in partes collecta-



collectarum traheret, quas episcopus sibi vendicabat, primo adhuc fundationis titulo, etsi præter fundationem Ruthardi & decimas in præfectura Ettenheimensi ab Ettone acceptas, vix aliquid residui esset monasterio, præter ea, quæ in aliis ditionibus possidet titulo donationis, emptionis vel permutationis. Commodo causæ episcopi accidit, quod Austriaci collectas de bonis monasterii in ditionibus tantum Austriacis expeterent, titulo Landsassatus posthabito, quem adeoque Argentoratensis tanto magis magisque urgebat; abbas vero non minus strenue, favente etiam aliquando cancellaria aulica Austriaca, rem suam apud consilium aulicum agebat Viennæ, ibi an. 1740. defunctus, duæ eodem adhuc anno rem placide cum episcopo transegit. Eidem post mortem subrogatus abbas fuit Augustinus Dornblüt, cognominis viri doctissimi, quem mox laudavimus Gengenbacensem monachum, ex fratre nepos.

Abbas hic Augustinus pacificus musas fovit in suo monasterio, inter ceteros duos nutriens fratres germanos doctissimos, Germanum & Gallum Cartieros, multis editis operibus claros, ex quibus ille Prior, hic Subprior sui monasterii defunctus est. Gallum iuniorem aliquando Ettenheimi venerati sumus, dum Germanus senior iam an. 1749. mortem oppetiit, multis adhuc Mss. relictis operibus, quæ uti etiam Galli fratris a P. Ziegelbaur recensentur in hist. litter. a) O. S. B. Hæc inter præcipua sunt Biblia facta, succinctis Ss. Patrum & aliorum probatorum scripturæ interpretum commentariis illustrata, unacum nova eaque ex-cultiore, nec non ad sensum scripturæ magis accommoda versione Germanica concinnata a theologis Ettonianis sub directione F. Germani Cartier. Antecessoris sui vestigia in regimine sui monasterii hodie laudatissime premit Landehinus Fluem Schutteranus, cui ille an. 1774. resignavit abbatiam, non diu superstes, mortuus an. 1775.

XXXIX. Habuit monasterium S. Trudperti seculo hoc XVIII. post Augustinum Sengler, cuius iam libro superiore meminimus, duos insignes abbates ex Ettenheim oriundos fratres, primum Franciscum Herrman, qui Augustino successit an. 1731. & defunctus an. 1737. abbatiam regendam reliquit fratri suo Cœlestino Herrman utriusque iuris doctori, in monasterio vero professori theologiæ, quam etiam scholasticam edidit, abbas vero Ideam boni principis an. 1740.

Monasterium suum postquam e fundamentis novum extruxit, mortuus an. 1749. Columbanum Blonsche Radolfzellensem successorem habuit, qui exemplum boni præsulis, pater filiorum amorque fuit an.

SECVLUM  
XVIII.

1757. defunctus, succedente Paulo Ehrhart, qui abbatiam an. 1780. resignavit, assuetus in Tonselon secedere, ubi hodieque superstes successorum habet Columbanum Christian ex Riedlingen oriundum, cui prospera quæque, commissoque monasterio proficua & salutaria ex animo precamur.

S. Blasii.

- XL. Augustinum Finck patria Wolfacensem, a puero in scholis San-Blasianis educatum, an. 1695. Romæ suffectum monasterii & congregationis San-Blasianæ abbatem iam superiore libro laudavimus, qui placidissimi cum esset ingenii, plerisque regiminis sui annis impacatissima expertus est tempora, armis omnia undique perstreptibus, ita ut ob bellum Gallicum an. 1703. iterumque an. 1713. quo obsessum a Gallis, captumque fuit Friburgum Brisgoiæ, in Helvetiam ei cum suis exulandum fuerit; ubi tamen etiam belli interea temporis flamma exarsit, in ipsa quoque Nigra Silva inquietis Hauensteinensibus rusticis monasterii quietem turbantibus, sed tunc brevi auctoritate cæsarea repressis. Interim nihil prætermisit pientissimus providentissimusque abbas, quod ad statum monasterii congregationisque suæ ornandum facere potuisset, in cura animarum præcipue, institutis etiam novis parochiis, disciplina item monastica, ac re litteraria, ut eius rei fama alio delata, e suis ad alia monasteria viri idonei expostularentur P. Io. Bapt. Elverenz magister novitiorum ad amplissimum Fuldense monasterium a. 1716. iamque a. 1709. P. Fintanus Saal & Ludovicus ab Eggs professores Schutteram, P. Romanus Sedelmayer Salisburgum an. 1708. ubi an. 1714. Secretarii academici munus adeptus, collectanea pro conscribenda historia academix Salisburg. sedula fecit, cum iam an. 1711. *origines gentis Harrachianæ* edidisset, ex qua tunc Franc. Antonius archiepiscopus erat Salisburgensis, cui Philosophum suum Porphyrium dedicavit.

Mortuus an. 1720. Augustinus abbas successorem habuit Blasium Bender Gengenbaco oriundum, qui iam a viginti annis causas utilitatesque publicas & suæ congregationis in aula cæsarea curaverat, tribus imperatoribus Leopoldo, Iosepho & Carolo VI. admodum charus: quem etiam Leopoldus filio Iosepho dedit sacellatum, castra ad Rhenum sequenti, irruptione in Allatiam facta an. 1702. obsesso Landavio. Benedictionem abbatialem an. 1721. in festo S. Blasii accepit a principe episcopo Io. Francisco, a quo iam prius pretiosum calicem, ob navatam in aula cæsarea operam acceperat, passim aliis ob insignia præstita officia muneribus auctus, a Iosepho principe abbate S. Galli singulari donatus an. 1721. charta, nomen insuper inter benefactores & confratres necrologio

logio inscriptum : *ut in memoria aterna apud nos vivat , & quod nostris meritis deest , totius posteritatis suffragiis & piis operibus suppleatur.* A Carolo VI. an. 1725. minister plenipotentarius ad Helvetos missus , ad eos renovato Mediolanensi foedere , arctius serenissimæ domui Austriacæ constringendos. Quæ res dum in peroptato cursu esset , ipse præmatura morte præreptus est an. 1727. magno apud omnes sui deliderio relicto , suos imprimis , apud quos etiamnum vivit in suis statutis pro re monastica & familiari , singulis officialibus , tam religiosis quam secularibus , accurate instructis per litteras. Nihil vero antiquius habuit re litteraria studioque eruditionis , quod ei potissimum debetur hactenus excultum , bibliotheca tunc selectis instructa libris , atque methodo optima studiorum accepta a sodalibus San-Maurenribus ad S. Germanum de Pratis Parisiis , misso illuc inter alios P. Marquardo Herrgott ; ubi primum specimen eius opera editum comparuit *vetus disciplina monastica.*

Redux ex Gallia P. Herrgott dum varia meditatur ad historiam sacram & profanam patriam , San-Blasiani monasterii præsertim , a Francisco II. abbate , qui Blasio III. successit an. 1727. & statibus Brisgoiæ negotiorum publicorum causa ad aulam cæsaream legatus , favente ibi admodum Carolo VI. primo *Genealogiam diplomaticam Augustæ gentis Habsburgicæ* an. 1735. edidit ; ab imperatore consiliarius & historiographus cæsareus renunciatus , ibidem postea ingens monumentorum Austriacorum opus , quod nulli secundum maximi quique orbis principes hactenus habent , cœpit , editis Viennæ duobus voluminibus de sigillis ; redux vero in patriam studiose prosecutus opus , Friburgi Brisgoiæ *Numotheca Austriaca* duobus voluminibus , totidemque *Pinacotheca* , singula regali in forma , senescens locum sibi adscivit P. Rustenum Heer , qui post mortem Herrgotti an. 1763. ipse etiam consiliarius & historiographus cæsareus , dum Taphographiæ Austriacæ insudat , operi immortalis est an. 1769. proximo post conflagrationem monasterii , quod novum e fundamentis Franciscus an. 1728. excitare cœperat , & inter maximos rebellium rusticorum Hauensteinensium , homagium abbati detrectantium tumultus , bella etiam Gallica nihilominus ante mortem adhuc perfecit , quam an. 1747. oppetiit , cum præterito an. 1746. axioma principis S. R. I. a Francisco I. imp. (quem an. 1745. Francofordiæ coronatum , reducem cum augusta coniuge M. Theresia Ulmæ salutaverat) recepisset , quo iam titulo passim antecessores superioribus seculis in chartis cæsareis honorati leguntur.

Brevissimum post Francisci mortem fuit regimen Cœlestini Vogler ,  
X x x 3 qui

SECVLUM  
XVIII.

qui 9. Augusti an. 1747. electus 24. Aprilis an. 1749. defunctus est piissimus abbas, successorem nactus Menradum Troger, mortuum an. 1764. cuius iam supra meminimus insignis professoris domi, Gengenbaci atque etiam publici philosophiæ in academia Salisburgensi. Postulatus iterum Salisburgum fuerat ad docendam theologiam; sed eo ad maiora domi destinato, in eius locum P. Romanus Endel missus est ad eam academiam, cuius historiam, consilio a P. Romano Sedelmaier cœpto, collectaneisque relictis, iam an. 1728. ediderat P. Stanislaus Wilperz, in coadjuvandis monumentis pro historia San- Blasiana diligentissimus; unde mihi in rebus domesticis nulla pene difficultas fuit ad hanc, quæ præ manibus est, historiam Nigræ Silvæ, quam novo insigni thesauro ornandi occasionem præbuit perficienda a me, S. Blasii electo post mortem Meinradi an. 1764. abbate, suscepta Taphographia Austriacæ, translatis Habsburgo - Austriacorum principum eorumque coniugum cadaveribus ex ecclesia cathedrali Basileensi & monasterio Königsfeldensi in Helvetia ad conditorium novum monasterii S. Blasii, qualem ibidem sepulcri locum sec. XI. habuit familia comitum de Rheinfelden, ex augusta Lotharingiæ Ducum prosapia: quæ, eiusdem ex Ethicone a Ducum Alsatia stirpe originis cum Habsburgica, iterato deinceps matrimonio augustæ genti Habsburgicæ coniuncta fuit, ut suo loco ac singulari etiam libro explicavi, effossis anno primum 1776. ossibus in sacello S. Nicolai iam diruto, recondendisque cum Habsburgicis in ecclesia nova, quæ post conflagrationem an. 1768. veteris, cum ipsis monasterii aliisque plerisque ædibus iam singulari Dei providentissimi benignitate recens e fundamentis surrexit, ritu solemniter an. 1783. die 21. Sept. a Maximiliano episc. Constantiensi a) consecrata, ac sanctificata variis variorum sanctorum cum primis patriorum Germaniæ reliquiis, quas inter Nigræ Silvæ apostolorum & patronorum SS. Pirminii ac Fridolini munificentia Augustæ M. Theresiæ donavit, alia aliis sacra symbola conferentibus optimis patronis & amicis.

Ac quidem nutu eiusdem Augustæ M. Theresiæ Eminent. Card. Miggazius Viennensis metropolita præter reliquias S. Io. Nepomuceni, quas quondam Carolus VI. in suo sacro thesauro apud se servaverat, ex cathedralis ecclesiæ S. Stephani sacrario quoque contulit iam dictas reliquias S. Fridolini primi Nigræ Silvæ apostoli, SS. Gervasii & Protasii, nec non S. Morandi monasterii sui nominis Ord. S. Bened. in Alsatia, primi abbatis. Sunt hæc ex sacris illis reliquiis, quas summo studio, & religionē ex his

a) De festiva octo dierum celebritate huius dedicationis prostat liber singularis inscriptus: *Feierlichkeit des in dem Fürstl. Stift St. Blasien auf dem Schwarzwald eingeweihten neuen Tempels.*



his ipsis nostris plagis sibi comparavit archidux Rudolphus IV. pro basilica S. Stephani Viennæ a se extructa. Non me latent, quæ Mediolanenses contra translationem SS. MM. Gervasii & Protasii Brisacum in medium afferunt, ut in plerisque huiusmodi translationibus corporum sanctorum apud Catholicos ex ipsa venerationis magnitudine motas novimus controversias, plerumque forte facile componendas, si divisæ per loca admittantur reliquiæ. Nos nunc quod attinet, non equidem me vadem præstem historiæ, prout a sequioris ævi scriptoribus refertur translatio Brisacenſis; sed qui res Fridericorum I. & II. Hohenstaufforum secum contulerit, quas Mediolani post medium seculum XII. dum a Friderico I. an. 1162. Mediolanum (servatis ecclesiis S. Mariæ, S. Mauritii & S. Ambrosii, ubi corpora SS. Gervasii & Protasii erant recondita) excisum est, & deinceps Brisaci gesserunt, reliquias SS. Gervasii & Protasii depositas Brisaci facile largietur. Quarum pars dum ecclesiæ San-Blasianæ infertur, non possum mihi a verbis temperare, quæ S. Ambrosius se fecisse in earum inventione ad sororem suam perscribit a). Cæterum id præprimis studuimus, ut reliquias sanctorum ex locis, ubi sepulti fuerunt, nancisceremur: quod etiam in reliquiis SS. Eridolini & Morandi consecuti sumus, ut mox indicavimus. Sic quoque Mediolano reliquias S. Caroli Borromæi obtinuimus ab archiepiscopo & Cardinali Ottobonelli iterato munere, dum prior donatio facta iam venerabili senecioni memoria excidisset. Moguntia vero opera amicissimi D. Würthwein officialis tunc Moguntini, accepimus sacra lipsana S. Ferrutii M. S. Lulli successoris

- a) Gratias tibi Domine Iesu, quod hoc tempore tales nobis Sanctorum Martyrum Spiritus excitasti, quo ecclesia tua præsidia maiora desiderat. Cognoscant omnes, quales ego propugnatores requiram, qui propugnare possint, impugnare non soleant. Hos ego adquisivi tibi, plebs sancta, qui proſint omnibus, nemini noceant. Tales ego ambio defensores, tales milites habeo: hoc est, non seculi milites, sed milites Christi. Nullum de talibus invidiam timeo, quorum quo maiora, eo tutiora patrocinia sunt. Horum etiam illis ipsis, qui mihi eos invident, opto præsidia. Veniant ergo & videant stipatores meos; talibus me armis ambiri non nego. Hi in curribus, & hi in equis: nos autem in nomine domini Dei nostri magnificabimur.

Elisæum scripturæ divinæ series refert, cum ab exercitu Syrorum esset obsessus, dixisse timenti servulo, ne timeret: quia plures, inquit, pro nobis sunt, quam contra nos; & ut hoc probaret, petiisse, ut oculi Giezi aperirentur: quibus ille apertis, innumeros adesse vidit prophætæ exercitus angelorum. Nos etsi eos videre non possumus, sentimus tamen. Erant clausi isti oculi, quamdiu obruta sanctorum corpora deliteſcebant. Aperuit oculos nostros Dominus, vidimus auxilia, quibus sumus sæpe defensi. Non videbamus hæc, sed habebamus tamen. Itaque trepidantibus nobis quasi dixerit Dominus: adſpicere quantos vobis martyres dederim: ita reſeratis oculis gloriam Domini ſpeculamur, quæ est martyrum paſſione præterita, & operatione præſens. Evafimus, fratres, non mediocrem pudoris tarcinam: patronos habebamus, & nesciebamus. Invenimus unum hoc, quo videamur præſtare maioribus. Sanctorum martyrum cognitionem, quam illi amiſerunt, nos adepti ſumus. S. Ambroſ. *T. II. opp. p. 876. n. 10. 11.*

SECVLUM  
XVIII.

foris S. Bonifacii, & S. Willigisi: indidemque S. Elisabethæ viduæ Ludovici Landgravii Hassiæ & Thuringiæ. Prospero hoc animati successu, non minus felici nos ad alios quoque sacrorum Germaniæ præfules supplices convertimus. Salisburgo præter reliquias SS. MM. Chrysanthi, Darii, Hermetis & Vincentii, etiam S. Martini Turonensis ex iis, quæ Salisburgum delatæ sunt multis ante seculis, quam ab Hugonotis sacrum corpus combureretur, S. Amandi, & Virgilii episcoporum sacra reportavimus ipsa. Constantia accepimus SS. MM. Felicis & Regulæ, Pelagii, & Fidelis Capucini. S. Conradi ep. Constant. & B. V. Elisabethæ bonæ: Eichstadio SS. Willibaldi ep. Wunibaldi abb. & Walburgæ V. prolium S. Richardi, quibus iunctæ fuerunt reliquiæ S. Deochari abb. Hasenriedensis. Sic certatim alii viciniore episcopi novam ecclesiam San-Blas. huiusmodi sacris cimeliis ditare studuerunt: Frisingensis reliquiis S. Corbiniani episcopi, Genevensis S. Francisci Salesii, & S. Francisæ de Chantal; Spirensis S. Stephani P. & M. & S. Guidonis abb. de cuius translatione Spiram locuti sumus T. I. p. 214. Herbipolensis SS. Kiliani & sociorum nec non SS. Henrici Imp. & Kunigundæ sponsæ eius. Quid vero Ordinis Benedictini affectu primores in Germania? Quam illi maxime prompti ad ornandam ecclesiam S. Blasii suas symbolas hæc sacras contulerunt! Episcopus ac princeps Fuldensis reliquias S. Bonifacii M. Germaniæ apostoli & S. Sturmii primi abbatis Fuldensis a S. Bonifacio constituti: princeps abbas Campidonensis S. Honorii, San-Gallensis SS. Ottmari abb. & Notgeri monachi: Dissertinensis S. Adelgotti episc. Curiensis & abb. Dissert. SS. Placidi & Sigeberti MM. Einsidlenensis S. Meinradi M. Murensis S. Ursuli M. San-Emeranensis S. Emerami ep. & M. S. Wolfgangi ep. Sic monasterium S. Petri Salisburg. S. Ruperti ep. Salisburgensis, Petershusanum S. Gebhardi ep. Constantiensis: San-Ulricianum Augustæ Vindel. SS. Ulrici, & Simperti episcoporum Augustanorum; Rhenaugiense S. Fintani eremitæ, San-Trudpertinum S. Trudperti M. S. Iacobi monasterium Ord. S. Bened. Herbipoli S. Macarii primi abb. Tegernseense S. Quirini M. Engelbergense B. Nicolai de Flue. Vicina collegiata ecclesia in Zurzach haud immemor ayiti Benedictini instituti sui ex S. Verenæ V. & M. reliquiis a furore Zwingliano superstitibus particulam contulit; inclyta item Solodorensis in Helvetia respublica ex reliquiis, quas possidet SS. Ursi & Victoris legionis Thebeanæ. Superstites extinctæ Societatis Iesu alumni in id incubuere, ut nullius eorum, quotquot ex suo ordine sanctorum albo sunt adscripti, reliquiæ desiderarentur in ecclesia San-Blasiana. Vicina demum urbs Friburgensis in Brisgoia patronorum etiam suorum SS. Lamberti ep. & Alexandri

dri M. concives nos suos participes esse voluerunt. Sic opportune dixeris, *ubi fuerit corpus πῶμα*, cadaver in cineres redactæ ecclesiæ, *ibi congregantur & aquilæ*, quas SS. Patres alique expositores S. scripturæ communi calculo sanctos in sublime ad Dei visionem intuitivam elatos interpretantur: renovataque, ut aquilæ redivivæ, ecclesiæ San-Blasianæ iuventus.

SECVLVM  
XVIII.

XLI. Dimidium fere ante seculum (post initia currentis huius XVIII.) antequam principale monasterium S. Blasii an. 1768. in cineres redigetur, eidem horribili fato succubuit congregationis San-Blasianæ cella ex iis, quæ supersunt, antiquior, cœnobium monialium Beroviense, cum ecclesia reliquisque ædibus combustum. Nihil non egit devotissimus abbas Augustinus, ut sacra ibi, monialesque interea temporis per varia dispersæ monasteria, claustro suo iterum restituerentur tanta celeritate, ut ecclesia a Conrado Gaist suffraganeo Constantiensi die 17. Iunii an. 1715. consecraretur, monasterium vero ita instrueretur, ut moniales a seculi tumultu omnino semotæ, atque ab omni consortio hominum secularium alienæ in clausura degerent, neque posthac ulli monialium extra monasterii limen pedem efferre integrum esset, quod ad exhortationem pii abbatis sponte sua ac promptissime acceptarunt moniales, exemplo accensæ Agnetis quondam in Berau, cuius lapidi sepulchrali hodieque medio in choro ante altare supremum insculpta leguntur hæc verba: *Agnes in clausura*. Pari pietate inductæ moniales an. 1771. sese perpetuæ adorationi SSmi. altaris sacramenti devoverunt.

Eisdemque  
congregationis  
Cellæ.

Congregationi porro San-Blasianæ, quæ sec. XVI. per Lutheranismum varias cellas amiserat, nova seculo hoc XVIII. incrementa accesserunt, unitis an. 1724. tribus monasteriis Guilielmitarum Sionensi, Mengensi & Oberriedensi, cuius postremi utpote in Nigra Silva siti, suis locis, per decursum seculorum mentionem iniecinus inde a seculo decimo tertio, quo etiam duo reliqua sunt fundata. Et quidem Sionense prope muros oppidi Clingnoviensis in Helvetia haud procul a Rheno, Nigræ Silvæ contermina, incunabula sua debet nobilibus de Clingen præpotentis olim in vicinia nostra, atque inter Helvetos familiaræ. Aream vero ad construendum oppidum Ulrico nobili de Clingen concessit Arnoldus I. abbas S. Blasii an. 1240. ut suo loco indicavimus. Walterus Ulrici filius unacum Sophia uxore monasterium Sionense, a se donatum, fratribus Ordinis S. Guilielmi eremitæ commisit an. 1269. uti ex charta foundationis & necrologio monasterii constat. Rudolpho episcopo Constant. ex comitibus de Habsburg, annuente an. 1282 inter ipsos muros oppidi Mengensis concessa a magistratu area oratorium sur-

SECVLUM  
XVIII.

rexit. Fridericus vero cognomento pulcher archidux Austriæ ac demum Romanorum rex ecclesiam parochialem S. Martini cum proventibus ad sustentationem eremitarum S. Guilielmi elargitus est an. 1304. Incorporationem singulorum congregationi San-Blasianæ Benedictus XIII. an. 1725, bulla pontificia ratihabuit post decretum cæsareum diplomaque Caroli VI. anni præteriti 1724. die 3. Iulii, cantonum quoque Turegiensis, Bernensis & Glaronensis ceu advocatorum monasterii Sionensis die 26. Iulii an. 1724. Jo. Francisco ep. Constantiensi ea singula pactis cum monasterio S. Blasii includente die 16. Martii an. 1725. post confirmationem iam anno præterito etiam a capitulo cathedrali datam.

Cura anima-  
rum.

XLII. Novis etiam incrementis in congregatione San-Blasiana, tum in terris Austriacis, cum etiam ditione Imperiali, novarum parochiarum erectione instauratur cura pastoralis, quam a suis incunabulis monachi S. Blasii laboribus primum apostolicis per abdita Nigræ Silvæ exercuerunt; atque indefesso semper hætenus sunt prosecuti studio, remotis obstaculis, quæ identidem obiecta sunt monachis curam animarum obeuntibus. Meminimus jam Sec. XI. T. I. p. 311. apologiæ, quam Bernaldus seu Bernoldus presbyter S. Blasii (sub nomine Bertoldi Constantiensis in orbe litterato cognitus) pro monachis hanc in rem scripsit, ob oculos posito discrimine antiquiorum illorum monachorum laicorum ab iis, qui deinceps ab ecclesia in clerum sunt assumpti, *quum*, ait uno veluti peremptorio usus argumento, *ecclesiasticos ordines habeant, quis inficiari potest, quia eorundem graduum officia, quum iubeantur, exercere valeant? præsertim quum in perceptione consecrationis nihil distent a clericis. Aut ergo ecclesiasticos gradus illis penitus adimittis, aut administrationem eorundem graduum eis intercludere non potestis.* Singulariter autem institutum hoc statum congregationis San-Blasianæ illo abhinc tempore (seculo nimirum XI. quo brevi mirum in modum excrevit atque Nigram Silvam egressa per alias etiam regiones ampliata est) a plerisque aliis cœtibus monasticis distinctum reddidit, eiusmodi quidem, ut principale S. Blasii in Nigra Silva monasterium seminarii instar semper fuerit, in quo ad curam animarum instituuntur religiosi, a primis veluti unguiculis seu tyrociniis mox in novitiatu assuefacti, ut e suggestu publica specimina sacræ eloquentiæ dent, continuato semper hoc exercitio dum theologicis illis ac canonicis disciplinis imbuuntur, quibus ad sacerdotale ac pastorale efformari ac instrui necesse est munus; atque interim parochos, qui munus hoc in ecclesia exercent, aulcultant, quando cathedrizant, aut concionantur, ita vero ut, cum primum tyrones hi ordi-

nem



nem diaconatus affecuti sunt, utrumque etiam ipsi iam exerceant: catechesin nimirum privatos inter parietes cum familiaribus, concionandi autem officium publice e sacro in ecclesia suggestu, ad hoc studiose efformati privatim a Cenfore, cuius subiunt disciplinæ, publico in conventu perorantes pridie sermonem, quem coram populo deinde sunt habituri. Facti deinceps sacerdotes, omnium disciplinarum adminicularium emenso cursu, antea quam quidquam aliud, ac quod memoravimus, curæ animarum exercere ipsis liceat, in collationibus, quas conferentias vocant practicas saluberrime institui solitas, atque hodie imprimis ob summariam tantum theologiæ pastoralis & moralis institutionem necessarias, respondentium subeunt munus ad quæstiones propositas ex quibusvis ad officium pastorale facientibus materiis calibusque practicis cum suis circumstantiis, quæ quovis modo contingere queant: quo nihil ad comparandam summe necessariam prudentiam pastorem expeditius conducibiliusque est, tam reliquo omni officio ac functionibus pastoralibus, quam sacro tribunali imprimis confessionis, ad quod instructi prorsus accedere debent iuvenes quivis sacerdotes, incerti, quos & quales poenitentiae casus primo statim sese oblaturi sint aditu. Nec nisi in hac conferentiarum palæstra diutius exercitati ad confessiones excipiendas admittuntur sacerdotes, pedetentim etiam ad alia munia parochialia admissi in subsidium ad ægrotos, & moribundos, catechizandum & prædicandum & quæ sunt alia, donec post nonnullos, ut fert capacitas, annos filialis quædam e monasterio statis diebus excurrando committatur, vicario modo sub oculis ac directione omnimoda superiorum veteranorum administranda cum socio. Exponuntur post hæc iam maturescentes sacerdotes, veluti ephebos paulatim egressi, plerumque in exteriores conventus, aliaque loca, ubi plures sunt, qui aut parochialia exercent, aut ingens confitentium est concursus.

Neque vero iam satis superque idonei censentur omni hoc tyrocinio viri Patres nostri, qui gurgite tam alto proprio suo marte natent: adiunguntur iam deinceps veterano paracho rurali, ipsi quidem sub illius moderamine filiali ecclesiæ præfecti, tunc etiam in præsentaneum subsidium ætate profectis iam ac lenectate pressis, ipsi etiam aliquando hoc solatio usuri, postquam iam ætate maturi annorum ad minus quadraginta facti parochi consenserint: siquidem in munere pastoralis maior sacerdotum nostrorum emoritur pars; aut certe in ultimam usque senectutem id sustinere eis licet adscitiorum illorum, quos diximus, opera sustentatis. Singuli vero senes cum iunioribus id solatii habent, ut ne illud

SECVLVM  
XVIII.

=====

locum habere possit: *Væ soli, quia cum ceciderit, non habet sublevantem se.* Iplis vero fidelibus parochianis imprimis hoc opportunum est, ut uno forte absente, aut quavis demum ratione impedito, incommode maleque habenti alter præsto sit ad officia. Sic Prov. XVIII. 19. *frater qui adiuvatur a fratre, quasi civitas firma* dicta est Salomoni, atque id etiam, quod regulares attinet, lege ecclesiastica cautum est, ubicumque id locus & occasio permittit.

Monasteria  
Wirtember-  
giæ abolita.

XLIII. Vidimus superiore libro, monasteria Nigra-Silvana Wirtembergiæ aliquando restituta iterum excidisse sub Protestantibus principibus: quod nunc potestas catholici ducis restricta retractare non valet. Abbatix seculo addictæ quos habent iam prælatos, sunt uxorati consiliarii ducis nati, primariumque statum ducatus repræsentant. Alii in loco abbatix resident scholis præfecti, alii fere extra Nigram Silvam: ubi nempe amplitudine & frequentia hominum locum idoneum non habent, appellati ideo prælati designati, in Alpersbach veluti, ad S. Georgium, Hirsburgiæ, Herrenalb a).

a) Vid. *Acta  
historico-ec-  
cles. nostri  
temporis T.  
VI. p. 305.*

Plerumque Prælati alicui consistorio sunt addicti, aut Superintendentes, quales quatuor generales sunt per ducatum, alii speciales. Inter generales Superintendentias, per Decanatus distributas, Bebenhusana potissimum per Nigram Silvam distenditur, complectens novem Decanatus Balingen, Freudenthat, Hornberg, Herrenberg, Lustenau, Sulz, Tübingen, Tutzingen & Wildberg. Inter Decanatus Superintendentiæ Maulbrunensis undecim sunt, etiam nonnulli Nigrasilvani e. g. Calw & Wildbaad.

Abbas Hirsburgiensis est hodie Io. Christoph. Knaus prof. & rector gymnasii illustri in Stuttgart; abbas in Alpersbach Io. Christoph. Schmidlin secundarius consiliarius consistorialis & assessor apud selectum statuum senatum. Carol. Frider. läger abbas S. Georgii Superintendens specialis & parochus urbis Canstadiensis. Georg. David Leusler abbas in Herrenalb specialis Superintendens & parochus oppidi Vaihingen. Christoph. Friderico Sartori abbati Lorchensi procancellario academix Tübing. successit præterito anno I. Fr. Lebet, quem non multo ante Stuttgartiæ salutavimus præfectum Ducalis bibliothecæ, quam, ut cum primoribus comparari facile possit, quotidianis augmentis instruit Sere- nissimus Dux ullis nec impensis, nec operæ parcens, domi forisque frequentibus eam in rem per regiones susceptis itineribus pro novis librorum accessionibus ad ornandam hanc spartam in præsidium novæ, quam

Tubin-

Tubingensi æmulam Stuttgartiæ instituit academiam, ad quam undique gentium concurrunt ephebi, non una generis nobilitate instructi, instruendique in omnibus liberalium artium & scientiarum disciplinis ad sacra usque, non plus ultra, adyta.

SECVLVM  
XVIII.

XLIV. Inter monasteria Wirtembergiæ Benedictina nomen S. Georgii retinent exules Villingæ monachi cum suo abbate. Michaellem Glücker eius nominis III. iam laudavimus superiore libro, electum an. 1690. tam fortunatum, ut quadraginta tribus, quibus præfuit, annis præter ecclesiam & monasterium exstructa rem familiarem mirum in modum auxerit, perinde ac Hieronymus Schue Villinganus, Michaelis an. 1733. successor, eximius disciplinæ regularis & studiorum promotor, quæ publica habent in scholis Benedictini iam soli ex decreto aulæ Viennensis, obtento sub Hieronymi successore Cœlestino Wahl Ochsenhusano an. 1757. electo, musigeta præcipuo, qui cum suis laudabilissime præfuisse, an. 1778. paralyti insanabili correptus, libere resignavit, successorem nactus Antelmum Schababerle Marchio-Badensem, electum 9. Febr. eius anni, cuius præclare absque dubio gerenda feri posterius celebrent.

S. Georgii

XLV. Monasterium S. Petri (cuius dirissima fata prosecuti sumus libro superiore ex repetita conflagratione, aliisque bellorum iniuriis) vix restitutum, iam iterum sub abbate Mauro Hefs Crozingano, qui an. 1699. Paulo Pastori successit, an. 1713. bello Gallico quarta iam vice expilatum fuit fugatis monachis, qui dum aliquamdiu per Nigram Silvam errarunt circa monasterium S. Blasii, cui simile fatum imminabat, perpessumque eodem adhuc anno monasterium S. Trudperti fuit mense Novembri, postea per Helvetiam dispersi, in monasterio Rhenaugienfi, compluresque Nigrasilvani alii, consuetum perfugium reppererunt, ex monasterio etiam Schutterano.

S. Petri

His inter alios ex monasterio S. Petri accessit religiosus frater Benedictus Wulpertz, qui post Maurum abbatem mortuum an. 1719. & huius successorem Ulricum Burgi an. 1739. abbas renunciatus, iterum an. 1744. exul fuit Rhenaugiæ, & quidem cum P. Philippo Iacobo Steyrer (præter alios decem monachos) qui hodie præest monasterio S. Petri dignissimus præsul iam ab an. 1749. quo dedicata est monasterii S. Ulrici (quod fuit olim congregationis Cluniac. uti memoravimus, sec. XVI. monasterio S. Petri unitum) nova ecclesia, sub antecessore cum ipso monasterio ædificata, Priore tunc ipso hoc Philippo Iacobo,

SECVLUM  
XVIII.

qui monasterium suum S. Petri, a se extractum, copiosa suppellectili literaria, ut alia silentio præteream, intruxit, ipse viva bibliotheca, scriptorque diligentissimus, annalium etiam sui monasterii, & restau-  
rator mausolæi suorum fundatorum Zaringiæ ducum.

Horum epitaphia a Philippo Iacobo eorum monumentis eleganti opere in choro ecclesiæ, ab Ulrico abbate hoc etiamnum seculo extractæ, apposita par est hic adscribere, quippe qui fuerunt benigni, præter morem plerumque aliorum, monasterii etiam S. Blasii advocati.  
Ad cornu evangelii

Sta

Viator

• Et lege quæ legisse non  
pœnitebit.

In

Huius muri fornice conditi  
quiescunt

Monasterii S. Petri in Silva Nigra

Fundatores & Dotatores

BERTHOLDUS II.

Dux Zaringensis, Filius Bertholdi I. Frater Hermannii I.

Satoris Marchionum Badensium & Gebhardi III.

Episcopi Constant.

Qui

Monasterium istud a Patre suo

Wilae in Wirtembergia ad radices Teccii montis

Anno MLXXIII. conditum

Anno MXCIII. huc transtulit

Fundavit & dotavit.

Obiit

Prid. Id. Aprilis anno MCXI.

AGNES.

Eiusdem Bertholdi II. Coniux, Filia

Rudolphi Sueviae Ducis & Comitis Rhenofeldensis

Obiit

XIV. Calend. Ian. eiusd. anni.

CONRADUS.

Dux Zaringensis Rector Burgundiae

Filius Bertholdi II. frater Bertholdi III.

Conditor Basilicae B. V. M.

Friburgi Brisg.

Obiit



Obiit

VI. Id. Ian. anno MCLII.

CLEMENTIA.

Eius uxor filia Godofredi

Comitis Namurcensis

Obiit

V. Cal. Ian. anno MCLIX.

BERTHOLDUS IV.

Dux Zaringensis Rector Burgundiae

Filius Conradi

Conditor Friburgii Nuithoniae

Obiit

VI. Id. Sept. MCLXXXVI.

Horum omnium ossa Ulricus Abbas ex veteri

Ecclesia in novam huc transtulit

Prid. Non. Octob. anno MDCCXXVII.

Monumentum autem hoc novum Philippus Iacobus Abbas

Gratitudinis ergo

Posuit

Cal. Aug. anno MDCCLXVIII.

Tu iam viator

Piis manibus Fundatorum nostrorum

Bene precare

Vade &amp; Vale.

Ad cornu epistolæ

Hic quoque

Viator

Paulisper pedem fige

Et lege.

In

Huius muri testudine

Conditi iacent

BERTHOLDUS III.

Dux Zaringensis filius natu maior Bertholdi II.

Frater Conradi.

Hic

Postquam Friburgum Brisgoiae

Condidit, Molshemii in Alsatia

Occubuit

Et in Capitulo Monasterii huius

Ante

SECVLVM  
XVIII.

Ante sedem Abbatis

Sepultus est

X. Cal. Mart. anno MCXXII.

BERTHOLDUS ET RUDOLPHUS

Filii Bertholdi II. fratres Bertholdi III. & Conradi  
Ducum, in adolescentia defuncti.

CONRADUS.

Filius Conradi & frater Bertholdi IV. Ducum

In pueritia

mortuus.

RUDOLPHUS

Episcopus Leodiensis filius Conradi, Bertholdi IV. frater

Qui

Caput S. Lamberti E. & M. Friburgum Brisg. transtulit,

Et ex Syriaca expeditione redux Herderae prope

Friburgum obiit, sepultusque est ad S. Petrum

Nonis Aug. anno MCXC.

Horum ossa Ulricus Abbas huc transtulit

Prid. Non. Oct. anno MDCCXXVII.

Abbas vero Philippus Iacobus sepulchrum

Eorum

Novo hoc monumento

Grata mente condecoravit

Cal. Aug. anno MDCCCLXVIII.

Tu vero

Viator

dic

Requiescant in pace

Iterumque vale.

Monasterii S. Petri iura advocatiæ an. 1626. a fratribus Ernesto & Philippo marchionibus Badensibus archiduci Ferdinando vendita, atque a Iodoco tunc abbate redempta, hætenusque iure pignoratitio a monasterio possessa Philippus Iacobus emta vindicavit eidem suo monasterio cum præfectura vicinarum vallium Escha, Iba & Gor an. 1780.

Alba domi-  
narum.

XLVI. Gravissima hodieque implicitum est controversia cum marchione Badensi monasterium Ord. S. Bened. a fluvio Alba (ad quem etiam situm fuit Gottsfaviense monasterium, dudum abolitum) dictum Alba Dominarum, non confundendum cum cognomine S. Mariæ ad poenitentes

tentes in urbe Moguntina. Huius controversiæ ob iura advocatica & territoriale felicem amicumque exitum sperabatur obtentura hodierna Sæculum  
XVIII.  
abbatissa M. Antonia de Beroldingen, ad gubernaculum assumpta an. 1775. succedens M. Abundantiæ de Stotzing, hæcque M. Gertrudi de Ichterheim mortuæ an. 1761. postquam ab an. 1715. quo Annæ Mariæ de Greith successit, monasterio præfuisset.

XLVII. Unum hodie, quod ad Nigram Silvam revocari queat, Ordinis Cisterciensis superest monasterium Tennenbacense in Brisgoia, ubi Placido abbati, quem superiore libro commemoravimus, successit Martinus Staiger vel Steger Villinganus, & per huius cessionem, ut habet Gallia christiana an. 1719. Antonius Metz Unterbaldingensis, huicque Leopoldus Muntzer germanus Francisci supra memorati abbatis Schutterani frater. Mortuus Leopoldus an. 1754. successorem habuit Benedictum Stœcklin Brisfacensem, hicque anno 1765. Maurum Berier, quo libere an. 1782. resignante, pedum abbatiale suscepit Carolus Caspar Reuth, qui unacum Marquardo Kreuther, Marquardi Herrgott ex sorore nepote studia sacratiora religiosus frater in monasterio S. Blasii absolvit, ea intentione a Benedicto Stœcklin abbate missus, ut, quod passim etiam ab aliis monasteriis a multis abhinc annis factum, missis scholasticis tricis, severiora utilioraque in suo deinceps monasterio docerent promoverentque studia.

XLVIII. Habet enimvero monasterium Tennenbacense sub sua cura Guntersthal.  
complura eiusdem Ordinis Cisterciensis cœnobia monialium per Sueviam  
& Nigram Silvam, atque inter hæc illustre Guntersthalense, quod mœniis Friburgensis urbis in Brisgoia propinquum hoc etiam sec. XVIII. dimidio fere non potuit non gravissimis infestationibus esse expositum. Ac primum quidem id experta est M. Francisca de Gramont difficillimis temporibus ab an. 1694. abbatissa, cum vix ultimis regiminis sui annis respirare posset, pace an. 1714. post captam an. 1713. urbem Friburgum reddita; qua vero semper fruita fuit M. Rosa de Neveu ab an. 1716. quo in locum M. Franciscæ sussecta est, usque ad an. 1728. quo defuncta eundem reliquit M. Francisca Caietanæ a Zur-Thannen, oriundæ ex Friburgo Helvetiorum in Uchtlandia, quæ brevi illo annorum 1733. & sequentis bello Gallico non impedita, ecclesiam & monasterium e fundamentis extruxit, & post obsidionem Friburgensem an. 1744. pace reddita 1748. fruita est usque ad mortem an. 1770. quando ei M. Francisca de Thurn successit.

SECVLUM  
XVIII.

Fridenwiler.

XLIX. Monasterium in Fridenwiler uti ad finem vergente præterito ; ita etiam seculo hoc XVIII. præter communes patriæ calamitates, varias domesticas per incendia est perpeßum sub M. Anna Röttlerin abbatissa iam inde anno 1687. usque ad an. 1723. quo defuncta est anno ætatis octogesimo octavo. Huic succedens M. Ursula Guglin de Rothenburg altero mox an. 1725. experta est conflagrationem monasterii sui ; cumque alias plerasque moniales necesse esset ad alia transmittere monasteria, ipsa cum paucis sociabus domo paupere, quæ superfuit, contenta, eo rem perduxit, ut & cæteras ad novum monasterium an. 1729. revocare potuerit, ecclesia vero an. 1731. consecrari a suffraganeo Constantiensi I. Franc. Antonio de Sirgenstein. Defuncta vero an. 1736. restauratrice, quæ adhuc deerant, restituit M. Iosepha Buckeisin per triginta tres regiminis annos, mortua an. 1769. succedente ei M. Benedicta de Thurn.

Neidingen.

L. In monasterio in Neidingen, cui an. 1699. M. Antonia Iolin patria Constantiensis præfecta abbatissa postquam viginti annorum spatio ecclesiam monasterium & confessorii ædes e fundamentis erexisset, anno demum 1727. abbatiam resignavit M. Catherinæ Gebhartin canonice die 28. Martii electæ & an. 1731. a Constantio abb. Salemitano solenini ritu benedictæ, an. 1755. defunctæ M. Frobenia Muthensturmin ex Benfelden succedente eodem anno, dum mox sequenti an. 1756. die 6. May scelestissima manus incendit hospitium & horrea, præsentissimo monasterii periculo, quod singulari B. V. Mariæ tutela, cuius imago hodieque maximo cultu in ecclesia celebratur, conservatum fuit, anno 1761. item dum vicina stabula ac horrea iterum in cineres essent reducta fulmine, quod anno sequenti brutum turræ ecclesiæ incescit. Mortuæ an. 1766. tot terroribus concussæ successit M. Hildegardis Schwabin a Germano fratre Anselmo II. abbate Salem. an. 1767. benedicta, cui an. 1774. mortuæ M. Afra Deuering successit. Seculo hoc XVIII. complures ex illustrissima gente Furstenbergica tumulo recepit conditorium gentilitium inde ab an. 1724. quo ibi sepultus est Antonius Maria Fridericus filius Maximiliani Francisci de Furstenberg lineæ Stuhlinganæ, an. 1747. Carolus Augustus filius Ludovici Augusti Egonis eiusdem lineæ, an. 1755. Io. Nepomucenus, an. 1759. Maria Anna Iosepha, an. 1761. Carolus Alexander, an. 1771. Carolus Egon singulæ proles Iosephi Wenceslai principis ditionum imperialium in Donaueschingen ; coniux M. Iosepha nata comitissa de Fridberg-Trauchburg defuncta a. 1782. eidem conditorio illata fuit post Iosepham Mariam Philippinam Philippi



lippi Mariæ Iosephi principis de Furstenberg lineæ Bohemicæ filiam mortuam an. 1780. Sæculum XVIII.

LI. Institutum non solum sanctimonialium, qui cum Maria ad pedes Domini sedent, sed etiam Carthusianorum, Camaldulensium & aliorum eremitarum ordo & vivendi ratio, quæ contemplativa dicitur; maximos hodie habet adversarios. Carthusia Friburgensis.

In Nigra Silva nostra una est Carthusia Friburgensis; quæ cum ultra dimidium huius seculi eam venerationem & existimationem conservasset, quam præteritis proxime seculis etiam in orbe litterario sibi conciliarat; disciplinaque regularis floreret sub Prioribus Georgio Hentger, qui ex carthusia Molshemenfi in Alsatia Prior an. 1694. evocatus, vita functus an. 1711. Brunonem Bürgin, & an. 1742. Benedictum Krayser, utrumque Friburgi natum, successores habuit; ultimis postremi huius Prioris annis primisque eius successoris P. Athanasii Kolb, dum res familiaris profectum quendam singularem nacta mentiretur, concuti cœpit; quibus malis dum prospicere quibuscvis modis ac viis conatur solertissimus P. Prior, res tamen semper in deterius ruit, infestina paucorum, status sui pertæforum, monachorum factione; ita ut iam an. 1776. actum de carthusia hac insigni crederetur, uti in act. histor. eccles. a) Vinariensibus legere est, falso tunc rumore sparso, veluti tamen fatidico. Iam enim decreto cæsareo, an. 1782. cum aliis eiusmodi monasteriis aboleri iubetur carthusia Friburgensis. a) T. III. p. 549.

LII. Classicum cecinere seculo hoc scriptores quidam eius sententiæ, quam iam S. Augustinus notavit in aureo de moribus ecclesiæ libro: *Videntur nonnullis monachi res humanas plus, quam oportet deseruisse, non intelligentibus, quantum nobis animus in orationibus prosit & vita ad exemplum.* Aliud foret, si suapte flaret res humana, nec divinis regeretur consiliis, neque locus esset consiliis illis, quæ vocantur evangelica, data a Christo, & hæc in ecclesia catholica sollicitè custodita in statu regulari, ab illo præsertim tempore, quo in concilio Augustodunensi an. 670. dum ad regnum Francicum etiam pertinuit Alemannia, atque adeo Nigra Silva nostra, provisum in hanc sententiam fuit; *Si regularis vigeat observantia, & numerus monachorum Deo propitio augebitur, & mundus per eorum orationes omnibus carebit contagiis.* Erant tunc difficillima illa irruptionum barbaricarum secula, quibus sibi S. Gregorius M. unicum contra calamitates publicas præsidium collocarat in ancillis Dei, quas tunc fuisse memorat Romæ 3000. quia, ait, b) si ipsæ non essent, nullus nostrum iam per tot annos in hoc loco subsistere inter Longobardorum Status & disciplina regularis. b) Lib. VII. Reg. epist. 26. p. 872.

SECVLUM  
XVIII.

a) Luc. X.  
40.

*dorum gladios potuisset. Dum Moyſes in oratione extentas habebat manus, ſuſtentatas etiam laſſatas a fratre Aaron & Hur, vincebant Iſraelitæ; quod exemplum non inepte ad inſtituta monaſtica applicatur, in quibus alii res huius vitæ curant, ut cæteri cæteræque eo intentius divinis vacare poſſint rebus, veluti ad pedes Domini Maria; contra quam dum Dominum a) interpellat ſoror Martha, quæ ſatagebat circa frequens miniſterium, occupata quidem in miniſterio Domini: Domine non eſt tibi curæ, quod ſoror mea reliquit me ſolam miniſtrare? Dic ergo illi, ut me adiuvet! reſponſum tulit: Martha, Martha, ſollicita es, & turbaris erga plurima. Porro unum eſt neceſſarium. Maria optimam partem elegit, quæ non auferetur ab ea. Hanc ſibi partem elegiſſe, nemo hæcenus in eccleſia catholica dubitavit, quibus felicitas ſtatus, religioſi obtigit in cœlibatu iuxta apoſtolum I. ad Cor VII. 20. 24. ubi, poſtquam iterato dixiſſet: Unusquiſque, in qua vocatione vocatus eſt, in ea permaneat: & Unusquiſque in quo vocatus eſt, in hoc permaneat apud Deum, mox ſubiungens quidem: De virginibus autem præceptum Domini non habeo &c. poſtea tamen utrumque comparans ſtatum matrimonii & continentię: Qui ſine uxore eſt, inquit, ſollicitus eſt, quæ Domini ſunt, quomodo placeat Deo, qui autem cum uxore eſt, ſollicitus eſt, quæ ſunt mundi, quomodo placeat uxori, & diviſus eſt. Et mulier innupta, & virgo cogitat, quæ Domini ſunt, ut ſit ſancta corpore & ſpiritu. Quæ autem nupta eſt, cogitat, quæ ſunt mundi, quomodo placeat viro. Porro hoc ad utilitatem veſtram dico: non ut laqueum vobis iniiciam, ſed ad id, quod honeſtum eſt, & quod facultatem præbeat, ſine impedimento Dominum obſecrandi.*

Hoc imprimis ſecundum ſpîritum perinde ac litteram complet inſtitutum perpetuæ adorationis SSmi. altaris ſacramenti ad inſtar veluti monachorum veterum Græcorum, quos acœmetas ſeu inſomnes vocabant, quod olim etiam inſtitutum in Ordine S. Benedicti habuit affectas, qui ſeſe in diverſos choros dividentes, mutuo ſibi ſuccedentes orationem continuabant inceſſanter, ut nullum diei aut noctis momentum vacaret a divinis laudibus. Inſtitutum hoc, ritu ſineque ſanctiſſimo cœptum, iterum a monialibus perpetuæ adorationis, ut ſuperiore iam libro memoravimus, primum apud celeberrimum Portus regii monaſterium prope Pariſios poſt initia ſec. XVII. poſt medium vero eiuldem ſeculi propagatum in ſuburbio S. Germani & alibi, paulatim nobis propinquius, non ultra Vogelum tamen oppoſitosque trans Rhenum montanis Nigræ Silvæ noſtræ ſaltus Lotharingicos præterito ſeculo pertigit; hoc autem demum ſeculo

seculo iam vergente in cœnobio monialium Beroviensi congregationis San-Blasianæ susceptum est, prout iam fuerat confirmatum ab Innocentio XI. an. 1676. a Clemente vero XI. an. 1705. postquam regula S. Benedicti, ad hunc sanctissimum ritum accomodata, edita esset Romæ, in Germanicam linguam translata a P. Columbano Luz Elchlingano monacho Ord. S. Bened. congreg. Suevicæ S. Spiritus per diœcesin Augustanam,

Præter hanc in Germania nostra, post Bursfeldensem pene abolitam, vigent congregationes Bavarica SS. Angelorum cultodum, Suevica altera S. Iosephi, in Nigram Silvam nostram per diœcesim Constantiensem excurrent, perinde ac Alsatica per Argentoratensis diœcesis partem cis Rhenanam; Helvetica S. Mariæ an. 1702. solemni ritu iubilæum celebravit in principali monasterio S. Galli. Celebrantur vero in omnibus huiusmodi congregationibus statim conventus, capitula & visitationes ad conservandam integram & illibatam disciplinam regularem, aut collapsam iuxta præscriptum concilii Tridentini restaurandam, prout necessarium esse censuit Sess. XXV. non ignorans, *quantum ex monasteriis pie institutis, & recte administratis in ecclesia Dei splendoris atque utilitatis oriatur, quo facilius & maturius, ubi collapsa est vetus & regularis disciplina, instauretur, & constantius, ubi conservata est, perseveret &c.*

Uti vero corpus non exuunt, qui a seculo exeunt vitam regularem professi (quos nos Germani promiscue, etiam clero seculari additos, appellamus *Geistliche, Spirituales*) ideo angelos nos non esse profiteamur, homines labiles perinde ac alii omnis conditionis & status, qui eliminandi forent, si ob vitia & corruptelam, etiam subinde late grassantem, id faciendum foret: quam ob rem homines nos eandem hanc etiam nobis indulgentiam expostulamus. *Monachi falsi sunt, ut cum S. Augustino loquar a), & nos novimus tales; sed non perit fraternitas pia propter a) In Psalm. eos; qui profitentur, quod non sunt: tam sunt enim monachi falsi, quam cxxxii. & clerici falsi & fideles falsi.*

Id vero nemo facile inficietur, in monasteriis religionem conservari integriorem, vitamque institui ad evangelicam perfectionem virtutesque prosequendas aptiorem, & securiorem ad salutem consequendam, atque ab obstaculis, quæ caro, mundus & dæmon continuo ingerunt, remotiorem, non præceptis solum sed etiam consiliis evangelicis conformem, quorum sibi necessitatem sponte imponunt religiosi per vota solemnia, quibus Deo se devovent, intemerate servanda, nec sine sacrilegio violanda.

SECVLUM  
XVIII.

a) *Hist. de*  
*France* p. 4.

Locus religioni huic institutoque monastico eo aptior semper est habitus, quo a seculi tumultu remotior, qualem nos hæcenus in *Nigra Silva Ordinis S. Benedicti* colonia sumus prosecuti a prima sua origine, aliundeque idem constat non solum de præcipuis Germaniæ nostræ monasteriis; verum id etiam de amplissimo Francorum regno id in sua historia assertum ivit a). Legendre, novissimeque de Belgio imprimis Flandria De Nelis, culturam a monasteriis a seculo VII. Bruxellis primum cœpisse ostendit. (Vid. *Memoires de l'academie Imperiale Royale de sciences &c.*)

Cura anima-  
rum.

LIII. Quod porro Mabillonius observavit, Germaniam Ordini S. Benedicti debere religionis cultum, id singulariter demonstravi de *Nigra Silva* nostra, dicique ac intelligi debet non solum de propagatione, sed etiam conservatione catholici religionis per potissimam *Nigræ Silvæ* partem, ubi ea hæcenus præservata fuit ab illo maxime tempore, quo a tot iam seculis communiter sacerdotio etiam funguntur monachi, & ad curam animarum promiscue exponuntur, suntque monasteria veluti seminaria, in Germania præsertim, uti olim, ad disseminandam fidem ita deinceps ad eam, iam plantatam, fovendam, aut tuendam hodie imprimis, quando non solum fides catholica, sed etiam religio christiana universim periclitatur apud plerasque hominum conditiones, iis exceptis fere, a quibus ratio status sui Deo & religioni consecrati exposcit intemeratum eius studium & cultum non solum apud semet, sed & alios cura animarum commissa, quas vel in foro conscientie interno sacri tribunalis, vel etiam munere pastoralis dirigendas regendasque suscipiunt monachi non novitii, aut iuvenes, sed maturi ætate & moribus, diuturna disciplina exacti, moribus & scientia in theoria & praxi paulatim efformati, ac per gradus idonei reddit. Qui si postea tales se non prodant probentque, aut etiam alio quocumque demum modo exorbitent deficientque, sine aliqua difficultate revocantur ad monasterium vel ad officium, multo utique promptius non investiti, sed ad nutum superiorum amovibiles in Germania atque adeo *Nigra Silva* nostra indultu pontificum & episcoporum, qui, ut non semel ex eorum præcipuorum ore audire licuit, plerumque monachis pastoribus favent, gaudentque, etiam si quandoque in curia aut per diocesim reperire sit, qui sint aliter animati. Episcopi vero, dum considerant, se perinde genuisse filios clericos sacerdotes quoscumque sive regulares sive seculares uno eodemque caractere insignitos, dumque æque omnes paterno prosequuntur affectu, filialem quoque eandem utrinque reverentiam exposcunt.



exposcunt, eademque officia; quod ipsum sibi etiam ab utroque ordine <sup>Sæculum XVIII.</sup> exposulat ecclesia ad sacras functiones circa corpus Christi verum & mysticum.

De dignitatibus hierarchicis non est, quod commemorem, quas sibi proprias potissimum illustres familiæ vindicant, olim ut etiamnum alicubi in Italia Benedictino nomine gloriati, ubi in regno Neapolitano & republica Veneta plures etiam archiepiscopales sedes tenent Benedictini, passim quoque hoc adhuc seculo ad purpuram Romanam assumti. Ex statu etiam religioso duos hoc seculo XVIII. numeramus pontifices maximos Benedictum XIII. & Clementem XIV. qui dum non suo, sed summorum principum instinctu & voluntate Iesuitarum ordinem abolevit, miraretur hodie, si revivisceret, longe aliter de reliquiis, ut salvæ sint, statui, iuxta parabolam evangelicam de patrefamilias operarios conducente.

LIV. Uri vero *unicuique*, iuxta apostolum a), *datur manifestatio spiritus ad utilitatem*: alii quidem per spiritum datur sermo sapientiæ: alii vero sermo scientiæ secundum eundem spiritum &c. nullum est eruditionis sacre caput, quod non fuerit excultum sec. XVIII. in Nigra Silva Benedictina, ut iam attigimus partim singillatim de monasteriis monachisque doctrina claris agentes, partim vero opera in lucem edita loquuntur in omni genere scientiarum, ducto exordio a verbo divino in sacra scriptura & traditione sacre scripturæ interprete, prout eam nobis succincte exhibent in suis bibliis doctissimi Cartierii Ettenheimensesque sodales: scientiam vero sanctorum in ascesi christiana & religiosa inter alios tot nobis vulgatis libris exposuit P. Dornblüt Gengenbacensis.

Studia litterarum.  
a) 1. Cor. XII. 8.

Præcipua ad interpretandas sacras scripturas subsidia in linguis orientalibus excoluerunt sodales PP. Fintanus Linder & Aemilianus Ussermann non tam editis grammaticis operibus ac etiamnum edendis Lexicis, quam viva voce concurrentibus undique ad monasterium S. Blasii diversi Ordinis religiosi, alii vero in academiis Salisburgensi & Friburgensi eadem rudimenta earundem linguarum hermeneuticesque sacre capientibus. Quæ aliæque partes studii theologici, prout a direttore studii theologici Steph. Rautenstrauch abbate Brunaviensi O. S. B. Viennæ sunt ordinatæ, atque in systema redactæ, dici etiam possunt in Nigra Silva veluti præmanæ.

De iurisprudentia sacra nihil dicam, quæ est in aliam reducta formam a Rieggeris patre & filio, qui quidem non sunt ex nobis, ex Nigra  
tamen

SECVLUM  
XVIII.

tamen Silva oriundi Villingæ; ubi scholas publicas tenent Benedictini San-Georgiani, excepta theologica quidem facultate; ut tamen in officio contenti scholares melius quam alibi pietate christiana imbuantur. Est hæc ac fuit semper, eritque parentum de salute proles sollicitorum cura & pium desiderium, ut eam scholis claustralibus traderent a teneris annis imbuendam, ubi ad instillandum quovis modo pietatis devotionisque christianæ sensum, passim nostro adhuc ævo choro psallentium statis diebus & horis in toga etiam monastica adesse solebant, ac alibi etiamnum sunt.

Pars vero illa præcipua in cultu publico officioque divino a Benedictinis etiam Nigrasilvanis est illustrata, viaque complanata ex ardenti plurimorum voto pro reformandis, religiosiusque ordinandis libris ad publicum officium divinum pertinentibus, breviario imprimis, ut vocant, suscepto primum in Nigra Silva eiusmodi, quo singulis hebdomadis iuxta regulæ S. Benedicti præscriptum integrum psalterium, per annum vero potissima S. scripturæ pars decurrit per singula responsoria, antiphonas & lectiones præter selectissimas alias ex SS. Patribus, & ad historię veritatem quam exactissimas.

Historię porro vix ulla est pars, quæ non fuerit in Nigra Silva sæculo hoc XVIII. exulta sacra & profana, patria imprimis per Herrgottum, Heerium & alios, qui etiamnum eo in labore defudant ad illustrandam patrię historiam sacram & profanam pro usibus etiam academicis: eo vero potissimum consilio, ut alii aliarum etiam provinciarum amplissimæ Germanicæ nationis ad idem opus præstandum in suis regionibus extimulentur, quo per huiusmodi accuratas historias singularum provinciarum via complanetur ad universalem Germaniæ sacræ & profanæ historiam æquisite & solide (quod unius aut etiam paucorum opus non est) conscribendam: quo hic noster collimat labor, historia item episcopatus Constantiensis, quam præ manibus habet ex meis P. Trudpertus Neugart, Brisgoiæ vero & aliarum anterioris Austriæ ditio- num P. Franciscus Kreutter Herrgotti ex sorore nepos, pro usu scholarum. Historia diœcesis Constantiensis, in qua situm est monasterium S. Blasii, iam parabatur antequam propositum dudum quidem in mente habitum, firmatum penitus esset, integram elucubrandi Germaniæ Sacræ periodum: cui iam sedulo incumbitur, non apud nos tantum in congregatione S. Blasii, sed aliunde etiam invitatis sociis, imploratisque Mæcenatibus, & operariis ad conferendas symbolas, ac subsidia diplomatica imprimis pro solida, quam fieri poterit, rerum pertractatione maturato ta-

men

men consultius, quam accelerato opere, ne præcoci partu expectationem falleremus, & emendationes ac supplementa demum submittere cogeremur.

SECVLVM  
XVIII.

Taceo alios litterarum in ordine nostro cultores, qui nunquam in Nigra Silva nostra defuerunt, cum alicubi etiam alia consilia caperentur de promovendis litterarum studiis. Coniunctis hoc viribus, intendebat societas litteraria Germano-Benedictina, qualem in historia rei literariæ Ord. S. Bened. adumbrat P. Magnoaldus Ziegelbaur: & postea de erigendo communi per Germaniam seminario ad excolenda instar Patrum congregationis S. Mauri studia. Iam etiam supra aperuerat Pauli abbatis Gengenbacensis in Nigra Silva consilium de collegio Germanico pro religiosi Benedictinis constituendo, alia item aliorum Benedictinorum per provincias varias præclara de litterarum studiis merita, conatus & labores nostro hoc perinde ac aliis retro seculis, ut nemini in orbe literario non peregrino clam est, passim publicis quoque testimoniis a Protestantibus præprimis assertum, gratanterque in suis scriptis agnitum. Locum unum affert pro mille P. Ziegelbauer ex conspectu rei literariæ Christoph. Heuman, ubi de nostra ætate profitetur, monachos quoque otio suo uti cæpisse ad strenue colendas litteras: maxime Benedictinos & Iesuitas de eruditionis palma inter se certasse.

Mox vero laudat imprimis Benedictinos, qui Patrum ecclesiæ editionibus adornandis immortalem laudem consecuti sint in Gallia, ubi nostri iam acerbe queruntur de retardari iussa solemnī professione monastica ad annum ætatis vigesimum primum tantum, cum alibi gentium ad vigesimum quartum, aut quintum usque protendatur. Qua de re Card. Palavicinus actum in concilio Tridentino a) memorat, paratumque fuisse canonem, quo statuebatur, fas non esse, regularem professionem emitti ante annum decimum octavum, Bartholomæum de Martyribus vero archiepiscopum Bracharensem virum claustrī peritum prævalide dehortatum esse Patres ab eo consilio, afirmando deteriorem plerumque fructum reddi cœnobiis ab iis, qui a teneris annis illic sati non fuerint, adeoque adhuc illæsi a vitiis laxioris libertatis; satius esse sancire, ut fas esset, Professionem emitti anno decimo sexto, ut factum.

a) Hist. conc.  
Trident. lib.  
XXIV. c. 6.

LV. E re publica est, atque etiam nunc maxima agitur contentione, ut monasteria & monachi quam utilissimi sint statui politico; ad hunc vero obtinendum finem ea imprimis sunt adhibenda consilia, quæ commodis & utilitatibus utriusque quidem reipublicæ consentanea sunt, imprimis tamen sacræ; ad quam personæ quæque ecclesiasticæ & reli-

Statu tem-  
poralis.

SECVLUM  
XVIII.

giosæ pertinent, in statu etiam politico civitate donatæ. Nigram Silvam ipso hoc opere demonstravimus Ordinis S. Benedicti coloniam: Benedictino Ordini nempe Nigram Silvam in acceptis referre culturam soli, excisis silvis & lucis, petris disruptis terram fertilem redditam, adductis colonis, quorum ingenia & animas ad officia humanitatis & religionis excoluerunt. Cum ecce proxime elapsis seculis per principes a fide catholica deficientes magna Nigræ Silvæ parte emigrandum ipsis fuit iterato, postquam restituti fuissent seculo præterito pietate & potentia Austriacorum principum ac Imperatorum, qui pleraque monasteria in ditionibus protestantium sita addixerunt coniunxeruntque monasteriis earum gentium, apud quas illibata fuit avita religio catholica, & cum ea religio etiam monastica hætenus conservata ab illis, qui se Ecclesiæ membra esse gaudent, Ecclesiamque auscultant & venerantur, atque eidem consultum volunt in rebus ad religionem pertinentibus. Et siquidem sortem personarum Ecclesiæ singulariter addictarum augere nolint per legem amortizationis, quæ haud pridem in Nigra Silva catholica obtinere cœpit, saltem ne minuant sive in personis, sive in rebus, quas legitime possident, atque etiam ut suas legitime, ut quisque alius in republica, hætenus administrant, ordinant, dispensant: ne quid iuris aut rerum demendum existimetur communitati ecclesiasticæ, quæ ei sunt communes cum statu politico, in quo est membrum haud utique ignobile, hodieque restricta immunitate perinde onera reipublicæ portat, cur non & favoribus gaudet?

Quando Petrus Christum interrogavit: *Ecce nos reliquimus omnia, & secuti sumus te, quid ergo erit nobis?* Christus apud Lucam promisit centuplum in hac etiamnum vita cum persecutionibus. Experta est hoc semper Ecclesia, societatesque religiosæ, ubi abdicata quidem singulorum proprietate, res tamen in communi eodem, quo a quocunque alio cive reipublicæ, possidentur iure, sive donationibus inter vivos, sive per testamenta, instrumentis publicis firmata a summis etiam principibus, confirmatis titulis quibuscunque foundationum, donationum, concambiorum seu permutationum, emptionum & quorumcunque aliorum contractuum, quibus suus semper in humana societate vigor fuit & integritas, ac esse debet, nisi omnia susque deque verti debeant in commercio vitæque humana: ubi suis cuique rebus uti fruique licet exceptis oneribus publicis & communibus, ut tamen salva & integra cuique sit rerum suarum proprietas atque etiam per summas potestates ab alienis in vasoribus tuta, & inviolabilis per ipsam naturæ legem & gentium: quin lex Christi ul-

lum



lum suorum quocumque in statu bonorum temporalium incapacem statuatur vel in communi, prout in communitatibus religiosis fit, legitime possidendorum, aut hactenus, forte iam per secula aut etiam mille & amplius annos possessorum. Siquidem vero pro lubitu per rerum vices, aut alium prætensum etiam meliorem usum seu propter abulum permutati rerum vices, vel rei proprietatem auferri par sit, non uni potius quam alteri civium hæc iniuria ferenda foret, communique periculo expositæ essent res singulæ singulorum, & cunctæ cunctorum. Quid vero si, ut sunt res humanæ, de gradu usus rerum vel abusus, maiori nempe aut minori abusu rerum statuendum esset inter varias hominum in republica conditiones & status utriusque ecclesiastici & politici; an contra illos decernendum foret, qui in communitate eodem semper per sacratas leges præscripto ut potissimum & restricto victu, habituque communi nequicquam pretioso utuntur, nihilque ipsi proprietatis singuli habent, quod non dicam profundere & dilapidare, sed vel uti saltem pro suo lubitu queant, & non secundum regulam & leges communes ordinum singulorum, quæ sancta esse omnia & inoffensa palam est omnibus, & ad eum salutarem finem intenta, qui communis est nostrum christianorum omnium, ad quem aspiramus, non huius tantum vitæ caducæ in hoc mundo, sed æternæ in cœlesti patria, ut sic transeamus per bona temporalia, ut non amittamus æterna. Amen.

O. A. M. D. G.

*Corrigenda.*

- |   |  |
|---|--|
| p. 8. lin. 2. <i>unus</i> leg. <i>sumus</i>                 | p. 320. lin. 35. <i>rectorum</i> leg. <i>rectorum</i> .      |
| p. 12. lin. 10. <i>eiusque</i> leg. <i>cuiusque</i> .       | p. 402. lin. 26. <i>u</i> leg. <i>ut</i> .                   |
| p. 14. lin. 11. <i>sororis</i> leg. <i>sorori</i> .         | p. 431. lin. 5. <i>abbatia</i> leg. <i>abbatiam</i> .        |
| ibid. lin. 12. <i>dominium</i> leg. <i>dominium</i> .       | p. 472. lin. 33. <i>et hic</i> leg. <i>passim</i> .          |
| p. 56. lin. 13. <i>pascuarum</i> leg. <i>pascuarum</i> .    | p. 473. lin. 6. <i>media</i> add. <i>inter</i> .             |
| p. 96. lin. 30. <i>ligneo</i> leg. <i>ligneo</i> .          | ibid. lin. 11. <i>foruli</i> 2. leg. <i>foruli</i> 2.        |
| p. 118. lin. 28. <i>anni</i> leg. <i>annis</i> .            | p. 475. l. 26. <i>Reuschenius</i> leg. <i>Preuschenius</i> . |
| p. 190. lin. 18. <i>proscripta</i> leg. <i>proscripta</i> . | p. 476. lin. 9. <i>factam</i> leg. <i>facta</i> .            |
| p. 204. lin. 34. <i>sua</i> leg. <i>sua</i> .               | ibid. lin. 13. <i>invidium</i> leg. <i>invidus</i> .         |
| p. 219. lin. 37. <i>usque</i> leg. <i>usuque</i> .          | p. 480. lin. 25. post <i>filius</i> leg. <i>Antonius</i> .   |
| p. 240. lin. 27. <i>fundatore</i> leg. <i>fundatore</i> .   | p. 496. lin. 9. <i>auctoritate</i> leg. <i>auctoritate</i> . |
| p. 288. lin. 6. <i>omnium</i> leg. <i>omnium</i> .          | p. 504. lin. 16. <i>eaqua</i> leg. <i>eaque</i> .            |
| p. 307. lin. 22. <i>pia</i> leg. <i>pias</i> .              | ibid. lin. 34. <i>qaam</i> leg. <i>quam</i> .                |








Fig. 11. Plan of the building of the American Legation in Mexico City.




Fig. 12. Plan of the building of the American Legation in Mexico City.






211. 211. 211.



1000



















*image  
not  
available*

